





chi l'a pi 'd fil farà pi 'd teila

Ex libris

LUIGI FIRPO

24. 4. 10.

FIRPO

2395

BIBLIOTECA NAZIONALE
TORINO



JO. BARCLAY

ARGENTIS.

CVM CLAVE,

hoc est,

Nominum propriorum eluci-
datione hactenus non-
dum edita.

EDITIO NOVISSIMA,
*prioribus emendatior
& Correctior.*



Prostant

FRANCOFVRTI,

Apud CLEM. SCHULICHIVM.

ET

LVGD. BATAV.

Apud IACOBVM MARCI.

ANNO MDCCXXIV.



MAGNIFICO D. RECT.
CLARISS. D.D. PROFESS.
in Regiomontana Borussio-
rum Vniversitate.

S.D.

NUnquam , Magnifice
D.Rector, Virique Cla-
rissimi, steterunt impe-
ria diu, ubi Principum
aliorumque fuerunt rebelliones
divellentes animorum consensus;
quî enim stare possunt, dum fun-
damenta cadunt , quæ æter-
num firmat concordia. Concor-
dia facit longius duratura impe-
ria, discordiâ ac seditionibus ad
exitia quasi certatim omnia pro-
perant. Cadunt enim injustâ vitii
licentiâ jura ac privilegia, quo-
rum adminiculis suffulta tota fir-
miter stare debebat Resp. Ferunt
feralia saltem in cinere vel cruore,
dum jam non possunt in vigore,
horrendi hujus vitii documenta,
collapsa imperia, quæ corruerunt,
vi vitii, dum virtuti amplius ea
non fas erat servare. Non dicam
* vetera,

EPISTOLA

vetera, ostensurus ea ab ipsa clade
adhuc calentia, & quæ nobis satis
calamitose proh dolor præsentia
concedunt tempora ! Tot pro-
fectò ruinas fecit discordia ac re-
bellio, quot ipse orbis fere regna
habet. Labascunt corpora, dum
per morbum partes discordem pa-
tiuntur invidiam; Imperia cor-
pora sunt, quæ labuntur, dum in
diversum eunt invidiose membra
per discordiam. Hujus detestabi-
lem rebellionis genium in Princi-
pibus aliisque satis acute ostendit
Magnus Barclaius in Argenide,
qui ad vitii hujus magnitudinem,
etiam cum quadam gravitate con-
tulit magnam styli amarulentiam.
Usurpavit autem de industria in-
volucra, non ad rerum obscurita-
tem, sed quo aliquid vel divini,
vel se tantum Satyricum testaretur;
Dii enim semper dubiam re-
liquerunt antiquitatem loquen-
tes ei per oracula, quo imper-
scrutabilia demonstrarent inferio-
ri menti sua decreta; Verum non
subin-

DEDICATORIA.

subinviderunt plane subsidia, dum
 substituerunt Vates, quorum ope
 licebat divinas penetrare mentes;
 Sic acutus Barclaius non undiqua-
 que difficilem suæ mētis præcluserat
 aditum, dum per alium nobis por-
 rexerat clavem abdite suę mentis. Et
 Felicissimo me hercle auspicio,
 neq; enim generosus hic generosi
 ingenii foetus invidis ignorantia
 tenebris damnari debuit, quo tam
 præclara ac sana omni ævo myste-
 ria penetralibus suis eruta publico
 bono ac privato inseruirent, quip-
 pe quæ præsentem præsentium re-
 rum genium quasi in tabula depi-
 ctum, fabulaque expressum clarif-
 mē ac vivide exhibent. Repetii
 præsentem authorem ad prælum,
 qui quidem jam multoties sub eo
 ferbuerat, quia frequentes Studio-
 rum manus fere eundem distra-
 xerant. Volui autem sub vōstra
 lauru iterum tersiore typo à me
 excusum authorem, quo valeret
 contra aliorum impetus. Jussit
 quædam quasi innata propensio

EPIST. DEDICAT.


qua in vestram Borussorum Uni-
versitatem totus propendebam.
Voluerunt etiam Clarissimorum
Virorum beneficia, quæ eo tempo-
re mihi licuit usurpare, ex quo fre-
quentabam illorum conversatio-
nes. Interpretabimini saltem vo-
luntati dum majora non possunt
vires. Valete Magnifice D. Re-
ctor, Virique Clarissimi vera Ve-
stræ Universitatis lumina, atque
vivite diu magna Vestræ juventu-
tis literariæ commoda. Lugd. Bat.
Anno vitæ reparatæ cło lxxxiv.
Ipsis Nonis Juliis.

V.V, non morituris Nominib.

devotus

IACOBVS MARCI.

Sere-



Serenissimo & Potentissimo

PRINCIPI

L V D O V I C O X I I I ,
Galliaë & Navarra Regi
Christianissimo, &c.

J O . B A R C L A I V S
S. D.



N O V O isti generi
scriptionis, nec forsi-
tan in Latinis ante
viso, L V D O V I C I
Rex Christianissime,
ut faveas ipse, & fa-
voris publici viam regia humanitate
aperias, facile poteris exorari. Nun-
quam enim hæc bella, hos casus, regno-
rumque discrimina, & amores pudica
juventutis, quos habet iste liber, Tu
illo flore ætatis, illa vivida indolis le-
titia, tam capaci ad seria & remissio-
nem ingenio contemnes. Videbis vir-

EPISTOLA

*tutum vitiorumque certamina, nulli
 libi quam vestris in Aulis atrociora.
 Despicies quid indulgentia Regum pec-
 caverit, quidve audacia. Oderis pu-
 blicæ paci infestos, gaudebisque mul-
 tari: Tuas sæpe virtutes reperiēs: Tua
 in aliis Heroibus simplicius facta mi-
 raberis; Popularem denique tuum, tot
 fatis, tot hostibus exercitum Poliar-
 chum, ipsa virtutis & dignitatis simi-
 litudine habebis chariorem: Nec pol-
 lues sanctitatem fame tuâ, quæ Te vi-
 rum & Regem ab inassueti candoris
 fortitudine celebrat, si amabis Argeni-
 dem. Satis denique se hic liber Tua
 Majestati probabit, si intelliges, in illo
 aliquot Principum laudes referri. Tua
 enim interest, ut qui tot historiarum
 materiam Orbi daturus es, jam nunc
 literis faveas, Regum vitam quacun-
 que ratione narrantibus: Ibunt Mu-
 sæ, exemplo licentiaque quam feceris,
 per Optimatum domos, miscebuntque
 se juventutis colloquiis, & provec-
 tionum seria utilissime excolēt. Nec aliud
 ingerent sæpius quam tui nominis do-
 tes, in quo omnia ad aternitatem
 fama*

D E D I C A T O R I A.

fama conspirant, nobilissimo regno & indole nobiliori. Nam altissima Europa in scena, solio emines gentis illius, quæ nunc armis peragravit arcana Orientis adhuc Franciscum nomen horrentis, nunc vicinioribus bellis eo fato efferbuit, ut regiones ægre reperias quæ non aliquando Gallicæ gloriæ ditionique accesserint: cujus denique viribus, ubi ipsa sibi consentit, nihil nimium est, nihil impervium; quæ autem pietate & religionum amore præcipua, nescit posse quod posse non debet. Iam vero iis Tuam Majestatem moribus numen finxit, iis casibus pueritiam & juventutem Tuam erudiit, ut videatur aliquid à fortuna Tua majus Gallia expectare, quam dederit ipsa Tibi. Eo enim parente es genitus, qui vel confessione hostium sæculi sui summus, Magni cognomen ferre vivus debuerat, quod Vos modestius extincto addidistis: Tali scilicet authore ingenerari debuit Tibi virtus, & ad gloriæ successionem cupiditas inseri. Is autem vix octuenni tibi raptus: Quippe hoc modo elucere optime potuit Numinis cura

EPISTOLA

Tuae Majestati propitia, propriaque
 virtuti seges dari, ne omnia Patri de-
 beres. Nam eo sublato motus sensim
 exarsere in Gallicis animis plerumque
 ad vicariam contumacibus potesta-
 tem, & mox arma civilia, dum Tu,
 Nobilissime Regum, jam virilis con-
 scijs sensus, prosperares enatare ex pue-
 ritia ad aetatem firmiorem. Praeveni-
 sti tandem annos, momentoque compo-
 suisti patriam pene everfam. Sed us-
 crebrioribus triumphis tua se fama
 per hominum ora inveheret; saepe
 deinde arma gentilia novis ac pene
 anniversariis tumultibus exsonue-
 re, totiesque oppressisti factiones hoc
 ipso stupentes, quod prater spem Tui
 vindex adesses. Ivisti, circumculi-
 sti regia signa, denique pugnavisti. Il-
 lico multis ceciderunt sponte arma,
 multis excussa sunt. Hi Tuam virtu-
 tem amaverunt, illi timuerunt foe-
 licitatem. Tu vero magnitudine ani-
 mi effecisti, ut omnes dubitent plus fue-
 rit in fortitudine an clementia tua. Vi-
 ctor enim eas ut plurimum leges scripsi-
 sti, propter quas vincere isti voluerant.

Cete-

DEDICATORIA.

Ceterum, quamquam imbutus r-
 gia armorum voluptate, non his ta-
 men, plus iusto indulgens, passus es bel-
 li malis pacem esse infestam: nec acrior
 sceptri vindex fuisti quam deinde sa-
 lutis singulorum: impio more sublato,
 qui jubebat Gallos tuos, levibus inter se
 rixis commissos, passim jugulum suum
 dare, aut petere alienum. Hæc atrox &
 pestilens lues tantum Gallici cruoris ex-
 hausit, ut vix plura gladiatorum paria
 olim Romanorum arena conspexerit. V-
 su quoq; & fama populari invaluerat
 insania: quia illi vitio ex virtute, sed
 corrupta, erat semē. Quoties tota stirpes
 excisa? quoties emeritorum patrum se-
 nium, aut ignaram misere prolis pue-
 ritiam hæc furia orba vit? An spes esset
 adeo efferum morem, qui multorum to-
 ties Regum, & ipsa maximi tui Patris
 edicta, contumaci audacia eluserat,
 ad Tuam adolescentiam vocem expiratu-
 rum? Voluisti: sed non perfunctorio nu-
 tu: Strinxisti auctoritatis tua arma:
 haud mora confectus est. Addat Nu-
 men Tuum vitæ illos annos quos à juven-
 ente Gallica perire vetuisti. Tibi illa
 * 5 serva-

E P I S T O L A

servabit; & si Tua Majestatis & patriæ res exposcent, spiritum reddet, quem privata & intempestiva odia, nisi cavisses, geminata morte merisissent.

Magna hæc quidem, Rex Christianissime, pace belloque laudes. Adhuc tamen mihi intactum est quod in tuis præconiis potissimum eminet: Religionis cura, Numinis cultus. Subactæ provinciae, ut sanitatem pati incipiant: & in ultima illa ad Iberiam Galliae ora, templis reddita sacra, sacris Pontifices, Pontificibus securitas. Sed hæc magna majoribus factis deles. Quos non quotidie triumphos tuos audimus? quos non in dies expectamus? Quoscumque Religionum aut Regum cura tangit, mirantur, obstupefcunt, se faelices existimant, quod tuo seculo vivunt, pluresque vero affectu congerunt in Majestatem tuam laudes, quam adulatio in immeritos Principes solet.

Dum hæc scribo, dum plura quæ scribam occurrunt, vix mihi habeo fidem annorum tuorum paucitate. Nam veræ hæc laudes multis celebrium Principum

D E D I C A T O R I A.

capum ad Senectutem suffecerint. Tu porro adhuc stas in iuventutis exordio; Nec parces ad illum cumulum laureas addere, divina indolis Princeps, ac, quod felicissimum in Rege est, labore atque curis à pueritia exercite. Ut hic ergo verissima triumphus gloria per posteritatis seriem inoffensos agat cursus, ineundum est cum litteris fœdus: quo & illis præsens faveas, & Tibi illa aliquando absenti æternum paremque virtutibus tuis locum inter Heroas constituent. Parum enim est in hominum memoria, si eam non vetat consensescere scribentium fides. Hoc Orientis domitor Alexander, hoc Cæsar, hoc veterum Regum nobilissimi sentire: nec aliam speraverunt triumphis suis sortem quam qua ex eruditorum favore contigisset.

Magis anxie de literarum præstantia ad alium scriberem, Augustissime L V D O V I C E. Sed diu est quod mutuis beneficiis Regis Christianissimi cum iis coivistis. Scimus totius Orbis bono quantum Musis regnum sit in Franciæ tua: quæ duplici quoque no-
mine

EPIST. DEDICAT.

mine Tua Majestati devincta sum.
Nam praterquam quod Regum libe-
ralitate, cura, hortatu, nunc in Gal-
liis pulcherrime vigent; Italia quoque
Medicorum Principum munus agno-
scit, eas à patrum veterano excitatas:
quam laudem Serenissima illa gens
pulcherrimo studio augere non desint.
Ita paterno atque materno jure, Tu pa-
tronus literarum, Tu omnes amabis.
Sed hic arctius liber, Christianissime
Rex, à Tua Majestate expediat foveri,
quem multiplici suaviorum Musarum
mixtura regii amores, regia odia,
spiritus denique regii implent. Vale.
Roma, kalend. Jul. clc lcc xxi.



A R G E N I S

L E C T O R I.

Innumeris quæ sparsa tomis, longoque re-
cessu

Occultata volant, amploque tumentia
fastu

Scripta tenent, agrisque canunt ereptate-
nebris;

Omnia ego, (invidia telis licet acta,)
suavi

Et grato gratæ cultu dabo prodita for-
ma;

Ut suavis placeam comes, & non mole fa-
tigem.

Regnorum secreta bibes, mæletemata pan-
dam

Omnigenis imbuta modis. Quid regna cu-
pito

Dejiciat præclara statu. Virtutis, &
altè

Repentis vitæ genium, pugnasque vide-
bis;

Fallaces Auleque strophas, deliria, mo-
res.

Dira simulcratum, rixas, questusque ne-
fandi

Monstra. Quid horrendi tumidante rebellis
gignat

Mente. Quid ambitio speret sibi fota; quid
agri

For-

ARGENIS LECTORI.

Formidet ; quâ doto scopo frustrata resist-
dant


Grandia pomposo spirantia pectora fa-
stu.

Luditur in scena, mundus deluditur, or-
bis


Fabula, quæ varios bene personata colo-
res

Exhibet, affundens omni famulantia
vita

Dogmata. nil ultra. Lectoris plura pate-
scunt.




DIS-



DISCURSVS DE AVTORE

Scripti, & iudicium de nominibus Argenidaïs.



Vphormionem & Argenidem à Barclaio habemus, Satyrico & scriptore nostri temporis celeberrimo, imo si cum rerum gravitate, stili maiestatem spectes, incomparabili. Vtriusque evolutio, sed pauca, heic nobis pagellam faciet.

Euphormio quis aut unde sit, aut quæ Lusinia ipsius fabulosa fecunditate decantata, multis jam ab annis à Philologis anxie desideratum & inquisitum est; Auctor vero eorundem superstitionem & intempestivam diligentiam false deridet in Apologia non longe ab initio; quippe *se non de vulgi face esse.*
aut in

DISCURSUS

aut in ignobili quiete latitare, vel etiam calamitatibus premi, sed in alto felicitatis loco ceterorum fortunam turbidam secure despicere ait; Fortuna, inquit, liberalius mecum egit; nec ullius privati familiam auxilium paternis in Regiam focus eductus. Literatissimus Philologus Johannes Rodenborgius, domo Antverpianus, (qui nuperis annis ab Electore Saxoniae Lipsia Witebergae evocatus, & Taubmannianae Cathedrae succedens, post Gedani ab Inclito Senatu accersitus, ibi in confiniis est vita migravit,) verae fidei testimonio asseruit, dicens; Auctor famosi hujus scripti est Guilielmus Barclajus. Cujus etiam pereleganti manu ipse Rodenborgius habebat consignatos Principes, in Euphormione qui sub fictis nominibus, ad sustinendas vitiorum personas idoneis, in publicum producuntur, & ignominiosis quasi coloribus in tabula depinguntur. unde eos quoque magna sui parte per promptam & ami-

IN ARGENIDEM.

amicam communicationem tum temporis cognovimus.

Num vero pater an filius Satyram istam composuerit vel ediderit, ignoratur: Certe si rerum gravitatem exacte perpendas, quæ maturioris judicii & comprobatissimæ experientiæ virum prodit, patri haut injuria adscribi posset. Is fuit Professor Regius in Pontemussana Galliæ Academia non ignobili, qui scriptis gravissimis de Regno & Regis institutione, de potestate Pontificis adversus Belarminum, altioris & erectioris ingenii spiritu editis, admodum inclaruit, insuper superiori tempore Duci Lotharingiæ Guisio à Consiliis magnus. Sed ut industriæ in aulis Regalibus vix est locus, nisi illa summis opibus fulta sit; & raro fortuna pauperes in templum suum recipere solet (id est, in Principum domos) nisi quos ad publica ludibria destinat: exemplo Divæ Maturæ, cujus limina ex ancillis uni tantum patebant, quam

**

scili-

DISCVRSVS

scilicet matronæ colaphis urge-
 bant: (*Plutarch. in quæst. Rom. 16.*
Rosin. lib. 2. antiquit. Rom. c. 18.) Ita
 quoque Barclaio usu venit; Eum
 enim secretis criminationibus au-
 licis, (quibus est contemptor ani-
 mus & superbia commune Nobi-
 litatis malum) *Salustio teste in In-*
gurtha, ignarum infamarunt, &
 quo deciperetur, palam laudarunt,
ut ex Tacito lib. 1. histor. hoc adjiciam.
 Ea propter exinde se recepit in Lu-
 tetiæ regiam, spe majoris & con-
 digni præmii ob solidas & matu-
 ras literas quibus instructus erat.
 Ibi vero nihil magis quam factum
 & fidentis sibi supercilii arrogan-
 tiam, quæ rudes & imperitiæ suæ
 ignari Aulici se extollere solent,
 expertus, in Academiam Ponte-
 Mussaniam, ubi Professoris mune-
 re functus, discessit, privatas qui-
 dem sed ad vera negotia otiosas &
 serias literas repetens. Vnde faci-
 lis est de scripti hujus tam amaru-
 lenti occasione conjectura, ut sci-
 licet Auctor, si pari calamitatis
 inju-

IN ARGENIDEM.

injuriam adversarios opprimere non possit, eorum tamen flagitiosos mores celebri ignominia veluti longa & apud posteros duratura morte per stilum & acerbos jocos traduceret. Eapropter Ducem Guisium primo aggreditur, cujus superbiam & insolentis animi jactantiam (quippe genus suum ab Evandri Matre per Carolum Magnum repetunt) exquisitis verborum contumeliis sub Callionis nomine persequitur: Tantum enim abest ut illum hominem à regia stirpe oriundum dicat, ut eum potius ad bubulorum & upilionum gregem ab invidiosæ gloriationis folio detrudat. Post, ejus Aulam, cui se ob paupertatem & inopiam indigne mancipatum queritur, pertinaci Satyra exagitat, & sub ficta amentiae specie, negotia & servitutem aulae graphice depingit. Quid enim aliud fere est Aulicorum vita, quam spontaneâ mentis insania, dum scilicet superiorum juxta & inferiorum

DISCURSUS

usualem benevolentiam servili adulationis studio allicimus, abdicata ultro rectæ rationis libertate? ut de perfidia, quam lenissimo *simulationis & dissimulationis*, itemque blandissimo *Comitatis & Humanitatis* vocabulo condiunt, nihil dicam, modo Comicus exprimat:

Ore aliud taciteque aliud sub pectore versant.

Taciti verbo *lib. 14. Annalium*: Adjiciunt (scilicet Aulici) complexus & oscula, facti natura & consuetudine exerciti jactare odium fallacibus indiciis. Neque vero ex pistrino illo furiosæ servitutis facile ad pristinam mentis libertatem reducimur, nisi forte mirabilis quædam metamorphosis, quam novæ cuidam amentię assimilare possis, animum afficiat: quippe ex Aulæ cavea revolare in amœnos privatæ & liberioris vitæ campos tam frequens est, quam sapientem de suo rationis folio dejici facile; utrumque scilicet
rarum,

IN ARGENIDEM.

rarum, adeo suavis est & blandula illa servitus, ut illam quoque indignis laboribus coëmere studeamus, raro autem vel difficulter admodum cum libertate rursus permutemus. Sed hæc de Aulis. Postquam Auctor cruditissimis iocis liberationem suam descripsit, in potētissimos Europæ Principes invehitur; & eorum Regias Gallicanas præsertim, (in quibus scilicet magna spe frustratus ab Aulæ Monachis ignominiosam repulsam passus erat,) perstringendo, communia simul & particularia vitia, rixas item & frivolas altercantium disceptationes in omni disciplinarū genere, cum deterrimo eorum abusu, pervicaci indignatione proscribit. Quibus singulis indagandis historiarum nostri temporis cognitio non parvo nobis adiumento erit.

Tantum de patre Barlaïo. Quod si filium hujus scripti auctorem facere velimus, uti quidem stili vehementia & pene audacior

DISCURSUS

libertas calentis adhuc spiritus & invenilis impetus indicium est, nec ipse auctor diffitetur, cum vigesimo primo ætatis anno post exercitam juventutis ambitionem, se nominis cupiditate & adolefcētia (quod est commune argumentum ad famam) hanc totius accusationē instituisse tradit in Apologia. Nec verisimile est, Patrem jam provecta ætate adultum historiarū (quæ admodum recentes ex peregrinatione heic referuntur) explorandarū studio in alienas oras migrasse. Accedit, quod Euphormio inscriptus & dicatus sit Iacobo Angliæ Regi, apud quem iunior Barclajus in sanctioris consilii senatum allectus summa gratia floruit, donario aliquot mille coronatorum pro ista dedicatione auctus; munificentissimis insuper stipendiis ornatus ibi vitam primo bene habuit. Pro iuniore Barclaio militat ipse Euphormio testis in Apologia, ubi se appellat hominem novum in luce & discrimine victurum;

rum;

IN ARGENIDEN.

rum; quod de Professoribus non potest, cum hi in pulvere versentur, &, secundum Lucianum, Iovis odio perpetuo vexentur. Si igitur ex his quæ diximus, auctor Euphormionis nominandus sit, occasio scribendi haut longe petenda videtur, siquidem injurias patri & sibi illatas mordaci Satyra publice persequi pietatis iustæ sensu & doloris stimulo incitatus voluit.

Tantum præliminari verbo de auctore; sequitur judicium de nominibus Argenidæis, quod Nomenclatoris instar lectori intervi-
et, scriptum à viro, cujus famam virtus & litteræ facient immortalem. Sic vero iste:

Non satis audaciæ erat, quod, qui in Politicis ingenium superioribus annis exercuerunt, regnandi præcepta ipsi magnam partem negotiorum expertes Principibus tradiderunt, nisi temerariis quoque disputationibus de limitata Principum potestate, de subjecto-

D I S C U R S U S

rum in dominos reservato, ut loquuntur, jure, de tyrannicidii justitia, aliisque consimilis audaciæ thematibus, sacrosancta sceptralacessere ausi essent, evulgato horribili imperii arcano, *Licere Principum quoque vitiis irasci.*

Quo accedunt summi Pontificis Maximæ in Iesuitarum cerebro natæ: (qui liber Romæ anno 1625. impressus, sed Parisiis ann. seq. pressus & crematus est nimirum, *Inhabilis Rex propter malos mores, malam administrationem, insufficienciam, potest deponi; monendus, postea puniendus, & regno privandus, & subditi ab ejus obedientia liberandi.*

Quibus sane est quod acceptos feramus pernicioso de Republica sensu infectos plurimorum animos, & inde sequutam civilium odiorum adeo pervagatam insaniam, atque rebellionum his propugnatoribus nunc velut legitimum nefas. Nam si Principum flagitia vita aut Regnorum jactura multare atque evitare ob eam causam

IN ARGENIDEM

sam debitum obsequium licet, cal-
 lumnandi materia patefacta, &
 improbis cupidinibus obseptum
 iter hac Principalium peccatorum
 traducendorum licentia quam tri-
 tissimum erit: adeoque quibus ob-
 scelera & pœnæ metum maxima
 peccandi necessitudo est, aut qui-
 bus ambigua domires & ob ma-
 gnitudinem æris alieni afflictæ fi-
 des in pace, domesticis malis exci-
 dium patriæ opponere & privata
 vulnera Reipublicæ malis operire
 volent: Tum sui gradus nunquam
 satis patiens ambitio regis errori-
 bus perfida & maligna cura semper
 imminebit, suamque causam li-
 bertatis larva & boni publici præ-
 textu velabit. Ita nunquam pacem
 habebunt Regna, nunquam Prin-
 cipes securi esse poterunt; semper
 simultates, questus, indignatio,
 bellum denique gentium tran-
 quillitatem turbabit. Sed ad asse-
 renda quidem inviolabilia Princi-
 pum jura Guilielmus Barclaius
 aliique præclarissimi viri, ut exa-

DISCURSUS

Etiam eruditionem, ita acerrimum
studium attulerunt; ipsum autem
rebellionis ingenium, *factiosorum*
prætextus, *artes*, *fines*, *quid sperare*,
quid timere videantur, postremo *viam*
ac modos, quibus *contumaces obrui*, *eo-*
rumque nimii spiritus infringi possint,
in Argenide Ioanni Barclaio de-
pingere finis atque consilium fuit.

Et Rebellionum quidem origi-
nem, causamque tot motuum qui
sæculi nostri pacem turbant, ait
esse nimiam antiquorum Regum
facilitatem, segnicie, patientiam
& incautam in Magnates profusi-
onem, qua prodantur imperii vi-
res, aperiaturque injuriis despecta
Majestas. Regiæ amicitie indul-
gentia conditum hoc culmen,
hancque arcem, ex qua hodie fa-
ctiosi pugnant in Reges. Quod
ipsum quoque Traianus Boccali-
nus confirmat, cum immunitates,
prærogativas, privilegia, fontem
rebellionum, semen zizaniorum,
lapidem scandali adpellat. Et sane
mihi quoque ab hac una causa esse
viden-

IN ARGENIDEM.

videntur , non nisi ad propriam
 cujusque libidinem exactum ob-
 sequium, & regiae potestatis vin-
 diciis opposita murmura, questus,
 & postremo remedium ex armis.
 Ita Germania, ante in unius Impe-
 ratoris reverentiam intenta, nunc
 in varios Dominos lapsa, ipsi pene
 rota excidit. Olim in Gallia Neu-
 striæ, Armoricorum, Aquitanix,
 Heduarum, Arvernorum, Picto-
 num, Provinciæ Duces, Comites-
 que, viribus suis tuti, velut precario
 obsequio Regibus obnoxii
 fuerunt. In Britannia quoque formi-
 dabiles Principum opes atrocibus
 regnum cladibus miscuerunt. Ho-
 die denique ea tantum imperia
 suis se furiis mactant, quæ per
 Principes & libertatis imaginem
 studiis & factionibus trahuntur.
 Hæc de frequentium rebellionum
 causa Barclaii sententia est.

In titulum autem belli & colo-
 rem respublicas & privatas præte-
 xere seditiosos, docet; nunc se in-
 fontes ab Rege prodicionis infi-
 mulari,

DISCURSUS

mulari, destinarique suppliciis; nunc nova portoria & vectigalia aliaque prædandi vocabula quotidie excogitari: exanimati regni sanguine paucas hirudines expleri; novis hominibus & peregrinis exercitus, præfecturas, legationes mandari, hosque veteres & emeritas stirpes inexperto recentis potentiae gaudio calcare: coercendam tyrannidem eorum, qui Principis facilitate abutuntur; asserendum labantem rerum statum. Has aliasque factiosorum artes sub Lycogenis persona graphice omnino Barclaius depingit; sed quacunque specie perfidiam suam tueri & ornare volent, diu esse, quod eandem alii rebelles macularunt. Non salutis publicae curam esse, sed ambitionem, & quietis nescium ingenium, quicquid hi tales moluntur.

Modos, quibus inquieti spiritus nimiae potentiae Optimatibus excutiantur, Meleandri actiones docent; expectare patientiam,
& ubi

IN ARGENIDEM.

& ubi patientia nihil profeceris,
 arma expedire; bellum interdum
 abrumperere, & pacem aut inducias
 facere, ut illi qui in tam impro-
 bum fœdus coierunt, spargantur;
 ægre in unum redituri. Ita novis
 artibus spacium fore, quo vel inter
 se commissos, vel consenscente
 factione apud populum exosos
 sua impietas perdat; aut certe ex-
 satiati inquietudine rerum nova-
 rum ipsi se ad reverentiam Maie-
 statis recipiant. Interdum neces-
 sarium consilium erit, quod Oloo-
 demi & Eristhenis supplicio pro-
 ponitur, seditionum summa capita
 in aulam prolecta Majestatis dam-
 nare, in iisque exempla facere:
 item promiscuum vulgus ad spem
 allicere, arma sine noxa ponendi
 & transfugiis nudare duces: victos
 iis opibus multare quarum super-
 bia inflati dominos laceffere au-
 dent: ignominia deprecationis
 elatos animos frangere: magna
 imperia nunquam diuturna face-
 re: arces castellaque ambitionis
 muni-

DISCVRSV

munimenta exscindere: alia denique, quæ passim toto opere, præcipue autem duabus Cleobuli ad Regem orationibus, exsequitur Barclaius.

Verum enim vero, quia nimis vulgata licentia imperandi regulas Principibus præscribi non placebat, & plærique aliorum eventis doceri malunt; historica narratione, quæ diximus supra, docere commodissimum Barclaio visum est. Ne tamen invidiose hunc aut illum Principem velut in scena traducere, & tanquam reos ad tribunal nominatim citare videretur eos qui Rempublicam turbant, ac ita invidiosis exemplis & periculosa libertate usurpata odio omnium par non esset; placuit grandi hac fabula historiæ instar adornata inscios circumducere per suavissimas ambages, ut neminis quidem imago simpliciter extaret; sed quilibet velut in objecto speculo meritum suæ famæ agnoscere posset. Fabula autem ne naturam
exue-

IN ARGENIDEM

exueret, & ubique grave supercilium male sumeret, ab armis & pudicis amoribus argumentum accipere debuit. Hoc utilissima lepiditatis commentum nullum auctori periculum creare poterat: (vitia enim, non homines notabantur:) & eo plures studiosioresque lectores habiturus erat, quod non quasi docentem severumque, sed tanquam nugantem in manus accepturi essent. Multo enim pars major est, *inquit D. Hieronymus in prafat. lib. 11. in Esa*, Milesias fabulas revolventium, quam Platonis libros. In altero ludus & oblectatio est, in altero difficultas & sudor mixtus labori. Denique Timæum de Mundi harmonia astrorumque cursu & numeris disputantem, ipse, qui interpretatus est, Tullius se non intelligere confitetur. Testamentum autem Grunii Corocottæ Porcelli decantant in scholis puerorum agmina cirratorum.

Ex hætenus dictis facile erit judicare,

DISCVRSVS

dicare, supervacuum, ne dicam ineptam illorum fuisse sedulitatem, qui omnibus à Barclaio confectis nominibus, præter pauca, quæ cum essent hominum Barclaio privata familiaritate cognitorum, nulla diligentia eruere potuere, certas personas adaptarunt: obliti ejus, quod Barclaius Argenidem suam, Fabulam adpellat, testaturque imaginaria se passim vocabula, tantum ad sustinendas virtutum vitiorumque personas excitasse. Et profecto cum amores Poliarchi & Argenidis, qui utramque libri paginam faciunt, fabulosos nemo nisi emotæ mentis negare possit: frustra quærentium labor erit, quis *Poliarchus*, quæ *Argenis*, qui *Britomandes* & *Timandra*, quis æmulus *Archombrotus*, & raptor *Radirobanes*, & libertus *Gelanorus*, & nutrix *Selenissa*. Vt Comœdiam *Pseudoli* & *Getæ* & *Davi* & *Chremetes* & *Thaides* faciunt: ita librum regiis amoribus, regiis odiis, spiritibus denique regiis

IN ARGENIDEM.

giis plenum, dignas hos motus pe-
 ctoribus concipere personas im-
 plere par erat. Nimiopere profe-
 cto absurdum est, unius leviculæ
 conjecturæ lenocinio adductum,
 cum sexcenta alia abnuant, de re
 aliqua statuere. Nam quid impro-
 babilius, quam *Poliarchum* & *Ar-
 chombrotum* consiliiis factisque di-
 versos uni personæ attribuire? *Se-
 lenissa* regiæ nutricis, donis corru-
 ptæ, perfide amoris secreta evul-
 gantis, denique suo ferro cadentis
 schema, Catharinæ Medicæ
 Franciæ Regiæ imponere? Ex
Aneroeste Allobrogum Rege, Poli-
 archi educatore, ex pugna elapso,
 regnum vita solitaria mutante,
 Clementem VIII Pontificem fa-
 cere? *Radirobam*, Principi juveni,
 præcipitibus consilii obnoxio,
 pro tuenda regia Majestate contra
 rebelles Meleandro auxilia feren-
 ti, intra juventam in Africa caeso,
 Philippi II Hispaniarum Regis,
 cautissimæ prudentiæ senis, &
 contra *Henricum* III, Gallia Re-

gem

gem (quem Meleandrum esse volunt) factiosos in regno opibus suis fovendis, in suo Escuriali mortui, personam induere; Prorsus ergo mihi certum est, ut amores, arma, odia, æmulationes, fides, prava honestaque consilia, perfidia, pericula, vota satisfactio, omnia in Argenide fabulosa sunt: ita necessario Poliarchi, Argenidis, Archombroti, Radirobanis, Britomandis, Timandriæ, Hyanisbes, Selenissæ, Gelanori & pleraque alia à Barclaio excogitata nomina in neminem unum cadere; & in sola Argenide velut in scena consistere. Quia tamen, quod supra dixi, præcipuus Barclaio scopus fuit, sub hac fabularum suavitate rebellionis genium & artes, ac Principum plerumque ex despiciabili facilitate errores docere: non sanè abnuentem, inspexisse ipsum in certorum hominum actiones & historias, quas deinde suorum nominum simulacris aperiret. Ita sub *Meleandri* persona Henrici III.

J N A R G E N I D E N .

Franciæ Regis nimiam, nec in injurias idonea severitate acrem bonitatem libens agnosco. Et Guisii, cæterorumque ex Lotharingica familia Principum ambitio sub *Lycogene*, *Olboldemo*, *Eristhene*, *Menocrito*, *Anaximandro*, commode intelligi potest. Nec *Cleobulum* Villaregii sibi dedecorum puter. Denique in *Sicilia* Gallici regni conditionem describi facile crediderim. Ut tamen manifestum esset, sub *Meleandri* larva non tam *Henricum* Regem latere, quam universæ Principem nimia animi lenitate despiciatui & insidiis facilem depingi: in *Cleobulo* non tam solius Villaregii, quam arcani Consilii Præsidis, & in genere hominis summa rerum civilium scientia imaginem extare: & in *Lycogene* non simpliciter Guisium, sed impotentis animi & imperandi libidine ardentis ambitum, largitiones, regis apud populum traducendi sceleratam solertiam, aliasque turbidas artes in unam velut

tabulam coactas exhiberi. plura
 Barclaius addit , quæ in notatos
 cadere non possunt. Nam Hen-
 rico non toti xxxix anni vitæ
 spatium fuerunt : & cum ex Polo-
 nia ad regnum patrium capeffen-
 dum venisset pleræque illius par-
 tes bello & turbis fervebant ; quæ
 seni Meleandro, qui sub initia im-
 perii pacata omnia habuisse, atque
 adeo nimia felicitate laborasse à
 Barclaio dicitur , convenire non
 possunt. Guisus cum fratre Car-
 dinali in Comitibus Blœsensibus in-
 quietos spiritus cum sanguine e-
 misit: in ipso regii cubiculi ingres-
 su regis jussu confossus. quod cum
 Lycogenis in acie cæsi exitu pa-
 rum congruit. Villaregius Henri-
 ci Regis gratia excidit , domum-
 que relegatus est; quod cum Cleo-
 buli fortuna minime convenit. Ut
 inde minime mihi dubium sit,
 Barclaium in Meleandro , Lycop-
 gene, aliisque plerisque pingendis
 non ab Henrico tantum & Guisio,
 sed à quicquid uspiam in Historia
 egre-

IN ARGENIDEM.

egregii pravi que legitur, colores
petiisse.

Reliquorum autem nominum
minime incerta explicatio est; Nā
Mergantia per litterarum *perāgetur*
Germaniam, & eodem involucrio
Vsinulca Calvinum, *Derefcus* Fre-
dericum Palatinum, *Ibburranes*
Cardinalem Barberinum, qui nunc
Urbanus VIII, Pontif. Maximus,
(ad cuius insignia, *A P E S*, extant
Lugduni in aula Archiepiscopali
sequentes versus;

*Sugite nectareo madidantia lilia
rore,*

*Delicias pacis sugite pacis aves.
Sinire pacificis volucres in flori-
bus: Orbem*

*Nam condire suo Lilia melle
queunt.)*

Dualbinus Cardinalē Vbaldinum,
significāt. Quos duos posteriores
viros in aula Romana virtutis di-
gnatione fama; eximios, certiori
immortalitatis domo, quam quo
Vlyssēm Calypso beatura erat, sibi
Barclaius, ut Romæ novus homo,

DISCVRSVS

obstringere voluisse videtur : nec minus Antonium Quærengium, utriusque, ut loquuntur signature Romæ Referendarium, virum summæ eruditionis ; quem *Antenorium* vocare lubuit, quod Patavio Antenoris urbe oriundus est. *Hieroleandri* larva Hieronymum Aleandrum, Aleandri Cardinalis ex fratre nepotem tegi, nominis similitudo, & *Aldina Catella* ostendunt. Videntur Romæ apud Gasparum Sciopium multorum Poëtarum ingenio per otium abutentium carmina, quibus Aldinæ ex partu obitum lugebant. Barberinum Florentiæ natum *Lydum* appellat ; quia Tyrrenus Hetruscæ gentis conditor Lydus fuisse traditur, ut referunt *Dionysius Halicarnassensis in primo Antiquitatum. Valler. Maximus secundo dict. fact. memorabil. & Myrsilius Lesbicus libro de Origin. Italia & Tyrrenorum.* Quo etiam intuitu Concinus, Ancræ Marchio cum conjuge, *par Conjugum ex Lydia* vocantur. Somerseti Comes

IN ARGENIDEM.

Comes & uxor in Anglia aliud *par*
Conjugum ex Phrygia dicuntur,
 quod, ut Galfredus Arthurus Mo-
 numethensis (cujus tamen histori-
 am fabularum ineptiis refertam
 Guilielmus Neobrigensis osten-
 dit) prodidit, Brutus quidam ori-
 gine Trojanus, filius Silvii, nepos
 Ascanii, patria profugus, Græciam
 petiit, ibique progeniem Heleni è
 servitute vindicavit : inde Dianæ
 oraculo monitus per Herculis co-
 lumnas in Aquitaniam pervenit :
 Golfarium Pictum Aquitanix Re-
 gem profligavit : urbeque Turo-
 num constructa & Gallia vastata
 in Britanniam à Gigantibus habi-
 tatam transmisit, eique ex suo no-
 mine adpellationem fecit. Proce-
 rum primi in aula *Aquilii & Hippo-*
phili sunt Melchior Cleselius &
 Franciscus Gomerius Sandovalli-
 us, Dux Lermæ. Hi post exhau-
 stum immensæ potentix cursum
 ad purpuratum sacerdotium tan-
 quam ad aram confugisse à Barcla-
 io dicuntur , quia inter maximæ

DISCURSUS

Pontificiæ potestatis arcana est, Cardinales sanctos & inviolatos, nec ulli profanæ potestati obnoxios esse. Hinc S. Thomæ Cantuariensi, Georgio Martinucio, Guisio & Cleselio Cardinalibus, ut sibi factas injurias graviter semper Pontifices ad animũ revocarunt. Calvinianos, Græco etymo *Hyperethanios* appellat: & Bethlemum Transylvanum *Perankylæum*: eadem ratione, qua Silvium Aeneæ filium Græce Hylæum interpretatur Dionysius Halycarnassæus.

Hæc mihi sola nomina certis personis à Barclaiio destinata videntur: nec elucidatio vera plura habebit: nec ipse Aleander quem Barclaii amici sui sensus optime novissè credere est, plura habuit. certum est reliqua omnia falsa esse & inania simulachra; in quibus tamen & omni reliquo commento egregie τὸ πᾶσι observatum est. Hinc in Gallia *Commindoriges*, in Africa *Iubas*, *Hyempsales*, *Micipsas* invenit Barclaius. *Timocleam* feminam

IN ARGENIDEM.

minam Siculam epityro rusticos
excepisse ait, quod id salsamenti
genus, *ut Varro de ling. lat. testatur*,
in Sicilia usitatissimum olim fuit.
Eandem *Timocleam* ait cœnam su-
pra cæterorum Græcorum molli-
ciem curasse: quia scilicet Siculi
deliciis infames erant: ut inde Σι-
κελικὴ τράπεζα, *teste suida*, in pro-
verbium abierit: quo Plauti locus
in Rudent. pertinet:

Infit lenoni suadere, ut secum simul

*Eat in Siciliam: Ibi esse homines
voluptarios*

Dicit: potesse ibi fieri cum divitem:

*Ibi esse questum maximum mere-
tricibus.*

Epeirætes descriptio pene ad ver-
bum ex primo Historiæ Polybii
desumpta est. *Archombrotus* quan-
quam Græce sciret, tamen rusti-
cam Siculorum linguam non in-
tellexisse fingitur: Siculos enim
etsi Græce, pessime tamen loquu-
tos, ex illo Plauti *in menachm.*
constat:

*Atque adeo hoc argumentum Gra-
cissat tamen,*

Non Atticissat, verum Sicilicissat.

Medicus Afer *Themison* dicitur, quod hoc nomen, qui magni haberi in arte medica volebant, boni ominis causa sumere solebant. Meminerunt *Iuvenalis*, *Apuleius* in apologia, *Seneca* in Epistolis. De ignium publicorum, quos *Angaros* *Barclaius* nominat, instituto, quæ libro primo dicuntur, minime fabulosa sunt. Nam & *Aristoteles* in lib. de Mundo, & *Apuleius*, ejus mentionem faciunt. *Apuleii* verba lib. de mundo hæc sunt:

Duces ac Satrapæ (apud Persas) ubique dispositi, & permixta locis omnibus mancipia regalia. Ex eo numero erant excursores diurni atque nocturni exploratores, & per vices incensæ faces ex omnibus regni sublimibus locis in uno die Imperatori significabant, quod scito opus.

Eundem morem apud Anglos vigere, *Polydorus Virgil. quinto & vicesi-*

IN ARGENIDEM.

viceſimo Hiſtor. refert his verbis:

Qui Oceanum accolunt, in vicinis tumultis lucernas pilis affixas locant: ac ubi ex hoſtium adventu major illuſtriorq; res accidit, ſubito lucernas accendunt, clamoreque per agros & regiones ſignificant. hinc alii deinceps excipiunt, proximisq; eodem modo ſignum edunt, atque ſic celeriter ad omnes vicos & urbes fama perfertur, & agreſtes civesque ſe adverſus hoſtes armant.

Angari Perſica voce veredarii ſeu tabellarii celerrimi dicuntur, quod ex Suida & Heſychio docuit Briſſonius *in libro de regio Perſarum principatu*; quam vocem Barclaius ad publicorum ignium commentum appoſite tranſtulit.

Meleandri de reperto *Gigantis cadavere* narratio expreſſa eſt ex hiſtoria, quam Thomas Fazellus *rerum Sicularum dec. 1, lib. 1, c. 6*, in hunc modum refert:

Anno ſalutis *MDCLVIII*, cum Georgius Adornus Genuenſis Eſques

D I S C U R S V S

ques Joannita, classis tum ordinis
sui præfectus, Syracusis hyemaret,
venarum aliquando in agrum Sy-
racusanum, Gercates olim dictum,
egressus est. Qui dum venationi
studet, canis, in venatu solers & sa-
gax, os speluncæ subterraneæ &
latebrosæ naribus & unguibus
scrutatus, cauda & latratu venato-
res advocabat. Equites, qui cum
Georgio advenerant, prædam rati,
equis citatis accurrunt; sed ubi o-
stium ingentis specus solum vi-
dent; eo relicto venationem retro
persequuntur. Postridie vero Ge-
orgius remigum manu assumpta ad
specum eandem, aurea veterum
numismata, quorum ibi thecas
crebro reperiri contigerat, quæsi-
turus regreditur: speluncæ ore vi
patefacto, scalis, quas ibi in vivo
ipso lapide excisas aditum mon-
strantes offenderat, in antrum
profundum descendit, ingreditur,
cuncta explorat, tandemque pro
speratis numis cadaver hominis
cubitorum viginti reperit. Quod
ubi

IN ARGENIDEM.

ubi membratim mirabundus stupensque examinat, pars capitis, costæ, & crura, (cæteris partibus in cinerem ventumque solutis,) ex atrectantium manibus sola integra decidere. Quæ pro miraculo Georgius quamprimum omnia, præter duas molas, ad Iohannem Homodeum militiæ Magistrum Melitam transmisit.

Afros cœlestem Deam præcipuo cultu venerari, omnino ex historica veritate Barclaius refert. Sed quam ille *Venerem* appellat, Herodianus *lib. v.* Lunam esse dicit. L. Apuleius Afer Junonem esse credidit in his verbis: Magni Iovis germana & conjux, sive tu Sami, quæ querulo partu tuo vagituque gloriatur, tene vetusta delubra, sive celsæ Carthaginis, quæ Virginē vectura leonis cœlo comitantem percolit, beatas sedes frequentas. &c.

• D. Ambrosius *contra Symmach.* Cybelen esse mavult. ejus hæc verba sunt:

Vnde igitur exortum quod cur-
rus

DISCVRSVS

rus suos simulato Almonis in flumine lavat Cybele? Vnde Phrygii vates, & semper invisa Romanis non æquæ Carthaginis numina, quam cœlestem Afri, Mythiam Persæ plerique Venerem colunt, pro diversitate nominis, non pro numinis varietate. Non tamen illam sine authore Venerem dixit Barclaius; nã & Platonici omnes, Apuleius præcipue *in convivio* Marsilius Ficinus, de cœlesti Venerere & duplici Amore sapientissime disputant, & Pausanias *in Arcadicis* tres Veneres facit; Cœlestem, Vulgarem, & tertiam sine nomine. Duobus tamen in locis dormitasse mihi Barclaius videtur. Primo, cum in carmine quod incipit (*Alma Soror Phœbi*) Afros inducit, Dianam ad aprorum (qui teste Plin. lib. VIII. in Africa nulli sunt) venationem invocantes, his verbis:

*Tu nostris annue donis,
Et cum spumiferos junctis in retia
campis*


Impelle-

IN ARGENIDEN.

*Impellemus apros, & cum tibi sacra
feremus,*

Non occulta veni.

Nec commode dici poterit, de importatis in Africam apris intelligi illa debere : Nam hoc fortasse de cervis & capreis, quas nec gignere Africam is, quem dixi, Plinius affirmat, verum sit : Vrsi & Apri nemoribus & in Venationis voluptatem septis saltibus non includuntur. & Barclaium de aperta venatione loqui, ejus verba ostendunt. Deinde in eo quoque impingere videtur quod (*lib. v.*) *Cuniculariam insulam* in angusto freto, quod à Sardinia Corsicam dirimit, ponit, quam tamen aut quas potius (plures enim sunt) Tabulae Geographicae in ipso sinu Calariano locant. Sed haec levia sunt; & unus alterque nævus de magni corporis pulchritudine nihil detrahunt, Tantum est.



IOANNIS
BARCLAY
ARGENTIS.
LIBER I.

NONDUM Orbis adoraverat
Romam, nondum Oceanus
decesserat Tybri, cum ad o-
ram Sicilię, qua fluvius Gelas
maria subit, ingentis speciei
juvenem peregrina navis exposuit. Servi
ope nautarum cultum domini militarem
ex alto comportabant, suspensosque per
præcincta ilia equos dimittebant ad litto-
ra. Ille insuetus navigii malis, procubuerat
in arenam, quærebatque circumactum pe-
lagi erroribus caput sopore componere:
cum acutissimus clamor primum quie-
scantis mentem implacida imagine con-
fundens, mox propius advolutus somni o-
ciū horrore submovit. Sylva erat in con-
spectu, raris quidem, sed in ingens spatium
effusis arboribus, subter quas tumuli, fru-
ticum dumorumque caligine, velut ad in-
sidias surrexerant. Hinc repente in cam-
pum erumpit scæmina optimi vultus, sed
qua corruperat oculos fletu, sparso quo-

A

que

que in funebrem modum crine terribilis. Incitatus verberibus equus non sufficiebat in cursum effusæ, nec mitius quam in Phrygio aut Thebano furore ululanti. Concussere illico juvenis mentem præter favorem in miseros prorum, etiam reverentia sexus, gemendique atrocitas: Omen quoque in spectaculo captabat, quod intranti Siciliam primum occurrerat. At illa, ubi potuit exaudiri; O quicumque es, si virtutem, inquit, amas, ah succurre Siciliæ, quam in fortissimo viro prædones nefarii oppugnant. Nec diu me orare patitur instans malum; nec leviter deprecari pro Poliarcho possum, quem non hinc procul grassatorum ferox turba circumfedit improvise facinore. Ego inter tumultum effugiens, te primum opportune, nec plus forsitan in illius salutem quam in gloriam tuam vidi. Hos quoque (nam dum ipsa loquitur, servi accesserant) seu juberi seu rogari à te fas est, provoca ad egregiæ pietatis officium. Hæc ut mulier inter anhelitus & suspiria effudit, ad galeam ille ensesque respexit: & dum equum ministri admovent; Ego, inquit, ô matrona, modo in Siciliam veni. Liceat hætenus homini extero nomen Poliarchi ignorasse. Sed fortunæ beneficium debebo, si qualé memoras strenuum virum in eo adventu levare voluerit. His dictis in equum exiit, & duceret ergo jussit. Servi omnino duocrant.

erant. Vnus, & ipse armatus, dominum sequebatur, alius præsidio sarcinarum quæ colligi tam turbulenta profectio non poterant, mansit in littore.

Iamque pervenerant ad sylvæ confinia; cujus aditus in semitas varie sectus memoriam mulieris sic confudit, ut dubia qua quæri Poliarchum oporteret, novis gemitibus cælum impleverit. Ambigebat tanto fletu territus hospes an progredi præstaret, an hædere; cum strepente subito sylva, clamor, & arma, & venientium equorum vestigia mentem ad præsentiora pericula advertunt. Quippe tres armati veniebant, admissis habenis incitati, nudo ferro, vultuque aliquid ingens vel auso vel timente. Veritus ille insidias, & ut in subitis quæ timeri vix debent occurrunt, de matronæ fide sollicitus, exigit, hinc essent, in quos pugnari ipsa vellet; simul digitis in amentum aptatis, hastam, quam nemo violentius torquebat, in venientium dirigit ora, ne inultum occuparent. Sed hi fugam, non bellum adornabant; diversisq; itineribus properabant elabi victori. Nam urgebat fugientes unus ille Poliarchus, cui tam prolixè matrona timuerat, ultimumque assequutus ita cecidit, ut per caput cervicemque continuatum vulnus ad pectoris ima deduxerit. Hoc collapsò cum pervicacius inveheretur in cæteros, humus scrobibus in qua-

lis deprehendit equi vestigium, qui dominum celeri quidem, sed innoxio casu, effudit in gramen. Subitoque matrona (nam Poliarchum agnoverat) ex equo ad jacentis auxilium se advolvit. Sed ille non lapsu, nō vulneribus gravis, quæ duo acceperat, ne omisso quidem ense, profiliit. Cumque ex Timoclea (id mulieri erat nomen) audisset, ut ipsa in peregrinum juvenem incidisset, quamque ille humanus promississet auxilium, haud mora ad eum tanti beneficii gratias habiturus convertitur. At ille jam equum reliquerat, priorque loquutus Poliarcho: Si dii voluissent, vir fortissime, inquit, me antehac tuæ virtutis conscium esse, istius matronæ lacrymas accusassẽm, quæ coegit ut veniam petere debeam, quod tibi tanto viro auxiliari voluerim. Tres armatos in fugam à te versos, quamvis est eximium, minus tamen mirarer, nisi me illa vis, quæ ex iis tardiores multavisti, admoneret, quam justus omnes terror in fugā abstulerit. Poliarchus, & ipse blandissimus, egit gratias properati auxilii; neque suæ virtuti, sed grassatorum ignaviæ ajebat tribuendum, quod illi fugissent.

Inter hæc verba in amplexus abierunt; & salutatione mutua functis, non modo quid dicerent, sed & cui loquerentur, vacavit cogitare. Tunc igitur alterius forma ad oculos alterius tota pervenit; & hæere
mutua

mutua contemplatione perculsi, id quisque miratus in alio quo ipse vicissim mirantem rapiebat. *Ætas, forma, habitus, & arcanus luminum vigor, pares anni, & quamvis in diversis frontibus una Majestas.* Cum tanta specie monstrum erat fortitudinem convenisse. Neque minus Timoclea fortunam adorabat, quæ tantum par mirabili occurfu coegerat. Votum etiam fecit, si per eosdem liceret, se tabulâ, in quam pictor vultum utriusque transtulisset, Erycinæ Veneris templo daturam. Et quamquam varii casus distulere id votum, eo tandem se exolvit, his carminibus ad oram tabulæ insertis:

*Sic roseis stat forma genis, sic frons honore
Fulget apex, tales accendunt lumina
flamma.*

*Humanum ne crede decus; non pulchrior
altos*

*Phœbus agit currus. Non unquam sydere
tanto*

*Orbalii micuere Dei, quos nauta solutis
Puppiibus & jam-jam vincentibus invo-
cat undis.*

*Nec tu Lemniaci Mauros formosior ar-
mis*

*Erana quatis, Paphiisve soles mitescere
blandus*

*Cultibus, ah misero tantum metuende ma-
rito!*

*Cum deinde Poliarchus collegisset se ab
hospitis*

hospitis vultu, matronam familiarius intuitus, in illius exanimata ora ludebat, maxime quod in latera atque tergum dissipati tanquam ad rogam crines jacerent. Rogabat quoque per jocum, an incidisset in Satyros. Timoclea autem simplici risu; Ne hos putes, Poliarche, desperatione divulsos. Fugam inter virgulta præcipitabam tuo periculo conterrita, cum obversantibus ramis solutus est verticis nodus, & profluentem comam laxavit. Dum loquuntur, libertus interim Poliarchi, duoque Timocleæ servi qui aberraverant, superato callium flexu, haud procul à dominis emerferunt ex nemore. Sola Timocleæ ancilla jam deerat: sed & hanc procul vident pavido equo non bene moderari, & inutili virga cum clamore ferire contumacem. Satis illi in conspectu hujus scenæ jocati, procurrunt hilares ad trementis auxilium. Interim hospes Poliarchum rogabat, quæ illæ in eum insidiæ, quisve grassator: an odia, an prædæ cupiditas, tanti facinoris audaciam nefariis fecisset. Sed matrona sermonem occupavit, & Vtrique necessaria quies est, inquit; huic à mari, alteri à pugna venienti. Neque hinc longe prædium meum. Illic rectius erit vobis, habebitisque levandis corporibus & mutuis sermonibus locum. Non ægre annuerunt tam commode admonenti; famuloque recepto, qui sarcinas ad littus servabat, viam omnes exorsu sunt. Iam

Iam pene ad familiaritatem initiati juvenes erant, docebatque quærentem hospitem Poliarchus, primo manere se è regiiis castris egressum, Agrigentum petere negotii causa: Per viam occurrisse hanc Matronam in aula notissimam, quæ à Regis filia redibat. Aliquo fato servos (ut incuriosi ibant) per viarum anfractus divertisse in sylva. Timocleam unam cum sua anu in eadem secum semita perseverasse; cum obliquo ad latus itinere processerunt quinque latrones, & in se unum tot equos effuderunt. Matronam suo & equi pavore divertisse, & felicissimo errore ad tantæ humanitatis hospitem esse delatam. Fatis autem, & prædonum scelere, factum (inquit) quod primo impetu omnium in me ictus in cassum cecideret, suffecitque cecidi illius, qui primus occurrit, jaculû quod habebam. Conserto deinde certamine unus dexteri mei cruris modicam partem libavit, alius ferrum levi vulnere adegit ad latus: Quem ego indignatione concitatus postquam meo dolori immolavi, aliumque læsi in capite, infœlici flagitio territi omnes habenas verterunt; ut nec mihi liqueat, fœdusne aggressi sint scelus, an fugerint. Tunc quoque unius celeritatem sic præcepi, ut sub vestris oculis dederit prænas. Duos qui supererant, ipsi vidistis, ut mihi equi casus fugientes subduxerit. Qui illi sint, nec suspicari possim, nisi ex Lycogenis

cogenis castris latrones, qui vel observabant mea itinera, vel omnino per sylvam ituris imminebant.

Hæc loquente Poliarcho, jam ad prædium matronæ pervenerant, quod non procul Phthintia, ad ripas Himeræ, hinc alveo fluminis cingebatur, illinc arbusculis inter se implicatis & lentato vimine miscentibus nexus. Ipsam domum laterculo conditam, & in altum porrectam, late fluminis camporumque oblectabat spectaculum. Sylva quoque, & in proximo colles, commendaverant situm. Familia ampla, & ex dominæ moribus casta; quæ elato pridem viro, integerrima fama claritatem stirpis adauxerat. Hæc tunc mutuis inter hospites sermonibus finem imposuit, officiose obsecrans, ne offenderentur tenuitate hospitii. Successere illi in tectum, invitavitque matronæ humanitas, & provectæ lucis tempus, ut illic pernoctaturi ad cœnam promitterent: quæ dum à familia curatur, interim Poliarchus delibuto aceto vulnera lavit, ne tumore arderent, oleoque deinde quod Ascyri floribus tinctum erat permulsi; securior notis inemptisque remediis, quam in Medicorum fide iniquissimam mercedem ex supervacua curatio-
nis mora interdum captantium.

Discubuerunt deinde in triclinium cœna perlata; riteque insinuatissimis sermonibus non dubitavit Timoclea quærere ab hospite,
quo

quo nomine quave patria esset; an præterea consilio, vel errore, appulisset ad insulam. Ille se ab Africa patria sua venire respondit; nomen, ac genus, dissimulari eos velle, quibus in se arbitrium erat, dum rediret. Archombrotum iussisse appellari: Neque se adversus actum ventis: sed in Siciliam cursum fuisse, ut consortio sortium virorum frueretur, quos apud Regē vivere fama vulgaverat. Nihil magis Poliarcho aut Timocleæ mirū fuit, quam quod ille ab Africa tanti candoris vultum afferret. Non reflexa tumuerant labra, non coacti in orbem oculi sub fronte recesserant. Ingentis quoque animi specimē erat, quod amore virtutis extra patriam trahebatur.

At ille soluto convivio interrogare Poliarchum magnopere cœpit, unde infesta latrociniiis Sicilia esset: quis ille Lycogenes, de cujus castris suspicio erat esse prædones qui in illum invaserant; quis denique regni status, quæve bella urgerent. Poliarchus jam remotis arbitris, (quippe ad quietem secesserunt, placueratque una ambobus cella,) Multæ virtutes, inquit, in vitia, Archombrote, degenerant; & quod magis est, sæpe videas eosdem affectus, prætemporum sorte, nunc virtutes esse, nunc vitia. Meleander, quod, opinor, non ignoras, paternum avicumque Siciliae regnum tenet, multissimi ingenii homo; sed qui non sæculo, non hominum moribus estimatis,

ita cæterorum fidei credidit, ut sibi credi
par esse ex virtute sentiebat. Illum quoque
existimem nimia fœlicitate laboravisse.
Nam sub initia imperii, quia pacata omnia
erant, palam cupiditates solvit, lenes qui-
dem & multis Principum familiares, quæ
tamen facilem prodiderunt, nec in inju-
rias idonea severitate acré. Indulgere plus
justo venatui, in cujus varia genera an-
num distinxerat. Non consilio amicitias
sortiri, impetuque eas colere: largiri im-
modice, horrere à negóciorum summa,
quam plerumq; infidis credebat. Vtinam,
hospes, fileri hæc possent. Sed malo sinceris
indiciis, quam iniquitate famæ rem om-
nem deprehendas. Nam omnia hostes
urgent, attolluntque in peius. Et hinc o-
ptimò Regi malorû omnium causa: invi-
dia præcipue & ambitione Lycogenis, re-
giis erroribus perfidiose imminens. Is
priscis Regibus suæ stirpis authoribus fe-
rox, nunquã secundi gradus satis patiens
fuit; vir manu & consiliis strenuus, soler-
tissime populo blandus: cæterum nemini
mortaliû, crudelitate, perfidia, & quoties
tuto licet, superbia concedit. Haud ægre a-
pud Meleandrum candidissimæ virtutis
principem fefellit pro amico. Dumq; Rex
animum curis exoneratû ocio pascit, iste
suæ factionis hominibus curiam implet,
publica munera, veluti sui juris, amicis dis-
tribuit, ne qua deinde pars regni sana es-
set.

Iamque

Tamque furor, & ambitus, arma Lycogeni tantum non publice in Regem induerant. Sero, & propemodum strepente jam bello, excitatus Meleander, cœpit nominis sui; & causa, propter quam purpuram accepit, meminisse. Magnitudine animi nemini Regum inferior, acri ingenio, prudentia quoque eximius; & qui aliter capi non potuit quam sua bonitate: quæ dotes maxime in eo enituerunt, ex quo alienis vitiis ad suas virtutes coactus est. Quamquam tamen male cogitare Lycogenem constabat, jus suum exequi in eum aliquandiu distulit. Satis visum si occuparet consilia hostis, & vires accideret. Sæpe quoque extorquere pœnitentiam ab ingrato seu speravit, seu meruit. At Lycogenes hoc ipsum indignatus, aliquē esse qui posset ignoscere, palam in eum est inventus, Animos maxime dabat, quod Rex filia, quam unicam habet, tantæ hereditatis fortunam destinat. Quis crederet? Archombrote. Eam rapere in violentum conjugium iste adortus est. Arx est ad Alabi fluvii ostium, in qua Regis filia servabatur. Illuc surtim sicarios immisit qui puellam & Regem in his forte munitionibus pernoctantem ad se perducerent. Credidit Meleander ope Palladis factum, ut insidiæ in se filiamque exitum non haberent. quippe grassatores in ipso facinore oppressi sunt. Itaque omnibus grati
animi

animi signis remuneratus est deam. Nam & in nummis iussit noctuam effingi, & seu dies faciat, seu in conviviis remissio invitet, non aliam quam ex olea coronam capiti suo imponit. Illud quoque illustrius, quod filiam, donec in matrimonium datur, Deæ aris præfecit. Videbis, Archom-brote, quoties nundinæ redeunt, Sacerdotii infulis cinctâ, videbis inter choros Sacerdotum virginumque operantem Numinis sacris. At non tanta hæc in Deos pietas bellum removit. Nam inexcusabile Lycogenis crimen non subita quidem, sed ingens, & veluti matura defectio sequuta est.

Is in titulum belli res publicas & privatas prætexens, nunc se infontem ab Rege proditionis insimulari querebatur, destinarique suppliciis; nunc populi injurias proclamabat diutius ferri non posse, & publicis armis coercendam tyrannidem eorum, qui Meleandrum ad sæva consilia agebant. Factione & clientibus valebat. Othodemus, Eristhenes, Menocritus, præcipuarum provinciarum rectores cum eo consenserant. Multi levis animi vitio in Meleandrum acti sunt; plures contribuere se rebellibus, capti dissimulatione Lycogenis prementis vitia de more tyrannorum. Aderat ergo superbus, pugnamque poscebat. Neque Rex certamen detrectavit, & ipse ingenti exercitu succinctus. Decimus quintus

quintus dies est, ex quo non procul hinc in Gelois pugnavimus campis. Acris acies fuit, non his languidius pro scelere, quam nobis pro publica salute cernentibus. Tandem imminente jam nocte, inclinavit ad Regem victoria. Et Lycogenes, palantibus suis, receptui signum dedit, ut pro fuga species esset militaris obsequii. Nec Meleandro consilium fuit instare perculsis, siue civili sanguini parcebat contentus. vicisse, siue noctem & insidias verebatur. forsan & timuit, cum Optimatum apud se præcipui faverent Lycogeni, suspectarum manuum simulationem in extremam fugientis perniciem experiri. Quippe Lycogenes suos omnes ad aperta facinora non eduxit. Haud pauci sunt circa Regem, lævis aversisque animis, & illinc quidem militant, isthinc favent. Sic infecta omnia Meleandro; infidæ purpuratorum sententiæ, consilia ad hostem delata, neque domiquam in campis periculosiores insidiæ. Itaque quamquam campum obtineret, quem pugnando hostes institerant, tamen ad pacis consilia animum adjecit. Nec victoriæ suæ fusus, tanquam adhuc integro bello mansit in castris. Post privata hinc illincque commercia, Legati Lycogenis ad Regem perveniunt, specie impetrandæ occisis sepulturæ, re autem ut de fœderibus mentionem injicerent; quæ adeo fuit grata, ut illi ab hoste Oratores timeri

meri se rati, dicere pacis legem auderent victoribus. Equidem Meleandro quamcunque placere pacem existimem, ut illi qui jam ad Lycogenem coierunt iſtis fœderibus ſpargantur, ægre in unum redituri. Ita novis artibus ſpatium erit, quod vel inter ſe commiſſos, vel conſeſcente factione apud populum exoſos, impietas ſua perdat; aut certe exſatiati inquietudine rerum novarum, ipſi ſe ad reverentiam Majeſtatis à ſeditione recipiant. Ego pacem cum ſuperbis ac perduellibus non probabam; præterea ætatis & generis timebam invidiam, ſi me juvenem externumque Rex (ut ſolet) tantis conſiliis adhibuiſſet. Siquidem juxta tecum peregrinus ſum, Archombrote; nec me aliud Meleandri partibus junxit, quam quod illius calamitas omnibus gentibus abominandum exemplum eſt, quæ quietem nunquam agent, ſi vitiis Principis irasſci liceat, & inſidiari bonitati. Dum igitur inviſa fœdera peraguntur, hoc potiſſimum tempus habui, quo Agrigentum contenderem. Sum armorum telorumque ſtudioſus; nec alibi præſtantiora ſunt, quam quæ illic quidam ex Lipara hoſpes excudit.

Avide Poliarchi orationem Archomprotus exceperat, favensque partibus Meleandri, cum acriter in factioſos dixiſſet; Regis autem filia, Poliarche, quam hic latro ſibi in prædam deſtinaverat, inquit,

qui

quibus annis sit, dicere placet? Equidē inter rara pulchritudinis & morum exempla eam esse, sæpe in Africa audivi, appellarique Argenidem. Ad hæc verba oculis Poliarchi modico tremore errantibus, ne valida quidē verba, aut intrepida fuerunt; stricimque eam retulit ad annos viginti pervenisse. Nec latuit Archombrotum tam subita in Poliarcho mutatio, ingensque desiderium subiitprehendendi, quænam illa tempestas in ejus vultu inundavisset. Igitur ut experimentum caperet, an regia virginis oblata memoria, an vero occulta vis rei alterius suggessisset hos motus, nonnulla de Lycogene disputavit, deque fœderibus, quæ tunc publice agitabantur: Et ut omisso frontis horrore, satis Poliarchum constare sibi vidit, revocato ad Argenidem sermone, de puellæ specie & studiis intentius quæsit. Sed neque ad secundum hoc fulmen ille constantior, paucis se ab trepida narratione expediit. Ab Archombroto deinde rogatus de amicis Meleandri, & per quos staret regnum; Non adeo, inquit, fata despexere Siciliam, ut nulli sint suo gradu & amicitia Regis digni. Inter illos, Archombrote, eminet Cleobulus consiliorum prudentia eximius, Eurymedes quoque, & Arsidas, inclyti bello, nec deteriores ingeniis. Sunt præterea duo externi, de Sacerdotum cœtu, qui purpuram gestant; amicis-

simi

fimi Siciliae, Ibburranes, atque Dunalbius; quorum nunc opera maxime Rex est usus, ne indecore cum Lycogene pacisci videretur. Possem & alios referre, quorum fidem in Regem nulla vis tempestatis libavit. Hos facile, ubi in hac Regia aliquandiu vixeris, fama atque virtutibus ab cæteris ipse secernes.

Iam provecta nox erat, & quies necessaria fatigatis; itaque veluti convenisset, loqui ambo desierunt. Necdum tamen curæ secretæ in illo vigilandi dormiendique confinio anxias mentes reliquerant. Archombrotum ingens imago oberrabat paulo ante auditi discriminis; nec gravius quicquam erat quam ad pacem res spectare. Quando enim versaretur in acie, quo campo, quo telo suum animum & virtutem approbaret Meleandro? Præterea, tacito secum risuolvebat, quod ad pugnas omnemque fortunam tam alacer Poliar-chus, ad virginis nomen obstupuisset. Huic enim præter virtutem & animum, nihil ad tantarum nuptiarum spem à fortuna aut genere datum credebat. Quod si, inquiebat, Argenidem Rege natam privatus iste amat, quis dubitet omnium discriminum in amando perire memoriam: & magna audere amatores, & imis eximi vilitatem cum amantur? Neque minus Poliar-chum arcanis intentum consiliis spes ac terror multiplici cogitatione suspen-

suspenderant. Tandem in somnum uterque labebatur; cum paulatim discurrentium hominum fremitus tota domo percrebuit. Neque mora, astitere à Timoclea servi ad hospitum fores, qui eam ad ipsos venire admonerent. Consurgunt attoniti, primo sopore utique graves, quo discusso, cultuque tumultuarie composito, occurrunt Timocleæ: quæ postquam excusavit, quod hoc noctis fatigatos inquietasset; Magna, inquit, res est, o hospites; & eo terribior, quod per has tenebras, quid sit, incertum est. Collucent in camporum tumulis publici ignes, quos nefas accendi, nisi regio iussu, & cum gerendis rebus celeritatem salus publica imponit. His dictis, in ædium culmen utrumque perducit. Plumbum non in acumen fastigii ductum, sed leniter & ad ambulationis voluptatem accumbens, oneraverat tectum. Nec stipatum nebulis erat cælum; aberatque tunc Luna, quæ sæpe incendiorum nitorem procul cerni fulgore suo vetat. Ex hoc ergo solario, suda in nocte, prospectus facilis fuit in ignes, qui undiquaque emicabant ex montibus. Neque diu in ea contemplatione hæserant, cum hominum fremitus cæpit audiri, ex vicinis domibus, oppidoque, quod procul non aberat, per ipsum noctis silentium ad vacuas utique aures horridius allabens. Iubebant hospites diligenter obserari ædium fores,

ne qui prædones nocturno tumultu uterentur ad facinus: Sed Timoclea, quidquid hoc esset tam publicis celebratum transmissumque iudiciis, agebat, nimis mature cognosci non posse. Phthintiam in proximo oppidum esse. Si placeret hospitibus, per unum ex servulis suis, quid illic sentirent homines, posse intelligi. Laudato mulieris consilio descenderunt ad fores, seruoque emissio imperant explorare consternationis materiam, nec cunctanter referre quæ audiret. In triclinium interim turbati succedunt; suscitatoque foco, cum matrona ipsis media consedisset, interrogant, quis ille mos Siculis, quæve omnino nocturnorum ignium utilitas esset. Nam & inquit Poliarchus, plus jam anno in Sicilia vixi, & nunc primum illos aspicio. At Timoclea: Num tu vero in cuiusque collis jugo arborem non vidisti in longitudinem mali defixam; cuius apex, in caveæ modum, ferro undique per radios præcingente laxatur? Annuente Poliarcho; Hæ sunt, inquit, publicæ arbores, ad id ipsum constitutæ, ut ad Regis imperium impositis in vertice facibus, negotii signum dent, quod illico oporteat per populum procurari. Et hos ignes Angaros vocant. Qui primi illos conspiciunt, statim & ipsi suorum montium juga pari fulgore illustrant, & ab his porro admonentur qui longius colunt; donec totam insulam

flamina

flamma mirabili celeritate percurrerit.
 Populus interim in armis stat, ad obsequiū
 cui destinatur paratus. Et haud mora à
 Rege nuncius pervadit in proximam ur-
 bem, publiceque quid ille fieri velit enun-
 ciat. Inde cives recentibus equis deferun-
 tur in proxima oppida; à quibus & in al-
 las urbes eadem celeritatis fides exigitur.
 Ita continuatis officiis Sicilia ad Princi-
 pis nutum pene momento erecta est. Ne-
 que temere hos ignes excitamus. Semel
 antea illos vidi, cum sicarii solum Regem
 aggressi hoc modo quærerentur. Dii fa-
 xint, ne nunc causa tristiori, & in pera-
 tum scelus accensi sint. Adhuc non pro-
 babat Poliarchus rationem, subridensque;
 Expectabam, ô matrona, ut hunc morem
 ab antiquissima factū religione deduceres,
 quas in vestræ Aetnæ vaporibus orba Ceres
 accendit. Quid autē in publicū commodū
 hic tumultus? aut quid Principis interest
 res suas nocturna trepidatione potius quā
 diurnis ministeriis agi? Sed matrona; Non
 prorsus, Poliarche, hinc instituto utilitas
 abest; maxime cum hostium classis furtim
 in Insulam timeretur appulsura. Nam qui
 portubus præsident, ista flamma admoni-
 ti, tum catenas suis claustris objiciunt, tū
 in transtris remiges habent, si opus est,
 navigia in pugnam provecturos. Sed &
 populus sub suis ducibus tribunisque à
 signis non recedit, ut nec si sefellerit in
 littore

littore hostis, in imparatam Insulam possit invadere. Est & alius publicorum ignium usus, si quis reus, quem publice interfit ulcisci, vel fugam extra Siciliam adornat, vel in ipsa regione, amicorum aut montium fide contegitur. Nam his ignibus semel accensis, nefas est ullam ex Sicilia navem solvere; & quisquis sua domo communicaverit reum, hunc eodem crimine poenaeque leges censent.

Ab his Timocleæ sermonibus divertunt in alios, quærebantque inter se; quid potissimum crederent huic consternationi causam dedisse. Poliarchus ultima omnia verebatur. In Lycogen nihil fidum: Patere Meleandrum insidiis, tum corruptis suorū ingeniis, tum sui animi magnitudine justos metus averfante: Dumque vicissim civilis belli incommoda loquuntur, Timoclea hospitibus hos versus porrexit; quos amicitia Regis studioque litterarum notissimus Nicopompus in Lycogenem condiderat; libero furore execratus, quod ille & sceptrum Meleandri, & Argenidis nuptias concupiisset.

Qua terris funesta lux; ô fœdera mundi!

O Sceptra! ô Regum cognata potentia cælo,

Qua tantum insanas voluit dementia gentes!

Sed licet ut vestra sedeant service tyranni,

Ah

*Ah miseri! iustos amor est evertere fa-
scer.*

*In dominos scire iuvat; ius, fasque,
piumque*

*Occidit, & cacam nil purpura tardat E-
rinnym.*

*Qualiter irato fudit cum saeva Gigantes
Terra sinu, tumidisque procul monstravit
Olympum.*

*Illi acres subiere nefas, humilemque per
Ossam*

*Speravere polos, donec lucente procella,
Reddidit injustæ fulmen sua corpora ma-
tri.*

*At tu, quem furia, ceu primum à fron-
te Cerastem*

*Attollunt, miseri signū exitiabile terris,
Tu regni turbare decus, tu turpibus ausis
Aggressus sceptrumque patris, gnataque
beata*

*Connubia; o impar, furisq; Ixionis ar-
dens,*

*Et tantum amplexus vacua ludibria nu-
bis!*

*Quas pœnas, vesane, dabis? quo funere
raptus*

*Horrida Tartarei metues ad verba ty-
ranni?*

*An circa præcipiti vinctum rota differet
orbe?*

*Vel jecori procumbet avis? vel fulmine ti-
ctum*

*Ætna capax monstri, rapidos qua pluri-
mus ignes*

*Egerit Enceladus, crepitantibus hauriet
antru?*

*Sol pater, armentis si pabula grata Pe-
lorus*

*Educet, alme, tuis, septisque fidelibus am-
bit;*

*Tuque Erycis victor, tuque ô Erycina, Ce-
resque,*

*Vosque Dci indigena, quaque hospita Nu-
mina rite*

Trinacrii casto placamus thure coloni:

Ferte piis vires; Nec sit violabile Regum

*Numen, ut & tutus vestris honor excubet
avis.*

Erant in illa lectione, cum nunciatum est
rediisse Timocleæ servum. Omnes ergo
suspensis animis circumstant intrantem.
Nec diutius poterant dubitare, & inter-
rogare timentem non audebant. Neque
is ratus quod afferebat coram hospitibus
evulgandum, se vocat Timocleam, delato-
que indicio, cum stupente paulisper mu-
liere & ipse videbatur obriguisset. Tandem
Timoclea, ut maxime subitis consiliis mu-
lier valebat, manu prehensum, ne cum cæ-
tera colloqueretur familia, in interiorum
thalamum rapit, monitisque ut sequerentur
hospitibus, ostium tremens adducit;
& jubet palam servum quæ audisset nun-
ciare. At ille, Vix in oppidum pervene-
ram.

ram, (inquit) cum plerique occurrerunt, ut in tumultibus solet, nec ipsi quo irent fati certi. In omnium foribus micabat lucerna, divisi in coronas haud modica admiratione marcebant; Cum me ad proximum cœtum applicuissem, audio Poliarchum perduellionis reum esse, & ad capitale supplicium quæri; in hanc quæstionem publice ignes accensos. Ego errorem nominis veritus, quod in multos cadere potest, curiose quæsi quis ille Poliarchus, & quo facinore damnetur. Vox omnium fuit, Poliarchum eum esse, qui plus anno in Sicilia, hospes, armis, & amicitia Regis inclytus fuisset. De crimine neminem eorum satis scire. A rege damnatû; & quidem diligentissime vestigari. Ab hoc cœtu digressus ad alium, eadem rursus accipio; & cum nemo suo dissenso incertum rumorem faceret, rem satis exploratam nunciare non distuli.

His auditis, Archombrotus, simulque Timoclea, in Poliarchum contemplationem injiciunt. Pallens ille ac tremens, non ut conscio metu, sed indignatione periculi, nec contumeliam ferente virtute, identidem à servo requirebat, an vera & composita memoraret; & à Matrona, satisne compos animi esset is servus. Nec secius quam inani somnio præcinctus agebatur. Vocē deinde aliquandiu repuit; ne in tanto animi tumultu quicquam excideret in
fortu-

fortunam aut Regem indignum. Sed tantares, domusque incertum an sat fida, cunctationem non ferebant. Manum igitur atque oculos attollens in cœlum; Vos, inquit, Dii Siciliæ, & quotquot præterea, Superi, jus fasque inservatis; Vos Genii, Laresque Meleandri, qui me hospitem excepistis, obtestor, ac veneror, ut si quid in Regem, remve publicam Siculorum offendi, si ope, manu, consilio violavi fidem hospitii, aut omnino traduci commerui hac publicæ quæstionis infamia; tum me inter inimicorum manus atque ludibria quam potest funestissimo exitu conficiatis. Sin omnia contuli ad salutem imperii, inundatque hæc in infontem invidiosa calamitas, date, ô Dii, saltem ut Regi populoque purgatus, tuto ab Insula excedam, liceatque non fœdam aut ignobilem mei memoriam in hac gente relinquere. Te vero, Matrona, in communionem periculi non voco. Hoc ipso noctis concubio recedam in agros, meæ fortunæ contagione tuas ædes liberaturus. Fremebat interim Archombrotus, & adeo unius diei amicitia valuerat, ut extrema omnia Poliarcho polliceretur. Ex vultu impetuque, & loquendi ratione, utri hoc periculum esset nescires, nisi quod adhuc licentius Archombrotus videbatur irasci. Sed matrona sic quasi servuli indicio fidē non haberet, dissimulans, alios qui referrent certiora,

ra, se protinus legaturam dicebat. Subsistere tamen in triclinio servum jubet, hospitesque extra illius conspectum in proximum conclave ad consilium ducit.

Illic vero non diutius gemitus tenens, deflebat fortunas Poliarchi. Neque se enim de illius innocentia, sed neque de Regis iracundia dubitare. Quippe sagacissimum servum nisi fideliter exacta renunciare non ausum. Sequidem suam domum opesque offerre Poliarcho, iis ipse qua posset ad salutem uteretur. Sed quid, inquit, hæc recta, aut tua Archombrote societas, possit in Regem? Iam aderit miles armatus, jam ædes aut apertæ nos prodent, aut obrutæ in nos ruent. Nam nec sperari potest toti familiæ integram fidem fore, nullumque servorum, si hic clam hæseris, Poliarche, nostri furti secreta temeraturum. Scitis quid inter tam subitos metus succurrerit? Latens iter, & præter me hodie nemini notum, effoderunt sub terra qui, has ædes condidere. Id triplici errore dissectum totidem ostia habet, quibus in varios campos erumpit. Illic facilime potes tegi, Poliarche, subducique discriminini. Simula modo te atroci rumore perterritum à me abire, ut ambo defungamur periculo; nec aut tu tanquam nocens, aut ego receptatrix, invidioso tumultu obruamur. Cum vero limine excesseris, continuus arborum



ordo, qui à meis foribus ad Himeram est, eo te ducet, unde non procul fluminis ripa arcanus in promissam speluncam est aditus. Ego nemine familiarium conscio per domesticas latebras cum face in eandem fluminis viciniam evadam. Exceptum deinde in hæc antra ope deorum servabimus, dum tempestas exsæviat. Hoc secretum Archombrotus ignorare non debuit; & ea indole violare non poterit. Libertum quem unum hic habes, id celari magnopere interest, ne timoris tædio, aut præmiorum fiducia, mutetur. Poliarchus in gratias ad Timocleam effusus, id vero consilium in eam noctem probari sibi dixit. Neque enim in spelunca hæsurum, nisi ut certo intelligat, quæ hæ larvæ Siciliam in se agant. Explorata fidei libertum, ab ultimorum secretorum notitia arceri non posse. Nam & ejus ministeria in illa tempestate potissimum exigî. Ab Archombroto non petendum, ut tantâ rem silentio premat. Dignum se pejori calamitate fore, si de illius fide auderet dubitare. In hæc verba de triclinio excedunt: justisque mox armis, ceu pugnam capefferet, insignis Poliarchus, procedit ad Timocleæ fores. Illic stupenti familiæ, & quæ hæc rerum mutatio esset furtim quærenti, paucis exponit, denunciatum sibi periculum illis ignibus quos videbant. Se igitur fugere, ne aut ab his ipsum prodi necesse sit

aut cum ipso hos perire. Salutavit deinde in speciem longioris discessus Archom-
brotum atque Timocleam, conscendit-
que in equum, & liberto vestigiis hæren-
te in præscriptum à muliere iter se con-
jecit.

Periculi immanitas, & propemodum
pudor, stimulaturn juvenem angebat, &
O me vesanum, Gelanore, (ita libertum
appellabat) quod ulli mortalium potesta-
tem fecerim in hoc caput! Quid attine-
bat, ignotum, nec cultu ad meam sortem
idoneo, in hac gente errare? Aut quid fa-
bulæ aliud docent, quæ Lycaonem ad Iovis
hospitis jugulum nobis effingunt; quam
Principes, qui insperato exitu luunt, quod
se externis crediderint, non magis alieno
scelere quam sua stultitia violari? Volui
patere injuriis. Bene est: lædor ex merito,
Gelanore. Hæc ipsa dum loquitur, subit
memoriam causa, quæ eum in Sicilia tene-
bat; cujus veneratione illico motus, timuit
ne pro tantæ spei scelerato, in quam illic
vivebat, scelerate doliisset de oblato di-
scrimine. Gelanorus fidissimo metu in do-
mini periculo turbatus, censebat debere
Poliarchum genus suum & fortunas om-
missa simulatione detegere. Nam si sibi
personam detraheret, si se ad fastigium suum
reciperet, sponte excusaturum Melean-
dram acerbiora judicia, hostesque veniam
petituros. Nihil sapis, retulit Poliarchus.

Post

Post acceptam injuriam maxime interest me celari; Dignitatis meæ reverentia pejus forte accenderet cogitantes posse me læsum dimitti semel tantum; at semper meminisse injuriæ. Nihil referebat Gelanorus, sententiæ incertus, & astra quæcunque tunc micabant in opem, & mentem, sibi atque patrono, inter silentium compellans.

Interim Timoclea munitis foribus, familiares jubebat secedere ad quietem: Nolle se quicquam nocte turbari; orta luce omnia diligentius exploraturos. Obire deinde singulorum cellas cœpit, tanquam domesticis curis intenta, revera ne quis rebus quas furtim agitabat molestus inspector accederet. Vbi acquiescentibus universis, tuta res visa, intrat exiguam cum Archombroto cellam, in qua secretum effossæ speluncæ aditum peritus artifex abdiderat. Stratus erat assleribus locus, quorum inter se oræ clavis insertis necitebantur; nisi quod duos ex iis nullum ferrum cæteris commiserat, ut faciles essent, si quis hos vellet ab simulata compage revellere. Supra illos oblonga stabat mensa, vetabatque calcari, ne, quoniam aliis non hærebant, ad perambulantium quaterentur vestigia, proderentque secretum. Paucissimos illuc intrare ferebat Timoclea; ipsa raro locum visebat. Tunc vero sublati assleribus specum aperuit,
gra-

gradusq; in imum ædium ducentes: Mox
 concussi silicis ignem sulphurato exci-
 piens, præparatam facem accendit, viam-
 que auspicatur cum lumine. Sequebatur
 Archombrotus, sua & mulieris causa nu-
 dum ensen manu tenens. Gradus ad vi-
 gintierant, per quos subibatur subterra-
 nea porticus, quæ in longum porrecta abi-
 bat denique in varios calles: ne possessio
 ab hostibus uno ore, obstrui posset fu-
 giendi utilitas. Terra huic operi apta fue-
 rat, quippe adeo spissa, ut qua stare illam
 velles, cætera quæ egerebantur nulla rui-
 na sequeretur; rursusque non difficilis ac-
 cipiendis fossorum ictibus, quos nec ob-
 jectis saxis interpellabat, nec cedente are-
 na frustrabatur. Longus ille, & arcuato
 opere continuus fornix, quamquam arva
 & incumbentem domum ferret, adhuc
 tot annis vitium non fecerat. In aditu
 modicum spatium calce liniverant, ut
 pictura & literis imbueretur. Sed piger,
 nec solutus syderum luce aer, gravi hu-
 more imagines corruerat. Adhuc ta-
 men cerneres effigiem aræ hominisque
 imponentis simulata thura in focū, pro-
 pter cujus verticem ejusmodi versus ut-
 cunque legebantur.

*DI, quos sub vacua fas est tellure precari;
 Sen Iovis hic regnum est, sen Ditem hac
 antra verentur,*

Sen qui carulea incinctū continet Orbem.

Flucti-

*Fluctibus, hic trifidi posuit fundamina
sceptri:*

*Has precor ô fidas domini servare late-
bras.*

*Non istam fraudes scelerent, non turpia
noctem*

*Furta, nec attonia radians face tristis
Enyo*

*Terreat, aut dira vanis stridoribus um-
bra.*

*Sit pacata quies, sint sancta silentiis,
Donec casta domus, nec parci grata ne-
potes*

*Thura ferent vobis. Hic fontibus incubet
horror,*

*Hic Erebus; placidasque bonis mulcete te-
nebras.*

Hæc raptim legebat Archombrotus: Sed
gravior de Poliarcho cura à loci contem-
platione mentem reduxit. Timoclea per-
cunctantem docebat, quamquam Poliar-
chus erat externus, neminem fuisse Sicu-
lorum propiori amicitia gradu Regi ad-
motum; neque bonos invidisse. Sed ne-
scio quod hodie fatum, inquit, defævit in
illos qui Regibus fuere charissimi. Ita est,
retulit Archombrotus; hic cometes pau-
cis annis quas aulas non perstrinxit? At
Timoclea; Verum, Archombrote, cæteris
omnibus ruinæ suæ causa, vel in se, vel in
dominis fuit. Iustum tantæ virtutis, sub
moderatissimo Rege, quis casus afflixit?

Retu-

Retulerisne ad exemplum Lydios conjuges, qui nuper in gente externa impotentis sclicitatis pœnas dederunt; hic ad regium limen, in suo sanguine fusus, illa ex carcere ad lictoris ferrumeducta? Notissima refero, Archombrote. Sed quid ea in scena simile Poliarcho? nihil illis ad regnum deerat, præter nomen & purpuram. Aspernabantur pares esse gentilibus; nec, qua virtute tantum supercilium tollerent, habebant. Teneros quoque annos cæci calcabant, illius qui hæc bona & asserere vere poterat, & fortiter sustulit inrudimentum potestatis. At Poliarchus non libavit regiam gazam; non præsidii, non castellis fundabat suas vires. Apparebat denique instar Solis hanc virtutem in transcurſu lucere Siciliæ. Longe aliter isti Lydi, & (haud absimile fortunæ ludibriū) par aliud conjugum ex Phrygia. Nempe illi, subijcit Archombrotus, quos nuper ex regis penetrali, in qua omnia poterant, veneficii crimen mittebat ad laqueum, nisi Princeps adhuc memor amassè, carcerem damnatis munus dedisset. Ita est, inquit Timoclea; Scis igitur quam multum peccaverint: ipse quidem tanquam immemor primæ sortis, & à multis amari dedignatus; illa invidiam non verita abdicari conjugii, quod primum erat nata, uterque autem aversa Iunoni non litans, ignarusq; suum quoque Deabus fulmè esse.

Mira-

Miraremur hæc , matrona , (ait Archombrotus) nisi crebræ humanarum rerum vices pene omnium rerum admirationem sustulissent. Cerne Aquilii aulam, cerne Hippophili. Quid Procerum primos juvit , post exhaustum immensæ potentix cursum , ad purpuratum Sacerdotium confugisse, tanquam ad aram? Nempe ut pretiosius esset funus expirantis dignitatis. Sed non ideo mehercule plebeix invidiæ unquam accedam , quæ in omnes deservit , qui principum amicitiiis illustres sunt; ipsisque Regibus obloqui audet, cum homines sibi gratos cæteris anteponunt. Insignis hæc est, inquam, in Reges injuria, velle eos arceri à suavitate amandi, & à fide, quam omnes in iis expectamus, qui per nostra beneficia creverunt. Amicum tu aut ego habeamus, in ea lenitate conquiescamus, Solis Regibus lex barbaræ inhumanitatis dicatur, ne quem eximium habeant, aut cujus familiaritate delectentur? Quid cum sponte amari se sentiunt? cum ingenii & affectuum paritate, imo cum fide & beneficiis provocantur ad amandum? Ne tum quidem audebunt illi impetui indulgere quem natura dulcissimum habet? Certè neque Herculi Philoetetem, neque Achilli Patroclum invidemus; paucique inter Heroes sunt, qui non aliquem præter cæteros charum, in vitæ & secretorum consortium admiserint.

Hic Timoclea: Mihi quoque, Archom-
brote, nunquam placuit tam iniquæ ob-
trectationis audacia, quæ quamquam pu-
blicæ utilitatis larva contegitur, plus insa-
ni tumoris tamen habet, quam solidæ
pietatis. Plurimi enim Regibus irascun-
tur, non quod aliquos gratia sua subve-
hant, sed quod sibi gradus ille non pateat:
Et in gratiosis, quos tam acerbe devovent,
haud raro nihil magis quam ipsa sælicitas
displicet. Certe ut ex domesticis nonnul-
los seligimus, ac veluti adoptamus no-
stras in curas; fidemque eorum familiari-
te & muneribus tam pensamus quam so-
licitamus in futurum; Ita ni Princeps sibi
quæsierit ejusmodi vicariam operem, iis-
demque rationibus aluerit, non sufficiet
publicis laboribus, non mecastor vel si fir-
miores nostro Atlante cervices incum-
bentibus negotiis opponat. Nam quod
modo referebamus casum eorum, quos
diu regiis amicitiiis florentes ab suo deni-
que axe fortuna excussit, nihil inde colle-
geris, nisi interdum fieri posse ut Reges
injuste amicos suos deserant, aut si indi-
gnos amaverint, errore deprehenso præ-
cipites eos agant ex suggestu quem invi-
diose conscenderant. Sed, quod sæpe est,
fac constantis animi esse Regem, sælici-
terque invenisse quos amet; videbis inta-
ctam utrimque benevolentiam utilissime
perennare. Ridebis, optime hospes, quod

a, (ait Ar-
anarum re-
um admira-
uili aulam,
cerum pri-
nmentia po-
m Sacerdo-
aram? Nemo
spirantis di-
cule plebeia
æ in omnes
tis illustres
i auder, cum
nteponunt.
eges injuria,
andi, & à fi-
ctamus, qui
t. Amicum
enitate con-
barbaræ in-
m eximium
ate delecten-
se sentiant?
itate, imo
cantur ad a-
udebunt illi
ura dulcissi-
erculi Philo-
lum inviden-
int, qui non
um, in vitæ
miserint.
Hic

mulier apud te hæc disseram. Verum in Aulæ tropicis educata, frequentissime vidi hoc argumentum inter peritos agitari, quorum sapientiam ipsa quoque experientia sæpe probavit. Sed hæc clades Poliarchi, quæ nos modo sollicitos habet, forsitan præter omne exemplum est: Nam & Meleander probissimi ingenii Rex est; & iste nec fidem deseruit, nec improbe exultavit in tanta fortuna: ut in hoc illius discrimine non aliam quam factorum esse culpam existimem.

Sic loquente Timoclea, hæsit Archombrotus, subito aquæ murmure percepto, quæ in vicino fluebat; rogavitque matronam, quis is sonus, & an illic perpetuus esset: simul quantum in lumine facis licebat, humum intuebatur, ne temere in fluentia incideret. At Timoclea; Fons, inquit, est, ingenti vi aquæ è vicinis collibus huc illabens, fistulisque ad ulteriores campos deductus; qui commodissimo cursu facit, ne sitiant qui isthic latuerint. Et haud multum inde progressa, magni ambitus lapidem ostendit, qui fontem largo impetu cadentem præcipitabat in subjectos canales per foramina toto fundo distributa. Pulchritudo, & copia aquæ, tum nativa frigiditas, & quicquid in aquis laudamus, eo plus Archombrotum rapuerunt, quod ex Africa veniebat, sicca ut plurimum, & fontium destituta

tuta solatio. Itaque quamquam ad Poliar-
chum festinabat, captus juvenili vo-
luptate manus primum, mox & ora fonti
admovit, qua placidius manabat, inde
etiam plurimum bibit curis & vigilia ac-
census. Objurgabat intempestivum pec-
tum Timoclea: fontemque impensius mi-
ranti; Hunc specum majores mei, inquit,
non in viæ tantum & fugæ commodita-
tem ornaverunt: sed & qua licuit longio-
ri habitationi voluerunt aptatum, si
quem forte diutius latere sua fortuna coe-
gisset. Cerne hoc spatium quernis tabulis
stratum, ligno eodem utrimque latera &
fornicem ambiente; ne prorsus insalubris
capiendo somno locus sit in nuda libera-
que exudantis undique terræ frigiditate.
Aspexit Archombrorus illud cubiculum
ad semitæ dexteram intra effossum spe-
luncæ latus declinans; & ipsa loci caligine
offensus, quam modicus ignis non satis
submovebat, averfatusque indigni domi-
ciliî omen, non sine suspirio cogitavit
quantus vir illi diversorio destinaretur.
Liberiori quoque dolore Timoclea ita lo-
cum affata est: Tu igitur hospitem Poliar-
chum accipies, tu juvenem fortissimum &
omni luce dignum tuis tenebris celabis?
Sed bene est si te illius salute nobilitaveris.
O fortunæ vim, quæ sæpissime facit, ut ei
de suis in nos injuriis gratias habea-
mus! Nam & illa peccavit clarissimum

virum ad latibula ista cogens; simulque eximie favit quod his saltem in antris passa est spem salutis illius delitescere.

Inter hæc emensi viam erant, & os specus Archombroto monstrabat Timoclea, quod non operose referaretur. Vectes introrsum duo oppositum egressui lapidem tenebant, sic in terram nitentes, ut nulla vi quæ exterius moveretur quati possent. Sed qui intra specum erant, eos facile obliquatos ab exiguis levabant scrobibus, quibus ita fulciebantur ne ab imposito ostiî onere possent recedere. His ergo exemptis, saxoque deducto, ubi speluncam Archombrotus aperuit, egressa Timoclea jactavit manu facem, ut cum Poliarcho convenerat, rursusque ignem suppressit, ne ex mora in alios quam quos optabat suspiciosus fulgor incideret. Ille cum non aberrasset à via, stabat ad flumen, expectabatque signum, quo dato pervenit ad matronam. Sed quid illius & famuli equis fieret, diu quæstio fuit, donec Gelanorus; Ite, inquit, ad consilium in speluncam; dum de equis deliberatis, stabunt religati ad has alnos, quæ procul omni via propter flumen consurgunt. Dum illi descendunt, dum adhuc trepidi nihil in rem meditantur, Gelanorus equos revinxerat, aderatque ad speluncam; in quam ubi receptus est, lapidem quo viæ aditus celabatur reductis fulciunt vectibus, & ad consilium

lium se componunt. Censebat Poliarchus dimittendum esse libertum, qui omnia exploraret, quod sibi facinus objiceretur, quæ hæc nova in Rege sævitia, num denique amicorum in extremis fides duraret. Salubre (inquit Timoclea) consilium, Poliarche, si non scires nihil prius homines à Gelanoro quæsituros quam ubi delitefcas. De illius fide non dubito; sed si in hostes inciderit fortasse, per tormenta expriment verum. Indignatus Gelanorus, se in salute domini, non verberibus, non equuleo, frangi posse respondit. Habere se præterea quo eludat inimicos. Iturum se attonito maxime similem, & si quis ex ignotis aut suspectis de Poliarcho roget, jam de luce abiisse voce ad fidem composita esse dicturum. Neque rem à vero abhorrire; quandoquidem sub terra secretus à sole recesserat. Quærentibus mortis genus, mentiturum ab equo in Himeram flumen casum; Quippe fuisse Regis edicto perterritum, ingressumque nocte flumen, neque vadum tenuisse gravem armis, & subtrahente se equo, fluctibus haustum. (& tunc forte commode ad hanc fraudem Himera plus justo abundabat.) Ad dam, inquit, nihil fuisse in me opis, cum viderem iratis vorticibus dominum in mare deferri. Hoc commento, fama tui interitus spargetur; qua nihil nostris rebus commodius. Nam & inimicos satia-

bit, & ceterorum miserationem inveniet, qui de extincta virtute magnificentius loqui amant. Laxabitur deinde custodia: quæ jam portus & navigia asservat; & omiſſa quaestione, quam audimus in te decretam, non ægre aut latebis aut fugies. Nec aliud mortis genus tutiori mendacio fingemus, quam quod nihil ex te reliquerit. Tuum præterea equum quo temere volet patiar ire; tanquam mors domini hanc fecerit libertatem.

Placuit omnibus Gelanori calliditas; Sed adjecit Poliarchus, si incideret in Arfidam, cui inter Siculos maxime fidem habebat, rem ut erat nihil cunctaretur effundere, rogaretque suis verbis ne indigna calamitate jacentem adire vereretur. Aut si id minus posset, quæ saltem ex re essent perferenda concrederet. Consulebat etiam Archombrotus, ne perfunctus officio Gelanorus protinus rediret ad specum: (nam nec satis posse pultantem exaudiri; & suspicioni locum fore, si qui viam in proximo obirent): Sed ad Timocleæ fores accedens, uteretur in matronæ familiares larva eadem, qua cæteris imposuisset, patronique; tanquam extincti fata expressis prosequeretur gemitibus. Inde secreto Timocleæ ope ad Poliarchum esse venturum. Agitare præterea, quid supellectili, quid familiæ Poliarchi faciendum. Instruxerat enim domum, quæ non indecora, aut impar regiæ amici-

amicitiæ esset. Sed nec familiaribus fidebat. Vnum enim suæ gentis habebat Gelanorum. Cæteri erant externi, ac plurimū sibi ignoti: Nec multum de bonis laborabat; assuetus in abdito vestium circumferre summi pretii gemmas, & modicum auri; ne fortunæ omnia in absentem licerent. Sive igitur tanquā damnati hominis bona ad se traheret Meleander, sive illa mercenarii servique diriperent; iussus est nihil movere Gelanorus, sed tanquam à convulsæ domus excidio cervices subtrahere. His præceptis exornatum dimiserunt. Ipsi Archombroto atq; Timocleæ jam non diu licebat cum Poliarcho esse. Servuli enim primo mane ad officia surrecturi timebatur, aliquo ludo fortunæ tunc potissimum seduli cum minime velles. Hos matronæ in Poliarchum studia deprehendere, utrique perniciēs erat. Rogant itaq; ut in solatium virtutem adhibeat, quæ nec clades mereri, nec, cū immerito accidunt, dejici potest. Se quidem quam sapissime liceret ad colloquium redituros. Tum pulvinū in quo recumberet, facesque (plures enim Timoclea intulerat) tradūt; & remento sub terra itinere in thoros referuntur. Poliarcho quæ mens fuerit, quantū iracundiæ quælibet in illa solitudine indulserit, illinc intelligas, quod nō plus de vita quā de mortis decore laborabat, sciebatque ex spiritu suo pēdere quos supra se habebat eximios.

Gelanorus postquam domini equum admota virgula libertatis admonitum avertit in cursus, & ipse in suum conscendit, destinatum iter ingressus est; Cumque fere ad sylvam pervenisset, in qua pridie Poliarchus pugnaverat, tres lecticas ferri vidit, multosque in equis comitari; post hos, peditum examen procedere: Quæ hæc pompa duceretur scire libuit. Pro-
pinquant liquebat lecticas esse funebres, hominesque pullatos. Territus ferali auspicio rogavit ab extremi agminis uno, cujus exequiæ ducerentur. Illo ad corpora legatorum iri respondit, quos pridie Poliarchus contra jus gentium cæcidisset. Cohorruit Gelanorus; & quæ hæc fraudes, quodve piaculum esset; secum ipse volutans, quo certiora cognosceret, ivit cum illo agmine, donec hominis cadaver, quem in limine sylvæ Poliarchus fugientem peremerat, inter ferales luctus vidit attolli in lecticam. Tunc satis constitit, grassatores qui in Poliarchum inciderant, à Lycogene ad Meleandrum fuisse legatos. Sed cur præcipitata ultio erat? Cur dies non dicta Poliarcho? Ergo legati latrocinarentur impune? Et Rex in hostes quam in suos pronior esset? Danda fortitudinis præmia fuisse victori, & legatis in scelere occisis crucem quoque pro funere.

Hæ confusa & tumida pietate volventem tanta ira incesserat, ut jam ægre aut colo-

colorem obtineret aut vocem. Sati-
us à spectaculo recedere cui furiose in-
dignari inceperat. Igitur devotis hos-
tibus, qua ad Regem propior cursus erat,
concitat equum. Penetranti ad alteram
sylvæ oram, jam sole provecto, visi com-
plures per viam procedere; nam & mili-
tari hæc erat, & tunc regiis in propin-
quo castris frequens. Inter cæteros oc-
currit Timonides, non obscurus ex Me-
leandri familia; qui & de Poliarchi vice
anxius ad hoc ipsum errabat, ut quid eo
esset factum acciperet. Is posteaquam
Gelanorum agnovit, O te, inquit, oppor-
tunum! ubi autem in tanto tumultu Po-
liarchus? At ille promissæ artis memor,
dejectos oculos in Timonidem vix attol-
lens, Poliarchum vixisse respondit. Tum
vero in Timonide pietas, atque amor, po-
tior fuit præsentium rerum metu. Vaticin-
anti similis stetit, deinde singultibus in
hæc verba laxatis, O infelicem cum Me-
leandro Siciliam! vertit habenas. Visa res
non mediocris solatii Gelanoro, fictam
domini mortem adeo veros, nec occul-
tos gemitus, invenire. Neque multum
Timonides processerat cum ad illum ite-
rum redit, &, Quod, inquit, viri maximi
fatum fuit, Gelanore? quam subito, aut à
quibus oppressus est? Cum edictum in se
Regis metueret (retulit Gelanorus) ausus
est per tenebras vadum in Himera explo-

rare: Sed imbris tumens flumen conantem diripuit, & quantum in syderum fulgore conjeci, in proximum mare devolvit. Rursus exclamavit Timonides; & nunciaturus maximam cladem, illico viam ad Regem instituit. Sic furenti, non procul Arsidas occurrit; cui uni Poliarchus furtiva consilia à Gelanoro credi voluerat. Hunc Timonides raptim implet funesti nuncii horrore; petentique ubi esset Gelanorus, ostendit venientem. Simul his ipse quidem, ut cæperat, versus regia castra stimulat equum; Arsidas vero ad Gelanorum pergens, salutemque obiter ferens, de patrono protinus quærit. Sed ille esse arcana quæ afferret respondit, quibus publicum satis aptum non esset: declinaret à via Arsidas; se cum nemo observaret sequuturum. Paruit monenti Arsidas, cui jam non parvam spem insinuerat, nihil dum Gelanorum de Poliarchi obitu questum esse.

Solitudo in convalli proxima erat, quo postquam convenire, ita prior Gelanorus; Vivit, ô Arsida, Poliarchus, sed te unum vitæ suæ conscium cupit. In effossa sub Timocleæ ædibus via, matronæ fide celatus est. Me autem ad te misit, ut doceres quis ventus hanc tempestatem exci-
verit; & si perculsum non fastidis, ad se quoque perducerem. Arsidas nullum se periculum defugere dixit; Duceret modo
Gela-

Gelanorus ad specum, cupidumque Poliarcho conjungeret. Imo, inquit Gelanorus, arte opus est qua Timocleæ familiam capiamus; ne resciant illic latere Poliarchum, & in sordidorum hominum potestatem summi viri fata perveniant. Prior ibo, subornatisque gemitibus, quod jam apud Timonidem cœpi, illius simulatam mortem deslebo. Tu quoque Arsida quoscunque conveneris, illa fabula utiliter eludes. Fiet Poliarcho vita securior, si credetur extinctus. Medio die ad Timocleæ limen pervenies, quasi per æstum acquieturus. Nec suspicionem faciet, si in ædibus matronæ jam olim tibi notæ familiaritatis jure diverteris. Est præterea quod te moneam; luvenem illic esse in Siciliam heri advectum. Ex Africa, nisi dissimulat, solvit. Speciem, & cum loquentem audiveris, sapientiam laudabis. Fides in Poliarchum summa est, cui vix dieculæ commercio junctus nunc in ultimis adhæret. Ille tibi, aut patrono meo, suspectus esse non meruit.

His inter se constitutis sparguntur in diversa; Et Gelanorus quidem qua compendium ad Timocleam erat; Arsidas, cui diutius vacabat, lento gradu in publicam viam divertit. Sed deceptus Timonides tragiædram late ferebat. Nam in quemcunque de notis incideret, author erat obfuisse Poliarchum. Rumor inde in plures;

& pro

& pro hominum sorte diversis affectibus, sed ubique ingentibus, exceptus. Statuerat eo die Meleander, Hypsa flumine superato, ire Magellam; quo ipso jubente Argenis filia Syracusis advenerat. Iamque pronunciato discessu colligebat miles vasa; & Rex dum apta itineri hora esset, in proximis vallo campis spatiabatur. Medius proceribus erat, haud dubius multos ex illis specie amicitiae atque officii circumstare inimicos; Cum ecce in castra Timonides redit nunciatque amicis quicquid acceperat de Poliarchi fato. Dicto citius atrox fama dimanavit in milites. Neque ægre credebatur. Ipsum denique Regem adire Timonides luctuque effertus ita loqui non timuit; Multum est, Domine, quod gratulemur Lycogeni. Fato functus est Poliarchus. Ad hæc verba hæsit Rex incertissima mente perculsus. Amissi juvenis calamitas & jactura eo magis horrentem agitabat, quod in se tanquam authorem hæc factorum culpa reciderat. Lacrymæ deinde propemodum subibant, & triste venturarum rerum auspiciū. Sed nec publice dolere tunc securum, cum in ejus vultum plerique imminerent ex amicis Lycogenis, frontem, oculos, verba adnotaturi. Obfirmato itaque ore, ne aut lætitiæ aut doloris ederet signum, pauca de genere interitus quæ sivit, rediitque in tentorium, certus nemini lætam esse

Poliar-

Poliarchi perniciem, nisi qui & ipsum Regem periisse concuperet. Multis militum reverentia Regis obstabat, ne coram lamentarentur. Fidissimi procerum vel suspiriis constantiam fallentibus deflebant amissum; vel indignatione majori, intermutua colloquia, factorum temporumque injuriam non premebant. Illos Rex diligentissima memoria distinguebat à ceteris, tanquam dignos quibus unis se crederet; sed nec sine pudore intuebatur, ratus se ut interfectorem Poliarchi invidiose ab illis designari. Mirum fuit, extitisse qui auderet subito calore effundere hos versus, furtimque deponere in vestibulo Prætorii, qua Regem abire oportebat.

Flos juvenum. seu te id Strygis times omne sub oris,

*Quo pallent alii manes; seu systeræ cælum
Auxisti. Siculas non respecturus ad oras;
Da fassus veniam; gravibusque accedere
vindex*

*In miseros ne quare Deis. Satis ausa lne-
mus*

*Gentibus in visi. memorique in secula
fama*

*Hoc monstrante nefas. Tene ergo laceffe-
re flamma,*

*Te potuit ripis haurire furentibus amnis?
O Superi! qui nos ignes undæve pia-
bunt?*

Ipsi amnes. ipsa mernere piacula flāma.
Cæte-

Cæterum dum profectio à castris ornat^{ur}, jam effusa in populo fama Poliarchi cladem vulgaverat, Magellamque pervenerat. Forte in thalamo sedebat Argenis, cultumque non quem tranquillis rebus haberet; regia virgine tamen dignum inter puellas adornabat. Selenissia alumna Argenidi erat, secretorum omnium conscia; & tunc illius comam finge^{bat}, cum una ancillarum ex atrio, in quod forte processerat, redit, nunciatque Poliarchum obiisse. Fefellerat primo Argenidis aures, cui tunc intentior de nocturnis ignibus, & Poliarchi inimicis, cum Selenissia sermo. Et ad Selenissiam quidem allapsa ancillæ vox, ingenti tumultu animum, omniaque præcordia concussit. Tum vero furtivis nutibus, oculisque silentium subinde jubentibus, monebat ministras ut premerent vocem; Sed jam susurrantium garrulitas sedem impleverat, subitoque horrore Argenis attonita, nec dum certa quid ancillæ loquerentur, rogavit quosnam casus aut clades inter se musarent. Selenissia responsum intercepit, excidisse de ministræ manibus speculum, quod die natali Argenidis Meleander dederat: Illud nunc dominæ iracundiam reveritas queri. Sed non persuasit jam sponte metuenti. Ergo sede Argenis exiliit, proximamque puellarum manu prehensens, & in eam ardentibus intuens oculis; Si jam, inquit,

inquit, mentiri audebis, scias te hodie ultimo in conspectu meo esse. Dic verò numquid triste de Rege allatum est? Abominata illa dirum de Melcandro omen, & tanquam adhibitura solatium; Imo, inquit, ô Domina, omnia quæ oportet de Rege audimus. Victor, & valens, ut nosti, expectatur. In tantæ fœlicitatis mixturam parva clades est, extinctus Poliarchus. Non alias fortius suas partes, quam tunc in Argenide obiit pudor. Strenue revocavit abeuntem spiritum, eodemque momento & constituit, & distulit mori. Ac ne ullam suspensionem mulieribus quæ astabant relinqueret; Regem, inquit, diis curæ esse non dubito, qui civilibus motibus secundum jus exitum dabunt. De Poliarcho loqui pertimuit, ne in ipso nomine hæreret, jam pene collectis gemitibus victa. Cumque diutius coactæ frontis scenam non ferret, in arcanam penitus cellam sola se penetrat, tanquam subiti negotii causa: jamque fores obserabat, ne quis superveniret suprema meditati. Sed non fefellit illa rabies Selenissam. In vestigiis itaque Argenidis hærens (& alumna hoc licebat) redeuntem in claustra januam sustinuit manu, specieque obsequii dominam in illo secreto sequuta est.

Tum demum obseratis foribus liberior in luctum Argenis & lachrymas solvit,
& dir-

& direptum manu cultum laniatis crinibus projecit in terram. Lectulus ex ebore erat, quem humilem purpureis tapetibus ad diurnam quietem auxerant. In illum tota corporis mole procubuit. Neque Selenissa loquebatur; sed tacita expectabat, donec sponte primus turbo lachrymarum concederet. Sed ut vidit nunc mitissimis ferventem gemitibus, nexisque manuum articulis lacertos oculosque invidiose tollentem in cælum; nunc sævius intra se, & errantibus luminibus, obloquentem; longiorem denique stylum, qui ad varios usus definebat in acumen, aptantem in jugulum: nihil cunctata in frementē insiluit: & brachium jam penē sceleratum tremulis manibus tenens, laborat dignos questus in furiosam expedire. Nam spississimis singultibus luctus obstabat. Diu par miserabile in hoc statu perseveravit, ut utraque invalida manu esset, & nec illa ferro uteretur, nec ista eriperet: ambæ immobiles, & in alterna tantum ora defixæ. Argenis præcipue in humerum cervicem reclina-verat: ore quoque incuriose hianti Selenissam intuita, Nihil, inquit, nihil agis, Selenissa. Vtcunque obstiteris, mori licebit. Haftenus recte monstrasti, constantem, memorem, piam esse. Quid illa præcepta jam alia pietate pervertis? Mihi quidem, tibi que, solatium erit, quod inviolato pudore in tumultum succedam. Putasne me
super-

superstitem Poliarcho esse? Ille me intactam à Lycogene præstitit. Reddam nunc vitam; & hoc ipsum est pudore, quem servavit, & merito suo minus. Ego, si nescis, Selenissâ, Poliarchum occidi: Crimen non expiabo nisi sanguine abluerim. Quid illi cum Sicilia, nisi propter Argenidem, fuit? In hæc verba dolore confusa spiritum quoque amiserat. Elabatur manu ferrum, & ipsa in Selenissâm, tunc quoque male fortem, incubuit.

At illa non Argenidis modo, sed & de sua vice sollicita, omnem medicinam adhibebat parum exaudienti, nunc alterno dolore aggemens, & cito expiraturolutus credens, si liberrime solverentur, nunc in alumnæ supercilium rediens. Patris etiam admonebat, quem tumultibus publicis fractum, si ipsa moreretur, extremo vulnere sauciaret. Esse hanc enim veluti purpureum & fatalem patris crimen; Quem si evelleret instar Scyllæ Minoem amantis, duplicato parricidio, gnatam & patrem in eadem exitia esse tracturam. An præterea avidæ famæ, & sponte iniquæ, persuaderi posse credebat, tam violenti amoris pudicitiam superfuissô? Sed hæc frustra apud surdas tunc aures jactabantur. Tunc vero in furem & ipsa sævire audacius; Nolle se tam fœdum exitum spectare: Nisi vivere promitteret, se ad auxilium proclamaturam. Iamque ad

fores videbatur processura; cum Argenis laciniam vestis ducens, iterum in amplexus revocat, &, O mater, inquit, cur à tantis doloribus vetas abire? An Poliarchum, si defuncta prior essem, fuisse victurum, existimas? Non fallis, Selenissà; Ab cunis ad id quod ætatis meæ est, quid velis, quid commendes, intellexi. Quod jam fieri prohibes, cum mea manu patra vero, ipsa potissimum laudabis. Si quid è mortuis superest, amat me etiamnum Poliarchus. Ibo fœlix ad sponsum, & sine invidia castissimas miscebimus umbras. Ad extremum, si extinctis sensibus toti in tumulos condimur, hoc cum vita malum effugiam (horreo loqui) ne interfectorem Poliarchi venerari necesse sit. Scis cujus imperio ignes hesterni micuerint. An dubites illinc fortissimo viro fuisse exitium? Sed pater est. Impietas erit parentem averteri. Sic igitur inter Poliarchum & patrem partiemur affectus, ut deposita vita, quod mihi utriusque beneficium est, neutri possim irasci vel favere.

Contra Selenissà dedecus cedis urgebat ad quam amor impulisset; tandemque, veluti melioribus fatis admonita; Quid nos autem Poliarchum, tanquam proclamatum, deflemus? famæque tam sæpe ludenti certissimo dolore jam credimus? Nescis in fabulis errorem Pyrami vulgari? ut discamus periculosum esse ex primis

primis iudiciis furiose decernere? Quid scis an in paria fata nunc voces Poliarchum, quibus ille suam Thisben imprudens damnavit? Poliarchum audimus occidisse. At quam multa fingere rumor sollet? Quis cadaver inspexit? Quis maculatum sanguine enses? Forsitan nunc securus, & despectis hostibus latus, si cecideris, per tuum vulnus animam efflabit. Mittere qui certiora renuncient; & saltem in hoc vive, ne eum, si vivus est, perdas. Tristi risu diducta Argenis cervicem movit; & Quam, inquit, vana spe extremos luctus differs? Hoc commento nec tibi, ô mater, nec mihi persuades. Sed hoc dabo Poliarcho, aut verius Diis, ne temere credam hoc facinus esse patratum: ea lege, ne, cum certius de clade constiterit, molesta sis vitam & sensus posituræ. Hoc principio læta anus, quæ sciret atrociam ex luctu consilia primo impetu pertimescenda esse, cum autem moram pati incepterunt, sua sponte excidere, jurisjurandi arbitrium penes se fecit; & per Deos, Deasque præcipue per genium Poliarchi, sacramentum Argenidi prævit, nihil illam toto biduo, quicquid audiret deinde, vel sciret, suæ vitæ nocituram. Annuente virgine, & in verba quæ Selenissa conceperat jurate, monere anus coepit ut recomponeret comas, ne cuiquam ad tam arcani doloris notitiam indicium esset. Formam, quamquam

in Argenide summa erat, tamen magnitudo animi vincebat. Domuit scilicet gemitus, momentoq; in vultus rediit, quos ante dolorem habuerat: nisi quod in oculis rubor tumebat, quem admota gelida temperavit.

Adhuc colligebat animum, & in lætius ora fingebat, cum una ancillarum ad fores pultavit, monuitque jam Regem in limine arcis esse. Neque mora, Argenis, tanquam aliud egisset, rediit in thalamum, etiam porrectiori vultu quam res publicæ merebantur; sive quo à suspicione fluctus abesset, sive ut inter simulationis dolorisque certamen, in justum temperamentum omnia verba, omnes gestus redirent. A prætorianis inde excepta, qui non procul excubabant, per media regis atria successit ad portam. Haud procul erat Rex, qui ad genua accedentem, ponentemque dexteræ osculum, sustollens, & mox levi manu verberans genas, usque ne valuisse rogabat; maciem simul, palloremque inculcabat, quibus inter bellorum metus deteriorem formam fecerat. At illa, haud licuisse per pietatem, respondit, Patrem & Regem in castra profectum saltem votis curisque non prosequi: sumptaque lugendi materia, non nihil lachrymis, quæ frequentissimæ instabant, indulgit. Rex eam bono animo esse jubet: Annuisse Deos votis: Restitueret placidis rebus vultum,

vultum, quem adversæ exhauserant. Populus se circum effuderat, non minus quam senectutem Meleandri, speciem Argenidis virtutemque reveritus; quæ ea arte dispensabat supercilia, oculos, nutum, ut & populus humanitate captus acclamationibus exultaret, & ex Optimatum frequentia nemo neglectum omissumve se crederet.

Salutantium supplicumque concursu Rex obsessus paulisper in atrio hæsit; in quo fons erat non plus aquis notabilis, quam arte signorum, quæ illic hospiti Cocalo ajebant Dædalum polivisse. Aquæ in altitudinem redeuntis originis, per varias fistulas atque formas micabant; mox in subjectum alveum recidentes, fervebant ipso tumultu labendi, reddebantque colorem mari similimum. In medio Galatea, tanquam in pelago, lugebat recens extinctum Acim, qui jacebat in litore, & tanquam inciperet solvi in flumen, duos fontes ore solvebat & vulnere. In confinio aquæ, contumax Cyclopiis imago, simul alio saxo imminebat securæ Galatæ, simul audiebat indignantem his versibus, quibus artifex subjectum marmor inciderat.

Durior o saxo quo nunc meus occidit Ach,

Asperior sylvis & Polypheme tuis:

Ausa lues. Deus hoc faciet, quem tu inscie fati,

Quem non mortale passus es esse virum.

D. 3

Nam

*Nam Deus Acis erit, vivetque perenni-
bus undis.*

*Quid facies? nullas hac timet unda
minas.*

*Iam fons corda tenet; jam fons tenet o-
mnia, qualis*

*Acis erat, dat nunc candidus auctor
aquas.*

*Cincinnique sui memores labuntur in or-
bem;*

*Errat & in tremulis annulus ille va-
dis.*

*Quam bona ceruleis periit jam purpura
venis!*

*Nec tamen in gelido sanguine friget
amor.*

*Quo meus Acis abit? quo vos humerique,
manusque?*

O quanti numē constat habere novum!

*Hei mihi! ne se hominem plus vulnere sen-
serit esse,*

*Quam nunc thure dato sentiet esse
Deum.*

Hoc conspectu Argenis cladis admonita,
dum Rex cunctaretur in obviis, solitario
dolore se pascebat. Erat sibi Galatea; me-
liorem Acia flebat. Sed quis ille Polyphemus? Quamquam eo destinabat Lyco-
genem, tamen & culpæ paternæ invita
meminerat. Iam ad interiora Aulae pro-
cesserant; & purpuratis ad corporum of-
ficia dilapsis; pene soli familiarium obse-
quo-

quorum ministri cum Meleandro perstiterant. Lætus Rex hoc secreto, & ab his quoque cum Argenide diversus, Tua, inquit, ætas & sexus, mea gnata, expertem facerent publicorum consiliorum, nisi te disciplina & indoles erexisset ad magna; & præterea quod utcumque sis scæmina, tamen in te recumbit fortuna Siciliæ, & viris imperatura es. Assuesce me vivo illis curis, sine quibus regia dignitas sustineri non potest; & quod potissimum in regnante est, disce silere. Pessimò loco sumus, Argenis, nisi pati injurias ita possumus, ut videamur non sensisse. Nam si pondere quod nunc urget flecti nolumus, fortasse frangemur. Scis à me defecisse Lycogenem; Multas urbes in partes abcessisse. Pejus nocent qui intra viscera hærent, meisque consiliis incubant, verius me captivum quam Regem observantes. Prælium quo nuper certavimus, videbatur Lycogenem admonuisse quid possè. Victus erat, & nisi favisset nox, ne munitionibus quidè tutus vim meorum tulisset. Tum vero Optimum illorū haud pauci qui apud me erant, quos arbitros consiliorum habueram, diutius sua studia non pressere. Fœderibus opus esse clamabant; Validam populi partem cōsensisse Lycogeni: Hos servare præstaret, an desperatione incēsos in mutuam cladem excire, tantum parricidas dubitare. Iam & ipsum Lycogenem audebant

excusare : & hunc quidem prælio victum
esse, non bello : Sed præterea, ut funditus
perdi posset, non tamen expedire. Quo e-
nim oculo Siculos inspecturos, qui eorum
delicias sustulisset ? Acrius pro ultione de-
functi, quam pro viventis decore certatu-
ros. Occuparem igitur tempus, dum acie
victor, pacem civium beneficium meum
facere poteram. Non dissimulabo, Arge-
nis ; plus inter has voces timui, quam in
campo cum Lycogenis signa fulgerent.
Prodi dignitatem meam videbam, & ti-
meri poterant graviora si decipi abnuis-
sem. Fecisti, gnata, præcipue, ut regnum
retinere quacumque pace mallet, quam
exheredem te facere obstinata defensione
majestatis. Sed nec leges expectarunt à me
Rege atque victore. Tabulas à Lycogene
obtulere, quarum summa hæc erat : Me-
leander Rex Siciliam pleno jure obtineto.
Lycogeni apud eum amicitie gradus esto,
qui fuit. Eidem & maris, & Syracusani
agri præfectura servetur. Erbeslum, & He-
racleam, cum præsidiis habeat in fidei pi-
gnus. Cavebant præterea ne liceret memi-
nisse injuriarum, ullove judicio quicquid
per hos tumultus actum est vindicare.

Non erat meæ dignitatis, Argenis, con-
ditiones ad paciscendam pacem accipere ;
sed nec recusare, fortunæ. Inter utrum-
que ambiguo, Ibburranes atque Dunal-
bius egregiam operam dederunt, ne quid
præter

præter majestatem facere crederet. Nam infulas numinum quibus ornantur, convenientissimas sciebam, ut veluti ex officio ad concordiam hortarentur armatos; majorem etiam fidem (quia externi sunt) fore, hinc illis instar sequestrorum com-
meaturis. Panormi tunc erant; Acceptis-
que codicillis, quos perplexos illis scripsi,
facile quid vellem intellexerunt. Ergo
nunc ad me, nec ad Lycogenem delati,
tanquam invitos ad ea coegerunt, quæ po-
tissimum cupiebamus. Ita conditionibus
sum assensus quas ferebat Lycogenes; nisi
quod intra duas cohortes præsidium esse
jussi, quo Erbesum & Heracleam teneret.
Idque maxime cavi, ne præsidii specie to-
tas illic habeat legiones, in me captato
tempore invasuras; neve suspecta sit leni-
tias mea ad omnia arbitria inimici tam
facilis. Hæc legatos jubebam nunciare Ly-
cogeni, & si conditio placeret, postero die
ad nos redire. Neque mora in his erat; sed
ad me adventantes tristis casus afflixit. In
Poliarchum inciderunt. Dirigit Argenis
ad rei mentionem; & ut perturbatio oris
lateret, sponte tantæ violentam tussim
commovit, ut qui deinde horror aut ru-
bor suffundi cœpisset, facile ad excussos
spiritus referretur.

Diu expectante Meleandro, cum ut-
cumque ipsa cessasset: Pessimò fato (inquit
ille) in legatos Lycogenis Poliarchus in-

Veſtus eſt. Dubium conſilio an errore. Sed ferro non pepercit, & tres ea clade extincti ſunt: Duo ſupererant; qui ex fuga calentes ad me perveniunt. Hi tumultu cuncta complere, lamentari indignum exitum ſociorum, ita meam fidem appellare, ut pene criminarentur. Cumque advocatis extemplo Proceribus, concilium illis dediſſem, jam non ſoli invidiam mihi fecere. Multi ex meis partes eorum queſtu acerbiffimo implerunt. Summa clamorum fuit, oportere Poliarchum dedi ad pœnam; ne credi vulgo poſſet immiſſus qui mea fide tutos occideret. Nec mitius quam capite inquirendum in tanti exempli facinore. Hæc jubentibus propiores quam conſulentibus urgebant. Sed obſtabat ingens in me meritum Poliarchi, qui prælio mihi victoriam conciliaverat. Et virtus experta, ſuſpicioni ignobilis facinoris non patebat. Cleobulo quidem, atque Eurymedi cæterisque qui in concilio ſani erant, incredibile erat id ſcelus. Reum illi audiendum cenſebant, facile quæ ſibi obiciebantur excuſaturum. Igitur miſſurum me affirmo, qui eum ad dicendam cauſam accerſerent. Fore enim ſine exemplo ſi deſenſione ſublata opprimeretur. Hoc audito pejus hoſtes accenſi ſunt; Eripi enim debita vindictæ Poliarchum, ſi ulciſci differrem. Num enim poſt tantæ audaciæ neſas, niſi vi & ingratius rediturum? imo, niſi
prohi-

prohiberetur, excessurum ex Insula, & in patria jactaturum quam impune illussisset Sicilia. Cum me diutius confusa flagitatione laceſſerent, rogavi, quid igitur factum opus? Nam abesse Poliarchum; & in absentem supplicia frustra constitui. Vox illorum omnium fuit, fugam ipsius occupandam; quod perfacile esset, si juberem nocturnis ignibus provinciae signum dari. Ita enim occlusis portibus tanquam in custodia hæsurum, futurumque exemplo peregrinis; scelera ubicunque possunt fieri, posse quoque vindicari. Credidi (Argenis) esse salute Poliarchi, ut assentirem quaestioni, ne negata ultione accenderem suo se arbitrio vindicatuſ. Nam & ubi incolumis ad judicium venisset, multa posse occurrere quæ eum furentibus eriperent. Prima igitur nocte publici è speculis ignes in Poliarchum fulserunt, & mihi in malis solatium fuit, quod militum vulgus ægre ejus periculum audivit. Sed speranti meliora, primo mane supervenit Timonides maximi luctus auctor, nunciavitque Poliarchum periisse. Non potuit Argenis dolori imperare; sed ingenti suspirio victa, primumque in genua subsidens, mox tanquam expiratura, procubuit. Exclamat Meleander, factoque proximorum concursu, inter manus puellarum in thorum illata est. Aqua deinde ori persusa, vestibisque laxatis, liberior

liberior spiritus sudorem compescuit. Percunctabatur Selenissiam Meleander; quod ægritudinis genus; & num primum filiam urgeret. se quidem dum ambo colloquuntur adversæ valetudinis signa notasse, inquietos oculos, & sæpe reprehensos ab errore. sed nec eundem fronti colorem constitisse. Selenissa apte dissimulabat, jam biduum esse ex quo illa satis cibum non caperet; hinc se febriculam suspicari; Experientia tamen scire, hoc linq̃uentis animi frigus in Argenide breve esse, nec gravioris mali indicio suspectum.

Dum in his rebus sunt, interim à Lyco- gene litteræ Regi redduntur, quibus significabat ei præsto se futurum, ut in Palladis sacrario (id Rex sanctissimum habebat) jurejurando pax perpetraretur. Se postero die, si Regi videretur, esse venturum. Rex ei renunciari jubet, id magnopere sibi placere; scire se in crastinum expectari. Dimisso nuncio, Eurymedem vocat, virum semper animis successuq; egregium. Nam & juvenis semel in Olympia cursu, iterum lucta in Isthmicis, coronaverat patriam oleastro & apio. In paucis deinde Regi charus, & prætorianis Præfectus, semperque arcirector, aut urbi, quamcumque Rex iniisset; & fidem per hæc bella incorruptam præstiterat. Huic Rex quæ videbantur imperavit; curarentur intentius ea nocte excubiæ; cohortes, quæ à
suspi.

suspicionem perfidiae aberant, in stationibus locarentur; vigilum numerus duplex esset; Cavendum ne quid suo adventu moveret Lycogenes. Eum enim non tam conciliatae pacis fiducia, quam factionis suae viribus tutum, ad aulam accedere. Postquam mandata haec dedit, quia Argenidi melius erat, in ejus triclinio coenavit; illic (ut erat mitissimi animi Princeps) maceratum curis animum non nihil refecturus. Reliquum noctis, quantum per solitudinem licebat, somno datum. Sed Argenidem interim dolor per indigna & horrenda consilia ducebat. Neque satis placida aut secunda Poliarcho nox erat, Timocleae quoque adibus nova tempestate ferventibus.

Cum enim Gelanorus discessisset ab Arside, recta viam ad Timocleae limen habuerat. Illic apud servulos fictum patroni exitum caute deflevit. Matrona totam scenam ex arte prosequuta, coram familiaribus rogabat Gelanorum, quonam facto Poliarchus periisset; & ille liberius apud intelligentem mentiebatur. Supervenit etiam Archombrotus, fictisque probe doloribus vocem suam & vultum niutavit. Aderat inter haec Arside; quem ut ad hospitium divertere nunciatum est Timocleae, ipsa ad vestibulum confestim processit. Cumque ille excusaret, quod nimia familiaritatis fiducia ad ejus limina de
itinere

itinere deſſexiſſet; & matrona, id ipſum beneficium vocando ageret gratis, ſuccedunt intra teſta: moxque Archombroto ſociantur, quem prior Arſidas cœperat, utpote externum, ſalutare. Tempus prandii erat, quod Siculi, ſupra cæterorum Græcorum mollitiem, curabant. Hoc confecto, cum ad ſumendum cibum digrederetur familia, ſolique cum Timoclea Archombrotus & Arſidas ſuperſeſſent; Scio, Arſida, (inquit illa) te ad pium officium adveniſſe. Poliarchum, licet in inſeſta fortuna, quæris & amas. Vt ex Gelanoro didiciſti, apud me eſt. Quæ illum cauſæ perculerint, neque hic quæro, & melius apud ipſum à te accipiam. Tum Arſidas; Dii, inquit, in præſens ſilentium commodent noſtris rebus. Cæterum quod ſecreti(matrona)nunc agimus, nulla ætas tacebit. Sed in ambiguo tuæ domus fortuna eſt. Si fidem ſervabit, ſi hoc grande virtutis deſpositum, cum tuto licebit, Orbi reddet; plusquã Saturni Latium poſteris erit. Sin tumuli omen hic habet ſub terra Poliarchus, pollutæ erunt ſedes: quicquid Dirarû in Sicilia narratur, in his antris, in hoc Ditis adyto, vulgaris infamia inveniet.

Parata fax erat, quam cum accendiſſet Timoclea, ad Poliarchum ituros præceſſit. Neque diu in illis latebris fuerant, cum vident aſſurgentem ex pulvino, & adventantium lumine excitatum. Is poſtea-
quam

quam Arsidam vidit, cæteris obiter salutatis, in illius collum invasit. Fidem deinde amici collaudare, & subinde rogare, an latitantem reumq; Poliarchum agnosceret. Et vides, inquit, hanc matronam? Si hæc latebræ mihi pudendæ sunt, culpam deprecari non potest; Sin salutare hoc capitis mei furtum, illi me debeo. Coegit apud se potissimum in hoc turbine esse. Dic autem, Arsida, quo piaculo meruerim esse sacer Siciliæ. An Rex de Meleandro Cercyon aut Busiris est factus? aut vos Siculi habetis Dianæ Tauricæ signum, & hospitis sanguine gravem Deam placatis? Ad hæc Arsidas non pauca de Meleandri rebus questus, exposuit quantum seditionis instar Regiis castris intulissent legati Lycogenis, & cum illis purpurati aliquot Regi infidi. Tantis malis victum Regem, cum res in tumultum excederet, & Poliarchus fugere ex Insula diceretur, annuisse ut publice ignes fierent. Poliarchus non sine indignatione Arsidam audiebat, crebroque & mutatis vestigiis accer, & loquuturo similis erat; Cumque ille desisset, tum vero Timocleæ manum corripiens: Te autem, inquit, testor (nam quamvis præsentissimi Dii sunt, tamen nec usque quaque per sua numina falientes perdunt, nec continuo adsunt cum rite invocantur) Te, inquam, Timoclea, testem volo. Adfuiſti facinori. Vidisti
pugnans

pugnantem. Num insidias struxi? num
quæsi in quos certarem? num obvios la-
cessivi? Incogitantem adorti sunt. & ergo
vel sub illis pereundum mihi erat, vel si
vicissem, in me armanda Sicilia? Quod ve-
ro meditati sceleris argumentum? Vnus
eram, &, infirmissimum pugnae solatium,
mulier comitabatur; matronae servuli,
meusque libertus, in pacata ut credeba-
tur sylva præiverant, ut nec ad illos cer-
tantium sonus pervenerit. Quo autem
miserrimum Regem fortuna adegit? A
conjuratis & perduellibus missos instar
justorum legatorum venerari; litare suo-
rum sanguine cupiditati hostium; & infra
eorum crudelissima vota famam habere?
Plura, quæ dolor & conscientia admo-
vebat ingentem, vetat Arfidas de fama
publica dubitare. Dicere omnes, nisi à Ly-
cogene corruptos, esse in paucis eximia in
fortitudinis laudem, unum, & itineri,
non pugnae paratum, ex tot grassatorum
manibus victorem evasisse; Riderique à
militibus fœdissime querentes, quod quin-
que, aut plures, ab uno oppressi sint. Sed
jam aliud quærendum, Poliarche. Indigna
est, ut se hodie habet, tua virtute Sicilia.
Exi parumper. Da Regi, ne cogatur aut
periculosa suis rebus sanctitate te tueri,
aut cum flagitio inimicis relinquere. Ad-
huc in te sic peccavit, ut possit excusari.
Cædem enim vel lui, vel purgari iudicio,
adeo

adeo mos est, ut ipsum Martem ferant, caeso Halirrhotio, in Arcopago causam dixisse. Quod si securi & legitimi fori spes esset, suaderem, Poliarche, ut ultro tui copiam faceres accusantibus. Neque enim aliud in te decretum, quam ut ad Iudices venias; causa autem est, quam vel iniquis probes. Sed odium & impietas hostilis, non expectaret iudicum urnam. Insidiis, aut impetu, facinus urgerent. Horreo loqui. Abi modo Poliarcho. Permite hanc Insulam non in totum esse scelestam. Poliarchus se vero si liceret abiturum respondit; Nec quid minus post tot beneficia quam pacatum discessum ingratis simam terram posse præstare. Male merito Regi ideo minus se irasci, quod à fortuna illum plecti ad inimicorum satietatem jam videat.

Inter eos deinde queri coeptum, qua turpissime ratione emitteretur ab insula; placuitque in rustico habitu eum esse. Arsidas ex Brutiis uxorem habebat, poteratque Messana ad socerum sine suspitione transmittere. Is impositum suo navigio Poliarchum recipiebat in Italiam deferre. Timoclea habere se præterea dixit, quo vultum fugientis egregia fraude mutaret. Fuit, inquit, in Panormi finibus latro, non spernendæ calliditatis arte diu inultus. Quippe vultus illi triplex, ut de Geryone quædam anus fabulis memorant. His dictis modico risu cunctata est, quantum in-

E. tristissi-

tristissimis rebus decebat. *Ætas* homini media erat, rava barba, & tenuis: Sed in sinu capillitia duo, ex quibus totidem barbæ pendebant; hæc horridior, & in senilem effigiem cana; fusca alia, in primæ virilitatis specimen colebatur. Has larvas tanta ars concinnabat, ut nemo ascitiam formam deprehendere, nemo arguere furtivos vultus posset. Igitur modo senex, nunc junior, interdum dempta persona cernebatur. Sic impune latrocinantem mutabilis forma non suppliciis tantum sed & suspicioni diu eripuit. Nam juvenili grassatus specie, mox senex occurrebat quærentibus; rursusque fallebat juventutis imagine, si sub canis peccaverat. Pater tunc meus provinciã regebat, qui fatigatus pessimi Chamæleontis ingenio, tandem captum meritißima cruce fregit. Sed miratus fraudis ingenium ad naturã accedentis, pilos jussit apud se asservari. Si placeat, hos producã, aptabimusq; Poliarcho.

Non expectavit donec ullus annueret; sed excessit ex specu, neque diu morata, attulit hæc gemina juventutis & supremæ ætatis simulachra. Horum alterum cum impesuisent Poliarcho, frendenti, quod sibi alienis & improbis vultibus ad salutem opus esset, statim scialius fuit, ut vel Argenidem fallere posset. Opportunißimę fraudi bene precati, rogare perseverãt, ut ea uti vellet. Timoclea quoque idoneas vestes

vestes prima nocte delaturam se promisit. Nam debere in iis latebris Poliarchum in ignoto habitu esse, ut si qua illic fortuna tulisset curiosos, in proximos campos sui oris securus fugere posset. Iamque erant discessuri, cum Arsidam Poliarchus sevocat; Archombroto & Timoclea excusans quod cum eo secretus loqueretur; & colloquendi causa erat, quod necessitudinem quæ ipsi cum Argenide erat amicorum fidissimus sciret. Eum igitur obtestatus, ne quam primum ad Argenidem gravetur contendere; se de Virginis vice multo gravius quam de sua anxium esse. Scire enim suam cladem illi immodico dolituram. Quid vero quod extinctus dicebatur? Tristissimæ famæ errore, ad sæva & ultima consilia posse amantem adigi. Iret Arsidas, & mœrentem sublevaret. Ne illa fleat incolumem. Si dii exitum præstiterint, in Italico se littore expectaturum ejus imperia: aut si juberet, tunc etiam quamlibet periculoso furto ad eam esse iturum. Plura nec dicere tempus sinebat, nec Arsidæ volebat comittere; qui operam prolixè pollicitus, tamen quia jam vespera erat, hortante Timoclea, nec dissuadente Poliarcho, in crastinum distulit iter. Sumpta cœna redituri ad Poliarchum erant, cum vestibibus quas matrona promiserat. Is interim allatis à Timoclea cibis perfunctorie vescabatur; &, quo illum à præsentium

malorum sensu averteret, nonnihil jocosus Arsidas, Quid doles, vir fortissime, inquit, si te specus, si mutatus habitus ab hostibus teget? Tu unus, tu plurimos fugis; At superos omnes, cum unus insequeretur Typhæus, fugæ non puduit; nec fortasse evasisent, nisi Ægyptus animantium turpibus formis paventes condidisset. Audi quanta audacia Nicopompus familiaris tuus in illorum metu versatus, divinis vultibus rictus & rostra induxerit. Tradidit deinde librum, in quo erat poësis varii argumenti, jam jamque abiturus, hos versus quos ille legeret ungue signavit.

*Iam prope congesti super astra Typhœa
montes*

Extulerant. tremuere Dei; nec sava Tenantem

Fulmina, nec certe Phœbum juvere sagitta.

Non ferro insignis Mavors, non Gorgone Pallas;

Non avimi, non ora manent, miserosque reliquit

Sanguis, & in capto pallebant sydera cælo.

*Horridus æria cumulâs fastigia bruma,
Exsuperansque Notos, cælo conjungitur Atlas.*

Inque solum præbet Superis iter. Astra recumbunt

Verticibus, Libyci hæret vestigia campis.

Ergo

ARGENTIS LIB. I.

69

Ergo per immensos humeros, mentique se-
veram

Caniciem & rivis gelidos manantibus artus

Defluxere polo Superi. Ne fidite terra,

Calicola; Dirum peperit vesana Typhæum.

Qualiter imbelles volucris timor agmine
mixto

Exercet cursu Damas; Cum prima per
arva

Sustinuere fugam, stant omnes impete presso,

Haustræ sonitum, seu quem latratibus
horrens

Aura feret, seu quem venantia cornua mit-
tent.

Tum subito effusa celerant vestigia, qua dat

Sylvæ locum. Sequitur falsi terroris imago

Longa, nec auditi cessant simulachra pe-
ricli.

Haud aliter toto fugiunt vaga Numina
mundo.

Nil certum miseris. Superant montesque,
lacusque,

Planaque, nec furvis satis est sibi noctis in-
antris.

Est regio, incertus patria qua flumina Ni-
lus

Dividit, & septem succedit in æquora rivis.

Si qua fides, illic mortalia corpora primum

Aspexere diem, retinens cum terra supremi

Ætheris informes animavit Apolline gle-
bas.

Hæc furtop lacuit tellus: hic fessa Deorum

*Agmina sub Pharia latuere crepidine ripe.
Hæc quoque Sylvanos, huc & nemora alta
tenentes*

Egit cura Deus, Panesque auxire tumultum.

*Hand procul, ignara fati, secura bidentes
Gramina carpebant, queis rustica fistula signum*

*Lene dabat: placidis suberant magalia septis,
Plenaque ludentes poscebant ubera nati.*

*Has videt, incerto lustrat dum singula visu
Iuppiter, & Felix, inquit, pecus. Ergo Tonantem*

*Fata premunt, nullumque timet grex iste
Typhæum?*

*Ite procul radii, semperque invisa potestas,
Pax humiles si tanta fovet. Sic dixit, &
albo*

*Vellere crispatus demissos induit artus,
Curvaque celata sinuavit cornua fronti,
Qua cælum & terras solitus, qua dira mo-
vers*

*Tartara; seu pacem, seu bella indigna in-
beret.*

*Nec mora, mentitis aries balatibus ibat,
Permistusque gregi; (mirere Typhoea cap-
tum)*

*Et fellebat oves. Frandis laudavit Apollo
Ingenium, & similes sese curvabat in astus.
Sed timuit terras, corvique horrentibus alis
Plausit in alta viam, nec prepetis inscius
ala,*

*Ter superos circum, facili dedit omnis
gyro.*

*Tro! pudor! afficiunt, passimque exem-
pla sequuntur.*

*Calicola. Variis testis Memphis monstris
Arva tenent, metuuntque sibi; Dum
spondet inanes*

Interea supplex non exauditus ad aras

*Vota, & frustratis fumant cultoribus
ignes.*

Interim Archombroto & Arsidæ, In Ti-
mocleæ hortis, nondum insalubris vespe-
ra per diversos sermones agebatur, & oc-
cassione Poliarchi, de iis sermo erat qui in-
dole & virtutibus præstant, quam hæ raræ
in mortalibus gemmæ, quam sæpe con-
temptæ ab ingeniis quæ ad servitutem fa-
cta, liberis tamen ut plurimum imperant.
Dum ista loquuntur, abstulit Arsidam cu-
ra virtutis, & præsentium fastidium re-
rum, ut cum impetu doceret, sine scelere
& periculo, contumeliose haberi non pos-
se eximios viros; sed & genus inhumani-
tatis noxiosissimum esse, non illos extol-
lere, & præmiis sollicitare de publico.
Nunc (inquit) perversam rationem fortu-
na instituit, ut in multis gentibus prope
sit ad egregii animi indicium arceri à re-
giis, aut in illis jacere. Adeo timida aut
barbara scelicitum vitia amant exarmare
virtutem; quasi ea portiores futuri sint, si
egenam aut neglectâ superbi calcaverint.

Archombrotus, seu sapientiam Arsidę effiebat ad imbuendum animum, seu agebat Regum causam, se quidem, quod ad Poliarchi casum erat, abominari dixit tam protervam fortunę licentiam; Cæterum, nihil mirum tot curis totque sumptibus Reges exhaustos, præterire aliquando non vulgaria ingenia. Nam nec compendio fore, si egregios viros oporteret oneri cæteris esse, & naturę omnes dotes publico auro signari. Sæpe etiam illas mentes quas tantopere miramur, inutiles Regibus nasci, nec aptari ad negotiorum usum; Vt quidam fructus sunt ad videndi voluptatem; quos si velis ad gustum transferre, famem ingrato aut noxio succo fallant. Cunctabatur Arsidas respondere; contentus levi risu aspernari hanc defensionem pessimi fati; donec constitit ex Archombroti vultu (nam in eum erat intentus) velle se refutari. Curas autem objicis Regum? inquit; quasi non præcipua esse debeat, secum viros habere, quos non adeo crebros ætas hæc protulit, ut damnes nescio cujus lucernam in frequenti foro unum saltem quærentis. At sumptum Respublica non ferret. O sollicitę prudentiæ mentes! Ergo parce aucupium procurari, stabula tanquam in Sybaritano exercitu saltatoriis equis non fervere, aut non reparari jacturam, si de venaticis canibus unum aper perculerit: Hæc, inquam, non ad

ad usum aut voluptatem Principum magis, quam in specimen majestatis, omitti, nefas ducunt. Tantum auri profundi, tot vilissimos homines de ærario vivere placeat. Sed demum est grave haberi magnorum animorum delectum. hic parsimonia in memoriam redit. hic ærarium deficit, imo hercule bona mens, Archombrote. Fac enim ipsum Regem non amare eorum consortia. Num in thesauris sola reponimus, quæ ingenerato affectu grata sunt nobis, & non præterea quæ pretio suo merent? Sed neque anguste habitant Reges, ut si ejusmodi virorum colloquia fastidiunt, aut verentur, non possint tanquam absentem & reconditam penum habere. Nec de multitudine queratis, Archombrote. Quamlibet curioso delectu, tamen paucos efficias. Quosnam ergo, subjicit Archombrotus, in illam refers classem? Tum ille; Si latius, & extra Poliarchi hunc casum, rem totam expendimus; isthinc primum ex eminentioribus disciplinis aut artificiiis nulla exegerim. Domitandis aliis equis, alius pugilatu sit nobilis. Pingendo, aut canendo, sibi nomen hi fecerint; Ille ædium moliendarum celebretur peritia, aut derivandis in simulachra fontium aquis; vel si qua ars alia suo aut seculi genio valet: Statim emanant, etiam quanti seipsum indicarint, si vilius forte non poterit. Ipsa stipendiorum magnificentia

commendabit artificem, & gloriam possidentis. Sed nobiles volo; & ut monui, quales paucos invenias. Iam, quæ altiora sunt, belli & pacis artes, quid cessamus licitari? id est, homines fortitudine aut literis notos. Neque meram temeritatem in armis, Musasve vulgares, ad hæc præmia arcesso; Sed illos quidem duces, qui militarem impetum ratione compositum habent, aut fortuna propitium; eosque præcipue quos fama amavit, bellicis utique rebus vera momenta vanissimo numine sæpissime addens. Eruditorum vero præcipui adeo eminent, ut nisi imperitos non lateant raræ hæ facies, & sæpe in Orbe suis Musis pauciores. Quidam in illis publicæ prudentiæ sunt apti, sed quia hoc Deorum beneficio uti nescit respublica, privatis in curis consenescentes, non rursu, non negotiis lævigantur. Cæteri, qui solis libris nati sunt, quid tamen apud præsentis & posteris valeant, cum ex ira vel favore dividunt mortalibus famam, cum suos amatores præjudiciis sectisque imbuunt, si quis nescire vult, dignus est malo omine experiri.

Ita sumus comparati, Archombrote, ut quemque aliquod studium trahat. In illa autem re quam probamus, aut colimus, eos qui excellunt miramur. Finge ergo artificii, litteris, armisque præcipuos (nam ea ferme sunt quæ mortaliæ animos

animos tangunt) velut in uno cœlo stellas, convenisse ad Principum ullum. Quis deinde toto Orbe de regia illa sermo? quis eam ignorabit? aut quia illic habet suum Deum, cum horrore tanquam sacrarium nō colet? Principi ipsi, quanta operis merces? ut excedet mortalium sortem? ut vivus, & sospes, multo certius quam per odores, & aquilam erumpentem ex funere, se sentiet consecratum? Triumphabit in omnium plausu; Hæc fercula, hæc opima gentium spolia erunt, quorum ad se veluti flores in sertum collegerit,

Optabile votum, retulit Archombrotus, si ad illud spem facerent negotiorum turbæ, & diversa eorum studia qui Regum amici sunt. Etiam illi præstantes de quibus loqueris, non omnes utique sunt venales, multique præterea eorum, ut oportet, optasve, gratiosi in aulis versantur; Ut cæteros quos ejusmodi fœlicitas præterit sit æquius de fortuna quam Regibus queri. Tum Arsidas; Neque posse credidi, Archombrote, hujus nostræ contemplationis venustatem ad effectum absoluta fœlicitate traduci. Sed ut cætera sapientia juvat, licet in agendis rebus minus exacta sit, quâ cum sequestri animo concipitur: Sic in hac parte plurimum erit, qua res & fortuna patietur, non negligere tantæ utilitatis compendium; ut si omnes illi non possint, at plurimi beneficiis cogantur
ad

ad Regiam. Nam quod Regum palatia
 summæ indolis viris destitui negas, non
 in totum à te abeo; sed audi me Archom-
 brote. Est medius ordo, & velut equestris,
 ingeniorum quidem sagacium, & com-
 modorum rebus humanis, non tamen in
 primam quam celebramus magnitudi-
 nem patentium. Eorum hominum, ut sic
 dicam, major annona est; neque hos nego
 ad Aulas sæpe accedere, & cum proVecti
 sunt, ita splendescere ascititiis radiis digni-
 tatis, ut exactæ naturæ opera esse credan-
 tur, velut obscuriores gemmæ interdū ab
 artificio, & circumposito auro lucem ac-
 ciipiunt optimis parem. Sedulum esse, ni-
 hil temere loqui, assuescere labori, & ima-
 gini sapientiæ parere, tegere angustiores
 partes ingenii. Hæc neque summum ho-
 minem desiderant, & sola interdum sunt
 quæ in laudatis Proceribus suspicias. Ut
 vel abesse vitia pro virtute sit; vel non in-
 vidiosus prudentiæ rivus in Oceani famā
 se diffundat; dum exercitationem ac usum
 quo isti in civilibus rebus pollent, pro na-
 tura & magnitudine ingenii plerique acci-
 piunt. Et hos quidem à sua laude non ar-
 ceo. Magnum est, in eam esse sortem pro-
 ductum, & præterea institutione crevisse.
 Sed non illi sunt, Archombrote, de quibus
 disceptamus.

Præter hos ergo (ut ajebas) adhuc scio
 nonnunquam primæ illius summæque

notæ ingenia venire ad Principes, adhibe-
rique negotiis. Quippe & Poliarchus vive-
bat in regia, & te, egregie Iuvenis, inter
hæc naturæ ornamenta non dubito nu-
merare. Habet & Meleander Cleobulum,
habet Eurymedem: Nihil illis sublimius.
Sed non ideo palatia Regum pro justis aut
fœlicibus habeo, quod de brevi eximio-
rum virorum numero paucissimos non-
nunquam excipiant. Multo plures retule-
ris, aut spretos, aut, quod pejus est, viola-
tos, ut his questibus meis æquitas sua con-
stet. Culpa autem interdum est Regum,
cum moneri non volunt, timentve virtu-
tem; interdum illorum qui Regibus ad-
sunt, si natura barbaros fecit, aut incurio-
sos fœlicitas, aut fortuna superbos. Acce-
dit, quod Procerum multi decedere ali-
quid sibi credunt, cum quis extra se suos-
ve de Regia plenior abit. Sic neglecta vir-
tutis familia, dispensant animum Principi-
bus, interdum nescientis per suam cliente-
lam. Longe aliud facturi, si candide domi-
num amarent, imo medius fidius, si sei-
psos sapienter. Nam quid illustrius, quam
publico sumptu homines ad ornatum sæ-
culi editos in clientes sibi parare; dubita-
tuos certe an Regi plus debeant, an illis
per quos ad hæc bona producti sunt? Ride-
re mehercule soleo illorum cæcitatem, qui
non curant à litteris eam laudem impe-
trare, quæ eorum voluptatibus opibusque
su-

superstes sit, & quam nisi auide ambientibus concedi non oportet. Nam ut eruditi non placent qui pretio conducuntur, ut extollant immerentes; ita æquissimos puto qui non dignantur suis præconiis fastidiosam superbamque virtutem, aut denique ignaram quantum sibi litterarum favore præstetur.

Quod si ejusmodi apum mella nō placent; saltem non sunt excitandi aculei injuria vel contemptu. Vnus enim sive litterarum sive militiæ peritus, quam sæpe privatam injuriam publice ultus est, quam sæpe unus vicit, unus partes inclinavit? Ejusmodi capitibus solent populi plures instar hostiarum mactari. Absit omen; nec & Sicilia sentiat Poliarchum esse iratum. Ille enim aderat ultro Regi; ut eo offensa sit gravior, quod non modo non querere, sed nec ferre potuimus hanc virtutem. Et quidem nescio, sanioribus Optimatum, ac præcipue adveniēti hodie, ut ferunt, Ibburrani, qua se ratione Meleander excuset. Ille enim quia externus est, dignitatis præterea suæ & familiaritatis jure, liberius hunc casum audebit apud Regem accusare. Quamquam ea probabantur Archombroto, tamen Arsida in hos prolixius sermones delapsus dolebat, libentius ab eo accepturus quibus moribus Siculi viverent, & quæ studia maxime vigerēt in Regia. Nam & memor à Poliarcho præcipua nomina

nomina audisse, quæ tunc suis virtutibus
aut vitiis insignia essent, de illorum non-
nullis ardebat percunctari. Cum igitur
Ibburranem Arsidas nominavisset, occa-
sione arrepta, Quis autem ille vir, inquit,
& quæ illum virtutes vobis commendant?
Tum Arsidas; Ille quidem in Lydia natus
est, ait; & sola amicitia nobis junctus, quæ
Meleandri humanitas curiose sancivit;
Cæterum dignus quem omnium gentium
vota optent in civem. Ex vetusta nobili-
tate Lydorum est; & inter negotia edu-
ctus, lætum animum, rebusque maturum,
disciplinis ac solertia implevit; cumque ac-
cederet opulentix vis, omnes honestatura
dignitates, cœpit juvenis fungi muneribus
quæ sunt in Deorum cultu eximia.
Paulo tardius tamen quam speraverant
amici ad purpuram venit, quam multo-
rum opinio illi cum lanugine destinave-
rat. Sed ad gloriam fuit prius dignitatem
mereri, quam habere. Inde tribunalia, le-
gationes, provincias obivit; ne quare quo
genio: par illi ubique æquitatis & cle-
mentix fama. Et quamquam splendido
cultu, atque ingentes profuso, patrimo-
nium vexabat, ea fuit integritas, ut non
modo à peculatu abesset, nec venderet
judicia, (à quibus vitiis abesse nunc ma-
gnum putatur) sed nec oblati Regum
muneribus, quæ ceteri ambiunt, liberta-
tem donaret. Illi animus simul hilaris

& severus, prout in virtutes offendit aut vitia. Musas autem, quia eum amaverunt, adeo in summa fortuna non despicit, ut sæpe eas admittat in secretum, referatque deinde amœnissimo ingenio quæ illa dixerunt. Itaque ad eum tanquam Apollineum coeunt quos alta & innocens laurus superpervexit vilibus mortalitatis curis. Ne quid vero ipsi Numina negarent, sanguine proximos iisdem moribus in suavitatem charitatis sic junxere, ut & totam familiam templum putes; & non sine præstigio majores suæ stirpis symbolum apes fecisse; ex quibus pro merito atque temporibus, nec aculeos nec suavitatem desideres. Cæterum toto hoc triduo apud Lycogenem fuit, de pacis conditionibus acturus: Re perfecta hodie à Rege expectatur.

Colloquendi suavitas in aliquantum noctis sermones extraxerat; jamque corna Matronæ officiis cumulata vocaverat convivas; & illi inter epulas tanquam prosperis rebus (nam Poliarchum fidebant innoxie avchi posse) curas lenire inceperant. Sed adhuc circumferebatur mulsum, cum rusticorum hominum turba ad ædium fores periculosissima immanitate detonuit. Rogabat ostiarius furiosos jubentisque intromitti, ut paterentur rem dominæ nunciari. At illi fastidioso nutu se cum imperio venire respondent. Simul his fores in terram assulatim arietant, ir-

rum.

rampuntque vecordes. Tela quoque, quæ singulorum conditio casusve obtulerat, superbe sustulerunt. Nam iusta arma neminerant. Vbi vero in triclinium intravere, Timoclea quidem subito metu contrahuit; Archombrotus autem & Arsidas se de thoro præcipitant, suggestosque à famulis enses impigre stringunt, si peterentur ea rabie, non facili aut inulto exitu perituri. Publici vero motus origo hæc erat. Mulier ex vicino oppido, eo die in Timocleæ domo versata, cum vidisset ignotum suis oculis Gelanorum, percunctata quis esset, audiverat Poliarchi servum esse. Festus Cereri dies erat, & ex vicinis mapalibus multi agrestes in oppidulum, quod Phthintia dicebatur, convenerant. Illuc cum rediisset mulier, accessissetque in circulum, ociose compositis temerè retulit servum se vidisse Poliarchi. Statim audientium unus; Quid si, inquit, & ipse Poliarchus clam illic asservatur? Aderat alius audacibus consiliis præceps, qui rei tam feræ quæstionem amitti non debere cum supercilio dixit. Toti oppido crimen fore, si in ejus finibus Poliarchus latuisset. Iamque in multos eadem opinio pervascerat, cum attollente se fama, & subinde majora jactante, jam non quasi rem dubiam aut quærendam agitantes, certo ferebant, receptatricem Poliarchi esse Timocleam: illinc ad publicum judicium esse trahendum.

dum. Vana esse quæ de ejus obitu ante audiverant. Quo indicio id crederent, quem authorem haberent, non curabant sciebantve. Et ni Dii obstitissent, non erraverat furiosorum conjectura. Adeo sæpe temeritas, & fortuna, scelerius judicat, quam inter momenta prudentiæ incerta laboransque solertia,

Incaluerat multitudo, forumque tumultuaria concione impleverat, pro duce pervicacissimum sequutura. Cumq; unus inclamaret, nihil esse cunctandum, prosiiliunt universi, & rapta quæ quisque potuit arma ferentes, effringunt Timocleæ limina, creduntque in Poliarchum incidisse. Quippe eorum nemini notus dicebatur esse juvenis, justa statura, vultu amœno; & hæc omnia in Archombrotum cadebant; quem & vestis peregrina propiori suspicione damnabat. Nam Poliarcho, homini extero, eam convenire crediderant. His capti indiciis plausum fecerunt; & ni vivum tenere voluissent, ipsa multitudine obrutus alienæ invidiæ pœnas luisset. Cumque vultu & ferro se ad pugnam compararet; tum ille quem cæteri agrestes ducem habebant, propius mensæ admotus, quæ sibi & convivis media erat; Nunc, inquit, secundo scelestus es, Poliarche; qui antea Regis iracundiam meritis, ferrum etiam in nos stringis publica mandata obeuntes. Pone ocyus telum, vinculisque

culisque te dede. Timoclea eadem pœna erit, quæ te tamdiu incolumen ausa præstare. Post hæc unius verba cæterorum clamor increbuit, sævo confusoque impetu festinari jubentium. Archombrotus, quamquam Græce sciebat, tamen in rustica voce nihil aliud perceperat, nisi ad vincula se deposci. Mirari non vacavit, aut quid deliquisset rogare in præsentis periculo. Tantum juvenili fervore elatus, decrevit inter eorum cædes mori. Sed Arsidas in Sicilia natus, gnarusque sermonis quo rustici utebantur, continuiter irruentem; & Siste manum, Archombrote, siste, inquit; Quid impari, nec necessaria pûgna, frustra inter istos fortitudinem consumis? Ergo te vindicent indigni quos superes, & vel mortem vel victoriam maculabis ignobilitate certaminis? Neque in te adornantur hæc minæ. Poliarchum siquidem quærunt. In illum deinde conversus, qui subito imperio ferox turbam ducebat; nihil tumultu bene agi admonuit. Cur illa multitudo prius irascebatur, quam se, vel Regem spretum sciret? Adjecit præterea blandimenta; nec se scilicet dubitare, quin ex illius cui loquebatur nutu cuncta penderent. Si ei placeret saltem brevem quietem imperare, parituros universos. Delinitus rustici animus insuetis sibi honoribus fuit,

silentiumque lictori quam duci similior
indixit.

Desinebat in fremitus sævientium
murmur; cum interrogavit Arsidas, quæ
causa tantum vulgus in arma excivisset;
responditque ille antesignanus, ad Poliarchum
comprehendendum se venisse. Tū
vero Arsidas sanctissime dejerare, non
adesse Poliarchum; nec, quod sciret, luce
frui. Componerent animos, pia quidem,
sed cæca & præcipiti devotione ad obse-
quium Regis actos. An neminem inter il-
los novisse Poliarchum? frontem, os, ocu-
los hospitis quem male vinculis destina-
bant, omnino divertere. Modestissimi a-
grestium sibilis exceperunt hanc vocem;
cæteris iracundia rediit, & diripiendum
Regis hostem conclamaverunt. Agro
tandem reddita pace, cum Arsidas diu si-
gnificasset se iterum velle audiri, in eun-
dem intuens ducem; Vide, inquit, ne flagi-
tii author sis. Hunc externum nefas est
violari. Quod si adeo sedet, injuria imme-
rentis probare vestram fidem; sane in ve-
stram custodiam concedat, ea lege ne ma-
nicas, ne compedes detis. Ybi illuxerit,
perducatur ad Regiam. De causa qui peri-
ti sunt cognoscent, neque fugiet pœnas, si
meruit. Timoclea cum custodibus quan-
tum prohibendæ fugæ sat erit, hic serve-
tur, donec constiterit esse nocentem. Tu,
qui potes, à cætera in hanc domum vio-
lencia

Ientia abſtine oppidanos. Hoc & fidei in Regem, & prudentiæ erit. Deliberantibus illis, jam nec tractabilis Archombrotus Arſidæ erat, negabatque deditionem ſibi placere. An ſe enim ruſticis & furentibus pariturum? aut quæ lævæ multitudinis fides, in qua, cum fervet, cuilibet impune peccare eſt? Sed ad genua advoluta Timoclea, elatum animum multo gemitu frangebat; Neque perplexa ratione Arſidas diſputabat, hanc unam ſalutis viam eſſe, ut ad Regem ſe duci pateretur. Nam cur mori placeret? aut quod ſolacium cladis eſſet, incondito tumultu (quod Dii nefas averterent) indigne pereunti?

His parumper utrinque jaſtatis, ille æſtus, ac veluti procellæ vis, ponere cœpit. Nam & Archombrotus monenti Arſidæ paruit, & mitigata plebs erat, quod non tantum non contempta, ſed & viciffe videbatur. Tum vero proſequuta concordiam efficaciffima benignitate Timoclea, totos utres juſſit in medium proferri, prodigique veterriſimum vinum, multo quoque epityro agreſtes excipiens. Illi ſe in excubias partiſi, obtinebant ſtationes. In Archombroti cubiculo, circa acquieſcentis lectû, octo in comportatum ſtramen jacebant: totidem in limine cellæ inquam Timoclea ſeceſſerat. Cæteri in triclinio, aut veſtibus ædium, ducebant pervigilio ſimilnam noctem; niſi cum

temulentis somnus irreperet , quo plerumque jacebant captivis suis faciles , si fallere aut nocere voluissent. Sed si fugisset Archombrotus , id in Timocleæ caput erat , omnibus Poliarchum evasisse credituris.

Cæterum extra illorum curam Arsidas erat, quem neque Poliarchum , neque ædium dominum esse constabat. Is communicato cum Timoclea consilio , in cellam ad quietem processit , unde aditus ad Poliarchum ferebat. Inde munitis cubiculi claustris, in subjectam specum descendit, vestes quas Poliarcho mutando matrona paraverat ferens. Is ut solum Arsidam vidit , interrogare non sine præfagio mali cœpit, cur Archombrotus , cur Timoclea non adesset. Et ille furorem rusticorum, periculumque Archombroti narravit, ad omnia verba horrenti , donec cum comperit esse incolumem. Tum vero circumposito sibi ornatu quem mittebat Timoclea, multum Arsidam oravit, ut ad Argenidem primo mane properaret ; inde ad specum cum virginis mandatis , ubi illa jussisset, fide eadem & diligentia rediturus.

Cum haud modicam noctis partem posuissent in illis sermonibus, redit in thalamum Arsidas, momentaneam quietem petiturus. Sed marcidæ voces , & stertentium rauca ebrietas, interpellavere somnum;

nam; ut denique abjecta soporis spe, risu
irato malediceret ludicris militibus, exci-
tatisque eorum præcipuis, ad regiam se ire
moneret; Ipsi, ubi placeret, cum Archom-
broto sequerentur. Iter erat duodecim
millium, quo strenue confecto Aulam in-
travit, cum vix pauci ex Argenidis familia
evigilassent. Illa noctem turbulentis cogi-
tationibus non sine Selenissæ horrore ex-
egerat: quæ memor furoris pridiani, & ad
omnem inquieti corporis motum pa-
vens, surgebat subinde de strato, & quis
misere status, quis impetus esset, anxia
contemplatione quærebat. Adhuc in illis
erat officiis, cum Arsidam ministros exci-
tauit, rogavitque ad Selenissam intro-
mitti. Rem ipsi ad ancillas detulerunt;
& una, cui licebat, referato Argenidis tha-
lamo, in quo Selenissæ stratum erat, ad-
esse Arsidam, & matronæ colloqui velle
dixit. Ipsum dici tempus nondum saluta-
tionibus maturum, (cum præterea sci-
ret, charum inprimis Arsidam fuisse Po-
liarcho) facile persuasit de rebus quæ tan-
topere turbabant aliquid nunciaturum
advenisse. Sed si tristitia afferebat, nefas
erat scire Argenidem. Itaque Arsidam
in proximum conclave matrona duci ju-
bet, eoque processit, vix satis interiori tu-
nica circumducta, & ubi soli fuerunt,
prior sic orsa est. Scio venire te de Poliar-
cho dicturum. Age modo; vivimus, Arsi-
da

da; an cum illa periimus? Non tulit Arsidas diutius anum ambigere : & vero poliarchum incolumem esse ; ab eo se ad Argenidem advenire. Turbata gaudio Selenissa præcipitem Arsidam in Argenidis thalamum trahit; cumque se apud humilem thorum reclinasset in genua, nihil circumtu usa est, (neque enim dandi gaudii festinatio sinebat) sed, Vivit, ô domina, inquit, valetque Poliarchus. Sponsor tuæ salutis Arsidas adest. Argenis consumptis lachrymis pene exanguis , & tunc forte cum advenit Selenissa, doloris quoque oblita, languerat; cum repentina consolatione icta periculosius celeritate gaudii, quàm antea dolore oppressa est. Vbi vero respiravit, dicere Arsidam jubens, recedit in thoro, a videque in eum intuita, cum audiret Poliarchum salutem illi dicere, effugisse inimicorum manus, & tutissimo secreto latere, ita exiliit, ut tamen nondum excussio metu subinde cogeret jurare Arsidam vera esse quæ afferret. Ille, venturum quoque Poliarchum affirmabat, si ipsa juberet : barba capilloque alieno notos vultus condidisse; vestem quoque indutum quæ imæ sortis hominem deceret. Nec omisit de rusticorum vi dicere, qui pridianum convivium turbaverant; ut furere, ut mitigari cœpissent, ut amœnissimum juvenem, & maxima in Poliarchum fide, pro ipso Poliarcho ducturi essent ad Regiam.

giam. Hæc non semel narrari Argenidi satis erat : quæ tandem ire Arsidam ad Meleandrum jubet, & de agrestium adventu nunciare; ne venienti Archombroto quicquam durum indignumve accideret : His curatis ad se redire ; Interim quid agere, quo ire, Poliarchum præstaret, secum agituram.

Vix à secreto Argenidis dimissus Arsidas erat, cum urbem inconditi illi ex agris homines intravere, medium Archombrotum late stipantes : Et militibus qui in statione erant, quid vellent afferrent verogantibus, Poliarchum à se captum, ad Regem adduci retulerunt. Simul his intra mœnia recepti ad arcem venire : à qua objectis claustris exclusi, cum sciscitaretur Eurymedes, qui essent, quemve quærent, eodem errore dixerunt, ad Regem se venire tradituros Poliarchum. Hoc audito simul lætus Eurymedes, quod viveret Poliarchus, simulque de amici periculo anxius, petiit sibi Poliarchum monstrari. Illi totis manibus Archombrotum indicaverunt. At Præfectus in ignoto sibi vultu non hærens, negavit eum esse quem dicerent. Iamq; suspecti erant, & arma ponere jubebatur, verente Eurymede ne subornati à Lycogene venirent. Sed in Archombrotum præcipue intuens ; Quæ hæc autem est fabula, inquit, ô juvenis, aut cur te Poliarchum esse assimulas? Tum ille; Se ve-

ro neque unquam simulasse, neque sponte hoc perductum comitatu processisse ad Regiam. Sibi errorem rusticorum fraudi esse non debere. Dum inter hos sermones sunt, interim aderat Arsidas, & impetrante Meleandro omnes produxit in atrium. Ibi Cleobulus regionum consiliorum Præfectus, Regis nomine ita locutus est jam gnaris se errasse, ut Principem præstitæ fidei memorem abunde promitteret: Servarent ad omnia animum, atque manus, quæ præterquam Diis & Regi nihil debebant. Deinde Archombrotum, ut erat imperatum, duxit ad Regem. Quem ille postquam idoneo gestu cultuque propitiavit, ita exorsus est. Absit omen (Rex) quod reus tuos oculos primum subeo. Summum votorum fuit ad tuam regiam pervenire. Hoc consilio & patriam reliqui; & Siciliam, tanquam terrarum omnium te rectore felicissimam, sequutus sum. Ceterum quamquam in conspectum tuum prodire his authoribus noluissem; non hæc tamen sine Deorum mente contigisse crediderim. Quantum intelligo, Rex, nemo tuis rebus Poliarcho addictior fuit, nemo bellica laude præstantior. Cur non glories visum esse me dignum, qui ejus vicem subirem? Certe ut de fortitudine concedam; ita præstabo, ne in te colendo diligentior fuerit. Nec contumax ista de Poliarcho est mentio. Accusatum quidem

dem scio: sed adhuc indemnata mem-
oriam fas est apud te laudare, & tueri. Quod
si armis necis & manibus uti placebit, in-
telliges viliorem mihi vitam imperiis tuis
esse.

Hæc & similia disserente Archombro-
to, Meleander avidissimo vultu in eum
hærebat, Iuventus, & species oris, tum lu-
minum vigor, neq; tristis aut inepta mo-
destia, conciliabant dicentem. Utque de-
siit loqui, Rex primum gratias egit, quod
ad se divertisset; experturum omnibus of-
ficiis, nullos sibi chariores, quam qui ab
externis regionibus virtutem, non debi-
tam natamve Siciliæ, ultro afferrent: Si-
mul porrectam dexteram Iuveni tradit,
quam ille subjecta manu excipiens, quaque
licuit pronus, osculo pressit. Receptus est
deinde in amplexum (nam Rex summa de
eo augurabatur) sed de genere & patria
postquam rogatus est, nihil aliud retulit,
quam se natum in Africa: eoque intentius
erecto Meleandri studio, haud quicquam
ulterius potuit ab obstinato extorqueri.
Saltem cum ambiciosius rogaretur, unde
illi cum Poliarcho necessitudo; gentiles;
an cognati; an duntaxat eos amicitia
iunxisset? omnia, præter Timocleæ
furtum, nihil dissimulata oratione expo-
suit.

Cum deinde de violentia agrestium in-
ter jocos sermo esset, Rex ipse conjecit,
præ-

prætet vultum & ætatem Archombroti,
peregrinum quoque cultum errori suffe-
cisse; visumque in expertis hominibus quia
Poliarchuserat externus, cum in externa
veste solere. Atqui, refert Archombrotus,
non committam amplius patrii habitus
vitio plecti. Addam tunicæ pallium, &
transibo in mores eorum quibus hic im-
buendum animum trado. Tum Rex; Imo
expecta donec magis placeamus, & con-
suetudo insolentiam nostri cultus apud te
mitigarit. Nunc quidem tibi novi vide-
mur; places tibi plenus veteri consuetudi-
ne, necdum ex animo imagine populi tui
deleta. Sed postquam impleverit mentem
noster aspectus, miraberis te diversum, &
ferre non poteris. Equidem memini, &
cum juvenis transirem in Africam, risisse
me dispares à nobis amictus; cumque de-
inde illos usu probassem, rediissemque in
Siciliam, non minori aspernatum fastidio
patrias vestes, donec has rursus mihi pati-
entia vivendi conciliavit. Adeo nihil est
injustius, quam damnare quæ ipsi non fa-
cimus, aut vidimus; si præsertim totæ gen-
tes in illa consenserint. Cum enim ipso
tempore iis placemur, apparet, non vitio
suo, sed ignoratione nostra, displicuisse
primum visa; Et præterea cogitandum est,
congruentes suis sedibus amictus atque
mores singulas gentes habere, quos & ti-
bi insinuabit genius regionis, si illum justè

moræ experientia conceperis. Nihil te ergo, præter virtutem, aut virium, magnopere moveat in tua gente vel extera. Velim tamen tuos ad mores atque usus, mi hospes, hic omnia tibi procedere.

Dum hæc loquitur Meleander, & senili ambitione philosophatur, interim Arsidas haud ægre ad Argenidem delapsus est; laudavitque Archombrotum, qui primo cum Rege congressus, Poliarchi mentionem cum honore intulerat. Sed cum avidissime à virgine & alumna hæc hospitis audiretur constantia, subitus per thalamum rumor fuit, correptum Poliarchum in vinculis esse, & ad regem deduci. Nec territa Argenis, scilicet rata de Archombroto imprudentibus esse sermonem, sustulit cum aliquo risu vultum, & errorem deponerent jussit; qui ad Regem erat adductus, alium à Poliarcho esse. Excepit sermonem virginum una, dixitque, longe aliud quam quod ipsa crederet, jam afferri. Scire omnes externum juvenem, quem rustici homines produxerant, non esse Poliarchum. jam vero certiori rumore constare; Poliarchum è specu in qua mutatis vestibus latebat, ab aliis agrestibus erutum, trahi ad Regem. Qui id nunciarent præmissos, ad aulam pervenisse. Hoc fulmine attonita Argenis, tamè vix horridius, quam aut Arsidas, aut Selenissa, contremuit. Et Selenissa quidè silentium

tium tenebat. Sed Arfidas ad aurem Argenidis demissus; Vicit, inquit, nostras artes fortunæ malignitas. Actum est, Domina; nisi palam audebis Poliarchum defendere. Postquam specum audivi, cultusque mutatos, non dubito quin vera calamitas nuncietur. Et illa velut ultimis & lacescentibus malis robustior facta; Cum, inquit, referretur de obitu Poliarchi, Arfida, res non minus solatio videbatur quam spe carere. Solis luctibus tantos luctus prosequi tunc licebat. Nunc cum vivere possit, & periturus timeatur, nunquam digna pœna defungar, nisi vel diligentia mea vivat, vel ego in illius malis consumar. Ibo ad patrem; Silentium pro crimine esset. Sciat tandem, quid debeat Poliarcho. Solatio erit, si nos perditos dii volunt, nihil omisisse virtutis ad ruinam eluctandam. Selenissa audaci consilio perterrita, verebatur Regis iram, si, quæ tam diu ipsa siluerat, Argenide profitente cognosceret. Sed nec dissuadendi locus, nec ratio erat. Omnia fortunæ credi oportuit. Iam enim ad Meleandrum Argenis corripuerat gradum, paucæque ex comitatu primum, ut in re improvisa, mox & ipsa sequuta est.

Rex tunc forte erat in hortis, & ipse de Poliarcho sollicitus, quem constans fama erat esse in vinculis. Miserrimus senex, & nunquam quietus à fortuna. Quid diceret,

diceret, faceretve? Omnia adversa, omnia
 in novos dolores composita. Prope biduū
 erat, ex quo tanquam mortuum sic apud
 se deflexerat, ut perfunctus videretur offi-
 cio, & culpam abluisse. Nunc de integro
 quæstionem fata reduxerant, malletne
 peccare in juvenem, an coeuntem Siciliæ
 pacem in tutissima æquitate rescindere.
 Iamque qui acerbius oderant Poliarchum,
 frequentes convenerant, dicebantque
 eo juvene vivo nihil in Sicilia firmum
 fore. Aderat Archombrotus, Regisque
 vix minus quam Poliarchi misertus, ex-
 spectabat donec erumpentibus hominum
 studiis, posset amicos Poliarchi dignosce-
 re. Paulo ante advenerat Ibburranes, &
 cum Dunalbīo parī dignitatis Antistite,
 qui tunc erat in aula, cogitabat de patro-
 cinio Poliarchi: Cum certatim deceden-
 tibus cunctis subita Argēis ad Regem
 procedit, ita dolorem adgubernante pru-
 dentia, ne, priusquam res posceret, suam
 causam vellet crare. Securitatem faciebat,
 destinatus nisi vinceret interitus; oculis-
 que in hostes Poliarchi circumlatis, acrius
 ipsa æmulatione accensa est. Nemo illic
 mediocriter Poliarcho vel infestus, vel
 propitius erat.

Ecce autem, dum omnes velut impera-
 to silentio in incertos exitus animum in-
 tendunt, Eurymedes suspensis supervenit,
 Heralcontem manu tenens. Hunc lapsæ
 mentis

mentis error notissimum aulae effecerat. Et hic, inquit, nobis est Poliarchus. Hic ab agrestibus de fuga retractus est. Tum Heraleon in genua supplex procubuit, veniam passis manibus petens. Rex jam hilarior, ecquid peccavisset rogavit. Nihil, inquit, nisi quod sum Poliarchus. Omnibus in risum effusis, Rex ab Eurymede petiit, hæc serio an joco agerentur. Et Eurymedes; Cum pro limine arcis starem, illic ut imperaveras Poliarchum, si traderetur, excepturus, video rusticorum magnam turbam Heraleonti circumfusam. Is qui inter illos videbatur potissimus, multum suæ fidei imputabat, quod diligenter Poliarchum vinxissent. Erat autem Poliarchus, Heraleon. Suppresso ego risu, quæsi vi qua fœlicitate incidissent in prædam. Qui ex nostris hominibus primi, inquit, hoc mane ad opus exiere, mirati quod iste per invios campos ageret equum, nitereturque in impeditum montem, primum monere errantem, mox sequi suspectum, instituerunt. Quippe tanquam omnes vitaret, ut in quemque inciderat, avertibat equi vestigia; quem per tot anfractus cum spiritus defecisset; ipse jam pedes specum in proximo nactus, præceps in eum se abdedit. Iam ad spectaculum coieramus multi, & facto agmine in speluncam concurrimus; Clamantem horrentemque cum educeremus, quis
cilet,

esset, curve lateret, rogatus, ultro se Poliarchum esse professus est. Vestis erat indigna Poliárcho; sed facile credidimus cultu mutato aufugisse. Neque mora, viximus reluctantem, & ad Regem, ut vides, reduximus. Cum sic rusticus perorasset, laudavi fidissimos homines, & ad suos agros demisi. Hunc autem (Rex) tibi en sisto: quod videbitur, in illius caput constitue.

Hæc loquente Eurymede, etiam tristissimis aliquem risum is casus expresserat. Quippe Heraleontem sciebant affectæ mentis vitio eo prolapsum, ut vulgo se esse Poliarchum jactaret. Solus erat qui fabulam ignoraret Archombrotus, quem à proximis sciscitantem quid negotii esset, Meleander ad se vocat, & de Heraleonte hæc memorat. Quo magis hunc mirare, Archombrote, cætera ad hunc modum non desipit. Rẽm familiarem sobrie curat, negotiorum meminit; in agendo, in colloquendo non ineptus, nisi ad Poliarchum sermo flectat. Tunc quasi æstro percussus amentia sua rapit: Se Poliarchum vocari, laudes quæ illi nomini dantur, suas esse, & in alium iniquissima ratione transferri. Plus sex menses sunt, ex quo illi mens laborat. sub hac larva forsitan & accensis in Poliarchũ ignibus se queri putavit, ausugitq; perterritus: & imperiti homines, neque vultu, neque ipsania æstimata, pro eo

G

quem

quem se esse aiebat indignum multataverunt. Sed ipsum si lubet audiamus. Dic vero, Poliarche, quæ te res adegit ad fugam? At Heraleon; Quid te autem, Rex, ut fugere me cogeres? Ex notis ignotisque nemo fuit qui consilium latendi non laudaret. Sub hac veste, quam squallidam mihi imposui, credidi fugam bene texisse. O ut numquam fuisset Poliarchus!

Avertit se risurus Meleander, qui subita deinde naturæ humanæ miseratione commotus est, quam præter fortunæ injurias, nec sufficiens tot cladibus corpus, adhuc præcipua sui parte tot mala exercebant. Aderat Regis medicus, quem Philippum appellabant. Is parum rogatus, intemperiem cerebri fastidiosè descripsit, quæ veluti summam mentis intactam relinqueret, partemque duntaxat compleret amentia; quod Heraleonti accidisse multi stupebant. Sunt, inquit, in ejusmodi hominibus laxa cerebri claustra, suæque tenuitate nimis apta recipiendis imaginibus rerum quas vocamus phantasias. Has in rara illa substantia, & sua levitate quocunque impellatur obnoxia, semel impressas, ideo delere est arduum, quia ut plurimum aliqua suavitate placent, & præterea velut intingunt animum, non aliter quam per vehementius succedentes diversarum rerum species in alios colores abiturum.

Vix

Vix est igitur ut illa ingenia unquam vacent; semper immodice ex irruentium cogitationum impetu aut agra aut hilaria. Quod si in aliquem potissimum affectum isti homines coeperint inclinare, hunc assiduum habebunt in animo, hunc praesentem mentis oculis dulci studio alent, seu ille superbia erit, seu habendi cupiditas, aut impatientia ultionis, aut quicquid aliud turbidae cupiditates nobis obijciunt. Ita sponte inclinati, si vis aliqua vehementior in eam partem ingruit, facile perturbantur, ut quod diu esse voluerunt tandem esse existiment; nec jam illae in domito & assueto animo imagines, rem ut optabilem, sed ut veram & praesentem figurent. Vis autem haec vehemens, vel ex crescenti habitu est, & indies gravius premente; vel ex subito impetu, qui ingens & improvisus occurrat, impleatque tanquam turbine lacescita ingenia. At cur, inquis, sic mentes affectae in totum ejusmodi tempestate non pereunt? Faciunt vero saepissime; Sed & interdum sola illius rei contemplatio quae in animo nimia fuit, peccat. Nam ut membra jam sponte imbecillia, haud raro profluentium humorum vim sic in se derivant, ut ex morbo nihil supersit, quod synceras partes afflet; Sic iste Heralcon, & si quos non injucundae amentiae socios habet, consumpto in cupiditatum una ingenii vario, quo aliquid nimis

velle cogebantur, pacatius, & propemodum sine præjudicio, res alias intuentur, intelligunt, deniq; humano more vivunt: Ut plerisque mirum sit, quod haud insaniam reliqua prudentia, aut hanc illa non perdat. Adderes, subjungit Meleander, vix mortalium ulli pepercisse hoc genus insaniz. Quotusquisque aliquid sibi non fingit periculosius stultiusq; quam se esse Poliar-
chum? Hic Deos non esse, hic omnia esse Deos, aut nihil voluptate pretiosus, aut inulta numinibus facinora esse. Pauci denique Heracleontem non superant, nisi quod rectius, aut magis ad genium vulgi furunt: eo quoque lachrymis digniores, quod excutere dementiam nolunt; iste non potest.

Inter hæc jacebat supplex Heracleon, ab averso Rege ratus de supplicio suo agi; Nec desuere qui revocarent Meleandrum ad jucundum spectaculum tam vana metu-
entis, scenamque ornabant; hi tanquam orarent, ut remitteret pœnam; alii proclamantes ad vindictam. Sed exhorruit Meleander ad Poliarchi memoriã, crudelis sibi visus, si ejus nomini quem periisse ducebat, suum crimen adhuc superbæ fabulæ contumacia illuderet. Ergo solum metu abire Heracleontem jussit; causatus, sat nugarum rebus seriis obstrepuisse. Nã & nunciabatur adventare Lycogenes; quem ipse quo vultu exciperet, quibus
verbis

verbis affaretur, nonnihil cunctatus, tandem in cubiculum secessit, manumque ad proximam sellam nixus, cœpit ex composito Argenidi loqui. Quippe Lycogenes paucissimis familiarium comitarus, iisque, quo fiduciam simularet, exermibus, intraverat Magellam; non conscientia sua, sed Regis ingenio, & suorum studiis qui circa Regem erant, superbe securus. Vehi quoque cursoriis equis voluerat ad longioris pompæ sive molestiam declinandam, sive intempestivam invidiam. Quidam ex amicis Regiis, interque eos Timonides, à Meleandro jussi tanquã sponte ei obviam ire, ab limine arcis ad conclave in quo Rex erat, tumentem deduxerunt.

Intrat ille, haud vulgari vir specie, quam ingens fiducia augebat; visoque cum Argenide Meleandro in terram de more sedemissit. Paulum inde progressus, iterata veneratione cunctantes prosequitur. Nec tum quidem Meleander ullo nutu venientem excepit, obliquos in Argenidem vultus tanquam sermonis causa tenens. Sed ut propior Lycogenes intra pauca vestigia fuit, tum Rex subito porrectissima fronte in illum adspiciens, petenti genua dexteram dedit; addidit, expetiturum venisse, & cætera quæ in humanitatis pignus omitti non solent. At vero Lycogenes inter officiosæ demissionis verba nihil ar-

tis omisit, quo alterum spirituum retinens, nec vilis esset Regi, & factiosorum animis, qui multi tunc aderant, fidem faceret adhuc se duce. contumaciam belli posse resurgere. Excusavit breviter necessitatem, ut dicebat, armorum, ad quam à salutis suæ insidiatoribus esset adductus. Se vero nec fœdera, nec publicam fidem, expectaturum fuisse, nisi ab iisdem hostibus apud Regem tutus esset. Meleander non modo abolenda odia retulit, sed & odiorum mentionem. Postero die, in sano Palladis, Deos testes reconciliationis esse futuros. In varios deinde sermones digressi sunt, utroque potissimum lætitiâ, & quæ est pervicacissima ars aularum, amorem fingente.

Eurymedes, jubente Meleandro, Lycogeni suorumque præcipuis prandium eodæ instruxerat; quosdam præterea vocaverat meliorum partium Optimates, in quibus & Dunalbius fuit, qui quamquam exteræ gentis homo nulli Siculorum charitate in Regem cedebat. Erat ille in Deorum ministerio præcipuus, ex Sacerdotibus qui purpura vestiuntur; tantamque dignitatem ornaverant ingentibus animi bonis. Strenuus, & par negotiis; Invenire amicitias & colere optimus; nudis inter synceros affectibus. In tanta fœlicitate naturæ eminebat eruditionis amœnitas, omniumque Musarum consortium, quarum

rum nullam factæ illæ ad usum & negotia virtutes excluderant. Nec id impune fuit; Sæpe, ut solet, ulciscente fortuna in egregio viro virtutis amorem, & studium litterarum. Nam & avunculum olim Regem sacrorum habuerat, quem suos pro merito subvecturum, tam subito mîmo febris eripuit, ut triumphales lucernæ rogi flammæ spectaverint. Ab hac spe dejectus novoque periculo legatus ad externos missus, pene temporum invidiam subiit, quia gens illa subitis motibus cœpit ardere, ut difficilimum esset in turbulenta tempestate aut divisis placere, aut ab armatis & ad sua intentis consilia exigere quæ sani dedissent. Fortissime tamen ad littus enatavit. Tuncque forte in Sicilia erat, cum isthæc agerentur; amicitia & consilio utilissimus Regi; Et in ejus amicis eminebat Nicopompus, quem & Eurymedes ad idem provocavit convivium.

Cum inter vescendum multa hilariter referrentur, & occasione multis de apibus mentio esset, juvenis quidam Lycogenis nepos, Anaximander nomine, sive patruo placiturus; à quo sciebat regiam potestatem oppugnari: sive jactaturus philosophiam suam, negavit verum esse quod de apibus referunt habere illas Regem: Sed hoc vanæ & facilis antiquitatis esse commentum, quæ & canere cygnos credidit, & formidinis opinione Leones oneravit,

qui in Gallos cantantes incidissent. Addebat, his pleraque similia esse, quæ majorum inexplorata authoritas pro veris tradidit famæ. Cæterum omnia animantia ductu naturæ non Regem, aut alieni superbiam imperii, sed libertatem sequi. Cum hæc ille dixisset, mox à convivis cœpit vulgare agitari argumentum; Ecquod inter homines esset æquissimum imperii genus. Nec dubitavit Anaximander id præferre quo Populus, aut vero Optimates potiuntur. Cur enim ex unius hominis libidine omnia pendeant; quem, si in vitia deflectit, nullus metus aut pudor cohibeat; qui sævitia, qui exemplo, altissima reipublicæ vulnera imponat; qui sic denique patria civibusque utatur, tanquam sui unius causa hæc omnia natura produxerit? Quanto vero alacrius symbola in ærarium conferuntur à populo, cum illa deinde pecunia sic plurium consilio atque fide collocatur, ut hanc quisque de privatis adhuc suam jure existimet; quam ubi ex unius Principis nutu in gratiosos ac sæpe indignos improvida & crudeli liberalitate effunditur? Quid quod ad reipublicæ usum se plures aptabunt, ingenia excolent, militiam aut eloquentiam studiosius persequentur, denique suis civibus se probabunt; ubi eorum suffragio scient esse parata virtuti præmia, summasque reipublicæ dignitates patere merentibus, quam cum
illas.

illas unius domus ac liminis ambitiosa angustia ita dispenfat, ut vix unquam ex merito, vel publicæ famæ iudicio, probis viris aut laboriosis contingant? Num præterea uni Regi tantum solertiæ, tantum animi superesse, ut possit æquari tot Optimatū ingeniis, qui in liberis urbibus ad publica consilia solent acciri? Illos quidem & idonea ætate, & clavis virtutibus diligiti; tum virtutis æmulatione, & dedecoris metu, utilissima quæque reipublicæ sentire ac facere. Sæpe autem obstrepere adulationem Regibus, sæpe indolem monitoribus non patere, ac illorum præterea mentes quamvis egregias atque rectas, eo ipso corrumpi, quod, utcunque præclare se gesserint, nihil est sublimius quo in præmium rapiantur; nec si peccent, ullum tribunal, cui reddant rationem. Nihil denique agebat suavius libertate, aut quod magis cum natura conveniat. Hac autem populos frui qui legibus suis vivunt, qui magistratus facere ac premere possunt. Nec vero cum ipse hæc dicat, se oblitum aut quis ipse sit, aut ubi terrarum. Scire se sub Rege esse Siciliam; & id cuique genus imperii charissimum esse debere sub quo est genitus. Verum ut quibus imbecilla valetudo est, corpuscula quidem sua amare ac tueri est necesse; sed & illis præterea licet aliorum contemplari fœlicitatem, qui firmiori habitu absunt à morbis; Ita

se regiam dignitatem colere, cui erat nascendi conditione obnoxius; & populorum tamen libertatem suspicere, qui sui potentes sunt. Neque præterea se Meleandro injuriam facere; cujus virtutibus si similes utique essent cæteri reges, nihil se Regibus divinius, aut Regno inter homines utilius crediturum.

Hæc audacter ingerentem Nicopompus non tulit. Vir erat litterarum à puero amans: Sed qui solis in libris hæere contempserat: Adolescens reliquerat magistros; ut in Regum ac Principum aulis, tanquam in vera & liberali schola, tyrocinium poneret publicæ lucis. Ita pari ubique Musarum & negotiorum studio crevit; genere quoque ac moribus ad ejusmodi cum vitam ferentibus; & multis Principum charus, ac in primis Meleandro: cujus tunc & cæterorum Regum causam aucturus; Quid faceres, Anaximander, inquit, in populari imperio, qui hic tantam loquendi ac sentiendi libertatem usurpas? Non mehercule tam impune sub populo liceret regnum laudare, quam nunc Plebis aut Procerum potestatem extulisti; Ut vel inde intelligas, hic verissimam esse, illic fucatam libertatem. Nam quod ad naturam provocas, quæ libertatis amorem animantibus ingenerat; una persuaseris omne genus imperii abdicandum. Neque enim sub Republica minus quam sub Regno,

gno, leges sunt, magistratusque, quibus obtemperes. Quæ omnia eodem modo aut conveniunt, aut abhorrent à naturæ libertate. Si contineri sua sponte intra fines justitiæ posset genus humanum, tunc impari omnium pietate non supervacua modo, sed injusta essent imperia, quæ cives jam sponte æquissimos ad inutilem servitutem adigerent. Sed cum ex vitiis mortalium hæc felicitas sperari non possit, ea maxime forma regiminis ad naturam accedit, quæ homines verat extra leges naturæ ipsius virtutisq; exerrare. Ut nō intersit pluresne an pauci imperent, sed in utro regimine sanctius cives agant. Lulisti præterea in permiscenda Populi & Optimatū potestate, quæ utique diversissima est. Tu vero ad fucum & libertatis pompam, Populum nominasti; ad utilitatis vero speciem, retulisti Optimatum solertiam. Atqui si respublicas intelligis in quibus summum Populo jus est; quid prudentia illis Procerum possit? Cum sæpe ad imperitos, atque ignavos, Populi levitas deferat fascēs; cum factionibus, invidia, impetu, rapiantur vulgi studia; & plerumque fuerit ingens virtutis specimē, ab imperita multitudo male mulctari. Sin illuc te refers, ubi Proceres omnia possunt; pudet istiusmodi senatui regnum, Anaximander, posse habere, & multiplicato numero dominorum, augere serviendi vilitatem.

Nam

Nam pro unico Rege tot heros obtrudis, quot illic homines senatum constituunt. At scilicet maturius inter multos, quam Rege ab uno, publica expendentur negotia. Quasi prudentum sententiis Reges uti non soleant; & iste quem laudas Optimatum senatus sæpe transversus non agatur, dum quisque proprii commodi studio laborat, vel amore in suos, vel in pares invidia. Sed enim majoribus præmiis excitata juventutis industria (inquis) ad studia & labores propelletur; florebitque illustribus respublica ingeniis; regna vero tanquam studiis & virtutibus adversa marcebunt. Quæ autem respublica? An illa popularis? In qua ad seditiones, ad furorem, ad captandi populi atq; fallendi consilia, aptare se solent improbæ ac factiosæ mentes, adulatione, obsequio, suavitæ orandi; in qua denique vix est, ut eximia ingenia, & ambitu accensa, nisi ad publicam perniciem emineant? Sub Optimatibus vero, quid spei laboriosis illis hominibus quæ amplior sub Rege non pateat? Intra certas (ut nosti) familias atque stirpes includunt hi Proceres reipublicæ munera atque potentiam; ut generi, non virtuti serventur dignitates, nisi forte quædam obscuræ, & quæ te à supercilio nobilitatis non eximant. Et hæc præterea munera ad quæ licet pervenire, an putas in alios dividi quam in istorum potentum clientelas? Ne
fœli-

felicius quam sub Rege eloquentiam illic, aut virtutis alia studia; sed gratiam, sed amicitias, sed privata obsequia, valere existimes. Pone vero, tam regnum, quam rempublicam, Principum vitiis tanquam affecta valetudine laborare; utriusque facilio-
ra expectes ad publicam sanitatem remedia? Nimirum & Regem & ipsius vitia mors saltem de medio tollet, poteruntque à successoris indole sperari mitiora. At labem corrupti senatus non uniuscujusque mors eluit; sed afflicti semel mores in deteriora semper labuntur, donec publicam salutem suo casu obruerint.

Sic disserente Nicopompo, timuit Lycogenes invidiam, quod ab suo nepote oppugnaretur jus regium. Nam & hoc inutile suis cœptis facinus erat, qui nō delere sed habere sibi regnum optaret. Aliud commodius visum; quandoquidem ille sermo inciderat, arguere gentium ritum quæ uni se stirpi in hæreditatem permiserant, cæterasque extollere post singulorum obitum Regum in comitia & suffragia euntes. Et hoc quidem Lycogeni placebat argumentum; tum quod sceptro Meleandri imminens id posse se consequi tumultuaria populi electione sperabat; tū quod illic erat Dunalbicus, sibi protinus ut credebatur assensurus; quia in illo Antistitem collegio summos ad gradus non hereditate, sed suffragiis itur. Sic igitur exorsus turbavit

bavit Nicopompum; Dies abeat, inquit, priusquam, Nicopompe, quæ in utramque partem dici possunt enumeres. Nam quotusquisque Philosophorum non invenit quæ pro Regibus vel Republica diceret? Et tecum quidem sentio, unius imperio rem communem melius geri. Illud magis in perplexo est, an adigi populum præstet ad unius familiæ servitutem, an jus illi relinquere ex omnibus civibus optimum deligendi. Siquidem in ea populi libertate, qui regio sanguine nascuntur, impensius rectis artibus se dederent, certi non ante insceptram majorum quam in virtutes venire se posse, propter quas illi majores regnaverunt. Etiam populo gratias quisque Regum haberet, memorque se ab eo subvectum, moderatius uteretur credita potestate. Nunc vero quasi nata mancipia, si subimus imperium, ne respicimur quidē; sin detrectamus, pro flagitio habetur. Cum deinde in infantem, in puerū, in imbecillis animi hominem summam rerum fatorum ludibrium transfert, quid hac luctuosa successione acerbius? Non expectat mehercule civium improbitas donec ille Rex adoleverit; sed dum simplex & inutilis ætas superbe despicitur, ex clades publice eveniunt, quas deinde vix multorum felicitas annorum sarciverit. Tunc utiq; omnes regnant, populum omnes despoliant; ut nec saltem à solis calcatus Regibus

contumeliæ solatium habeat ipsam peccantium dignitatem. Quod si gubernatori navis utcumque præstanti, filium rudem in successionem non sufficimus; ne quos ille servavit iste evertat; Nec Philosophiæ scholam proximus extincto præceptori, sed sapientia similimus excipit: Curregnandi unam hanc artem præceptorum plenissimam, & ex cujus erratis omnium perniciēs pēdet, pueris tradimus; qui si hereditatis jure habent ut regnent, nobis jure eodem ut pereamus relictum est? Huic quidem instituto ignosco, si putamus populos atque urbes gratia Regum ipsorum conditas esse. Perdant enim illi quod suū est, ferantque populi illam sortem quam numina dederunt. Sin fatemur hanc tuendis gentibus dignitatem esse reperi- tam; miror majores non cavisse, ne ex illa pejor interdum calamitas esset, quam quæ ejus beneficio prævertitur. Sed hæc tibi, Dunalbi, relinquo exequenda; Tu sanctior nobis author comprobabis eligendorum Principum morem, quem & vos in sacris comitiis justissimo ritu servatis.

Dunalbius in publice obloquendo semper religiosior, eo tamen devenerat, ut assentiri Lycogeni, vel in eum differere cogeretur. Præterea omnium oculos, & maxime Nicopompi, in se videbat esse intentos. Modeste igitur abnuens sibi placere quæ Lycogenes attulerat, tandem omnium perti-

pertinaci silentio, sic eum ad dicendum invitantium, in hanc sententiam loquutus est. Scio te, Lycogenes, hæc philosophandi magis causa dixisse, quam quod revera sic sentias; Nisi id forte tuæ in nos pietati dedisti, ut quia suffragiis Regem sacrorum renunciamus, author sis eum ritum ubique sancienti. Sed ne sceptri & sacerdotii jura confundas; vide quam diversa utriusque sit ratio. Nobis quidem cum lex vetustissimæ sanctitatis matrimonia abstulerit, quomodo infulas relinquemus liberis nostris quos tollimus nullos? Multa præterea in sacris sunt, quæ sacerdotes per se peragere, non mandare aliis debent. Si igitur in pueros hoc munus successionis jure devolverent, quo aræ, quo templa, quo divum illi cultus, qui profanis nec numini initiatis committi non possunt? Ita quoque admonemur, non divitiis incumbere aut cæteris mortalium curis; sed pro domo, pro familia, pro posteris cælum habere: neque illa nostra esse, sed Numinum, quæ à nobis duntaxat procurata ad heredem non transeunt. Sed & uni familiæ si hæ summi sacerdotii infulæ darentur, quamdiu putas illam cogitaturam se hanc Numinibus magnitudinem debere, neque sibi sed Diis regnare? Vel Reges ac populos tantæ cognationis supercilium esse laturos, qui nulli nunc stirpi, ac penæ nec homini, sed officii sanctitati, seipso

fine

sine æmulatione aut vilitatis suspicione subjiunt? At in civilibus imperiis, quæ opulencia viribusque consistunt, quæ populo quietem præstare, & contumaciam frangere impiorum armatis legibus debent, multa sunt quæ successionis utilitatem concilient, quorum præcipuum forte est ambitus Optimatum exarmandus, ne in Regni spem audeant ipsum Regem violare.

Finge enim, in nobilibus & inquietis gentibus, quas cernimus hereditario contineri imperio, hunc quem laudas electionis morem vigere; quid facturos Optimates existimas, nunc quoque vix Regem patientes? Iam hæc illis accederet sui fiducia, posse se quoque regno potiri; jam despectus in Regem, qui & ex illorum ordine fuisset, nec majores liberos relicturus. Ast ubi fortuna regnandi stirpe in una consecuit, Regum præteritorum reverentia adeo vivit in posteris, ut vel cunæ puerorum in purpuram natorum tacita confessione fortis nostræ nos tangant, nec iis parere indignemur, quos priusquam lucem subeant scimus nasci ut imperent. Nec dubium, grandius quiddam insinuari illis ingeniis quæ ad regnandum à puero instituuntur; sive natura hoc facit, sive disciplinæ rectitudo; aut potius Deum cura. Certe enim consuetudine honorum qui ipsis habentur obstupefcit superbix gustus ac vel-

uti acies; aliturq; imperandi fortis illa securita; quæ ut contemni vix potest, ita nec in odium venire, quia plerumque accedit comis animus, & cum Optimatibus familiaritas, nulla præteritæ humilitatis verecundia erubescens. Altiora deinde assuescunt cogitare, regnoque tanquam liberorum suorum patrimonio cum fide incumbere. Qui vero suffragiis in hunc verticem rerum humanarum attollitur, nondum primæ immemor fortis est, in quam recidere sui hæredes possunt. Itaque à publicorum munerum sedulitate propiori cura subducitur; ut filio vel proximo cognatorum eos conciliet quorum est regnum dare, aut familiam saltem tot opibus expleat, ne deinde ullus ignoret fuisse ex ea qui regnarit. Sic publica ornamenta, publicæ opes, quacunque ratione in privatam degeruntur familiam; & quæ splendori, quæ utilitati communi vota maiorum destinaverant, tristissimo errore in nescio quos lares profunduntur, eosque laborant in lucem vindicare. Nec ejusmodi Reges suis modo peccatis Rempub. lædunt; sed & Optimatum erroribus, quos perniciofa indulgentia ideo sibi devinciunt, ut purpurâ cognatis suis servet, aut largiri inmodice non vetentur; aut denique ne futurum lædant Regem; (nam quis ille de tot Optimatibus, incertum est) injurias in decessoris familiam vindicaturus.

Factes nunc licet electionis prudentiam, quæ novas identidem stirpes obtrudit malo publico saginandas. Ipsi Aquilii diverso è genere lecti, quam sæpe Majestatis suæ vires his proditas curis fregerunt? Inter hos ille, cujus sanctiones aureas dicunt, ut filio regnum pararet, quo pretio suffragatores emit? Quo deinde sceptri incommodo, cū solvendo non esset, publica iis vectigalia concessit, quæ primum pignoris nomine occupata mox isti imbecillitate vel errore regnantum in hæreditatem verterunt? Multa præterea sunt, ut scitis, sive opera, sive consilia, quæ non statim ac concepta sunt, reipublicæ profunt, sed expectant maturitatē suam, & instar frugiferarum arborum legitimo denique tempore edūt baccas. Ex his longioris spei consiliis plerumq; solida regnorum salus consistit. Spèrni tamen, aut omitti sæpissime solent ab Rege qui non patrio, sed comitiorum jure obtinet sceptrum. Quia illis operibus inchoandis labor est ut plurimum sumptuosus; eoque suis authoribus ingrator, quod non viriditatis, nedum messis, ea ipsis voluptas est, quæ posteris Regibus olim continget. Qui autem erunt hi Reges? liberi, amici, familiares mei? Imo forte ex ignotis, aut invisis. His ego securitatis, lætitiæ, opulentia fundamenta stabiliam, magnis curis, & jactura ærarii, quod nunc melius in mens effuderim?

Fac me velle; at hi ipsi successores forte invidia sua inutile meum munus efficient; & opera in spem longioris utilitatis inchoata, vel negligent, vel evertent; quoniam mihi meisque temporibus erit in decus ea instituisse; ipsis autem, ut altioribus tantum, & sapientiæ nostræ custodibus, inglorius sumptus accedet. Hæc neque vano timore, neque tamen præter rerum publicarum perniciem, ejusmodi Regum animos solent ab ingentibus cœptis avertere.

Minori tamen utcunque Reipublicæ incommodo regnare electi Reges possunt, quam eligi; Nam in vividis gentibus, subtilique exserto ambitu ferventibus, num quæta fore speres comitia? num largitionum armorumve immunia, ubi multi opibus, genere, animis pares, neque cedere invicem poterunt, neque omnes regnare? Quid deinde cum in duos candidatos studia dividuntur, amboque in regnum se asserunt, ut nescias uter vitio sit creatus? quantæ hæ turbæ? quam sæpe longissimo bello cruentæ? Ut sileam quod populus Regem facere jure assuetus, sæpe quoque eum audet amovere injuria. Ne vetera nunc curem; cerne Aquilium. Duo regna totidem comitiis non pridem adeptus, paulo post eorundem hominum pœnitentia excidit sceptris. Rite inauguratum negavere. Ita ferro, cladibus, vastitate terrarum repetendæ res fuerunt, hinc in Peran-

hyleum

hyleum alterum ex regnis ambientem, hinc in Dereticum jam alteri incumbentem, qui pro dapibus quas in mensam Aquilii ipsum ferre oportuit, fere sustulit & penum & mensam. Hæc vero nonne summa discrimina existimes, iisque pejora quibus interdum nostrorum pueritia Regum funesta est? Nam non nego vel regnantum infantiam, vel tenue ingenium, ineptumque negotiis, sæpe publicis rebus nocere. (quid enim sic ad hominum comoda exactum ut undequaque sit utile?) Sed hæc ipsa multo mitiori tempestate in nos volvuntur, quam quæ procellæ ex comitiorum freto exæstuant.

At nec putes optimum quemque, aut maxime ad regnandum idoneum, per hæc comitia venturum ad purpuram. Quam multæ sunt factiones! Ut sæpe qui stirpe & potentia præcipuus est, animi bonis deficitur; tanquam verentibus fati, ne si summam fortunam ac mentem dent homini, Deum faciant ex mortali? Non igitur dignissimus utique erit quem Principem comitia dicent, sed aut potentissimus, aut foelissimus; quorum utrumque ab arte regnandi abesse multum potest. Ille viribus suis suffragia aut terrebit aut emet; ille ignavia favorem apud eos inveniet qui sperabunt sub tali Principe ipsi regnare. Nam si denique eligentium studia atque vota sic integra fingis, ut in eo

H 3 quem

quem destinant Regem, solam virtutem respiciant, solerterq; inveniant; si præterea candidatorum modestiam & assensum populorum hunc facis, ut præbeant obnoxias cervices sic ad sceptrum provecto; Addas innocentiam novi regis inter recentis fortunæ blandimenta, adeo memorem sui futuram ut nunquam conniveat; Tunc ego ad hanc felicitatem proclamabo, Diisque charissimas gentes credam quibus illa contigerit. Sed hæc bona sperari non possunt. Reclamant vitia hominum & toties experimenta in contrarium versa; Ut injuria accusetur nationum sapientia quæ dedit se uni stirpi, ex qua tranquilliora sint & magis illustria apud se imperia.

Iratissimus Lycogenes erat, destitutam à Dunalbio esse spem suam; quod tamē ne convivæ adverterent, aliquot jocos, quos elegantissimos habebat, rei seriæ gravitatem mutavit; adjuvante Eurymede, cui apud se tot periculosa Philosophiæ argumenta jactari non placebat. Maxime de Peranhyleo, & Derefico, inter convivas sermo fuit; quorū in Aquilium audaciam Dunalbius modo notaverat; Et hos quidē dissitarum tumultus gentium, plerique narrare amabant vel audire. Sed Arfidas inter hæc, jam provecto convivio facile elapsus, ad Argenidem ivit, breviterq; narravit, quam contumax Lycogenes esset in
Reges.

Reges. At illa de temporū injuria breviter
quæsta, codicillos ei tradidit perferendos.
Poliareho, quibus sua mandata commise-
rat. Cumq; plurimum navem, & iter, & se-
cretum, & quicquid ad fugientis securita-
tem erat, commendavisset; Tibi denique,
Arsida, inquit, qui tantum hominem suis
inimicis subduces, primum præmium Dii,
consciussq; virtutis animus persolvēt, tum
Poliarchus aliquando fœlicior, & si cæte-
ra abfuerint, à me saltem tuę benevolentię
fructū expecta. Ille hilarior Argenidis ver-
bis factus, & cum Archombroto deinde
quę videbantur loquutus, prona jã vespè-
ra ad Timocleæ prædium venit, cui agre-
stes comperto errore tunc forte pridianos
tumultus excusabant. Illa sæpius cogitans
se in leges peccavisse, quam scrutatoribus
abfuisse fortunam, comiter omnes habe-
bat; si quid in posterum opus esset, animos
sibi parans. **Arsidas** eosdem benigne affa-
tus est, omnibusque dilapsis, prima nocte
ad **Poliarchum** descendit. Is mora & ægri-
tudine æger, ut venientē conspexit; Quid,
ait, vobis placet me viventem sepeliri? Eri-
pe me ab hac nocte (**Arsida**) & vel hosti-
bus permitte. Certum est non diutius fer-
re hunc situm. Ille gnarus quanti gaudii
chartam afferret, nihil ad omnes questus;
sed litteras Argenidis profert, gemmam-
que & manum jubet inspicere. Confestim
Poliarchus exultatione plenissimus, Vt

valet, Arsida? ut meminit nostri? Neque nomen adjecit; nam & Timoclea audiebat loquentes; Sed lino deducto, deflexit aliquantum ne legentis affectus vultusque notarentur. Perlecta epistola, secretum Arsidam ad se trahere coepit, illumque consulere, satisne fidere vesti ignotæ & ascito capillamento posset, sicque ad Argenidem ire; an tutiora sequi præstaret, & ad navigium Messanam proficisci. Et hunc statim navigare Arsidæ quidem placebat; sed cunctanter obstabat Poliarchus avidus videndi Argenidem, & verecunde pro amore suo pugnans: Quod ubi Arsidas sensit, exoneraturus pudorem amatoris, mutata sententia author maxime fuit ad Argenidem eundi. Quid enim facilius quam postera die templum quod omnibus patebat, intrare? Argenidem de more statutam ad aras, quibus osculum ponere nec mitteri supplices vetantur. Obfirmato Poliarchi consilio, Timocleam advocant, monentq; sub diem Poliarcho eundum ad navem, quæ in Italiam eum ferat. (nam ad aulam proficiscendi consilium premebant.) Adjecit Poliarchus; nunquam hospitii gratiam apud se vanam fore; Vitam & quæcunque per eam homines habent, semper illi debiturum. Matrona inter preces atque vota lachrymis manans, jam non ut hospiti tantum, sed propemodum tanquam alumno, omnis curæ, omnis sollicitudinis

solicitudinis affectum impendebat. Multum erat ad amorem beneficium dedisse, verebaturque ne jam suum Poliarchum inclementior fortuna exciperet. Et tunc quidem flens acquieturum reliquit.

Nocte vero inter vota, & metus, anxie ducta, rediit in specum cum Arsida, attulitque frustra panis mero intincta; & ad Græci moris jentaculum adegit adhuc de somno fastidientes. Emisit deinde paulo ante auroram cum Gelanoro Poliarchum. Et Gelanorus quidem cum Arside ad uxorem literis Messanam profectus est. Nam Messanæ Arsidæ habitabat, urbem sibi à Meleandro creditam regens. Litterarum sensus erat, ut conjux instructum navigium haberet in portu, quo ipse propediem in Italiam uteretur. Sibi necessariam Rhegium viam esse; hominem, qui has litteras ferebat, diligenter apud se servaret: Se Messanæ intra quatrimum fore. Postquam ille discessit, jam solus Poliarchus Arsidam sequebatur lente in equo præeuntem. Pedes erat, vilis amictus; & scipione non necessario utebatur; manibus quoque, ne candore proderentur, diluta fuligine, in sufflavum colorem mutatis.

Pervenerunt in urbem, cum recluso jam Palladis fano Deæ copiam fecisset ædituus, necdum frequens populus commodiora ad spectandum occupavisset. Poliarchus quam licebat proxime refedit

ab ara; Arsidas ad Argenidem ivit, docuitque quam religiosus cultor in templo illam maneret. Obstupuit Virgo, simul periculo Poliarchi & oblatae lætitiæ sensu perculsa; signisque diligenter quæsitis, quibus mutatum agnosceret, Res, inquit, periculi plena erit, Arside, si Rege atque Lycogene mox ad templum ituris, Poliarchus vestium furto duntaxat & capillorum celabitur. Ex tot viris qui Principes circumstabunt, neminem putas sensurum hanc fraudem? Maxime cum mutuis suspicionibus erecti, qui Regi, quique Lycogeni student, vultus omnes, & quicquid insidias tegere potest, solertissima ratione explorent. Venire juberem huc ad arcem; sed larvam qui in statione sunt milites forte excuterent. Pergam potius ad Parentem, moneboque, ex quo me voluit Palladi ministrare, nunquam nundinarum hunc diem imæ plebi ad vota negatum: Cum autem sancienda mox paci ad sacra cum Lycogene succedet, templum stipatoribus & comitibus plenum, nec capturum populi turbam, nec supplicum vilioribus posse patere. Si igitur placeat, (ne quid de cōsuetudine hodie pereat) me statim ad aras processuram, ut qui de plebe volent ritu solito lustrentur; Vulgi cultu finito ipsum melius publica sacra procuraturum. Ita metu soluta videbo Poliarchum, commodiusque in incursioso popu-

populo nostra consilia latebunt. Proban-
te industriam Arsida, & ut maturaret mo-
nente, puella ad Regem digreditur: Neque
is minus sententiam laudavit, idonea frau-
de deceptus; Et illa accelerata pompa (vix
dum enim horam diei secundam religiosi
homines Palladi nunciaverāt) inter stipa-
tores, ministrasq; ad templū producta est.

Is autem sacrorum ordo erat, ex quo
Argenis sacerdotio fungebatur. Siculi
nundinas ad fori conventus, & merca-
tum, celebrabant. Tunc Regum edicta
vulgari, tunc in fontes edicta constitui.
Tempus hoc rebus, si quæ sacræ, si quæ pu-
blici ritus, datum. Confluebant in prox-
imas urbes ex vicinis mapalibus atque vi-
cis, qui vel rusticis opibus abundabant, vel
egebant urbanis. Hæc dies constituta Pal-
ladis sacris erat, quo frequentior populus
videret Argenidem; Quæ quacunque
per Siciliæ diversa procederet, habebat in
comitatu vates & sacerdotum chorum:
maiores hostiæ, & cætera victimarum ge-
nera sequebantur. Cum lucebat nonus
dies, si quod Minervæ templum in prox-
imo erat, illuc deferebatur simulachrum,
cui honores haberi consueverant. Sin mi-
nus ex commodissima eade evocabatur qui
Deus Deave habitabat, ut, quia duo nu-
mina unum templum non capit, suo dis-
cessu commodaret Palladi fiduciariam se-
dem, Fores laureæ redimitæ augebantur
lucer-

lucernis atque vittis. Signum quod ad aram colebatur, acre erat, & Deæ sua arma decentis. Strictum supercilium hinc acie oculorū, hinc casside ad mediam frontem producta pulcherrime horrebat. Vultus, qui virginis, sed implacida, essent. Hastam ex auro, errantibus per metalli fulgorem radiis, quati à Dea, sæpe vulgus asseruit. Egidem quoque in parma omnibus coloribus qui serpentum squammas mutant, pictor expresserat. Vestigium veluti stantis ad pugnam, lævo pede sic porrecto, ut totum simulachrum nonnihil obliquaret in latus. Serpentis quoque specie Eriichthonius erat ad pedes, spiris extremam hastam cingens. Cæterum lectas victimas, vittisque & cætero ritu, præterquam mola, mactatas, producebant ad vestibulum templi. (nam intus mitti sanguinem erat nefas.) Postquam victimis jam sustjecta aqua erat, superveniebat Argenis, cultu eximia qui Principem & Sacerdotem decebat. Miri operis stola erat induta, quæ per intextas imagines assurgens, Palladem faciebat de cerebro Iovis nasci, & in litum Neptuno inventa olea triumphare. Hanc à tergo per multa volumina diffusam, ne vestigia verreret, sex virgines suspendebant. Crines Argenidis religabat purpurea fascia, ramis oleæ impedita. Ex eadem arbore summo capiti coronam posuerant. Sic ornata, & postquam ad

victi-

viſtimas acceſſerat, impoſito velo caput
 operta, concipiebat ſolemnes ſacrificio
 preces, molaque devota animalia con-
 ſpergens, muliebri iſtu in earum frontem
 reclinabat argenteam clavam. Vero mox
 ferro excipiebant viſtimas præcincti Sa-
 cerdotes; juguliſque ſuſſoſſis, fata & Deos
 in extis credebant deprehendere. Tum in-
 greſſa templum Argenis, thuribulo ar-
 genteo præferebat ſolitos Diis vapores, &
 ad aram admota, demptam ſuo capiti co-
 ronam ad armati ſigni pedes ſuppliciter
 collocabat. Thura tunc, & odores, novo
 igne reſecti; qui dum ex acerra diſſipan-
 tur, cantu à proximis virginibus orto,
 quiſquis ex populo ſciebat, hoc carmen
 modulabatur.

O pars, ſed potior, tui parentis,

*O Tritonia, nulla cui Dearum
 Maternas tenera blanditias tulit;*

*O virgo ſtudiis data virilibus,
 Sacris ipſa tuis ades.*

At vos Sicelidum chorus,

Forti plandite Virgins,

Cantus addite plauiſibus.

Tu belli decus, axibus ſeveris

Lethum, vim, gemitū, arma, fata, ducis.

Stat dextra jaculum; Gorgonis aſpera

Monſtris terribilis leua, dat hoſtibus

Faſto vivere marmore.

Tu pacis Dea, pinguiſque campos

Exornas oleis: & ipſa ſtamen

Mon-

*Monstras, ipsa colum ducere candidis
 Quæ te virginibus cunque vocaverint
 Casti thuris odoribus.*

*Tritonis cupit unda te paludis,
 Vrbs Diis hospita te vocabit Argos,
 Et Pandionii qui colit arcibus.
 Sed tu Trinacria pronior in sula,
 Huc vultus melius refer.*

*Adsis Sicania benigna genti,
 Servatosque diu tuere Reges.
 Nobis, Diva, semel cum bona veneris,
 Optamus merita sæpius & novas
 Lati reddere gratias.
 At vos Sicelidum chorus
 Forti plaudite Virgini,
 Cantus addite plausibus.*

Sequebantur omnium vota, quibus palam incolumitas petebatur Principibus; addebant innoxios cœli haustus, nec fallentem Agricolas humum. Occultis precibus privata familiæ commoda quisque optabat. Tunc vero ad dexterum latus aræ, in altiori sede Argenis quiescens, vitatum manu ramum tenebat, quem undis lustralibus rorantem modico victimæ cruore asperferant, credebantque efficacis esse tutelæ, si fronti orique esset impositus. Stabat in armis circa Virginem satellitum duplex ordo, ad eam ituris semitam aperiens, quæ vix binos capere posset, ne tumultu & imperitorum rixis aut ara aut Argenis pulsaretur. Sic admissi, ad
 illius

illius pedes prolabebantur, abibansque breviter ramo tacti. Nulli de plebe exclusi; pluresque Argenis quam Pallas acciebat ad sacrum.

Quo igitur die Arsidas Poliarchum adduxit, parata erant sacra in veteri templo, quod Magellani habebant Palladi nuncupatum. Et Argenis maturius, tanquam dimittendo populo priusquam cum Lycogene Meleander adesset, revera ut extra periculum Poliarchum aspiceret, descendit ex arce. Cumque pro foribus templi tactas victimas reliquisset inter decollantium manus, & in Dæ limine thuribulum sumpsisset; jam tunc quidem inquieto animi tumultu completa, pervenit ad locum, in quo, Arsida docente, sciebat sedere Poliarchum. Hunc vero postquam vidit, in ignobili veste, & genis alienis, miserabilia in se lumina figentem; adeo ira & pietate accensa est, ut pene sacri ratio amenti excideret. Vtcunque tamen perrexit ad aram, ibique in Dæ signum intuens, interim dum cæteri solemne carmen celebrant, arcanos gemitus effudit. Testabatur cælestium fidem. Innocentiam suam, candorem, pietatem, tacita exprobratione ingerebat scientibus. Nunc si se adjutam vellent, auxilio essetempus. Si hæc mortalia curant reguntve, cur non virtutibus pretium erat? cur nec à se, nec à Poliarcho violati sæviebant?

Scire

Scire illos quam non fœdo amore, virgini-
que pudendo, in tanto viro hæsisset. Si
per jura naturæ licuisset, optaturum hunc
fratrem fuisse. Adeste saltem fugienti, in-
quit, &, si quid durum in utrumque pa-
ratis, illo incolumi omnia in meum ca-
put citate. Ab his precibus, quamquam
verissimo affectu flagrabant, subito cogi-
tationum æstu averſa est, & nunc sui,
nunc sponsi miserebatur. tum in Lycoge-
nem inexpiabilis odii rabies. & quoties
occurrebat nec insontem patrem esse, qui
tam facilis in Poliarchi annuisset perni-
ciem, ab hac mente refugiens, quæ pericli-
tabatur pietatem violare, redibat ad
Deos, stupensque, & inter mutos dolores
attonita, plus illos suis malis quam votis
exorabat. Fletum tamen in potestate ha-
buit, pudore intempestivos in publico lu-
ctus vetante; forte etiam quia erat cala-
mitatis major moles, quam ut iret in la-
chrymas.

Neque tunc minus ægritudinis aut tu-
multus in Poliarcho erat. Relinquendæ
dulcissimæ sedes; aufugiendum veluti per-
duelli. Quam non generi, quam non ani-
mo conveniebat hæc fortuna! Iam quæ
oblectamenta fuerant, lacerabant didu-
ctum doloribus pectus. Omnes Argenidis
virtutes, omnes dotes, redibant in men-
tem; etiam quæcunque exigua esse credi-
derat, tunc augustiori specie, quia erant
amit-

amittenda, cogitationem implebant. Inter tot mala nihil molestius visum, quam quod Argenidi doloris causa esset; Nec levior metus repugnantem animum lente subibat, ne sacramenta amicitiae inter ipsum & virginem concepta tempore & absentia delerentur; essetque aliquid quod Argenidi charum deberet odisse. Simul Argenidem in patre aut patria lacerare verebatur, & iracundia dolori confusa, per varios affectus nunc stupebat, nunc crebatur.

Inter hos animi motus, decantata ter carmina publicae voci finem fecerunt; confeditque Argenis non procul ab ara, sacrum ramum venientibus protendens. Selenissa, virginumque delecta, à tergo sedentis constiterant. Eurymedes, atque Eristhenes, longe diversum par, erant ad latera: Ab illis milites ad testudinem templi porrexerant geminum ordinem, definiabantque viam processuris ad virginem. Eurymedes cum in Argenidis vultu crebros motus notavisset, submissus ad aurem, rogavit ecquid ipsi male esset. Vtitur colloquentis commoditate virgo, ad illum utique vultu converso, quoties nimius dolor exundabat in ora. Vulgo digesto, pene ultimus restabat Poliarchus, qui ad lustralem ramum accederet. Et animus & vestigia deerant processuro: vicissimque à frigente, & pene inutili puella,

expectabatur. O amantium insana consilia ! Tanquam fugitivum gaudium percepturi, ad hanc brevis mutique congressus audaciam devenerant ; jamque piget irritati doloris, simulque periculi, multo acrius devoturos suam sortem, nisi sic dolere licuisset. Denum miser, nec jam frustra innixus scipioni, promovit ad Argenidem gradus, acciditque ad genua : & tanquam vota conciperet, Vale, inquit, castissima Sacerdos ; memineris Palladem tuam abire semper tuam, ô virgo ; sed, si patieris, non sine patrio fulmine redituram. Intellexit miserrima virgo ; nec aliquid ausa referre, tamen mœstis oculis incum breviter fixis efficacius omni voce loquuta est. Sed ab illius pedibus abire non sustinebat Poliarchus ; sive illum oblivio suiceperat in tantæ calamitatis caligine ; sive sentiebat poplites erraturos : Cœperatque vereri Selenissâ, ne ille intempestiva mora fabulam proderet ; Cum Eurymedes hominem ratus ad Argenidis pedes ignara rusticitate consistere, virga quam dextera tenebat grandem ictum procumbentis lateri non sine risu inflixit, iussitque abscedere. Poliarchus inter paucos Eurymedi charus erat, & hanc injuriam non ab odio ullo, sed vestibis suis factam sciebat à nesciente quem cæderet ; consurrexitque propere, suo quoque judicio merito castigatus. At non Argenis
tam

tam composito animo ictum/aspexerat,
ægre pudore prohibita, ne Eurymedem ab
oculis juberet abire; Mox discedentem
Poliarchum qua licuit oculis sequuta, op-
portune Arsidā in limine templi videt, ut
conjici potuit, viam fugienti præeuntem.
Quippe ille gratulatus suo Regi, quod à
bello quies esset, simulaverat necessitatem
sibi oblatam trajiciendi in Italiam ad so-
cerum. Impetrata Regis pace, templum
Palladis petit, cernitque venientem ab ara
Poliarchum, tum paululum cum eo sece-
dens, monet per infrequentem portam
abire ab oppido; viam quæ Messanā ten-
dit tenere, donec secundo milliari in du-
metis quæ occurrunt lateret; se, postquam
loquutus Argenidi esset, confestim asse-
quuturum.

Interim Meleander ad Argenidem mi-
sit, qui popularis sacri solemnia juberet
maturari. Tempus enim in multum diei
procedere: dandum sibi & Lycogeni tem-
plum esse. Illa apud se non erat, stimulis-
que quos credebat constantia sua domi-
tos, jam sensim concedebat. Regi tamen
renunciari jussit, peracta quæ pertinebant
ad populum. Destinata sacrificia, cum
placeret, obire illum posse. Ingens pom-
pa, & pro decore Meleandri, atque Ly-
cogenis, in Regiæ vestibulo stabat, ma-
nebatque ad templum prodituros. Ipse
Lycogenes in Meleandri thalamo erat,

specie officii, varios, ac plerumque non
serios, cum Rege sermones instituens. Vbi
maturum fuit, Meleander in regio cultû,
pallioque purpureo, manu tenens insigne
majestatis, ad stipatores processit. Proxi-
mus antecedebat Lycogenes, cujus latus
de Regis imperio regebat Archombrotus.
Ante hos ibant quorum magistratus emi-
nebat aut gratia. Ingens egregiæ juven-
tis numerus inchoaverat pompam. Ne
populum quidem satis viatores arcebant,
spectandi avidum, maximeque qua pro-
hibebatur ruentem. Præter regium as-
suetumque imperio nomen, ipsa senectus,
vultusque lenissimi animi index, & suo fa-
stigio digna majestas, omnès in Melean-
drum converterat. Neque tantum qui-
bus incorrupta in eum fides erat, hoc
conspectu movebantur; sed etiam ex ini-
micis illi quos errasse potius diceres quam
peccasse; ut is dies haud pœnitendus Regi
processerit, in quo hos dolor, illos pudor
incessit, quod ad hæc fœdera adigeretur.
Ergo Lycogeni Rex jurabit? Ergo ad ne-
cessitatem fœderum cum cive descendet?
Et hæc publice, hæc tanquam legitima,
populum testem habere? Quid amplius
externum Principem, parem æmulum,
justo bello esse facturum? Quibus autem
altior sensus, aut spe vel metu sagacior e-
rat, ulterius cogitationem mittebant; ne-
que vero colendum illum diem, tanquam
pacem

pacem relaturum: sc̄viora restare; nec futurum stabile quod coactus Rex cum cive pepigisset. Nam Principes, quod à se injuria extortum est, alia injuria sæpe repetere. Aut itaque Regem, ubi licebit, illius facinoris vindicem fore, aut cessantem iri à Lycogene oppressum. Forte senex, in aula educatus, interroganti sodali quid unquam humanius vidisset Regis vultu, ita respondit ut vox ad Regem perveniret; Humaniozem dicerem, commilito, nisi sibi crudelis illa humnitate esset. Cum hanc vocem Meleander acceperet à fidiſſimo homine missam, jam antea perturbatus, & in eos sermones cogitatione hærens, quos de successione Regum, hesternò apud Eurymedem convivio, audiverat à Lycogene esse jactatos: sic offendit in saxum quod aliquantulum eminebat, ut in terram manus affligeret. Subitus spectantium clamor terrorem late dedit. Proximi ad sublevandum Principem concurrerunt. Qui longius stabant, ipsa ignoratione pavidiùs concitabantur; donec constitit fortuitum & levem lapsum esse. Ipse excusavit risu casum: Multum enim se telluri debere, quæ Principem venerata, cum exurgere non posset, eum deduxit ad oscula. Hanc, ut suam, libenter se amplecti. Triste tamen aut lætum singulis omen fuit, ut quisque Lycogeni vel Regi studebat. Nam quid eo portendi,

quod stratus Rex ad Lycogenis pedes erat? quod procubuerat tanquam victima, ipse ad sacrificandum paratus? quam levi momento, quam subito fuisse eversum?

Dum hæc cogitant, jam in arcam primi pervenerant, in qua hostiæ erant redimitæ vittis insignibus, præcinctique ministri expectabant, donec Argenis legitimis verbis ad munera Deos vocaret. At illa magis magisque supervenienti dolore incitata, in secreto templi loco, cæteris paulum jussis abscedere, ita secum loquebatur. Quid tu autem calamitosa Argenis? quid tu præstantissimo viro malorum omnium causa? quid vidisti; aut in quæ supplicia duras? Poliarchum abire: triumphari Lycogenem? Pati hoc potes? ô regia virgo, ô sceptro destinata! Si te Principem meministi, cur non Poliarchum hic asseris? si sponsam, quid ille solus fugit? Ecce autem, restabat ad fata ut pro Feciali esles tuo parenti atque Lycogeni firmantibus pacem; pacem, ô Dii, quam sanxerunt Poliarchi discrimine. Tu deinde qua fronte, non dicam in Poliarchum inspicias, sed loqueris cum absente, sed audebis meminisse virtutum, vultusque, atque verba ad animum secreta cogitatione arcessere? At pietas in parentem; at publica regni salus hoc jubet. Quæ autem in patrem impietas si inauspicatum scelus refugero? aut quid mihi cum regno, si mori decrevi? Sed nec
timi-

timiditate semper regnorum salus constat. Forsitan audacia mea corriganturque pater mansuetudine peccavit. Sed quid ages? discriminem nunc appetit, obruetque imparatam. En genitor, en Lycogenes adest. Poscor ad sacra. Si sceleratae paci abnuo ministrare, quae verba mihi erunt, quae publice ad patrem argumenta?

Sic dicebat; nec jam moesta, sed concepto furore augustior, graves oculos huc & illuc ferebat; cum subiere haec ultima verba abeuntis Poliarchi, meminisset Palladem suam abesse & cum fulmine posse redire. Certe, inquit, abiit mea Pallas, quid frustra hic morer? profanae sunt preces; destitutum numine templum. Nihil consultius quam ut vaticinari me simulem, vetarique à Dea ultra his sacris incumbere. Sic effugiam facinus hujus pacis conciliandae, & ingentibus deinde consiliis liberius vacabo. Cum illud placuisset, ut erat felicissimi ingenii, & tunc maxime concitati, coepit orationem parare, qualem fatidici habent. Vultus atque oculos, ubi furori indulgisset quem suggererat discessus Poliarchi, sciebat suo ardore mendacium optime adumbraturos. In his cogitationibus haerentem adiere, qui monerent eam dicandis victimis expectari. Adest enim Regem, & silentium per praekonem imperatum. Hilarior Virgo erat, postquam consilium animo sederat, cui acquiesceret.

Ergo scituram respondit; animumque simul & gressus ad destinatam fabulam comparavit. Iamque hinc Rex, inde Lycogenes, mediam hostiam habebant. Circumfusi Optimates diversissimas mentes sub uno componebant silentio. Populus cuneos undequaque stipaverat; & destinatum sacris ambitum ægre oppositi milites tuebantur. Sed pro monstro fuit Argenis, ubi primum à templo egressa, variantibus oculis, comisque per horrorem jactatis, sua vestigia turbavit. Furentis species erat, quæ motus Deorum, nondum animo bene conceptos, prima ægritudine eluctaretur. Meleander in primis obriguit; Qui casus, quæ Furia, quisve Deorum filiam sic urgeret. Ea autem aliquantò severius rotatis luminibus orationem exorsa est, non in carmina quidem conditam (nec tam subito licebat) sed tamen ab humana consuetudine in divinos sermones vergentem, ut hanc facile fuerit Nicopompo, non multis immutatis, in versus sic cogere.

*Cur fugis o. sedesque tuas sanctissima lin-
quis?*

*En mea Pallas abit: video currumque vo-
lantem,*

*Aversamque Deam. Proh dira audacia
nobis!*

*Exilio damnata fugit. Quid thurea flam-
mis*

Dona

Dona feram, casique greges altaria tingen-
gent?

Me mage Diva rape, & volucris per nu-
bila tractis

Siste ferens, quiescunque tibi placet ire
sub astris.

Arma tamen quatis arma minax: procul
Aegidis auro

Hasta incussa sonat: redeunt per inane
tumultus;

Savaque proscisso dirum rubet orbita
cælo.

Parce istis, o Diva, minis. Neu vindice
ferro

Bella para, patrios neu corripe nubibus
ignes.

Heu Furia! quo fata cadent? Quid pone-
re templa

Invit, & auratis attollere limina saxi,
Si placet hoc audere nefas; si bella move-

mus
Calitibus, Numenque suis prohibemus ac
aris?

Postquam his similia vaticinantis vultu
profudit, mutata in ejulatus, maxime im-
plevit speciem divino tumultu correptæ.
Et in illam quidem omnium oculos stu-
por defixerat: Sed præcipua Meleandri
cura erat, revolventis quæ in oraculi mo-
dum edita erant; Iussam Palladem exulare,
abeuntem Deam minari, denique piaculum
esse commissum. Hæc quo minus

capiebat, eo frigidior animum metus in-
cesserat. At Argenis, velut effusa vi spiri-
tus qui infra præcordia ad vaticinium sæ-
vierat, omiſſis infulis; quas ademit de ca-
pite, supplex accessit ad Patrem, rogavit-
que ut sibi abstinere ab iis sacris liceret. Pu-
dere enim se furoris inasſueti; nec con-
spectum populi tam subito ferre. Hærebat
Rex tot ominibus æger, & præter cætera
metuens; ne Lycogeni in suspicionem ve-
nirer, quasi hæc monstra turbandis fœde-
ribus ipse ex composito finxisset. Virgo
autem inter silentium patris elapsa, dedu-
centibus eam asſuetis custodiæ suæ militi-
bus, concessit ad regiam; Arſidasque tan-
quam officii causa sequutus, acceptis ad
Poliarchum mandatis, statim arce di-
gressus est.

Fremitus interim, & mox liberius mur-
mur in territa plebe. Alii pacem ajebant
præsentissimo Numine improbatam; alii
ad venturas Siciliae clades referebant pro-
digium. Pergere quidam ad sacra mini-
stros inbebant, & quicquid id erat expia-
re; Sententiam ferebant promptissime,
qui minime consulebantur; Sed maxime
eminebat vox Fecialem vocantium. Nam
ut Siculis Græcos mores sua origo tradi-
derat; sic vicinia Italiae insinuaverat mul-
tos ritus; in quibus & Fecialium tota reli-
gio. Igitur Meleander, sedaturus pugnan-
tium vota, Nihil interest, inquit, Palla-
disne

disne an Iovis auspiciis firmentur, de quibus bona fide inter viros convenit. Ades Feialis Sicularum, & legitimos fœderum ritus obi. Feialis in veste prætexta longum carmen recitavit, quo Diræ in fœdifragos continebantur. Cæsa inde hostia fuit, cujus extra Rex simul & Lycogenes tenuerunt. Ab hoc sacro intraverunt in templum; aramque & pulvinar tangentes, rursus fidem obligarunt numinibus. His peractis, se ad regiam pompa convertit. Sed nec plausus populi sequebatur; nec gratulantibus amicis synceri vultus erant. Rex tamen, ut oportuit, animi dolore fraudato, & ad hilaritatis indicia versus, eo die publicum convivium iniit, ludosque proximo die inspexit; in quibus poeta soccis egit, retulitque facetos de populo jocos. Regia enim & tragica edi illo tempore non placebat. Per multos hosce dies, utriusque amici, à Rege & Lycogene moniti, non modo abstinere rixa; sed & frequentibus mutuisque epulis, securitatis & lætitiæ larvam auxerunt. Nam & Argenis, quæ simulatione morbi jacuerat, in publicum prodiit, postquam Arsidas literis significavit se, suumque vectorem, incolumes Italiam tenuisse.

I O H A N N I S
B A R C L A I I
A R G E N I S.
L I E E R I I.

POliarchum ex Sicilia exegisse, visa Lycogeni ingens de Meleandro victoria: Quippe acer juvenis, maturusque consilio, sui generis magnitudine regias partes exrulerat, & facilia factiosis scelera erant hoc extincto, vel saltem absente. Mortis enim ipsius opinio diu non constitit; sed siue res suspecta tantum fuit, siue à consciis edita, non obscure Arsidas jactabatur illi eum navigio salutem obtulisse. Et hæc prima Lycogenis in Regem criminatio; cum per homines subornatos in populum spargeret, Meleandro fluxam fidem fuisse & Rege indignam. Quippe illius jussu legatos à Poliarcho cæsos, & reum clam exemptum supplicio; jamque securum in Italia, forte ad paria facinora, præstari. Hæc modeste Lycogenes, & tantum apud eos quibus invisus Meleander: Sed clientes licentius infaniam Regis urgebant. Novis enim motibus materia quærebatur; Nec deerant qui hæc tumultuandi initia ad Meleandrum deferrent. Ille consulto in pristina lenitatis specie perseverabat; ut quæ incuriæ imago res
antea.

antea ejus afflixerat, jam imponeret inimicis. Accendebat ejus animum, præter facinora Lycogenis, periculumque fortunarum, virilis in Argenide constantia: Apud quam cum quereretur, quod sacrificium destituisset, fecissetque suspicioni locum quæsitæ rationis qua fœdera turbarentur; Si quid hic (retulit ipsa) peccatum est, justius de Numinibus te queri. Stimulos ego nec recusare, Domine, potui, nec tenere. Cæterum plures sunt qui mirentur te iniisse pacem, quam me Deosque ab ea refugisse. Ignosce libertati, quam mihi bonitas tua facit: Forte melius esset inter strenua opera semel perire, quam tot injuriarum patientes regnare precario. Rex indole supra muliebrem erecta permotus, diu pensatæ severitatis consilium exequi statuit; Cui rei conducebat, Epeiræten, si-ve bello, si-ve fugæ, aptissimam sedem, incolere; in quam pridem quæ utrique fortunæ conveniebant dissimulata ratione convexerat.

Epeiræte in Panormitanorum finibus mons est, aliquot millium ambitum amplexus. Imæ radices abscissis præruptisque rupibus attolluntur; Mox ubi per inaccessas cautes mons in modicum tumorem excrevit, paulatim faciliora latera acclinat, donec ad verticem pervenias haud modica planicie æquatum: in qua & tumulus commode eminet, tanquam à
 natu-

natura productus in arcem. Illud jugum munitionibus Reges firmaverant: Reliquus montis vertex iusto oppido, sparsisque præterea & amœnis ædificiis incolebatur. Quo latere ad mare mons pertinet, capax omnis navigii portus sese inter saxa insinuaverat, laxo aditu, aqua præalta, & propter montis amplexum à procellis secura. Huic portui oppidum tam opportune imminebat, ut iis invitis à quibus obtinebatur, nec subire naves possent, neque arcta semita teneri, quæ à mari ducebat ad jugum. Qua vero interiora insulæ mons spectat, duobus duntaxat callibus ascendi tunc poterat, iisque pari modo impeditis. Ingens quoque levamen Epeiræten colentibus, quod quacunque intermittunt ædificia, uberrimi pecoribus pastus nascuntur. Et ut hunc situm beneficium Deorum putarent, effecerat copia fontium, & innoxius aer, in quo nulla veneno infesta animalia vivebant. In limine callis qui surgebat à portu, Cereris signum, cum spicea corona, & serpentum volucris iugo, religionem offerebat intrantibus, ne insalutato numine progredierentur, vel saxum negligerent, quod rudibus litteris Deam loqui in hunc modum faciebat.

*Si mihi, quæ curvo Nereus vehit aquora
cinctu,*

*Omnis humus frages, atque omnis mitia
debet*

Iura locus, vetuique fero nemoralia ritu
 Pabula Chaoniis miseros decerpere ramis:
 Hu saltem o cuncta meritu concedite gen-
 tes,

Sicanio sim tuta solo. Reverentia nostri
 Adsit, & has nullus surgat popularor ad
 oras.

Namque mihi ha sedes; hac fatis dedita
 tellus,

Hac placet. Exerti tantum ferat arma
 coloni

Pingue solum, & duro tantum de vome-
 re vulnus.

Haud injusta precor. Si quis tamen impia
 contra

Signa firet; meme ille gravem, me sentiet
 hostem.

Ipsa faces, ipsa arma feram, cognataque
 junget

Mecum omnis Natura manus. Saturnia
 proles

De Iove sum mater: fraternos cœrula
 nutus

Vnda timet, nigroque gener capit omnia
 mundo,

Meleander multo ante assueverat illuc di-
 vertere, quasi pulchritudinem loci sequu-
 tus; venationum quoque simulato amore
 quas vicina regio ferebat: Fidissimi mili-
 tum in præsidio erant: & ne, si cœptis
 fortuna abfuisset, etiam intercideret fu-
 ga, vario prætextu, regiarum triremium
 partem

partem ad stationem applicuit. Captatis quoque temporibus, quicquid olim cummulaverant Reges, in eam arcem delatum est. Vis magna gemmarum: coraliorum multiplices rami, quos ex vicino mari petierant. Exoticam purpuram per aliquot sæcula coactam pinguis murex suo fulgori servaverat. Vasa aurea atque argentea; quorum pauca recenti artificio nitebant: rudia plura impensius in vetustatis reverentiam colebantur. Signata pecuniæ ingens modus non erat, per liberalitatem Principis exhausto ærario, quam denique futuri conjectura minuerat.

Rex uni Argenidi consilia aperuit; sibi regiæ dignitatis ultionem in animo esse: Si simul Lycogenes, & factiosorum præcipui, varia negotiorum specie cogiposset ad regiam, (jam enim in diversa secesserant) omnibus se iudices & supplicia daturum. Huic rei Epeircten esse idoneam, unde & vicina regio teneretur, & in potestate maria essent. Forsitan, inquit, violenta consilia reliquos frangent, qui meæ clementiæ fiducia peccant. Sin resurgent sævius bella, consiliumque eventus destituet; relinquam ingratisimum solum, tecumque divitias triremibus imponens navigabo in Africam. Neque enim illic desunt qui fugientem excipiant: Et aut ego tantus natus, aut tu in annis ejusmodi clade indignis, fortunam placabimus.

bimus. Si ea calamitas incidet, solâ Epeir-
cten commendabo Eurymedi: Hanc cum
delecta manu ad extremum propugnet.
Interim nobis (gnata) pœnas dabit Sicilia,
gravibus inter ipsos conjuratos odiûs la-
cerata; vulgusque errore discussio, quid
illi sint, & quid fuerimus, tristissima æsti-
matione pensabit. Quippe nec in divi-
dendis facinoris præmiis unquam conve-
nient, nec Lycogeni omnes accedent.
Multi enim me percelli, non everti, desi-
derant. Sic inter se commissi, pars ad nos
respicient: & reditus noster forte illorum
beneficium erit, quorum scelere pulsi fu-
gerimus. Tu interim, Argenis, in arcem
concedê. Vereor enim ne bellum impro-
viso aut accipi aut inferri oporteat. V-
num vide, ne in tuam familiaritatem
ignotæ fidei mulieres admittas. Satis
est, meagnata, proditione virorum nos
lædi.

Ad hæc Argenis gratulata fortissimum
consilium Patri; & hortata novo bello
experiri fortunam, adjecit, se hætenus
cum fide curasse, ne ignoti ingenii mulie-
ribus sua familiaritas pateret. Sed post-
quam digressi sunt, cogitare acriter cœ-
pit, à qua muliere timendum Rex mon-
strasset; quæve secum omnino vivere ipsi
invisâ: Statimque consuluit Selenisiam,
ignara, illam esse, quæ Timocleam Regi
suspectam occultissima fraude effecerat.

Et tunc quidem callidissima anus, quamquam lata suas artes procedere, perfidiose apud Argenidem simulavit mirari se, quis ad has curas impulisset Meleandrum. Causa autem cur arcanis consiliis Timocleam petiisset, hæcerat. Argenidem illius officiis in Poliarchum senserat esse captam, verebaturque; ne jucundissima novitate matrona veteres amicitias antoi-
ret. Ergo invidiæ curis gravis, ad familiaria in aulis flagitia & odia se convertit. Nihil tamen aperte in Timocleam loquuta est. Arsenim & causa perierat, si deprehenderet Argenis fraudis ingenium. Sciebatque præterea, se mulierigravio-
rem hostem fore, si eam odisse non sciretur. Varia itaque ingerebat, quibus consultissimum esse probaret, ut Argenis beneficium in eam aut omitteret, aut differ-
ret. Visne, inquiebat, scire Timocleam hæc præmia esse occultati Poliarchi? visne secretæ inter te & illum fidei pignora in plures emanare? Solertius mecastor feceris, si tanquam tuo pte ingenio illi medio-
criter favebis; ut dari, non referri beneficium credat. Sit vero suæ domi. Non careret suspitione illa tuæ familiæ accessio. Finge enim (quod & Superi faxint) nunquam in vulgus periculose emanaturum, ab ipsa Poliarchum esse servatum: At quid iste hospes Archom-
brotus? Scit quantum de eo sit merita; &
præmia

præmia tam subito scilicet à te solvi non sentiet?

His, & pluribus, sibi verius quàm alumnæ cavebat Selenissâ; rata actum de gratiâ quo eminebat fastigio, si præter se alia esset cui nihil sileretur. Sed tam commode, tantoque circuitu peccabat, ut videretur unam Argenidem, curare: Assiduum & exitiabile Principibus malum, apud quos gratiosi prætextu juvandi aut monendi, satiant invidiam, & interdum æmulos laudibus attollunt, ut maligna deinde inferentibus sit pronior fides. Ergo & Selenissâ suspiciones secreto ornaverât, quæ in Timocleam Regi allapsæ sunt; Hanc olim favissè Lycogeni & adhuc incertam fide esse; tamen ab incauta Argenide amari. Rursusque apud Argenidem ejusdem matronæ laudes, & merita, miscebat imagine periculi quod in ea subvehenda timendum videbatur. Et quoniam partim vera monebat, effectum est, ut vix melius ab Argenide Timocleæ esset; nisi quod interdum, ut solebat, venienti, familiarius se præbebat, augebatque recedentem aliquot donis, liberalitatis occasione utique semper apte quæsitâ.

Inter hos dies Argenis, ut erat imperatum, comitante Ibburrane, qui tunc forte negotiorum causa in regiam erat, Epeiræten profecta est. Nec multo post Meleander, cum in idem oppidum se conferret,

ingens vitæ periculum adivit, siue suorum fraude, siue factorum consilio, gratiam & favorem Archombroto quærentium. Locus erat passuum nō plus mille in ambitu; placidis quidem & facilibus ripis, sed aqua deinde præalta, & instabili fundo. Ad illum Regis auriga declinavit tanquam via magis aprica ducturus. Frequentia currum qui illic quotidie agebantur, multis orbitis notabilis, ne quid timeretur effecerat; cum ecce Regis equi seu sponte consternati, seu culicum palustrium stimulis acti, aut denique proditione ductoris, quasiatis alte jubis, & periculose arrecti, viam in lacum præcipitant; omnibus quidem qui in comitatu erant pavidissima vociferatione certantibus: sed pauci ferebant auxilium; siue intempestivo metu sibi cavebant, siue subiti atrocitas periculi vires torpentibus eripuit. Inter illos qui ruentem per devia currum cum fide sequebantur, nemo Archombroti celeritatem æquavit. Nunc aurigam ille monere ut acrius equis obsisteret, nunc Regem ut ab curru in aquas desiliret nondum hominis mensuram æquantem. Ferebatur interim currus, primasque jam rotas altior aqua suppresserat. Tum vero Archombrotus virile facinus ausus, quia impeditus fluctibus equus tardius eum vehebat, se in lacum pedes misit. Ad vicinum deinde currum præcipitans, volentem Meleandrum

drum arrepta pone veste tam mature detraxit, ut eodem ferme momento lacus subita voragine desidens, totos cum vehiculo equos absorpserit. Archombrotum Regis pondus in se è curru collabentis afflixaerat; tum ex pingui argilla lubricum fundum, & ipsius aquæ instabilis moles quæ perveniebat ad humeros. Nec minus Rex laborabat sua vestigia obfirmare. Ità luctantibus similimi inter se invicem hærebant; cum jam prope cedentes incumbentibus undis celerrimi amicorum eripiunt.

Vbi ad ripam Meleander pervenit; tanti quod evaserat periculi horridior imago tum suo tum suorum animo insedit. Illud præcipue horrorem augebat, quod imperitus natandi certissime periisset, nisi Archombrotus contempta salute veluti in se avertisset periculum; quem ubi & natandi rudem esse compertum est, cœpere utique omnes impensius mirari, hunc in Regis discrimine adeo vilem sibi fuisse, juvenem, externum, non beneficio, non lege obligatum; cum tot, pro pudor! gentiles & obnoxii cessassent. Præcipue Regem, ut debuit, hoc beneficium permovit. Cupide illum amplexus erubescens ad suas laudes tenebat; & jam antea tanta indole ad amandum compulsus, gaudebat, hoc casu potestatem esse factam eum sibi intima nec invio-

diſoſa familiaritate jungendi. Interim Regis auriga elapſus fluctibus vultu horrenti ad ripam tendebat, cum Eriſthenes diu ante verbis eum bacchatus, gladium ſtrinxit, & tanquam Regis periculum vindicaturus, improviſo omnibus icſtu excipit infelicem. Conſoſſus ille ruit in aquas, magno quidem juventutis quæ aderat plauſu. At non illa conſultioribus placuerunt. Si non enim hæc aurigæ culpa contigerant, cur miſer tam cruento mulctabatur? Sin noxam meruerat, cur non habita quæſtione, non editis conſoſiis, facili morte eripiebatur ſuppliciiis? An unus denique Eriſthenes Regem amabat, tam properæ ultionis miniſter? Laſſi inde animi, ut auriga crederetur factione Lycogenis emptus Regis vitam hoc facinore petiſſe; & quoniam ſcleri fata obſtiterant, ne conjurationem prodere cogeretur; ab Eriſthene Lycogenis amico eſſe ſublatum. Sed Eriſthenis potentia, nondumque maturum ad ultionem tempus, quamvis invitum Meleandrum, ad diſſimulandum coegit; vultu quidem ſic placido, ut nec ſe Eriſthenes ſenſerit eſſe ſuſpectum.

Vbi Epeiræten perventum eſt, frequens Optimatibus oppidum fuit, de Regis ſalute gratantium, Meleandro regente quid animi ſibi eſſet, & ad omnem hilaritatem

tem se cogente. Erant in primis Lycogeni amici, Oloodemus, & Eristhenes, per hunc ad ingentis potentiae gradum subvecti. Nam Eristheni summa ærarii Meleander crediderat; certus se has vires hosti conferre; sed ita tempora, & quam iniverat simulatio, ferebant. Oloodemus, quicquid ad Pachynum promontorium jacet, regendum acceperat. Hi facinus inter se partiri, diversa procurabant; & cum Lycogene Oloodemus corrumpendæ Siciliæ à Regia aberat; Eristhenes muneris sui specie incumbibat Regis consiliis. In his tribus summam hostilium virium esse constabat. Rex quamquam consilii jam certus, tamen quid Cleobulo sententiæ esset scire expetiit. Eurymedis quoque consilio plurimum utebatur; Et Archombroti summa gratia erat. His tribus secreto convocatis Meleander Argenidem secum habens, ita primum locutus est, ut non ostenderet suum sensum, ne præjudicio illo periret libertas sentire timentium Regi contraria, aut se frustra dissuadere credentium. In quo rerum articulo Sicilia esset ostendit; importuniorem illam pacem pristino bello; Hæc se pridem auguratum Epeiræten, in qua tunc arce erant, munisse; scire se, ex paucis capitibus momenta tam atrocis seditionis pendere.

Iam rogare quid authores sibi essent. Nemo in tantis rebus audebat loqui prior, donec in ætatis reverentiam, expertæque prudentiæ, Rex Cleobulum dicere iussit. Et ille, Strenue, inquit, agendum est, ô Rex; aut expectandum tanquam velatis capitibus maturum exitium. Mediocris virtus pro vitio tibi erit. Nec aut famam, aut Deos, si te de istis hostibus ulcisceris, lædere puta. Nam & primus Lycogenes peccavit in fœdera; & ipsius supplicio qui te contemnunt, vel odere, mutabuntur. Scimus sollicitatas urbes; descriptos militespene sub signis esse. Quid moraris? An donec nihil amplius in Sicilia syncerum sit? Timesne turbare adhuc præcoces illorum apparatus, aut religiose expectas, donec ferrum jubearis recipere? Eristhenem hic habes; Lycogenem, & Oloodemum, tanquam ad consilium in re subito oblata, accerere. Si venient; confestim Majestatis damnatos conficias. Sin abnuent; hos tu vero contumaces, nec dum omnia instructos, justo celerique bello persequere. His Cleobuli verbis adjecit Eurymedes, spondere se, peditum sex millia, equitesque quingentos, in fide & potestate fore. In prætorianis partim hos esse, partim in Epeirctes præsidio. Alios Panormi, & in arce Epipolis distributos. Tantillam veteranorum manum tyronibus posse præstare, quoscunque delegisset Lyco-

Lyco-

Lycogenes. Et ubi regia vexilla fulsissent, haud dubie multos se melioribus partibus applicituros.

Inter hæc, Archombrotus, illata armorum mentione hilarior, ratusque, locum esse aliquid pro Poliarcho audendi: Ego, inquit, & externus, & juvenis, de summa rerum non disputo. Sed si bellum vobis placet, cur auxilia vestra respuitis? cur antè discrimen frangitis vires? Poliarchum Lycogenis invidia pulsum, adhuc hodie nemo est militum qui non optet restitui. Præterquam quod bellicis artibus valet, timendumque est hostibus nomen, scitote, illius reditu conspectuque, tanquam salutis auspicio, promptiores ad omnia exercitus fore. Equidem quærendum censeo, excusataque temporum necessitate, quæ illum hinc abegit, ad novam lauream invitandum.

Hæc fidenter pro Poliarcho orantem Argenis intuebatur, eo potissimum læta, quod Rex illum avide audiebat. Itaque ne quis tam liquida & prolixa omnia turbaret, ipsa adjecit, in eadem qua Poliarchus causa, Arsidadam esse, quem omnes ferunt, inquit, Italia moras trahere, tanquam solum exilii causa vertisset. Nec aliud ipsi crimen, quam abvexisse Poliarchum. De Arsidadæ fide, ô Rex, non dubitas; & fortasse de nobis isto facinore, quam

de Poliarcho plus meruit. Quod si tamen deliquit, hunc donari mihi peto; licet quamdiu Poliarchus in damnatis aut inuisis fuerit, non possit absolvi. Argenide in defensionem Arsidæ, quia cum salute Poliarchi cohærebat, erecta, omnes in virginis gratiam eadem cum ambitu senserunt.

Tum Rex; Diis, inquit, res nostras curæ esse, vel ideo intellexi, quod mirabili animorum consensu, quæ aq̃ud me constitueram, eadem ut facerem suasisistis. Sit igitur auspiciis Diis ratum in Lycogenem bellum; si absque tumultu capi, & perduellionum supplicio tolli non poterit. Poliarchum autem, & Arsidam, pridem meo suffragio absolvi. Restat quærere, qua ratione utramque reconciliemus domum. Omnibus visum, notæ fidei aliquem cum muneribus ad Poliarchum mitti debere, eumque orari, ut cum primum cœptæ erunt in Lycogenem turbæ, remigret in Insulam. Sic constitutis rebus consilium Rex dimisit, omnibus, quæ sciebant, senserantve, diligenter premere iussis. Sed Argenis de amantium more semper immodice exultans, aut mœsta, objecta præter spem lætitia aperte fruebatur; Ignarusque rei pater, Accipio filia, inquit, omen: Ex quo in hæc mala incidimus, nunc te primum hilarem & porrectæ frontis cerno.

Vespera appetebat, & in hortum regium Archombrotus, ut plerumque solebat, intravit. Illic cum solus inter arborum spatia erraret, in noctis memoriam incidit, qua Timocleæ hospicio cum Poliarcho erat usus. Inter cætera subiit animum, frontis vocisque mutatio quæ illic Poliarchum de Argenide interrogatum confudit. Id enim Archombrotus in amoris indicium cum traxisset, deinde exciderat supervenientium rerum mole, eo facilius, quod non amorem mutuum, sed juvenilem in Poliarcho insaniam esse conjecerat. Tunc vero diligentius omnia revolvebat: bis ad Argenidis nomen Poliarchum obstupuisse: bis de virginis ætate & moribus rogatum, respondisse strictum tantum, & ut scires incompositi ad hoc nomen animi esse. In illius rei memoria lærenti succurrit, Argenidem, dum Arsidam apud patrem tueretur, inter seria verba & preces totam arsisse. Facinus autem Arsidæ ad rem Poliarchi pertinebat. His utrinque pensatis, secretæ inter illos necessitudinis facta est Archombroto suspicio. Occurrerunt illic cogitanti virtutes Poliarchi, & quicquid hunc ad spem tantam subvehere potuerat, aut sollicitare Argenidem. Certe quod illius genus lateret aliquid eximium posse subesse. Neque enim, inquiebat, solus sum, cujus genus, aut fortunæ,
ex illa

ex illa quam subii dissimulationis larva
stimari non debeant. Sed dum Argenidis
speciem, fortunamque, ad animum re-
vocat suum, foelicemque hoc amore Po-
liarchum tacita gratulatione ingeminat,
ea ipsa laudare incipit & mirari, quæ an-
tea intactus aspexerat. Nam quid Ar-
genide venustus esse? cui unquam ad
tantum habitum, tantosque parentes,
tot virtutes accessisse? Si non generis præ-
rogativa esset, sed ex Sicilia virginibus de-
lectus haberetur, neminem ante Argeni-
dem ad regnum asciscendam. Sapien-
tiam, modestiam, verba, suo sexui præ-
stare; speciem supra mortalem esse. Post
hæc ad se redibat Archombrotus, nec in-
dignam tanta spe nobilitatem suam, hæc
dubium novis ignibus alimentum, repu-
tabat. Et id primo non quasi amaturus;
sed tantum velut ociosa, nec imparia ta-
men vota. Capi inde paulatim, & oble-
tatione jam anxia ad earum imagines
teneri: ignarus, si victor & liber esse vellet,
fortitudine opus esse in hæc ipsa aman-
di initia. Quantum charior fiebat Arge-
nis, tantum de amicitia decedebat, quæ
illum Poliarcho conjunxerat, primum in-
vidia, mox æmulationis malo grassante.
Ita æger, & ad animi captivitatem ada-
ctus, horto digreditur, quem paulo ante
foelix solutusque intraverat. Accessio mali
fuit, quod ad solatium in ea tempestate
soli-

solitudinem quærens, solus cœnavit. Nam cum tacitus secretusque non aliud quam amorem audiret, paulatim illis curis se permisit, quæ intra paucissimos dies efflūctim amantem nondum expertis malis urserunt.

Dum hæc apud Regem aguntur, non solutiori cura cum suis Lycogenes meditatatum facinus adornat. Is ad præcipua oppida non uno prætextu divertens, magistratus exhibito convivio hilariores monebat, ne publicam libertatem sine-
rent prodi. Pessimis consiliis infestari Siciliam; meminissent, se in regno non sub tyrannide esse: nec in Regem quicquam addebat, nisi ira perplexe ut id posset vel Meleandro excusare. Cum his verbis incitatos videbat, quasi familiaris agens, imperfectum aliquid inter suspiria, vel publice, vel præcipuis in aurem, loquebatur; ut pia sollicitudine plura timere videretur, quam quæ auderet evulgare. Inde non pauci in eum ut patriæ columnen aspicere, curaque subtristi Meleandrum fastidire: Cum præsertim jactaretur in populo, nunc contemptis popularibus ad publica negotia acciri peregrinos, nunc tributa & portoria augeri: cædes denique imminere à Principe superioribus bellis infesto. Præter has artes, sacrificuli pretio empti haud parum valere. Omnibus & auspiciis ementitiis omnia in religio-

religionem vertebant. Seu publice, seu privatim mactata hostia erat, effectis prodigiis spectantes terrebantur; nunc caput deesse jecinori; nunc turbato ordine fibras emicare extra sedem; semperque nova fata instare, & meliora præteritis: Nihil autem quod tunc fieret Diis placere. Contigerunt præter has larvas non falsa aut fucata prodigia, quibus affirmabantur proximæ clades. Nam & de cælo lapidatum est; & alicubi gemini soles micuerant. Sed pauca hæc monstra fictis innumeris fidem fecerunt; ut homines omnia temere crederent, timerentque: quem miserorum statum quidam Poeta, & ipse publicæ insanix non expers, descripsit.

*Parcite Cœlicola; Quid demere vincula
rebus*

*Hæu placet, & miseras monstris evertere
terras?*

*Nunc cælo informis facies, nunc æra fædi
Incastant Manes. Livent per inane Co-
mea,*

*Et nec friget hyems, vector nec floribus
halat*

*Thryxæus, posuitque suos canis æstifer
ignes.*

*Qualiter ignoto cum Sol novus aere
gyrum*

*Per modo nascentis cunabula duceret Or-
bis,*

Expers saepe via, saepe alti pondere curvus.

Erra

Erravit dubius, totumque immiscuit an-
num.

Cernis anhelanti quam nigra volumina
tollat

Aetna jugo? cernis quanta vehat aqno-
ra mole

Auster, & in nostras spumantia degerat
oras?

Ceu quondam Ausonio cum dissociata
recessit

Litore, frangentes exhorruit Insula
nimbos.

Magna quidem portenta Deum: tamen
omnia supra

Savit corde pavor. Vates sibi quisque ma-
lorum

Et clades, & tela videt, pœnasque fu-
turi

Præcipit. O siue hac nobis insania crevit,
Sen Superi jussere nefas: quid longa mo-
ramur

Supplicia? Arma, viri! Savo cadat ho-
stia cœlo

Quæ meruit. Liceat lustralis mittere
tela,

Et satiare Deos, & morte reposcere vi-
tam.

Inter hæc ad Regem est relatum, interce-
dere Hyperephaniis cum Lycogene arca-
na consilia; verebanturque nonnulli, ne
eorum usus viribus propediem à patriis
sacris abiret. Forte cum talia jactarentur,
Archom-

Archombrotus cum Ibburrane erat, eui jam aliquo usu, commendatione maxime Regis, cœperat familiaris esse. Ambo in regia porticu spatiabantur, novusque in Siculis rebus Archombrotus, cum aliquoties Hyperephanios audiisset nominari, rogavit quod discrimen inter illos cæterosque Sicilia incolas esset; cur nomina, cur studia, viresque diversæ? Tum Ibburranes docendi juvenis studio paulum in se seductus sic incepit. Hyperephanis ex suæ superstitionis genio nomen hoc fecimus. Eorum factio regnantibus gravis, quodam Vsinulca auctore hoc sæculo est exorta. Ille Deorum cultu neglecto, qualis in Sicilia semper vixit, ausus est novas religiones afferre, pacemque sollicitare animorum, qui superbia, vel nimia simplicitate, diripi possent. Quibusdam igitur ambitiosum fuit à sensu majorum eo duce discedere; Alios eloquentia fefellit, cui pietatis species erat intexta. Accessit impetus novitatis, tanto furore excæcans animos, ut barbara Vsinulcæ commenta invenerint laudatores, non ex vastis & ultimis terris, sed (quod mireris) ex alumnis Sicilia: quamquam nihil portentis deterius, quibus suam ille scholam fœdavit; ut vel referre me pudeat contumeliosam numinibus vesaniam. Negat, ullum mortalium, ulli sceleri operam dare, nisi qui illi perpetrando ab adigentibus Diis

Diis damnatus est. Vtunque vero in vitia pugnes, in te sis innocens, commodus hominibus, in Deos liberalis, ejusmodi pietate effici non vult, ut amicior Diis vivas. Non hæc enim omnia esse illam virtutem, quæ acceptos immortalibus homines facit, sed illius tantummodo signa virtutis. Præterea non esse in delictis discrimina; sed in hominibus qui delinquant; Siquidem à Diis exosos, vel oleis furto mereri quicquid Furia apud Poetas faciunt. Cæteros vero non parricidio, non incestu, libare amicitiam quæ cum Numinibus sunt conjuncti. Ita ab uno scelerum cæno hos intactos, illos amissio decore excedere. Velut in aquas si quid anserini generis mergas, inde inviolata siccitate eduxeris; cum cæteræ aves, aquis iisdem, & minori sæpe mora, tenorem & usum pennarum corrumpant. Parco cæteram Vsinulæ amentiam memorare. Nec habuissent hæc monstra longi ævi discipulos, nisi incidissent in Regum pueritiam, quibus temporibus ut plurimum turbulentis fœda omnia nec arceri nec corrigi possunt. Auxit hunc morbum factionum atrocitas, & quidem Optimates odio eorum qui sub pueris Principibus rerum potiebantur, præbuere se tumultuantibus Hyperephaniis duces. Tum vero luctuosissimo sydere percusserunt domestica arma Siciliam; & ad Hyperephanios

defecerunt quotquot seditionum licentiam amabant; in ipsos ausi Reges signa attollere. Nihil illorum furori relictum est. Calcare aras Deorum, evertere templa, fœdare oppida incendiis, & civili sanguine suam furiis consecrare novitatem. Post tot annos adhuc veluti truncas urbes excisis Numinum tholis aspicias, in quibus sēvierunt. In illis tumultibus tanto divortio à cæteris recessere Siculis, ut, tanquam aliam patriam aliūque populum facerent, ne ictis quidem fœderibus redierint bona fide in communionem reliquæ gentis; discordique ingenio acti semper arma aut minentur aut timeant.

Ita affectis animis, quid Regibus putes liberi in eos imperii esse? Vrbes, milites, portus, tantumque non totas insederunt provincias, ex quibus cum supercilio consulunt, quid juvari à se Regem aut sperni expediat. Cui si bellis occupato, aut inter alia laboranti negocia, operam suam promittunt, tanquam digni quibus gratiæ habeantur, fidem hanc jactant; obliti, à bonis civibus tunc ejusmodi sponsionem non exigi; nec fore ut toties eam repeterent, si semel tuta esset. Sed sociorum utique magis quam civium more auxilia præstant, Regisque aut sequuntur aut avversantur consilia. Sic Deorum Principumque arbitros agunt; quid utrisque ipsi debeant, non ex patrio ritu, sed ex suis inge-

ingeniis metiti. Quantas clades hic mor-
bus minetur Siciliæ, vel nullo proficiente
agnoveris. Nam ut pervicacissima sunt
odia; quæ ex diversarum religionum li-
bris fervent; jure timendum est, ne ali-
quando Hyperephanii, quod suis conse-
qui viribus non possunt, excidio patriæ
quærant, peregrinis gentibus, æmulisque,
non magis ab bellum quam ad prædam, &
veluti Siciliæ possessionem, accitis. Quod
si ista meliores Dii avertent, at jam quan-
ta sunt quæ videmus quæque sentimus? Si
filii irascuntur parentibus, si Regi Opti-
mates; continuo in hanc sectam, velut
ad certissimæ manumissionis genus, fuca-
ta professione secedunt: non ignari, quod
sibi præcipue noceant. Sed tanti est suo er-
rore æmulos macerare. Quid de Vestali-
bus dicam? Quid de mystis Deorum? Vti
illos castitatis suæ tædet, impune maledi-
cunt religionibus, & incæstarum merce-
de nuptiarum se Hyperephanis dedunt.
His exemplis, illaque dissèrendi & viven-
di licentia, labefactatur vulgus; ut pri-
mum qui Dii aut qua ratione colendi
sint dubitet; mox rudi aut impio fa-
ctu nihil sacrum habeat, nihil de Superis
certum; Sic Numinum rebus indicta est
isto facinore calamitas, simulque in pu-
blicam pacem serpit, & agræ Siciliæ car-
pit vires; quæ nunquam in pristinum
robur exurget, nisi prius Hyperephanis

ad saniora adaectis vulnus hoc duxerit cicatricem.

Tum Archombrotus; Quid ergo Siculi cessant, ait, una mole obruere incendium? Quidve gravantur iusto ferro hanc tabem noxiosissima contagione serpentem excindere? Equidem vel ego externus manus meas & ferrum ad hoc promitto; Neque me unquam gratioribus victimis operaturum credam, quam si eorum sanguinem Diis dabo, vel meum adaectis vulneribus ipsi libabunt. Hæc te Meleandro dicere, Ibburranes, & ad hæc bella cum urgere, æquum fuit.

Hic Ibburranes; Laudo impetum tuum, inquit, egregio fervore succensum: Sed sunt tamen qui non sine argumento contraria sentiant; quia rerum successu compertum est, ut quædam animalia aluntur veneno, ita hanc sectam invalescere publicis malis, interque bella & clades saginari. Alias igitur artes, easque mitiores quæ sivere, quibus maculam Sicilia eluat; credideruntque Regum prudentia, absque ferro & sanguine, morbi sævitiam ponere posse. Si quid vero ipse sentiam quæris; neque cum illis pacem neque bellum simpliciter volo. Nam si quietem possunt pati, non hos puto ullis moribus sollicitandos. Sin in Regem remque publicam seditiosis consiliis sponte insurgent, ferendos non arbitror; sed vi armisque pre-

premendam vesaniam superbe furētium. Pia tunc arma, tunc omni laude digna in eos severitas. Totis regni viribus enitendum ne impune auferant abominandi in Reges exempli audaciam. Et eo quidem celerius vindicandum est facinus, quo ipsi ferocius solent grassari in cunctantes: nostramque patientiam pro imbecillitate contemptim accipere. Neque enim hæc secta, ferendo, parendove, (ut solent meliores disciplinæ) quærit sibi incrementa; sed jurgio, rixa, tumultu, sua facinora assuevit asserere. Ferro igitur, & plusquam amula ferocitate, censeo in eos esse agendum, quoties suis injuriis Regem ac Patriam laceissent. At si seditionibus, si rebellio abstinebunt, patienturque mitius se haberi, tunc ego cum illis pacem malim. Iam enim in plures serpit labes quam ut singuli inter reos scribi possint, & citari à lictore. Ac præterea juventute abundat Sicilia, quam nunc levitas, nunc egestas, nunc ipsa armorum cupido sic versat, ut non jure aut pudore æstimato factiosis det nomina, & in militiam coeat quantumvis Superis mortalibusq; aversam. Ita multi, dum armis certatur, accedunt spe prædæ ad istos Hyperephanios, qui eos in pace devorent: & Reges bello illato plures de novo reos faciunt quam de veteribus extinguunt. Præterea veluti fila per se tenuia ac soluta facile rumpas; At si ea

inter se violento implicatis nexu, quo fortius premis, eo validius stipantur, coeuntque denique in funem cui frangendo nunquam suffeceris : Sic isti per se forte negligentiores suarum partium, ubi intentatos jugulis vident enses, qui coactam, id est, ut existimant, pudendam pœnitentiam extorqueant, interdum furioso & quem agere exolveris nexu conjurant. Itaque pace, ocio, regni fœlicitate (si ipsi importunis tumultibus ad arma Regem non cogent) debellandi sunt; quo tempore nihil ex publicis latrociniis habent, quod incertis & seditiosis auxilioribus largiantur; neque incitati adversantium fervore, plurimum quoque de suo remittunt. Ex ipsorum deinde præcipuis multi ad Regem respiciunt; ex cujus amicitia in illo sereno omnia pendent. Is autem si non tam odio quam contemptu prosequetur eorum disciplinam, efficacius omni bello nobilium animos ad pœnitentiam coget; Qui si malo pudore prohibebuntur suam sectam ejurare, saltem liberis suis consulent, magistrisque eos tradent, per quos erudiantur ex veteri more, vivantque in Regia gratiosi. Mam qui cœlo, argumentis, veterumque præceptis, unam pertinaciam anteponunt, adhærentque Vñnula; vincentur, mihi crede, hoc honorum aditu, & spæ regionum munerum caute
præ-

præclusa, præsertim si non hæ pœnæ legibus publice latis in eos constituantur, (nam id ipsum satis iratis esset ad questus, conjurationemque & contumacia arma) sed lento quodam usu, Principisque ingenio, nequaquam in eos dividendis reipublicæ munera, quæ conferri aliis possunt, neque ferentis ut extra licentiam quam leges faciunt exerrent. Cætera sit in eos mansuetus; & interdum familiaribus verbis dignus ipsis videatur cui placeant. Multi enim inter illos, Archombrote, non suo, sed sectæ & institutionis vitio peccant; absque hac esset, recta indole, paresque majoribus futuri. Hos, cum licet, corrigi mehercule pæstat, quam everti, aut ad infamiora adigi necessitate. Ista vero utcumque lenta remedia, paulatim Hyperephaniis nervos excindunt: & qui specie altioris sapientiæ coaluerunt, tandem segni nec irritata vetustate, philosophia quoque excussa atque contempta, quæ exoriens tanti supercilii fuit, non ægre solventur. Sed hæc sunt solidioris pacis consilia; quam ô huic regioni numina restituant, nec Hyperephaniis patiantur auxilium Lycogeni ferri. Hunc certe, quidquid fama jectetur, ad eorum religiones accessurum non arbitror, nec, ut illi factioni commendetur, id est, vix Siculorum quadragesimæ parti,

cæterorum odia contrahiturum. Cum hæc Ibburranes dixisset, Archombrotum ad cœnam vocavit, monuitque familiariter, ut & ipse Hyperephaniis perbenigne uteretur. Nam plus illos (ut res Siciliæ erant) corrigi blanditiis, exemploque, & sobria dissertatione, quam professio, semperque mutuo fastidio, posse.

Iamque maturis apud Lycogenem rebus dicta facinori dies erat, medio vere, ad decimum mensis, quæ Thargelion vocabatur. Eristhenes haud procul Epeirætæ prædium habebat, & saltum in eo, quem intactæ diu feræ impleverant. Is destinata insidiis die illuc cum Argenide Meleandrum ad convivium vocare susceperat; si procederet fraus, Meleandrum atque Argenidem, tanquam signis tabulisque spectandis in ædium penetralia cum paucis deductos, adorturus, emissurusque per posticum celerrime tradendos Lycogeni. Si restitisset Meleander, aut ad auxilium pertinacius provocasset, eum interim placuerat: Satis esse si potirentur Argenide. Quod si Meleandrum eo die omina, aut valetudo, intra Epeirætæ tenuisset; tunc Lycogenes ad eum opprimendum cum subito exercitu adesset. Hunc enim illo die Syracusis esse volebant; & ad eum suæ factionis homines, tanquam Procerum urbiumque nomine, coire cum tumultu, ducemque dicere publicæ

causæ in Regem. Supervenire debebat Oloodemus, cum manu ad hoc ipsum ante collecta, rei novitatem suffragio asserturus & viribus. Descitura ab Rege pleraque arbitrabantur, tum prioris belli exemplo, tum Præfectorum & Magistratuum fraude, quorum multos sibi subvexerant; denique sponte animis ad seditionem spectantibus.

In hunc modum institutis utrimque consiliis, Lycogenem Meleander, & hic illum occupare decreverat. Sed Argenis duplici sollicitudine icta, cum & Poliarcho & regno studeret, eximia diligentia erat in iis urgendis quæ apud Regem amici censerant. Comparanda Poliarcho erant dona; Arsidas revocandus; & qui hæc curaret, fidum hominem res poscebat. Nemo, extra unum Archombrotum, deprehendebat privatas in virgine curas. Sed illum amanti assidue savienti pene jam impari, & in Argenidis pro Poliarcho studia haud vulgari æmulatione querentem, vix fallebant illa consilia. Super omnia se ipsum accusabat, quod reducendi Poliarchi author regi fuisset; adeo ut interdum sumeret impetum adeundi secreto Meleandrum, & contraria sentiendi; Sed pudore coercitus, simulque reveritus Argenidis iram, tam pervicaci consilio abstinuit. Accidit forte, ut ad Meleandrum iret, super Arsidæ reditu cum filia collo-

quentem. Et tunc quidem ab recenti beneficio commendati apud Regem Poliarchi gratior Argenidi erat. Ergo ut suæ causæ patronum hilariter intuita; cum quoque solito familiarius salutavit: ignarumque cur hæc ad se blanditiæ essent; ita affectit, ut subita confusus lætitia ubi primum licuit, ad colligendas vires in cubiculum rediret. Illic nimio nec securo gaudio multum animi incertus, ita denique sibi loquutus est. Te autem esse fœlicem? Te amori litavisse? Quid enim? Non frontem Virginis vidisti? non oculos? cum venisti, non tota exiliit? Infœlix! nimis inepte meam spem indulgeo. Nunquam Dii tanta præmia tam faciles concedunt. Vulgares nuptias nulla tempestas, nulli casus illustant. Eximiis vero amoribus fortuna intercedit, ut ipso labore sint pretiosi quærentibus. O fallax; nec illa salutatione, illo Argenidis vultu, quo tantopere mihi nunc placeo, exitum ipsa portenderit! Hei mihi! quod vix cogitare sustineo, num hæc benevolentia signa Poliarchum petebant; & ideo blandior fuit, quod eum apud Regem sentetia mea juvi? An orantis species fuit, qua patrocinium rursus meum pro illo deposceret? Non est tanti, non per Argenidem, ullus amor. Nec volo Argenidis in me benevolentiam debere Poliarcho; nec mihi Poliarchum debeat Argenis. Egone alienæ fœlicitatis minister in eam cladem

pugna-

pugnabo? Ego vilis abjectique animi pene ad servilia officia amabor; & Argenidem alteri tradam? Erras tamen Archombrote, si vi agendum putas. Precibus, patientia, obsequio, impetrabilis amor est. Servire, an imperare Argenidi paras? Aut quam hæc in verecunda esset oratio; Nolo ut ames Poliarchum? Vix austerus aliquis pater sic juberet. Quæ ametur indigna est, vel præstantissimum amabit. Virtute, gloria, fama in Poliarchum certandum est. Et tua quoque interest hic eum revocari. Semper enim de absentibus tenerius & quadam miseratione sentimus; Præsens autem ut placere Argenidi poterit, sic aut rixa aut fastidio esse ingratus. Explorabis cur ametur, aggredierisque eadem virtute virgini te probare. Quicquid aget, effectu superabis: & si cætera fœliciter non cedent, ferro dejicietur. Facilis erit ad jurgia pugnamque occasio. Ut sit vero fortissimus, tamen fortior amor est qui meam manum reget. Interim dum de reditu ipsius agimus, facilis ad colloquiū erit Argenis. Me audire, mihi credere assuescet. Sæpe autem ubi adolevit benevolentia, longe ad alias causas valet, quam propter quas esse incepit.

Cum Archombrotus in hanc sententiam coegisset reluctantem animum, ad Meleandrum rediit; ibique ad novæ indignationis mœrorem præsentiori causa ductus

ductus est. Persuaserat enim Regi Cleobulus, ut, quæ munera ferrentur Poliarcho, tanquam ab Argenide essent. Ipsa exors est facinoris, inquit, quod eum è Sicilia expulit. Regni autem secundum te curæ ad illam pertinent. Sciet præterea sub ejus precibus tuas latore; & qui fortasse durior nobis esset, certe non litigabit cum virgine. Meleander mirifice probata sententia; Age, inquit, restat, & munus & hominem qui ferat deligere. Timonides strenuus juvenis erat, fideique in Poliarchum notæ; quem mox Argenide suggerente, huic furtivæ legationi Rex destinat. Hoc ita constituto, jam quod munus mitteretur, inter se pensabant. Forte mercator ex Syria Indicas & Arabicas merces, plerunque inutilem vanis gentibus luxum, advexerat. Inter cætera erat armilla ex serico texta, quod totum varii generis lapilli sic implebant, per suos colores distributi, ut aliquot ferarum aut fugam figurarent aut iram, quas hic telis venatores sequebantur, hic excipiebant venabulis. Pretium gemmis, & operi, ingens; quippe quod talentis quinquaginta indicabatur. Multi Siculorum hanc viderant, plures audierant celebratam non ignobilis Poetæ opera, quem suo fulgore ad hos versus rapuerat.

Dicite surgenti consinia littora Phæbo;

Quam nitidus vestris hic Deus exit a-
quis?

Cum

Cum tingit virides hilari fulgore smarag-
dos;

Aut facit, ô adamas, te sibi luce parem;
Pallentemve onychem, varium vel jaspida
miscet,

Vel cui purpureo nomen ab igne venit;
Ceruleasque notas & flammis implet, &
auro,

Ceu variat puras comptior Iris aquas.
Ha tamen haud uno cuncta sub littore gem-
ma

Nascuntur. Nam cui gloria tanta solo?
His nitet immensus Ganges, his flavus Hyda-
spes;

Est & Erythraei lucida concha salis.
Vna omnes armilla tenet; par omnibus una;
Omnis in hac oriens lucida texta coit.

Di superi! pretium nitida formamque coro-
na!

Quam volet amplecti tanta corona ma-
num?

Vt natat in solidis lux alternata lapillis!

Oraque venantum quam bene gemma fa-
cit!

Dives en hic cervus, quem ditia tela fati-
gant;

Et leo, quem pretio cerno timere suo.

Lemnium? an nondum Telchines naufraga
saxa

Artifici gemmas sic posuere manu?

Digna quidem Iovis hac vibrare armilla la-
certo,

*Cum quatit imbrifera luce coruscus
humum.*

*Ipsa licet dives, placata hoc munere Iuno,
Poneret offensi iurgia sava thori.*

At te seu veri, seu fama gloria tangit,

*O quisquis tanta brachia dote coles;
Vince animo censum; ne hac optima saxa
putentur.*

Tuque genus Pyrrha vilior esse lapis.

Eam armillam Poliarcho munus fore idoneum, Argenis atque Cleobulus cum Meleandro censuerunt; quippe quod de sua mole non proderet. Furto enim rem agi; Arma, aut equos, si mitterentur, conspectum hostium non posse defugere. Preterea hoc ornamentum in plerisque regionibus non feminarum magis esse quam virorum. Aptissimum itaque quod femina viro donaret. Rex antea, cum illam mercator obtulisset, quia maiores curæ instabant, pene vilem habuerat; Apud Eristhenem tamen erat, utique præfectum ærario, iustumque inspicere ex artificum fide, an in rem Principis emptio esset. Tunc vero, ne quisquam miraretur confestim hanc emi, Rex talos poposcit, & cum Argenide ludens, ac sponte inferior; quasi victoriæ præmium armillam statuiscent, Eristhenem accersit, imperatque quam possit rectissime eam Argenidi conciliare. Eristheni sive sua sedulitas, sive fortuna nondum Meleandro propitia, jam suspiciōē fecerat

fecerat legationem ad Poliarchum parari. Cœdidere à sua conjugē ortum suspicandi initium; quæ cū Argenide & Selenissā frequens, sæpe obliquos de Arsida sermones injecerat; callida mulier, & ex viri ingenio ornata. Sed postquam Rex armillam, tali ærarii tempore, emi præcepit, adeo illi aucta suspicio est, ut illico ad Lycogenē scriberet, vereri se ne Poliarchi gratia hoc munere repeteretur. Is autem ad omnis flagitii atrocitatem celer, hortante etiam Oloodemo (nā is forte tunc aderat) in hunc maxime sensū rescripsit; Nihil consultius quam ut armillam, quandoquidem apud Eristhenem erat, veneno imbuerent. Si eam Poliarchus accepisset, haud dubie lacto circumdaturū, & tabem per gestantis calorem in vitalia pervasuram. Sin Rex eam dedisset Argenidi, rem tempore posse sciri. Nam venenum nō ad tactum statim nocere; Admonituros autem ipsos prætextu aliquo de peste quæ latebat, laturosque ingentis fidei nomē; substituto in crimen mercatore. Toxicum domi Eristhenis erat, quod noxiosissimū miscuerat, collendis inimicis. Ephyræi, seu miscendis veneno poculis, seu sagittis imbuendis præcipui, dū illuc colonias vehunt, conduntque Syracusas, hanc olim turpissimæ calliditatis artem quibusdam Siculorum tradiderant. Et Meleander ea peste tentatus, hætenus suorum cura evaserat, cibum
Regis,

Regis, & vestes, ambitiosa cura servantium. Tanta autem veneno acerbitas, ut non modo gustatum sæviret, sed ex diutino contactu insinuaret virus in cutem quam calor laxavisset. Eristhenes veneficio perpetrando nullum adhibuit, sed ipse in dilutum toxicum interiorem armillæ partem misit, byssino utique texto mollem, quia jungenda brachio erat; cumque crederet vim succorum satis infusam, eam in pyxide deferret ad Regem, qui tanti sceleris ignarus, omnibusque præter Argemidem semotis, vocatum secreto Timonidem monet eam fidem exhibere qua dignus censebatur. Ostendit deinde cui ministerio sit delectus, & litteras tradit ad Arsidam, sua manu ita scriptas. Timonidem quem vides, Arsida, ad te misi. Ei sic auscultare te volo, ut me loqui existimes; quicquid dixerit, egeritve, ratum habebō. Scias tamen, quo celerius cum hospite ad veneris, eo te futurum gratiorem. Vale. Tum Argemidis ex composito de recessu fluxæ vestis pyxidem profert; &, Hanc, inquit, armillam, Timonides, ad Poliarcho defer. Eam meo nomine accipiat; una illi has litteras dabis, alterasque ad Arsidam. Tradit deinde codicillos, non quos Meleandro ostenderat. frigidus enim, nec amicitia suæ cum Poliarcho pares obtulerat Patri; & inter obsignandam haud egre mutaverat, aliis quos ex mutua necessitudine

dine scripserat præparatis. Quia autem Timonidis in Italiam iter ignorari non poterat, ne augeretur dissimulatione suspicio, spargere apud suos Rege authore cœpit, se Italiam Africamque visurum vacationem impetrasse à regia. Iuvenis erat, & commodū accidit, quod pridem transmarinæ peregrinationis studio iactus, æqualibus suis ea vota jactaverat.

Sed Eristheni ad insidias invigilanti, pleraque nota, & suspecta omnia erant. Hunc igitur ad Poliarchum ire conjiciens, quo verum erueret, in fraudem commentus est. In ipsius clientibus juvenis erat, quia nuper agros reliquerat, nondum notus in regia. Callidum autem, & ad ea quæ præciperentur impigrum esse cognoverat. Huic imperat abeuntem Timonidem concitato equo persequi: Simulare deinde à Rege se missum, qui etiam atque etiam moneret, ne in Sicilia cuiquam mortaliū indicium faceret de armilla. Dum loqueris autem, inquit, diligenter audientis vultum observa. Si annuerit, aut visus sit dubitare, tanquam mandato satis functus, ab illo protinus abi. Sin quid velis ignarus sit, ut facile deprehendes; qui ipse vocetur, tanquam dubius sciscitare. Vbi Timonidem dixerit, pete ignoscat errori; alium nempe te quærere; Et inde, si poteris, sic discede, ne sciat quam viam institeris. Sin, quia ignotus es, hærebit, & qui sis exquire;

quiret; ex Selenisla cognatis te simula recens transmissum ad regiam; Nomen quod primum occurrerit tibi impone. Ille gnaviter mandata exequutus, nec à solertia, nec à fortuna aberravit. Namque Timonides ubi audivit de armilla, quod rem secretissimam sciret, hominem suspectum non habuit: Ire igitur iussit, & Regi renunciare esse omnia in seculo. Satis sibi hæc arcana esse mandata.

Sic eluso Timonide, cum jam de consilio Regis constaret, Eristhenes omnia confestim perscribit Lycogeni, ne sive Timonidem capi insidiis, sive quid aliud vellet, tempore excluderetur. Diu incerto Lycogeni, eum Regem jam non segnem, sed ex adverso struentem consilia, timidius sperneret, tandem novo facinore visum est opus, quo inclinaret in Regem maleficii à se patrati invidiam. Quod igitur nemo unquam putasset, ipsum sollicitare ad fœdera Poliarchum, eique scribere hoc exemplo instituit. Lycogenes salutem Poliarcho. Quam tu in amicorum hostiumve delectu erraveris, hic dies aperiet. Me tanquam inimicū infectatus, Meleandro utinam non plus æquo tribuisses. Sed omitto præterita. Nam neque jam te accusari humanum est; neque in eo statu sum, ut anxie me excusem. Malo te ex beneficiis meis scire, quam verbis, uter nostrum in pristinis odiis peccaverit. Meleander ex
tuo

tuo exilio te infensum, & vindicem, cum
 timeret, ad nefarias artes confugit, factus-
 que de Rege veneficus, armillam infami-
 bus illitam succis, tanquam pœnitentiæ
 suæ confessionem, mercedemque injuriæ,
 tibi misit. Hanc tu cave gustaveris. Mor-
 tem enim circumegeris brachio, non ar-
 millam. Mihi quidem ante experimentum
 fidem esse non curo. Si igitur vel damna-
 tus est servus, vel humaniori consilio ju-
 mentum aut canem vis perire, nudæ illius
 cuti hoc munus compone. Nisi intra qua-
 triduum morietur, ego qui vivam indi-
 gnus sum. Si sapias, illum ipsum pestiferi do-
 ni latorem, illum Timonidem coges, ut
 mortem induat quam tibi non inscius
 porriget. Ego has insidias, quas ægre dete-
 xi, te rescire ex me potissimum volui; ne
 tantæ indolis vir tam turpi exitu cadas;
 aut omnino sub invidia mea pereas. Nam
 quis ex hostibus, non te potius jactet à me
 quam à Meleandro esse sublatum? De cæ-
 tero, ut voles, gratias ages. Si infestus esse
 pergis; est quod publice te ulciscar. Arma,
 consilia, vires in expedito sunt. Deos cœ-
 ptorum auspices habeo. Sin tibi detesta
 Meleandri perfidia meliorem mentem
 dabit, volesque conjunctis mecum viribus
 vindicare injuriam; spondeo nec te fra-
 tris, & quoniam hæc mea ætas est, nec pa-
 tris gratiam me vivo desideraturum.

Tantæ audaciæ codicillos, expertæ fidei

servo cum his mandatis dedit, ut dispensato itinere ad Poliarchum perveniret octiduo postquam eodem Timonidem adventasse constaret. Neque rem esse difficilem. Messianæ vel Rhegii, in portu aut urbe, tanquam aliud agentem de adventu Timonidis posse habere quæstionem. Hæc autem improbæ solertiæ ratio erat, ut octo toti dies interessent, quibus noxium rextum gestare Poliarchus, eoque interimi posset. Nam si extincto supervenirent hæ literæ, quantæ invidiæ in Meleandrum forent? Sin forte Poliarchus tamdiu armilla abstinuisset, tum multum Lycogeni debiturum de periculo in posterum monenzi, tum in Meleandrum acriter exarsurum, quem tanti indicii fallax scena damnaret. Etiam Regem audebat contumeliose appellare; quia hæ literæ Poliarcho reddi vix poterant ante id tempus, in quod à conjuratis erat constituta defecio.

At Meleander dimisso Timonide totus in eo erat, ut cum Lycogene Oloodemum ad se pelliceret; utrumque igitur literis advocat. Lycogenes nondum maturis ad secedendum rebus, parere constituit, & aliquos paucos dies esse cum Rege. Sed Oloodemus accepta Regis epistola, non prius ad Regiam quam ad Lycogenem contendit. Ibi communicatis consiliis suspectum illud fuit, quod utrumque Meleander accerferet. Si quid atrox parabat, liberius in
ant os

ambos quam in alterum esse ausurum. Nihil securius, quam ut Lycogenes simulatione valetudinis absentiam excusaret, & Oloodemus explorandis consiliis iret ad Regiam. Is ergo à Lycogene profectus cum intrasset Epeirctem, Meleandro pro-
tinus salutato ea vespera ad cœnam ad-
missus est. Dedit quoque literas Regi, ex-
cusationem Lycogenis ferentes. Illi enim
fonticum morbum esse, nec aeris patien-
tem. Rex haud dubius morbum fingi, ta-
men eadem qua petebatur simulatione
non pauca de genere invaletudinis quæsi-
vit. Solutoque deinde convivio, Cleobulum,
Eurymedem, & Archombrotum accersit,
rogatque quid Lycogene faciendum, qui
venire contempsisset; quid etiam Oloodem-
o & Eristhene, qui pari fiducia, qua ille,
imperium sprevisset, adesse nocentes su-
stinerent. Archombrotus & Eurymedes
nihildum movendum putabant; sed Ly-
cogenem adhuc alia fraude tentandum.
Illo libero frustra in cæteros fore sævitia.
At Cleobulus; Ego vero arbitror, inquit,
nihil de præda quam tenemus amitten-
dum. Putatis Lycogenem, nisi concepti
sceleris conscius esset, tam vano ægritudi-
nis mendacio Regi fuisse illusurum? Dii
dent meliora. Sed quantum conjectura &
fidorum hominum nunciis assequor, &
mox isti furtim abscedent, & nos illum
cum armis aspiciemus. Videte quid sen-

tiam. Rex hominem rursus accersat. Ter-
giversationem non verebor pro defectio-
ne accipere. Oloodemum interim & Eri-
sthenem per homines fidos sic servari in-
tererit, ne teneri se sentiant. Vbi comper-
tum fuerit, non venturum Lycogenem, le-
ge in eos agendum est. Multum Lycogenis
viribus decedet, si tantarum opum, &
clientelarum duces peribunt. Hanc præter-
ea severitatem, in multorum animis re-
verentia adversus Principem, timorque
supplicii, utilissima mutatione sequetur.
Vidus est optime dixisse Cleobulus; Et ex il-
la sententia, Rex postridie ad Lycogenem
scripsit; additoque ad blanditias imperio,
ad se venire imperavit. Ille magis ac magis
suspicionibus plenus, non modo non pa-
ruit; sed & per nuncios monere Oloode-
mum & Eristhenem coepit, ut ab aula re-
cederent. Benevolentiam Regis insidio-
sam esse. Ac præterea aperta jam vi opus.
Quippe statutum bello tempus appetere.
Neuter sprevit conjecturam Lycogenis.
Sed neque Cleobuli diligentiam fefellere;
ad quem duo de Eristhenis familia diu an-
te pecunia promissisque sollicitati multa de
domini rebus per internuncios saepe retu-
lerant. Illis tunc authoribus scivit, præpa-
ratos sub Epeiræte esse equos, quibus noctu
Eristhenes uteretur. Lætus Rex quod eo-
rum furtiva discessio futura in criminis
partem esset, imperavit Archombroto, ut
sub

sub ipso deprehensos facinore vi ad se retraheret. Et ille haud remoratus imperium, sedulo quæ in rem erant, maxime ex Eurymedis mente, instruxit. Sat constabat, cum paucis erupturos, ne tumultus proderet fugam. Non plures itaque Archombrotus decem militibus assumpsit, iisque Hispanis, ne linguæ commercio, aut contagione factionis, cum Proceribus hærent, in quos tunc armabant. Singuli extra arcem, ut Archombrotus constituit, sine suspitione elapsi sunt. Ipse deinde sequutus est, accinctosque paulum à via sub veteri & opportuno tecto continuit, quæ necessarius à Regia discessuris transitus erat. Diu in statione non hæserat, cum Oloodemum atque Eristhenem per lunam agnoscit, tribus omnino servulis comitatos; celeriterque & demissis capitibus euntes. Iis ergo cum sua militum decuria obviam venit, & Quo te, inquit, Oloodeme? quo te Eristhenes? Sontium per Iovem est ista molitio. Cur noctu? cur simul? cur inscio Rege abitis? Vnde ista circa vos à servis, ab amicis, solitudo? Obstupuere deprehensi. Ille vero correptos & subito malo horrentes reduxit. Tres viris inde permitti sunt, qui noxios servarent in carcere. Fugæ erant manifesta vestigia: Equi haud procul cum agasonibus parati; & urbano sub amictu vestis ad viam expediti.

Summa omnium inde turbatio fuit; & postera luce cum id renunciatum Ibburrani & Dunalbio esset (qui tunc forte ad Apollinis templum non procul Panormo profecti, ob Antenorium fani Antistitem suavissimæ consuetudinis virum illic diutius morabantur) citatis haud mora quadrigis ad Regem reiecti sunt; qui amplexus venientes, postquam rem ordine enarravit; Si me Dii amant, inquit, in ambobus his exempla facere volo. Nunquam me saltem isti inultum despexerint. Neque me impiorum contumacia movet, sparsis schediis minari audentium. Ecce enim quantæ audaciæ chartam Cubiculariorum unus, in limine meo hoc mane offendit. Accepta charta Dunalbius, & Rege ad alios divertente, horum versuum lectione cum Ibburrane inhorruit.

Redde viros. quid se vā parās; & fraude tyrannus

*Imbelli, haud ullo devictos Marte fatigas?
Hosne duces, hæc Sicania decora incluta terra*

Ferre situm, & fædo squalentem carcere noctem?

Redde viros. Non Sidonia reverentia palla,

Non quæ sceptrā manu, non quæ stant vincula fronte,

Obstiterint. Ruimus caci, & te vindice ferro

Gens

*Gens excita petit. Cuperent decernere
montes,*

*Teque haurire solum. Sed nostra debitus
ira*

*Talis eris, qualis sub crimine decolor ipso,
Ignotusque suis, Tyrii pro vertice montis
Horruit iratos Pentheum concurrere thyr-
sos,*

*Diversumque trahi pectus, vulsoque per
artus*

*Ire animam, & sparsum campis spirare
cadaver.*

*Et tua quod nostris nondum penetrata
flammis*

*In cineres collapsa ruunt; ne crede remis-
sas*

*Irarum pavitare faces; Sed parcimus illis
Quos Rex sive tenes. Hi sunt tua fata,
nec ultra*

*Quam spirant lux te alma manet. Melea-
gria non plus*

*Mater in ambusto servabat stipite na-
tum.*

*Hos serva (si cura tui) cen pignora vite,
Incolumesque velis. Vel si meliora monen-
tem*

*DI te audire sinunt, genti tam iusta pe-
tenti*

*Redde duces, tantoque exora munere pa-
cem.*

In his motibus regia erat; cum Timoni-
dem aliæ in itinere turbæ versarent. Viæ

ratio, & fortuna, hæc fuit. A Rege dimissus triduum in suo prædio invitus consumpsit ominum causa, quæ haruspex minori spatio procurare non potuit. Inde Messianam ad Arsidæ conjugem venit. Insana tempestas tunc maria exercebat, a quis ac ventis sub veris initium sponte surgentibus. Quatriduo nemo ex portu solvere ausus. Interim quasiabantur navigia, undis mutuo cogentibus allisa; vel ejecta in arenam procumbebant. Timonides quod integerrimum ex ea peste superfuit, confestim instaurari præcepit, agique à litore, necdum satis constanti maris pace. Præter suos nullum in navi vectorem recipi passus; jam tenebat medium freti; cum occurrit recentis naufragii nefastum navigantibus spectaculum. Navis erat receptis obruta fluctibus, ex qua tamen eminebat adhuc malus; quia non eversa, sed depressa, desederat. Et quod omnium atrocissimum fuit, stabat in antemnarum amplexibus nauta, superstes naufragio, pallida & emorienti facie, nisi quod vento adurebatur: Ille manu nutuque (fluctus enim interceptiebant fragore suo vocem) orabat eripi morti; & omnium misericordiam non egre elicuit. Aliquot igitur nautæ descenderunt in scapham. Cumque ille se de malo deorsum duxisset, prope rigentem excipiunt, adducuntque Timonidi. Tum vero laxatis spiritibus, quos antea nimius

nimius timor intenderat, semianimis super
 constratum navis se diu explicuit; do-
 nec vini odore excitatus, jussusque à Ti-
 monide dicere, quis esset, quo ve euntem
 tetigisset hæc fortuna; Rhegium, inquit,
 patriam habeo; censum ex nautica arte.
 Nunc in Galliam cursus erat; quo egre-
 gium virum deferendum susceperam. Ma-
 re videbam non à tempestatibus tutum.
 Cælum enim modico vento, sed incerto
 agebatur; & tristior aer horrebat. Itaque à
 portu solvere non volebam. Sed cum læ-
 pius jussus processissem in altum, primum
 auræ inter se pugnantes nos alternis ra-
 puerunt in aversos & contrarios cursus:
 destituerunt deinde simul omnes elusum
 navigium; Ego in tam subita pace acrius,
 ut oportuit, timens, comites cœpi hor-
 tari ut remis eluctarentur pigritiam ma-
 ris. Quippe illi sereno proximum malum
 esse. In Siciliam igitur, quam vicinam fors
 dederat, ratem appellerent. At ille qui na-
 vigium conduxerat, negat sibi placere Si-
 ciliam; stringitque demum enssem, recisu-
 rus manus illius, qui in eam primus par-
 tem remum egisset. Inter has cunctatio-
 nes dies absumptus est; & mox luna igneis
 cornibus ventum excivit. Tum vero non
 per gradus, ut solet, tempestas intumuit;
 Sed direptus subito aer ita miscuit maria,
 ut jam à principio mihi artem eriperet.
 Versabamur incerti quid exigeret ven-
 tus,

tus, mediam navem adversis complexus
turbínibus. In his malis cum exacta nox
esset, diesque afferret tristiora, capillos de-
ponimus nihil profutura religione. Ecce
enim improvise exitio hæsimus depre-
hensi in brevibus; Cumulaverat arenam
vis procellæ, proramque tenebat. Iam ta-
bulata solvebantur; & nos utcunque re-
mis & contis tendebamus in puppim,
cum ille cui operam locaveram, cum suo
liberto, duobusque qui proximi erant
nautis, in scapham descendit, & fune præ-
ciso haud dubio naufragio se permisit. Ra-
ptos per turbinem non licuit oculis sequi.
Obstabant medii fluctus, quibus par sca-
pha diu esse non potuit; nec pereuntibus
nobis vacabat alienos casus dolere. Fessâ
quippe carina aperuit undis viam, quæ vi-
ctis compagibus properabant intrare.
Numinum pietatem! ut voces horruere!
quam feralis pereuntium clamor, cum de-
scendentem navem mare contextit! Evado
ego in arborem. Evado heu miser! mor-
tem scilicet tantisper dilaturus, donec
mersa carina in latus procumberet, &
malus sequeretur. Sed supra spem Dii fa-
verunt; arenisque circumvallantibus adeo
veluti fundata stetit ratis, ut me incolumem
illa arbor præstiterit; quæ nunc non
sine utilitate extra aquas eminet, admoni-
tura navigantes, ut mature ab istis brevi-
bus descedant. Biduum jam est ex quo tri-
sti

sti amplexus lacertos ad antemnam continui, desperatione potissimum & frigore exanguis. Nam nec somni, nec cibi memineram. Cum autem Deorum placata vis vestram opem monstravit, tantum non laxata brachia mittebam in mare.

Hæc loquentem omnes audiebant cum lachrymis : Sed Timonidem altior cura subiit, ne ad Poliarchum pertineret calamitas. Nam quis vector toties à naufrago illo laudatus ? Ab Italia veniebat, fugiebat Siciliam ; utrumque conveniebat Poliarcho. Nautam igitur sociorum fata deflentem, ut nataissent, ut cautium eminentiora amplexos sævi fluctus avulsissent, turbatus interpellat ; Et quod, inquit, viro nomen quem vehebas ? Civis Rhegii erat, an hospes ? Ille se nihil præterea scire respondit, quam quod Arsidas Siculus, cui opima Rhegii prædia erant, conduxerat navem, & proficiscentem amicum ad portum produxerat. Obriguit Timonides, & velato capite, quo liberius posset ingemere, descendit in secretam partem navigii, jussis remigibus quamquam prosperum ventum omnibus viribus juvare. Haud multo post Rhegium applicuit, nautamque servatum sequi se jubet, & ad Arsidam contendit. Ille tunc forte media luce in scimpodio cubabat, variis cogitationibus miscens animum proximi luctus ignarum. Sed cum de amici adventu admonitus, pro-

prosiluisset ad amplexum, læta verba & hospitalia ingentem Timonides suspirio prosequutus; Quid, inquit, Poliarcho factum, mi Arfida? Nos miseros! an & ego te ipso plura scio? Inter hæc dicta nau-tam admovit; quo viso Arfidas subito metu præfagia cladis hausit; & jam Timonide quoque pallidior: Onus, inquit, ô nauta, quod tibi tradideram, rite alicubi exposuisti? Nam destinata Gallia tantillo tempore teneri non potuit. At ille; Solum me naufragio superstitem vides. Navem, socios, vectores, omnia sæva tempestas tulit. His auditis Arfidas multo gemitu planctuque turbatus, intra tectum mœrentes recepit. Nec vacabat pene exangui de ordine mali quærere, sed cum Timonide in cubiculo secretus, acerbissimum funus, & fata iniqua, terrasque indignas Poliarcho, aliaque in calido & furenti luctu consueta, ingeminabat. Cumque post multum lachrymarum Timonides rogaret, ecquo illa Poliarchi profectio? aut unde exitiale navigandi consilium? retulit Arfidas, Rhegium ob Sicilia vicinam suspectum fuisse Poliarcho. Nam nec poterat (inquit) latere isthic Lycogenem; & quam facile ab adverso littore mitterentur sicarii. Galliam ergo petere statuit, patriam, ut arbitror, suam; illinc ad nos celeriter revehendus. Sed fatorum scilicet invidia fuit, ne hominum genus se tam vicino

no immortalibus viro diutius jactaret.

At Timonides de Meleandri in Poliar-
chum animo inter singultus agens, literas
Arsidæ tradit, armillamque ostendit de
pyxide evolutam, inutile Argenidis mu-
nus. Sed artificium gemmasque mirari, per
dolorem non licebat. Eaque vespera lucti-
bus data, ambo constituunt ad Melean-
dram redire, ne aut ille de Poliarcho ali-
quid speraret, aut ipsi necessariis tempori-
bus Regis abessent. Suspiciabantur jam ar-
mis infestam esse Siciliam. Circumegere i-
taque cursus, ut in Epeirctes potissimum
portu terram subirent. Varia, ut sub vere,
& irrequieta flamina erant; septimusque
dum dies Epeircten aperuit. Sed quo
propius admovebantur littori, eo crude-
lior miseris luctus agebat. Recedere terras
amassent modo omni remigio quæsitæ.
Nam quo ore tantum facinus nunciaturi
erant? aut quis deinde pro ominosis non
eos habiturus? Præcipue Arsidadam non
unus, aut Timonidi notus dolor, confi-
ciebat; Nec tam illū Meleander movebat,
quam Argenis; Possentne videre morien-
tem, & quod est crudelius, illam tristi ora-
tione occidere? Quo supercilio exprobra-
turam, quod à Timoclea inter hostes fælli-
citer servatum, ipse ad naufragium dimi-
serat? Cur ire, aut cur solum, passus esset
tam enixe commendatum? Hæc & similia
revolventi minimum erat quod fidei &
operæ

operæ præmia sibi perierant; Verebatur virginis iram, ex illius oculis accepturus, an vivere deberet. Nec ipsa poterat aut eludi dissimulatione, aut mora mulceri. Num enim quod Meleandrum scire intererat non statim ad Argenidem perveniret? Ac ut silere ipse veller, nec Regi tristem casum nunciare: At quid Timonides, tam silentii quam sermonis per nimium dolorem impatiens? quid utriusque familiares, festinaturi tantæ cladis novitate sibi percunctatores parare?

Inter hanc cogitationum caliginem, navis crepidini portus applicita, turbatos reddit Siciliæ. Primum omnium amicis servulisque præcipiunt, ne quid in publicum efferant, priusquam ipsi Regem adierint. Superato mox calle qui in oppidum ducit evadunt in atrium Regis; & illic (ô mixturam factorum mirabilem!) neminem prius quam Gelanorum aspiciunt, duobus Siculis medium, & temere læto vultu spatiantem. Prior Arsidas vidit; & ad idem spectaculum Timonidem veste prehensum rapiens, aliquamdiu impotens vocis, manu protensa anhelavit. Mox reddita voce, An monstris deludimur? inquit; aut quæ ista rerum omnium mira confusio? An non illic est Gelanorus libertus Poliarchi, quem & naufragii fuisse comitem constat? quis hunc Mercurius reddidit miscuitque viventibus? Horrebat

Ti-

Timonides: Nec responso Arsidæ dato ad Gelanorum cucurrit; qui & ipse visis amicis ultro obviam properabat. Sed hi muti stupentesque nihil nisi hominem contuebantur. Tandemque cum gemitu Arsidæ, *Salvum te video Gelanore? an umbra es; tibi que & naufrago domino saltem inanem tumulum quæris? Gelanorus deponere jussit hos metus: Vivere servatum à fluctibus peiratisque Poliarchum. Ab eo semissum ad Regem, Epeircten proximo die venisse. Avide illi rem omnem quærere cœperant; qui casus egissent, quæ salus, aut fides, perdita nave in mari irato. Sed Meleander narrationem prævertit, qui è fenestra conspectos præcepit advocari, alterius scilicet prodigii suspensus ambagibus, quas per eos solvi posse sperabat.*

Nam ut navis, qua Poliarchus Rhegio Galliam petebat, fracta in vadis est, cœpitque undarum pondere diduci, ipse cum Gelanoro nautisque duobus in scaphulam se recepit; nec vento oblucebantur, nisi quod dispensatis remorum ictibus negabant fluctibus latus scaphæ. Ita proximum promontorium circumvecti, extra conspectum navigii fuerunt, ex cujus ruina profugerant: Inde mitius urgentibus ventis, cum adhuc per multa spacia errarent, allisa est cautibus scapha quas undæ humiles celabant, vectoresque desti-

tuit. Exiliere igitur in medium pontum, solidis sed imparibus saxis ita excepti, ut fluctus nemini infra poplitem essent, nec ullus ad umbilicum tingeretur. Longe litora; nulla navis in conspectu, & magnitudo cladis etiam vota damnaverat. Placebat Poliarcho exire ferro misérias. Gelatinosus rapidos vortices in exitum malebat, & nautæ, non vitæ spe, sed horrore interitus aiebant, in illis rupibus expectandum naturæ fortunæve imperium. Sic defato deliberantibus visa navis est è longinquo jactari fluctibus; & ad se paulatim accedere. Peiraticus lembus erat, qui habilis, & in tempestates comparatus, pertulerat maris sævitiam: & jam remittentibus ventis, incipiebat ad gubernaculi inflexiones regi. Sciebat gubernator, saxa latere in ea regione, quorum viciniam jam prodebat crebrior spuma, & fremitus in brevibus semper immanior. Detorquebat ergo navigium, cum simul naufragæ scaphæ aliquot tabulas videt, quæ paulo ante vexerant Poliarchum, & supplices passis manibus apparent è proximis saxis invocantes prætervehentium opem. Dubitavere peiratæ an excipiendi essent. Nam quod pretium auxilii: aut quid prædæ ex naufragis erat? Humanitatem vero in illis pectoribus deleverat artis suæ crudelitas. Quia tamen plerumque vectores com meatuum pretiosissima suis vestibus recon-

recondunt, placuit ire ad prædam, expedieruntque subito scapham, minus acri-
jam pelago: Ac ne in saxa inciderent, len-
ta remigia agebant, subinde scrutati quam
alto æquore veherentur. Admoniti quo-
que sunt supplices, ut, quam proxime fieri
posset, ad scapham per saxa solidasque a-
renas accederent. Tandem remi fuere pro
ponte, quibus porrectis proximam rupem
suæ scaphæ peiratę commiserunt. Sed ob-
stupuere ad Poliarchi & Gelanori vultus;
simulque corporum, simul velium pul-
chritudine capti, multa de prædæ fœlici-
tate inter se muslarunt.

Vbi autem è scapha in lembum recepti
sunt, tunc non dissimulata perfidia veluti
captivis catenas injicere audent, ad hoc
monstrum stupente Poliarcho; qui stricto
mox esse, Quid vos autem viri? (inquit)
quæ odia? quæve rixæ? aut quid tam subi-
to offendimus, modo digni quos per ve-
stra pericula fluctibus eriperetis? Neque
segnius Gelanorus manu ferrum tenebat,
vinculaque repulerat. Sed cum nihil
Poliarchi sermonibus fracti, sævius tu-
multuarentur, ensesque expedirent, non
distulit Poliarchus armis uti, & catenas
sibi indere conantem ita multavit, ut in
ima viscera ferro descenderet. Huic cum
aliud addidisset comparifato; victor quo-
que unius Gelanorus sese patrono appli-
cuit. Tum juncto, ne circumvenirentur,

tergo, utrimque hostibus frontem ob-
ciunt. Fractis etiam remis, qui forte jace-
bant in navi, raptas palmulas, instar cly-
peorum circumegere capitibus. Nautæ
vero, quos cum Poliarcho captos catenis
peiratæ onerabant, tanto erecti exemplo,
& ipsi contis arreptis ausi sunt repugna-
re. Captivi etiam aliquot erant loris con-
stricti præter eos, qui catenis alligabantur
remigio; Illi læti hoc certamen intuebantur;
Videbatque oculos miserorum Po-
liarchus sibi propitios. Neque ratus inuti-
le auxilium, lora aliquorum discidit ferro,
provocavitque ad ingenuam in scelera-
tos pugnam. Et hi certatim sociorum vin-
cula solverunt, ut jam pene hostium nu-
merus æquaretur. Tredecim omnino pei-
ratæ fuerant. Ex iis ceciderant sub Poli-
archo duo: unum Gelanorus abstulerat.
Nautæ vero, atque servitia à Poliarcho
liberata, in se quinque averterant. Ita res
cum aliis quinque Poliarcho & Gelanoro
fuit. Sed nec inulti cadebant. Iam enim al-
terum nautarum Poliarchi in mare com-
pulerant. Et unus clavam spinis ferreis
horrentem in cervicem Poliarchi simu-
lans destinare, subita fraude, adegit ad la-
tus. Nisi lorica obstitisset, quam magnos
Argenidi luctus hæc clava faciebat! Sic
quoque multis quidem, sed non altis vul-
neribus intravit. Accenditur violentius
Poliarchus, nec cunctanter suo hosti clava
extorta

extorta cerebrum miscet ; magna atque intrepida voce Gelanorum ad victoriam hortatus ; qui & ipse jam in duorum sanguine victor haud segniter percussus instabat.

Timidi, qui adhuc ex clade supererant, sese in aliam receperunt certaminis partem, qua scilicet liberati vinculis captivi dimicabant. Sed & illis successu partium geminata ferocia erat. Inclusi prædones hinc ab ipsis, inde à Poliarcho & Gelanoro, ita multari cœperunt, ut ægre inhiberit Poliarchus quin omnes caderentur. Eos enim capi malebat, maturisque suppliciis servari. Tres igitur ad genua provolutos in vincula conjici jussit. Et inter gratulationem miserorum, qui eo duce de latronum potestate exierat, suavissima consolatione perfusus est, quod publice salutis videbatur operatus. Certatim ingerebant, hunc tutelarem, hunc vindicem Deum esse ; supra mortale robur affixisse perduelles ; denique unum dignum ad quem toto ex orbe vota miserorum confugerent. Sed in una omnium lætitia vox dissona erat. Qui enim solis loris constricti fuerant, jamque sentiebant libertatem, sibi & patrono sine exceptione gratulabantur. At remiges plenum beneficium volentes, solvi petebant, dimittique in statum, à quo per servitutem exciderant.

poliarchus ne pœnitendum beneficium daret, quis illius navis dominus, quis gubernator, unde pœirata, omnia ordine exegit. Proclamat de remigibus unus: Miserere quisquis es, Heros. Hanc ego meo censu ratem compegi; hanc & dominus & gubernator regubam, frequenti inter Africam Hispaniamque commercio. Forte ad ostia Bætis appuleram; depositoque onere, Ibericas merces parabam; cum isti latrones, vectorum nomine, mihi cladem imposuere. Ne numerus suspicionem faceret, bini ad me aut singuli venerunt. Neque eundem portum fingeabant se petere. Hi Adrumetum nominabant, Clupeam illi, aut Vtricam. De mercede conveniebat. Rudis ego impiæ fraudis omnes excepi; qui quo solertius fallerent, tanquam inter se ignoti egerunt, quamdiu in portu hæsimus, aut à vicino littore erat auxilium. Ast ubi procul terris ventus impulit ratem, soporque in cælo securo nautarum pluribus irrepsit, subito impetu irruunt in nos; me de gubernaculo deturbant; semisopitos alios portant ad transtræ, nexibusque devinciunt; & pœiratico scelere jam pro vectoribus domini suo auspicio ferri cœpere. Nam nec deerat rei nauticæ inter eos peritus: & pro sarcinis catenas attulerant, quibus omnium crura impedierunt. Hinc in minora, ut occurrebant, navigia, sæpe grassati com-
paravere

paravere arma, captivos, opes. Nec in mari modo scelesti; excensiones varias in agros fecerunt, & bene prædatos ad nova scelera littoraque agebat hæc navis. Nuper quidem, cum plerique eorum triduo abfuissent, rediere ex Mauritania ad navem, opibus graves, &, quantum ex eorum sermonibus conjeci, expilato per fraudem thesauro, quem Regina Mauritanix habebat charissimum.

His auditis, Poliarchus è prædonibus unum, quem habebat in vinculis, rogavit, verane essent quæ ex nauta audierat. Ille omnia silentio confitebatur. Sed de ultimo facinore intentius urgebat Poliarchus; Num de Reginx Mauritanix thesauris prædam egissent; quæ illis via ad facinus; & qua parte navigii recondidissent furtum. Ille, gemmarum famam sibi causam audacis consilii fuisse, respondit. Nocte concubia septem ex ipsis armatos constitisse in platea; ut ex proximis compitis, tanquam illic à Regina appositi, arcerent transeuntes, dum alii duo ferrum, quo fenestræ spississimo jungebantur, harpagine arreptum per secretas machinas flectunt. Ita, inquit, aditus nobis factus. Voto potiti ante lucem ad mare recessimus: duratque inviolata hætenus præda; quia ab eo littore primum fuga, ac deinde tempestas nos tenuit. Et ne tanta hæreditas rixam faceret, placebat expectare,

donec in tranquillo divideretur. Subivit igitur navis constratum Poliarchus latrone præunte; arcaque reclusa, ingentes & plerumque muliebres ex Mauritania opes inspexit.

Tum vero tanquam ad nova consilia vocatus à fortuna, se collegit. Profectionem in Galliam Dii turbare ac differre videbantur. Per tempestatem cursu exciderat; nactus erat assuetam Africanis lictoribus navem; nec fuisset humanum, recuperatas opes non statim Regina nunciare. Et forsitan (secretus inquebat) gloriam meam Cælites curant. Quicquid spei privato habitu in Sicilia exorsus sum, nolunt me persequi meæ gentis fortitudine atque armis; Ne generi, ne opibus, ne exercitui, sed mihi debeant, quicquid felicitatis contigerit. Sequar illa auspicia. Ex Africa facillime res Siculas accipiam, measque nunciabo Argenidi.

Vbi hoc placuit, ita prædoni loquutus est; Equidem & Reginae suas reddi divitias squissimum puto, & vos quoque (nefarii) dedi ad pœnam. Navigatio in Mauritaniam flectenda est, ne vindicta pereat atrocis audaciæ, aut forsitan aliquot illic insontes vestri facinoris infamia laborēt. Neque mora, dominum navis, per quem de prædonibus cuncta cognoverat, eximi vinculis jubet, clavoque succedere. Cæteros, qui erant in transtris, solvi prohibuit.

Nam

Nam & remigibus egebat, per quos in Africam veheretur, & tot ignotos, ac fortasse vinculis suis dignos, nolebat posse in se peccare. Itaque diligenter quæsitæ transtrorum & compedum claves, custodire Gelanorum imperavit. Et ne tamen nihil illi in sua lætarentur victoria; Agedum, remiges, inquit, in felicitatis articulo statis. Date modo Mauritaniam oram; ita me amet Diespiter, omnes ire liberos jubebo. Quid grave est, si in redemptionis pretium, brevem sed mihi necessariam vecturam reposco? Si non fallit gubernator, bidui in Mauritaniam cursus est. Illa mihi navigandi, vobis captivitatis afferet finem.

Compositi in tantam spem remiges, ita justos remorum ordines instaurant, tanquam non Africam, sed suam domum, suas necessitudines quisque repeteret. Sed negabat gubernator genium pelagi ferre, ut cadavera in navi portarentur. Irasci maris Deos, & sæpe viventibus periculi causam fuisse ejusmodi pietatem in mortuos: Tres porro jacebant in lembi constrato à prædonibus inter pugnam peremti. Non ausus est Poliarchus in tempestiva humanitate repugnare omni navigantium. Igitur inferis Diis religiose excusavit, quod insepultos abjiceret; Vbi primum Africam dedissent, se umbras in littore erectis tumulis collecturum. Facta igitur potestate, cadavera cæso-

rum corripunt; At ne frustra quid periret, scrutari cœperunt, si quid in vestibus pretiosum lateret. Duorum spolia intra paucos nummos fuerunt: Tertius, tanquam delicatior, ambientibus institis tibias & crura velaverat; quas cum unus nautarum detraheret, tabellæ cecidere, illic ut apparebat ad secretum repositæ. Cumque jussisset Poliarchus eos codicillos sibi tradi, sinumque solvisset, velut ad monstrum exhorruit, destinatas ad se literas, & à Lycogene quidem esse. Scribere ad Poliarchum Lycogenem? Ceram ad se per tot prodigia esse delatam? Cunctabatur oculis suis credere repetentibus hoc epistolæ initium: Lycogenes salutem Poliarcho. Statim erigi cadaver imperavit, & curiosus inspector diligentiam Gelanori adhibuit, si quo lineamento possent vultus nondum morte recenti confusos agnoscere. Sed ignobilem nuncium, & de servitio Lycogenis unum, facile fuit ab utroque ignorari. Vbi vero diligenter undique inspectum est, num & alias literas aliave prodigia haberet, exonerare cadavere navem; amicum an insidiatorem crederent adhuc incerti. Erat is autem quem Lycogenes ad Poliarchum miserat. Dum Timonides in prædio suo hæret, occupaverat iter, interceptusque à prædonibus, tunc in pugna ceciderat, tanquam dubitante fortuna, utrum tantæ improbitatis

tatis literę Poliarcho tradi deberent.

Poliarchus totius scenę ignarus sese ad Iembi malum applicuit; Vultu deinde & animo perturbatus; ad omnia verba exhorruit. Veneficii accusabatur Meleander; delator Lycogenes erat. A Meandro se ad mortē audiebat deposci; Lycogenes amicitiam spondebat. Quę autem illa armilla; aut quo missus ad se Timonides? Non se literas legere, aut satis vigilare, arbitrabatur. Vbi mora deinde restituit mentem, & iterato totam ceram evolvit; Aliquid magnum, inquit, agitur, Gelanore. Nunquam Lycogenē magis timui, quam ex quo mea salutis curam agit. Si vixisset qui epistolam ferebat, forsitan illi excidissent indicia, quę viā nobis facerent in tanta caligine. Nunc quid cogitem, aut quibus argumentis ad verum perveniam, est incertum. Secum deinde agitabat, an credibile esset, voluisse Meleandrum amicitię specie innocentem violare. Magis conveniebat moribus Lycogenis de Rege mentiri, quam Regi tam infanda solertia. Hęc & similia animo versanti abiit dies; & nox per insana commenta animum deduxit. Varia agitati consultissimum visum, si Gelanorum in Siciliam mitteret, nullis ad Regem litteris, sed cum hac ipsa Lycogenis epistola, quā redderet Meandro. Non liquidius posse verum deprehendi. Quippe sive in vero crimine, sive in falso, doliturū maxime Regi vel

vel de infamia inutilis frustratique facinoris, vel de injusta suspicione. Ex illius & proximorum vultu, ac vocibus, Gelanorum intelligere posse, de hoc Lycogenis indicio quid credendum. Nec Lycogenem eo facto dubitabat offendere; cui, etiamsi Meleander hostis esse mereretur, tamen amicus fieri nollet. Adjuvabat ea consilia ingens cupiditas scribendi Argenidi; ad quam literas, nisi Gelanoro, aut Arsidæ, non credebat.

Iam non modo erat Africa in conspectu; sed & Lixa, tunc Mauritanix caput, pulcherrimo situ ab cogitationum solitudine nonnihil Poliarchum deduxerat. Fluvius, quem & Lixam appellant, non repugnant pelago miscebatur, ut in utriusque undæ confinio, non fremitus discrimen faceret, non spuma, sed color. Arbore quæcunque fluviis gaudent, ab utraque parte alvei, cum cætera riparum imagine in aquis ludebant. Urbs ingens, & mercatorum commercio gravis, ubi paululum esses à mari provectus, uno duntaxat stadio recesserat à flumine. In urbem ab litore euntibus dexter erat omnium qui sunt in Africa pulcherrimus collis, & in eo Regina suburbani, quam dicebant Domina villam. Illuc amabat Regina divertere, curis fessâ, & ad negotiorum tumultum post alternam solitudinem reditura hilarior. Et tunc forte in ea versabatur.

Quod

Quod ut ex obviis linitibus percunctanti Poliarcho relatum est, in proxima ora jubet anchoram jaci: Et ne remiges quicquam se absente turbarent, aut etiam à portu discederent; quærit ex Afris, nemo ne custos portus, aut cui magistratus delegassent fluminis curam. Præsto lictores adfuere, & nescio quis redemptor portorii: cui sic Poliarchus; Hujus lembi custodiam tibi trado, quem Africæ interest salvum esse; dum fero ad Reginā necessaria, quæ ex me intelligat. Simul his prædones educens detracta pedibus vincula jubet addi cervicibus, unumque licium ad omnium vincula pertinens ponit in manus gubernatori navis, præmittitque versus collem.

Ipse cum Gelanoro sequebatur, loci formam curiosis oculis lustrans, quem recens maris horror faciebat gratiorem. Non anxia arte quæsitus erat decor. Plura naturæ debebantur, cujus facilitas, atque ingenium, omnes artificum labores prævertit. Rusticus ad villam ascensus (nec lævigari Regina passā erat) obliquum colli latus sic dederat, ut circumvenire montem potius videretur, quam in illum eniti. Lævam itineris tegebant densi frutices, crebrarumque stirpium inæquali viriditate lætissimi. Tumuli illic leves, crescente moliter campo, donec oblongum, & spissis opacum arboribus superciliū montis subito
tumore

tumore confurgeret. A dextra convalles
visebantur, vinetis hortisque excolte; & in
collium radicibus, qui dimidiatum orbem
ducebant, uberrima pastu prata se eadem
viriditatis hilaritate porrexerant. Sub i-
pso montis jugo sublimis & sponte exten-
sa planicies erat, in qua villam condide-
rant. Ad fores cum venisses, oblectabat o-
culos alia loci forma, prospectusque in re-
mota liberior. Quippe ante vestibulum
patebat hominum curruumque area ca-
pax, paucis, sed ingentibus distincta arbo-
ribus; ad quarum umbram sedilia, & lapi-
deas mensas, milites custodesque extule-
rant. At ut editus locus erat, errores flu-
vii in valle monstrabat; montes quoque
ex adverso Magnatum prædiis distinctos.
Visebatur à dextro latere pars potissima
urbis, per suos colliculos & templorum
fastigia elatæ. Si oculos longius mitteres,
mons Atlas inculta hyeme, & sterilibus
saxis, per multos vertices in nubibus fra-
ctus, delectabat animum mutatione con-
spectus, & propinquam fœlicitatem blan-
dius commendabat asperitatis imagine.
Domus pro Regina non ingens. Sed debe-
bat artifice, quod venti, quicunque perfla-
rent, admissi, omnem æstum tempera-
bant; & triclinia lumen accipere poterant
non obnoxium radiis solis. Hortus dein-
de modicus, & porrectus in longum, Mu-
sis quidem erat dignus, & omnibus Diis,
quos

quos cepit stirpium colendarum humanitas. Ad domo in illum porticus ducebat, in qua solebat Regina convivari; aliquot signis & picturis exulta. Iam vero sinistrum horti latus claudebat montis vertex, non illi utique tantum horto, sed domui, saltuique, perpetuo contiguus dorso, & duntaxat parietis interjectu coercitus. Hanc partem fons amœnus decorabat, è marmorei elephantis proboscide in tessellati operis alveum decurrens. At dextra ad prospectum vacua erat, exiguo muro in hoc tantum erecto, ut lapsus in abruptum caveretur, & in eum innixi fruerentur varii subiecti spectaculo. Nam mediocrestagnum coercebant latericii aggeres: Pisces in eo variae senectutis, quos ab horto Regina amabat, præcipitato in aquam pane, inter se concitare ad certamen. Porta ex hoc ducebat in exiguum saltum, quem facti manu calles, virgultisque liberi, secabant. Cervi in ea, & capræ, & cætera animalia in Africam importata; quæ ea pars terrarum gignere nescit: incisique Numidico marmore isti versus, qui lucum Dianæ consecrabant.

Alma soror Phœbi, qua nunc per con-
fraga cursu

Præcipitas, volucri mandas nunc vulne-
ra ferro,

Seu damam fortuna dedit, seu fortuna-
ira

*Intumet, & nostri fugiunt tua tela leones;
Numen iónemorum : si te comitesque pu-
dicas*

*Castâ domus castaque iuvant pia jugera
sylvæ,*

*Exaudi, mitisque tuos agnosce, nec usquam
Hic, Dea, sylvicolis sit fœda licentia Fan-
nis.*

*Hos tibi sacramus lucos, hæc surget ho-
nori*

*Sylvâ intactâ tuo. Tu nostris annue donis.
Et cum spumiferos junc̃tis in retia campis
Impellemus apres, & cum tibi sacra fere-
mus,*

*Non occulta veni; Vel si invidiosa preca-
mur,*

*Huc ades ô quo more licet, cursusque tuo-
rum*

*Sape canum & sacris aures latratibus
ure.*

*Hic Dryadum committe choros, & Orcade
multa*

*Cingelatus. Nunc vos nemorum, nunc fontis
in umbra*

*Ludite, nunc magni qua subter viscera
montis*

*Antra per agrestes exudant frigida to-
phos.*

*Illic si calidas exolvat sibula vestes,
Non erit Ogygius secretis arbiter undis,
Cornua cui fingas; Non quem tibi vulnere
parvo*

Terra

Terra necet, campis tumidus se tollet Orion.

Neo pharetram, vultusque tuos venator habebit.

Iuppiter, atque aliam cælo dabit improbus ursam.

Hunc modo tu saltum Delo, Dictynna, sonanti.

Annumerare velis, Lyciaque nivalibus arvis.

Nec magis Eurota, nec sis magis incolæ Pindi.

Tum quacunque suos Nympharum exegerit annos,

In formas abitura novas: eum frondea fiet Arbor, & erectis attollet brachia ramis.

Seu quercus seu laurus erit: fac, Delia, nostras

Augeat hæc sylvas. Erisichthoni impia clades

Hinc procul, & lucus nunquam sciet iste securim.

Longum esset singula memorare; ut natura inæqualitate locorum luserit, ut exiguo spatio retulerit omnes formas, quibus totæ regiones variantur; ut sylvam ex aureis malis, rhododaphne, lauro, pinu, subere, pene totam, non mutarit innoxia hyems; & antra hic sponte, hic manu aperta dederint fontes, aut opacû subeuntibus frigus. Sed fons præcipue notabilis erat, de industria sic ornatus, ut quæ artifi-

cii erant, sponte producta viderentur. Quippe in arcum mons effossus modicam planiciem dabat, exiguis lapidibus quasi temere stratam. At utrimque lateribus saxa ingentia, tanquam rupes ita natas, ad-moverant. Vbiis labor duodecim pedes in altum excreverat, semitam fecerant qua locus circumiri facile posset: Tum vero super hanc molem in gyrum arbores ita severunt, ut inflexorum stipitum cacumina in subjectam aream verterentur. Hæ, ubi in procerum adolevere, speciem referebant jamjam cadentium stirpium, & suo pondere radices extra terram trahentium. Inter illius ruinæ innoxias minas, peribat sub frondibus calor solis; & laterum aggere primum, mox curvatis in hunc modum arboribus, denique incrementis collis mole, tegebatur simplex Regina hilaritas, quæ fontem illic per aliquot fistulas cadentem sæpe inter suas virgines læto ocio celebrabat. Viris, præterquam magistratum præcipuis, nefas domum intrare. Pauci custodes in vestibulo erant: A quibus jussus sistere gradum cum suis captivis Poliarchus, quis aut unde veniret, militari licentia rogatur. Ille negavit, quæ afferebat, nunciare nisi Reginae posse. Res ad Præfectum custodem delata est, qui & ipse loquutus Poliarcho, Regina significat, externum juvenem esse, habitu vultuque egregium, qui captivos aliquot trahens,

trahens, ad colloquium quærebat admitti. Regina in eo recessu tunc hærebat, non ad vacui animi voluptatem; sed ut in solitudine mœrori liberius vacaret. Lachrymarum causa erat, violatus à prædonibus locus, quo cum gemmis cætera quæque arcana congefferat. Neque gemmæ, aut direpta alia quæ vulgo jactabantur, illam movebant. Vna cistula, nec ea quidem opulenta, quam simul latrones abstulerant, illos gemitus, & pene fati consilium, ciebat. Hanc vita chariorem habuerat; illic filii fortunas sciebat inesse; nec de Diis mitius querebatur, quam si eum extulisset. Cum ergo nunciatum de Poliarcho esset, haud libenter accepit, advenisse quem vultu composito deberet audire. Hunc tamen per Micipsan Regio Præfectum cubiculo adduci imperavit; ipsa inter astantes resedit matronas in suggestu eburneo, quem argentei leones depressis onere jubis ferebant.

Is vero ut in conspectu fuit, illam ad absentis filii memoriâ vocans (nam & juvenis, & formosissimus erat) subito sui favore incogitantem permulsi. Mox liberali salutatione perfunctus; Et si (Regina) parum, inquit, animum tuum tangunt, quæ pessimi nuper fures à tuo abvexere sacratio, tamen justissimæ Principi gratissimum duxi, si tantum facinus impune non auferrent. In eos, Diis ducentibus, me-

dio ponto offendi. Plures in certamine perierunt. Tres adduxi superstites. Sunt ecce in limine, & fatum à tuo arbitrio expectant. Fidum autem hominem, ó Regina, mecum allega. Huic quæ à te abstulere restituam, adhuc, ut ab ipsis audio, illibata. Ea iussi in proxima ripa apud navem asseruari. Regina, ad tanta & tam subita gaudia, muliebri ingenio impatiens, de sede exiliit, & ignoti manum amplexa; O auspicatissime quotquot sunt mortalium, aut potius, modo hæc vera sint, Diis nostris jungende; Duc protinus, inquit, ad navem. Ipsa furtum, ipsa prædam recognoscam. Neque avidam voca. Arculam modo unam restitue. Cætera te condono. Sic effata miranti Poliarcho viam præit. Nec jungendo curru, nec attollendæ lecticæ spatium fuit. Sicut erat in cultu privato, urgere cœpit gradus, sibi uni de re tanta creditura. Matronæ, puellæque, illius affuere obsequio, nihil mutato vestitu, pedibus ibant. Fugæ speciem celeritatis tumultus imposuit. Cum vero Poliarchus proforibus prædones ostenderet Regiñæ; Si ne quæso, inquit illa, priusquã alios damno, scire an me fortuna absolverit. Nemo in regia fuit, qui non properantem sequeretur. Ignari plerumque quæ res ageretur stupebant, & aliis stuporis causa erant. Statim in urbem rumor pervasit; sed incertus; ideoque audacior: Nunc Regiñæ
filium

filium adventasse; nunc ejus cadaver navi delatum, Veriora alii referebant, ad recuperatum thesaurum Reginam descendere. Ergo omnes ad amnem properabant, parata, seu plaudendum seu aggemendum, turba.

Regina ut ad ripam pervenit, ponte ex tabulatis facto in lembum sublata est. Ac ut primum reſerata à Poliarcho ingens arca inviolatam prædam explicuit, jam lætioribus lacrymis madens, ciſtulamque, quam quærebat, complexa, ſe denuo vivere, Reginam rursus eſſe proclamabat; Nec quicquam juſtius quam ut Poliarcho divini honores haberentur. Abnuebat Poliarchus riſu modeſto, & laudantem compeſcebat. Iamque læticæ, ut potuerunt, Reginam ſequutæ, ſtabant in ripa, carpenta etiam fœminas ſubveçtura; & ipſa ad tantæ lætitie auſpicia anguſtam villam rata, in urbem reditum edixit. Innitebatur Poliarcho, (qui maximus apud Reginas gradus) illoque ducente in læticam ſe recepit; quam mox octo pænulati ſuſtulerunt in collum. Poliarchus deinde præparatum equum conſcendit; quem ipſi ex regiis ſtabulis admoverant, non ex more gentis nudum, ſed cum iis ornamentis, quibus Reges aſſueverant in bello aut venatu. Toto deinde itinere Regina, ſub motis læticæ plagulis, cum ipſo loquuta eſt; denſis, per viam Afrorum agmini-

bus, & in eum præcipue intentis. Postquam ad aulam perventum est, Magnates, ex Reginae præcepto, hospitem in destinata triclinia deducunt. Illic ingentis opulentiae cultu exceptus, mox ad familiarioris corporis curam solus cum Gelanoro relictus est.

Sed ubi paululum respiravit à colloquentium laudantiumque tumultu, haud mora, redditus pristinis curis, resque Siciliae anxie agitans, constituit ea vespere Gelanorum in Siciliam dimittere: (Nam nec amor, nec perplexa à Lycogene litterarum moram ferebant.) Ipse Clupæ, maritimo Africae oppido, dum nuncius ab Argende rediret, se tenere. Dum ergo Argendi scribit, acciri nautam jubet, cujus remigio appulerat; Quo ad se introducto, navigium tuum, inquit, non modo tibi reddo, sed præterea quicquid vi prædonum detractum est omne restituiam; ea lege ut hunc Gelanorum in Siciliam deferas, inde huc rursus in Africam quo volet portu sistas. Cum redieritis, in promptu merces erit. Nunc necessaria ad viam duntaxat repræsentato. Ex remigibus, captivisque, quos nosti, quotque opus est, delige. Hos saxo laboris ne pigeat. Inter cæteros talentum dividam: ne illis redditus in patriam mendicitate deformis sit. Nauta dominum & patronum appellando, de munerum magnitudine stupebat, operamque

ramque pollicitus ad parandum in illam noctem lembum dimissus est. Et remiges tam felicia nunciantem, primo impetu gaudii inter amplexus, non sine discrimine diripuerunt.

Vespera appetebat, cum à Regina Optimates ad Poliarchum intrant, nullo humanitatis genere hospiti defuturi. Is ab illis, inter sermonum ambages, hæc fere de Reginæ rebus accepit; Eam Hyanisben appellari; Iubæ fratri ante annos viginti tres in sceptrum successisse; Priusquam regnaret, nuptam Syphaci fuisse, viro post Reges inter Mauros præcipuo; qui eodem tempore quo Rex Iuba morbo extinctus prægnantem reliquerat. Reginam paulo post virilis sexus prolem esse enixam, & Hyempsalem appellasse; qui faventibus Diis anteiverit indole civium vota: Sed jam quærenda apud exteros gloria, cultu privato, & præterquam uni Reginæ incertum in quas terras, abiisse. Hæc Mauri referentes, & ipsi vicissim, quis esset Poliarchus, unde, aut quo viam haberet, obliqua subtilitate quærebant. Sed ille perplexos sciscitatores, pari arte, quasi non sentiens, eludebat. Invitatus deinde ad regiam cœnam, haud modicū tempus consumpsit cum Regina; non multum ab simili omnium in se cultu, quam si in purpura venisset. Perfecto convivio, cum tanquā postridie profecturus, jussisset valere.

Hyaniſben , rediiſſetque in thalamum , præſto fuere , qui opulentioribus ferculis menſam integerent. Gemmæ erant , hæ torquibus , hæ armillis , in auribusve compositæ , magna vis unionum , & præter unicam arculam plura quam à peiratis extorſerat. Hæc Regina , ſive meritipretium , ſive pignus hoſpitii , donabat Poliarcho. Sed ipſe neque vendere beneficium aſſuetus , neque emi muneribus , multum laudata Reginæ comitate negavit tantillæ operæ deberi invidioſa præmia ; ſed neque hæc armatum decere : Referrent tot dona ad Reginam , ſimulque excuſationem , & gratias. Ne tamen pervicacis ſuperbiæ haberetur , annulum , quo ſmaragdus includebatur , ſibi deſumſit , digitoque inſinuans , eum ſecum manu ſervaturum ſpondit. Ita enim donantem meruiſſe. Ferruminatus annulus erat , & in lapide Atlantem expreſſerant ſuſpecto Perſeo negantem hoſpitiū : Simul Perſeus videbatur Pegafſo inſidens , & ad Atlantis ora ſic Meduſam revelans , ut averteret ipſe vultum , ne & intra viſcera ſaxum reciperet. Sed Atlantis habitus erat indignantis ſe mutari : Rigebant in ſylvarum primordia comæ crescentes ; & in vultu figura ſerpēbat , qualis nec jam hominis & nondum montis eſſet.

Aderat interim nauta , monebatque ventum operam dare. Si veniret Gelanor
rus,

rus, Africam paucis horis longe relinqui posse. Hunc itaque Poliarchus arcanis præceptis celeriter onerat, quæ Meleandro ferret, quæ nunciaret Argenidi: Selenista, Archombrotus, cæterique amicorum, quid scire deberent. Etiam quid de suppellectili sua Rex constituisset; an illa publicata, & qui sectores fuissent, cuncta solerter perdisceret. Illinc enim quid in se Meleandro animi esset, posse intelligi. Postquam in Sicilia mandatis esset functus, Clupeam, ubi eum opperiri decreverat, diligentissima navigatione repeteret.

Profecto Gelanoro, Maurisque dimissis, se ipse ad quietem defessus comparabat. Sed posteaquam in thorum secessit, remiseruntque se spiritus, quos tenuerat variarum rerum imago, tunc vulnera, quæ lateri peirata inflixerat, non modo neglecta, sed negotiis & contentione animi incitata, subito horrore atque æstu exardere in febrim cœperunt. Ille casus distulit præparatum in posterum diem iter, terruitque Reginam haud secus, quam si ipsi filius in morbo jacuisset. Nam præter beneficium, quod à Poliarcho ingens acceperat, indolis specimen, incompositum nihil in verbis; præterea generis opinio, & impetus nescio quid præsagientis animi, eam ad veræ benevolentiae affectus compulerat. Agrum itaque primo mane invisit, adhibuitque medicos suos.

Et sequuti Reginam Optimates, anxios vultus ad nœssitiam figuraverunt.

Horum omnium ignarus Gelanorus navigabat in Siciliam prosperis ventis. Sed quamquam commodissima tempestas Epeircten nautis dabat, ultro ab ea statione abstinuit, appulitque ad ignobilem portum; eo consilio, ne quis nautas qui cum vexerant, nosse, aut de Poliarcho interrogare posset. Ipse ad templum Apollinis ivit, quod non procul à littore versus Panormum erat, Sacerdotis quam sui Dei fama nobilius. Sacerdos Antenorius vocabatur, in placidissima senectute vacuus curis & ad arbitrium fœlix. Nam cum juvenis primos honores facile cœpisset, & summa ei omnia destinaret amicorum opinio: plurimorum casibus monitus quam miserum esset inter ambitiosa vota pendere, respexerat ad animi libertatem; & secessurus ad genium suum, elegerat Phœbi templum, in quo senesceret. Quippe illi numini amabat operari, & invocatum sæpe receperat: adeo comparatus incasus, seu ipse seu amici laborarent, ut omnium victor constantissima hilaritate discederet. Aderat litterarum copia ingens: acre acumen, & celere: quæ omnia vitæ integritas honestabat in jucundissimo sene. Cæterum amabat Poliarchum, audebatque laudare nondum publice restructum. Nec ignarus Gelanorus candi-

dissi-

diffimum esse, à via ad illum deflexit, invenitque cubantem in sui templi vestibulo, (erat enim pedibus æger) &, ut solebat, cum familiaribus inter liberos sapientissime ridentem.

Adhuc in primis hærentes blanditiis novo gaudio interpellavit Nicopompus. Amicissimus Antenorio erat; & curis tumultuque aulae plenus, quærebat inter suavissimi senis colloquia turbata reipublicæ tantisper oblivisci. Eo viso, Antenorius urbane quæsit, ad Phœbum, an ad se divertisset: Ad utrumque, refert ille: Sed quis iste Numinis consultor? Ades ergo Gelanore? & ô Numina faxint ut nec procul sit Poliarchus. Quamquam præter Antenorium & Nicopompum nemo jam aderat (cæteri enim Antenorio jubente discesserant) tamen Gelanoro non visum consilia casusque patroni ulli mortalium, priusquam Argenidi, concedere. Eum ergo in Italia esse finxit, seque ab eo ad Regem ex Bajano portu dimissum.

Dum hæc ita loquuntur, ecce tibi cumulante fortuna illius diei lætitiâ, Hieroleander veluti ad conditum alio itinere ad templum pervenit. Erat ille ab epistolis Argenidis, summus & ipse virtutibus, inter paucos imbutus litteris, nec patruo præter fortunam minor, qui sacerdotis purpuram ex virtute gestaverat. Is sæpe Antenorii causa commicabat
in id

in id templum; & tunc exorando Apollini ab Argenide erat missus: Sed ut conspicatus est Gelanorum, seque primum repetitis satiavit amplexibus; levissimæ rei momento, nec cogitans, illi aditum fecit ad exploranda, quorum causa in Siciliam advenerat, obiisse Aldinam oculis ex dolore turgentibus querens. Sive excusationem sic parabat, quodeam omnino habuisset, sive quod infelicitè custodivisset. Audito Aldinæ nomine; ictus aliquantum Gelanorus, in Hieroleandrum respexit. Fuerat illa venustissima catellarum, quæ Poliarcho impense placuerat. Poliarcho ex Sicilia excedente, eam Hieroleander Argenidis iussu quæsierat, alueratque solícite; ipsa Argenide non ausa succedere in id munus, ne aut aliquid de spoliis Poliarchi crudeliter habere videretur, aut contraria suspicione absentis domini gratia canem amare. Ea tunc ex partu decesserat, magno quidem sed occulto dolore Argenidis. At Hieroleander catulæ blanditiis affluens impatientius mortem hanc tulerat; adeo ut in ejus gratiam illa celebris esse in aula inciperet; maxime multorum Poetarum carminibus, qui eum demerituri, omnes fides, omnes Parnassi frondes, canino funeri adhibuerant. Tunc vero de illius interitu fieri mentionem, (quamquam vivam maluisset) sentiebat Gelanorus suis rebus conducere; quia ab

eo exordio poterat quæri quod Poliarchus præceperat; cui nempe ipsius opes & veluti spolia cecidissent. Sed postquam intellexit, innoxia domui curatores à Rege adhibitos, qui eam domino suo servarent; solamque Aldinam ab Hieroleandro captam quo delicatius haberetur; visa sunt omnia ex voto procedere. Nam quod Aldina saltem in Argenidis domo vixerat, rite coniecit id datum memoriae Poliarchi. Cumque audiisset, ne dolore quidem intactam in ejus interitu fuisse Argenidem, satis, quid hanc charitatem & dolorem faceret, gnarus, Nicopompo aures præbuit dum epitaphium recitaret, quod & ipse Hieroleandri laudibus plenum demortuæ catellæ his versibus fecerat.

Occidit. Exequias pulchra celebrate catella;

Occidit ante suum pulchra catella diem.

*Ipse facem mæsto canis Erigoneius imbre
Condat, & attonitis terreat astra sonis.*

Plangere scit; meminitque sua lacrymabile murmur

Erigones, patrios cum stetit ante rogos.

*Dura Venus, quam non pariens Aldina
gemendo*

Flexit, & Aldina sic parientis herus!

An quia Phæbeis nemo est acceptior aris.

*Invidiam Veneris, Solu alumme, luv?
Aldi-*

*Aldinaque tuam (jus in te haud majus
habebat)*

Utrici rapuit diva severa manu?

*Plangite sub tenero vulsa certamine
charta,*

*Quas aufert domino blanda catella
suo.*

Et toties parva repetita cubilia cursu,

Dum quarit vetitas illa fugitq; fore,

*Plangite nunc muta sedes, nunc strata,
focique,*

*Et quicquid viduum functa catella
facit.*

*Vos sola gaudete nives. Nil vellere ve-
stro*

*Candidius, post hac funera, portat hu-
mus.*

Gelanorus commendatis de more versiculis, quæ de domini supellectili, ipsaque Aldina, acceperat, animum tangere, & majori omine implere viderentur, ad alia sermonem deflectit. Ac gaudeo, inquit, (amici) eo loci esse res Siculas, ut de catella sic dolere aut scribere vacet. Et hinc ocium vobis à pristinis bellis, & civili insania, esse conjicio. Imo, refert Nicopompus, hæ sunt velut induciæ, quibus publicos dolores interdum fraudamus; ut imposita à fati onera subeamus fortiores. Tum vero Gelanorus rogare prolixius; An duraret Lycogeni fides; aut interversa pace novis celeribus recruidisset seditio.

Refe-

Referbant protinus illi, perplexa omnia
esse; Eristhenem & Oloodemum teneri
vinculis; armari Lycogenem, & in mu-
rum exitium dissidere cives à Principe.
Tum Nicopompus, sive incitator fervo-
re ætatis, sive quia frequentior malorum
conspectus in Regia indignantem imple-
verat; non modo fortunam, sed & Re-
gem atque Lycogenem pluribus accusare
adorsus est. Quandiu, inquit, pro ratio-
ne impetum habebimus? nec ex nostris
parentumve successibus metiemur consi-
lia? Quanto satius fuerat (apud amicos
prolixius loquor) Regem in suos majores
inspicere, & malo cavere ex eorum sive
consiliis sive erroribus; quam accepto
vulnere in medicina laborare? Isti autem
perduelles in eum erecti, quem seditioni
titulum, quodve nomen, jam, non antea,
paribus turbis infame, invenient? Iactent
licet, nunc iri assertum labantem rerum
statum; nunc se Deorum cultus Regibus
velle monstrare. Non agnoscunt irreligi-
giosissima arma Dii toties neglecti, non u-
tilitatem patriæ, multa strage deformis;
Quacunque specie facinus tueri & ornare
molientur; diu est quod eandem alii re-
belles maculaverunt. Nescio quo grandi
tumultu Dii animum meum implent: Ab-
ominari inquieta ingenia, pugnate in no-
xios, & vindictâ occupare. Et ne hoc faci-
nus supra meas vires putetis, eadē numina
mihî

mihi arma litterarum præbuere, à quibus immittenda vulnera, si modus & veritas ad-sint, non viribus arceri non deleri sæculis possunt. Credam tandem impetui illi, du-camque libera manu stylum; quid Rex of-fenderit describam, & quam anchoram pene naufrago porrigat priorum sæculo-rum historia. Tum factiosis eripiam lar-vam, ne eos populus ignoret: quid spera-re, quid timere videantur; qua se recipere ad virtutem, qua contumaces obrui pos-sint. Non deinde tacebo apud populum suæ credulitatis ineptiam; non, si suades, mi Antenori.

Imo, subjicit vates, (simulque celeri motu multoties nutans arrisit) si me au-dis, compesces hoc æstrum. In quem u-sum aut quibus hæc scripseris? Regem sci-licet hoc pacto monebis? Saltem si secre-tus hoc faceres. Nunc vero quam egregia ratio consulendi, ut publice quod illum peccasse credideris exscribas; & si quid plus quam populus in ejus vita notaveris, invidiæ jam in illum nimis aliquid ad-das? Quid acerbius Lycogenes instituat? Imo quia amicus es, plus fidei invenies, supraque hostes nocebis. At factiosorum scilicet vitia, quæ tegere laborant, perso-na detracta produces; Ex priorum succes-su temporum ibis in eorum consilia, ex-iturumque præfagies. Nempe, ut ad omnia quæ facies timeant; & qui Deos non cu-rant,

rant, qui spe, scelere, armis turbati sunt, ad tuam Philosophiam componantur. Parce vero labori, Nicopompe. Diu est quod illud sapientiæ genus evuluit. Non ignorant se errare, nec moniti emendationem promittunt. Sed & finge, te adeo efficacis prudentiæ documenta scripturum, ut possint legentium furorem mitigare; veluti quidam morbi sunt qui per tibicines curantur; quotusquisque vacabit lectioni? Soli telegent qui perpetuo livore procaces, in eo eloquentiam statuunt, si Principes viros iniquiori oratione perstrinxeris. Vel humiles forte in scholis, ab negociorum usu semoti, & gerendæ reipublicæ præcepta tantum in libris assueti contemplari. Hisne tu scribes? apud hos summa laudis tibi erit, Nicopompe? Taceo libertatis periculum quam usurpas. Etiam qui vere moneri se sentient, te ode- rint tanquam suæ infamiæ authorem.

Substitit Nicopompus ad Antenorii hæc præcepta; &, iustissimos metus faceres, inquit, divinissime vatum, si maledicentiam haberem in animo, aut timore intempestivæ censuræ jam vulgarem plebeiamque vanitatem inflarem. Cui non sit in oculis adhuc recens Poetæ impietas; cum Principem contumeliosissimo scelere lacessivit, cum facinoris pretium crucem tulit; famamque, quam flagitio quæ- rebat, invenit supplicio? Cæteros omitto,

sublevabo, serenisque diluam tempestates. Quos libebit, fatis eripiam, fatis dabo. Novi nostrorum ingenia: Quia nugari me credent, omnes habebō. Amabunt tanquam theatri aut arenæ spectaculum. Ita insinuato amore potionis, addam salubres herbas. Vicia effingam, virtutesque, & præmia utrisque convenient. Dum legent, dum tanquam alienis irascentur, aut favebunt, occurrent sibi ipsis, agnoscantque objecto speculo speciem ac meritum suæ famæ. Forte pudebit eas partes diutius agere in scena hujus vitæ, quas sibi cognoscent ex merito contigisse in fabula: Et ne traductos se querantur, neminis imago simpliciter extabit. Dissimulandis illis multa inveniam, quæ notatis convenire non poterunt. Nihil enim non sub religione historiæ scribenti libertas hæc erit. Sic vitia, non homines læduntur; nec cuiquam licebit indignari, nisi qui vexata flagitia in se turpi confessione recipiat. Præterea & imaginaria passim nomina excitabo; tanquam ad sustinendas vitiorum virtutumque personas; ut tam erreret qui omnia, quam qui nihil in illa scriptione exigeret ad rerum gestarum veritatem.

Excitavit Antenorium scribendi novum genus; alacerque utramque perfricuit manum; &, Da, inquit, hunc sodes reipublicæ laborem, Nicopompe. Si te, si seculum respicis, prorsus hoc debes: Feret multam

ætatem ille liber, & gloriæ plenum authorem deducet ad posteros. Vtilitas autem eximia, artes malorum excutere, & in eas armare probitatem. Excepit Nicopompus; Et das beneficium, Antistes, quod impetum meum probas. Faciam te authore. Dum res est recens, dum animus calet, per tormenta poësi similima concitatum laxabo ingenium; fabulam pangam, Neque te Gelanore, neque Poliarchum omiserim. Sic effatus, ne periret is calor, quem Dii ejus animo adscribendum subiciebant, cum in diversorium secessisset, vix passus cœnæ moram, tabellas petiit; jamque tunc cœpit variæ utilitatis fabulam exarare.

Non hæc erant injucunda Gelanoro. Quid enim nisi eximium de Poliarcho scriberet Nicopompus, olim ipsi amicus, & in Lycogenem gravis? Postera die cum egregie Hieroleander litasset, Nicopompum diutius cum Antenorio hæsurum reliquit in templo; Ipse Gelanoro comite Epeircten profectus est. Cumque hilaris nūciaisset Argenidi, Apollinem pulcherri-
mis extis læta omnia portendere; addidit, libertum Poliarchi in vestibulo templi obviam sibi factū, jamq; in urbe esse; ignarus quantos animo virginis motus hoc nuncio cieret. Illa prosperis victimis Deos adventum Gelanori comprobasse haud tarde conjiciens, trepido gaudio dubitare subito

subito cœpit; An sine Poliarcho venisset
 Gelanorus; an potius ille lateret, viam
 furtim ad colloquium affectans. Saltem
 se cogitabat à Gelanoro audituram, ubi is
 esset, ut valeret; quid aut se facere juberet,
 aut ipse moliretur. Nihil minus Gelano-
 rus conveniendæ Virginis avidus erat:
 Sed cum casu incidisset in Eurymedem,
 nec dissimulare potuisset, quin ad Regem
 esset missus, confestim ad ipsum perdu-
 ctus, vultuque, ut oportuit, nec fracto,
 nec superbo, hæc pauca loquutus est. Po-
 liarchus salvere te maxime jubet, ô Rex;
 & has literas, à Lycogene sibi scriptas, ad
 te potissimum mittit, ne eum aut nescire,
 aut credere putes, quæ de tuis in eum con-
 siliis referuntur. Simul his epistolam tra-
 dit: qua diligenter perlecta, Rex novitate
 infamiæ motus cum accersito Cleobulo
 atque Eurymede literas communicat: Ne-
 que illi aliud referebant, quam rem altam
 plenamque periculi esse. Nihil unquam
 plexius visum: cum nec ipse Gelanorus,
 precibus ac deinde propemodum minis
 tentatus, quicquam afferret, (neque pote-
 rat) quo Lycogenis deprehenderentur in-
 fidie. Inter occisi spolia, ut res erat, aje-
 bat hos repertos codicillos: neque aliquid
 præterea aut se, aut Poliarchum scire. Et
 Rex ad illum: Neque ipse, Gelanore, quic-
 quam in hac caligine video. Armillam ad
 Poliarchum meo jussu misit Argentis: &

delegatus ad ferendam Timonides. Sed de veneno nec scio; nec de armilla qui sciverit Lycogenes, possum conjicere. Tu rem apud te contine, ne quis sciat quid ad me detuleris. Diis & mihi curæ erit, ut arcana hostium scelera eruantur. Percussanti deinde ubi Poliarchum & Timonidem reliquisset; negabat Gelanorus aut Timonidem aut armillam ad Poliarchum pervenisse; quem ab Rhegio profectum, in pelagi varios sinus illico tempestas compulerat.

Dimissus deinde à Regis colloquio, ad Selenissam ivit; & ubi commodum fuit, Argenidi literas tradens cætera quoque aperuit, quæ Poliarchus mandaverat; In Africa cum esse illicque hæsurum, donec ipsa statuisset, quid potissimum res utriusque exigèrent. Si opus armis sit, jam non unum se, aut privatum, in Siciliam esse venturum. aut si quid commodius virgini succurrisset, ne parceret quæ videbantur præcipere; fœderumque memoriam nulla interim pateretur absentia deleri. Pignus autem amoris non minimum fore, si nunciet num ipse à Lycogene fideliter moneatur. Mota Argenis ad metus Poliarchi & immeriti contumeliam patris, sancte confirmat, nullum tale facinus profectum à parente: & pene peccare Poliarchum, quod posset suspicari, si quide ejusmodi moliri Rex vellet, se ad ea explo-

exploranda, aut ei nuncianda, tardio rem Lycogene fore. Vbi vero Gelanorus de Poliarchi periculo egit; ut perdita rate, inter brevia invenisset salutem, ut propius quam in naufragio inter opem prædonum periisset; illa tantam periculi speciem non ferens, simulque reticere Gelanorum, simul loqui imperans, ad omnia verba pavebat, quasi non absens, aut exacta pericula audiret.

Iamque anxio Rege, armillamque, & Lycogenem, & venenum in oculis mentis habente, biduum quæstioni res fuerat; cum Arsidas atque Timonides in aulam perveniunt, de Poliarchi naufragio quæ credebant nunciaturi. Ergo & rati extinctum cum Poliarcho Gelanorum, ad viventis conspectum expaverant; & subito à Rege accersiti sunt, ut, si quid ad has Lycogenis literas haberent, audirentur. Aderat & Argenis, & cum Cleobulo Eurymedes. Illi dicere exorsi quid egissent, ante omnia pyxidem protulere, in eaque armillam, tot monstrorum materiem: Aiebant divertisse ab Arsida Poliarchum, priusquam adveniret Timonides; & idoneis argumentis elusi (inquiunt) jam ut naufragum desleveramus; cum Gelanorus spem hic nobis restituens, non vivere modo patronum, sed valere asseruit. Post hæc, literas Lycogenis ad Poliarchum iis Rex tradit: ad quas illi cum stupere;

Cleobulus altiori genio omnia agitans; Videamus autem, ait, an syncera armilla sit, satisque mendacium refutet innoxio texto; an medicamine infecta criminatio- ni argumentum præbuerit. Dum hanc tractant, dum nexus evolvunt, protinus notant, in bysso, ad quem gemmæ filis argenteis hærebant, disparem colori reliquo tabem exiguis maculis passim virescere. Qua conspecta; Quid istud est, inquit Cleobulus, nisi venenum quod Lycogenes significat? Sed videamus cujus crimine hoc munus funestum sit. Nunquam mihi conjicienti fides sit, ô Rex, nisi ad Lycogenem sociosque id facinus pertinet. Nam & Eristhenes, quem reum in carcere habes, tuo ærario Præfectus, apud se armillam hanc habuit. Et quidni existimes, vel solertia sua, vel proditione tuorum, hos scivisse, id munus Poliarcho destinari, armillaque corrupta, huic vitam, aut denique tibi famam, invidisse nefarios? Sed Deorum auspicio bene cuncta cesserunt: Impii suo scelere obruentur. Oloodemum, & Eristhenem, quos perire maxime interest, occultis quidem criminibus fontes habes; Sed aperto scelere, & apud populum valituro, hætenus argui posse non contingit. Hos id facinoris si admisisse constet, nemo erit cujus suffragio non damnentur. Rex Cleobulum quæ solerter conjecerat excutere jubet, & de reis habere

habere quaestionem. Ille omnia ab Eury-
mede utilius perfici posse causatus, quid
agendum sit breviter docet.

Nec detrectatus Eurymedes Regis im-
perium, ad custodiam pervenit, in qua ser-
vabatur Eristhenes; & jam à limine (ut
Cleobulus recte monstraverat) simulatis
luctibus ardens; Tandem, inquit, de Po-
liarcho triumphasti, Eristhenes. Perit ar-
millæ contactu, quam lethalibus succis
imbueras. Num tu vero, quod Oloodem-
us facit, ultro in gloriam duces quod
operam facinori tanto præbueris? Ad hæc
Eristhenes tanquam subito fluctu percul-
sus, quid loqueretur non habuit. Audie-
bat, extinctum Poliarchum, à quo ejus
spes nequaquam divertebat. Iam vero
conscientia pulsabatur ad crimen obje-
ctum. Et quid præterea dissimularet, si
Oloodemus (ita enim finxerat Euryme-
des) jam confessus veneficium erat? Nec
prolixiori consilio aut recomponendo a-
nimo tempus dabatur. Ergo, ut in perdi-
tis rebus, restare putavit ne languide cun-
ctaretur; aut, frustra negato facinore, vi-
deretur censuisse pudendum quod noller
confiteri. Urgenti itaque Eurymedi, Bene
est, retulit. De me quod placebit fata de-
liberent. Satis est gaudii quod post Poli-
archum Siciliæ hostem vixi. Tum solerter
Eurymedes, tanquam de re nota agens,
se se penetrabat in eorum consilia. Ad

extremum, Lycogenis perfidiam objecit; qui literis ad Peliarchum, in sui flagitii infamiam substituebat innoxium Regem; Et Eristhene fallaciam levi risu confitente, Eurymedes ad Regem ab eo digreditur; nec sine horrore quid ille sit falsius ostendit; Restare, ut Oloodemus pari indicio se damnet.

Tam feliciter peruestigato facinore exultans Meleander, laudatum Eurymedem ad Oloodemum mittit. Sed ille presentiori ingenio, aversatus veneficii nomen, tanquam de inaudito facinore, cum interrogaretur, ipse plura querebat: Cumque Eristhenes jam flagitium confessus diceretur, ratus hanc esse fallaciam, nec se credere respondit turpissimum crimen in Eristhenem cadere; nec si maxime caderet, se conscium esse. Ad extremum, expugnavit pertinaciam Eurymedes prudenti consilio: Oloodemum in arcano loco sistit, unde Eristhenes posset audiri: quorum ipse antea ctos sermones repetere cepit. Et Eristhenes, tanquam in pignus constantiæ, nec suum abnuebat, nec sociorum crimen, donec adeo Oloodemi patientiam vicit, ut repente exclamaret; O te vel simplicem, Eristhenes; vel tuorum proditorem! Stragulis deinde reiectis, communem suorum perniciem appellavit, & solum exitu dignum, quem pluribus comparavisset. Sero intellexit
Eristhe-

Eristhenes se ab Eurymede esse delusum; neque Oloodemum communis flagitii indicium fecisse. Verbis ergo quæ tempus dolorque ferebant errorem excusare parabat Oloodemo. Sed ut satis explorata res, adhibitique idonei testes, in diversum abstracti conduntur in carcerem, & postmodum ad publicum iudicium trahuntur: ne si quaestio populo teste non habitata esset, clientelis & factionibus deinde reorum tanquam parum legitima invidiose traduceretur. Sed quamquam Epeirætanis civibus Rex fidebat; tamen ad reorum custodiam, Prætoriani cum armis in foro locati sunt. Et ex ejusmodi loco dicenda causa erat, unde facile si tumultus exarsisset, recipi in arcem possent, & carceri reddi. Populus in forum per præconem evocatus effuse convenerat; & ille qui orare in publicis iudiciis regias causas solebat, in hunc sensum loquutus est. Scire populum quanta ipsius charitate Rex flagret; nec Regem vicissim dubitare, quin sit illi charissimus. Itaque Eristhenem & Oloodemum, multorum reos, quamquam poterat suo jure damnare, tamen distulisse ad publicos iudices; ut optimorum civium studiis potissimum vindicaretur. Audiret populus pro se dicentes, & ipsis iudicibus sua voce præiret quid de illis statuendum. Triginta tum iudices de rebus capitalibus quærebant,
ad

ad quos Eristhene & Oloodemo produ-
ctis, accusator multa eorum in Regem fa-
cinora, fidem sæpe frustratam, habita-
cum inimicis consilia, strictim explicuit.
Acerbior oratio fuit, de veneno, & para-
ta in Regem infamia. Cumque verba,
cum testes, cum litteras protulisset, adeo
Epeirctanum populum movit, ut nihil ex-
pectato iudicio à plerisque lapidatio urge-
retur. Sed deprecatus est actor imperum
vulgi, donec Iudices in suffragia ivissent.
Plurimum interesse ut reipublicæ dice-
rent. Plus illos oratione sua & percussæ
conscientiæ notis, quam accusantis voce
laboraturos. Duplicem quoque aquam,
si peterent, eis ad defensionem à Rege
concedi. simul his, reos provocat ad dicē-
dum. Sed illi (ut conjecerat) causæ inopia
marcebant. Nec deflecti crimen poterat,
nec populus conciliari. Timide ergo pau-
ca; & illa plus in Regem, quam pro se lo-
quuti sunt. Dimisere tunc Iudices in ur-
nam suffragia; qua publice effusa, fabæ
omnes atro colore noxios damnaverunt.

Rapti statim in carcerem, ut veneficii
convictos idoneo supplicio cicuta confice-
ret. Illic tristi & ultima libertate exer-
cuere jus, quod ita pereuntibus leges in-
dulerant. Diras igitur dicere Regi; ulto-
rem ciere Lycogenem; venerari Deos Ma-
nes ut hostes ad pejora servati hunc exitum
sibi invideant. Inter hæc anancrum
pocu-

poculum aderat; quod prior Oloodemus de carnificis manu rapiens; Age, inquit, propinemus Meleandro. Nos quidem eximus miseras, prius hunc nostro fato oppressuri, quam viventes voluisse existimat. His dictis non cunctanter totum hausit. Denuo impletum cum Eristheni porrigeretur; supercilium ille duxit, & circumspiciens, Ecquis, ait, amicos meos monebit Meleandro quid debeant? Epoto veneno, ambo à carnifice monentur, ut quo facilius virus conciperetur venis, minori que cruciatu occumberent, quantum carceris spatia sinebant, ambulationem urgerent; donec tibiis gravibus sentirent jam ab imo calorem excedere. Cum paruisissent, frigentibus mox pedibus procumbunt in lectum. Illic veneni nebulis imitantibus somnum, languebant sine sensu; donec coxis jam exanimatis, tanquam stimulo læti, prodidere lethalem vim ipsa intrantem vitalia; nec multo post extincti sunt. Vulgati mox versus celeritate Poetarum; quorum alii vili audacia plus justo lacescebant perculsos; alii, tanquam adhuc pœnitentia in integro esset, extinctos monebant, & de obitu jam exacto sero vaticinabantur. Minus hæc carmina displicuerunt, quæ prolixius ambitionem quam ipsos reos notabant.

*Debita funestis occidit tibi victima fati,
Ambitio; Nunc pone minas, satiataque; tãto*
San-

*Sanguine, Sicaniis pacem concede colonis.
Heu quoties victrix nostri de cladibus Orbis
Umbrarum implesti sedes ; dum vertere
Regna*

*Dulce tibi, & savas terris indicere pugnas.
Prima tuos ducunt perjuriam fœda maniplos,
Contemptusque Deum, metasque in limite
nullo*

*Spes votis posita suis. Tunc impia captis
Mentibus illapsæ versant incendia Dira.
Non scepro jurata fides, non fama piū-
que*

*Obstat : Eunt fontes, perque ipsa pericula
caci*

*In pejora ruunt. O Dii ! tot fervere Mar-
tem*

*Cadibus, & savis fumare mapalia flammis,
In fontesque perire animas, sexumque mino-
rem*

*(Turpe nefas belli) dominos perferre nocen-
tes !*

*Quid tantis peritur furis, exolvere iusto
Colla iugo, & steriles patria calcare rui-
nas,*

*Insanasque metu trepide transmittere no-
ctes ?*

*Nam sceleri quæ tuta quies ? Mala premia
vestra*

*Vt primum tetigere manus ; ultricia son-
tes*

*Fata vocant, subitisque dies intercidit um-
bris.*

At Rex

At Rex gnarus quam gravis immineret Lycogenes; quo die de damnatis sumebatur supplicium, Eurymodem dimisit cum modico equitatu, qui eum subito furto tentaret. Quippe Lycogenes post Eristhenem & Oloodemum captos nondum in bellum exarserat: multo quidem armatorum præsidio salutem tutatus; sed reconciliationis spem subinde subjiciens; ut vel simulatione fœderum captivos extorqueret à Rege, vel quasi implacabilem tyrannum differret maledictis. Ac ut efficacius crederetur bona fide pacem opatari, Dunalbium literis monuit, ut ab acerbis consiliis Regem averteret; absolveret ille captivos, & quicquid suspicionis aut odii erat, tranquillitati publicæ daret. Dunalbius, his se litteris fidem habere dum simulat, videturque quæ erant mandata procurare apud Regem, sua ipsius fraude Lycogenem lusit. Quippe ille fallendi ipse, & amicos à vinculis recipiendi, tam lente cunctabatur, ut interim Regi liceret suis rebus consulere. Tunc vero cum ad eum comprehendendum Rex misit, non defuerunt ex conjuratis quidam, qui adventum Eurymedis occuparent, nunciantes de amicorum perniciæ, ipsiusque periculo. Cœnæ tunc tempus erat, & convivium militaribus viris frequens. Ad quos ita Lycogenes; Ne frustra cōvenisse vos putetis, Commilitones; sepul-

sepulchralem hanc cœnam Eristheni & Oloodemo edidimus. Meleandri crudelitate perempti sunt ; & nisi quid opis in vobis est, eadem tempestate corripior. En tyranni satellites , pene pro foribus , quibus mea perniciēs mandata est. Quæ fors inde vos maneat , quæ optimos cives , neminem reor ambigere. Cum Principum cædes ea audacia faciat , an modestius de cæteris decreturum conjicias ? Non vos ad salutem meam sollicito , Commilitones , nisi cum vestra creditis esse conjunctam. Simul his destrato exiliit ; Cæteri projectis quoque mensis ad arma discurrerunt. Omnis domus sedulitate tot militum , sibi simul ducique timentium , fervebat. Missi quidam qui ex vicinis locis ampliorem manum accirent. Multi, duce Menocrito , lecti , qui obviam irent Eurymedi ; positisque in commoda valle insidiis , incautum , & itinere fessum exciperent. Sed confusa dimicatio fuit ; quia priusquam delitesceret ad insidias miles , Eurymedes venit & ipse imparatus ad certamen. Viriliter tamen utrimque pugnatum est : frendente præcipue Eurymede , capi admonitum Lycogenem non posse. Cæterum quamquam & in hostico & viribus impar ; (nam Lycogenes strepitu pugnantium ad se illatos suos omnes promovit in aciem) confessa tamen fuga non dilabi sustinuit : Et sensim recedentem non

non sequutus est Lycogenis miles : Seu fraudem ab hoste , seu jam mistum tenebris cœlum pertimuit.

Periere non multi nocturno discrimine : Sed vicissè videbatur Lycogenes , qui suorum impetu latus, amicos undique accersit : præparata concurrentibus arma distribuit , unoque exemplo scribit civitatum conciliis ; ut se publicæ authorum libertatis velint adjurum. Nec tarde deficiebant ab optimo Rege illi ipsi , qui sub ejus mansuetudine creverant: Documentum mortalibus , quantumvis egregiam in Rege virtutem, nisi fortitudinis opinio accedat , posse contemni : nec fidelius ullos Principes amari à Populis , quam qui timeri meruerint. Triste mortalibus spectaculum exhibebat Sicilia. Pulsa regilio, jura neglecta. Infidæ euntibus viæ ; domus , vicique passim , rapinis , furore , incendio afflictæ ; Sola denique castra in squalentibus campis fulgentia. Nec populus primo furore sentiebat , graviora se pati sub grege tyrannorum , quam quæ tanquam à Meleandro illata vindicari volebat ; proditor sui , & proditionis merces. Multos tamen ille fluctus non abstulit. Quatuor præter Epeircten urbes reverentia majestatis continuit ; Messanam , Pannormum , Catanam , & in umbilico insulæ Ennam.

Iamque Lycogenes jura regni, & insignia

Q

usur-

usurpans, soli nomini parcebat. Soliūm;
cum accumberet mensæ: vestis purpurea
in castris, & ubique sica ad latus. Blandus
immodice aut severus, ut teneret terre-
reeve contumaces. Nec segnior ad res suas
Meleander, subitis delectibus multum mi-
litum effecit. Epeirctæ commeatu & mu-
nimentis instructissima, in arcem belli de-
lecta est. Et regiis triremibus quotquot in
officio manserant, in illum portum de-
ductæ, Ipse & propria indole, & tunc an-
xiis rebus, erat in Deorum curam inten-
tior. Et quoniam rebellionis nefas instar
morbi pervagabatur Siciliam, tanquam
plus fati atque amentia quam sceleris es-
set, publice clavum fixit. Ita sperabat pos-
se componi mentes quas furor rapuerat.
Etiam, ne in suos milites labes inferperet,
placuit lustrari exercitum. Ivit ergo ad ca-
strorum principia, (nam sub Epeirctes ra-
dicibus milites tendebant) & inde cum
Tribunis ducibusque, & Deorum simula-
cris, processit ad campum, in quo facturus
Sacerdos instruebat altaria. Omnis in ar-
mis & sub signis exercitus, sibi ad rem di-
vinam coronas texuerat. Hastæ quoque,
& jacula, circumactis frondibus induen-
bantur. Interim hostiæ omni cultu macta-
tæ, taurus, hircus, & aries, inter legitimas
preces ter à ministris alte præcinctis cir-
cumactæ exercitui, ad aras sistuntur. Tum
rex & in orbem ipse se egit, Deos appella-
turus;

turus; Adestent melioribus partibus, & si
 qui haftenus non favissent, rite propitiati
 ad se transirent. Incolumis esset exercitus;
 Vires, animus, consilium, hosti excide-
 rent. Quod si ope, salute, victoria juvis-
 sent, tum se Iovi Servatori, Martique, &
 Minervæ, & Cœlipotentibus Diis, quot-
 quot bellum aut pacem curant, templum
 de adversariorum manubiis extructu-
 rum. Annuos etiam ludos fore, in quo-
 rum præmiis hæc in Siciliam Deorum be-
 neficia cælarentur. Inter hæc vota hostiæ
 cadunt; fibrisque spirantibus aruspex ad-
 motus est. Is cum integerrimum jecur,
 sed crassioribus membranis pertinaciter
 obductum inspiceret; exta quidem esse
 bona asseruit, & iis magnam fœlicitatem
 portendi, sed lentam, & quæ labore con-
 staret. Post hæc, milites gestu inani, & ha-
 stis ex arte aliquoties quassatis, tanquam
 ad hostem præsentem succlamantes, edi-
 dere simulachrum coeuntis certaminis,
 & innoxie velitati in castra redierunt.

Sed Meleander quod superfuit lucis,
 haud multum dispari curæ dedit. Quidam
 enim ex Assyriâ hospes, specie quærendæ
 in diversis gentibus sapientiæ errabat, re-
 vera ut suam jactaret. Is tunc in Sicilia e-
 rat: & in Mathematicorum cœlo versatus;
 vendebat suæ artis ludibria; si quis ex sy-
 deribus quæ nascenti affuerant, volebat
 de fortuna, quæ viventi, quæ morituro

debebatur, vanissima credulitate cognoscere. Nondum erat capitale in ipsos Principes quærere ex ejusmodi syderum fide. Cum is ergo laudaret vix parem Diis scientiam; & de successu apud multos mentiretur; quoties felicitàtem aut mala non frustra promississet, quam multi nec risissent impune hæc fata, nec frustra timuissent; accidit ut ad Archombrotum fama illius pervaderet; Ad quem accitus, cum prolixè eandem cœlestis influxus vim commendaret; juvenem amantemque sic perpulit, ut de cupiditatum suarum exitu eam artem interrogari vellet. Chaldæus, quicquid sydera portenderent, se cum fide renunciaturum promissit. Sed cur privata duntaxat fortunæ mortales sollicitant (inquit) hæc venturi scientiam? Quidni & imperat Meleander, inspecto cœlorum ordine deprehendi, suisne an hostium fatis pugnetur? Movit ea oratio Archombrotum; per quem & Rex in spem plusquam oraculi Chaldæum accivit. Is mercedis spe plenus; jamque melius sibi quam Regi ex ea negotiatione auguratus, venit ad Reginam; Rogatusque, qua disciplina, quoque numine, oculos posset in futurarum caliginem mittere; sic incipit. Non ille nos spiritus ad vaticinium (ó Rex) agit, quem fatidici de hiatibus terræ eliciunt ad turbanda divinitatis stimulis ingenia. Sed neque de more illorum,
con-

confusis dubiisque oraculis sciscitantes
frustramur. Vnam cœli vim, unos syde-
rum cursus scrutari, nostræ genti est stu-
dium. Primi deprehendimus metas Solis;
primi liquidas, nec vestigiis notabiles, cœ-
lestium facum vias, nominibus mensuris-
que distinximus; contemplantatione libera
in fudo aere, & nebulis non infesto. As-
syriis enim raro pruinæ, aut squalentes
nubibus venti, cœlum eripiunt. Dum in
ea contemplatione hæremus, experimen-
to nobis compertum est, hæc humana ad
astrorum motus regi; nec alias esse Parcas
quæ nascentibus fata disponant. Quippe
ex eorum inter se commercio si universa
tellus vices, & ad ubertatem aut frugum
internecionem adigitur; si annos, si sæcu-
la, vis illa definit: quid miremur, singula
mortalium corpuscula inde vitam, cupi-
ditates, læta, & tristia, sortiri? Liceat mo-
do sciri momentum quo te peperit ma-
ter. Effingam ego in tabula cœli imagi-
nem, & quotquot syderibus facimus do-
mos; Ea in illis constituam quas cum na-
sceris obtinuerunt. Iupiter, Solque, &
Venus, optimi planetarum, deterrimus-
que cum Marte Saturnus; Mercuriusq; &
Luna, varii, ex forte locorū quos insidunt.
Cujus illorū regnum fuerit cum in Orbera
intraſti, quo gradu, quo aspectu, illum cæ-
teri temperarint, vel urserint. Illic ego, ne
dubita, quicquid de te decretū est, legam.

Fiducia orantis, & promissi magnitudo tetigerat Meleandrum; majestas præterea artis, & tanquam ex abdito formulæ audientibus ignotæ, venerationem addiderant. Sed dum omnes laudibus fremunt, Nicopompus (nam tunc forte inter paucissimos aderat) intentus in Chaldæum, risu severo: Euge mi homo, inquit; occupasti Deorum imperium. Scribe spei timorisque improbas leges, & si qui hic decipiamant, impone lubentibus. Impetus Meleandri, cæterorumque, ad hæc verba sublitterat. Avide ergo quærere omnes, quid diceret sentiretve Nicopompus, ipsumne Chaldæum, an artem illius incesleret maledictis. Præcipue Meleander sciscitari, cur hospiti inclementer diceret. At ille, Quidni hunc veteratorem jurgio premam; (ô Rex) qui in te sibi plus juris facit, quam ea ipsa quæ mendacio præfert sydera habeant? Quicquid enim mentiri voluerit, labefactabitur assidua expectatione successus animi tui quies, quam a strorum nulli motus potuissent convellere. Sic in te hic tyrannus sub infontis cœli invidia regnabit, ac, ceu Iovem se faciat, multum sibi censebit te debere, si fœlicia fata exorabili ore præfagiet. Quid denique ab eo credis audire? Ego absque mathematico ullo cœlo quicquid factururus sit dicam. Vbi ingentem chartam (non sine quo risu, si sapit.) multis lineis punctisque

Texaverit; tandem exitus mites & fortuna tua dignos gravissima voce promittet. Id enim ad gratiam & lucellum esse non dubitat. Sed inter hæc, ad imitationem non mercenarii oris, supercilium ducet, perplexe cunctabitur, nunc in te, nunc in astra respiciet; addet denique formidolosum quiddam; ambiguum tamen, & quod in varios eventus facile trahas. Hæc laboris tanti summa; hæc responsa ille vendet; quæ gratis nunc refero. Sed cesso hominem adoriri, quando hanc pugnam tum silentium tuum, Rex, tum ipsius in me obtutus efflagitat?

Ais, ex astrorum positura, Mathematicæ, ex ordine, ex vi qua influunt subeuntibus lucem infantibus, vitæ atque interitus rationem disponi; Sed fateris ea vertigine rapi cælum, ut parvo momento syderum status mutetur. Si igitur celeritas quantum ægre cogitatione conceperis cœlestia corpora avehit; ex statione porro diversa, minæ eorum aut promissa inflectuntur; cui hominum sua fata certo retuleris, cum incertum sit quo syderum temperamento productus sit? Nisi credis hanc esse obstetricibus curam, ut continuo solaria consulant, notent districte diei articulum, & nascenti suas stellas tanquam patrimonium servent. Quoties matrum pericula curam hanc circumstantibus adimunt? quoties nemo est quem superstitio

illa tangat? Finge tamen esse continuo qui id curent: At si diu nascitur puer; si, ut sæpe fit, manum exertam, aut capitis partem, reliquum corpus non sequitur; quænam astrorum collocatio fatalis illi erit? An quæ afficit exeunti capiti; an quæ denique productum afflavit? Præterea cum frequenter exerrent solaria, & pleræquo machinarum quæ horas designant, ex siccitate aut humiditate aeris amittant tenorem; Vnde habebis verum illud fuisse & ex mensura cœli tempus, quod in ortu infantium homines curiosi, aut amici, notaverint?

Finge tamen in eo non errari;prehendas utique stellas quo situ, quo vigore fuerint, cum illi in quos inquiris nascerentur: At unde tantum syderibus in corpora nostra, imo in mentes, imperium? Ex iis scilicet expectabo fœlicitatem, ex iis vitæ genus, & mortis arbitrium? Num ergo qui prælium subeunt, simulque extinguuntur, omnes sub eodem cœli ordine erant nati? Num si navis peritura est, nullos vectores accipiet, nisi quos nascentes astra naufragio damnaverint? Imo sub sydere omni producti, coeunt in aciem, navigium onerant, & dispares ortus una morte conjungunt: rursusque non quot eodem nexu astrorum, lucem aspiciunt, uno fato aut vivunt aut pereunt. Regem hic vides: An omnibus illius æqualibus

libus putas Regnum contigisse: vel aliquas saltem opes, quæ indices essent beatæ & opulentæ collocationis astrorum? imo, an omnes superesse adhunc diem? Ecce Cleobulum; ecce te. An qui cum illo nati sunt, cum illo quoque sapiunt, Regibusque sunt accepti; aut qui tecum, omnes (ne quid gravius dicam) Mathematici sunt? Quid autem cum in prædonem quis incidit? Fatale erat, inquis, ut hunc prædo obtruncaret. Num ergo eadem astra, quæ viatorem, dum nasceretur, ferro prædonis mancipabant, ipsi quoque prædoni, diu fortasse antea nato, mentem vimque dederunt, ut aliquando hunc vellet & posset occidere? Certe enim non minus dicitis ex astris fieri ut hic interficiat, quam ut iste mactetur. Cum quis vero ædificii ruina obruitur; an quia erat in astris, ut cum sua domus sepeliret, afflictus est murus? Imo mehercules quia afflictus est murus, hunc subjectum moles oppresfit. Eadem de dignitatibus ratio, ad quas per suffragia ascenditur. An enim sydera, quæ alicui nascenti adfuerunt, & (ut vultis) promiserunt dignitatem, aliis mortalibus potuerunt imperasse, qui sub iis nati non sunt; & ex quorum tamen suffragiis destinatae dignitatis constat effectus?

Hanc ego vanitatem ineptia & stoliditate præcipuam dicerem, nisi supra hæc nomina peccaret. Pessimæ superstitionis

ingenium est. Quo libertas enim mortali-
um, si à præscripto syderum non possunt
recedere? Curem ego valetudinem, me
honores sollicitent; vitia abjicere cogitem,
animum ad virtutes appellere: si nascenti
dictum est quid me esse oporteat? Iactu-
ram humanæ libertatis deploro? Etiam
Deorum munus perit. Amplius thura
non perdo. Deos nec timeo, nec ambio;
si non possunt, aut nolunt, quod de me est
statutum, inflectere. At pro nascituris li-
beris scilicet orabimus, ut propitia astra
ha beant. Dicam quod ego in Mergania
vidi. Quendam hæc superstitione afflaverat,
ut nec uxoris cubiculum intraret, nisi ex-
ploratis antea astris. Si aut cauda Draco-
nis implicabat sydera, aut ea Scorpius in
cinctu brachiorum corrumpibat; vel o-
mnino quid monstri minabatur in cælis,
solus oppido dormiebat. Quid quæris?
nati sunt ei liberi aliquot, & omnes in-
sani.

Dum Meleander, cæterique, infelicem
Mergani curam rident; Chaldaeus, quan-
quam insperatissima accusatione turba-
tus, collegit animum, similisque eam
rixam contemnenti; Nihil detrahi Diis
dixit, quorum jussu hæc ipsa vis quam
prædicabat inesset syderibus; quique adeo
non se abdicarunt potestate, ut res super-
sint innumeræ, quibus se vel propitios
vel vindices prodant. Non denique adeo
Mathe-

Mathematicos delirare, ut omnibus qui cum Rege nati sunt deberi regnum putent. Ad venturi præfagia multarum quoque rerum præter astra habendam rationem; in quibus præcipua sunt, seculi genius, stirpisque conditio. Cæterum si quis neget aliquid cælum in hominibus posse, dignum esse cum ceritis piari; Cum omnibus constet, aerem ex cæli conditione vel turbatum vel placidum, se ipsum insinuaré in mortalium corpora, ex quorum deinde afflatu inclusi animi inspiratos affectus accipiunt. Ita modestiora loquentem interfatus Nicopompus; Nec omnia, inquit, Mathematicæ, negamus syderibus. Incitari hominem ad segniciem, laboremve; callidam indolem, aut ingenuæ simplicitatis nancisci; esse hilarem, aut ad iracundam solitudinem declinare; in vitia denique, aut virtutes, aliquo pondere & impetu ferri; Hæc non nego ex cæli in ista terrena imperio esse. Itaque non multum repugnem; si conjicias, eos qui ex mitibus astris hauserunt lenitatem, victuros fortuna ab iis dispari, quos gravia & turbulenta sydera in fervidiora studia agunt: vel, quibus placidum cælum hilaritatem infuderit, gratiori consuetudine placituros, quam homines acceptum Saturnum acri & molesta solitudine contemplantes. Eiusmodi non certæ quidem artis, sed egregiæ prudentiæ præ-

præcepta non carpo. Alia sunt quæ me tibi committunt ; & hæc præcipue quatuor. Primum quod sydera, contra quam sentis, impellere credo, non cogere, ad restas cupiditates aut impias. Tum ex syderum vel cupiditatum contemplatione præntiari certo non posse, quid hominem in vita maneat, vel quem finem Dii statuerint. Tertio, non satis intelligi quæ astra hos infantibus affectus ingenerent. Res denique liberas, res fortuitas, huic necessitati syderum vel inepte vel impie dari.

De iis ubertim dicerem : Sed video te fatigatum (Rex) ad Cleobulum respicere; à quo fateor, utiliora super bello, quam à me, vel Mathematico, accipies. Imo, inquit Rex : sed strictim de his edissere. Tum ille ; Non nos cogi syderibus vel hinc constat, quod haud pauci impetum ab iis concitatum ratione domitamus ; & nulla re magis nostrum genus à belluis discrepat, quam hoc libertatis privilegio, quæ sollicitari subiectis & flagrantibus motibus, sed ad vitia aut virtutem adigi invita non potest. Hinc in Philosophorum scholis nihil vulgarius, quam sapientis animum, expertem servitutis : ipsis quoque imperare syderibus : Hinc & quotidiana eorum præconia, qui sciunt moderari iracundiæ, amoris, cæterisque torrentibus, quibus hæc astra in animos nostros inundant. Quorum omnino nihil esset, nisi

[accepta

accepta astrorum imperia mens nostra fastidire aut recusare posset. Præterea ut Sol omnia quæ luce eadem & iisdem radiis corripit, non iisdem affectibus damnat (nam fovebit alia semina, alia enecabit; urentur exiliores herbæ; & defendet alias crassior succus:) Ita cum tot infantium qui nascuntur velut ager diversissimis modis præparatus sit, ex varia parentum indole, valetudine, habitu; una illa vis quæ è cælo in plures simul manabit, non poterit idem in omnes. Si consentientem sibi infantis indolem inveniet, in ea regnabit; si repugnantem, vix aliud quam corriget: Adeo ut de infantis moribus vitæque dicturus, non inspicere modo cælum debeas, sed parentes, sed fortunam, quæ gravidæ matri fuit; sed diversa alia, & plerumque tibi ignota. Et ex his quidem secundæ quam posuimus quæstionis ratio ipsa se aperit; ex astris scilicet non statui certo posse, quid acturi passurive mortales sint. Nam cum moderari possimus ingeneratis affectibus, quidni & ea declinare quæ illi affectus peperissent si fuissetus obnoxii? Cumque ex variis causis nunc levius, nunc gravius nascentis hominis animo incidat illa prementis cæli conditio, cur uno effectû in omnes valiturum existimes, quod non in omnes eadem potestate invaluit?

Addebant, nec deprehendi satis posse, quæ

quæ nam sit connexio vel averſio ſyderum, quæ infantibus ſemina venturarum cupiditatum ingenerat. Vos eam ſpectatis, quæ ſuperſtat naſcenti. Quidni & illam quæ fuit cum animaretur fœtus in utero? quidni cæteras ſub quibus tenerum corpus, & adhuc anima ſui ignara, in alvo materna inſtruebatur ad vivendi patientiam? Equidem ex eorum ſyderum conditione, non minus quam ex iſſis natalibus, pendere infantem exiſtmem.

Quod ultimum aſſerui, res liberas, aut fortuitas, huic ſyderum poteſtati ſine ſacrilegio non addici, urgerem vehementius; niſi timerem prolixitatis meæ odio tibi Regem conciliare. Dicam tamen & vos id velle, & ſine ſcelere aut amentia velle non poſſe. Quid liberius quam uxorem ducere; hoc vel illud vitæ genus inſiſtere? Aut quid magis fortuitum, quam ut homo pereat ferro, a quo ſolvatur, inimicitias ſuſcipiat, certo vitæ anno ægrotet; principibus charus, dignitate vel contumelia inſignis ſit? De hiſ tamen reſpondere, Mathematici, ſoletis: hic audacia, hic præda eſt veſtra. Nuper furtum à ſervo erat factum; fugerat ille, & à domino quaerebatur. Nihiſ magis fortuitum, quam ut caperetur, aut abiret incolumis. Contigit ergo ut ſoſpes evaderet; & continuo de veſtris unus myſtis, ratus de præteritis augur

retu-

retulit nobis, inultum latronem aufugisse, quia intercesserat Luna Mercurio, scilicet furum patrono, eumque contexerat. Ægre mihi persuasit se serio hanc fabulam nobis afferre. Non in Deum ergo cura, non in domini diligentia, aut furis ipsius solertia fuit, ut ille caperetur, aut tuto lateret: sed hoc totum ex astrorum imperio factum à quibus si hæc humana sic aguntur, frustra negotiis quisque nostris operam curamve impendimus. Fient enim vel cessantibus nobis quæ ipsa præscripsere; & quæcunque vetuerint, nulla nostra industria procedent. Ut cætera vero præteream, quibus ista refellatur quam Diis naturæque infertis injuria; Quæro, Chaldæe, utrum illa vis, quæ fœlicem nascenti puta infanti vitam portendit, aut violentæ mortis casum in trigesimum forte, aut amplius, vitæ annum constituit; utrum inquam illa vis quæ hos casus illamque motura fortunam est, duret in cœlo, & destinatum tempus expectet, quo terris illabens, cogat in necessarios effectus necessaria instrumenta; An vero inferatur ipsi infanti; ut veluti fota, & paulatim coalescens, jussu tempore erumpat, impleatque quod astra mandaverint. Si dicis in cœlo perstare, manifesto es imprudens. Nam cum fortuna infantis constet (ut vultis) ex modo quo astra, dū is nasceretur, inter se erant nexa; postquam cum

modū in cœlo deleverit eorundem syderum cursus, aliumque effecerit, forte priori contrarium; qua in arca, vel penu cœlesti, recondetur prior illa vis, quæ post multos demum annos exerenda est, & in scenam mittenda? Sin putatis adhærere ipsi infanti hoc fatum, quod in virum deinde valeat; adhuc pejus nugamini. Scilicet in naufragio causa est, cur venti se tollant, cur sui oblitus gubernator infingat vadis proram; aut colonus causa est belli quod eum pauperat; vel mitioris cœli quo fruges abundant! & quos excidentium terrarum labes absorbet, solidos illos naturæ sinus frangunt fati sui violentia, ut destinato à syderibus obitu defungantur! Plura in perniciosissimam amenitiam non dico, quæ Deos hominesque una captivitate damnat; quæ ratione destituta, vanisque successibus sæpe elusa, tamen inanes, ac interdum sceleratas spes subjicit consultorum animis; aut inutili metu suspendit incautos.

Iactant tamen quædam suorum oracula, quibus eventus responderit. Ex iis conciliare fidem, tanquam non spernendæ arti, volunt. Primum quidem, si quæ talia extiterunt, nego necessitate fatorum contigisse, astrisve cogentibus. Facilius crediderim aliquod esse numen, quod in vindictam impiæ credulitatis nonnunquam representet mortalibus ea ipsa, quæ sibi

sibi non à Diis sed syderibus metuerunt. Deinde ut insomnia, quamquam sine arte vel duce oberrantia, tamen interdum fortuitas rerum venturarum species referunt: Et cæcus si vim lapidum spargit, aliquando imprudens tangit metam: Sic dum multum & passim Chaldæe mentimini, nihil mirum si nonnunquam fortuna vestram audaciam commendat: & miramini vos vera dixisse. Etiam pauca responsa quæ vulgo celebrantur, vanitatem artis proscribunt. Nam quod luculentius signum, non solere vobiscum veritatem, quam instar prodigii jactari, si in illam interdum vester ludus incurrerit? Sed nec tantum tribuo famæ, ut quod de vaticiniis vestris memorat utique credam. Prodigia cum narrantur excipi solent favore mirantium; & quamquam non ad verum exacta sint, postquam semel Scriptorem invenerunt, pluribus placent, veneratione crescunt, vetustate commendantur. In hunc modum fabulas vestras invaluisse existinem; Nisi dicas impiæ arti accessisse nefandorum geniorum commercia. Hi enim transacta inter homines, secretaque accurate explorant, & sagaciter de futuro conjiciunt. Vestros ergo Chaldæos, si in pudendam eorum familiaritatem acciti fuerunt; nihil mirum, suggerētibus ipsis atque monstrantibus quæ supra mortaliū ingenium erant, interdum claruisse.

Nimis moror. Si quæ Sicilia ventura sunt
nosti; quidni, Mathematicæ, & tua ipsius
fata perspicias; Cur nesciisti me tibi hodie
gravem fore? Cur non in experimentum
artis monuisti adesse qui te turbaret? De-
nique si potes explorare, an Rex de hosti-
bus triumphaturus sit; illud primum ex-
plora, an sit tibi crediturus. Tibi autem
tantus Rex crediturus summis in rebus,
eaque ex arte, quæ vel si de levibus ac quo-
ridianis prædicere audet, inani eventu in
omnium risus solet incurrere? Nam fere-
nos aut nubilos dies, vim imbrium, tur-
bines, ventos, dispensari generi humano
ex astrorum inter se commercio vos quo-
que proclamatis, & nos partim agnosci-
mus. Adeo tamen frequenter erratis, cum
ex inspectione syderum aut solem pro-
mittitis, aut pluvias; ut in proverbium
abierit vestra illa ludendi fingendique li-
centia. Tu ipse cælum explora; sequere Lu-
næ cursus; bella vel fœdera cœlestium igni-
um confer in tabulas. Inde, si potes, desti-
na sudos dies, fœdos ostende. Si non erras,
si te eventus non arguet, ego me tuæ arti
quam lacesio dedi ad pœnam non recuso.
Neque tamen in aerem, in nubes, in fere-
num, minus sydera posse dices, quam in
corpora fortunæque mortalium. Cum
tu igitur illa ignores, cur te ista existime-
mus prænoscere? Scies nempe ex astris
quo cessura sint bella, & quæ fors Siculæ
mentes

mentes actura sit; nescies autem quando hortulo tuo imbrem, quando pecori solem eadem astra annuerint? Imo fatendum ex hac ignoratione tempestatum, vel quid velint ac jubeant sydera vos nescire; vel esse præterea vim aliam quam nescitis, quæ ut lubet hæc syderum decreta atque imperia antiquet.

Quod si de publicis regiisque negotiis adeo facilis tibi notitia; privatam rem tuam cur eadem scientia non protinus auges? cur prævisis rerum eventibus molesta omnia non declinas, felicitatem non sequeris? Cum in Phrygia essem, erat anus quæstiosa divinationibus. Accidit ut in opulenti civis domo intercideret furto paropsis pretiosa. Is cui supellex credebatur, amico comite ad hanc vatem cum nummis pergebat, jam furem se tenere, jam recipere paropsidem, spe oppido vana præcipiens. Mane erat; & cum isti adventarent, primum anus fores solvebat, quæ tunc forte injecto sterquilinio altissime fordebant. Nescio quis vicinus per illam furtim injuriam illuserat mulierculæ. Substitit ergo irata; &, Si scirem quis ganeo, inquit, ad hanc insolentiam tenebris usus sit, regererem, per Apollinem, regerem in os impurum quicquid meis liminibus sordium dedit. His auditis qui consultum veniebat inspexit in socium, &, Quid pecuniam, inquit, profundimus? Scilicet anus

sciet quis nos prædo vexaverit, quæ rerum
 suarum ignara, & stercore pene in os in-
 gesto, adhuc nescit cui irasci oporteat?
 Nec segnius quam venerat, discessit à Si-
 bylla. Rem epigrammate vulgavit nescio
 quis Poeta, quod adhuc hæret memoriæ,
 & quia breve est, si placet, recitabo.

*O sors, sydera, Pythii recessus,
 Et fati bene præscia volucres,
 Vos sævis anus en verenda rugis,
 Vos illo vocat efferata cultu,
 Quo Lunam quatit Amonis rubentem.
 Quid Rex cogitet, aut Dei minentur,
 Quid sub pectore delitescat omni,
 Novit scilicet, indicatque nummo.
 Vnum dicite quod misella nescit;
 Ecquis stercore limen omne pavit?
 Qua nunc auguria, ô potens Apollo,
 Qua lux, qua via, ducet ad nocentem?
 Frustra sollicitas, Sibylla, divos,
 Sortes, sydera, Pythios recessus,
 Et fati bene præscias volucres.
 Nam Phœbus pater, ô verenda Phœbas,
 Hæc oracula navibus reliquit.*

Plura dicturum Nicopompum Rex Cleo-
 bulo innixus destituit. Reliqui inter jo-
 cos sequuti sunt. Sed Cleobulus Regem
 monebat, quanquam vanum hospitem,
 tamen periculosum, non per injuriam di-
 mitti debere. Facile esse ut læsus pernicio-
 sa astra fingat; Non ægre superstitionibus
 militem laboraturum. Ergo jam moestum
 vocant,

vocant, aguntque promissæ operæ gratias. Sed ne ea uterentur, obstare tunc tempora. Neque enim videri ex Regis majestate, ut tanquam victoriæ incertus anxie ad sui natalis fata respiciat. Tamen oblata benevolentia præmium fore. Nec morari medium præstigiatori talentum, redimendæ quam timébant injuriæ, mittunt. Inde ad graviora conversi sunt: novis subinde nunciis de Lycogenis apparatu haud læta ferentibus. Nam in exercitu Regis non amplius decem millia justæ armaturæ pedites erant. Duo millia numerus equitum impleverat. Funditores & sagittarii ter mille & quingenti dicebantur. Tringenta falcati currus erant. Decem naves cataphractæ: aliorum navigiorum ad bellicos usus numerus duplex. Hyperephanii nullo publico consilio defecerunt; sed ut cujusque ferebant studia, hi cum Rege, alii apud hostem militavere. Sed in Lycogenem, rerum hominumque majorem vim tempestas contulerat. Recensitos haud procul Syracusis sub Præfectis distribuit. Tringenta peditum millia, equitumque sex, nomina dederant. Et ne omen deesset, qui primus descriptus est, Nicon appellabatur, quod superstitio vulgi, quasi rem fortuitam, in auspicium accepit. Certus erat Lycogenes, non se diutius imperaturum quam illi insanirent. Dum res ergo fervebat, totius exercitus mole in

Rex contendit. Rex contra promovit adignobilem rivum, qui humo per torrentes direpta sub altioribus ripis fluebat. Infidum circa solum faciebat perceptus venis humor, & aqua quæ extra alveum non pridem stagnerat. Eo obice sustinere Lycogenem vel pauciores potuissent; Et strenue ille aderat; conatumque circuire iniquitatem loci, quacunque transitum parabat, objecti à Rege milites prohibebant. At ille ne interim non tempore uteretur, Anaximandrum ex sorore nepotem, & fratrem Oloodemi Menocritum, qui Ennam, qui Catanam obsiderent, cum aliquot cohortibus misit. Ex suis autem castris, & regiis, multi assidua velitatione collati variam in dies fortunam ad suos referebant. Nihil tamen summæ rerum decedebat inter illa privatorem certamina.

Quis putet in tam horridis motibus, & sub ipso discriminis ictu, aliarum rerum affectus durare potuisse? Atqui vehementius Archombrotum atque Argenidem curæ secretæ quam quæ palam videbantur, premebant. Illa in Poliarchi virtutibus tota, conficiebat macie corpus, animi viribus inter solitarios fletus consumptis; prædicabatque confestim revocandum veterem Lycogenis hostem, & assuetum de eo triumphare. At diversa agitabant Archombrotum. Inquietatus miserrima
speci.

spei incertæ dulcedine, nunc bellum devovebat, quod inter castrensia non promoverat de amore profitendo consilia; nunc gaudebat prodendę fortitudinis copiam factam; & utraque de causa in hostem concitabatur. Sæpe tamen se ipse incusabat, quod solus adesset tanto Maleandri Argenidisque discrimini. Debuissē scilicet comparari exercitum, & magnitudine beneficii, simul amorem, simul natalium decus ostendi. Et hercule nihil horum neglexisset. Sed res temporis multi erat, hunc Siciliæ statum nunciare in patriam, cogi inde milites, traduci exercitū: Præceps vero imminebat à Lycogene periculum, neque tam lenta expectaturum auxilia. Neque levior de Poliarcho cura erat, quem ubique sauciæ menti per insanam æmulationem oblatum dissimulato odio ita elevabat apud Regem, ut videretur sibi ipsi nil agere. Ergo in contumaciam traherat, quod ille cum mitteret Lycogenis epistolam, nihil litterarum ad Regem dedisset. Sui, Regisq; fuisse oblitum, in illa sive negligentia sive superbia; Nec facturum ex majestate Regē, si scriberet prior. Sic malignis & quotidianis verborū insidiis paulatim assuescebant Regis aures; eo facilius quod nihil esse Archombroto dissidii cum Poliarcho suspicabatur. Gelanorum quoq; non latuit aliud Archombroto animi esse, quā quod Poliarchus discedens reliquerat.

Sed quod videret in aula gratiosum, facile id supercilium in fortunam retulerat, quæ priores necessitudines tanquam præsentī fastigio indignas, aut graves, sæpe timet agnoscere. Interim patroni familiam (hanc enim à curatoribus Rege iubente receperat) sic admonitu Argenidis instruxit, ut omnes propediem eum conjicerent esse venturum.

Cæterum properabat redire in Africam, diuque ociosa dilatione frustratus est. Tandem ex Archombroti sermonibus institurus Rex, indonatum, ac nec saltem blandius habitum, jubet renunciare Poliarcho; Regem se, non veneficum esse; Oloodemi & Eristhenis exitium peregisse suam causam. Nec se facilius invenire cur ad se non scripserit Poliarchus, quam cur scripserit ad Poliarchum Lycogenes. Gelanorus inexpectata acerbitate motus, vix tenuit iram. Memor tamen Regi se loqui, nec plus sibi in expedito esse verba, quam illi ultionem, haud aliud retulit, quam non modo scripturum Poliarchum, sed impigre adfuturum; ut si quid erraverat, discuti posset. His verbis Meleandrum, jam sponte omnia metuentem, in diversas cogitationes diripiens, reliquit; nunciavitque Argenidi, quam inclementer Rex dixisset Poliarcho. At illa, vix lacrymis temperans; Nihil Dii reliquum fecerunt, Gelanore, quo mihi & Poliarcho

noceretur. Divisi, ideoque miserrimi, alter alterius dolore conficimur. Accedit ab Lycogene de regno mihi periculum, quoniam ei chara sum, ipsi quoque tristissimum. Quid pròderit eum superflua ægritudine onerari, ut & patris in se mei iram intelligat? quem ut opinor non mala mens, sed calamitas mutavit. Si me fas est aliquid exorare; da mihi, illique, Gelanore, ut ipse hoc nesciat. Ego curabo ut delicti pœnitentiam agat pater, ametque Poliararchum. Et silentii præmium erit quicquid tua conditio potest agnoscere. Frustra autem speraveris, si de ista re patrono indicium feceris, clam me futurum. Ut spondeat tutum fore secretum; at si illum mihi fata reddiderint, expugnabo taciturnitatis fidem, scianique quam multum fefelleris. Apud eum quid valeam, nemo melius teipso intelligit. Confirmante Gelanoro, se Argenidi pariturum, ipsa litteras ad Poliararchum tradit. His vehementer petebat, ut quam ocysissime in Siciliam trajicerot. Si vinci Lycogenem fatum erat, ab eo potissimum vinceretur. Sin Dii parabant tristiora, tegeret fugientes. Cumulatum deinde muneribus dimittit ad navem.

Iam secundus mensis erat, ex quo Ennam fatigabat obsidio; Defecerant alimenta, nec spes erat à Rege auxilii. Igitur consumptis omnibus præter fidem, lega-

tos ad Lycogenem de deditioe mittunt. Exhilaratus ille, quod victoriæ simulque clementiæ exemplum hinc quæreret; Nihil se optare respondit, nisi ut fœlices esse vellent. Ad hoc tantum vim adhibuisse. Redirent ad Siciliæ corpus, cujus in Meleandrum consensui imprudentes obstiterant. Sed multi petiere ut tuto liceret ad regia castra concedere. Quo permissso, plus pavoris militibus Meleandri, quam auxilii fuit; cum isti Ennæ miseras, & obsidentium robur, in traditæ urbis excusationem augerent. Domita Enna licentius exultare Lycogenes, aditusque multiplici ratione tentare, quibus rivum & paludes à Rege infestas superaret; Diffususque Meleander obtineri diutius locum posse, prima vigilia totis castris ignes accendit, ne hostis intelligeret deferi stationem nec signo tuba dato, militem reducit ad campum qui Epeirætæ subiacebat. Insequutus postera die Lycogenes triumphantes copias effudit totis campis, terribili specie, militumque fiducia in barbaros clamores parum civiliter elata.

Et Rex quidem tot curis insomnis, nunc prælio optabat decernere; nunc se urbis munimento tueri; interdum tanquam perditis rebus, de fuga cogitabat in Africam. Forte fuit, ut neglecta quiete, solitarius in hortum prima luce concederet. Sublimis erat locus, marisque subiecti prospectu.

spectu liberrimus. Agitantem quid in ex-
 tremis esset honestius, nunc subibat non
 ignava pugnandi mens; nunc senem, &
 patrem, filiae cura ad cautiora revolvebat
 consilia. Victorisne praeda esset haec virgo?
 & quae in sceptrum genita erat, à libertate
 excideret? Rursus occurrebant fugiendi
 incommoda, rursus numinum ira, &
 quod in immerita calamitate tristissi-
 mum est, temporum exactorum foelicitas.
 In hoc inquietæ mentis æstu stupentes o-
 culos mittit in pelagus. Sed nebula, quæ ex
 vicinis montibus incubuerant, altiori so-
 le discussæ, aperuere paulatim faciem re-
 rum perculso horrentique mirabilem.
 Quippe navigiis stratum mare, haud pro-
 cul à portu, vexillis late vibrantibus, no-
 vum bellum, novos terrores asferre vide-
 batur. Classis ingens & incitata subli-
 mibus velis. Fulgor præterea armorum,
 hominumque frequentia. Cumque non
 multo exterius quam extra tormento-
 rum iactum fuere navigia, subito, clamo-
 re nautarum demissæ à puppibus ancho-
 ræ totam classem stiterunt. Nec diu se-
 cum exegit Rex, qui homines, aut unde
 venirent. Sed in deteriores metus sponte
 jam versus, & aliquoties pedem terræ in-
 cutiens; Heu, inquit, ergo nec fugam mihi
 fata reliquerint! En à Lycogene classem, en
 observaturos portuum claustra exercitus.
 Sed neque hoc immerito accidit. Cogeo

te iste casus, senex ignave, ad justam belli-
camque virtutem; & quid sponte facere
debueris, en hostis admonuit. Tantillam
meam classem contra promoveam, for-
tuna, navibus, copiis impar? An iis omissis,
quod est satius, vertar in Lycogenem ter-
restri certamine, & saltem in Sicilia mea
moriar? Turbatus, nec aliud quam hone-
ste cadere expetens, proximos advocat. Iis
monstrat terribilem maris speciem, di-
mittique speculatorium navigium jubet,
quod de suspecta classe referret certiora.
Archombrotus ad omnia pericula contu-
max, hanc sibi deposcebat non securæ
quæstionis provinciam. Sed annis & vir-
tute ferventem Rex jussit digniora discri-
mina expectare. Inter hæc lembum vi-
dent ab classe adversa aliquot remigiis ad
portum promoveri; & missus Timonides
qui venientes exciperet sciscitareturque
quæ erant pernosceda, primus mitioris
fortunæ auspiciu accepit. In lembo præ-
co erat; ac ne duriora nunciaturus crede-
retur, baculum atque caput oliva circum-
datus. Sed quis esset, quidve afferret, non
falsus Timonidi, cum Régis colloquium
petiisset, illum protinus Meleander, jam
intepescente metu admisit in conspe-
ctum. At Præco; Radiobanes Sardinia &
Balearium Rex (inquit) hanc tibi hospiti
Meleandro Sicilia Regi tesseram mittit. Si
conferre volueris, invenies esse illam, quæ
mutua

mutua fuit tuis suisque parentibus. Simul dimidiatum annulum tradit ; in cujus summa parte pusilla ex auro manus erat, quæ si parti alteri juncta esset, simili quoque manui, itemque porrectæ, tanquam in fœdus occurreret. Rursus præco; Agnoscisne, Rex, hospitium? ait. Et Rege fatente; quippe alteram annuli partem apud se servari; Adest, inquit, in æquore tuo hospes Radirobanes cum præcipuis imperii viribus, quas in classem coegit. & cogendi causa fuit, quod te malorum civium defectione premi cum fama retulisset, statui hoc pessimum in Reges exemplum, maxime hospes, ferre non potuit. Silebat Meleander, Deorum tam subita beneficia prope non capiens. Sed ad constantiæ specimen erat, ne vultus mutaretur. Referes, inquit, tuo Regi, ô præco, jam me ignoscere furori meorum; quos aliquis non inimicus Deus concitavit ad facinus, ut tanti hospitis beneficio & conspectu frueremur. Subeat modo Siciliam, atque intelligat nihil nos fore in eo colendo segniores quam ipse in promerendo fuit.

Simul his, Præco ad curandum breviter corpus abductus est; interimque Meleander advocato suorum consilio querere cœpit, ipsumne oporteret ad Radirobanem ire, an fidei majora pignora per purpuratos experiri. Varia illi censebant; tantæ fortunæ nec diffidere nec credere
 satis

satis ausi. Nam cur Radirobanes illos sumptus, laboresque, alienæ utilitati daret? præfertim nec rogatus, nec hospitio antea usus? Omnem nimiam gratiam suspiciosam esse. Vix credibile, hunc potius Meleandro, quam sibi, eam classem adornasse. Nam & (inquit Rex) meo patri, multa ut scitis cum Radirobanis patre discrimina fuere; fœdera inde, & imago hospitii, verius bello lassatis, quam odiaponentibus. Nunc quid censeam, auxilium an insidias advenisse, adhuc incertum est. At Cleobulus, nihil dubitandum asseruit, quin Regem oporteret ad Radirobanem ire. Nam si ille amicus accedebat, certe auxilium venire in tempore; & nullam in ipsum humanitatem nimiam videri. Sin aut sponte Regem odisset, aut faveret Lycogeni, non posse Meleandrum terræ marique conjurato obsistere; & ex Majestate Regis fore, si fidei simulatione deceptus potius videretur, quam expugnatus ingratius. At unde (inquies) hic Radirobanis in Meleandrum amor? Fallor, aut Rex juvenis, &, ut audio, in gloriæ cupiditate immodicus, hanc occasionem rapuit, quâ præter bellicam famam (Rex) nuptias filiæ tuæ, tanquam ex merito, sibi conciliet. Pugnabit itaque tanquam pro rebus suis; eo Siciliæ amicio, tuque reverentior majestatis, quo propius sperabit in tuam regiam adoptari.

Et

Et Cleobulus quidem ex vero disputa-
bat. Quippe Argenidis fama, simulque Si-
culi regni, quod ad Virginem spectabat,
cupiditas hanc Radirobani mentem inje-
cerat. Naves ad expeditionem in Mauros,
quam secreto moliebatur, instructas ha-
buerat. Sed perlato Siculi belli rumore, di-
stulit paulisper Africam, & laudabiliori in-
cepto ad Meleandrum navigavit. Sed Ar-
chombrotus (nam tunc consultanti Me-
leandro aderat) ipso nomine nuptiarum
Argenidis offensus, adeo in Radirobanem
Cleobulumque excanduit, ut vix mutatio
animi tegeretur in oculis. Nihil tamen re-
pugnare, aut omnino dicere ausus est.
Cleobuli vero sententia à Rege laudata;
missi confestim ad portum sunt, qui re-
giam scapham instruerent. Tranquillis re-
bus Rex tuta littora in ea circumvehi a-
mabat. Mediocris erat; nec plures capie-
bat octo remigibus totidemque vectori-
bus. Sed aureis argenteisque picturis no-
rabilis, totam in ambitu undam fulgore i-
maginum ludebat: & haud procul à pup-
pi pusillis ex auro litteris hi versus erant
scripti.

Hæc te caruleo natam, Cythereia, ponto

*Parvæ raræ, similisque tuæ, pulcherrimæ,
conchæ,*

*Tutelam numenque petit; non Martia
fortis*

*Tela pati, adversas si sers Bellona carinas
Im-*

*Implicit, & tremulo suspendat in aquore
bellum.*

*Nec saui patiens Borea, cum turbidus
ille*

*Stridet, & alternis medium sese obruit
undis.*

*Littoreis tantum apta vadis vicina seca-
bit*

*Aquora, cum pluvium deterget canti-
bus Austrum*

*Cymothoe, & pectet virides in rupe capil-
los.*

*Tunc leget extremos portus ratis ista, po-
tentem*

*Tunc dominum paucis audebit credere
tonsis.*

At tu, si meritos Eryci servamus honores,

*Ne levibus, ne, Diva, Notis permittite ty-
rannum.*

*Ipsa manu contos, parva brevia arma ca-
rina,*

*Ipsa tene, & placidam sese crispantibus
undis*

*Sterne viam. Tecum OEbalii duo sydera
fratres,*

*Et soror. O magnis versata potentia sem-
per*

*Fluctibus, & semper ventosum Regibus
aquori!*

*Tunc vero purpureis tapetibus auxere se-
dilia; & in puppi instar solii fuit, quod ca-
peret duos. Eurymedes ad arcis custodiam
relictus*

relictus est; Arsidas parva rate præmissus, qui Radirobani nunciaret advenire Meleandrum. Facile tota Epeiræ se fama diffudit, adesse cum validis auxiliis Sardos hospiti Siciliæ opem laturos. Nec tarde credebatur. Subita ergo hilaritas, nec modo spes, sed victoriæ fiducia, paulo ante dejectos mutavit. Toto foro concurrebant, manibusque, ut quisque advenerat, plausis, sibi salutem gratulabantur. Nec temperantior eorum qui muris ad custodiam præsidebant lætitia. Cum vero Rex ad portum descendit, acclamationibus vulgi, tubisque mox, & omni concentu quo tunc Martem acuebant, cælum implentibus, sonus in hostium castra illatus est. Et quoniam militaris erat clangor, Lyncogenes ausus est credere Regis exercitum spe amissa exarsisse in ultimos impetus; & in se invehi morituros. Itaque ad proximos ita locutus fertur. Hic dies nobis laborum postremum est; modo copiam mortis iis fecerimus, quos vivere non posse effecimus. Ite ad milites; & ad prædam vocate prope emeritos. Dii omnes, quo gravior esset victoria, insperatam maturare. His dictis, dum ordines instruit, vultuque ac voce omnibus fortitudinis auctor est; interim exploratores præmittit qui certa de adventu hostium referrent. Et illi toto itinere protracti, postquam nihil hostile occurrebat, in castra

S

reversi

reversi sunt, nunciantes, nullos quidem armatos in campis apparere; cæterum pene bacchantium tumultus audiri in mœnibus, tubisque & tympanis personare totam circum regionem. Ictus ex merito Lycogenes fortunæ recedentis præfagiis, ramen in procinctu constituit aciem; aliosque non militari cultu, sed tanquam ex proximis villis agrestes, subornat, omnia tutius exploraturos.

Iamque Arsidas Radirobani colloquutus, promota ex portu navigia quibus Meleander cum suis vehebatur ostenderat. Quippe plurimilembi Regem comitaturi, procedebant in altum; tumultuque & studio vectorum, de more subita lætitiæ strepebant. Prætoria Radirobanis, regii fastigii opulentia insignis, stabat religata anchoris tribus. Ab omnibus velis inutiles & ex solo luxu pendentes lacinie aura rapiente ludebant in aere. Cornua & antennæ fluitantibus quoque vexillis incumbentem ventum temere sequebantur; multiplices autem à tribus malis funes, religabantur ad latera navis; speciemque procul visentibus aut amplissimi retis, aut detecti tentorii præbebant. Puppem Helena cum fratribus illustrabat trium syderum auro. At nautæ eo die non sordidi, in cæruleis erant vestibus; & vel instabant officio, vel antennæ ac funibus, ad artis suæ specimen, tanquam alis ferebantur.

Eadem

Eadem remiges vestis in transtris ornave-
rat. Milites armorum & sagulorum pre-
tiosissima erant induti. Rex quoque fre-
quenti in Liguriam commercio, didicerat
ab Hetruscis decora majestatis, habebat-
que in prora lictores, virga & fascibus in-
structos, tanquam aquas submoverent.
Lignei gradus à latere navis ad mare de-
scendebant cæruleis strati tapetibus, in
quorum summo excepturus Melean-
dram, Radiobanes stabat, vestem regiam
indutus, quam ex auro & carbaso textilis
zona præcinxerat. Ensis ex ea pendebat,
cælatæ vaginæ opera præcipuus. Ipse ca-
pillitium promiserat in humeros, paulo
pretiosius delibutum quam militarem de-
cebat. Familiarissimum habebat ex Ligu-
ria senem; cui commissus puer fuerat; &
adultus non tam illius consilia sequeba-
tur, quam quæ facere decreverat scire si-
nebat. Virtiganes dicebatur. Huic tunc &
Arctidæ loquens spectabat Siciliæ oram; si-
tunique, & ignota adhuc bona, superflua
humanitate commendabat.

Tandem ad navem scapha Meleandri
applicuit; qui in paratos gradus enixus est
admoto ad fulcienda vestigia Archom-
broto, donec eo usque pervenit, ut tradere
Radiobanes manum posset. Tum vero
tanquam olim familiares coiere amplexi-
bus; & gratias agente Meleandro, quod
is se adjutum voluisset, ille beneficium

modestissimis verbis augebat. Pauca deinde inter se colloquuti, hic ad salutationem Proceres Siciliae, illi Sardiniae, admisit. Amicos hospitesque appellabant. Mox & Radirobanes, nec rogatus, descendit in Meleandri scapham, qui se in navi prior, ejus potestati tradiderat. Personabat toto littore navibusque symphonia; simulque militum & remigum clamor, celebrantium mutuam Regum fidem; Non ferro, non aggere, non custodibus tutos, simplici pietate, atque jure hospitii, inter se jucunde versari. O miseram saepe potentiam, in qua rarae felicitatis est, ad bona privatorum, nec suspecti commercii humanitatem, pervenire. Expositos in littore Reges, rursus amplexus, rursus blanditiae tenebant. Hinc Radirobanem, cum in prima arena adorasset Deos Siciliae, Meleander illi exterior ad equos deduxit, qui haud procul utrumque expectabant; Inde amicis septi primum in urbem, deinde in arcem provecti sunt. Purpuratis Meleandri curae fuit, ut Sardiniae Optimatibus illa vespera bene esset. Praebuere certatim hospitia, adeo omnis generis officia cumulata, ut vix belli quod arduum instabat, meminisset hilaritas.

At non Archombroto laeta haec erant, sibi æmulum advenisse cogitanti, quem à Rege & Argenide non amari nefas esset. Ergo dum cæteri Radirobanis amicos excipiunt;

cipiunt; ipse specie utilioris curæ discedit ad mœnia, quasi excubitores per omnes speculas Regis nomine aditurus; ne vigiliis solveret auxiliorum fiducia: Sæpe immatura gaudia aditum hostibus ad nocendum præbuisse. Atque ubi frequentiam evasit multo ante molestim, cœpit in longo & vacuo aggere spatium temere inclinatis cervicibus, nexisque lacertis, & ad pectus obnoxie adductis. Nunc amens stupebat; nunc simul videbat innumera incertus quid cogitare, aut unde dolere inciperet. Et, O Deos, inquit, ultores! Tu enim Poliarchum odisti, tu hominis quem charissimum habebas reditum intervertisti, ut æmulum graviolem acciperes. Quam male Radiobanes successit Poliarcho? cui me hoc pectus, hi lacerti, sed maxime amor, parem fecisset. At Radiobani quis me impetus, quæve virtus æquaverit? Non modo sibi nixus, sed tota regnorum suorum fortuna, procedit in certamen, verius in me quam pro Moleandro aut in Lyco-genem. Quod si Argenidem amo, istum (ô dolor) necessariam ferentem auxilia non licet averfari. Tu ignavus amator nesciisti mereri quod optabas; ille invenit quo prius beneficium afferret quam posceret.

Sub hæc sui incertus, & grandioribus vestigiis ferociter obambulans, silentium aliquandiu tenuit; donec jurgio cum for-

una restituto inter acerbos risus: En jam (inquit) tres in Argenide laboramus, tres in felicitatem quæ duntaxat unum capit sumus erecti, ego, Poliarchus, & Radiobanes, ut eos omittam, quos nihilo me esse saniores nondum intelligo. Miser! Non vides quotidie plures in hæc vora orituros? Nisi forte aut illa amari indigna est, aut solus es oculatus. Sed ceteris amovendis tempora sua erunt. Vide modo iste à Radirobane fluctus ne navem evertat. Incolumi Lycogene, intempestiva cum illo sunt odia. Certe præmium non auferet ante victoriam. At quot in armis vices sunt? quanto illo momento se fortuna in diversissimas retulit formas? Quid si fortitudinis ostentator exstinguetur in acie? Quid si Meleandro gravis erit nimii beneficii conscientia? Curandum est ut hæc in Lycogenem bella mihi apud Meleandrum honori sint, & in Radirobane rudimentum. Fraudandus interim animi impetus, ut cum quo meditaris dissidium placide vivas. In hanc mentem utcunque compositus, successit ad vigiles, monuitque ne turbati læticia stationum curam omitterent. Eadem Eurymedis cura, eadem Præfectorum omnium fuit. sed militum castigata securitas, tamen plerumque inter vina & coronas vigilabat.

Postero mane de belli ratione cum suorum primoribus Reges egerunt. Radirobanis

banis legiones erant adhuc in navibus: Nec ille ignarus suspiciosum fore, si cu-
peret validissimas in urbem copias induci;
sublevavit his verbis pudorem Meleandri,
qui id se vereri liberaliter dissimulabat. In
hac classe quæ stat in anchoris, charissime
hospes, octo millia gravis armaturæ mili-
tes advexi; funditores, & sagittarios, ad
millia quatuor. Equestris apud me juven-
tus est; sed pondere spatique absterritus,
equos in navibus paucos imposui. Si plu-
res dederitis, fessiores à nobis invenient.
Cæterum, ne Lycogeni diutius sit impu-
ne, si placet, in terram exponemus exer-
citum. Et quoniam impeditum rupibus
littus solam per urbis promœrium viam
præbet, cohortes singulæ recipientur in
mœnia. Hinc ubi per aliam portam mu-
nimentis oppidi excesserint, castra quæ in
montis radicibus ponemus petituræ; rur-
sus aliæ, aliæque, à littore ad urbem con-
scendent. Præsidium ex tuis in utraque
porta erit, tam qua copiæ intrabunt, quam
illa quæ receptos evolvat in campum. Me-
leander tanta solitudine nihil esse opus re-
spondit; Nec quicquam à militibus timen-
dum, qui fuissent sub Radirobanis disciplina.
Custodes in portis si Radirobanes vellet
constitui, ex suis sane apponeret. Nūquam
se se tutiorem quam inter illius præsidia ar-
bitraturum. Tali utrimque colloquio proli-
xum de humanitate certamen Regibus fuit.

Sed ut Sardi, Balearesque, de classe in litrus effusi sunt, ad spectandos cohortandosque milites ambo in equis ad forum processere. Radirobanes, aurea arma purpurei saguli ambitu non tota contexerat; nudo capite, nisi qua fascia ambiebat. Meleander, & ipse armatus, longe constantiore majestate omnium oculos & studia trahebat. Primi funditores urbem ingressi sunt: Baleares hi erant, tribus quisque fundis armati. Nulli tunc genti ejusmodi habendarum major peritia; quam scilicet unam colebant à puero. Dicebantur excipere in aere aves, & in probris numerare, si quem ictus fefellisset. Sequebantur vexilla Sardorum, qui Punico more, ex gentis vicinia, armati, lævigatis atque ingentibus clypeis tegebantur. Gladii breviores pendebant ex balteo, quo consumtis jaculis uterentur; Cassides plerunque ex ære, verticibus in urfarum leonumve rictus horrentibus. Tantum exercitum ægre illa dies transmisit. Archombrous atque Timonides in Meleandri castris erant, qui hospites ab urbe in præparatum vallum descendentes exciperent. Novum illi aggerem excitaverunt, valloque, quod Meleandri milites præbuerunt, aucta castra cinxere. Largus fuit à Rege commeatus jussique Siculi partim ad Sardorum cœnam ire, partim in suis illos tentoriis provocare ad epulas.

Longe alia facies in Lycogenis castris. Quippe postquam de Radirobanis & auxiliorum adventu certa fide relatum est, plerisque metus insaniam excussit. Quid in Regem essent ausi tum demum intuebantur. Subjiciebat paventibus sollicitudo, adesse jam Deos violatæ ultores majestatis: & consternatio animi in omnibus, etiamque vulgaribus rebus, dira omina inveniebat. Auxit hos metus alacritas Regum, quibus maxima erat virium suarum fiducia. Quippe pūduit tanquam obsessos in urbe considerare. Promoverunt itaque castra à radicibus montis propius hostem, ut, si prælium detrectaret, vel pellerent vallo, vel fossis incingerent. Causa, & Imperatorum majestas, magna sæpe in bellis momenta sunt. Regia castra, majori auspicio venerationem invenerant, Meleandri & Radirobanis tentoriis per summi imperii insignia late surgentibus. Hinc eorum militibus spes acrior subjiciebatur; inde hostes ad suæ militiæ ignobilitatem jam laxatis animis respiciebant. Sciebat quoque Lycogenes nihil optabilius sibi quam prælio experiri, priusquam altius timor in suorum mentibus perciperetur; gaudebatque id ipsum Reges velle. Adhuc enim incerta lux erat, cum ex regiis castris educi ad pugnam exercitum, exploratores ad eum retulere. Ne itaque remoraretur vir acer, in tentorii culmine coccineam

tunicam committendi prælii signum exposuit. Per varia deinde castrorum ferebatur; nunc militibus, nunc præfectis spes & animum fronte, verbis, habituque sufficiens; Quid metuerent tot victoriis clari? An Meleandrum veluti ex fuga reprehensum; an peiraticam Sardorum insaniam, qui non tam propitii Meleandro in Siciliam appulerant, quam ex bello prædam quærentes? Si inclinabit victoria ad nos, inquit, properabunt egregii auxiliares Epeiræten spoliare, & in suam inde classem relati, circumferentur ad alias fraudes. Ac etiam ut illis fides sit integra; at num putes pro ignotis & externis sanguinem gnauiter duros; cum præsertim sint à nobis in quos pugnandum est, nulla rixa lacessiti? Destituent sua fuga Meleandrum, si vos senserint viros, si quicquid minantur experiri inceperint, denique si cogitabitis; in omnibus quidem bellicis pericula esse, at raro tantæ laudis offerri materiam, ut duo simul Reges inter spolia aut captivos possint haberi.

His dictis cum milites processissent extra vallum, caninum catulum de ritu Spartano (nam originis milites admonebat) Marti Enyalio immolavit; & esse litatum emptus aruspex in manipulis sparsit. Acies autem eo modo ornabatur. Dextrum cornu frater Oloodemi Menocritus ducebat, partium studiis & privato dolore

Regi

Regi hostis. In lævo, quod paludibus tegebatur, tyrones & mercenariorum suspectos Lycogenes locaverat, Nabide duce; ut intercepta fuga animos ad vincendum acueret. At ipse dilecto suorum robore in medio erat, equo sublimis, vultuque terribili, quem tor simul affectus in incerto sceptri vel mortis incenderant. Expectabat ut hostis copias, ut apparebat, instructas admoveret, cum ex Meleandri acie visus quidam in equo procedere, quem modico intervallo pauci milites tanquam ad præsidium sequuti sunt. Is confecto plus medio campo, longe à cæteris stetit solus; & vario corporis motu videbatur postulare colloquium. Misit quoque Lycogenes haud imparem manum, unumque qui præiret, seu colloquendum esset, seu certandum, idoneum. Conjecerat ex juventute Meleandri, aliquem esse, qui singulari certamine prælium partium præcepturus, parem ex hostibus superbe flagitaret; cum ex illis quos explorandæ rei dimiserat, unus redit; publiceque renunciat, hunc à Meleandro cum caduceo & infulis esse præconem. Mira expectatione acies tota dirigit; quid hostis armatus nūciaret: quæ fœdera, quæ commercia jam telo erecto mutuas cædes ferentibus. At præco, postquam habuit qui audirent; Rex furoris præteriti, inquit, gratiam facit, siqui defectionis penitentes ante vesperam in ipsius castra

castra transiverint. Quicquid hætenus est delictum, nullum forum, nulla lex vindicabit. Hanc veniam, sua fide publice sancit. His dictis, schedia, in quibus eadem referebantur, plenissima manu spargit, versisque habenis ad suos, qui haud procul expectabant, revertitur. Milites plus viginti illas voces acceperant, quibus ad suorum ordines reversis, statim fremitus per cohortes increbuit interrogantium, proximi ve narrantium, quid præco attulisset. Et Lycogenes cum præter spem hæc avide à multis audiri frenderet, dissimulato metu; Meleandro, inquit, parendum ô milites. Ad illum, sed armatis, eundum est. & accipio omen quod ad sua castra nostros exercitus invitat. Spes est in iis nos hodie victores accubituros. Inter talia, suorum curneos adhortanti relatum est, Reges eodie potestatem pugnae non facere. Sed exercitus partem locavisse in tumulum, qui ante castra erat; excepturos si qui ab ipso deficerent. At ille, Eliciam, inquit, ad pugnam, sollicitatores fidei nostræ, cogamque jam, viribus, non improba arte, decernere. Ite sub suis quisque signis, ite milites, Diis volentibus, & jam sua confessione impares vobis opprimite.

Sed ægrius miles imperata exequebatur. Inter se mussantes videbat, & in pluribus impetum fractum; utique postquam primus Acegoras ausus est deditione experiri

periri Regis fidem. Vir egregia fama, clien-
 tibus & stirpe præcipuus, minus suo quam
 temporum vitio sequebatur Lycogenem.
 Gnarus ergo ingentis gratiæ locum pate-
 re occupanti, cum quadraginta fere mili-
 tibus & amicis aliquot erupit; emensoque
 qui interjacebat campo, ad primam Me-
 leandri stationem posuit arma. Tum ad
 Regem deductus; Desertoris nomen, in-
 quit, hoc facinore non metuo, ô Rex. Ab-
 scedo enim ab adulterina militia ad ju-
 stum imperium; errorisque in te mei sola-
 tium habeo; quod tarde cû factiosis con-
 junctus, ad officium redeo omnium pri-
 mus. Rex paucis collaudatum, monitum-
 que, quia viam cæteris prævisset, præmia
 expectare, ad Archombrotum mittit.
 Mandatum huic erat, cavere ne reconci-
 liationis nomine pejora pararentur. Igitur
 in campum eductos qui regiis castris erat
 obnoxius, fide interposita incolumes fo-
 re, inermes constituit. Acegoræ tamen,
 duobusque præterea, in honorem generis
 reddita arma, iidemque haud procul à
 Rege adjuncti purpuratis.

Cæterum apud Lycogenem haud ob-
 scure omnium ordinum fides nutabat.
 Multi per circuitus dilabebantur. Hi com-
 militones sequebantur, illi trahebant.
 Tandem Lycogenes ex re rapto consilio,
 subitum de cespitibus tumulum conscen-
 dens, edixit ut ad concionem saltem silen-
 tium

tium afferrent. Et mox; Nam quo vos, inquit, nomine appellem? commilitones? an, quod abominor, hostes? Sed quocunque vos titulo censerî æquum est, ne quis infames, ne quis desertores militiæ dicat; missionem facio. Solvite cingulum; abite domum, cives. Neque in mei gratiam ad bellum coiistis; sed opera mea & consilio usuri. Iam vero remitto sacramentum, desino vobis incolumitatem præstare; quia invitis beneficium facere, sæpe pro tyrannide habetur. Vos incolumes, vos victores esse volueram; & jam prope eratis. Nunc turpi confessione ignaviæ hosti perculso atque irato cervices subjecitis. Quis Pan? quæ furia animos lymphavit, ô milites; Absolvebat vos justissima causa, quos pœnitentia nunc sponte reos facit. Miseret me sortis vestræ, plusquam pudet levitatis. Ite sane; ite instar victimarum; sive Meleander ira receti perire vos volet, sive ad securiorem vindictam servabit. Ego cum intactæ fidei viris rempublicam non deseram: & Meleandri in vos perfidiam, inimemor quid hodie meriti sitis, ulciscar. Et Diis quidem gratias habeo, quod ante certamen secernere à fortibus viris voluerunt lubricam vestram fidem. Potuissetis in ipso discrimine bonos milites permovere, quos jam habitu vestro lustrabitis. Absit enim tam male Siciliæ consultum sit, ut non plurimis restet integer animus.

animus. Hos jam vultu, hos alacritate se-
cerno; videoque plus indignatione vestri
erroris, quam ejusmodi commilitonum
jactura commoveri.

De suggestu inter hæc descendens, po-
testatem iterum fecit si qui vellent abire.
Tanta libertas paulo ante charissimi ducis
plurimorum pudorem excitavit. Itaque
multi illius partes obstinavere; maxime
qui conscii sibi erant præter civilis defe-
ctionis fas aliquid peccavisse; aut quorum
egestas pro supplicio metuebat inopem
pacem. Interim alii passim excedebant
manipulis; & nunc viarum anfractibus,
nunc publice, & per compendia, signa Re-
gis petebant. Non pauciores quindecim
millibus sui deditionem fecerunt, sæpius
asserente Meleandro, noluisse se tot ci-
vium morte victoriam emptam, quot sibi
ille dies reddiderat. Tanta clade perculsus
Lycogenes repetit castra cum illis quo-
rum fidem probaverat cæterorum defe-
ctio. At Reges incruenta fœlicitate sic po-
titi, vix gratulantibus sufficiebant, dexte-
ram, chlamydem, equum, ipsa vestigia,
omnibus pro cuiusque sortetangentibus.

Redeuntes in castra omen etiam exce-
pit, quod maxime vatibus placuerat. Cum
enim tentorium Meleandri incommodo
loco positum famuli in editiora transfer-
rent, fierentque exiguæ fossæ statuendis
stipitibus, quibus religatum tabernacu-
lum.

lum niteretur, reperta sunt aliquot ossa, corporis quidem, ut videbatur, humani, cæterum longe assuetam hominum illius sæculi mensuram vincentia. Nec dubium quin alicujus de gente Cyclopum reliquæ essent. Continuo Augures interpretati sunt, omnes Sicilia vires subjici Meleandro; Cum nihil in ea fuisset validius Cyclopibus memoretur, qui tabernaculo Regis subiecti, seipsos denique tradebant. Nondum intra aggerem Meleander & Radirobanes erant, cum hæc illis immensorum corporum frustra gratantium vatum adulatione ostendit. Plus inde stuporis Radirobani quam Meleandro fuit, non tunc primum ossa Cyclopum contemplanti. At Radirobanes, qui antea ipsam Cyclopum memoriam in fabulis habuerat, cum & ossa contrectaret, & videret Meleandrum vix ad spectaculum, tanquam haud insolens esset, moveri; sciscitari impensius institit, quæ gens illa Cyclopum, quibusve moribus, unde orta, quomodo periisset: Et Meleander, qui belli atque castrorum cura Eurymedi tradita, ad securitatis regiam speciem, variis hilariter sermonibus vacabat, Sardis maxime circumfusus, lætusque de suæ Sicilia monumentis interrogari, dum in castra procedunt, sic orsus est. Cyclopum omne genus quidam ferum fuisse, & sylvestre; alii non Deorum modo cultores, sed & sanguinem, putant; Primos tenuisse

nuisse has sedes; simplicibus legibus vitam inter se agitavisse. Illud in confesso est, excessisse humani corporis mensuram. Et hinc exteris forte error; ut cum isthuc appellerent, in immanibus corporibus impias mentes latere crederent, aut nec colloquium ausi, in ipso terrore spectaculi toto remigio abirent à littore. Præter cætera, ne eorum mores damnem, facit vetus Græcorum religio; Apud quos in Isthmo Corinthiaco ad veterem aram Cyclopibus tanquam cœlestibus fieri mos est. Vnde his ortus, quæ leges, quæve facinora, rudis ætas involvit, nisi quod maxime insederunt Ætnæos & Leontinos specus, quodque genitos Neptuno jactatum est; quem plerumque immanibus viris patrem nostri majores fecerunt. Nec mirere, tam pauca duravisse ab intima vetustate eorum vestigia. Quippe & priores Saturno hic regnarunt, à quo sunt tot ætates, ut Chamæfæni, quod præcipuum oppidum condidit, dudum ruinæ exciderint. Sola de Cyclopibus sepulchra supersunt; sed & illa plerumque in antris, quorum ora vel voraginibus mutata, vel cumulis ruinarum celata sunt. Sæpe tamen in illa imprudentes incidimus. Quantæ illæ cadaverum moles? quis in extinctis frontibus vigor? ac quam denique ora fabulis suis digna? Haud procul Syracusis venatum exiveram, cum in campo, quem

Gereatem dicunt, canis sagax, tanquam
feram indagaret, ad incognitæ speluncæ
ora se penetrat. Pertinaci latratu cum nos
illuc traxisset, video antri intactum hor-
rorem, ad quem veluti sacrum exhorruui.
Subiit inde animus ulterius explorandi id
quod Dii obtulerant; sentibusque utcu-
que dimotis circumspicio à limine quic-
quid lux tenuis & eo tantum aditu ac-
cepta aperiebat. Locus defederat in pro-
fundum, ducebantque in imum saxei gra-
dus. Illatis igitur facibus cum exiguo co-
mitatu subeo terram, frigore, & solitudi-
ne, grave aliquid inspirantem. Angusto
progressi vestibulo, tandem in patentiora
successimus. Pandebatur late specus. To-
phi sublimes, laterumque exudantium
curvatura nitebat pellucida crusta & cri-
spatam gelu aquam imitante. Ingens erat
in medio saxum, quod illic, ut ex radici-
bus constabat, natura posuerat: Id vero
terribili prodigio onerabatur. Timeo pro-
loqui, mi hospes. Nam quid sperem apud
te fidem, qui hisce oculis & manibus vix
credo? Dicam tamen, ut vel mihi persua-
deam ipse quod vidi. Iacebat supra saxum
terribilis moles ad membrorum humano-
rum distincta figuram. Sola magnitudo
vetabat pro cadavere id haberi. Tarde igi-
tur accessimus; diuq; sive monstrum hoc
esset; sive Deorum aliquid, manus non ad-
movebanus. Caput adhuc non inviolatos
modo

modo crines, sed & vultus servabat. Ferox barba procumbebat in pectus, & à genis utrinque cum pari miscebatur cæsarie. Quid crura? quid lacerti? quid metarum instar pedes? Signum probe effectum (cogitabam) si hoc artifex figuravit: Sin naturæ opus est; unde jam imbecili, unde homunciones à magnitudine illa excidimus? Mox stupore, ut solet, dilabente, primus injecta manu, ausus sum quid hoc esset experiri. Sed quodcunque ad contactum pervenit, video in pulverem residere. Echinc facta cunctantibus fides, verum esse corpus humanum. Ac ne periret mensura, priusquam inter attrectantes solveretur, cadaver quam longum esset exigimus. Convenit inter omnes ad viginti cubitos pervenire. Tanquam Heroi sacrum fieri volebam, & inviolatum relinqui. Sed dum hæc cogito, sub meorum manibus, momento in cineres defluxit. Restabat occiput solum, arcusque costarum, & crura omnino paria mole quam fulserant. Ea meo jussu servata, charissime hospes, & pro Neptuni foribus Syracusis appensa miraberis. Ex Cyclopius fuisse non ambigo; maxime cum ad hanc pene mensuram aut interdum agrestes reperiant tota in antris cadavera, aut ossa inter egestam humum effodiant. Sed malui quibus ipse interfui apud te memorare. Neque Siculi mei, ut forte existimas, quæ

modo effoderunt ut eunque grandia ossa, ad nos ideo detulere, quod nescirent sæpe mihi majora diversis casibus fuisse oblata: Sed quia visum est Aruspicibus lætissimum monstrum, ea in solo esse reperta quod meo tabernaculo destinabatur.

Inter illos sermones ad locum pervernerunt, unde hæc fossiores eruerant. Cœnavit ea nocte apud Meleandrum Radirobanes: Adhibitique convivio fuere præcipui utrimque amicorum. Ecce autem dum pœnitentiam tot civium qui redierant ad Regem, omnemque illius diei fortunam sermonibus celebrant, intrat cum litteris ad Meleandrum miles. A Præfecto Catanæ veniebat inusitatae fœlicitatis index. Quippe Catanam Regi fidissimam Anaximander Lycogenis nepos obsederat. Sed cum extrema imminerent, Ætna subito furore exarsuans, præter ingentem vim lapidum, & cinerum moles, tres ex liquidissima flamma rivos evomit; qui tanquam conductæ opera in Anaximanderi castra fluxerunt. Nocturna hæc strages fuit. Iacebant homines, pecudesque, machinæ, tentoria, arma, quicquid in cursu ignis torrens offenderat. Ea peste trecenti milites consumpti sunt. Anaximander, & ipse malo afflatus, postera die, amissis quæ ad inceptum necessaria erant obsidionem laxavit; cumque lætica ad Lycogenem referretur, erupere Catanenses, castrisque

cæsisque quotquot repugnare ausi sunt, ipsum quoque ceperunt. Iam Regem consulebant, quod fieri eo vellet. Hoc nuncio semel iterumque audito, in tantum repente gaudium tam convivæ, quam qui ministrabant, effusi sunt, ut non voci, non plausui temperaretur; secutique licentiam qui ad fores in statione erant, serpente lætitia, tota castra impleverunt. Non jam ferro, non viribus opus; ipsos Deos, ipsa pro Regibus elementa pugnare. Coronæ inde passim Deorum signis datæ; congestique in utrumque Regem flores; & promiscuo impetu, ausi militum multi non prætorium modo, sed & triclinium intrare.

Sedatis deinde gaudiis, Radirobanes curiosa sedulitate à Meleandro quæsit; Vnde illud ab Ætna in Anaximandrum auxilium; an credibile esset à solido monte posse tantam vim ignium efflari; quis in visceribus ardor, quis genius, quæ soli natura. Hic paucis docere Meleander, longe altissimum esse illum Sicilia tota montem, qui nativo sulphure, receptoque in visceribus vento exæstuans, impatientem custodiæ flammam per hiantis ruinas cacuminis attollit. Neque vero quotidianis ignibus (inquit) fervet hic apex. Sæpissime ater fumus est, per longa volumina cælum inficiens; favillas interdum aspicias huic mistas caligini. Rarius denique seipso

citatioꝝ turbo, proruentibus flammis, vicinam regionem fœde pervastat. Quippe spississimus ignis à summo emanans cacumine, torrentibus veluti rivis deorsum exigitur, in perniciem trahens quicquid occurrerit. Tunc vero graviora quam è cœlo tonitrua; & populis terror, ne, quanta est Ætna, se solvat, obruatque Siciliam. Nec minore quam pro tumultu prodigio, saxa ingentia ex montis visceribus hoc tormento in campos mittuntur. Adhuc fuligine plena sunt, totoque colore indicant ab incendio se venire: Cinerum deinde tanta vis ab igneo jugo; ut ad multa millia impetu primum suo, mox vento, circumlati, obruant alte campos, & deprehensas segetes enecent, solumve corrumpant, ad sementem deinde inutile. Ita faxis, cineribus, & maxime flammis, non tantum armenta hauriuntur, vel casæ pastorum; Sylvam omnem hæc pestis, quacunque inciderit, necat. Tota opida sic interdum periere. Catana vix multi operis aggere se tutatur; Urbs inter montem & mare opportunis sedibus, & hæc pericula absint. A Lycogenis militibus obsidebatur. Sed ut audis nunciari, Dii hos ignes ex Ætna, supplicia antea nostra, nunc beneficium suum fecere.

Postquam desit Meleander, ipsa res, conviviique alacritas, sermones provexit in diversa. Quicquid in Sicilia dignum quod

quod nossent externi, memorabatur. Fabularum inde voluptas historiam abegit. Qui canes latratibus Scyllam ambirent: quæ Charybdi proluvies, quæve ora inexplata naufragiis. Acis inde infœlix amator de calido vulnere provolvebat frigidissimam aquam. Fugiebat Galatea saxa Cyclopi, non sine aliquo metu narrantium. Ab Elide alter armator subibat incorruptus, & Arethusæ pernicitatem prosequabatur. Cadebat sub Hercule Eryx, & maledicebat cæstibus Venus. Religiosa etiam repetebant, facili in Deos inter convivia pietate; Qua Insulæ parte erupisset ad conubium Pluto; quæ horridi currus signa; quæ dimotæ ad exeuntis impetum rupes: Vbi rapta Proserpina, ubi sarta, ubi zona illi exciderit; in quem cespitem primum sese Cyane fluere sit mirata: Frustra usurpare Eleusinos aliena monumenta; nec prope Cephissum, sed à Sicilia fuisse Diti viam, qua dotalibus umbris sponsam inveheret. Terrores inde Cereris referébantur, & nocturna religio, quæ tædas planctusque secretos initiatis credit. Primam noctis vigiliam inter illos sermones cœna consumserat; quod, ex tuba ut constitit, imperavit Meleander ultimam mensam tolli. Sed de convivio consurrecturos, jamque libantes Mercurio, subito ferox clamor, unoque per castra tumultu terribilis, longe alio motu complevit.

LIBER III.

CVM in castra jam pro militibus laxa perturbatus Lycogenes intrasset, ferox mali insania, & mox necessitatis ingenio, ultimis consiliis aperire animum cœpit. Inclinatam rem, nisi statim erigeretur, sisti non posse; Noctem si suis ad cogitandum dedisset, forsitan tutiora sequuturos. Quid vero si nec simplici defectione contenti ex sui ducis captivitate præmia apud Meleandrum quærerent? Infœlicibus inimicos omnes esse. Sed nec nova auxilia jam sperari; nec aperta vi se Regibus parem fore. Belli furto igitur opus, dum restabant quibus adhuc impetaret, & recenti gaudio cuncta in Meleandri castris fervebant. Oppressurum forte incautos; & in partibus esse noctem, illatos tumultus geminaturam. Celere salutem exitum pro beneficio fore pejora metuenti. His secum exactis primores amicorum advocat; ostendit hostium castra. Et quid agere jam creditis, ait, immerito suo victores? Gaudio marcent; & inter suas infusas tanquam victimæ opprimi possunt. Age modo & transfugarum nostrorum beneficio utamur. Laxaverunt suo adventu, tanquam bello jam confecto, quicquid nervorum erat in hostibus. Superveniemus ergo incautis; & quo plures sunt, eo magis confuso exitu se ipsi

ipsi onerabunt. Nemo fuit cui non videretur solertissime dicere. Ad suos igitur quisque digressi, monent ut sufficere modo velint Diis vocantibus. Offerri victoriam contra felicitatis impotentes. In solutos, vinoque depositos, esse cundum. Iram deinde acuebant; Et vero ferendam ab iis omnem cladem quam non priores intulissent. Tenebræ, & dulcedo fallendi, ad alacritatem plurimum erant: multisq; magnitudine criminū à spe veniæ exclusis, strenue aut mori aut vincere placebat.

Cum igitur provecta nox esset, bipertito agmine, quo latiori terrore hostem obruerent, iter ingressi sunt. Via erat per patentem facilis campos, & ad ipsa hostium ducebat prætoria. Per eam Lycogeni placuit ire. Angusta alia, sed propior, dumis plurimum regebatur. Hanc iniit cum parte copiarum Menocritus, lentissime progredi iussus, nec aliquid ante movere quam præliantem cum statione Lycogenem ex tumultu cognosceret: Tunc & ipsi multo clamore in vallum niterentur; quippe dilapsis in Lycogenem illarum stationum militibus, nudum latus subito occupaturi, vel averfuri saltem ab eo aliquam belli partem. Plus duodecim armatorum millibus hoc bivio in Meleandrum ibant, haud impar ad spem victoriæ exercitus; maxime in necessaria fortitudine feracior. Et silentio quidem vivere, donec in

vigiles subito cursu irruerent. Tum vero quicquid ad horrorem valet impigre cumulaverunt. Tubas & tympana ex composito plura quam pro usu portaverant. Accessit inconditus clamor se mutuo ad victoriam invitantium.

Iamque pellebantur stationes; cum qui proximi in tabernaculis erant subito metu attoniti surgunt ad arma. Sed accenso per tentoria tumultu, maxime à somno aut vino venientes, se ipsi incondite premebant: Territi, semiermes, sine imperio aut consilio palantes: Quæ tam subita clades? Quis in castris grassaretur? An externa hæc pestis, an domesticum prodicionis nefas? Multi arma, fugam plures meditantur. Neque satis ad signa poterant convocari, misti tumultui, & inter tenebras licentius metuentes. Convivantibus Regibus, famam mali simul clamor simul nuncii attulere. Nec quid certi nunciabatur, nisi ad portas castrorum pugnari. Radirobanes à suis in tentorium raptus, cingitur armis. Eadem circa Meleandrum cura erat; cui ad secretum vocato Archombrotus toto ore interritus; Si pateris, ô Rex, ego hac nocte tuo periculo defungar. Quid juvat tenebris te committi, & pugna; quæ unde sit, aut ubi, adhuc nescimus? Subduc tuam senectutem, ex qua tot mortalium salus pendet, sive hoc prælium est, sive fortasse insidia.

Si pla-

Si placet, auspiciū tuum subibo, meaque
 fortuna, si quid in tuum corpus paratur,
 excipiam. Arma tua, & chlamydem con-
 cede. Tu per portam quæ ab hoste averſa
 eſt, egreſſus, cum delectis aliquot militum,
 ad neceſſaria pericula te ſervabis. Placuit
 fraus illa Meleandro, fidemque miratus
 per propria discrimina capiti regio caven-
 tis, tradit juveni ſua inſignia. Ipſe in igno-
 ris armis ad portam cum pauciſſimis ela-
 bitur. Apice ergo & purpura inſignis Ar-
 chombrotus, cum iis qui conſcii fraudis
 erant tabernaculo egreſſus ſerebatur, qua
 pugnantium clamor vocabat. Præcipita-
 tio, & quod intra caſſidem vox incluſa
 ſuum genium non ſervat, vetuere ne qui
 loquentem audiēbant, intelligerent non
 eſſe Meleandrum. Vbi vero ruit in pu-
 gnam, omnes non tam in hoſtem quam
 pro Rege accenſi ad ſubſidium properave-
 re. Lycogenes vallo recifo occupaverat
 turrem; neque paucos ſuorum in eam re-
 ceptos ulterius effuderat. Iamque in pri-
 mis viarum anguſtiis per caſtra pugnaba-
 tur, cum ferro Archombroti tres conti-
 nuis iſtibus ceciderunt. Qui circa illum
 erant; Regem ſenem in hoc robur valuiſſe
 credebant, & amulis per lætitiā viribus
 pugnantem ſequebantur. Eo impetu ter-
 ritus hoſtis pedem verſus aggerem refer-
 re cœperat; Cum ex alia caſtrorum parte
 auditus eſt Menocritus, & ipſe cum ſuis
 ingenti

ingenti ululatu noctis & belli pavores ingeminans. Dubio & multiplici malo territus miles, regi ægre jam poterat; cum Radirobanes strenue ad illam periculi partem conversus est. Occurrit ergo Menocrito, repellitque cum eo irruentes. Sed illi non periculis non vulneribus tardati, sola morte sistebantur. Nunc in propugnantes erecti, nunc alternis tecti clypeis, & pertinaci testudine succedentes ad aggerem. Atrox facies rerum. Hinc Archombrotus jam receptum intra castra Lycogenem sustinebat; illinc Radirobanes arcebat Menocritum. Vtrinque infesta nox, incertis per tenebras quid oppugnare potissimum oporteret, vel tueri: donec Lycogenes in proximum tabernaculum facem emisit, suis admonitis, ut passim castra incenderent; Hostem cum suis sarcinis conflagrantem, sibi ad victoriam lucem daturum. Contra regius miles confestim diruere vicina incendio tentoria, ne ulterius diffunderetur incendium. Adjuvitque sollicitus imber, qui impetu fusus, malum compescuit. Sed & lubrica inde terra fallabat subinde militum pedes, neque certos ictus esse patiebatur. Nocte inter mutuas cædes exacta, tot corpora quæ jacebant, tantum sanguinis fusum, & omnia strage immania, calidos furesque exexerunt in rabiem. Tanquam primum ad certam eoiissent, toto impetu implicabantur,
vide-

videbaturque singulorum potius odiorum crudelitas, quam publicarum partium esse certamen.

Iamque non diutius sustinebat Meleander abesse à suorum discrimine. Ergo ultima ausurus, jussit Archombroto nunciari se esse in procinctu. At ille Eurymedi: Si Rex cum suis advenerit, inquit, laborabimus multitudine, ô Eurymedes. Castrorum angustia tot propugnatores non capiunt. Prestabit ex his ipsis quos nobiscum habemus educere, qui improvise circuitu terga hostium cédant. Nam quid equitatus noster cessat? quid arcus inter tentoria ista compressi? Facile Eurymedes assentitur Archombroto; delatusque ad Regem, quid è re præsentis sit, monstrat; simul partem copiarum per aversa castra deducens, cum ipso ad includendum hostem convertitur.

Lycogenes intellecto periculo (jam enim ultimam suam aciem circumveniri audierat) tamen ab hostibus quos habebat à fronte, in Meleandrum averti non voluit, ne species fugæ esset: Sed ad Menocritum mandata dimisit, ut quam ocyssime illuc suos inveheret. Cum ille pareretur, Radirobanes recedentem insequutus, partem secum exercitus eduxit. Multa planicies, & explicandis militibus apta erat: Illic ergo Menocritus in Meleandri & Radirobanis medio deprehensus, &
utrim-

utrimque in arctum compulsus est; Balearicis sagittariis & Siculo equitatu in aperta demum pugna valentibus. Hi cursu effuso, illi contentis arcubus, prope simul longeque turbabant. Tunc vero Lycogenes, gnarus, si cum copiis deleteretur Menocritus, de partibus esse actum, frendens, & animi impos, co vexilla omnia ad ferendam opem egit; obliquo tamen cursu, ut & latus infestaret Meleandri, neque terga insequenturo Archombroto præberet. Nec segnius Archombrotus laxata casside vultus exeruit. Et sum, inquit, sum Archombrotus, Commilitones. Dii bene quod Patroclo foelicior sub maioribus armis fefelli. Regis iussu quos videtis cultus sumpsi, ne frustra nocturna discrimina subiret. Si salvum hunc vultis, bis vincendus est Lycogenes. Iam enim in Regem contendit non tam quod victoriam illic speret, quam quod hic victus est. Tamen à furentis & morituri impetu Regem eripite.

Post hæc dicta, qua direptum à Lycogene vallum erat, prorupit; & acies acclamationibus exultans, ducem sequuta est. Nihil vero illo certamine crudelius. Alternis cohortes fugiebant, & sequebantur confusa late signa: non frons, non terga aciei, non latera aut cornua erant. Surgebant acervi cadaverum, & per ipsa mortuorum vulnera vivi pugnabant. Meleander supra ætatem fortis inter militarem

rem audaciam ducis oblitus videbatur. Circa illum Eurymedes & Arsidas, eximia virtute simul intenti ad certamen, & Regi metuentes. At Radiobanes propria ferocia, præmioque quod sperabat accensus, omnia audebat. Nunc hostium turbabat ordines, nunc vulgaribus non contentus periculis, quacunque rem perplexam aspiceret, impavidus effundebatur. Sed non idcirco hostes cedebant. Rabiēs, & quid de Rege meriti essent nihil fallens conscientia, multum ipsis commendabat nobiliorum in acie mortem. Eminentebat Lycogenes notissimis armis, & per suorum ordines ferebatur, collaudans milites increpansque prout cujusque exigebant facinora; strenueque, si qua lababant, hostium cæde restituens. Tandem Archombrotus, inter ipsum pugnae ardorem, animum sumpsit ad facinus supra omnia quæ in acie edebantur eximium. Vrebant juvenem & Radiobanes æmulus, & hostis Lycogenes. Itaque vicino Timonidi curam dedit eorum quos ducebat; Ipse cum suorum aliquot avide ruit qua pugnabat Lycogenes. Et ille se quæri indignatus, ultro in venientes prorupit. Prior Archombrotus hastili in pectus impressio cum frustra illius clypeum tentavisset, haud mora grandi ab eo bipennis ictu sine successu excipitur. Uterque dexteræ suæ iratus, telisque absque vulnere redeun-

redeuntibus, fatali quodam artu efferbuit. Ac dum repetunt ictus, dum armorum aditus vestigant, Archombrotus moræ impatiens quam proxime equum admo- vet, subitoque amplexu Lycogenem li- gans, simul ab ipso astringitur. Inter hos nexus mutuo pondere ad terram ducun- tur; Eoque in lapsu, virtute & industria Archombroti evenit ut Lycogeni incide- ret. Plurimi militum uno turbine luctan- tes oppressere; hi Archombrotum, alii Ly- cogenem sublevaturi. Versabat se in arena Lycogenes obligatus tiliarum & lacerto- rum hostilium articulis. Sed Archombro- tus, quamquam multum inter turbam & ictus anhelabat, non passus attolli jacen- tem, brevi pugione repetiit vulnera qua lorica desinebat, donec cum constaret ex- spiravisse.

Vbi vero extinctum Lycogenem utri- que viderunt, longus clamor dissonusque exortus est, his de victoria exultantibus, illis horridum ejulatum in proximorum funerum confessionem tollentibus. In- cumbit attonitis acrior cum suo milite Archombrotus, terroremque per illorum aciem late circumfert; utique postquam decisum Lycogenis caput arrepto capilli- tio alte concutiens, de clade dubitare non passus est. Sat deinde quassatum ad Me- leandri pedes projiciens: En, inquit, jam tranquillum Lycogenem, & cui fidere,
ô Rex,

Ô Rex, possis. Pari exitio cæteri hostes, quotquot clementiam tuam nolent, Deorum severitatem experiantur. Meleander Lycogenis caput aservari præcipiens, in trepidos & dilabentes inVectus est. Iam enim totis campis non certamen, sed strages videbatur. Nemo ferebat ora victoris, aut révocantem audiebant Menocritum. Quidam montes ad fugam petiere; alii locorum periti in proxima antra; plerique qua metus & fortuna ferebat, improvidi errabant. Nonnulli cursu exanimes procumbebant in terram, mox fœde insequentium equorum ungulis protriti. Nullis in miseris casibus ruina perpercit; Raddirobanes fugienti instans Menocrito, ex armis & galeæ apice cognitum capi præceperat. Nec ille, jam fuga prærepta, ignaviter certabat, donec capto, subitisque astricto vinculis, non modo non in hostem, sed nec in se sæviendi copia fuit. Vespera erat, priusquam se ad Meleandrum omnes ex persequendo hoste reciperent. Et Rex, quamquam peracto jam bello, in castris per tot mala corruptis pernoctavit. Sed prioris noctis furæ inquieta gaudia suspenderunt, appositis undiquaque vigilibus, ne qua bellum resurgeret.

Nicopompus licet de prælio erat lassus, tamen nescio qua hilaritate compulsus ad carinen est: lætitiæ impetu ad eum furorem sponte vergente, qui rapta

vatum ingenia Diis miscet. Ergo sive quomaturius gratularetur suo Regi, sive ut ex celeritate æstimaretur industria; forte etiam ut ineptos poetas terreret, haud dubie nisi statim arcerentur verbose cruciaturos victoriam; paucis horis condidit istud carmen, tradiditque filio, adhuc scilicet prætextato, qui id Regi primo manerantquam suos labores porrigeret.

Vicimus, ô magnis tandem exaudita piorum

Vota Deis. Nunc alma Salus, nunc sacula curat

Iuppiter. Omnis iô Superum domus, omnis honores

Ara ferat, nullaque vacent à fronte corona.

Viderat infidos late se vire maniplos

Armipotens, Siculasque rapi vertigine mentes.

Quamquam se vult amat ferrum, quamquam ardua multo

Sanguine tela madent: semperque ad frenatumultus,

Et furor, & fracta vastis in mortibus hasta:

Hastamen invitus strages, hac funera vidit;

Tunc primum iratus bellis, ex quo improba cælum

*Terra Gigantea tetigit formidine pugne,
Et Pallenis Superis iudastis in arvis.*

Ergo

Ergo animis vultuque calens, & grandior
ira,

Terribilem dextra pinum, lavaque fremen-
tes

Exhortatur equos. Vix Thracia liquerat
arva

Phryxeosque sinus, & jam nostri alta Pa-
chyni

Torvus in aspectu pulsabat littora curru.

Tempus erat, quo mistæ acies, infensaque
signa

Certabant, Regisne forent, hominumque,
Deumque,

Iura soli, an nostris rebus regnaret in oris.

Iam partes, Meleandre, tuas, jam numine
toto

Aucturus, volucris Mavors se nube tegebat;

Cum medio obstupui carsa, librataque tela

Continuit; Rapi li vix audivere jugales

Imperium, & prono non sat stetit orbita
cælo.

Tunc sic ore loqui. Quanam hæc spectacula
belli?

Invi'eam, læterne magis? Nil Marte fa-
venti,

Nil opus est. Vincent, sed non heu munere
nostro,

Quis vicisse velim. Virtus hæc fata peregit;

Indulsi'tque suis. Quanam hæc sub ca'side
sanctæ

Canities? Tane his animis annisque veren-
dus,

*Tu pugnas, Melandre; & nondum deficit
hostis?*

*Talus sydereâ quondam Saturnus ab arce,
Assertor si stare sui, si bella subire
Nosset, adhucque recens dextra terrere peri-
clum:*

*Non Latio celandus erat, non aurea nostro
Sub Iove mutatis liverent secla metallis.
Quinam autem (ô animos! ô nostram aquan-
tia sortem*

*Pectora! & emissâ plusquam mortalibus
hasta!)*

*Quinam illi mediis victores hostibus ar-
dent,*

*Impelluntque acies? Parili-quam fulgurê
cassus*

*Emicat & geminos mors effera surgit in en-
ses!*

*Nempe ambo externum Siculis genus; ambo
triumphos*

*Adproperant Meleandre tibi. Sardoâ ve-
rerur*

*Hunc dominum tellus, Libycis hic venit ab
oris.*

*Maeste animis gens ambo Deum; Vos omnia
fama*

*Secla manent, donec vestris servata lacer-
tis*

*Insula spumantes circum teret altior un-
das.*

*Quid reliqui, quid deinde duces? quid syde-
ra miles*

Prome-

*Promeritus? Vade celeri Victoria gressu,
Sudantemque tua lauro deterge laborem;
Vade lubens meritoque para subvecta
triumpho*

*Te simul & magnos populis ostendere Re-
ges.*

*Dixerat Armipotens: Et jam fuga de-
via cætus*

*Fregerat hostiles; Diriductu impia cervix
Iâ summa Libyci stabat victoris in hasta;
Cum fragor humano major scidit æthera
vastum,*

*Et plausu Superum, & furiis ululanti-
bus hosti.*

*Ista loquebatur Phæbus mihi, & iste tu-
multus*

Eripuit noster dixit quæ cætera Phæbus.

Rex quamquam occupatus, dum mane induitur, totum carmen perlegit; cum Nicopompo jocatus, quod adhuc rudem filium substituebat in gloriam suam. Misit deinde ad Radirobanem, qui referrent an jam adiri posset: Nec multo post cum procerum cætu ad illius tentorium contendit. Ille quamquam auxilii, quod Sicilia præstiterat, editæque fortitudinis, plus justo erat memor, inter hunc tamen superbæ lætitiæ tumorem ægritudine macerabatur, quam ingerebat Archembroti de Lycogene victoria. Tanto invidiæ supplicio inculcatus adivit Meleander, humanissime acceptum beneficium

commendans, Sardisque imputans momentum armorum. Victoria nostra (inquit) ó hospes, tui operis est. Ego restitutis à te rebus cum utar, sæpius meminero hæc à te accepta quam cogitabis te dedisse. Fruere interim bonis auxilio tuo partitis, & ex lætitia populi intelligas quantum nobis præstitis. Radirobanes, quamquam nimium ratus vere hæc dici, publice vetat Regem ipsius verecundiam onerare. Cause enim & felicitàti Meleandri omnia deberi: Se quoque beneficium accepisse cui sanctissimis armis misceri licuerit.

Sic inter se loquentibus nunciatur, Argenidem ad castra pervenisse: Illa pridie in Epeirætes mœnibus, unde pugna poterat prospici, non lachrymis magis pepercerat quam sanguini miles. Decolor, & nunquam scèlicius habens, quam cum timor sensus extinxerat; nunc concedebat doloribus, nunc redibat in spem ac vires, nunciis identidem missis qui statum pugnantium referrent. Nunquam tamen Poliarchus animo excidebat. Hunc intra se nunc dejecta, nunc cum jurgio alloquebatur. Malim ego, charissime, hos fletus, hæc incertæ mentis mala te scire, an, ut facis, ignorare? Perires mecastor ad dolorum meorum memoriam. Quod si audies captam, aut ex hostili ludibrio sua manu, suo vulnere ereptam Argenidem; ô facinus! ô amor infelix! nondum semel
morte

morte defuncta, jam nunc iterum tuo exi-
 ru conficior. Abes autem Poliarche? Te-
 ne, an inimicum aliquem Deorum reum
 agam, quod tam lentus es? Quæ oblivia?
 quæ te in Africa lotos à reditu arcet? Non
 te genius tuus quid hic rerum gereretur
 admonuit? Aut plus apud te odium pa-
 tris, quam nostræ familiaritatis jura pos-
 sunt? & qui cessare non potes, an, pro-
 fcelus! gratiora pericula invenisti? A des-
 ses, Poliarche; pugnares in hostem, certa
 essem victoriæ: Deberet Siciliam, & me
 ipsam, genitor tibi; quas nunc aut perire
 pateris, aut saltem alienam gloriâ esse.
 Nam si velles, non elementa, non casus,
 non natura obstarent redeunti. Post il-
 lam objurgationem, tanquam sacrilegio
 confusa quod Poliarcho irasci esset ausa,
 in contraria animum rapiebat. Satis sibi
 dolorum & curæ quod in ea acie genitor
 versabatur. Si Poliarchus in idem pericu-
 lum missus esset, non se suffecturam solli-
 citudini. Bene, inquit, fata, consulistis,
 quod in tantarum rerum discrimine, sal-
 tem de Poliarcho non timeo. Donec viver,
 donec erit incolumis, quid me calamito-
 sam existimem? Aut quid tantopere for-
 mido? quasi ille in fidem, vel Dii in illum,
 ut æqui sunt, peccare unquam possint!

Hæc & talia inter lachrymas expen-
 dentem, quæ paulisper peplo summisso te-
 gebantur, nunciata hostium fuga, quam

& ipsa utcunque cernebat, in solatia erexit. Tunc passa alloquentem Selenissam, & gratulationem cæterarum quæ proxime constiterant. Populus quoque in palatium sequutus redeuntem, suo more intemperanter lætābatur. Postera luce, cum maxima civium parte ad castra se contulit. Sed ne integra illi gaudia essent, crebra in populo fama effecerat, pactum ipsius cum Radirobane conjugium ita credente, ut etiam tanquam votis virgini gratis rem palam celebraret. Rex inter suavissimi amoris lachrymas venientem amplexus est; Et te, gnata mea, jam heredem Siciliæ teneo, inquit. Petiere qui gentium jure pervërso ad se regnum trahebant. In Radirobanem deinde intuens; Hic est, mea Argenis, inter cœlestes Siciliæ tutelae numerandus. Deum virtute, illiusque, ut hodie regnemus, effectum est. Archombrorum præterea eximie commendans, ad minores quoque duces, & præcipue exteros, laudatione aptissima descendit. Argenis convenientibus verbis unumquemque prosequuta, vicissim audiebat gratulantes; & à solius Radirobanis, quem timebat, blanditiis, ut liquit potuitque, averſa est.

Melcandro Epeiræten redituro solum obstabat, quod persolvenda cæſorum corporibus justa erant. Iam enim & sponte, & monitu vatū, dispersus ad opus exer-

exercitus postremæ in mortuos pietatis officia urgebat. Hic cadere arbores, advenire alii, thoros cæteri multo gramine apparare. Sedulitate tam varia extiterunt subito pyra; & funera in quamlibet digesta jacuerunt, maximeque vulgaria. Nam præcipuorum cadaverum multa, quo pretiosius cremarentur, pietas propinquorum læticiis abvexerat. Rogos ergo militari pompa subornant devictorum exuviis; ut inter omnis generis tela & arma, trophæorum instar esset. Qui privatas necessitudines invenerunt, purgatis lymphæ vulneribus, unctique, aut, ut cuiusque opes erant, ornati, expectabant ignium munus. Omnium vero capitibus corona data ex apio, victoribus & mortuis quippe conveniens; Nam & tumulis eam herbam amabant inferre, & Græcia plerorumque certaminum victores coronabat hoc præmio. Fœminarum multitudo puerorumque conveneat; planctusque & jactura comarum, ultro incipiebat exequias celebrare, ut appareret non conductas lachrymas esse. Sive propinquos deflebant, sive mœstitia spectaculi, aut ejulantium tot exempla, non ingratum lugendi impetum vulgo admoverant.

Compositis cadaveribus, pullatus Meleander procedit ex castris. Sequebatur Regem exercitus, versis telis, & in terram negligenter pendentibus. In hunc mo-

dum funebrem campum aliquoties ambiere; jussis per vices clamoribus, rursusque non minus atroci horridoque silentio. Rex denique ad maximam pyram venit, facemque accensam manu sustinuit, donec socios jam arsueros miles conclamavisset. His tertio vocatis, vultu aperto, aversusque ignem subjecit. Idem Radirobanes ad alium rogam fecit; Archomprotus ad alium. Cæteros subito amicorum officio flamma corripuit. Sed atrocissimum fuit de captivis inter concitatos furentesque supplicium. Et parcebatur quidem gentilibus: Sed qui externi sub Lycogene meruerant producebantur vincti ad rogos, & multipliter confossi fundebant sanguinem, quo ignis spangebatur. Invocabat miles victor ad tam dira solatia manes sodalium, donec Rex abominatus crudeles inferias, captivos qui supererant servari tanquam ad alia supplicia præcepit. Ad cadavera autem hostilia, ne per infæsti aeris tractus in morte etiam nocerent, publici lictores cum unci sunt dimissi, qui in proximos gurgites foveasque insepultos provolverent.

Mox tumultu intepescente, & pyrarum labentibus flammis, Meleander conscendit in suggestum. Illic breviter, ut Regem oportebat, eos laudavit quibus sepulturæ honorem habuerant; Victores appellabat; & in morte fœlices, qui inter ipsam
virtu-

virtutem defuncti, non periclitarentur suas laudes ullo facinore ullave fortuna corrumpere. Pulcherrima hos præmia brevis doloris ferre, Diis manibus charos, futurosque in terris fama superstites donec ulli Siticines canerent. Conversus deinde ad circumstantum præconia, navatæ operæ, fideique servatæ, gratias egit. Deos quidem, virtutemque, & consciam recte mentem, gratæque posteritatis memoriam, viris fortibus mercedem summam esse; Sibi tamen præterea curæ fore, ut beneficium in memorem Regem bene collocatum cognoscerent. Luctu deposito se in urbem sequerentur lætioribus sacris operaturi. Aderant ex composito familiares, qui ad hæc verba (nam & sacerdos aquam lustralem spargebat) detraherent ejus humeris funebrem vestem, palmatamque reponerent. Alii Pæanem exorsi sunt, ex fœlici omnigramine aut arbore decerpentes quod temporibus manuque gestarent.

Iamque omnibus præparatis, Rex cum suis Epeircten redire maturabat. Nec visum est triumphare, quia de civibus victoria erat. Proximus tamen triumpho reditus fuit. Nam & milites lauro, & qui pompam procurabant, olea caput incinerant: Antecedebat cum signis exercitus, & vario cantu ad spectaculum invocabat lætitiæ Deos. Currum omnibus majestatis.

statis & victoriæ insignibus spectabilem, Meleandro admovent : Ad quem ille cum Radirobanem invitaret, longa fuit humanitatis contentio. Radirobanes hunc Argenidi locum asserebat convenire : Sederet cum patre princeps virgo. Ambo conspicui populo essent : ambo omina plaususque exciperent : illis Deos, illis fortunam pugnassent. Se sane, si ipsi paterentur, equum funalem incessurum ; Si nolent, currum proxime sequuturum. Palam erat, à juvene ambitiosissimo hæc amori tribui, & spei nuptiarum ; Cui cum non persuaderet Meleander in currum conscendere, aut expectare dum alius ornaretur ; ipse quoque vehi non voluit. Denique non Principum modo consensu, sed & votis acclamantium militum, sola in eum Argenis collocatur. Currum Reges in equis, & ipsis laureatis, præcedebant. Ante illos Archombrotus in candido equo ibat, læva temperans frænum, dextera optimum spoliū gestans, Lycogenis caput ; in quod alacer populus intuebatur, gnarus illic summam esse victoriæ. Arborem armis Lycogenis indutam miles quidam præferebat Archombroto charissimus. Neque procul Menocritus gravis catenis visebatur. Prætoriani autem, militumq; præcipui, tam currui quo Argenis vehebatur quam Regibus circumfusi, in virginis quidem honorem, licentiam

tiam triumphalem, salesque prætextatos omiserant; sed nuptiales passim Deos, Hymenæumque; & Iunonem, & Erycinam vocabant, nunc in Argenidem, nunc in Radirobanem intenti. Ortum à Sardis hunc ludum credidere; Et cum Siculi convenisse de nuptiis inter Reges arbitrarentur, lubentes futuri principis animum per hos jocos laceffisse. At non Argenis hæc patiens audiebat, indignata victoriæ si eo pretio emeretur, jamque prope Radirobani inimica.

Interim populus fores ornatas impedierat lucernis atque lauro. Quisquis majores ex cera in atriis habebat, apertis armariis simul genus ostentabat, & mortuorum imagines citabat ad gaudium. Civium quoque distincti ordines, obviam Meleandro processerunt. Primus erat puerorum, in pexa & candida veste, chorus, rudi præane plusquam jubebantur clamantium. Mox quotquot in urbe, Musicam excolebant, hi voce, illi pleætro ac fidibus Regi canentes. Succedebant artificum collegia; quos statim Magistratus sequebantur quisque cum infulis dignitatis. Hi Regem longissima gratulatione morati; locum ministris Deorum permisere, qui ultimi in honorem veniebant. Signa quidam ex iis, & inculti operis veteres Deos, coronas alii, omnes ignem præferbant tuto, nec sine prudentium risu.

Deo-

J. L. SIC

XEB3X 35 XEB3X

Deorum omina ingerentes, prænunciatumque Lycogenis exitium ab avibus, fulminibusque, & extorum prodigiis. Inter hanc pompam Rex ad portam urbis pervenit, in cujus limine sublimen statuerant Pacis imaginem, cujus dexteræ Mars olivam inferebat, & adulatione immatura, quasi pacatæ res Sicilia tota essent, subiecta imagini tabula Meleandrum affabatur his versibus.

Victor ades, tecumque redux (Pater optime gentis.

*Sicania) festo Pax cingitur aurea cultus;
Et cælo niveis Pietas demittitur alis.*

*Aspice quam facili redeunt tibi Numina
cursum;*

*Aspice quam subitas mutat Concordia
terras.*

*Alma quies, divesque labor, se numine
misto*

Indulgent late campis : Hic flore comanti,

Hic culmus stipatur ager: Se blandius ulmus

*Porrigit, & lapsæ repetunt connubia
vites.*

Bella procul, scelerumque mina, ferrique licentis

Nunquam tuta fides. Solio sublimis avito

*Tu, Pater, & tantum lex tecum armata
sedebit.*

Rex

Rex à porta processit in editum Iovis fanum. Inde Menocritus in carcerem missus, & cum eo Anaximander, quem paulo ante Catanenses vinctum adduxerant. (sed ille ex vulneribus intra quatrimum, alter non multo post ægritudine animi decessit.) Fractæ quoque Lycogenis imagines; edictumque, ne servari privatim, aut in suorum deinde gentilium sive honoribus sive funeribus has aspici vel ferri liceret. Peractis inde sacris ad arcem Meleander digreditur. Festus erat pridiano certamine, curisque, & mox ipsa lætitia. In cubiculum itaque secedit, sumptaque leviter inter domesticos cœna componitur ad quietem. Neque minus imitatione soporis, solitudinem quæsiwerunt in gravissimis curis, Radiobanes, Archombrotus, & Argenis. Singulos suus dolor urcebat. Radiobanes quamquam plenus temeraria sui fiducia, graviter tamen acceperat virtutem successumque Archombroti, & populi voces, & vultus in eum Meleandri. Sed ut imparem contemnebat: Nisi quod omnia magnus amor formidat. Versus igitur in contemplationem sui, quantum auxilio, quantum viribus præstitisset, suavi sopore & per fœlicis prælii imaginem ludente est obrutus. Altius ictus erat Archombrotus; expertus nihil esse crudelius quàm quod homines appellant suavissimum amorem. Nec tã sibi nocere

nocere fortunam arbitrabatur, quam silentium suum. Se enim haberi in privatis, dum genus atque opes patitur ignorari. Nihil esse consultius; quam ut suas fortunas atque vota apud Meleandrum profiteretur. Hæc ita decernenti, occurrebant parentis mandata, adhibitique jurejurando Dii, se in Sicilia sui generis indicium non esse facturum. An ergo scribere ad parentem, an ipsum illuc ire satius esset, jurisjurandi gratiam petiturum? Tardum utrumque videbatur. Minus tamen scribendi displicebat consilium. Nam ab Sicilia tamdiu abesse, hominis esse credebatur non ex merito amantis Argenidem. In hac animi tempestate inquieto strato negligenter jactatus, mentis mala transire ad corpus non satis sentiebat.

At Argenis multiplici malo confusa ad solatium adhibuerat Selenissam. Simul ambæ de Poliarcho & Radirobane querebantur. Cur ille abesset, aut heu miseræ istum viderent? O gravem (mater) victoriam! inquit Argenis. Quid interest Lycogenes an Radirobanes vicerit? nisi forte, quod creptus à Lycogenis telo pater jam parricidio meo concidet. Nam si me Radirobani tradet, ego effugium in morte inveniam, & mei vulneris dolore conficiam patrem senem. Ergo vel in prædam nata sum; vel in spoliū, mercedemque victoriæ? Ergo fatum mihi in exitium desti-

destinavit quæ præcipua dabat, regnum
& formam; & ideo tantum perveni in
Poliarchi notitiam, ut scirem me indi-
gnam quæ tantæ virtuti conjungerer?
Quid hunc autem cessare existimas, Sele-
lenissâ? An experimentum capturus con-
stantiæ meæ, hæret alicubi dissimulatus,
& in Insula forsitan ista? An insidiis æmu-
lorum petitus est vir fortis, ideoque non
suspiciosus? Cui jam vero fidere possim?
quem exploratorem suæ salutis, quem
miseriarum mearum nuncium mittere?
Sub hæc in lachrymas lapsa audiebat Sele-
lenissâ, majora solatia, quam quæ ipsa
capiebat, credebatve, ingentem: Donec
resumpto loquendi impetu; Non prima,
inquit, sum, ô Selenissâ, quæ infœliciter
amaverit. Quid fortunæ manus damus?
Mors ultimum remedium erit, & quod
nunquam effugiet. Possim cultu mutato
ire ipsa, & investigare Poliarchum? hei!
quod non sufficio illi audaciæ, rudis frau-
dum, nec fronte ad mendacium obducta;
forte etiam (sed hoc levissimum esset) in-
ter labores expiratura. Præterea neque
me sequi posses, & in crimen substituere-
ris, si Regeignaro elaberer. Audi quid po-
tissimum probem. Archombrotus est,
ut intelligis, amicissimus Poliarcho. Cau-
sam absentis pridem egit apud Regem,
author maxime ut revocaretur. Facile
efficiam, ut Poliarchum quærat, reddat-

que Sicilia. Nesciat tamen quæ me illius videndi causa sollicitet. Aliquid poterit fingi; nec carebit veri specie mendacium quod ad crudelitatem exegerimus ambæ.

Laudavit ingenium Selenissa; siue fraus illi placebat, siue defessa, sibi & Argenidi quærebat ab eo luctu quietem in reliquas noctis horas; quibus ab insomni Argenide consumptis, Præfectum cubiculi vocat, & de Lycogene occiso pauca quædam locuta, palam jubet ab Archombroto sciscitari, satisne à vulneribus (nam levia, sed pleraque acceperat) ea nocte valuisset. Meditabatur enim blanditias, gratia demerito juveni imperatura. Archombrotus, tanquam in cælum raptus, & prope non dubius se amari, Præfecto respondit, si Meleander & Argenis valerent, quoniam ab eorum salute penderet, se satis esse incolumem. O mortaliū mentes, plerumque timentium gaudia sua, & calamitates amantium! Latus juvenis, ignarusque consilii quod Argenis iniverat, fatigabat supervacuis cogitationibus animum, & in limine virginis stabat, ut egredientem salutaret. Nec ingratus advenit; totoque itinere, dum ipsa ad Meleandrum procedit, cum eo colloquuta, nihil dum tamen de Poliarcho dixit; Nondum enim matura res erat; & sermonibus illis solitudo debebatur. Ecce autem

autem novos errores. Radirobanes, ab amore non sanus, habebat pecunia emptos, qui de Argenide & Meleandro assidue referrent. Ergo adhuc in cubiculo hærenti nunciatur, Argenidem primo mane ad Archombrotum misisse. Illum statim adfuisse; & oppido quam familiariter virginem illi loquutam. Exarsit illico suspicio, & ut in litigiosa foelicitate, non secus animum ad amandum, quam antea ad bellum composuit. Frendens cum Virtigane secessit; qua arte quoque prætextu Archombrotus tolli posset: aut quid indignius quam ab æmulatione ignoti privati que Regem tantum metuere? Mulcebat accensum Virtiganes, elevando Archombrotum, suadebatque eo die aperire Meleandro (cui ad prandium promiserat) ineundæ affinitatis consilium. In expedito rem fore; despectumque Archombrotum insanlæ pœnas ad satietatem daturum; cui si magis anxie aut publice vellet Radirobanes irasci, nimia supplicii solatia forent, tantum Regem æmulatione ussisse.

His curis amoris vacuus Meleander, majora procurabat. Belli enim non temnendæ reliquiæ erant, Syracusæ, Lilybæum, Agrigentum, & quæ cæteræ urbes à Lycogene steterant. Illis simul opprimendis an dividi præstaret exercitum, an in singulas totis viribus niti, consu-

lebat Cleobulum. Is nihil dubitabat de deditioe oppidorum; quia nemo factioni supererat quem ducem dignarentur: Satis est, inquit, ô Rex, si minari perseveres, ostentesque paulisper, armatum exercitum; tantum ut timor poenitentiam civitatum acceleret; à quibus propediem videbis hic legatos. Nam præter ingenium lymphatæ, amabunt redire in naturam, quam videbatur excussisse defectio. Ne time. Bello isto defunctus es: Sed nec illius vere causa in civitatibus fuit; & si dehinc securitatem amas, longe alii sunt malorum fontes quos obstruas. Meleander tot recentium malorum cruda imagine sollicitus de futuro; Curandum est, inquit, ut diuturna sit hæc regni restituta valetudo. Nec unquam certius, quam cicatribus adhuc novis, deprehendemus vim telorum, & formam, quibus paulo ante faucii, rursus peti possumus à fortuna. Quod si inter atrocitatem periculi objecisses, quæ antea à me peccata sunt, non tam monere quam exprobrare visus esses. Nunc autem in tuto, si quod sentis edisseres, in futurum cautio erit ne eadem peccemus, Cleobule. Ille veritus quamquam volentem Principem contumaci libertate irritare, amoliebatur omnem ab eo culpam. Temporum enim, hostiumque, & factorum esse crimen. Et postquam ea modestia, consiliis quæ parabat obnoxium

noxium Meleandri animum fecit; Quamdiu, inquit, lenitas in virtutibus erit, non diceris ullo vitio impulisse labentem in clades Siciliam. Lenitate, inquam, tua malignitas factorum in tuas & patriæ clades abusa est. Illa facilitas, illa indulgentia in Magnates, illa tua tuorumque Majorum incauta in eos profusio, prodidit præcipuas imperii vires, aperuitque injuriis despectam dignitatem. Iam quidem perculsi sunt; jam silebunt defessæ factiones. Ast ubi respirarint, expecta alios fluctus, nisi ventos plusquam Æolico utre tenueris. Pugnabunt erumpere; & quamdiu nimis poterunt illi, nunquam satis Reges poteritis. Nec in tyrannidem de adorno. Ipsis quoque consules, ô Rex, si efficies ut timore, aut fastidio culpæ, paulatim inquietos mores dediscant. Tum Meleander; Scio, inquit, ex his nubibus fervere plerasque procellarum. Sed vires eorum hominum adultæ sunt, & ipso tempore ac patientia Regum jam prope legitimæ. Has itaque accidendo vel injuriam facere credar, quia natam ante me potentiam percellam; vel nimio in conatu regias vires jam sæpe delibatas, & quarum infirmitatem celari interest, inconsulto experiar. De successu (reponit Cleobulus) melius ominare; dum ordine & per partes evellas eam segetem qua isti luxuriant. Sed nec crede iniquam fore causam,

& quam Dii hominesque non probent, si pugnabis pro regis dignitate, & Siciliam à parricidio prohibebis quo ipsa se furiis mactat. Quinam illi sint; vide; unde processerint; quæ illos machinæ fastigio suo admoverint. Vtunque se jactent; Majorum tuorum beneficio, opes comparavere; in præfecturas missi sunt, regiæque amicitia indulgentia hoc culmen condiderunt, ex quo hodie sive ipsi, sive eorum posteritæ certant in Reges. Tua sunt ergo tela quibus lacefferis: tua acies tot mucronum, cæca discordia manu infelicitatem sui authoris vorentium. Si merentur, si ferre felicitatem suam non possunt, ab iisduntaxat recipe quod à vobis acceperunt. Nudos medius fidiis relinques, cogesque oblivisci spirituum quibus nunc intumescunt, vestras apud se mirati divitias, suæ vero sortis ignari. Ac quo maturius consulas sceptro, vide quam multum coalescat illorum in vos imperium; quam publice, quam periculoso consensu hæc veluti jura peccandi nunc asserant. Inter se æmuli, inimici; tamen vix libenter accipiunt à Rege ullum premi. Quisquis ergo rebellat, cæteri adsunt vel publice, vel privatis affectibus. Nunc causæ se addunt; nunc tempore utuntur jam satis occupato, quo alio jurgandi prætextu distrahant Regem. Alii tuum latus, tua castra non deferunt. Sed lento & per ambages
fract o

fractio regionum consiliorum aut militum usu, diu volunt rebellium contumaciam conferri viribus sceptri, ne videatur indignum Regibus aut impar esse periculum, assuescatque populus vereri hos motus & pati. Ita sibi ipsis & exemplum faciunt, & exitum ornant, si irasci in Regem contigerit. Hanc conjurationem nisi antevertis consiliis, quantum aberis a Merganiæ fato? Regio erat sub uno formidanda, nunc segnicie, vel patientia imperantium, adeo in varios Principes lapsa, ut domino tota exciderit.

Quamquam recenti memoria tenes, Rex, quid hæc possint factiones; permittis hic tamen, earum cunabula & ingenium percenseri. Nam & accendi te volo, vel parari ad patientiam haud dubiæ cladis. Igitur, si quos amas, si quos attollis, præter veterum Optimatum libidinem, tanquam de eorum bonis sit quod largiris, excedunt ab Aula, queruntur se contemptos; in arces, in præsidia, quæ iis credidisti, confugiunt. Fortunas populi deflent; exanimati regni sanguine paucas hircines repleri; non ferendam eorum superbiam qui fascinato Principi illudunt, veteresque & emeritas stirpes inexperto recentis potentiae gaudio calcant: Frequens hæc quidē (ut nosti) dissidendi est ratio, proruendique at civilia arma. Sed & aliæ præterea causæ illis ingeniis faciunt defectionis

audaciam. Diu ipsis largitus, cesses utcunque: Magistratus, Præfecturas, jam plenis, nec dum tamen satiatis negaveris: Iis arcana omnia non credas; habeas alios fideiiores tibi: Non accesseris odiis quibus amulos devovent; Illico indigni haberiseputant: frendentque, tanquam contumelia violati. Alii, ut reverentiam sibi concilient, & quid possint Regem admo-
neant; quærunt offensionis materiem, & gratis ineunt consilia in publicam pacem. Cæterum quæcunque illos occasio tollat in rixam, viribus quas vos Reges tribuistis succincti, mox clientes armatosque inveniunt, eo prolixus quod hæc secedendi facinora semper inulta sunt, & plerunque præmia habent. Sic erecti, sic veluti in suo regno collecti, opimiora ad conciliandam pacem à vobis Regibus extorquent, quam si ipsis obsequium & fides mansisset; Vestro interim auro, vestrisq; stipendiis (quis ferat?) militant acies quas in vos educunt. Arario vestro feroces, aut rationem imperii deponunt à vobis, aut regnandi modum præscribunt. Vestri coloni sunt, vestri cives, qui plusquam externis tumultibus per hæc bella eruuntur. Quid deinde? Emitis pacem, (Reges?) His prodest peccavisse. Vos in regno nunquam bona fide pacato, expectatis solliciti ex quo cinere se flamma refundat, cui placeat gloria novæ litis, quæ fœderum ratura

bulæ jam plenissimis libris addendæ sint. Minimum putem, quod hæc bella, hæc paces, externarum gentium ludibriis, evilescunt; quodque minor quam pelago fides est, siue quietem agimus siue tumescimus. Majora sunt vulnera, quibus viscera patriæ lancinant illi mores. Robur enim maximæ gentis, & cui, si hæc absint incommoda, nulla non cessërit, hic assiduus & pestilens ventus affligit. Pereunt urbanæ & rusticæ opes, quascunque provincias turbo afflaverit. Consumitur impetus animorum; prudentum, quos multos habemus, solertia, digna Orbi imminere, his domi pacandis tota vix sufficit. Instituantur præterea animi juventutis ad audaciam, & contemptum majestatis, infandamque dulcedinem belli civilis, in quo furor & aviditas, & subitas pugnas & præsentia præmia habet. Ita domestico facinore marcescit quicquid ad terrorem exterorum Dii Siciliæ nostræ tribuerant. Neque putes hæc esse rudimenta flagrantium animorum qui castrensi disciplina eruditi, æstus inter se conceptos, mox in peregrinum hostem validius effundant. Utinam hæc solatia saltem essent civilis insanix! Sed ne isthic tyrocinium ad fortitudinem aut militiam credas; cogita quam sæpe plus vanitatis & minarum hi turbines habeant, quam justî laboris in castris. Conveniunt illæ cohortes in arcibus,

bus, urbibusque obnoxiiis; facilem civem, aut imparatos agrestes diripiunt. Hæc plerumque fortitudinis summa. Acies raræ; nulla, aut subita discrimina; quia obnoxie placantur, & ante fortunam armorum ab facinore donatos dimittitis. Sed etiam ut bella hæc durent, ut sæviant mutux turbæ; at interim miles optimæ patriæ spoliis saginatur, & in bonis miserorum civium bello quam pace delicatior, latrociniiis magis quam constantia, robore, arte, imbuitur; Vt ad disciplinam deinde veri & sobrii Martis, & in externis regionibus interdum infœcundi frangatur enervi fastidio, doceatque diversissimos esse labores prædatoris & militis.

Temnimur interim, ô Rex; Et si quid in vicinos minaris, robori minus suo quam malis nostris fisci, tuos conatus despiciunt. Largitione tantilla facile credunt excitare de Sicularum, qui civili seditione te implicent. Sic tradunt te iis debellandum, per quos tuis auspiciis debuerunt everti. Nobilissimæ genti infamiam an pernecem hæc plus creent, ipse existima. Vis denique quod tui cives queri possunt hic audire? Componendis his fluctibus olim populus ad regiam potestatem respexit. Ne collideret Optimates ambitio, ne unam gentem factiones dividerent, essetque timendum à civibus,
quod

quod hostes solent minari ; transtulere in Regem purpuram , folium , ferrum. Quod si adhuc in regno vexantur reipublicæ malis , quid pretii illis erit traditi sui juris , ex utique imperii ? Aut illos in libertatem restitue , aut domesticam præsta quietem , propter quam libertatem reliquerunt.

Melcander ad hæc verba ingenti suspirio pectus concussit ; & facilius argui morbum posse respondit , quam expelli medicina. Iam se Eristhenem & Oloodemum ferro ultum , Lycogenem occubuisse. Si ad illud exemplum quotidie severitatem res exigunt , sibi ipsi in odium venturam potestatem quæ sanguine Optimatum alenda sit. Summa in illis indoles , (inquit) animi vigor , multæ virtutes. Scilicet extinguam aut premam hæc sydera ? Omnia autem ? Sed illud inhumanum ; & fortasse supra regias vires. Quænam igitur ? Nempe suspecta. At vero & solæ suspicionis poenas luere est indignum ; & præterea sæpe nullum est ante tumultus suspicionis vestigium. Impetus in vividis mentibus præceps haud raro simul cogitat , simul excit hos motus. An omnes habebō mea rigiditate aversos ? Vivamne feræ instar in solitudine ; an potius novis hominibus regiam implebo ? Acerbius mehercule ipso malo remedium. Deos & fata spero , postquam sumus emoliti acerrimam tempestatem ,
pro

pro habena reverentiam nostri fore expertis quid possimus. Saltem, Cleobule, quam mitissima consilia habes, exprome.

Tum Cleobulus. Faveo tibi, ó Rex: Id est, Proceres quantum licet tecum excuso. Lati in illis & ingentes sunt animi; & hæc ipsa quæ arguimus magnæ indolis notæ sunt; & si legum babenis teneretur, rebus publicis salutaris: Nunc quia illam passi estis lascivire, eorum quæ cogitat, quæque audet, inclino in vos Reges invidiam. Cæterum cum virtutes ac vitia non plus ex merito æstimentur, quam ex populari iudicio: nihil mirum, si consuetudo & peccantium claritas, atque successus, nobilitaverit hanc culpam; Quam si premi & eripi cupis, revocanda est paulatim ad suorum natalium utilitatem. Hoc autem efficies, primum nominis vero dedecore; ut apud te perduellio, conjuratio, perfidia, nominetur; Non, ut solet, magnitudo animi, prudentia, societas, publici boni cura. Deinde ut qui à te secesserint, saltem efflagitatæ veniæ humilitate frangantur: Cum nunc (miro gentibus ritu) damnare te soleas, publicis professus codicillis hos esse innocentes. Nam si rei non fuerunt sumptis armis, certe tu reus in quem illa sumpserunt. Triste dictu. Si hæc postrema exceperis arma, in quibus simpliciter victor es; vide sub te & patre tuo

tuo turbas. Omnes ea cautione dimissæ sunt, ut terras populas, conscriptos milites, cætera defectionis facinora, nimia simulatione, & prodente captivitatem imperii, imputaretis vobis. Iussu hæc vestro, aut vestri gratia, esse patrata, publicis chartis sustinuisistis inscribere.

Sed durum est, premere illas stellas. Enim nec obrui illas, ac nec regi oportet in humana ratione. Luceant, o Rex: dum meminerint cui Soli lumen hoc debeant, nec caliginem faciant tuo orbi. Fere necesse videbatur alicujus sanguine lui hoc crimen. Extorsit atrocitatem remedii à tua bonitate cum Oloodemo Eristhenes; & infelix vindex Lycogenes cæterorum animos aliquandiu sui memoria tenebit. Quisquis autem temporum istorum oblitus, in hunc ludum primus descendet, ocyus hominem preme, non tardis, non incerta consultatione libratis conatibus. Ipse tibi expeditionem desume, ne tuorum ducum prævaricatio illam causam inutili mora conficiat. Si audebis, si non cunctaberis, multi majestatis reverentia capti tuum auspiciū sequentur; qui dubitare incipient de suo officio, si & videberis deliberare an impune possis offendi. Tunc nitendum, ne timida remissione spirituum videaris istorum temporum oblitus, aut veniam petere extincti Eristhenis. Consentias cum impetu isto, ut
tuus

tuus esse potius videatur quam fortuna. Fœdera, leges, pacta, cum armato rebellis, nec audi. Vnum sit pœnitenti remedium, si supplicet, si supercilium ponat, si se & causam damnet. Lenitatis tuæ erit sic composito indulgere; nisi nimis perniciose erraverit, aut in necessitatem distulerit pœnitentiæ larvam. Sed ignosce ea lege, ut aliquid ipsi in multam decedat. Si provinciam à te habet, partem ex ea deliba quam alteri tradas; si arces aut suas, aut regias, unam ex iis futuræ fidei pignus cape. Timebunt alii spolia dare ad regiam gazam, qui nunc contrario voto æs, fascēs, præsidia audent in pretium pacis exigere. Cave autem dare hos reos precibus cognatorum, qui apud te in illos militarint. Nam vix ulla vulgarior fraus est, quam istorum Optimatum, non studio, non vero affectu, sed veluti sordibus, se in adversa dividendium castra. Fratres, affines, patrueles, hic pro te, ille cum factionis stabit; ut victoria aut favore in utramlibet fortunam securi sint. Hos te maxime suspectos habere æquum est, ô Rex; & si anxie pro cognatis suis orant, propemodum hostes.

De ducibus factionum hæc sentiam. Sed quid illi absque militum manu? Hi sunt sanguis, hi nervi tumultuum; Nec in eos impune severitatem omiseris. Quos igitur placidis rebus seu præsidarios mili-

tes seu prætorianos conscripseris, si defectione oborta Præfectos forsitan suos in Regem sequentur, iis infamis sit missio. Cingulum ponant. Nullus pœnitentium clamor, nullæ procerum preces te moveant. Discant non tam Præfectos venerari quam te in illis. Quippe hos secum à te ali, à te pendere. Ita exercitus quos comparas, quos in pace educas, sincere erunt tui; nec te Magnates creditarum fiducia copiarum despicient. Si qui autem concitato tumultu, nullis stipendiis tibi devincti, ad factionem accesserint, his mitiora imperari non abnuam. Simplicis defectionis rei sunt. In eos, si lubet, mansuetudinis obtine famam; Modo veniam te dedisse, non se ingratis usurpasse, intelligent.

Sed de suppliciis scilicet, multisque jam agimus: Atqui ante vincendi sunt; aut, quod est humanius, flectend, ne aut vinci mereantur aut plecti. Duo sunt, ô Rex, quibus Proceres in te armantur, sollicitanturque ad ambitum. Has tu vires si solerti ratione subduces, te, an illos, plus juveris, nondum intelligo. Sed nunc ea non licet memorare. Video enim ad te venire Sardinia Regem. Respexit Meleander; & Radirobanes jam aulam intraverat. Ergo, quanquam invitus, dilatis arcannorum sermonibus, processit ad hospitem, & hilariter colloquutus ad convivii locum

locum deduxit. Amplissima Regiæ sedes erat, foribusque laxatis populum ad spectandum admitti placuerat. No jam ævo mos erat Siculis, accumbere in conviviis, vescique ex lectulis. Sed vetusti sæpe mores occulta veneratione afferunt rebus auspiciū, quas Reges publice obeunt, aut Sacerdotes procurant. In illum itaque diem Meleander majorum mansuetudinem revocavit, ut convivæ sederent. Invitaverat Optimatum præcipuos. Ipsa Argenis aderat cum delectis matronarum; ingens æmulis procis ad odium & vesaniam incitamentum. Furebat in Radirobanem Archombrotus, impetum se premente. Nec integrior Radirobanes furtim intuebatur, si quid ille in Argenidem inspicere, aut ab ea aliquo nutu dignatus exultaret. Vterque furiosum timore plurima fingens, improvisos aspectus, aut gestus, in suam trahebat injuriam.

Peraçto convivio Radirobanes amoris odiiq; impatiens, Meleandro significavit, si ocium esset, se secreto colloqui vellet. Statim Rex cum eo secedit in porticum; & Radirobanes: Si apud alium agerem, (inquit) ejus animum meis votis pararem, Optime hospes, referendo, me Sardinæ & Corsicæ esse Regem; Baleares insulas meas esse; Occupari à meis plures portus hinc in Africa, inde in ora Liguriæ;
Terras

Terras illas populo & opibus graves; Classem ingentem, & formidolosam mari, quodcunque se ab Oceano ad nos diffundit. Adderem seriem Regum, quorum antiquissimos ferunt à Diis generatos. Sed apud te alia oratio habenda est, Ego hospes, cum hospite quæro arctiora fœdera inire. Liceat meam fortunam miscere cum tua; aut, ut simplicius loquar, nomen patris & auspiciū in me sūme. Tua sint quæcunque possideo. Filiam tuam mihi desponde. Nec sciō utrum has nuptias avidius expectam, ut te socerum, an ut uxorem hanc habeam. Sic loquutus nullam intulit de allato auxilio mentionem; quod maxime apud senem valitorum sperabat.

Meleander, præfatus à se omnia Radirobani deberi, Conditionem, inquit, affers, charissime hospes, non accipi modo, sed anxie quæri dignissimam. Nam quis Radirobani, quis Sardinia affinitatem non optet? Et tu, fortissime juvenis, minore patrimonio, & Sardinia non tanto sub Rege, majora, quam quæ postulas, sperare potuisti. Sed scis conjugia plus animorum quam corporum fœdere esse suavia. Liberæ hominum mentes sunt, nec ullis legibus cogi possunt, velle quod nolint. Maxime sors Regalis, in quam gnatæ mea est edita, eam captivitatem non fert. Ego habeo à majoribus sceptrum;

illa à me expectat : liberum ipsi deinde esse debet in quem velit suæ fortunam Siciliæ transferre. Hæc non ita accipias, dulcissime hospes, tanquam quæ tu vis omnia, & præsertim hoc ipsum, non velim. Sed mirari te nolo, si filia mea suas vices relinquo. Quicquid possum, ego polliceor. Tu apud illam fac, digna sit à te amari. Nam nec tibi expedirent coacti hymenæi. Denique finge te filium meum esse; quantumcunque tu ames, quamlibet magnas dotes in ea tibiingas, nollem mihi esse nurum, nisi te maritum exoptaret.

His verborum ambagibus quærebat Meleander & Radirobani placere, & habere paratas negotio tanto moras; quod filia mentem ab illis nuptiis sciret aversam. Quippe antea ejus sensum exploraverat, non dubius in hanc spem Radirobanem venisse. At ille rem urgere, senem ambire, dicere suam vitam in eo esse sitam uti gener appelleretur. Tanto in æstu non verba non mentem capiebat Meleandri, ita spem oblique ostendentis, uti prudenti, & quem amor non turbaret, sat negatum videretur. Iamque Eurymedes utrumque monuerat ludorum tempus esse, quos subitos, & tantum uti populus in Regis victoria lætaretur, in Regiæ vestibulo infruxerant. Processere itaque ad orchestram, in qua multa ex Regiæ penetrali curatores ludorum conspicienda locaverant;

verant; antiquissima signa præsertim, & Heroum imagines; non modo quibus artifex pedes & manus indulserat; sed & plurimæ ante Dædalum factæ solo vertice de sui saxi imposita exhibant. Postquam Reges confederunt, statim cum Selenisla & ministrarum grege intravit Argenis, haud mediocre Radirobanis Archombrotique supplicium. Non igitur illi in personas satis inspicere, non in veteres Siculorum Regum opes. Ac ne virginem quidem multum intuebantur, alterno inter se conspectu agitati. Inter hæc Radirobani videbatur Argenis blandius sæpiusque in Archombrotum vultus advertere. Quod uti miserrime credidit, ita secū loquutus est. Furiosum esse amorem non proderit. Solertia opus est nobis. Nam si Archombrotum sustulero, pejus erepti memoria apud Argenidem me perdet. Num autem non & bellum est amor? Atqui in bello quas hostibus urbes munita eripiunt, proditio sæpe aperuit. Tentandi sunt muneribus quorum gratia apud Argenidem valet. Laudationes eorum assiduæ me chariorem ipsi efficient. Sumus omnes incauti ac faciles ad ea imbuenda quæ sæpe, & veluti non ex arte, familiares insinuant. Iisdem machinis nihil me præteribit arcanorum quæ hic cum illa intercedent. Perpendenti deinde, quosnam ex familia Argenidis aggredere-

deretur muneribus ; nihil difficilius aut
 utitius visum est quam ad Selenissam hoc
 iter habere. Quippe oris constantiam illi
 matronæ esse, quæ ad perfidiam vocantes
 terreret ; sed si in potestatem redigeretur,
 facilem de Argenide fore victoriam. Erat
 ingeniosus ; præsertim cum impetus na-
 turam acuerat. Audendum est, inquit ;
 Facile erit apud anum ita loqui, ut si inte-
 gra est, meæ largitionis fraudem non ca-
 piam ; sin vendere fidem potest, intelligat
 emptorem advenisse. Hæc gnaviter agi-
 tantem nō arena, non scena (nam utrius-
 que spectaculum dabatur) poterat dele-
 ctare ; quamvis hinc in certamen produ-
 cti qui Erycis artem cæstu jactarent ; inde
 autem Catanenses ex sui Andronis disci-
 plina saltarent ad tibiam. Sed in auspi-
 cium traxit, quod largitioni intentus, non
 absimilem victoriam aspexit in theatro ;
 in quod Argiam & Eriphylen Poeta pro-
 duxerat ; hanc divino monili mercantem
 crudele suffragium ; illam munere victam,
 & conjugis fata prodentem. Inter cætera,
 istos versus quibus Eriphyle accepto pro-
 ditionis pretio exultabat, si laudavit, ut
 confestim ad se præciperet afferri ; & ali-
 quoties tacito voto perlegeret.

*Abstiste tandem, cura. Sat sterili vigil
 Marcere cecidit vultus. O grates, Dei,
 Favisti omnes. Teneon' armillam manu ;
 Meamque teneo ? Vota cecidisti bene.*

Nunc

Nunc tuta, nunc excelsa, nunc cælo fruor.

Hic se decora sueverat gemmis Venus

Ornare Marti. Tyrius has stupuit gener

Ardere collo conjugis. Quis hic decor?

Quis radiat ipso non minor Phæbo dies?

Quo pergis amens? Dî, fides, lares, amor,

In pretia deposcuntur, Heu nimio tibi

Armilla stabit. Poteris infelix tuum

Damnare bello conjugem? Bellum vetant

Saga volucres, Delphicus pater vetat,

Et omne sacris exta quod præbet pecus.

Funesta merces! Vidua si tantum potes!

Sic esse felix; melius ah pietas! malos

Omitte cultus. Trahitur in dubia vice

Instabile pectus; sic ut incertam ratem

Non unus atro ventus involvit freto.

Sic nempe simplex! sorte nunc dubitas

frui

Quam fata præbent? Quid times vanas

aves?

Ne bella fiant, reddere armillam voles?

Hæc ipsa bellum faciat; hæc regnum est mihi,

Meliusque Thebis. Angur infelix redit,

Invisa pietas, mensque non credit sibi.

Quid agimus? O fors dura cum timet miser

Quod optat animus! Digna cælesti tamen

Si vivis auro; sacra si tuos decet

Armilla vultus; vindica hoc ingens tibi

Munus Deorum. Conjugi si fors tuo

Es vilis, ande, quod times; Sin te colit,

Opibusque summas optat ex æque Deas,

Tibi ipse cupiat sanguine hoc emptum suo.

Lætus Radiobanes hujus exempli aurgurio, postquam finitis ludis in aula interiora recessum est, Argenidi in conclavi ipso patris, eadem narravit quæ antea Regi. Orabat ut in munus placerent Sardinæ opes, cæteraque haud inconcinnus amator addebat, quæ utriusque fortunam decebant. Argenis non modestia tantum, sed occultissima ira erubuit: Non alia retulit tamen, quam quæ Radiobanes hoc primo congressu expectabat: Nec eam scilicet Virgini curam esse debere, nec filia familias potestatem. Habere interim gratias quod ille tanti faceret amicitiam patris. Radiobanes aliquantum cum ea cunctatus, ad insidiarum suarum initia digreditur: Proceres, matronasque, huc illuc toto triclinio obibat simul majestatem regia, & juvenili comitate. Tandem in Selenissam incidit, ut optabat; & vulgaria quædam effatus, laudare deinde ipsius filium cœpit, qui in aula vivebat: quærere deinde pluresne genuisset, quid ex stirpe restaret; & quæcunque mulierculæ gratissimæ erant. Et hinc sponte ad se deflexus: Optimæ matris meæ multa, inquit, lineamenta in te agnosco: Iam sæpius dulci memoria illius amissæ, cum ad te respicerem, percussus sum: Et hodie efficiam uti scias quam multum de vultu illius tibi facta communicaverint. Supervenit loquentibus Meleander; à quo Radiobanes sub noctem

noctem digressus, Selenissæ filium accersit; Demades nomen erat: Cui postquam multæ familiaritatis specie imposuit; Vade, inquit, & hanc matris meæ imaginem ad Selenissam defer; si sceptrum & corona abfuerint, ab ore suo non disparem. Erat autem brevis imago, ætatis conditione à Selenissâ non abhorrens. Anum enim Reginam, & rugis obsitam, referebat. Sed insigni artificio, gemmæ olim talentis viginti Radirobani emtæ, faciebant imagini thecam, ex qua unio prægrandis pendebat.

Selenissâ ubi cum munere Demadem vidit, tam precioso fulgure concussâ, dubitavit an conscia esse Argenis hujus fœlicitatis deberet. Verebatur in suspicionem venire fidei prostitutæ: Aut ne remittere donatori juberetur hoc plusquam simplicis liberalitatis pignus; si crudum nec præparatum puellæ animum illa novitate pulsasset. Hæc exigens secum, adhucque deliberans, filium rogat pluresne adfuissent cum Radirobanes id sibi perferendum tradiderat. Imo, inquit, se vocavit me ad secretum ne quis arbiter esset. Et tu igitur, retulit Selenissâ, apud te, fili, rem contine. Id agitur quod ignoras: Neque mihi, ut existimas, & apud te Radirobanes finxit, hoc mittitur. Sed commodius, & ubi fas erit, plura intelliges. Vnum jam memento, uti fileas. His dictis ad Argenidem

redit; Adhuc quidem illi fida; sed jam defierat Radirobanem odisse. Tum versare animo cœpit, quanto suo & Argenidis periculo Poliarchus amaretur. Nam quoties reprehensam à cœpto moriendi Argenidem? aut quem spondere posse, non illam aliquando anteverfuram furioso impetu vitæ consilia? Denique sibi quemque debere consulere. Nam quid de me (inquirebat) meritis Poliarchus? Radirobanem, post pauculos dies quam limina hæc attigit, utilioremi mihi sensi, quam illum, plus anno familiarem Argenidi. Quid si de se mentitus est ignotus ac externus? At istum prius auxilio Sicilia regem sensit, quam alto nuptiarum & regio voto. Si propitiam Argenidem illi effecerō, quantum mihi sperandum est; cum jam præmia usurpem, quæ pene ad præstitam operam satis essent? Abest denique Poliarchus; Num vivat incertum est; num, si redeat, impetratura sit publice hunc à patre virum Argenidis, an vero clam discessu dedecori me quoque frustratura. Radirobanem autem non dimittere possumus, nisi iratum; Neque parem conditionem (si ista abiverit) neglecta fortuna mihi & Argenidi curabit reducere.

Inter hos dies (quod Cleobulus ante conjecerat) legationes passim ab urbibus veniebant ad Regem, sedebantque in Deorum liminibus, ramos supplici lana obdu-

obductos cum gemitu aut silentio tenentes. Multa oppida, & ex insignioribus civium multi. Ibburrane & Dunalbio deprecatoribus usi sunt; quorum ea apud Regem gratia erat ut nihil negaretur petentibus. Igitur Meleander virilem in dejectos & obnoxios cives clementiam sequutus, solo majestatis conspectu ultus est poenitentes; legatis inter armatos custodes intromissis in curiam; in qua ipse regio cultu ad formidinem supplicum sedebat. Cumque illi de sæculi genio quærentur, qui populi mentem avertisset in tumultus; Ipse paucis incusatos in mitiorem spem purpuratis relinquebat; jubebatque abscedens ab iis arbitrium suum audire. Levia autem imperabantur; paucæ in multam pensiones, & pervicacissimorum exilium. Nacti igitur expectatione mitiora amore victoris suas urbes impleverunt. Hyperephanii seorsim legationem volebant ornare, suas gratulationes & vota novasque fidei sponsones laturam. Sed intercessere consilio, qui id Regi ingratum fore cognoverant. Quippe Rex cum audisset hoc eos cogitare; Peto, inquit, an Hyperephanii plus minusve Siculos esse se sentiant quam ceteros cives. Nam quid ab reliquis vota fecernunt? Cur non Provinciarum, non urbium, sed partium nomine me affantur? quas o sciant semper invidiosas esse Principibus; sed tunc maxime cum

videri & veluti prodire in publicum, jactatione suarum virium volunt. Cum vero alia aliaq; provinciæ redirent ad reverentiam majestatis, legati Syracusarum intromissi in Senatum, dejectis diu luminibus, significaverunt esse quod promere non auderent nisi dicere juberentur. Sciscitanti Cleobulo quid afferrent, supplices libellos obtulere, quibus continebantur civium vota. Addiderunt, sæpe contingere, uti vexatus malorum hominum injuriis populus stulte in Regem aut patriam suos dolores vindicet. Veluti quidam ex agritudine insani, urgentibus morbi stimulis, inproximos furunt. Nec se priorem excusare amentiam; sed scire ex illis quæ Syracusii deprecabantur incommodis eam incitatum fuisse; & plurimum ad sanitatem mentium fore, si eadem in posterum arcerentur.

Cleobulus hos libellos se Regi traditurum recepit, jussitque propediem legatos responsum opperiri; Tum soluto Optimatum senatu ivit ad Regem, tunc forte de ipsius Cleobuli prudentia multa secum volventem, qui redituras ad officium urbes haud vane conjecerat; memorque ejus monita nuper Radirobanis interventu suppressa, hunc ad illos sermones revocavit (Syracusiorum codicillis, quia longiori consultatione egebant, in aliud tempus dilatis:) Ajebas, si memini, esse duo, Cleobule,

bule quæ insynceram in Sicilia pacem efficiant, & in Procerum manu ponant, in bello an ocio degamus. Sed dicentis orationem tunc Rex Sardiniae intervertit, quam hic pacatius exequi potes. Quænam ergo illa duo sunt vincula aut verius fata, quæ Siciliam Proceribus obnoxiam permittant? Ea ipsa (retulit Cleobulus) quæ, Sapientissime Rex, sæpe de questus es. Primum, munitionum, arcium, præsidiorum, in Sicilia numerus ingens. Mos deinde constituendi Rectores Provinciarum. in eam legem, uti non ante magistratu quam vita decedant.

Tot equidem arces, si non incommodæ essent, sed duntaxat inutiles, tamen everti consulerem. Nunc cum ad earum custodiam & sumtus, & pericula, & plerumque perniciēs accedat, quid ad nostra utique damna misere obstinati, illas diutius servamus, aut in quos denique hostes arbitramur valituras? In externos, an vero populares? Atqui externi iis fati excluduntur quas in finibus regni portubusque substruximus. Harum utilitatem nihil sollicito. Satis virium illic nobis, satis moræ externis est; Qui deinde, si qua per obices illos perrumpent, nostris exercitibus excipientur, oppidisque passim objectis, quæ crebra nec adeo invalida habemus, uti primo hostium impetu diripi possint. In vim peregrinam illa suffecerint. Domi autem quos

quos timemus? Num populum, & incolas civitatum? An non potius Magnatum ambitum, inquieto utique genio strictum semper ad audacis novitatis pericula? Raro populo tuo mens est in Reges consurgere. Vefania qua nuper intumuit, prope sine exemplo est; sed nec illa, ut expertus es, tot arcium cautione de quibus jam disceptamus, aut præverti potuit, aut saltem cohiberi; Vt inde has munitiones intelligas non tibi (Rex) asserere oppida in quorum stant cervicibus, sed ea Præsidiorum Præfectis tradere in certissimam servitutem; qui sæpius cives invitos stare in Regem coegerunt, quam rebelles aut dubios traxerunt ad Regem; Adeo ut quoties sibi postulant arcem credi, videatur hæc eorum tacita esse oratio: Trade compedes ô Rex, quibus obnoxium arcis oppidum mihi devinciam. Captivos habeam cives. Quicquid repugnes, & quantumcunque hi nolint, serviant imperiis meis. Sub munitionibus istis tremat circum provincia. Isthic recipi, hinc effundi possint armati. Regnum denique minus in ampliori tuo mihi constitue.

Referes, te fidissimorum hominum delectu armaturum tantæ potestatis licentiam. Faceres quod nemo antehac Siciliae Regum. Quod enim aut civile bellum fuit, aut ab externis illatum est, in quo non istarum arcium plurimi rectores à sceptro defecerint?

defecetint ? Aut quis omnino in nostra gente motus, nisi his claustris erumpens, aut in illa receptus ? Ne id quidem dissimulant, qui post factiones ad fœdera tecum descendunt. Arces in salutis pignus efflagitant: Nempe ut iis incolumes te invito esse possint, & recrudescente armorum libidine rursus in te securâ contumacia armari. Vide quâ sit iniqua conditio. In præeritæ defectionis veniam tua sponte non contenti, arma, arces, milites sibi poscunt: Te porro in pœnitentiâ, quâ sæpe simulant, pignus, eam fidem verbis suis cogunt habere, quam detrahunt tuis. At his munitionibus è regno sublati, in tua suaque fide, ô Rex, statuent sibi præsidium, & in creditis urbibus obsequium duntaxat invenient quamdiu voles; nec inevitabit ad peccandum tot aggeribus totque fossis sibi placens rebellandi securitas.

Sed utique non damnanda est, dices, majorum disciplina, à quibus aut hæ conditæ arces, aut condendarum exemplum est. Ne vero illa ætas tantum sibi, Rex, placeat. Majores nostri res suas ad seculi quale tunc erat genium curavere; Nobis pro diversitate temporum in quæ incidimus, interdum pro salute est à mente eorum & consiliis abire; Vt & profanæ superbiam putem ubique negligere avitam prudentiam; & absurdum reverentiæ genus esse, quod nos perpetuo illorum institutis vel-

lit addicere. Et has igitur arces, quæ jam nobis molestæ sunt, ipsi rectis, ut arbitror consiliis eduxere; & nos non minori solertia dejiciemus. Olim enim aut nondum Sicilia in unum coierat, aut singulæ saltem Provinciæ; Principes suos habebant, parvo duntaxat ære, vel tenui obsequi imagine, Regi obnoxios. Non mirum sibi tunc quemque præsidia statuisse; quibus aut vicinos repellerent, aut, si à Rege vis fieret, non excuterentur à patria. Nunc omnia bello, hereditate, fœderibus, in te Dii retulerunt; ea fœlicitate, uti neminem videas, cui charius non sit commune Siciliæ nomen, quam angustum provinciæ in qua est natus. Quid igitur memoriam pristinorum discriminum limitumque servamus in castellis, jam utilitate abolita? Ne parce locorum nominibus, seu illa conditor seu vetustas nobilitaverit. Ruat cum aggeribus suis ambitio. Paucissimas de tot arcibus serva necessarius locis; unam præcipue Syracusis, non tam quæ regere tantum populum queat, quam interdum morari insatientem. Hæc sat erunt tutando: Sed eo quidem omine ne Procerum summis credantur. Tale sit Præsidium genus, quod nec egenum, nec opibus impotens, sperare à te plurima debeat, & nil possit extorquere. Relinque illis Regibus hunc crebrarum arcium morem, qui peregrino, ideoque invidioso imperio, premunt

munt diffitas gentes ; quæ nec moribus coalescunt, nec fidem cuncta amicitia observant; quæque ubi respexere in majorum suorum historiam, erubescunt, se alieno additicias sceptro esse, nec domino tantum absenti, sed & genti in qua dominus vivit servire. Sed tua Sicilia gens una est; unus sanguis; eadem illi jura; gloria, Principis, famæ, sincera communio: Quamvis illam Majorum tuorum bonitas iterum in diversa studia tantum non sparserit, perpetuo singulis regionibus rectore attributo; sub quo possent meminisse, & olim apud se regnatum.

Id ipsum alterum erat, quo monebam infestari tuam pacem, & in te Proceres accingi; hic mos inquam in tam longum & stabile imperium permittendi Provincias, quæ ut à te Rectorem accipiunt, hunc illico venerantur; ei assuescunt, tam constanter hunc esse Præfectum, quam te Regem intelligunt. Imo & propius ille civibus incumbit, propius urget affectus; contumaces aut amantes propius damnat vel colit. Maxime nobilium stirpes adeo ejusmodi Provinciarum Rectoribus accedunt, spe, convictu, mansuetudine captæ, uti deinde vel in Regem promissam fidem exerceant. Hæc munera si paucorum faceres, ô Rex! non illis coalesceret inveterata vis; nec cives brevissimo defuncturos imperio, præter fas
ama-

regionem, & æmulam sæpe Sicilia. Illa quoque castellorum turriumque frequenter supercilio tumebat: Erant præterea Optimates tanti factione & viribus, ut quod plerumquæ infelix potentia genus est, Reges terrerent. Qui tunc in ea morus? quibus nunquam graviores concussere Siciliam. Dejecti nunc Reges, nunc Proceres; Donec arcibus præter unam everfis, Magnatum quoque robur multiplici regnantium arte suppressum est. Hi bello periere, hi carcere; hos lictores immolaverunt publicæ paci. Dii melius, quàm nostrorum patriciorum sanguinem ita fatis vilem esse. Hoc tu avertes, si & quietos illos, & te serio Regem esse volueris. Sic enim ille conjurandi mos, atque à te definiendi, paulatim excedet ab usu; & in pari omnium iugo nemini gravis erit iusta modestia. Sed quamdiu id cuiquam erit impune, in contumeliam cæteri trahent virtutis necessitatem: Ut vel omnes pari lege à tua maiestate subigendos, vel neminem in officio futurum intelligas.

Quod si unquam redibunt ad tumultus, jam nunc consule quid illis facturum sis; In te, inquam, consilii summam constitue; Nec in amicis expecta libertatem ad fidem, qua modo extra periculum disputamus. Forsitan & ego molliora censuissem, nisi quod venturi ignarus, nescio qui sint in quos nunc dixi. Scilicet illi prudentes,

quorum consilio in rebus dubiis uteris, non sic auspiciantur publicas curas, uti privatam suæ salutis sollicitudinem depouant. Itaque ubi in factiosos & armatos Proceres consuluntur, eorum offensam veriti sæpe remissas sententias dicunt, & propemodum tuo sceptro indignas; Ne si quid acrius statuerint, illi ipsi in quos dicunt, postquam (uti mos est) in aulam reconciliati florebunt apud te, in ultionem servent animos, ac denique ruina immerentem exsatient. Eo metu multis tuorum Senatorum libertas eripitur, fides quidem sed dum impune licet, & sibi antequam tibi. Hæc ipsa nec coram Collegis dicerem; nec tibi omnino; nisi inter regias tuas dotes in signe esse scirem, & similimum oblivioni silentium.

Dum his consiliis secretus Meleander imbuitur, interim Radiobanes machinas pergit in Argenidem adornare. Iamque munere dato familiarior, avidè quærebat cum Selenilla convenire; Et eo forte die sic casus consilium adjuvit. Miserat ille qui nunciarent Argenidi, si commodum esset, eam velle se visere. Spatiabatur in horto Argenis, cum illa virginum paucæ. Sed Selenilla in illius triclinio hæserat, nescio quibus codicillis impedita; & hanc occasionem nacta colloquendi tam magnifico largitori (nam id ipsum anxie optabat) renunciari Radirobani jubet,
vacare

vacare Argenidi; eamque, si ipse veniret, confestim ab horto adfuturam. Geminata mox fraude, ministratum fidissimam cum hisce mandatis ad Argenidem ipsa mittit; adventare ad gynecaeum Radirobanem; cujus colloquio si cuperet defungi, properaret descendere ab horti spatiis in subjecti saltus umbras, hospitemque incommodum sua illic cunctatione eluderet. Interim Radirobanem Argenidis limen intrantem ipsa excepit; excusans quod domina abesset, illico, uti fingebat, reditura: Cumque secretum fuit, sis qui sequuti Regem erant remotius in ejus honorem astantibus; Tunc anus, Gaudeo, inquit, ô Rex, locum hic esse objurgandi liberalitatem tuam. Nimio pretiosius quam ipsa natura me ad vultus charissimæ tuæ matris admovisti. Et Rex, Parva hæc, inquit, existima, Selenissa; & pignora fortunæ majoris. Ne vero tuam sortem meamque dissimulem, accipere majora à te possum, quam tradere. Tu lux mihi, tu veræ matris loco, tu aliquid conciliare mihi pòtes vita fœlicius. Neque à te expeto opem, nisi quam tibi tuæque alumne utilissimam putabis. Nam quid illa Archobroti amicitia tenetur? Quam indignû Siciliæ rebus, ignotum, privatumq; in illas spes niti? Equidem beneficio factû puto: Et mehercules si Virginis frater esset, aut pater tormentis verum exigere; eoq; vel cæso

vel pulso, exonerarem puellam curis inanibus. Permitte te matrem appellem. Tu mater, & medere alumnae in deteriora consilia vergenti, & asserere me in cœlum; id est, fac ut patiatur se amari. Quid illi in genere meo, quid in fortunis displicuit? Quantum Sardiniae, quantum Corsicae vires possint, certe feci ne nesciret. Nec adeo inauspicatus vivo, ut in totum purpuram meam dedecem. An deos expectat, & in Archombroto fingit numen, quæ Reges sic fastidit? Cæterum in me simul, & illam, nolo te sine precio piam esse. Si receptus in optata fœdera ero, spondeo præfecturam Sardoi & Siculi maris (qui honos à Regibus secundus est) transituram in filium tuum. Si plura desiderabis, intelliges te mihi parētis loco esse.

Labentem jam accepto munere animum, tantæ spei quæ offerebatur moles afflixit. Excæcata, nec aliquid præter Radiobanem jam videns; Nollem, inquit, hæc à te audivisse. Lentiorē hinc habebis diligentiam meam. Nam quæ tibi & Argenidi properabam efficere, nunc timeo ne videar empto & vili studio moliri. Sed & altius quam suspicaris in Argenide vulnus. Quid tu mihi de Archombroto, Rex? Erras, Optime, erras. Hæc dicens, vult utque demisso oculos tollens, breviter risit. Ille avidus sciscitari, & jam prope mercenariam urgere. Sed negabat Selenissa tantillo

sillo colloquii momento rem posse expectari. Ac ne initia quidem, inquit, sine creberrima tui meique oris mutatione retulerim; Et hic tui Optimates in utriusque vultus intenti sunt. Præstabit descendere in hortum, tamquam obviam Argenidi eamus. Ego te per errores in spatia ducam à quibus hanc abesse conjicio. Confusus expectatione Radirobanes tantæ rei quātam matrona videbatur afferre, illiusque manum tenens; ad viridarium volentem invitavit; simulatione coram suis proceribus usus, velut ad Argenidem iret. Sed postquam in aviam horti partem, & vix notam Argenidi, deducti sunt; Fallor, ait Selenisla, aut hic dominam maturato habebimus. Redeunti plurimum placet hæc via. Illic igitur suos sisti Radirobanes imperans, ipse cum anu in consitam arboribus semitam se conjecit.

Tum vero Selenisla ægrius loqui, & veluti in repugnantis animi rixa quærere diu verba; seu revera exhorruit in exundæ fidei articulo, seu simulata perturbationis magnitudine prodictionis beneficium apud Radirobanem commendabat. eique miranti; Quidni, inquit, expalleam quæ primum hodie disco loqui quod nolit Argenis? Sed tanti est vel invitam sanari. Et tu unicus ad hunc morbum Æsculapius, ô Rex. Videtamen ne exitio meo fiat, quod te, & illam, hac prolatione secreti

cula urgere. Sed tam grandis superstitionis originem quis è vulgo ejusmodi temporibus nesciret? Mihi quidem, sub qua Argenis habuisset infantiam, adhuc Rex illam custodiam commendavit: Et lex publice omnibus dicta; Si quis vir pedem latum in arcem extra unum Regem penetravisset, sacrum hunc fore. Tum si qua de nostris mulieribus meo injussu ex arce discessisset, scaphę imposita sine comœatu vel gubernaculo, ageretur à littore: Vni mihi cui præcipua fides, datum ut Idibus exirem. Erant enim peragenda familiæ meæ sacra. Circa arcem, justus miles tendit. Tria ad præsidium millia erant, & per vices vigilabant.

Si mihi credis (Rex,) non prorsus hæc erat injucunda solitudo; maxime inter initia, dum fatigatos urbano tumultu animos ocio illo componimus. Simplex ætas Argenidis in jocis versabatur, quos delectæ puellarum faciles admovebant; ut & sæpe solutæ mentis foelicitatem mirarer, & de temporum perversitate ingemirem, quod Siciliae heres vix tantillum spatii tuto incoheret. Sed compendium apud te faciam. Ne facias, inquit ille, ô Mater. Nam etsi nondum intelligo ad me ista quid faciant, juvat tamen audire consilia Meleandri, moresque & fortunam Argenidis. Tū Selenissa; Ita horas diviseramus, ne quod tadium admoneret suæ capti-

viratis Argenidem. In comptu non multa, lucum amabat quem amœnum in arce habebamus: Illic facili arcu lacertos fatigabat, provocata æmulatione suarum, quæ longius sagittis progredereetur, quæ certius metam feriret. Ingens plaudentium risus in molli exsonabat victoria. Cursus quoque præmia erant. Rursus mystæ omnes simul, omnes ad ambitum loquebantur. Amabam hæc in alumna, simul vires crescenti suffectura, simul animum prohibitura ab inutili dolore præsentium rerum. Hinc digressa majorum monumentis implicabatur; Neque avidiorem vidi quam prolatis historiarum auctoribus. Reliquum diem inter artificia degerebat, tunc etiam referendis audiendisve fabulis incitata. Habes indolem tuæ Argenidis, ô Rex. His studiis exigebat adolescentiam priusquam innoxiam animi pacem curæ libassent.

Cæterum ex arce Syracusas digressa in Iunonis templo eram. (Memini diem; adhuc videor aris astare; adhuc thura injicere; ita casus memoriam adduxit.) Eram, inquam, inter sacra, & Argenidis coram Diis miserebar, cum venustissimæ formæ puella testudinem templi intrat. Grandis erat nobilique incessu; Sed vultu in tristioris fortunæ specimen dejectus. Ego potissimum mirabar, quod unus vir in comitatu esset. Is aperto capite sequebatur;

ut

ut in eum vix inspicere liceret. Subitum
 mustantium murmur fuit, quæ esset, aut
 unde veniret. Nam ignota erat facies, nec
 vestis usitata Siciliæ. Gradiebatur ipsa, sed
 tanta majestate, tamque concinna, Rex,
 rursusque ea mœstitiæ specie, ut in illius
 contemplatione mihi omnia vota exci-
 derint. Illa non multum Deam morata,
 nec speculum numini tenuit, nec ornavit
 munere aram; Sed astitit meo lateri, &
 mox repugnantis genibus allapsa, Plus
 tibi, inquit, hic dies, ô matrona, quam pu-
 tas in promenda bonitate licere, vult. Si
 placet misereri, & Diis exemplum præire
 vis quos tam anxie oras, arcanum mihi
 locum concede, quo votorum summam
 edam. Ego gementem sublevavi; & quia
 videbam non placere spectatores, templo
 maturius digressa, in sororis illam do-
 mum, quo & ego divertebam, eodem me-
 cum vehiculo perduco. Nacta secretum,
 primum peto in Siciliam unde adveniat.
 Græce enim loquebatur, ut barbaram ta-
 men scires. Oream ego putassem; & ma-
 gnæ Græciæ vicinia nostræ linguæ com-
 mercio imbutam: Sed nimium ab hac
 gente oris pulchritudo divertèrat. At illa;
 Ut intelligas, inquit, nihil me de genere
 mentiri neque opem incommodam fe-
 renti optare; cerne, matrona, cerne pa-
 triæ fortunæ reliquias, si fata in patria sæ-
 vire non desinunt, mihi ubique terrarum

suffecturas. His dictis gemmarum vim
ex pyxide eruit, reductaque simul palla a-
liquot ad interiorem vestem recessus ostē-
dit, eadem opulentia tumentes. Privata
mulieris divitiæ non erant. Igitur rursus
frontem, & cæteras indolis notas, levi vi-
su percurrens, altius contremui, & quæ
esset dicere jussi. Misera, inquit, sum, & cui
in auxilii maxima parte erit à multis
ignorari. Ac ne vagam existimes, aut te-
mere isthuc allatam, en litteras mulieris
tibi quidem ignotæ, magnæ tamen, & quæ
opinionem tuæ virtutis, cui fudit, maxime
meruit à te juvari. Ea est mater mea. Lit-
teras simul tradit, quas hic vides (Rex :)
Has enim ex secretissima cistula heri de-
promsi, uti te coram pellegerem. Nunc
quid scriptum sit, audi. Alcæa salutem Se-
lenissæ. Si quæris cur me ignores, & ego
te noverim; scias hoc virtutis maximum
præmium esse, quod latere suos non sinit.
Non esses à Sicilia Rege ad formandos
filia annos delecta, si præstantiorem in-
venisset. Ego inter obscuras fama gentes
(nam & barbaros appellatis) famam no-
minis tui excipere potui & tam meo
quam patriæ vitio non merui à te cogno-
sci. Sed tamen miserere. Vt cunque sim ex-
teræ gentis, at infœlix, at mulier, & si quid
hoc valet, Græcæ quoque originis sum.
Excipe hoc pignus carissimum, excipe
unicam gnatham meam, si quid mihi cre-
dis,

dis, clarissimo sanguine ortam. Fati injurias, meique necessitatem consilii, tibi illa melius expromet; quæ feliciter calamitosa fuerit, si non modo eam servabis, sed & tuis moribus imbuetur. Vale.

Perlectis codicillis, quæcunque virgini mandata à parente ad me essent, peto audire. At illa; Patria mihi, inquit, in Gallia quæ Rhodanus flumen de ingentilacu se explicat. Theocrine mihi est nomen. Pater fuit non modo inter suos insignis, sed uti modica interdum regna sunt, agri etiam sui princeps. Treutacommilcondorus vocabatur. Is decedens me quidem jam adultam, filium autem vix cunas egressum reliquit, & jam fato vicinus fratrem suum (Iccibates appellatur) per superos quos relinquebat Deos, per inferos quos adibat, per fœdera deinde naturæ, & unitis patri memoriam oravit, ut ageret nostri curam; nō pueritiam fratris mei defereret, neu imbecillitatē meam, aut viduam maxime matrem. Et illo inter fittas lacrymas jurante, pater meus extinctus est. Fœlices videbamus patrui fide. Ita patrimonium curabat; ita nos, ita matrem solabatur. Sed scelestæ diligentia causa erat; ne quid illi de hereditate periret, in quam fratre meque sublati haud dubie veniebat. Veneno itaque (ignotum Gallicis moribus nefas) utrumque adortus est; sed eventū nec digno, nec æquali.

æquali. Me enim extingui satius erat, me
objecta tæbe peruri, quam te frater dulcis-
sime; quem ô Dii mea clade servassint ul-
torem futurum perfidiæ, & patrium no-
men lata sobole reparaturum. Facinus
inter extremas epulas corruptis bellariis
mandatum est, quæ frater utique avidius,
patruo admonente, atque urgente, sum-
sit. Mihi subitus horror objectus est; sive
genii mei cura hæc fuit; sive patruï solici-
tudinem suspiciebam ad hos cibos fra-
trem hortantis, à quibus illius ætatis ni-
miam cupiditatem abducimus. Redi de-
inde ad matrem; cumque frater sub no-
ctem ægrotaret, timide quid suspicarer
explicui. Hæc antea aliis suspicionibus
tracta, quas heu nimis mali præsentis atro-
citas afferebat, ferventibus lacrymis fili-
um perfudit, subita morbi mole jam pro-
pe exanimem; & nunc una, nunc alia cor-
poris parte captum, donec puer infelix
inter medicos expiravit. Proh nefas! susti-
nuit adesse morienti ille veneficus, vultu
quoque mœstitiam adumbrans. Et ne
veneni indicii membra liverent, incla-
mabat, præcipitandum funus, causamque
fingeat, ne diutius in extincti pueri aspe-
ctu mea mater conficeretur. Neq; ipsa re-
pugnavit, sceleris quidem haud dubia; sed
volebat posse videri facinus ignorare, ne
patruus in detecto parricidio invecun-
dior, quod in me restabat exequeretur au-
dacius.

dacius. Iamque unctum cadaver erat in
sagulo, foresque spectabat; jam ad planctū
mulieres signum petebant: cum me mater
in solum conclave ducit, comisque divul-
sis: Facis, ô misera, inquit, ut nesciam quid
potissimum gemam: Illumne quem jam
flammæ corripient filium meum, illam
teneram ætatē, quæ domesticum prædonē
non novit: An te magis, quem æquali, aut
pejori forsitan feritate, idem latro à no-
stris complexibus rapier? Frater tuus jam
exivit mortalitatis sensus, tu restas in sup-
plicia. Illum denique nullæ artes revoca-
bunt: Tu, si solers fuero, poteris forte non
perdi. Conjunge consilia, gnata mea, pri-
usquam nos hostium crudelitas inva-
dit.

Sic lugentibus nobis: supervenit vir fi-
dissimus Praxetas, patruo quidem meo,
non illo Iccobate, sed alio pridem defun-
cto genitus, at impari matre. Ille, metu
turbulento, Differte lacrymas, inquit, &
dum licet, aliquod vobis invenite effugi-
um. Imo, ô optime, retulit mater, tu
potius consule nimia clade stupentibus.
Si permittitis (ait ille) loqui quæ sentio:
non potes, Theocrine, nisi beneficio
fugæ esse incolumis. Præsentarium erit
exitium: nec fortasse in biduum vivis. Ne
in vicinis quidem regionibus secura con-
stiteris. Auro, veneno, insidiis, peraget
vir callidissimus quicquid exorsus est.

Dum

Dum itaque fratris tui funus ardebit (nam uti scitis in hac noctem apparaturi) tu veluti æstro mota inter tenebras discurre licentius; tandemque frequentiar subducta, ad posticum meæ domus te recipe. Adero sine lumine solus, & in latebris, interim dum maturius consilium inimus, te servabo. Tu vero, Alcæa, amissam filiam esse sole ter assimula. Lacrymas satis dabunt filii tui interitus, istiusque periculum. Imperavit mihi mater uti parcerem monenti. Neque fraudem differbam; sed semel iterumque rogum fratris visa, elabor inter gementium turbam; & tenebris fræta ad Praxetæ domum pervenio. Ille me condidit in secretissimam partem ædium; & mater (ut audio) ex arte scenam implevit, undique me filiam suam quærens, nisi qua esse cognoverat. Supplicavit etiam Icciobati ut exploratoribus late per viciniam dimissis sibi me redderet. Vereri ne ob fratris interitum violenta in meam vitam consilia inirem. Nec ille omisit quæstionem. Multum enim scire intererat an satis periissem.

Sed cum aliquot dies quærere frustra, materque vacuos rogos ut extinctæ posuisset; tandem cum Praxeta constituit amovere me à tyranni potestate, dum ipsa deligat ex vicina juventute, qui pervindicandæ hereditati me uxorem accipiat. Neque securius mitti me posse, quam quo
nulla

nulla antea nobis intercessisset familiaritas. Ita enim omnem patru mei in querendo solertiam posse eludi. Et tu supra cæteras meæ matri placuisti, ô matrona. Ita concupiit auspicari tecum hospitium, ut acciperes unicam gnatam, si aliter non vis, at certe in servitutem tuam. His ita decretis, quo tutior fallacia esset, mater ad Icciobatem digreditur, & super meo casu consuli Deos petit; nec alium certiora responsurum quam Delphorum præsidem Deum. Se enim avitam in eum pietatem obtinere: (Nam & Phocensium colonia sumus, olim Massilia in interiorem Galliam deducti.) Si Icciobati placeret, se Praxetam eo missurum. Prolixè Icciobates consilium probavit. Nam & ipse mei fati incertus, Deorum ministerio ubi essem aut quomodo occidissem intelligere cupiebat. Nec suspectus Praxetas illi erat. Dona etiam ferenda Deo tradit. Praxetamque multo auro sollicitat, ut editum oraculum nulli priusquam sibi enunciet. At ille promissam nobis fidem non mutans, tanquam Delphos profecturus, me pro sarcina imponit parvo navigio; quod secundo flumine ad mare ferebatur. Nactus inde ex Epidamno navem, quæ à Rhodani ostiis solvebat in patriam; cum vectores omnes ac nautas peregrinos esse sciret, fasciis in hospitio deductis, me sororem appellavit, imposuitque navigio.

Loca-

Locavere operam nautæ , ut nos applicarent Siciliæ. Quibus fidem servantibus, ecce me, Selenissâ, jam non memorem libertatis, & aliquid exigenti è patria Icciobati debituram, si me tuam famulam esse permittes. Praxetas ille mihi ex concubina pattuelis, is est, qui ut altius fallat in servili veste me sequitur. Nostros errores, & quæ modo strictim exposui, potes ab eo, matrona, diligentiori narratione accipere.

Cum hæc diceret, tanta modestia sermonem commendabat, tam concinne leniterque mœrebat, ut in eosdem cum illa affectus sentirem me mutari. Et ego per Deum fidium (interpellat Radiobanes) jamdudum expecto quid de illa staueris. Si in me incidisset, non contentus hanc timida pietate obtegere, revulsissimæ Icciobatem à præda, cui forte nunc incubat, vinctumque, & ultimis ceremoniis mactatum, virgini immolavissim. Subrisit Selenissâ, & Radiobanis pietatem laudavit. Anxia, inquit, eram. Nam neque tanta supplex, & quæ oris habitu, precioque tot gemmarum, ambigere non sinebat, quin vera afferret, negligi poterat; rursusque Argenis obstabat officio, cui eram addicta, & ad quam nefas erat, præter assuetas, ullam admittere. Igitur, Potuissès, inquam, Virgo, deflectere ad alias quæ utiliores in te pietatis fuissent;

ad nē-

ad neminem autem cui tua calamitas plus doleat. Sed quod oras, præstare non possum. In secreta enim arce cum filia Regis ago. Succedet officio mea soror; quæ, spondeo, res tuas sic curabit, ac si ex ea nata es. Confusa videbatur; & verecundia oculos in humum traxerat: Ac, Quam bene secreta ea domo tegerer, inquit, si in ea per te liceret stirpi Regiæ famulari. Concutiebat animum meum tam indigna calamitas. Iubeo itaque bene sperare; eamque cum suo Praxeta sorori meæ trado, interim dum ego ad Regem, qui tunc erat Syracusis, omnia refero. Rursum interpellat Radirobanes. Quis autem Meleandri sensus fuit? Advolavit ad solatia adhibenda; an potius suam aliis pietatem mandavit? Iamdudum excrucior quod tam lente miseram adjuvistis. Et quidem expectabam, ut viam ad exitum mearum curarum expedires; tu in alias sollicitudines conjicis. Sed tanti est oblivisci parumper ægritudinis meæ, dum miserrimæ Theocrines casus accipio. Tu modo omnia, nec præcipitanter, exequere. Tum Selenissia, Ne me vero existimes frustra in hos sermones delapsam; Scies tandem quam hæc ad te pertineant. Meleander non minori indignatione quam tu modo hanc hospitis calamitatem accepit. Et quid, ô Selenissia, si miseram viso? Ne feceris, inquam, Rex: Proderet

supplicem tua humanitas. Quis enim Optimatum, aut saltem matronarum, salutare deinde advenam non volet? Et in tanta celebritate periret arcanum quod apud nos sic quærit. Si permittis in arcem ad Argenidem duci, commodius eas viſes. Volo, inquit, mea Seleniſſa. Tibi curæ ſit uti bene habeatur. Quod ſi à domeſticis turbis quietem Dii dabunt, faxo patrius non in illam impune peccaverit. Nunc denum mihi places (exclāmat Radirobanes) nunc dignus es, Meleander, qui Argenidem genueris. Ad quæ verba anus hilarior, Vide, inquit, ut hunc animum in Theocrinem ſerves. Eget enim hodieque beneficio tuo. Sed eſt multo facilius extra periculum miſericordem eſſe, quam cum præter contemplationis pietatem, opera præſens exigitur. Nunc vero ſine me cætera memorare.

Postquam hanc licuit adjungi Argenidi, læta regredior ad ſororem, bonitatemque Meleandri, & omnia, quæ volebamus, impetrata renuncio. Et nunc, inquam, Theocrine, mihi in ſecundam curam es. Pari cum Argenide cultu te juſſa ſum obſervare. At illa magnopere orabat, ne quid de ſe decerneretur illuſtrius, quam de cæteris, quæ in Argenidis vivebant familia. In hoc enim ordine poſſe ſe extra famam latere. Longiſſimum mihi erat, quod non eam è veſtigio ad arcem ducebam,

bam, haud dubia amaturam Argenidem oblatum à Diis egregiæ adolescentis consortium. Sed instabat sacrificium meæ familiæ anniversarium, quod recte fieri me absente non poterat. Postridie vero quam per sacra licebat, Praxetam Delphos versus dimisimus. Nam aiebat aliqua rescire Ictiobatem posse, si nuncupatis votis perfungi neglexisset. Sed Deo consulto se Syracusas rediturum ad sororem; ut inter nos fingere possemus quæ tyranno referret tanquam ab Apolline oracula.

Illo profecto, imposui meo carpento Theocrinem: nec satiabar colloquendi dulcedine, ut itinere inter varia consumto, prius ad arcem pervenerim quam me scirem digressam Syraculis. Postquam virginem Argenis conspexit, aliquo stupore perculsa est, non semel per omnia ejus lineamenta mentem & oculos ducens. Ego coram cæteris de Theocrine modelte locuta sum: Virginem esse externam, quæ Africam petitura, ad nos naufragio pervenisset. Secreto deinde Argenidi rem committo; quæ omnibus præter me remotis, Si mihi, inquit, ô hospita, sororis suavissimum nomen concedis, si dignum eo nomine affectum indulges, me dehinc unicam patri meo non putabo. Utinam velles, quid genere tuo dignum sit comites meas scire. Sed hinc scis apud nos te regnare, quod locū ac gradum tibi arbitrio

ruo constitues, & quæ arcana esse volueris, ego & Selenissa silebimus. Non se tenebat Radiobanes: sed loquentem interfatus, & inquit, fortunatam Theocrinem! Vltro ab Argenide amari, sic audire, sic reponere, absque æmulo vesci sic possum! Numero dicis hæc, reponit Selenissa, præquam si deinde conjunctissimas mentes & studia nulla similitudine interpolata aspiceres. Erras tamen quod æmulationem abfuisse existimas. Deperibam Theocrinem: & utra plus ab ea amaretur, mihi cum Argenide contentio erat. Accendebat nostrum amorem modestia sua: Neque ulla erat in arce quam non idoneo officio demereretur. Error etiam linguæ, divertentis à genio Græciæ, augebat dicentis gratiam natorum veniuntate. Studia illi eadem quæ Argenidi esse videbat: ea autem prudentia ut sapissime victa discederet; & ne quid calliditati lepidissimæ deesset, indignatione mox ficta incitabat vincientis lætitiā. Sed lanificii erat rudis: Non acum, non cōlum tractare assuevit. Venationi in sua gente deditas agebat, quæ ex primis stirpibus erant ortæ. Facillime tamen indolem cum regione exuerat. Monstrari sibi volebat eas artes, non indiligenter observans quæcunque monebatur. Nihil tamen vehementius mirabar quam cultissimam amœnitatem ingenii. Semper infantes joci, aut festiva narra-

narratio: Vividi quoque versus, & masculini plus quam qui fidibus canerentur. Nam scribendi vitia, seu Græce seu Italice conaretur, non perinde ac loquendi illi erant.

In illis remissionibus eram, cum interruptum ocium nostrum flagitiosa prodicione Lycogenes. Impatiens artis qua Rex Argenidem servabat, utrique exitium destinat. Operosum, & fortasse invium facinus, si illud pietas imperavisset: Sed nihil est supra improbitatis ingenium. Igitur duorum conscientiam tentat, qui ad omnia promiserant ferrum, fidemque jam ad flagitia exhibuerant. His arcem ostendit: illic prædam, si modo viri essent, eximiam latere. Vbi Rex ad invisendam filiam secessisset, noctu evadendum in mœnia. Quippe non satellites, non amicos, non servulos intra ea limina admitti. Nudum, & senem, etiamque consopitum, quam facile opprimi posse. Sed & comprehendendam esse Argenidem. (Ea enim ad nuptias adacta, usum se deinde cogitabat Regis vita, ut in tanto rerum motu fortuna monstravisset.) Ipsa sceleris insolentia excitabat latrones, ut se memorabili flagitio celebrarent. Sed quis, ajebant, nos in arcem recipiet? aut quis euntes non notabit? utique tam frequenti sedulaque vigilum statione, ut pene in numerato sint aves quæ armatos prætervolant. Cum diu disceptassent,

randem commodissima ea pars visa, quæ
cingitur mari. Nam viribus naturæ fîum
Regem eo latere omisissæ custodiam: Pos-
se appellî levem scapham, & undarum
fremitu necessarios tumultus latere. Rur-
sus tamen cogitabant illic collem per
præcipitia desiderare scalis omnibus altio-
ra; sed sicariorum unus, cujus confes-
sione postea de sceleris modo rescitum est;
Permittite mihi negotium, inquit. Inve-
niam rationem quæ nos in arcem tollat.
Sociis tamen mihi unus non satis est.
Quid enim si quærendus Rex in vasta do-
mo erit? aut si ultimus terror vires illi suf-
ficiet? Quid quod antevertenda Argeni-
dis fuga erit, si intellecto periculo latebit,
aut excubantem ad fores custodiam pe-
ret? Non pauciores octo suffecerint. Hos si
deligere mavis, ocîus nobis conjunge. Sin
in tanta re nobis fidis, notos habemus, qui
omnia perfecta tibi reddant. Lycogenes
se suamque fortunam tradere illis profes-
sus: Cras, inquit, se in laqueos dabit præ-
da. Audio enim Melcandrum ad Argeni-
demiturum. Maturate, dum adhuc re-
cens est impetus; nec sinite, conscientiam
eorum quos secreto adhibebimus, nimia
mora in prodicionem deflectere. Ego in
prædio meo ero quod quinto ab arce mil-
liari ad litrus est. Vos illic communem
prædam adducite.

Sic inter nefarios constitutam rem visa
est

est fortuna promovere. Venit enim ad arcem Meleander : Noxque imbribus fœda, & exeunte mense illunis, interceperat quam oculorum tam aurium usum. Solebat Rex cum ad filiam veniret, Proceres à limine arcis dimittere, ut ad proxima militum castra, aut vicinorum oppidorum cultiora diverterent. Nos autem necessaria omnia ei exhibebamus. Hoc remississimum tempus erat optimo seni. Quasi relinqueret curas in foribus, ipsamque majestatem, inter nos verissima quiete solvebatur. Ea vespera quæ destinata erat insidiis, non modo ignarus periculi, sed & sorte hilarior, cum omnes cœnavissemus, quærere cœpit quibus ludis hybernū & madidum diem puellæ transegissent : Et ego, Fabulis, inquam, Rex; quas impendio depereunt. Imo tu (ait) hoc studio iis concedere non debes, Selenissa, quæ esse jam anus & fabula incepisti. Sed referre singulas volo, quo symbolo juverint hunc senatum. Cum omnes rideremus, & ille imperiosius instaret, ausæ sunt quæ proxime stabant suas ineptias memorare. Inter illos sermones Rex paulatim insinuatō sopore se dimisit, reclinisque in eundem quem cœnando presserat thorū stertere cœpit. Et quoniam expergefactus ægre soporem revocabat, compositis vestibus opertum, appositoque haud procul lumine, sine strepitu omnes relinquimus.

quam hæc loquor hostilibus armis potita est) clypeum à victo detractum suæ lævæ inferuit. Circumspiciebam ego, non periculi magis, quam auxilii novitate attonita; cum illa unius cervicem ita ferro præcidit, ut ad me atque Argenidem cruor de efflante trunco pertingeret. Strenue deinde hunc clypeo pulsatum, hunc mucrone, hunc capulo turbat. Tum vero grassatores, qui primum insolentia certaminis turbati gradum retulerant, tanquam in justo discrimine violentius insurgunt; ut neque jam puderet plures in unam, & puellam, decernere. Exsonabant angusta in sede arma quassata; simulque miserabilis clamor mulierum (jam hæ enim ad nos concurrerant) speciem captæ urbis majori quam pro loco aut numero tumultu retulerat.

Hæc narrante Selenissâ, non se regebat Radirobani animus, tam prodigiosi certaminis expectatione suspensus. Sed ecce colloquentibus modum imposuit, tunc primum injucunda Radirobani Argenis. Forte redibat per illam horti semitam, cui antea minus consueverat. Eaque conspecta nihil Radirobani & Selenissæ inter se addere licuit, nisi ut postera die in idem horti spacium, paulo post Solem exortum, tanquam ambulantes, convenirent. Nec gavisâ Argenis est, Radirobane viso. soli enim Selenissæ colloqui properabat.

multo hilarior quam cum excefferat è cubiculo. Cum ista tamen venienti obviam iſſet, non ſevere exceptus eſt: Virgine per alia gaudia minus illum tunc exoſa: Quæ etiam ut animum tegeter ſeria lætitia perturbationum, deflexit ad levia, chartamque verſibus plenam oſtendit paulo ante à Poeta non ignobili oblatum. Iſ ille fœlicitatem regii luci celebraverat, in quem Argenis ſive levando æſtu, ſive ad primæ noctis pulchritudinem, ſolebat concedere. Ipſa quidem explicatam manu chartam tenebat, quam ſic porrexit Seleniſſæ, uti Radirobanem quodammodo invitaret ad iſtorum carminum lectionem.

*Fortunata nimis, ſoleſque habitura
ſerenos,*

*Quæcunque tuos diſfuſo vertice ramos
Pandis, & in ſpatii nutas regalibus arbori
Te neque Chaoniis vocalis ſylva columbis,
Nyſæumve nemus, ſummiſque habitata
Deorum*

Ida, vel in tonſi ſuperent ſaſtigia Pindi.

Quis parvi ingentes nemoris, quis carmine digno

Æquet opes, formamque loci, Nymphasque Deosque?

Populus hic, trepidiſque Alnus prope candida ramis;

Fraxineumque decus, Platanique, Ornique minantes

Syderibus, ſævoq; illa ſa fulmine Quercus,

Ei

Et Fagi veteres, & amicioꝝ Vlmus Iaccho.
Frondeplacent varia: Non est color omni-
bus unus:

Non parili se stirpe levant. Hic multa Cu-
pressus

Tollitur in metas, graciliqꝛe umbone super-
bit.

Hic & Apollineæ læxrus, Piceaqꝛe liquen-
tes,

Et Phrygia Pinus, & glauca dona Mi-
nervæ.

At lenta subtus Coryli, sæcundaqꝛe puro
Fonte arbusta tepent. Tum floribus alma su-
perbos

Vestit terra sinus; quales non blanda faven-
tis

Aura creat Zephyri, Strygio nuptura ma-
rito

Quos legat Enneis simplex Proserpina cam-
pis.

Nec diros hæc sylva Lupos, nec sentit
adunca

Spumæa rostra Fuis; vel formidabile mur-
mur

Accipit, absentes si qua Leo devovet Agnas,
Rancaqꝛe vicina terrent jejunia cam-
pum.

Insontes Capreas, placidoqꝛe examine Cer-
vos

Cerne magis, pigras latus acclinare per um-
bras,

Vel parva trepidare fuga, si plausibus aura
Infre-

Infremit, aut dubios venti movere tumultus.

Vos quoque, presaga cantuque alisque volucres,

*Non isthic avido retinet circumlita visco
Arbor; Ad humentes nec fraus sedet improba fontes,*

Hec vestros prensura pedes. Iuvat aethere toto

*Nunc tranare polos, nunc tutis fidere terris.
Quam bene nocturno gentilia praelia cantu
Conferit, & Thracem narrat Philomela tyrannum!*

Quam bene, cum roseos nox ultima pallet ad ignes,

*Innumera dat lucus aves, & picta salutat
Turba diem, tantisque sonant concentibus aura!*

*Parva loquor. Totas Dryadum nemora ista
catervas*

Incoluisse juvat. Procul ô procul impia cedant

Lumina; nec sanctam ladant contagia sylvam.

Vnde tamen luco tantum decus, unde frequentes

Numinibus sedes, ipsa vos dicite Diva.

Scilicet huc castos magni quod filia Regis

Ferre gradus, parvoque ingens producere luco

Virgineos assueta choros; se lata beato

Indulsi Natura solo; Nymphaque decor

Auctum.

*Auctura comites, hos implevere recessus.
O Virgo, ô Princeps, Siculorum ô cura
Deorum!*

*I, cupidas spectata nemora inter consita Di-
vas;*

*I, gratum dignare nemus. Vestigia cam-
pus*

*Signabit, raptis subitus quæ floribus Au-
ster*

*Impleat, & seruent metita in cortice
Nymphae.*

*Noc nemus hoc tantum; Siculite sentiet
omnis*

*Ora soli, faciesque Deos satis una faven-
tes:*

*Tu si qua Libycis exæstuat annus arenis
Ire voles, aut quæ emoriens Natura prui-
nis*

*Deficit, & gelida siccant statione Triones,
Mitescent steriles auræ, tum floribus o-
mnis*

*Crescet ager, fatoque diem meliore nova-
bis.*

Radirobanes in cubiculum deductam Argenidem, quia adventabat vespera, relinquit, & ad Meleandrum digreditur. Tum vero ad Selenissam Argenis; Iamdiu est, mater quod te habere solam quæro. Et te quoque multum existimem proci illius tradio nauseasse. Quid enim tamdiu tecum hæsit? Hic Selenissa mollius loqui, & præterquam Argenis expectabat.

Se enim

Se enim nescivisse tantæ humanitatis tor-
que leporum hominem esse; Suavissime
loquendo junxisse diem nocti, nisi quod
identidem referebat se ex amore miserrimum.
Non probavit sagax Argenis de in-
viso homine præconium. Sed diligentius
quæsitura: Quod autem facturus est? ait:
aut quando soluturus in patriam? Mitte
has spes, inquit anus. Nisi bello devictus
non abibit. Nam & afflictim te deperit;
& is furor nisi magna ruina premi non
potest. Vtinam saltem adesset Poliarchus;
utinam illius fortitudine tegeremur. Ac
mecastor ingratitude famam timeo, si
pugnandum in hunc erit cujus auxilio su-
mus incolumes. Quid si levi spe indulgere-
mus insipienti? Dilatione frustratus pot-
est in Sardiniam remitti, quasi rebus ma-
turus revocandus. Hæc non illius, sed tua
& Regis causa dico. Dolebis Hymenæi tui
face Siciliam adhuc civilia excutientem
incendia rursus ardere.

Argenidem sive indoles suâ, sive indu-
stria amoris, facile Selenissam esse mutatâ
admonuit. Sed indignatione in aliud tem-
pus submota, mollius hanc de Radioba-
nis amore mentionem rejecit, scilicet ma-
jus opus adorsa, illam anum, illam versu-
tissimi ingenii larvam alia fraude perver-
tere. Igitur cum aliquandiu silentium
tenuisset: Mihi quoque ægre est, Selenissa,
bene meritum Regem in spes incubuisse,
quibus

quibus illi indulgeri non liceat. Sed de istis deinde viderimus. Læta matrona, tanquam juvantibus Diis fallere incepisset, virginem solam reliquit; quæ mox in fenestram reclinis, lacertoque mentum excipiens, cœpit furiose dolere, arcanorum omnium sibi consortem timeri meruisse. In quam enim jam curas partiretur? quis in dolorum, quis in gaudiorum arbitrium posset jam recipi? Tandem risus imitatione perstricta, cogitavit nunquam sine mixtura aut propitios aut tristes Deos esse. Satis autem eam lucem habuisse fortunæ. Ferendum si quid grave deinde accidisset. Hoc ipsum pro numinum munere habendum, quod non de more, quæ sibi contigerant, quæque instabant, ex tempore prodidisset Selenissæ. Ea autem sic erant. Spatianti in luco nunciaverat Arsidas Poliarchum esse in Vrbe, & latere in Nicopompi domo; conveneratque inter eos, uti sub noctem per posticum duceretur ad Regiam. Ergo puella lætitiâ, quam sola non capiebat, properans in Selenissam effundere, maturius domum redierat. Sed sub ipsa loquendi exordia, defecisse ad Radirobanem anum expavit, siluitque de adventu Poliarchi; quem impetus juvenilis, ad nova latendi pericula rursus adegerat.

Cum enim rediisset in Africam Gelanorus, nec uti convenerat Clupeæ habuisset
Poliar-

Poliarchum, ad Regiam Hyannisbes profectus, illic ex febre adhuc ægrum offenderat. Litteras ergo & mandata Argenidis ferens, afflictæ præterea Siciliae statum exposuit, & quo in discrimine virgo esset sub Lycogenis prope certa victoria. Nec quicquam dicere omisit, nisi quod Argenis vetuerat, nempe iniquiorem animum Meleandri. De Archombroto vero non fluit; Nescio, inquit, quo se fastu Archombrotus sustulerit; Nos jam illi viles sumus. Nec quid gravius, aut acerbius, quam eum amicitiae oblitum credebat Gelanorus. Sed nihil est suspicioso amore solertius. Statim Poliarcho suspicio incidit, Archombrotum Argenidis forma captum, & à se tanquam æmulo dissidere. Nam quid prohibet, inquit, eum aliqua explorasse, à me quoque amari Argenidem? Nihil agimus, Gelanore, nisi in Siciliam mature transmittimus. Scilicet Argenidem, dum hic ignavus cesso, mihi illic inter bella aliorum virtus servet? aut verius, si nam alios esse quibus ipsa se debeat? Anxio animo Gelanorus hanc domini mentem accepit. Nam infestum Poliarcho Meleandrum metuebat, & prærepta ab Argenide erat libertas admonendi. Fidem denique utrique sic servavit, ut de Meleandri eversione nil referens, subinde tamen ostenderet, maxime intutum Poliarcho, provocatæ fortunæ caput obicere inter

Inter tot hostes, & in ipsa belli licentia. Præstare in patriam navigare, collectisq; militibus, Siciliam, nihil jam dissimulata majestate, repetere. Faciam, retulit Poliar- chus; Sed scis pene per ipsa Siciliae littora viam esse ad patriam. Ego autem ut in sa- lûtata Argenide terram illam præteream? Pigere me exhausti periculi diceret ipsa, nisi in novû succederem. Vbi littus atti- gero, mihi crede, commenti alicujus ratio me ad illâ commode perducet. Atqui, ait Gelanorus, prius exequar mortem, quam te in hæc pericula reducem videam; nisi saltem hoc impetro, te, ubi in Siciliam perveneris, nulli salutem nisi Arsidæ commissurum, priusquam colloquaris Argenidi. Communi deinde quod capie- tis consilio te permitto.

Fidi hominis sollicitudinem non asper- natus Poliararchus, conditionem accepit. Sed destituebat animi imperum corpus, acri quartana pertinaciter concussum; quam etiam novorum consiliorum ma- gnitudo & anxietas ita auxit, uti, quæ nox sequuta est remissius quidem inhorrens, longiori quam antea æstu sævierit. Neque prorsus Gelanoro ingrata mali vis erat, certiora pericula differentis. At Poliar- chus medicinæ impatiens, quæ viribus per jejuniâ subductis, mo- um jubebat do- mitari; eorumque exemplis ad memo- riam revocatis, quos audiverat à se sebrim

depulisse insolenti vini potu, idem genus
remedii experiri constituit. Nihil mirum
est, inquit, si me ex præcepto medicorum,
exhausto & moriente, febris simul peri-
bit. Adhuc dum vires sunt, malo cum ea
decernere, & curari meo ductu. Ambigu-
um quidem in perniciem salutemve erit
hoc facinus. Sed satis est, quod non lente
repræsentabit quicquid de me fata decre-
verint. Nam hic status est rerum, ut sit
acerbius ægrotare quam extingui. Ita
obfirmatam mentem, non preces, non
lacrymæ Gelanori hoc discrimen abomi-
nantis flexerunt; non invocata Argenis,
non matris amicorumque memoria. Ipsa
denique Regina Hyantisbe frustra oravit.
Ergo consiliis suis relictus, cum post tri-
dum febris ex constituto jam rediret, fo-
co admotus tremorem membrorum fri-
gentium excepit veterrimi vini haustu;
quod multo violentius suum ignem fun-
debat in sobriis venis, & mero non assue-
tis. Negavere medici adesse se posse ad-
moventi (uti aiebant) sibi mortem. At
subridens Poliarchus, si illi abirent, saltem
medicum Bacchum (ut cum sæpe vates
Pythia appellat) adfuturum respondit.
Simul in febris rigorem pugnare multo
vino pergebat, donec sanguine calefacto,
paulo alius quam qui ex morbo fervor
est, trementia membra composuit. Hinc
cum diu consudasset, diligenter deterfus
est.

est. Iamq; sibi validior videbatur. Mirum dictu; Cum iteru hac se lucta in morbum comparavisset, juvenus, atque felicitas, & quæ plurimum Medicorum incerta consilia fortuna nobilitat, exegere incommodam febrim. Hyannisbe, uti temeritate remedii habuerat in doloris maximi causâ, ira postquâ conspexit incolumem, nullum lætitiæ modum adhibuit, donec alia ægritudine vis gaudendi suppressa est. Ferre enim non poterat discessum Poliarchi, præsertim cum in vultu adhuc restarent vixdum submoti morbi vestigia. Nam ille paucissimis diebus ad confirmandam valetudinem consumtis discessum pertinacissime ornavit. Et Regina (ut amoris in eum pene materni erat) lacrymis omnibusque ad limen prosequuta abeuntem, nihil amplius oravit, quam ut hospito littore uti promitteret, si quis in viciniam casus navigantem retulisset.

Sed posteaquam intravit conductam à Gelanoro navem, deductusque in altum est, sollicitare remiges, ac urgere non cessavit; tempus quoque destinans, quo si terram Siciliam monstrassent, merces eorum geminaretur. Lucelli spes segniciem abegit, votoque damnatus Poliarchus illis monstrantibus insulam agnovit. Tunc porro diversissimarum rerum contemplatione inhorruit. Quæ mala, quæ gaudia illa tellus haberet! Illic felicitatem esse vel exitium. Quo periculo inde evaserat!

Quid si iterum eadem tempestas insurgeret? Mox discrimina omnia, speciesque fortunæ terribiles, ubi Argenidem cogitatio obtulerat, lætiori audacia diluebantur. Modicus portus erat, & præterquam piscatoriis casis incelebris, duodécim milibus ab Epeiræte. Illic applicato navigio in arenam descendit; humilique diversorio, tanquam sali jactatione æger celari instituit, donec misisset ad Arsidam. Cum vero stabularium ad quem diverterat inter cætera rogasset ubinam ageret Meleander; Nondum, retulit ille, discessit ab Epeiræte ex quo Lycogenes victus est. Tanquam augustiori ob victoriam loco, excipit civitatum Oratores, quæ certatim ad eum de pœnitentia sua mittunt. Victus ergo est Lycogenes? subjicit Poliarchus. Omnino, inquit cæupo. Dedit pœnas meritissima morte; caputque ab summa aliquandiu arce ad spectaculum pependit. Sed jam fertur Rex Syracusas commigraturus, quo Sardinia Regem per præcipua Siciliae ornamenta circumducat. Quærente Poliarcho unde in Siciliam advenisset Rex Sardinia; Nescis ergo, ait ille, Sardinia Regem cum exercitu suppetias tulisse Meleandro; & ejus fortitudine restitutam pacem Siciliae? Obtulit Poliarchus, mutata Siciliae sorte omnia sibi perplexa auguratus. Adventabat post discrimen; Alii, & peregrini, juverant Meleandrum; & quo

& quo incolumis esset Argenis, beneficium Sardiniae erat.

Relicto igitur caupone, O Gelanore, inquit, fac uti sciam quis hic terrarum orbis sit; id est, an salus adhuc mea cum hac rerum mutatione conveniat. Adhuc habebat capillamenta, quibus olim dolo Timocleae mutaverat vultum. Horum unum Gelanoro cum rustica veste tradit, jubetque sub noctem Epeircten intrare, & monere Arsidam se in pelagi ora fortunae varietate lassatum in utramlibet sortem ultima expectare. Dum iret Gelanorus, quidam ex vicinis oppidis in via oblatis sunt, qui & ipsi Epeircten petebant. Quamquam concinnam induerat larvam, tamen illorum consortium fugisset, ne quis fraudem deprehenderet; sed in angusta via divertere non licebat: & illi priores salutaverant. Ergo necessaria audacia, tanquam advena ignarusque Siciliae, de proximo bello quaerit, & victoriae ratione. Ii omnia ambitu referebant, quo solemus in prosperis res nostras apud exteros commendare. Duos potissimum celebrabant, Radirobanem, & Archombrotum. Nam & Archombrotum in Lycogenis capite praecidisse quicquid in agra Sicilia ex morbo tumebat; Radirobani autem hospitalis auxilii & fortitudinis premium fore Argenidem. Ita enim rumor tulerat; quodque isti credebant, bona fide apud

Gelanorum profitebatur. Ille, ubi potuit, ab iis diversus, inter acerrimi doloris suspiria agitabat, an res esset domino referenda. Verebatur ne sub tali nuncio vita deficeret; Rursusque sperabat, nondum coalita mala, si mature nunciarentur, illius genio & felicitate posse rescindi. Sed ante omnia conveniendus Arsidas erat. Iamque Epeiræten habebat in conspectu, cum puerum videt maculis oneratum, lorisque venaticos duos canes ducentem. Et agnovit de Arsidae familia esse. Ac utinam Dii, inquit, hujus venationis beneficio Arsidadam mihi darent. Quod si occurreret, tamen nec solus veniet, nec temere erit coram aliis compellendus. Se itaque comparabat, uti si quid tale accideret, fortuna uteretur. Ecce autem commento vixdum commode instituto, alie plagæ; & alii canes, neque procul cum aliquot ex Sardinia Proceribus Arsidas venit. Gelanorus frontem omnium contemplatus, quia omnes ignotes sibi vidit, vicissimque speravit illos sui incuriosos fore, se audacius adinovit Arsidae. Et ad te commodum ibam, inquit. Ab Rhegio hospes sum; salutemque & quædam præterea affero quæ ad te socer commisit discedenti. Tum ad aurem se sponte demittentis obiter admotus; Sum, inquit, Gelanorus; Sed tantisper me nosse dissimula dum habeas solum. Turbatus Arsidas occursum sperato,

Sardos placide præire hortatus est; Cupe-
rese paulisper percunctari de necessitudi-
nibus suis. Sub hac larva secreto, sed bre-
viter, cum Gelanoro loquutus est. Collo-
quii summa fuit, se, ubi incaluisset vena-
tio, procul omnibus aberraturum in ne-
more, & ad Poliarchum iturum. Neque
mora, ad Sardos lente prægressos contem-
dit; quos jubente Meleandro venatu ob-
lectabat. Ipse autem Gelanorus, tanquam
Epeiræten pergeret, ubi potuit Arsidæ co-
mitatum latere, flexit iter per notos pri-
dem calles, & ad diversorium rediit.

Eo vero adhuc cubiculum intrante, Po-
liarchus moræ impatiens; Quid, inquit,
fers tandem Gelanore? Adventum Arsidæ,
refert ille. Venationem incunanti secreto
loquutus sum, & uti diei tempus est con-
festim adfuturum conjicio. Nihil ultro
Gelanorus memorabat. Arsidam quippe,
quam se, malebat tristitia nunciare. Sed in-
quieto erat vultu, neque satis submovebat
suspiria. Tandem sæpius urgenti Poliar-
cho, minisque jam aspero, quæ in via au-
dierat refert; Pactam Radirebani esse Ar-
genidem. Non doluit Poliarchus, non
succensuit, horruitque ad nuncium acer-
bissimæ rei. Major erat is motus affecti-
bus quibus nomen invenimus. Dumq; jam
non amplius tristis, aut, cui adhuc posset
nocere fortuna, in æmulorū ruina decer-
nit perire: Arsidæ casū intrat, imponitq;

stabulario, quasi ferâ sequutus, & viarum imperitia illo delapsus. Postquam autem secreti fuere, rigentemq; Poliarchum conspexit, nec exertis oculis imperantem; Heu quid adspicio, egregie juvenis? inquit; Aut quid tantum dolere incolumi Argenide potes? At Poliarchus; Valeo, Arfida; valeo, inquit; & me vivere Radirobanes vester cum sua nupta faxo intelligat. Sensit Arfidas errare Poliarchum; veriusque cuncta expediens, Meleandri & Argenidis vota longe esse alia monstravit, quam quæ optabat Radirobanes, populusve jactaverat. Ita paulatim factus Poliarcho finis erroris est, cæpitque in spem restitutus placide audire de statu Siciliae disserentem. Cæterum jubebat Arfidas, Poliarchum simulatione omiſſa ad Regem accedere. Fractos hostes memorabat, legationem ad eum Timonidis, & præter benevolentiam Meleandri, curam quoq; Argenidis, & tot in se studia veterum amicorum. Quid ille formidaret inter tanta præsidia? aut cur simulationi mallet, quam apertæ virtuti vir militaris confidere? Sed obſtabat Gelanorus; dominum subinde admonens fidei in Africa datæ, nulli se priusquam Arfidæ ac deinde Argenidi locuturum. Ipse quoque Poliarchus se posse negabat incolumi dignitate prodire in publicum. Navigandû prius in patriam ad recipiendum cultum in quo vellet à Meandro cerni. Vnam esse

esse Argenidem, quā iuvante Arsida optaret convenire. At saltem; retulit Arsidas, conscientiam Nicopompi suspectam non habebis. Nam quid fidem illius hominis prædicem? In te ornando totus est, & fidissimō affectu exultat cum laudaris. Apud eum nunc hospitor, nec fidelius potes quā illius laribus tegi. Haud ægre Poliarchus, nec repugnante Gelanoro, assensus est. Igitur cum obiter quievissent; iter nocte cōcubia ingressi, sub auroram Epeiræten perveniunt; admissiq; ad Nicopompum, compulerunt hospitem ad gratantium lacrymarū lætitiā. Et Arsidas ubi provectior fuit dies ad Argenidem ivit; Sed occupatā eum parente, & deinde cum Cleobulo, habere secretam ante non potuit, quam illa Radirobanem fugiens ad lucum divertit.

Vbi autem advenisse Poliarchum referente Arsida scivit, oblita tot malorum, nec æstimato utriusque periculo, plusquam pro incerta & brevi felicitate exultavit. Sed utcumque festinanti expectanda vespera erat, ut is extra discrimen duci posset ad Regiam. Ero, inquit Argenis, in illa porticu mea unde ad hortum est aditus. Erit una Selenissā, quæ tibi & Poliarcho aperiat. Vade, mi Arsida, & tempori adsis. Hinc gaudio turgens ad Selenissā pergebat, tanquam compari secretorum largitura felicitatis partem. Sed labefactam fidem agnovit, Radirobane ab ipsa

commendato. Cum igitur hâc quoq; celsisset, facta spe mitigati in Radirobanem animi; nixa fenestram est quæ in hortum patebat. Tum vero duo gravissima occurrerant, adventus Poliarchi, & Selenissæ perfidia. Ita mens iracundia & gaudio variata nihil satis consulebat. Sed maturato opus erat, ne Selenilla Poliarchum deprehenderet ad constitutum venientem. Ea nocte ad ficta negotia anus ablegari non poterat: Nec consultius quicquam fuit, quam Arsida per servulum nunciare, se picturis inspectandis quas sub vesperam afferri præceperat, vacare non posse. Veniret ad Regiam Arsidas primo mane, sed non cum illo artifice. Facile Arsidas intellexit, intervenisse quæ morarentur virginis cum Poliarcho colloquium; Idque palam non ausam nunciare, hoc de picturis deque artifice esse commentam.

Versus ergo ad solandum Poliarchum, quem hæc mora conficiebat, etiam Nicopompum adhibuit. Læta sermonum & mutabili serie mulcebant, nunc suas, nunc Argenidis virtutes non ægre audientem; aut si quid ludicrum Radirobani sinistrumve contigerat. Sed huic officio hærentes turbavit adventus amicorum. Quippe ea vespera præceperat Dunalbius sibi cœnam in Nicopompi ædibus coqui. Antenor suo è templo in urbem delatus, & Hieroleander, cum comitabantur:

caepit

cœpitque familiariter de ejus ineptiis ridere. Nam & ille Rex superbissimæ erat inter suos consuetudinis multaque passim exciderant quibus deprehenderetur vanum ingenium fictæq; virtutes. Dumque Dunalbius, Antenor, Nicopompus, vel fastidio averfantur recordationem insulsæ superbix, vel indignari audent quodejusmodi auxiliatori Sicilia gratias deberet, subridens Hierocleander, Quid si, inquit, hominem hoc mane vidissetis? Impia adulatione elatus, carmina quædam de se conscripta apud suos laudabat, quæ Poeta non condidisset, nisi aut alioquam Apollinis furore insanus, aut utique illum cui scribebat scivisset insanire. Finē poematis descripsi. Ex eo de toto cōjicite.

*Tu si terribiles in praliâ sæva iugales
Exigis, Odrysiis confuso pectore Mavors
Damnat equos, dextramque suam. Si
terga subibis*

*Quadrupedis; cupiet spreto tua Cyllarus
Astro*

*Imperia, & Sardis volitare superbiore a-
gris.*

*Et cum lentato volucres aptare sagittas
Instituiis nervo, cedunt Phæbusq; dolensq;
Amphitryoniades. Quod nî te velle pu-
taret*

*Arte suâ vinci, tibi cederet ipse Cupido.
At Maja genitus, cum tu rosea ora re-
solvi,*

Astus.

Adstupet, atque omnes subicit jam frigidus alas.

*Cedit & ingenio Pallas, formæque Lyaus,
Iura triumphatis cū sobria dividit Indus
Pulcher, & intonsos distinguuntserta
capillos.*

Quid domito quod frana mari tu elassibus unus

*Imponis, sceptroque tuo Neptunia sceptrasubmisere apices? O nobis aurea rursus
Secula, si tantum pronus tibi fulmina
credat*

*Jupiter, & cunctis unum stet nomen in
avis.*

Omnes de sacrilega Poetæ solertia prædam his carminibus auspicantis riserunt. Quamquam Nicopompus, & ipse Poeta, hanc nonnihil invidiam levabat: Quippe ita esse poetæ os genim; ut ad aurium voluptatem exeret extra verum, eo quidem licentius, quod, cum sciat sibi non credi, quicquid fingit, innocentis potius audi, quam inverecundi mendacii res est. Præterea & seculum ita ferre, ut immodicis apud Reges laudibus jam omnes Poetæ sint. Nam nec solum Radirobanem esse cui hæc larva illuserit. Ipsum quoque (oculis nutuque absentem Meleandrum significans) quam sæpe his falli blanditiis? Denique omnes eo fato Principes viros nasci, ut aliquid saltē pennarum ad hunc viscū relinquant. At Dunalbius publicæ rei studio

studio motus; Ita vero, improvidi cives, inquit, dum utilitate laudandi unusquisque Regum vitia ad amicitiam sollicitatis, vos simul & illos miserrimos fieri non sentitis. Quanto enim incommodo vestro imperantes sic fingitis, ne quid eos pudeat; sed licentissime assuescant seipsum amare & mirari: utique postquam diu omnes eorum affectus adulatione & preconiiis consecravistis? Illos autem, quantumcumque sibi felices sint, ego lacrymis dignissimos puto, nisi superessent his domesticorum insidiis, & ea colere ac probare solerter instituant, non quæ in ipsis aliis laudent, sed quæ ipsi in aliis. Cæteros enim adeo sua purpura occæcavit, uti nesciant quod nemo præter hos ignorat; qui mores, quæ studia, quisve modus, inter homines famam, aut veniam, vel denique odium ferat. Proh facinus! opulentissimæ venationis genus est explorare intimos Regum motus, quo eos natura, quo cupiditas vocet: mox in Diis, non hominibus, æstimatis, quicquid amant aut volunt impense commendare: vel uti similitudine morum, atque sermonum, iis placeas: vel uti solvas eorum verecundiam, & gratias tibi debeant, quod molliveris viæ speciem, quam ad vitia ducentem, obsitque infamia, pudor prohibebat experiri. Quid miremur Principes, violenta adulationis procella inclinatos quo sponte jam volunt

volunt iis vocibus credere quas solas accipiunt? Præsertim nemine ruinam sustinente ad quam tanta vis impellit. Nam illi sapientes quos negotiis adhibent, seu verentur frustra monere, seu medicamentum quamvis infundat salubritatem, tamen ingratum esse sciunt: his vulneribus non adhibent manum: Aut certe vitia distinguunt quibus seipsum Rex maculat, ab iis quibus perdit Rempublicam. Et contenti utcunque mederi publicis, non restituant Principi oculos, quibus ipse suam sorté & blandientium fallaciam damnet. Quis familiarium sapienter Reges admonuit, si aviditate æris infames sunt, si nimio venationum studio amittunt reipublicæ curam: aut cum libidinis exemplis inficiunt sæculum, vel inconsultis amicitiiis publicam invidiam concitant? Laboramus etiam virtutum nomina his cupiditatibus fœdare. Cura futuri, laborum assuetudo, comitās, liberalitas appellatur. Nec vitia illa tantum, sed etiam leviora, in his adulescunt inendaciis. Imo cū recte quid sapiunt, adeo fictos inveniunt & nimios plausus, uti sæpe (credite amici) pudore, qui ceteris aberat, onerati oculi multum mihi tremuerint. Videbam neq; pudere istos effusissimæ fraudis, neq; Principes indignari quod sibi tā procaciter illuderetur. Quantū à comœdia distat hic ludus: cū utrobique in os laudes, quos apud
te prom

te protervo contemptu, tanquam vanos aut pueriliter captos, derides? Quod nisi majorem Regibus genium quam qui populum informat, Dii dedissent, quotusquisque ex his plagis evaderet; quæ vel ipsa consuetudine placent, qui nascentium cunas circumdant, nec eas meminerunt sibi poni? Sed neque his periculis soli Reges infesti sunt. Plerique regiis malis in privata fortuna laboramus. Reges sumus supplicibus; rursusque Rex nobis, in cujus est manu quod petimus. Hunc tentamus blanditiis, hunc illa vanitate conficimus ultro amantem tela quibus percelli Reges solent. Quod est autem ad Radirobanem, à cujus superba credulitate initium questibus istis fuit, cætera lenitate meruit ne qua in eo peccata excusamus. Et ô vos, Siculi, miseros, si illius conjugio Argenidenæ damnatis.

Adco Poliarchum hæc oratio affectu, uti vix sibi temperaret. Optabat Dunalbium amplecti ob hoc de Radirobane augurium; destinabatque jam præmia quibus sæpe ab illo ejusmodi candoris præcepta eliceret. Omnes denique illos instituit commendare Argenidi, eorumque uti fide in iis quæ instabant. Dilapsis hospitibus, Nicopompus & Arsidæ ad ipsum redeunt; deductumque ad theorum non ante destituunt, quam illè amicorum quieti consulens, & cum solis præterea

præterea suris melius loquuturus, dormitum sopore se fingeret.

Noctem illam Selenissâ & Argenis (quis mortalitatis ludibria satis æstimet ?) in ejusdem calliditatis mutuo dolo ducebant; qua scilicet ratione, ubi dies rediisset, una alterius oculos fugere posset. Nam & Selenissâ locum quærebat quo remota Argenide Radirobani loqueretur; & Argenis optabat amovere Selenissâm, ne sciret advenisse Poliarchum. Prior Selenissâ numquam se peccaturam rectius rata, quam in umbra libertatis, ultro de Radirobane mentionem injecit; Ajebat enixe ab eo se oratam, ut in iisdem arborum spatiis postera die esset; Cupere illum quædam haud vulgaria cum ea communicare, & inde ad Argenidis colloquium deduci. Occupavit Argenis; Vade ubi commodum erit, mater. Sed mihi ad ea dirigenda spatium relinque, quæ, cum una colloquemur, & uti solet, orabit, reponam. Volo itaque uti mature cum illo sis, protractoque sermone hominem teneas, donec omnibus cogitatis ipsa in hortum descendam. Nihil posse reperire prudentius iterabat Selenissâ, tacita improbitate deridens, quod sui prodendi rationem ac tempus ipsa Argenis aptaverat. Sed & ignara erat se quoq; deludi, & amolitam à conspectu non tam mitti ad Radirobanem, quàm averti à Poliarcho. Mane erat, & multi

solis æstum ambulatione præcipiebant. Iamque illius voluptatis simulatione Radirobanes opperiebatur matronam in horto; vix tunc ob Argenidem magis quàm Theocrinem sollicitus. Nec segnior anus, cum maturius de thoro surrexisset; Pergo inquit, ad Sardinia Regem. Si vera de amore suo retulit, diu est quod in ambulat somni impatiens. At nos ævo defectæ (adebat subridens) pœnas illius ætatis limumus, quæ nec suos labores agnoscit, nec æstimat alienos. Hic iterum monere Argenis, ne ante discederet à Radirobane quam ad viridarium ipsa procederet. Male se illic, quam intra limina Radirobani loqui. Ea Selenistæ fuere lætissima, credenti Argenidem hoc brevissimum tempus petere ad receptum prioris amoris; quem ante omitti oportebat quam posset Radirobani placari.

Vix egressa limen erat, cum Argenis ad Arsidam mittit, jubetque confestim venire cum hospite. Nec distulit ille; & Poliarchum sub crine adoptitio latentem, cum exiguis aliquot picturis, mercatoris specie secum duxit. Tremebat Poliarchus; & illud animi robur, quod nulla discrimina, nulli hostes permoverant, destituebat cogitantem se ad Argenidem ire. Sanguinem etiam in illa expectatione virgo amiserat; notaveratque intercidi à se verba si cui loquebatur. Secreta erat porticus,
in

in quam ad cogitationem, curarumque solitariam libertatem solebat secedere. Illuc postquam cum Arsida Poliarchus admissus est, manumque protensam, tanquam numen veneraretur, ad os retulit, subiti utrinque singultus multo rubore vultus sparserunt. Mox direpta ille larva suos vultus reddidit sibi; & cum Arsida publicæ humanitatis verbis salutavit Argenidem. Sed Arsidas tanquam aliud agens sensim ad murum recessit; fecitque ambobus potestatem liberius colloquendi. Hic rursus erepta turbulentis affectibus verba distulere attonitos, donec fusis lacrymis expedita Argenis; Video te, charissime? inquit, an expressere tuos vultus insomnia; & irritationem lætitiæ ad Argenidem tuam ferunt? Vides, retulit ille, domina, novo nunc sensu mala exacta sentientem, & tuo conspectu admonitum quam calamitosum fuerit tandiu abfuisse. Quod nisi grave est meminisse; quid sensus tibi fuit, quid virium, in meis periculis? Quam multum doluisti; quam sæpe accusavisti absentiam meam? At illa; Nimis heu potes ex tuis doloribus æstimare quam sollicitos te absente dies exegerim. Eo quoque inferior, Poliarche, sum, quod non te sequi licet, quod scio te per pericula errare, denique quod sperare alii audent me posse mutari. Dic iterum; Tu is es Poliarchus? tu in Siciliam rediisti? Tu es incolumis? Præ-

sentem te conspicer? Ah num & macies
quam in tuo vultu cerno ego causa sum,
Poliarche? Sed an eadem querenda rursus
erunt? an tibi iteranda exilia? & timide
semper amabimus? Ille errores suos in
compendium misit; Vti naufragus fuisset,
uti de prædonibus victor, & in Numidia
aula æger. At Argenis (quod potius in rem
erat) paucis exposuit Radirobanis cupidi-
tatem. Et quidem timere se, ne bene meri-
tum hominem Melæander generum velit
accipere; Quod facinus, inquit, nisi tu illi
obstas, antevertam mea cæde. Quam au-
tem miserum putas, sub istu quotidie
mortis stare, quæ non longius abest quàm
fœdera illa quæ Sardi fortissime urgent?
Accedit solitudo. Nemini solatium
adeſt, cui curas committam. Timeo ar-
matum Radirobanem; Patrem vereor;
Ipsa (proh facinus!) Seleniſſa ad hostes de-
fecit. Et jamdudum (subjicit Poliarchus)
hanc oculis quærebam. Tibi enim hodie
primum, illa absente, loquor. Ego, ait
Argenis, si vivo, eam miserrimam habe-
bo. Studet Regi Sardinia; nec, cur aut
quomodo mutata sit, scio. Sed ne de fla-
gitio dubites, cum secretæ essemus, Ra-
dirobanem laudavi. Parum id erat; nisi
me uti saltem simulata amicitia facilis
illi essem sustinuisset hortari; id est, uti
quasi reciprocanti æstu, sensim à te re-
cederem. Nunc quoque ne adesse te ſci-
ret,

ret, passa sum ad illum hanc exire. Ambo in viridario de meis fatis agunt. Sed non impune preccaverit. Peribit si unquam foelix ero. Indignatus juvenis, cum proditionis injuriam impatienter ferrent; ad periculum quoque exhorruit, quod tam potens in Argenidis familia Radirobanes esset; &, vel si cessaret Argenis, ultorem injuriæ se promissit.

Post hæc anxia deliberatione versantibus quid sibi capiendum consilii, ipsa incertitudine animi nihil quod occurreret placebat. Iret ad Meleandrum Poliarchus, se Regem prædicaret, numeraret beneficia, sibi uxorem optaret Argenidem: Ipsa quoque Argenis se sponsam Poliarchi (quod res erat) apud patrem profiteretur. Iustum quidem, & præsentis, si succederet, utilitatis in ea mala remedium. Sed timebat Argenis iniquiorem Poliarcho Meleandrum; quo dissimulato armatum Radirobancem monstrabat. Non æquam fore causam Poliarchi se in Regium culmen subito asserentis, & illius cujus cognitæ opes erant, & qui etiamnum exercitu implebat Siciliam. Timere se insidias & scelera, quæ amor & regni cupiditas atrocia inveniunt. Vera hæc esse sentiebat Poliarchus; Addebatq;, metuendam Archombrotigratiam apud Regem; quem vereor, inquit, ne & in spem

tuarum nuptiarum erectus sit. Co-
horruit Argenis ad hanc vocem ; Ne-
que tarde per omnes Archombroti
actus , perque omnia verba , redeunte
memoria , in eandem suspicionem de-
lapsa est. Igitur consilium adeundi tunc
publice Regem, tanquam præcept, & sæ-
vum periculis, omittunt.

Diutius hæseret in alio; Vti, quando for-
tuna Siciliam negabat, irent in patriam
Poliarchi. Vltro redire in gratiam Mele-
ander optaret : & elusus Radiobanes, si
aliquid moveret, excipi posset armis. Ni-
hil Selenissam, nihil Archombrotum no-
cituos. Quid mirum si virgo ad sponsi
domum ibat? Pro flammeo velum fore
quo celaretur discedens: faces autem mul-
to plures quam quinque sub noctem ipsa
astra abeunti præstitura. In hanc fugam
consentiens Argenis, reluctantem ani-
mum , & damnantem hunc imperum,
non bene domabat. Vellebaturque me-
dia intentio inter abeundi & manendi
consilia. Hinc causam, quæ utique optima
erat, respiciebat; hinc famam; quam non
integro tantum, sed & sapienti pudore
oportet habere propitiam. In ea seditio-
ne animi, tamen sequebatur Poliarchum;
non tam quod illud optimum putaret,
quàm ne aliquid esset quod ei negare vi-
deretur. Sed ipse hoc furto non admo-
dum lætus; quia sciebat pervulgatum hoc
esse

esse remedium ; & nullam amantium fabulam pene constare , in qua virgo cum sponso non fugiat ; Cum præterea vim notasset quam Argenis fugæ laudandæ sibi ipsa inferebat : Digni sumus , ô Domina, inquit, qui non latronum more, tenebras atque silentium quæramus in vota. Quid si deprehensis non erit subirato patre defensio ? Quid si abstrahemur nunquam redituri ad conspectum ? Frustra præsidium ab æquitate expectamus, nisi ipsi æquitati paramus ante præsidium. Si placet , credisque inter malâ jam familiaria tres adhuc menses durare nos posse ; ego à patria revertar cum milite , uti non sine dignitatis insignibus te Regum Principumque spem ac stirpem accipiam. Quod si adhuc repugnabunt nostri hostes , extorquebo idoneis viribus à Sicilia meam simul & tuam fœlicitatem. Sponde modo tamdiu te victuram. Ego strenue adero , nisi mors interim obtinget ; quæ si tam celeri fato imminet , at tanti saltem erit te à funebri abfuisse spectaculo. Cum hæc verba suspirio finiret , obruerunt Argenidem largissimi fletus : Reputansq; quam is igitur procul, quam subito abiret , non minus sub amore, quàm antea sub verecundia, vapulavit. Sed consuetudine dolendi, tres facilius menses destituti ad miseras sinebat ; modo intra id temporis rediret Poliarchus , vel inermis ; quæ

tunc ipsa sequeretur, spe alia omni damnata.

Vbi in illam sententiam concessum est, uterque plurima monere & hortari; Querere etiam Poliarchus quid interim Radirobani, quid parenti, virgo diceret; Illa autem ne promissio tempore destitueret amantem, verbis & lacrymis, & quod efficacius erat, mentione destinati si falleret interitus, monebat. Plurima, inquit, Poliarche, in te amavi; sed præcipue fidem, & plerisque virorum ignotam modestiam. Diu est, quod, non spreto quidem patris imperio, sed omisso, te sponsum appellavi. Nunc iterum opes meas, fortunam, amicitiam, qua licet tibi trado; & per utriusque fata obtestor, nulla vis ab hoc sacramento me absolvet. Nullius unquam, nisi Poliarchi erit Argenis. Si Diis finent uti felicibus hymenæis jungamur, tum plenum beneficium fati debebimus: Sin malignior fortuna conatus everterit nostros, ego tamen incorrupta in rumulum succedam, & saltem animorum inter nos matrimonium erit. Post hæc verba rubore suffusa est, pronusque in gratias Poliarchus, non minora de Argenidis in se victoria loquutus est.

Timebat uterque ne forte à Radirobane rediret Selenissa; cui postquam ambo maledixerunt, suasit tamen Poliarchus ne illam tor secretorum arbitram à se temere
Argenis

Argenis amitteret. Sin necessitatem divortii suo scelere faceret anus, tunc virgo meminisset Timocleæ, prudentissimæ matronæ, & illo loco dignæ à quo ista excideret. Satis erat commendata Argenidi Timoclea, servatrix Poliarchi; timuitque subito virgo peccasse, tenuibus adhuc donis parum in eam liberalis. Quippe Selenista effecerat, ne in gynæceium recipere-retur; nec de charitate quidem, sed de constitutis muneribus multa dehortando reciderat. Cum vero narraret Poliarchus benevolentiam in se Dunalbii, adderet-que, non levius Antenorem & Hierolean-drum in se affectos, sibi virgo gratulaba-tur, hos eximios viros esse, quorum tuta opera uti in arcanis liceret. Statuerunt igitur, beneficiis omnes excolere. Quan-quàm Dunalbius eo Sacerdotii processer-at, uti vix quicquam posset addi fastigio, tamen ajebant, referendæ gratiæ locum numquam Regibus deesse. Hieroleandro autem (inquit Argenis) magnus erit ad publicos honores aditus, si eum patris Epistolis ego præfecero. Sed Antenori quæ præmia erunt? Mittam sæpe Apollini & Sacerdoti donaria; Et si tibi videtur, Poli-arche, charissimam Timocleam, ubi res nostræ successerint, magna cum do-te, quam uterque ei dicemus, uxorem accipiet.

Iam tempus utgebat; vicissimque

expectabat missionem, neutro tam acerbum sermonem incipiente. Ergo silebant tristi aspectu; donec conatus Poliarchus bene precari, & abire, in vocis primordio defecit. Vti tamen necessaria fortitudine dolores finiret, qui in discedendi confinio crescebant, demissis cervicibus veneratus Argenidem, inter silentium abscessit. At Virgo sæpe repressis lacrymis tandem victa, subito impetum semovit se à conspectu. Amens plangebatur pectus immeritum, plus mala Poliarchi quam sua, aut sentiens, aut sentire serata. Sicut tunc confusa in secretum cubiculum irrupit: & ille haud certis vestigiis, oculisque vix egressum à porticu videbat. Arsidas quoque perturbatione cognita, & frigidus ipse, nec dicere quicquam ausus, cum muto, nec satis sui conscio, redit ad Nicopompum, illincque sub vesperam ad mare cupientem deducit.

Interim motibus longe diversis Radirobanes agebatur, discrepante Selenissa de Theocrines discrimine. Nam ut anum in viridarium venientem est amplexus: Ut pugnat, ut vincit Theocrine? ô mater, certe in ipsius imagine anxiam noctem duxi. Nam heri iniquo numero, si meministi, pugnantem reliquimus. Sed quod præcipue me sollicitum habet, an Argenis nostra valet? & quid tractabilem fore existi-

existimas? Tum Selenissa: Diis litavisti, Rex; nisi me eloquentem faciam, impudemque meæ arti, quod incepit agnoscere Argenis, se tibi præter meritum duram esse. Quid enim amplius expectes? Illam ad poenitentiam adegisti meis verbis. Mitigato in te animo huc promisit se venturam. Sed dum cultui suo vacat, sine nos incepta evolvere. Magnopere enim expedit ne ignores Theocrinem. Pugnat, uti retuli, spoliisque animosa hostilibus circumferebat simul clypeum, simul ferrum. Diceres hanc bellis assuetam, illos in gynæceo adolevisse. Duo de prædonibus jam strati, totidem reliqui erant. Nemo integer à vulneribus restabat. Nam & in fronte Theocrines, dum ipsa alterum petit, mucro alterius leviter sedit. Illico emicuit sanguis, & purpura per candidissimos vultus errante torvos oculos strinxit; caputque & arma quasiando cum minaciter proclamasset, (Adhuc timeo, Rex) aliquid supra mortalem fuit. Vix fauciam videramus; jamque illam qua violata manum ferro dejecerat. Neque mora, aversos prædones cum vulneribus multis invalidi fugerent, nihil noctem, nihil insidias verita extra triclinium sequuta est.

Sed dum per tenebras & hi latent impunius, & irata exerrat Theocrine, novus clamor illius animum percussit. Nam altera pars latronum, cum aliquamdiu cubile

cubile Meleandri quæsiissent, tandem humen sequuti quod haud procul regio thoro in custodiam vigilabat, fores effringunt, &, promissum Lycogeni donum, Regem vinculis adoriuntur. Excitatus tumultu Rex, ubi viros (haud assuetum illi domui facinus) aspexit, & quidem armatos; quamquam somno & rerum insolentia turbatus, tamen enssem qui ad pulvinum pendebat corripuens, simul vestigium ad pugnam festinavit componere. Sed priusquam excussum thoro corpus, iusto gradu consisteret, ira & horrore turbantem latrones circumstant. Non sacra illa membra, non proximum Diis nomen reveriti, captivum reclinant in lectum; ferroque extorto quod tenebat, ausus unus est, simulans casum, (sed opinor sacrilegæ audaciæ famam & voluptatem captans) in illius vultum capulo impingere. Iam manus insitis tenebatur, & quasi damnatum operto capite ducentes, superbi querebantur, nondum socios qui ad comprehendendam Argenidem diverterant, adesse cum præda: Cum Theocrine successu exultans, prælioque & vulnere accensa, ad Regem pervenit; captivumque intuita, furioso clamore grassatores increpuit; O quotquot sunt parricidarum deterrimi, subite calentem vestrorum sociorum sanguine enssem, heu mea manu non digni! Sed non omnes ita peribitis.

Super-

Supererunt qui serviliter necentur. Nec levius quam pro atrocitate minarum, cœpit in eos desævire. In illo tumultu excidit vestis qua caput Meleandri prædones condiderant. Hac prolapsa videt auxilium suum, videt parem tot grassatoribus Theocrinem, quæ jam fato unius cæteros admonuerat illi sceleri abesse fortunam. Mireris Theocrinem, tot obversantibus circa mucronibus, tot mortibus clypeo solo depulsis, Regis vincula non patienter aspexisse. Sed, ô Rex sanctissime, inquit, quandiu captivum te videbo? Simul nodum institarum qui non arctè coiverat, solvit, & arma viriliter quærentem objectu corporis tutatur, donec gladium inveniret.

Hic Radirobanes, ægre servatum silentium denique solvens: O, inquit, similima fabulis monstra! Quid huic par antiquitas vidit? Vnde virgini ille sanguis? Vnde fati charitas tanta in Regem, uti paterentur imminere exitium, quo sanctius & felicitatis novæ exemplo esset incolumis? O Selenissâ! Sed an vera hæc autumas? Parce per tot miracula confuso. Tum anus: Tu ita me (ô Rex) atque ita te juvet Argenis, ut hæc non minus vera sunt quam me vivere, quam tibi me loqui, quam denique te amare. Perge igitur, subjicit Radirobanes, implere me tam insignis noctis prodigiis. Et illa: Exolutus vinculis Me-

leat

A jlit R

R jlit R

leander, non suam salutem, non Theocri-
nes pericula destituit. Ita valide pugnan-
do effectum est, ut ex tribus qui super-
erant, unus caderet, aliusque fugeret, &
postremum Theocrine amplexu occupa-
ret, cujus postquam lacertos in tergum
reduxit, vinctum obnoxie committit Me-
leandro; &, Serva hunc, ait; dumque
redeo, si salutem tuam, Rex, amas, intra
hanc sedem te contine. Illum qui aufugit
non oportet elabi. præterea explorabo de
insidiis quid supersit.

Sub hæc verba linen egressa, redit ad
thalamum Argenidis, in quo nostræ mu-
lieres timidissimo cœtu convenerant.
Collige animum tuum. Nam quæ à me,
Rex, audies, nisi esses constantissimus, te
repente per præcipites motus abriperent.
Theocrinæ prælio calens, oculisque jam
alia, & propemodum toto vultu nobis
ignota, manu Argenidemprehendit, &
præterea sequi me jubet. Postquam consti-
timus unde cæteræ loquentem non audi-
rent; Diis gratias habeo, inquit, quod amo-
ris mei industriam per non inutiles dolos
in hanc vestem & domum coegerunt. Ti-
bi, Domina, Patrique, saluti hæc fraus fuit,
quos propitiis fatis prædonibus eripui.
Hoc eventum æquum est mihi ignosci. Nam
quid amplius dissimulem, cum ista me præ-
lia probaverint virum esse? Fefelli; Audaci-
us quam voluissetis amavi; & quo mini-
me

melicebat sub muliebris sexus favore admillus sum. Sed excusationis multum est, quod inter vos tamdiu versatus, mores & speciem puellæ sic retuli, uti nulla immodestia sexum arguerit: quantum autem in fœminas potuerim, si abfuisset verecundia, nunc demum in viros ostendi. Nec quæro has vires aut continentiam laudare. Satis erit si apud te (Virgo) me absolvent. Scias enim: Ego nec genere, nec fortuna regiis nuptiis impar, ab externo litore tuam famam sequutus sum; & quasi admonentibus Diis, uti te viderem, fruererque moribus tuis, fœminam simulavi. Crudelitatem patrui, miserias matris, omnia commentus sum. Abscedo nunc ægrior quam cum intravi. Nam quantillum tuarum virtutum est quod fama acceperam? & me tamen rapuerant.

Radirobanes atrociter his verbis vulneratus; Perii, Selenissa, perii, inquit. Quis hic ergo sub palla degeneri Achilles? aut quæ Thetis fraudem ornaverant? Nullus sum. An ille est quem nunc amat Argenis? Ille est, subjicit anus; & ne putes vulgare hoc esse secretum; id adhuc ignorat Meleander. Cæterum morari se diutius posse negabat, ne Regi suspecta fortitudo sensim fraudem detegeret. Rediturum se brevi ad Regiam, sed cultu militari, mihi que vel Syracusis, vel in Aula, præsto futurum quoties ab arce digrederer. Sibi nomen Poliarcho, neque

neque vero diutius victurum, quam placeret Argenidi. Ex animo tuo perpende, Rex, quales ambæ fuerimus. Si te narratio virum movet, quid existimas in re presenti feminas obstupuisse? Pauca deinde in aurem Argenidi narravit. Credo, genus & patriam referebat; obtestatusque virginem uti secreta ea essent, fidem invenit. Vnum hoc enim arcanum est quod non auribus meis Argenis commiserit. Arcis claves apud me de more servabantur; quas ille corripiens: *Ite ad Meleandrum*, ait; *Ego*, ne majores subsint insidie, prætorianos & vigiles accersam. Spississimæ tunc nubes omnia astra eripuerant. Et dimotis ille claustris, cum facem teneret, ab ipso arcis limine exclamavit, perrupisse ad Regem grassatores: *Properaret ad auxilium* è stationibus miles; *instare*, adesse periculum; *facinus* prope peractum esse. Hæc cum vehementius aliquoties proclamasset, ipse quidem longe à via declinavit per tenebras; cæterum exarsere improvise tumultu qui arcem proxime observabant. Quo habitu quisque erant, procurrunt ad præstandam celeriter fidem. Nam & multi seminudi, ne componendis vestibus tardi essent, propemodum sola arma attulerunt. Iam occupaverant mœnia, jam fervebat vestibulum atriumque; confusis cohortibus. Cumque per varios ignes frustra hostis quæreretur,

retur, cœpere vereri, ne aut larvæ impro-
vidos lussissent, aut aliquo dolo de statio-
nibus essent exciti. Præcipui vero duces,
& in illis Eurymedes, cum delectis mili-
tum ad cubiculum Regis pervadit, in quo
ego cum Argenide eram. Nostra vocife-
ratio, & in vultu Regis horror, maxime-
que duo cadavera quæ ante pedes jace-
bant, non contemnendæ rei indicia fue-
runt. Circumstetere igitur Regem : Ac
quod incolumen videbant, defunctum-
que periculo, manum amplexi, mistis vo-
cibus multa re varia volentes, ideo nihil
exequiebantur. Hi quærebant qui sicarii
fuisissent; alii qui eos refellisset in inermi &
muliebri domo; plurimi accensis facibus
scrutabantur ne qua hostis lateret. Etiam
tumulturia quæstio de captivo habeba-
tur, his genas vellicantibus, aliis in pectus
intentantibus ferrum. Meleander inter-
esse arbitratus ne præcox vindicta de eo
sumeretur, tradit servandum Eurymedi.

Iamque securus, & præsidio suorum
medius ad Argenidis thalamum venit,
quo & referentibus nobis audierat etiam
domitos esse à Theocrine sicarios. Post-
quam & illic duo cadavera conspexere, &
plagas plusquam ad mortem opus erat
adactas, enixius rogavere Regis amici,
quinam mortalium huic fortitudini suf-
fecissent. Vbi vero retulimus, manu puellæ
patratum hoc facinus, taciti (nam ad mi-

ratio verba suppresserat) circumlatis oculis victricem requirebant. Rex quoque advocari illam iussit; & quia monebamus duos ex latronibus fugisse, ipseque meminerat unum quoque cubiculo suo elapsam, tota domo distribui exploratores iussit, qui repertos adduceret. Sed siue per portam qua receptum praesidium erat effugerant; siue per muros erant delapsi; Regi tandem relatum est, neque illos neque Theocrinem comparere. Minor cura Meleandro de praedonibus fuit; sed Theocrinem abesse non ferebat; iterumque delectis qui omnia vestigarent, Theocrines nomine tota domus exsonuit. Sciebam, ego, atque Argenis, vocantibus respondere non posse, qui beneficio noctis usurus jam forsitan multum via processisset; Primumque indicium mihi fuit amare Argenidem, quod adeo dissimulabat quicquid utraq; noveramus, uti prope me falleret. In illis tum multibus reliquum noctis absumtum est. Prima luce Cleobulus, ceterique quorum consiliis Rex praecipue fidebat, per cursores admoniti quid Regi contigisset, strenue adfuerunt. quibus ad quaestionem de captivo habendam dimissis, Rex ita circumstantes affatus est; *Quamquam in me Deosque ingens piaculum admiserit nefarii, deregi & vindicari sortes debent, ego tamen non me magis ultum cupio, quam illam videre ejus virtute*

tute servatus sum. Vbicunque Theocrine est, ego me felicem abnuo esse, quamdiu ignoro an illa sit in tranquillo. Dii boni! Ne in latronum insidias nimia virtute devenerit. Sic loquenti, querenti que, iterum exploratores renunciant, nulla Theocrines vestigia nec in arce, nec in proximis campis extare. Si quid duri contigisset, aut fauciam, aut, nefas, interemtam potuisset reperiri. Hæsit aliquantum Rex, ut ex fronte conjiciebamus, in subitas cogitationes delapsus. Tandem versus ad signum maximi Iovis, quod non procul in domestica ara stabat: Summe Iupiter, inquit, si uti conjicio res est, firma tuo numine meam fidem. Cœlesti munere factum est quod ex telis impiorum elapsus sum. O Theocrine, si fas est adhuc eo nomine te cenferi, quod tibi inter nos induisti. Non tu virgo mortalis, nec de numinū vulgo. Tu sanctissima Pallas, tu præses amorum, tu quæ soli Iovi debes quod nata es. Veneror te, Dearum fortissima, ne Siculos patiaris ignorare beneficium tuum. Me enim arctissima religione tibi devotum emisisti inimicis; seu patris imperium, seu pietatem tuam sequuta. O te felicem, mea Argenis, si tuas fortunas licuisset agnosceret; civis esque Palladem tibi loqui, tibi adesse; quæ quo solertius divinitatem celaret, tibi clientis specie voluit esse obnoxia! Quibus argumentis hoc credā, si postulas;

Primum, memini vultus; & eodem numine, quo Deam vetabar deprehendere, nunc sero immortalia ora cognosco. Quis vigor? quod in oculis jubar? Omnia lineamenta in memoriam redeant; scies quod uti fingebat mortale, ita nec Deam in totum suppresserat. Sed quis de accepto beneficio dubitet post certamen Pallade undignum? Adeone ad divina opera caligemus, uti virguncula manu putemus tot homines fusos, & non potius lacertis cœlestibus gratias habeamus, qui hanc pugnam ediderunt? Nunc vero quæ præsens tegebatur, absentia sua se nobis aperuit. In cœlum abscessit; aut fortasse nostris oculis erepta, tamen inter nos versatur expertura an simus ingrati.

Ita disserente Meleandro, fremitus ingens inter audientes exortus est. Scis hominum animos, ac præsertim multitudinis, facile grandibus & insuetis rebus Deos authores facere; & superstitionem quodam impetu infundi. Gloriosum præterea Sicilia erat, Deos ipsos pugnasse pro Regibus. Itaque orationem Regis excepit militum clamor, Minervam Tritonidem per omnia nomina invocantium, quæ illi artes suæ aut deditæ sedes fecerunt. Hi superstitione animi; alii quo Regi placerent; cæteri effuse gaudendi licentiam amantes. Vti putas inter hos errantium motus risu furtivo mecum Argenidem lusi-

Iussisse? Nec indelectata quidem hac fabu-
 la, mirabar quod Rex tam facile Deam fe-
 cisset. Sed non haftenus stetit ludibrium.
 Quidam miles sive adulatione, sive insa-
 nia motus; Quæ autem illa species, inquit,
 quam in summa arce vidi, cum ex castris
 exciti primum sumus? Fulgebat per no-
 ætem candidissimus ignis, quem hære-
 re tectis putabam, & nos compescendo in-
 cendio acciri. Mox in radios distingui cœ-
 pit fulgor; & hæc pompa longo ordine
 crevit in cœlum. Rei autem admiratio-
 nem tunc quidem mihi excussit nuncia-
 tum, Rex, tuq; majestatis periculum, quam
 non sine venerationis sensu nunc repeto.
 Quid si ille Palladis splendor erat, sese post
 te assertum recipientis ad sydera? Vix mi-
 les finierat, cum plerique eadem vesania,
 quod is finxerat, somniove conceperat,
 vidisse se confirmant. Ita multis auctori-
 bus fabula invaluit; & certatim consecra-
 tionem Theocrines argumentis, venera-
 tione, assensu juverunt. Cum vero gratu-
 larentur Argenidi quod tamdiu habuisset
 domesticum numen, illa abjectis mode-
 stæ specie luminibus, antevertebat risum;
 donec satis adorata Minerva, Rex ad con-
 siliū supra atrocitate sceleris cum dele-
 ctis secessit; & ego atque Argenis de Po-
 liarcho loquuturæ in penetrabile conveni-
 mus. Dicebat Argenis, non indolis ad
 tempus repressæ, sed veriſſimæ fuisse

virtutis ; quod is apud se toties modestiam tenuisset. Quid illius ingenio candidius, qui pene lenior inter mulieres fuisset, quam fortior inter viros ? Iam beneficium memorabat quod Meleandro teste dignum erat magnitudine deorum, & Palladis manu. Iam etiam, sed illud verecunde, monstrabat quantum ille amasset, periculosissimo dolo ausus & sexum dissimulare, & se suppliciis, quæ deprehensocertaerant, objicere. Eateor, ó Rex; sublevabam virginis pudorem, ea ipsa commendando, quæ intelligebam illi esse gratissima ; & quia nondum te noveram, nihil credebam præstabilius Poliarcho.

Interim exegerat à captivo Cleobulus sceleris authorem atque modum. Ille tormentis impar, cuncta de Lycogene confessus : Viam aiebat se ad arcem invenisse, qua mari alluitur, nescio qua harpagine in murum coniecta, quæ illicet saxis hæsit, præligatumque funiculum, per quem in altum scandi posset, librato pondere immota sustinuit. Hic largiter à Rege esse peccatum, consultiores putant. Nam cum Lycogenem subito opprimi oporteret; maluit ad illius villam mitti qui hominem tantum accerferent. Seu jam cum ad arma comparatum crediderat, uti nec capi facile posset; seu sperabat ad omnia audacem contempto iudicii periculo venturum. At ille cum clientum fortissimis, quos

quos pridie in rei eventum plerumque ignaros coegerat, venationis specie longius profectus, venit ad arcem quam in Leontino agro habebat eximiam. Hinc per literas Regi significat, nec se tuto inter tot inimicos ad iudicium ire posse, nec debere inauditum damnari. Non denique oportere subornatos in suam perniciem sicarios fidem habere. Interim factione & viribus adoleverat; uti, quod nimiae lenitatis consilium fuerat Regi, tunc necessarium esset, dissimulare facinus, & tanquam ad innocentem rescribere; Præcipue mone[n]te Cleobulo, uti, si injuriam fortiter exequi nollet, saltem non tam ignoscere videretur, quam fidem accusationi non habere. Ad hoc cōsiliu[m] fuit, uti captivus ille index, morte in carcere oblata, tanquam casu occideret. Neque tamen Lycogenes quid meritis ipse, aut Meleander quid ille ausus esset, oblitus est. Alter ergo in alterius potestatem aut fidem redire cavebant; & suspicionibus odia fovebantur, bello quod deinde sequutum est prope modum deteriora.

Interim Meleander damnata arcis fide quæ sicariorum furori patuerat, novo consilio Syracusas Argenidem abducit; non tam iratus Lycogeni, quàm Palladi gratus. Adventabant quinque dierum sollemnia quibus ferias illius Deæ nascentis solemus residere. His ergo expectatis, Rex ad

templum progreditur, convocatoque ad concionem populo, in hunc sensum loquutus est: Scire jam eos quicquid ipse de Palladis in se meritis dicere posset: Reperere tamen Deam in mercedem auxilii, uti quam sapissime amet de ea re loqui. Tunc in se atque Argenidem insidias commemorat; sceleris tamen auctores premens: Neque in Lycogenem contumeliosa vox excidit. Palladem autem mortali specie, & Theocrines nomine testam, adfuisse periclitanti. Ipsam ipsam genio manuque divinam, abstulisse successum euntibus in se telis; & prædones tanto numine oppressos periisse. Quid autem, ô cives, erga Deam pignus erit, nos præstiti auxilii memores esse, nisi, quod preciosissimum mihi servavit, Argenidem inquam meam, ego ejus cultui mancipo? Hanc igitur conficiis omnibus Diis, in publica Siculorum concione, tanquam Pontifex Sacerdotem capio; Hanc sacris Palladis jubeo operari, templisque præesse, donec Iunonis numine abducetur ad nuptias.

Postquam Rex dicere cessavit, Argenis ex composito ad patrem processit. Circa, Augures erant. Et Rex candidam vestem tenens, omnibus historiis distinctam quæ Palladis majestatem populo exhibent, procumbentis collo injecit. Quod si, inquit, Dea esse non potes, nisi è patria potestate exiveris, ego te hactenus imperio
meo

meo solvo. Solæ nuptiæ à Palladis religione te eximent. Sacra omnibus nundinis peragentem nostri cives aspicient. Ad hæc Meleandri verbalacrymas, plausus, vota, popularis superstitio effudit. Redeuntes deinde in Regiam tota civitas comitata, mox per singulas domos temulento pervigilio novitatem sacrorum sancivit.

Accensus Radirobanes æmulatione sævissima, interfatur; Dic autem, Selenissâ; eousque decipi patrem tulit Argenis? Non repugnavit infulas injicienti? Non exoneravit Regis animum absurda pietate? Tulit denique se Palladis nomine initiari Poliarcho? Tunc anus; Equidem indignabar eo processisse fortunę ludibrium. Sed non impune studiis alumnae repugnassem; quæ professio apud me affectu Poliarcho jam favebat. Ingratum præterea fuisset Meleandro, ab errore revocari. Quantum enim hoc erat, habuisse in auxilio Deam? Præterea gnatam sacerdotio destinabat, non pietatis tantum officio, sed uti populus virginem proximam sceptro, videre afflueret, & mirari. Ita volebat favore frequentię esse securam, quæ in solitudine prope perierat. Nec sordida sacra aut indigna sceptro erant, quibus manus admoliebatur. Vestis auro signisque conspicua; caput ornatum uti potius Dææ quam antistitis crederes. Satis erat, innoxio ictu libare victimas, priusquam

cēderentur. Thura inde Palladi dare, moxque fluentem populum ad rami osculum quem ipsa tenebat, in aurata sede excipere.

Inter hos dies Poliarchus, uti promiserat, militari ad Aulam cultu venit. Vnus ille cum ipso qui patruelem antea simulaverat : tunc cum sorte & nomine murato appellabat Gelanorum, habebatque pro liberto. Primum ad Eurymedem venit, statimque indole, & arcano inter præstantes viros genio, ei conciliatus est. Mox per illum admissus ad Regem, significavit, à remotissima regione se venire, inter suæ fœlicitatis titulos numeraturum si in tanti Principis aula liceret ad virtutem erudiri. Rex qui sæpe Theocrinem non videbat, jam sermone & vestibus alium, ad eo ignoravit, uti tanquam incognito & tunc primum in Siciliam appulso loqueretur. Suspiciebat tamen vultus ; & omnia in hospitespectabilia, viam ad futuræ familiaritatis magnitudinem faciebant.

Dies erat quo redeuntibus nundinis, oportebat Argenidem ire ad templum, cum ambæ scivimus Poliarchum esse in regia. Trepidabamus ergo : illa quidem lætitiæ immodico sensu ; ego autem horrore dubia, ne quid ipsa moribus suis, & monitis meis, indignum pararet. Sed rem in melius utriusque amantis virtus explicuit. Ignosce (Rex) si coram te Poliarchum breviter laudo. Certe enim nec Argenidem

denique oporteret à te amari, si impari aut degeneri amorì patuisset; Nec deberes mihi multum, nisi te præferrem illi viro quem præter te vincere nemo potest. Tunc quidem hoc accepto nuncio, solemnum oblita Argenis, non sacerdotii regium cultum quo cingebatur videbat, non salutarium cœtum, non matronas virginesque afluetas obsequio. Occupata in Poliarcho, nec commodè loqui poterat, nec audire; donec ego in morbum despiciens, familiariter rogavi, uti se colligeret: Et illa non antea merita sic moneri, verecunde erubuit. Processimus ergo ad templum: Iamque hostiæ tangebantur, cum in Argenidem intenta, rursus video eam diriguissè. Nec dubia fascinum esse, quo invicem miseri amatores percunt, circumspexi unde hoc telum veniret. Haud procul Poliarchum aspicio. Sed vir erat, majorque videbatur, nec facile Theocrinem agnovi; uti non mirum si Meleander falli potuerit. Adeo quicquid muliebre, quicquid timidum videram, cum veste posuerat. Supercilium gravius fuit, vultus crecti, lumenque modesta sed virili licentia vagum. Frontem quoque & tempora negligenti decore comis asperserat. Inter hæc Theocrinem animo repetebam. An illa est? inqueiebam, ea est. Dii Deæque, tot lepores, tam habilis ad omnia animus: & hæc manus pensa trahebant? Ignovi itaque
ad hoc

ad hoc spectaculum raptę Argenidi: quam tamen revocatura ad præsentis sacri officium, (nam prope stupebat) simulavi fluere præter modum virginis pallam; eamque dum colligere videor: Memineris, domina, inquam, nec Poliarchum probaturum uti tibi hîc desis. Evigilasse diceres ad hanc vocem. Concepit ergo preces quas præibat Pontifex, & Poliarcho, qui Deæ nomine colebatur, libentissime habuit hos honores. At ille (ô quanto plus est suo quemque quam alieno iudicio esse fœlicem!) quærebat supplicare facientibus sacra, inquieto animo in me subinde atque Argenidem respiciens.

Redimus ad regiam. Ne quære quid nunc ego & Argenis colloquar. Vnicus erat de Poliarcho sermo. Ad extremum; Quid, ô mater, peccabimus, ait Argenis, si meum, patrisque servatorem, sanctius chariusque habebimus, quam qui illum ignorant? O si saltem colloqui huic liceret; unaque sacerdotii mei vanitatem ridere! Faciam inquam (Domina) uti liceat. Mea opera sistet hunc tibi. Et hoc quidem spondebam prolixius, ne illa (nam sanitatis vix spes erat) morbum suum periculosa modestia à sensu meo eriperet; neve, si nihil indulgissem, aliis artibus plura pararet. Cum ab Argenide exirem, video in vestibulo Poliarchum cum meo filio spantem. Quippe ad me aditum suspicione

caren-

parentem quærebat. Ego tanquam ad filium irem, etiam hospitem salutavi; strictimque admonui ut in eundem locum sub noctem se referret. Quid moror? Secreto ad Argenidem adductus, ea gratia & modestia fuit, ut hunc crederem rursus esse Theocrinem. Nihil illis colloquii (nam sæpiusculè redibat) cui non interesset. Nullum crimen; nulla in juvene & amante temeritas; nisi quod semel in hanc sententiam ausus est loqui: Se Regibus ortum, neque in statu privato futurum diutius quam suus in Argenidem amor iussisset; Ab ea recipi in sponsi charitatem & fœdera optare. Vti prius in Orcum recipiatur (inquit Radirobanes.) O vesanam semiviritemeritatem! Non credebam, ait anus, super futurum virgini ad ista sermonem, & tanquam debitas mihi partes pro alumna parabam sufficere; cum ipsa, ne ut in re improvisa, cunctata quidem multum, ausa sic loqui; Testes Dii, quos omnes, Poliarche propitios tibi credo, si te fratrem habuissem, nullas in tædas consensuram me fuisse, ne quis esset quem supra te amandum iura mihi ostenderent. Virtus tua, & libertas quam depulsis prædonibus dedisti, faciunt ne certiora fidei pignora possim exigere. Sint ergo conscii Dii, & tu quoque Selenissa, me hæc pacta descendere, uti spondeam, nulli me, nisi Poliarcho;

nuptu-

nupturam. Nec parentis in me imperio
in totum detraho. Illo iubente nulli
nubam; at alteri, nunquam. Expalluit Ra-
diobanes; & fascinum profecto valuisse
in virginem; veneficū Poliarchum fuisse.
Addebat & alia, quæ recens indignatio in
fœlicem æmulum inveniebat. At Selenissa;
Ego, ait, tunc confusa; ne tamen nihil pro-
futuro jurgio me illis committerem, Diis,
inquam, aspirent cogitationibus magnis.
Audax tamen consilium, & celere initiis.
Et, si quid rogare vos possum; Quid inter-
est, Poliarche, hæc potius agi secreto, quā
posse ad Meleandrum voto? Si, ut ais,
& arbitror, privata sortis non es; cum jam
beneficium dederis, cum ab Argenide a-
meris, nihil causæ cur affinitas Regi non
placeat. Tū ille; Si ignoscis, Matrona, quod
juvenilis impetus me avidum videndi Ar-
genidem à patria abstulit, sine comitatu,
aut cæteris meæ fortunæ indiciis; cætera
facile excusabo. Ignotus, & propemodum
solus, vereor uti meam causam & opes
Regi probem. Sufficere autem vita non
posset inter amoris mala, si in incerto
votorum juberet à patria accire meæ for-
tis & dignitatis insignia. Itaque me, ô
virgo, ab interitu revocasti, quem desti-
natū habebam, si te duram præbuissets. Tu
vero, matrona, desine hæc fœdera habere
suspecta. Namq; modestia fuit amanti, du-
rabit adhuc sponso. Satis est me amari, satis
est

est spem esse securam. In hoc mihi votorum nunc summa est. Nec furtivæ nuptiæ mihi placent. Iam patientior omnis moræ, tempestivis consiliis ambiam Regem, donec in oculis Siciliæ mihi sua alumna ipso iubente nubat.

Ita tunc ille; & modestiam quam sermone prætulerat, moribus æquavit; summo pudore quem hospes attulerat, etiam post secretæ fidei pignora illibato. Vivebat in aula. Servos aliquot emit. Equi, quos amabat domitare, stabula impleverant: ut esse opulentum constaret. Genio præterea studiisque, & quoties licebat, experimento fortitudinis, plurimorum animos tenebat: Per has artes nihil minus Regi charus quam nunc vides Archombrotum. Vnus tamen omnium conscius Gelanorus: Cæteri familiares, utique ex Siculis collecti, dominum ignorabant. Sæpe ergo ad Argenidis familiam nihil suspiciosa humanitate divertebat; sæpe incautis omnibus, nunquam tamen nisi me duce, cum Argenide erat. Dixisse sororem cum germano sub me matre lufitare. Præcipua mihi ejus imago est venientis ad sacra, quæ in suarum virtutum præmium immerita Pallas ferebat: Cum Antistita Argenis Palladem diceret, & Poliarchum cogitaret; & à numinis signo in eum tanquam temere obversa, deflecteret preces; ille autem fabulæ non ignarus aut fingeret
majesta-

majestatem, aut aliquo nutu oranti annueret. Hæc sæpissime inter nos consciurum ciebant, neque satis castigabam improbitatem per hos jocos errantium. Nō tenuit Radirobanes iram; sed, Si, inquit, justa Pallas fuisset, hanc mimicam Deam, hanc divinos honores usurpantem, multo pluribus laqueis suspendisset, quam seipsam Arachne verberata.

Sic loquentes turbavit ab Argenide servus, qui dominæ verbis nunciavit Selenisæ uti rediret, secumque si videretur Radirobanem duceret. Vade, retulit illa, & dominæ nuncia nos confestim adfuturos. Cum servus abiisset; Expectaris ab Argenide, inquit, ô Rex. Nescio quid ejus consilium intervertit huc ad nos veniendi. Dum autem inus ad illam, patere breviter quæ supersunt edisseri. Strictim ergo exposuit, dum Poliarchus in ea felicitate esset, ortum in Sicilia bellum, Lycogene, postquam satis factione invaluit, acriter in Meleandrum provecto: strenuum consilio manumque Poliarchum non minus ipso Rege exosum hostibus fuisse; quos etiam primo certamine ita ultus est, uti victoriam Regi tribuerit. Addidit calamitatem illius, violatis Lycogenis legatis, qui de pace acturi veniebant. Et tunc quidem pulsum esse Sicilia; sed in dies ab Argenide expectari. Ille est, ô Rex, (ne immerito Archombrotum insimules)

qui

qui virginem hætenus difficilem tibi fecit. Tum Radiobanes; Putas vero, Matrona, illo incolumi me fore securum? Quid si mutabitur Argenis? quid si repetet prioris amicitie sacramentum? Ipsum, quod jam (ut ais) me amat, deserto Poliarcho, documento est me quoque, nisi aliquid mihi consilium præoccupo, deseriri posse. Ne dubita (refert anus) ubi semel matrem familias Argenidem habueris, nihil eam à fide connubii deducet. Censeo itaque maturandos hymenæos. Si vero Poliarchum inter hæc redire contigerit, ego incautum, & omnia mihi credentem, qua jubebis in insidias deducam. Tollendus enim erit. Nec arduum facinus, inermem solumque opprimere.

Radiobanes obstupuit ad mulieris scelus: Probato tamen consilio, in Argenidis porticum pervenit, in qua ipsa dimisso Poliarcho ambulabat vultu severo: utique recenti dolore incitata. Obviam tamen Radiobani perrexit, jussitque considerare: ipsa in sella alia acquievit. Is vero, spe quam anus fecerat tumens, sua vota, suum amorem virgini commendavit: omniaque addidit quæ verus effectusque amandi imperus eadem habet. Argenis præter expectationem rigida: nihil ad ejus mentem respondit. Idque ille eo acerbius tulit, quo propius spem venerat expugnatum virginis animum esse. Ex-

palluit etiam Seleniffa, cum suo promisso fraudatus Rex inspiceret in illam; verita quoque ne amor deceptus in aperta indignationis verba mitteret insanientem.

Postquam ille porticu excessit, ausa est anus incusare Argenidem. Quid enim ejus animum in contraria rursus egisset? Aut cur sefellisset spem quam pridie ipsa fecerat? Cur non saltem ageret curam patriæ, cujus intererat Radirobanem non irasci? Sed puella, indignationis vix potens; Desine, inquit, in pejus ominari. Diis curæ Sicilia erit; quorum numine perduelles, utividisti, nuper extincti sunt. Dubiis verbis, nec sat certum an in se directis, anus verberata contremuit. Hæ primæ flagitii furie erant insidentes meritum pectus. Sed noverat solis sceleribus sua scelera posse defendi. Trepida ergo rerum suarum, anxie agitabat, quibus modis Radirobanem ad vim incenderet, traderetque ipsa Argenidem. Cui ne suspecta interim esset, paulatim simulavit à Radirobanis patrocinio abire: & interdum imitatione doloris querebatur abesse Poliarchum. At non dubia Argenis simulationem hanc esse, pejus frontem ab animo dissidentem exosa est.

At Radirobanes vitia utcunque hætenus pressa eo effrenatius solvere cepit, quod diutius vires dissimulatione collegerant.

Nullum

Nullum præmium par esse auxilio quo Meleandrum juverat arbitratus, ita agebat, tanquam hospitalibus armis plus iusto Siciliam & Argenidem emisset. Itaque immodestius Regem super gnatae foederibus adibat; gravisque inceperat omnibus Siculis esse. Potentiorum præcipue offensam immodesta ambitione contraxerat. At Meleandrum perplexæ cogitationes subiere, verentem ne is amor in iurgia desineret, fessusque & imparatus senex nova ad bella revocaretur. Filiam ergo vocat; petitque quid tantum in Radirobane ei displiceat. Privatorum est (inquit) eligere matrimonia ex amicitiae affectu, vel morum concordia. Nobis illa suavitas exuenda. Regum enim fortuna est, ut nunc indignos & exosos per sanctissima fœdera sibi jungant; nunc omnium nexuum iura, omnisque sanguinis charitatem, inhumana necessitas negligat. Charissimus esse solet, qui utilitate præcipua potentiam nostram alit; & affinitatis pulcherrimæ censentur, quæcunque regnum stabiliunt. Si plures genuissem, posses credere, non me hîc tui habere rationem, sed mei. Scio enim, à Regibus sæpe filias aut sorores, spargi in eos quos fallere amicitiæ specie volunt, vel ad tempus placere; nihilque deinde sui sanguinis pignoribus, nihil nominum quæ mutuo inierunt reverentia motos, pacem & bella ex temporum & fortunæ æstimare ingenio.

At tu mihi sola es; in te unam affectum patris & Regis, natura & successio conjunxit. Aut ipsa tibi consule; aut me patiaris consulere. Hic Argenis; Est, Domine, quod rationem virgo reddat, si quem sibi optat in sponsum, non si cui dura esse instituit, sive ratio est, sive etiam pudor, cujus esset vel omnes aversari. Hunc autem Radirobanem forsitan possem non odisse, si me potius amaret quam crederet debitam sibi. Tam inconditam superbiam non fero. Tu ipse, optime pater, cetera cogita; quæ in homine non probas. His quoque adducta sum, ne hoc affine, te, & Siciliam, & me denique perditam velim. Ita obstinatam Rex dimisit, certus ipsi, uti solebat, indulgere.

Radirobanes, quamquam iratus Selenissæ, quia promissâ non processerant, eam tamen optabat audire. Nam & solertem sciebat, & post secreta alumnæ prodita suam esse. Cæterum uni ipsi Virtigani expugnatam illius conscientiam detexerat; levabatque furorem liberrimis apud eum questibus, multisque in Meleandrum, interdumque Argenidem, minis. Timeo, mi Virtiganes, inquit, suspicionem fraudis, si toties cum Selenissâ ago. Tu in vices meas tuto successeris. Cum ibo ad Argenidem, facile ad anum pervenies, & hunc feres codicillum, quo que-

rōr, destitutam spem, quam habere me
jusserat, in Argenidis recidisse ludibrium.
Scribo præterea ut omnia tibi credat, si
quæ in rem tam arduam forsitan habet.
Te enim mearum rerum arbitrum, te ut
in cæteris rebus, sic in ista consilium præ-
cipue mihi esse, Suscepto negotio, uti pri-
mum Radirobanes Argenidem inviit;
Virtiganes clam Selenissæ in manus litte-
ras dedit; quas nonnihil semota cum le-
gisset, rediit ad Ligurem, haud ignara
nisi procederent hæ nuptiæ, se utrimque
perituram; & Nuncia, inquit, Regi, nihil
eorum deesse quæ promiseram. Sed len-
tum amatorem ista tempora non quæ-
runt. Rex est; armatus est, habet classem;
& ex raptu Dii quoque sibi uxores inve-
nerunt. Violenta consilia amor excusat,
& mariti sanctum nomen delet injurias.
Nec in alumnam crudelis sum. Cogi optat
Argenis. Et hoc quidem uti fidem exolvat
Poliarcho, cui promisit nunquam sponte
consentire in alium. Servat igitur istam
frontis verborumque constantiam, ne
iratos Deos habeat, quorum numinibus
vocatis, Poliarcho se addixit. Sed me de-
inde jurgio premit. Nam cur, inquit, Ra-
dirobane amare sic memoras? Aut si
amat, quamdiu cessat? Accessit imperium
Meleandri hanc austeritatem præscriben-
tis. Nam ille cum Radirobane affinita-
tem non vult; & invidiam repulsæ trans-

fert in filiam. Ne erres. Tuo Regi non dis-
licebit esse forti. Clam enim milites accer-
suntur: Et ubi Meleandro suæ vires place-
bunt, cum supercilio istum negliget, cui
nunc affinitatem timide negat.

Multum miratus Virtiganes tantæ au-
daciae verba, ad dominum, qui de more
irator à virgine abibat, rem desert. Et ille
novitatem consilii haud parum miratus,
Faciamus igitur, inquit, ut in nulla sua culpa
Argenis ejuret Poliarchum; & ei liceat
nos amare. Ego per Iovem, quacunque
hæc fide Selenissa tibi mandaverit, omnia
diligentissima ratione curabo; nec à Me-
leandro sperni me patiar. Sed ne anus nos
deferat, accusetque conatus ad quos ipsa
jam impellit; nesciat hæc mihi rationem
placere: Ipsa quoque si nostrarum est par-
tium, se cum Argenide ex improvviso capi
lætabitur. Non audebat Virtiganes dissiua-
dere; quamquam pericula videbat, & ho-
spitii violati infamiam. Ita fraude & sce-
lere Selenissæ, vis funesta Argenidi, &
quod miserius erat, tanquam optanti ap-
parabatur. Conducebat huic fraudi, habe-
re facilem nec suspiciosum Meleandrum.
Rursus ergo cohibere Radirobanes ani-
mum cepit: Illum sine satellitio ambivit,
sine armis iniit apud illum convivia; uti
neque is dubitaret se ejus fidei deinde con-
credere. Exercitum quoque in Sardiniam
remisit, ne suspectus nimis viribus esset.

Fami-

Familia tamen, & Procerum quos habebat comitatus, corporisque custodia, plusquam sexcentorum hominum erant; præter triremium quinque (tot enim sibi servaverat) remiges atque nautas, quos ex omni classe delegerat.

Satis hoc virium ad fraudem raptumque existimans, diu secum exigit, quo securius modo prædam hanc ageret. Multa volventi talis potissimum dolus sedit. Prætorium ejus navigium, cum in Epeirætes portum succederet, pertinax gubernator obnoxie in ignoto saxo alliserat. Ita quasi fatum est latus, & quicquid sub prora, scopulo ictum dedit. Fluctibus tamen ereptum est, contis, atque remigio, funibusque ab antecedentibus scaphis, & proximo littoris aggere, perniciter actis. Ereptum periculo, in ipso terræ confinio fundatur anchoris, & deinde ingentium trabium, veluti ponte, incurvam craticulam imitante, subnixum est. Sic utrimque effultum, in pristinum robur componebant artifices. Neque modo placebat sublapsa restitui: Sed, quæ plurimarum ædium urbiumque fortuna est, præstantius volébant ex ruina resurgere. Namque Corinthii apud quos primæ triremes sunt conditæ, rei nauticæ eximium usum ad colonos pertulerant. Et hinc Corcyra statim, hinc validæ maritimis copiis Syracusæ. Pulcherri-
mum erat Meleandro navigium ad eam

artem exactum; ex quo exemplum capere suos artifices Radiobanes iussit, & triremem reparare propemodum à carina. Nec Radiobanes tantum, sed & sæpe Meleander, opus visibat. Hunc ergo insidiis ordinem ille constituit. Absolutam triremem dicavit Argenidi, illius statua ad pro-ram defixa, & in puppis ambitu per varios ornatus repetita imagine. Oportune instabat natalis Argenidis, quem & velle se prædicabat renascenti navigio esse natalem; In eam igitur diem invitavit adlitus cum gnata Meleandrum; quippe locato in arena tentorio prandium utrique daturus; quo in multum diei protracto, triremis deinde nomini Argenidis sacra, inter tubas atque symphoniam, æquori permetteretur. Moxque tenebris excipientibus lucem, medicati ex sulphure ignes, & sub undis victuri (nova tunc erat voluptas, atque rara) ex eodem litore emicarent. Inter illud vero spectaculum, Siculis improvisis, & ut extra periculum plerumque exermibus, statuerat vi correptam cum patre Argenidem in proximas naves. deferre. Ac uti longa hilaritate mentes omnium à cura & suspicione averteret; noctem quoque quæ Argenidis natalem præcedebat, regio tripudio, & propemodum mimo, celebrare instituit; Undecim ex primis suorum juvenum electi, quisecum larvati saltarent. Placebat

ea scena referre trium Deorum fabulam, pulso patre Saturno, naturæ hereditatem sorte ducentium; cum sydera Iovi cesserunt, horruere maria sub Neptuno, & tristitia ferox Pluto ad populosiora regna demissus est.

Hos splendoris regii ludos, à Radirobane parari Meleander lætus accepit; illum utique diem honore præcipuo culturus. Nam & quæ Syracusiorum cæterarumq; urbium legati paulo ante petierant, inter hanc pompam, tanquam in honorem Argenidis, donare decreverat: Ea vero maxime erant; Ne redemptoribus portorum, aut vectigalium, liceret ab iis quicquam exigere, quos non vitio suo egenos, & colendæ terræ utiles esse, magistratus censuisset. Præterea ne quis ex proletariis, aut capite census, imitari divitum ocium posset, cessando, fastidiendo artificia, & unum ferrum sic ad latus gestando, tanquam in pace militaret: Sed quos de suo non vivere posse constaret, vel sponte quod profiterentur eligerent, vel ad publica opera distribuerentur; Quippe illos ignava tristisque superbia in pace marcen-tes, privata scelera exequi; aut quo suam egestatem publicis malis pascant, operam ultro ad seditionem motusque civiles commodare. Illud quoque petiere; Ne imiquæstores exigendis à populo tributis præessent; & nec ipsi privatorum limina

circumirent, nec missis lictoribus pignora caperent, divexarentque oppidanos. Ipsorum concivium esset hoc munus; qui ex suo corpore eligerent per quos ea pecunia cogeretur humanius; Hanc singula oppida ad Praetorem suum ferrent; Inde vel Praefecto Provincia numeraretur, vel, si Regi placeret, Syracusis inferretur aulario. Si quis enim privatus detrederet, aut moretur; per suos hunc cives, per assuetos magistratus, notosque lictores, praestare ad solutionem adigi, quam inhumano fastu quæstorum, qui cum exactoribus suis, brevem moram egenis interdum crudeliter vendunt; meliusque prædati nunquam eunt, quam cum in vexatis laribus, & in quibus vix tantum est quod tributo sufficiat, sibi quoque spolia illato terrore inveniunt. Misertus suorum Rex, Cleobulo curam dedit uti leges conciperet, quæ hæc à populo incommoda arcerent. Difficilius fuit, quod iidem legati petierant, malis occurrere, quibus litium frequentia, Iudicum mora, & advocatorum iniquitas agros urbesque populaverant. Ibburranes, & suapte magnitudine & commendatione Argenidis Regi charus, conversari frequentius solebat in Regia. Hunc adierant Syracusi, recipique ambierant in tantæ gratiæ clientelam. Ferret ipse ad Regem iustissima vota, precesque Siculorum, eumque jam sponte mitigatum, prolixius
suo

suo pondere ad populi commoda inclinaret. Præter cæteras virtutes, summa erat in liberrime facilitas, si quis opem, aut justam suffragii commendationem petebat, ut eum diceret beneficium accipere quoties dabat. Is igitur & sæpe Syracusanos commendaverat Regi; & tunc maxime super his fori & judiciorum malis, de quibus populus querebatur, ita locutus est. Ne putes levia hæc esse, Rex, quibus levare Sicilia exoptat: nescio an turbæ civiles quas modo sedavisti furiosius sevierint; aut ne dubites quam ampla factioneminentur hæc mala; non plures cum Lycone coierant. Isti, inquam, Advocati, Patroni, scriptores, lictoresque (nam Iudices, quia eos constituis, vereor nominare) adeo numerum superant, uti pauciores sint agricolæ, pauciores qui in mercatura vertuntur, regnumve custodiunt. Vnde vero tanta illa gens vivit, nisi ex injuria populi, ex clade & sanguine miserorum? Eo quidem majori reipublicæ detrimento. Quod si inter pauciores, sed spectati candoris, advocacy munus esset, tot illa ingenia quæ noxia calliditate se corrumpunt, melioribus studiis ornarent patriam; disciplinas, & artes, aut proderet novas, aut inventas excolerent. Ita hæc pestis nō modo malorum est rea quæ infert, sed bonorum præterea, quæ adimit. At excusabis multitudinem comitialium hominum
(per-

(permittit sic vocari hos jurgiorum præceptores) ex litigantium numero, quibus omnia fora ægre sufficiunt. Per pauciores enim agi tot causas, tot explicari negotia non possent. Imo vero, ex Iudicum & Patronorum numero, crescunt lites, aut subsident. Adde nova tribunalia, non deerunt quibus placeat recens equuleus: Quod si de veteribus adimes, ita cadet pars litium; ac de morbo decedat si de hodierna medicina subtraxeris. Forensis huius æstus causa est; quia Iudices (ne infrequentia causarum, lucello sublato, etiam despectam dignitatem faciat) in summo jure semper inveniunt quos submittant fascibus suis: Nec tabulæ defunt, & his quoque deterius genus, homines quidam scientes formularum, omnisque ad litigandum articuli; qui vel alios inter se committant, vel ipsi reperta litigandi materia huius ludi ignaros exerceant. Ex tuis provinciis una fuit expertus eorum qui se in litibus doctos jactitant. Quietem oppida agebant; quicquid discordiæ inter cives exarserat, rudis sed beata æquitas, compescebat per arbitros. Ignari salutis, passi deinde sunt ex illis hominibus apud se unum vivere. Illico ortæ causæ; contentiones validæ; & dissidia ætatem tulerunt. Adeo isti in foro exerciti sæpius lites excludunt, quam inveniunt aut placent.

Sed utcunque numerosi, & aliqua contagione vicina omnia turbantes; saltem si brevi supplicio contenti mulctatos dimitterét. Nunc æterna sunt jurgia: uti si cum sumtibus sit molestiarum ratio, gravius putes sic vincere, quam confestim damniari. Illud est potissimum quod exigit tuam curam. Anputa has ambages; constitue spacium ultra quod nullis litibus fas sit senescere. Nam & modum & numerum prægressæ sunt artes ac nomina, quibus miserrimos clientes Patroni & Iudices frustrantur. Articulatim & lente hos discerpunt qui semel perire potuerant. Sæpe itur ad Iudices, causa narratur, aliquot anni abeunt, necdum contestatio litis, uti vocant, audita est. Iudicibus hîc nō vacat; hîc omisso quod litem facit negotio, hærent Patroni in causis minoribus, quæ nunc sponte, nunc eorum studio nascuntur è prima. Hæc præludia adornant, his proclamant inauditis iter ad verum Iudicibus esse non posse. Sic dubia ex dubiis feruntur. Sic immani dilatione pereunt litigantes; magna, ó Rex, in infontes inopesque injuria. Nam qui in divitem inimicum pauper inciderit, tam longo & sumtuoso itinere conficitur; procumbitque denique lassus, nec recuperato jure inultus, æmulo minus suo quam huic proluxæ æquitati irascitur. Ne quare cur tandiu Iudicibus placeat, & patro-

tronis, ad se delatos cruciari. Nempe ex mora & tempore sua opera æstimatur. Sic Patronis, inquam, crescit, sic Iudicibus merces. Multa scripsisse, multa audisse (quamquam ea præstabat compendio fieri) acerrime vendunt; eo peiores quod quæ peccant, ipsi iustitiæ imputant. Præterea consuetudine videndi miseros, & deinde faciendi, exuunt humanitatis sensum; aut potius miserum esse non credunt, litigare. Ita duri ad questus, parum supplicibus moventur; & ab iis tantum culti, saltem amant longiora in ipsos exercere imperia.

Cætera quæ quotidie peccant taceo. Nam hæc omnia questos esse oportuit, qui emendandi fori tibi mentem dederunt. Præstat de remediis in eam cladem videre; quæ fortasse ab ejusmodi sanctione non incommode incipies; Vti sistantur Iudicibus illi ipsi qui inter se dissentiunt, ne ab sola advocatorum fide respendeat. Ex eorum simplicitate, vel astu, sæpe integrius ad ingenium causæ disceptatores pervenient, quam callidæ eloquentiæ fuco. Vbi causam adhuc nudam inspexerint, duorum aut trium judicum arbitrium erit, an ad sententiam sat liqueat. Neque juris teneantur apicibus. Æqui bonique iudicium esto. Aliter exordiri nefas sit, si ve in minoribus judiciis, si ve ad quæ provocatur. Sin impeditius jurgium venit,
tastes-

testesque, & inspectionem, & leges desiderat; tum ad quos patronos deferetur, ii Numini repetant sacramentum quo semel devincti sunt, nullam se causam, quoad sciant, iniquam oraturos. Quos si hanc fidem fefellisse constiterit, aut clientem prævaricatione læsisse, præter infamiam genus supplicii excipiat, cuius timor apud paria ausuros plusquam omnes Dii possint. Illud præterea utilissima lege cavendum est, ne quid à clientibus Patroni accipiant, priusquam lis finem sortita sit. Qui vincetur, aut nihil, aut non multo amplius, quod & lege definies, patrono debebit; Et jam inde ab litis principio accedet tantillæ solutionis fidejussor; ne operæ merces alia lite quærenda sit. Is vero cui successerit, advocacy diligentiā rependat tanto auro, quantum Iudices ipsi in laboris mercedem accipiunt. Sed sanctum sit, ne quis dum adhuc litigatur, intempestivis muneribus peccet in legem. Causa, si quis cliens dederit, cadat: accipienti patrono imperetur à foro exilium. Delatoriea sint præmia quæ vel domesticorum fidem sollicitent. Faxo patroni meras oderint; & cōtentiores ad metam, dum sibi sic studebunt, aliis profint.

Parum est, nisi præterea edices (sed hoc graviter, nec, uti solemus, terroris mox evanescentis imagine) ne ulla lis ultra sex menses apud Iudices hæreat: Nisi si testes

extra

extra provinciam arcessendi sunt: Tunc enim vel tempus geminari non abnuam. Non ferent hanc vocem assueti lentissima propinare remedia, & indignatione plenissimi negabunt, tot causarum acervos semestri jurisdictione digeri posse. Ab iis igitur quæram, an in annos cumulus litium crescat in foro; An vero de veteribus absolvant pene ad scaturientium numerum. Si crescunt; quid iis tandem fiet? quo satis ostio evolvemus tot annorum incrementa? Abjiciendæ mehercule erunt, aut uno agmine non ex æquo finiendæ, sed sortibus. Sin pene ad nascentium numerum jam adultas emittunt; nihil magis exigimus; Convenimus de numero; Satis inquam uti quot annus feret lites, tot audiantur judicia. Sin objicient religiosam difficultatem veri quærendi, quæ aliquot interdum annis indigeat; nihilo erit excusatio illa fœlicior. Nam implicatæ scilicet causæ sunt? Vos ipsi, vos, Iudices, eas implicuistis. Respicite in majores. Celerrima quam præscribimus judicia erant; Et tamen æquissimos fuisse non abnuas, cum ab illis conditas leges ut plurimum colamus. Labentibus sæculis, specie æqui, in eorum auxilium inventa sunt ea quibus denique simplicitas legum occubuit, frustrationes, rescripta, & quæ semel constitui poterat, veluti religioso ordine in varios dies dilata. Hæc verò quia Iudicibus
& Pa-

& Patronis ad lucrum sunt, jam neglecto reorum commodo tam sancte observantur; quasi iudiciis cives, non hæc illis inventa sint. Ex istis rescate, quod iusti temporis mensuram excesserit. Nam & sex mensium studium ac diligentiam nulla causa effugiet; Et si exacto spatio adhuc deliberabitis; at tanti est à tribunali discedere. Nec scrupulositas nimii juris cunctationem injiciat. Ex animi vestri sententia, quod tunc liquebit decernite. Quandoquidem & sæpe post annos & lustra, haud minus turbide vel inique statuitis. Adeo non tempore sed diligentia, veritas constat.

Meleander dicentis manum corripuit; & hilari vultu; Quo te, inquit, hic æstus, magne Antistes, qui absentibus loquaris? Nisi me forte in Iudicum numerum refers: aut sub aliena invidia me mones. Audio enim & quibus res in Aula est, queri lenta illic esse consilia. Excusavit Ibburanes dicendi fervorem, cura publici commodi concitatum. Sed fortasse Iudices (inquit) transferre in causarum Patronos invidiam volent. Siquidem illos esse, qui cunctantur, nunc directa, nunc ex obliquo mora; & animos Quæditorum diversissima ambage impediunt. Quasi vero qui advocacy munere funguntur, ita peccare nisi ex consensu Iudicum possint. Hi rem postulant differri. Isti annuunt.

Vtrorum majus est vitium? Equidem cen-
seo esse illorum, qui, cum possint hæc
mala prohibere, non faciunt. Neque
enim sic tergiversari, remque differre, &
in superfluis morari auderet Patronus,
qui nesciret ejusmodi artem quodia-
nam esse, & assensu Iudicum ratam. Ne-
get Prætor inducias; omnes litis articu-
los intra sex mensium spatia includat;
imperatos habeat pro convictis, jam cau-
sidici desinent ab hac fraude, neque ju-
ra clientium improba dilatione confici-
ferent.

Si hæc tamen omnia Iudicum animos
non movebunt, si mihi reclamabunt, si
fidem, & labores, & disciplinam suam
jactantes, hac paucorum mensium bre-
vitate se ultra fas premi querentur: te mi-
sericordem esse non veto. Iube quicquid
negotii oneratis superfluet, dividant in
petitos. Sunt in causarum Patronis con-
sultissimi multi: Ad hos litigantium quos
placebit rejiciant. Seu per se, seu per alios
judicent, è republica facturos; modo præ-
ter imperatum spatium clientes non pen-
deant. Videbis illico refectas illis vires.
Non committent uti lucri & potestatis
pars in alios emanet. Plura tunc negotia
ingere; soli isti, modo tam delicate de la-
boribus fessi, sufficient: Præsertim si, ut
oportet, hanc legem grandi multa san-
civeris.

Sed

Sed quid, inquires, veteribus causis fiet, quæ in tribunalibus multos annos jam perennant? Certe enim his simul, & cæteris quæ in dies deferuntur, hic annus non sufficit. In hanc rem illi qui judicia exercent etiam ingratis collegas accipiant, quot purgando foro sat erunt. Non ultra sex menses potestas sit. Vacua deinde ab situ antiquo tribunalia, non plus anno ultionem noxiorum differant, quæstumve læforum.

Aqua sentire Ibburranes videbatur. Quia tamen ægra corpora nimio medicamenti conatu percelli, exitiale interdum est; Rex tantæ salutis novitatem distulit, donec possent vocari magistratus, & tanquam consentientibus leges dici. Nam nec illis oportebat reverentiam ad populum perire; quod utique metuumdum, si in tumultuaria sanctione magis pœnæ, & vindictæ, quam futuræ utilitatis species fuisset. Cætera igitur quæ populus petierat, repræsentari confluentibus ad natalem Argenidis iussit, solam iudiciorum ordinationem promitti: Et cura concipiendi sanctiones data Cleobulo.

Iamque non ex civitatibus modo Oratores convenerant, sed adeo omnis generis mortales implebant Epeircten, uti Radirobanes cogitati sceleris curis incubans, interdum vereretur ne inter tot Siculos rapi Argenis non posset; interdum

in confuso & incondito vulgo cogitaret
Meleandri comitatum, ægrius ad opem
coitutum. Non operæ interim, non pec-
uniæ parcebatur, quo institutam salta-
tionem exornaret. Nam & sibi conciliare
elegantiae famam quærebat, & offensæ
quam moliebatur atrocitatem ejusmodi
apud populum favore minuere. Pridie er-
go natalis Argenidis destinata spectaculo
aula fuit apud Meleandrum amplissima.
Cœna mature exhibita, illuc ex Sardis Si-
culisque frequentes conveniunt. Non li-
ctores, non armati, ad fores aditusque dis-
positi, satis submovebant immodicos;
ut in pompæ regiæ parte esset ipse tumultus,
lætorumque & repellentium clamor.
Ipse Meleander ad fores processit, quando
custodum & lictorum potestas non vale-
bat; oravitque regio vultu, ne confusum
spectaculum seque offensum vellent. Ar-
chombrotus lateri proximus erat; cui ab-
cedens mandavit, ut admissis qui specta-
re commode possent, cæteros sui reveren-
tia arceret. At ille Radirobani quaquā
nocere pium existimans, turbare tripudii
mimum aggressus est, quem is tantopere
curabat; & tanquam populi impetum
non ferēs, prodidit fores, subita multitu-
dine obrutas, uti stipatis corporibus nec
ipsi se caperent; Cumque excandesceret
Meleander, tamen à calentibus non au-
diebatur, donec populum ipsa libertate
miti-

mitigatum sui puduit : maxime postquam indignatus Rex per portam solio proximam visus est sese proripere. At Eurymedes atrociam ingerebat paulatim stupentibus ; Archombroto tacite sibi plaudente , quod ferretur Radirobanes eo tumultu adeo accensus , uti projectis ornamentis juberet diripi machinas , quæ pendebant , choreiam demissuræ ab aere.

Tandem Eurymedis opera , liber à populo locus Meleandrum cum Argenide recepit ; & in exordium scenæ , quatuor Satyri aulao digressi , cum breviter & incondite saltassent , ejusmodi Epigramma , tanquam argumentum spectaculi , ad Regem atque Argenidem delatum mox sparserunt in populo.

*Qua bene Saturno steterat Natura sub
uno,*

*Spargitur in partes, exætaque robora lu-
get*

*In plures hen ! lapsa Deos. Hinc Iupiter
instat ;*

*Germanos hinc iratenet. Qua pugna ?
quis ardor ?*

*Sic fratres certare decet ? Sic regna pe-
tuntur ?*

*Ah potius revocate senem , sceptrumque
parenti*

*Reddite. Privatos melior concordia jun-
get.*

*Sed pacem fortuna dabit; Venit illa, glo-
boque*

*Fluctuat, alternans dubia vestigia mente.
Hæc in sydeream mittit te Iuppiter an-
lam,*

*Et tibi carulea dat regna Tridentifer un-
da;*

*Plutoni tenebras, & opacum Manibus
orbem.*

*Hæc leges placuere Deis; hoc fædere mûdus
Gaudet. En ut servant latantum mista
Deorum*

*Agmina, & incertam fidibus rexere cho-
reiam,*

*Dî Superi, Dî caruleo qui pisce per undas
Pone natant, & quos nigris humus abdi-
dit umbris.*

*Hos inter nulla tantarû ad gaudia rerû
Huc venire Dea: Sive ille lucida servant
Sidera, sive alios exercent litibus Orbes.*

*At vos Sicaniæ paulum succedite Nym-
pha;*

*Atq; exultantum choream miscete Deo-
rum.*

*Præcipue Siculis tu Virgo debita sceptris,
Iunge Iovi dextram, pedibusque ac car-
mina puls*

*Fac sciat esse aliquid melius Iove. Præfe-
rat ille*

*Sicaniam cælo, teque, ô Regina, Sorori.
Interim præludentibus tubis, flam-
ma imitatione fulguris per effictarum
nubium*

nubium volumina ibat. Tum cœli effigies, quam summo tabulato admove-
rant, cœpit moveri, sensimque dela-
psa est; & tria claustra aperuit, in qui-
bus crystallinæ stellæ per suppositas fa-
ces micabant, aurumque & purpuram
incendebant suo fulgore. In trium cel-
larum media sedebat Iupiter; aliæ Ne-
ptunum & Plutonem ferebant. Circa
illos, tanquam ministrorum turba, mul-
ti Cupidines; quibus cincinni crines, bre-
visque persona: pendebat ab humero ar-
cus; & dextra vibrante, duo diversæ cu-
spidis & effectus tela gestabant. Hi cum
dominis habili saltu in pavementum
tapetibus stratum delati, percurrerunt
aream saltatione levissima. Iupiter in-
terim ducente modulorum tenore ad
fratres accedebat. Mox tanquam non
conveniret disceptantibus, simul nutu
saltuque idoneo ferebantur in diversa.
Cum hoc iterum tertioq; fecissent, subito
dea Fortuna comparuit, globo insidens,
quem etiam ad cantum movebat. Et re-
gnorum insignia, de quibus Dii certabant,
in succincta veste occulens, venire illos
iussit. Illi fidibus pedes regentibus pare-
bant. Manus ergo ad sortem demisere.
Iupiter in eo Fortunæ sinu fulmen invenit
trifidum ex auro, tridentem Neptunus,
Pluto ad cuspidem inferorum contabit.
Subita alia nubes, Iovi tanquam Regi Su-

Æt; aliæ nondum crura posuerant. Rhadamanthus suæ Lyciæ Chimæram vivis coloribus gerebat expressam; utque probaret se monstris & vitiis iratum, eam Bellerophon Pegaso à Minerva domito insidens debellabat.

In hoc quisque amictu convenientibus modis saltavit: Dii quidem cœlestes hilarius; Proceres maris paulo agresius promovebantur, & descendente ab inguine piscem interdum colligebant, rursusque jubebant in solo palpitare ad numeros. At Umbrarum Numinibus vestigia erant non abhorrentia à frontium rugis. Inter indignantium & iratorum severas species tamen saltabant. Tam dispar diversissimorum Deorum disciplina, eodem musices concentu regebatur. Nunc secernebant agmina; nunc mixtura, & illa variante, implicabantur; Sæpe in orbem flexi, sæpe aream recto cursu secantes. Nunc choreiam manibus nexam aspiceres, nunc solos, nunc in paria distinctos, totius corporis festinante obsequio ad fidium præscriptum mutari. Tandem consumto schemate omni Radirobanes quem Iovis tegebat effigies, ad Argenidem venit. Illa sequuta invitante venusta majestate se intulit in choreiam. Cum deinde præcipuæ matronarum virginumq; saltavissent, duodecim Dii novo tripudio epilogum dedere. Post hæc abscedunt in

*Has paulum dignare domos, hac frondea
mitis*

*Sylvarum simulachra subi. Sic Delia
postquam*

*Egit in auro: os fraterno lumine curru,
Mox nemorum secreta petit: Sic Marte
peracto*

*Pallas, ubi emeritam castis vocat hostia
mensis,*

*Disimulat facilis numen Dea, seque
precanti*

*Addit, & arcana cumulat convivia do-
nis.*

*Nympha veni, glaucosque tui de litto-
re ponti*

*Vre Deos. Placidis medium te tollet ab-
undis*

*Ceruleus genitor: Mox & suspiria lasas
Ducet, & ingentem poterit contemnere
Tethym.*

Meleander illo mane; postea quam Diis fecit, delectos civitatum advocans, quantum iis indulisset ostendit; figique in foro, & per oppida dimitti, præcepit ea edita quæ Cleobulus descripserat: Curam quoque de litibus, quæ confestim castigari non poterant, sibi præcipuam fore asseruit. Quibus subito evulgatis, populus & sua & dici lætitiâ fervens, euntes ad Radirobanis tentoria principes ingente acclamatione sequutus est. Radirobanes venientem Argenidem tanquam certissimam.

nam prædam aspiciens, aliaque quam credebatur lætitia exultans, longum prandiū ordinem quasitissima comitate explicuit. Quatuor ad noctem horæ restabant, cum remotis epulis surgunt ad navis spectaculum. Tubæ passim ac tympana exaudiebantur in littore; & in trium malorum verticibus ex versicolore carbaso tæniæ pendebant, omnibus ventis commoda levitate obnoxia. Tabulatum nautis & militibus plenum; ac si triumpho vel prælio subveheretur. Populū non capiebat arena, non scaphæ, diversissimo clamore frementem, quoties procedere opus tubæ monuerant.

Ex composito factum, uti tardissime navis portu emitteretur. Sed adhuc Radiobanes tenebat Meleandrum, expectatione ignium, quos non procul à littore promittebat tribus in scaphis, totaque circum unda. Recens inventum, quia nondum emanerat ad multos, trahebat sui novitate audientes. In hanc ergo spem ipse reducit in tentorium suum Meleandrum atque Argenidem; &, quid visuri sint, pluribus docet; piscium in aquis species prompturas de faucibus flammam, quam demissa in aquam capita nō obruerent. Obsessas hisce piscibus scaphas iri protectum ab igneis simulachris, quorum conti nunquam fervidius arderent quam sub unda. Hæc narrantem interdum vicini

vicini facinoris cura trahebat, relictoque Meleandro, Virtiganem & cæteros ex consciis monebat, ne aut segni aut præcipiti opera suam spem frustrarentur. Centum lampades erant, toto tentorio dispositæ ex quo Reges spectaturi confederant. Has simul signo dato extinguere convenerat, (nam ex paucissimis pendebant funalibus) & Argenidem atque Regem corripere, deferrique in scapham. Proceres Sardi ac milites, quamquam plerique ignari consilii, sensim acciti illic erant, & secreto jussi obire quicquid Virtiganes mandavisset. Ille quamquam invitus cum duobus consciis pupuratis creditum sibi scelus curabat.

Tam propinquo exitio pene fidem superat eripi potuisse Siciliam. Sed sæpe divinitatis opera hæc sunt, uti furias, in ipsam successu securas, subita ultio excipiat: ne vel unquam improbis timor, vel spes absit calamitosæ virtuti. Forte Archombrotus, cum cæteri triremem in undas euntem contemplarentur, hoc spectaculum non dignatus, haud procul spatiabatur in arena. Erat Sardorum linguæ non expers; quamquam in eum diem dissimulaverat. Miles quidam ex satellitibus Radirobanis, à Virtigane recens digressus, obvium contubernalem cum vidisset sine armis vagari in littore: An tibi soli, commilito, inquit, licet sine lancea gladioque hodie

hodie conspici? Cumque ille negaret, se
ullum de armis præceptum accepisse; am-
bo occurrentibus aliis misti nihil deinde
loquuti sunt quod Archombrotus capere
posset. Sed miratus, quid opus, hos Sar-
dos in pace & inter convivia armari, tam-
quam obambulâs speculatus est omnium
habitum; nec quemquam in iis invenit
exermem. Hi præter gladium hastam, illi
jacula habebant, multi pilis Italicis one-
rabantur. Paucis tamen, & tanquam ex
Regiæ custodiæ statione, aut galea erat,
aut clypeus; ne nimio apparatu prode-
rentur insidiæ. Suspecta hæc erant & for-
midolosa Archombroto, jam sponte à
Sardis averso. Nec sine numine fuit, quod
gravius quam pro tantillo indicio expa-
vit. Nam hæc arma apud incuriosum ali-
quem militaris consuetudo excusavisset.
At ipse, seu quia amabat Argenidem, seu
quod optabat Radiobanem peccasse: Hæc
mihi, inquit: An toties repudiatus ama-
tor vim parat? & Meleandrum avehere
cogitant, scilicet Argenide non contenti?
Nam cur tanto ambitu ad maris littus de-
ducti sunt? Cur hîc noctem rogantur ex-
pectare? Subito horrore concussus, aptio-
ra conjurationis indicia capturum se nō
putavit, quam ex Virtiganis fratre. Mor-
bo pene confectus dies jam complusculos
jacebat. Nec verisimile erat, si quid Sardi
moliebantur, hunc in oppido relictum,
& in

& in captivitatem proditum esse. Sudans ergo Epeircten conscendit; cumque obiret Palatii partem destinatam hospitibus, commodum Radirobanis libertum aspexit, qui cubiculi regii custodiam habebat: Libachanes appellabatur. Hunc ergo discessurum, & clavibus ostium jungentem, subito consilio Archombrotus interpellat: Cupere se quiddam in illo cubiculo, si liberto vacaret, inspicere. Ille & Archombroti dignitatem reveritus, & quod de patroni scelere nihil sciebat, non dubitavit referare cubiculum. Meminerat Archombrotus, cum bis Meleandrum ad Radirobannem comitaretur, vidisse se non longe à pulvino supra admotam mensam, pulcherrimi operis thecam, ex ebena variatâ & ebore; vermiculati quoque argenti laminis in articulis & oris cœlatam. Illic preciosissima gemmarum audierat recondi, & quicquid litterarum tutiori secreto indigebat. Ergo, tanquam aliud agens, contemplatur yacuam mensam, frustra quoque toto cubiculo oculis thecam vestigat. Quod ne facere videretur, facili commeto libertum, deludit. Gemina ad aulæum tabula pendebat, utraque Radirobani eximia. In una, Radirobanis patri aquila, tanquam desyderibus labens, coronam imponebat. Alia Apollinis erat liquecentem jam Marsyam ulciscantis. In iis, ac si venisset inspe-cturus, a vide hesit. Nā & relicte illic erant;

nec

nec quicquam ex penu aut specie, præter thecam, cubiculum amiserat.

Igitur augurio animi, & suspitione crescente, Archombrotus Libachanem reliquit, & ad Virtiganem tendens, non habuit qui aperiret; uti satis ex solitudine constaret, ægrum ipsius fratrem abesse. Et hunc quidem, tanquam consulentibus medicis petere ex sali jactatione remedium, primo mane ad naves lectica detulerant. Timuit Archombrotus, ne religiose omnia explorantem nox & insidiæ præverterent. Duos itaque Centuriones vocat ex iis qui in præsidio arcis erant; (nam cæterorum sparsos milites quæ tam subito diligentia collegisset?) simulansque à Meleandro missum: Ite, inquit, ad milites vestros, confestimque, ne tumultuari tamen, eos ad litus educite. Manipulatim dimissi convenient prope tentorium Radirobanis. Ensis iis, & hasta suffecerint, ne si gravius armati conspiciantur, sermonibus materiam præbeant: Prior adero in arenâ; & obiter, quicquid Rex jussit, ad vos feram. Ite vero, & diligentem operam Regi præstate.

His ocius ad jussâ digressis, redibat ad litus Archombrotus, cum non procul tentorio Radirobanis in Eurymedem incidit: vultuque turbato, Quam vereor, ait, ne in Lycogenem alium nos fortuna retulerit. Tum strictim enumerat conjura-

tionis

tionis indicia, in quæ inciderat; preciosissima abvecta ex privato Radirobanis instrumento ; Virtiganis fratrem, quamquam ægrum, abiisse; neminem Sardorum conspici sine armis. Neque Eurymedes eum omnia proloqui passus, gaudere se retulit, quod Archombrotus eadem secum sentiret. Iamdiu se illa suspicione prehensum, perculsumque ad conspectum Sardorum, qui per cuneos non sine consilio circatentorium errabant. Post hæc vero quæ Archombrotus detulerat, nihil se dubitare de scelere. Quis ille Pirithous nobis? aut quis huic Theseus rapiendi nuptias fecit audaciam? Sed arte utendum est, uti se eripi patiatur Meleander ab hac peste. Adeo cavet Radirobanẽ offendere, uti vilis sit sibi. Vade prior, Archombrote. Cum illum moveris magnitudine periculi, adero strenue, indiciumque & terrores geminabo. Milites interim qui proxima nocte excubaturi sunt, non hinc procul in procinctu cõstituam. Forte fuit uti, cum Archombrotus pervenit ad Reges, Argenidi loqueretur Radirobanes, vacaretque Meleander; Ad quem ille demisse: Vultum, inquit, fingo, Rex, disparem rebus quas afferro: scilicet ne illi qui te circumstant parricidæ sentiant te moneri. Cæterũ omnis hac pompa tibi, tamquam victimæ, ornata est; quem una cum filia avehere, Radirobani constitutũ intelligo.

Eo consilio promissa spectacula trahit inferum, donec vespera se tumultui furtoque aptaverit. Cum referret in eam rem argumenta, supervenit Eurymedes; ad eoque complevit formidine Regem, uti labantibus articulis incertus, illos rogaret, ad tam subitum malum quid consilii haberent. Constabat nihil aliud superesse, quam aut statim fugere nondum maturas insidias, aut se illic subsidio armatorum rueri. Sed omnino potior fuga erat. Neque enim tot subito milites cogi sine professione suspicionis poterant; uti magis incipere injuriam timendo viderentur, quam repellere. Quid præterea in periculum mitteretur Meleander, quid Argenis? cum præsertim flagitii series atque motus adhuc lateret; & Sardi fortasse aliqua solertia nocturnum facinus ita ordinavissent, uti non posset tumultuario certamine refelli. Placide, inquit Rex, & tanquam obambulans tentorio digrediar: Sequi Radirobanem hortabor, simulque Argenidem; quam tu in via, Eurymedes, mone, uti cum inter nostros fuerimus, acrem morbum subito fingat. Excusabilis erit discedentis occasio, & ægram tamquam sollicitus comitabor. Sub hæc verba in Radirobanem & Argenidem inspexit, & Optimam vesperam perdimus, ait. Ire satius ad liberum cælum, & jam sole dimisso intepescentem. Sat deinde cum spectaculum
mox

mox edetur isthic cessabimus. Simul his, tentorii fores patebat; omnesque sequebantur. In hac turba Meleander Radirobani loqui cœpit, ut eo remoto facilius Eurymedes Virgini insinuaret quod ipse mandaverat. Et illa repentinis cogitationibus concussa, quamquam nemo aperuerat paterni consilii causam (nam dicentem Eurymedem turbavit adveniens Virgiganes) tamen haud multum à vero timidissima cōgitatione erravit.

Interim Archombrotus, in quemcunque familiarium Regis offenderat, hortabatur non destituere Domini latus. Iamque & militum decurix ab ipso atque Eurymede accitæ, sparsim in campis erant; cum Argentis ex præscripto cadentem sponte vultum colligit manu: seque ad Selenissam excipiens, voce demissa, Pessimè mihi, inquit, est, mater. Sislitque illico gradum. Radirobanes subito casu conterritus, in remedia aquam, merum, odores, flagitatione non p̄functoria poposcit. Statim circa jacentem crevit immodice concurrentium globus. Et Meleander qui paulisper præcesserat, inter fictos terrores regressus est. At Argentis: Ecquis læticarios provocat? ait. Nec de morbo rogata quicquam certi referebat, nisi, linquente corde, hebescere oculos, & caput errare. At Radirobanes nihil opus lætica proclamabat: celerius hemicyclo

in vicinum posse tentorium referri. Sed causatus Meleander commodius oppidum esse, seu medicinæ seu quieti; simul urgebat qui ad lecticam decurrerent, simul gratias Radirobani agebat, tanquam humanitate nimia sese oneranti alienis doloribus. Isque jam non de Argenide tantum, sed de sui sceleris successu sollicitus, negabat se passurum, uti mille totos passus (tot enim ad Epeircten aberant) jactaretur virgo invalida, & in hoc primo morbi impetu, nec fortasse duraturo, melius in proximo tentorio acquietura.

Hæc adhuc omnia veluti mutuæ necessitudinis charitate jactabantur, cum Virtiganes Radirobani clam monuit, non sic in illum diem sitam esse consilii sui fortunam, uti redire non posset sperata felicitas. Pateretur abire Argenidem; & ipse cum ea peteret Epeircten: dilato promissorum ignium spectaculo, donec convalescisset ipsa, paterque iterata simplicitate rapiendam ad littus reduxisset. Cœperat persuadere: Cum Radirobani medicus, quem aliqui accersitum procurrerant, venit. Is pollice virginis propemodum repugnantis tentato, notatis præterea oculis, spirandique mensura: mirari primum cœpit, moxque negare ullum sibi agritudinis vestigium liquere. Ergo ad Meleandrum conversus, bona fide rogabat uti poneret metus: Levissimum esse quodcunque

cunque Argenidem turbaverat. Sed Radirobanes atroci percussus conjectura, tunc denique sensit invaletudinem simili in fugæ prætextum. Miratus quis suas deprehendisset insidias, quis ad Meleandrum detulisset, sensim ferebatur in rabiem; & ad moliendam vim ferociter intentus, querebat oculis suos, dextramque ferebat ad capulum; cum Sardos pauciores quam Siculos circa se videt, uti neque si viribus esset agendum, satis posset victoriam sperare. Interim aderat & medicus Meleandri; qui ab Eurymede monitus, quid deberet simulare, longe alia quam quæ Radirobanis servus, de Argenidis valetudine dixit; gravem, & fonticum morbum esse: properarent deferre ad regiam; quicquid morarentur, nocere Argenidi. Ita loquentem prior medicus jurgio adortus est, non passus suam artem contemni: Ecquod enim mali indicium videret? quid vultus? quid labellorum color? num sudor in frigida fronte? num à se dissentiret arteria? Neque minus pervicaciter Sculus suas partes implebat: prorsus egregio de incertitudine medicinæ spectaculo, si tumultus, & rei quæ agebatur magnitudo, huic voluptati locum fecisset.

Dum hi collatis verbis certant, leſticarii sublimem Argenidem tollunt: Et Radirobanes non redituram ultimo conatu proſequutus, non ſibi temperavit. Injecit

lecticæ manum ; & manere Argenidem jam plusquam precabatur. Iurgium quoque inter Sardos Siculosque processerat : Ibatque Archombrotus, lecticam sub Radirobane laborantem vi explicaturus. Sed medium Meleander se obtulit. Litet Sicilia illiusdiei fortunę. Quantum præclari sanguinis fustum ibat seditio ! Capax labes absorbere Siciliam, & quamquam absentem consummare Poliarchum. Sed mitioribus fatis ministravit Meleandri prudentia. Adhuc sibi tanquam hospiti loquentem violare erubuit Sardorum Rex ; & , utcunque finito tumultu, digressaque Argenide , ipse quoque Meleander lectica sublimis & agmine suorum vallatus in oppidum se recepit.

LIBER IV.

Nemo interim Sardorum audebat Radirobani loqui. Furebat violentus, & discorde tumultu raptum animum spargebat in diversa. Nunc pudore, nunc infelicitate ceptorum agitabatur. Quam bene processissent initia ? Ut diu possessa cū Meleandro Argenis in tentorio hæsisset ! Geniusne deinde, an mortalis prodidisset consilia ? Subeundum ergo dedecus, nulla mercede, nullis sceleris præmiis lenitū. Post assertā Siciliam, polluta victorię laude non
tantum

tantum ut hosti, sed prædoni abeundum. Sub hæc frendens, toto littore ferebatur, adeo inutili ad cætera sensu, uti nec ruere noctem sentiret. Ausustandem Virtiganes accedere: Et quidem, quo ab insano audiretur pacatius, primum eosdem affectus simulavit. Cumque hac arte locum monendi sibi aperuisset: Iam nox est, inquit; & hic tamen (ô Rex) moraris fortitudine tua nimis securus. Circumstant te multi: Nec opus est omnes scire quo in statu sit animus tuus. Quo autem succedere nocte hac paras? Vocat in oppidum Meleander. Sed quis putet te secure cum illo reconciliare gratiam posse? Chariores tibi sumus, quam uti nos conficias tanti tui periculi metu. Classis tua te melius excipiet. Abominare hanc terram, tot curarum tibi causam. Vbi eum paucis secretus in prætoria navi eris, liberius irasceris, & quod in rem videbitur esse, constitues. Radiobanes tanquam Virtiganem non audisset vultu immoto, tamen ad præparatam scapham se contulit; sive magnitudine iræ, sive consilio vocem premeus, donec in regiam triremem delatus est.

At ubi cum Procerum non amplius tribus in prætorio puppi proximo resedit, evoluitque caliginem multa simul & confusa animo ingerentem; primum Argedis imaginem, quam gestabat gemmis

inclusam, de collo diripuit: Nam odio & iracundiæ, cæteræ cupiditates jam cessabant. Deinde sublato ad Virtiganiem vultu; Faciam, inquit, ut hic dies tristior Meleandro quam mihi illuxerit. Pejus ab sua Argenide quam à me diverter. Occupabo Furiarum officium: Seni quietem, & puellæ famam eripiam. Spectabo deinde ociosus hos ludos, fruarque hostium malis; aut, si in rem meam commodum erit, bello quoque cumulabo. Ocius cæram styllumque porrigite. Neque mora, litteras sua manu in hunc modum exorsus est. Raddirobanes Meleandro. Nesciebam cum inimicos tuos sustuli, te amicis adeo esse indignum. Veniam ab Siculis exoro, quos ab tua secedentes tyrannide, armis meis domui, reddidique sævitix tuæ. Cæterum si molestum tibi erat, quotidie me videre cujus manu & opibus Rex es: at humanius dimitti poteram, quam sub insidiatoris invidia. Cui enim non constare voluisti, te graviter à me metuere, cum modo tua Argenis morbum finxit, teque ipse ex tentorio meo turbate proripuisti in oppidum? Ita offensionis specie delere speravisti quicquid mihi debebas. Sed nemini potes imponere. Cur te enim violari voluerim; qui ne violareris, vitam meam obtuli in discrimen? At filix tuæ nuptias concupivi scilicet; & cum affinitatem non probares, hanc prædam statui occupare!

Ne

Ne tibi amplius tantum placeas Argenide
 tua. Nescit regius Sardiniae sanguis ullum
 thalami probrum pati. Quo oculo cerne-
 rem super limina castissimae domus attol-
 li, non casto, non illa simplici vitta di-
 gnam, non ceteris virginitatis insigni-
 bus, denique nescio cujus Poliarchi con-
 tubernio assuetam? Quid te inexpectata
 vox ferit; & in pudendae rei nuncio amit-
 tis spiritum? Ita est, Meleander. Nimis
 cautus in amicos, discenunc quos timere
 debueris. Illa quam Palladem putasti
 Theocrine, tuae domus contaminatrix
 fuit; Ac uti simplicius dicam, sub eo no-
 mine Poliarchus tibi illuxit. Argenide
 fraudem juvate, in gynaeceum pro virgi-
 ne, mox in templis pro Pallade est admis-
 sus. An integram existimes, quae correpta
 amore adolescentis, celavit temerorem
 arcis quam mulieribus sacraveras? quae
 cum amatore diutius fuit? quae denique
 patrem decepit? Omitte igitur suspicio-
 nem, mea sorte & animo indignam, qua-
 si, his à me deprehensis, illius nuptias ex-
 petierim in qua nihil syncerum est. Mihi
 quidem cum ad vos appuli, adhuc ex hac
 lascivia ignotam placuisse confiteor. Sed
 Dii Sardiniam juverunt: quod cum pos-
 ses hanc petenti pulchre conciliare negle-
 xeris. Vbi autem de secreta turpitudine re-
 scivi, adhuc fastidium meum simulatione
 amandi sic texi, uti contentus mihi cavere,

merentem non læderem. Habe tibi filiam tuam. Habe & regnum meo auxilio restitutum. Sed ne ingratitude usquequaque sit præmium, aut facilitatem meam traducas: nolo Sardinie ærarium pœnas vestrorum furorum luere. Iam hoc nimis, quod sanguinem multorum ex meis consumsisti. Nam sileo meos labores, quos utique non vendo. At sumtuum partem redde; quibus totis te fungi oportebat. Eos enim uti viveres, regnareque, feci in classe, militumque stipendijs. Trecentis talentis rem patiar æstimari. Quanto plura pro te impenderim, ex publicis meorum Quæstorum rationibus facile scias. Sed tantillum hoc repone, nisi majoris extorqueri. Hospitium renunciare esset superfluum, cum prior id ipsum illatione injuriæ feceris. Ex his tamen quæ detuli, cognosces fidem meam. Te enim nisi coactus miserum esse non volui; & quam diutissime passus sum ut Argenidem amares.

Hæc uti scripsit, cogitati sceleris industria superbus, vocat suorum fidissimos, ostenditque epistolam, in alienæ agritudinis spe propemodum suæ oblitus. Horruere scilicet ad sceleris novitatem: Sed crudelissimo servitutis genere, quod intra se abominabantur, palam laudabant. Quærebatur deinde quis litteras ad Melandrum ferret. Nam intuta videbatur
[& cæ-

& capitalis audacia. Sed Radirobanes in suos quoque sævus; Nesciat præco, inquit, periculum suum. Ibit intrepidus, & meo auspicio securus. Quod si illum Meleander mulctabit; at mihi tanti erit hanc novam querendi jurgandique materiam vili sanguine comparavisse. Igitur cum aliquandiu inter se contulissent, quidam miles, diu ante Virtigani invisus, ad hoc destinatur officium; ipso Virtigane hominem commendante. Et ille maligno inimici suffragio beatus, uti credebat, infulisque præconis ornatus, primo mane ad portum exigua lintre devectus est. Statim relatum est Meleandro nuncium à Radirobane adesse. Ille animo æger, & de hospitis dissidio sollicitus, tunc forte suorum charissimos acciverat. Præter mansuetudinem in illo pene ad vitium prolixam, beneficium è Radirobane acceptum effecerat, ut illi paulo magis quam sibi faveret. Incertum est (inquit) utrum nocere voluerit; certum autem nos ab illo tanquam insidiatore refugisse. Conciliandus utcunque est; Et si cætera abessent, timenda certe fama. Nunquam videbitur juste expulsus, quem necessariis temporibus tanquam Deorum munus susceperamus. Post hæc verba altum silentium fuit. Nam plerisque injucunda hæcerat Meleandri sollicitudo. Inter cæteros Archombrotus, atq; Eurymedes, perstringi se rati, quia Regi

autho-

authores fuerant, ut à Radirobane cave-
 ret, haud obscure audebant indignari.
 Adeo ut impetus juvenilis in hæc verba
 Archombrotum abstulerit: Sentio, ô Rex,
 me simul & Radirobanem non posse ex-
 cusari. Si te ad injustas inimicitias com-
 puli, quid cunctaris noxæ me dedere? At
 si mea & Eurymedis sedulitate hodie es li-
 ber, noli incertitudine animi turbare fœ-
 licissimum diem, & adhuc dubitare an
 malis Radirobanem esse offensum, an
 captivam Argenidem apud illum teneri.
 Hæc libertas Archombroto gratissima o-
 mnibus fuit, præsertimque Argenidi, quæ
 in lucro numerabat, sive jure sive injuriâ
 à Radirobane dissidere Siciliam. Ipse Rex
 suos metus excusavit Archombroto: Se-
 tantum de populi voce sollicitum: Curan-
 dum ne imponere Radirobanes possit ex-
 ternis ignarisque negotii. Mittam ad il-
 lum, qui me dolere significant quod ad
 classẽ potius quam ad me secesserit, ora-
 re ut in portum redeat, nec Siciliæ tam vi-
 cinus, incertos fluctus malit. Simul largos
 commeatus jubebo ad illum lembis plu-
 ribus promoveri, distribuamque mune-
 ra in amicos. Nemini deinde credar in-
 gratus in hospitem, quem per officia illa
 coluerim.

Minus displicuerat illa sententia. Iam-
 que Timonidem illic legatum Rex dixe-
 rat, cum Radirobanis præco adventare

nun-

nunciatus, varia expectatione omnium animos suspendit. Rex intromitti eum iussit; cumque ille litteras traderet, ecquid hospes Radiobanes valeret aut faceret, blande, uti solebat, quæsiuit: Præco, velut erat iussus, omnia intellecturum Meleandrum ex codicillis quos attulerat, refert, simulq; aliquantulum in latus secedit. Meleander nihil quietum suspicatus, ad proximum cubiculum pergit, ne præco legentis oculis motibusque curiose immineret. Sequitur patrem Argenis; & purpuratorum præcipui. At ille postquam ceram explicuit, in omnibus verbis hærens, & contumeliis excitatus, tandem ad eam partem descendit ubi Argenidis & Poliarchi fama proscribebatur. Arsere illico vultus: Iterumq; pallore mutati, uno cum incertis manibus horrore tremuerunt. Refectis mox viribus, ira terribili, in quos tamen, adhuc incertus, erigitur. Argenidem, Radiobanem, Poliarchum, offerebat nova rabies, & sub primum impetum nulla prudentia consiliove tractabilis.

Nema audebat interrogare tam acriter æstuantem. Sed ipse quantum licuit semotis perturbationis indicium, ad proximum conclave se proripit, unaque venire jubet Argenidem: cui non aliud loquutus quam ut has litteras legeret, confedit in lectulo; & illius vultibus intentus, suspiranti frementique medius hæsit. Argenis lectio

lectione conterrita, non quidem tanquam ad justam accusationem expavit; sed injuriæ impatiens, flagrantibus oculis totaque oris specie, proclamavit ad vindictam. Urgebat tamen attonitam maximus dolor, suam cum Poliarcho familiaritatem innotuisse: Et, quod tamdiu eam amicitiam occultam habuisset, verebatur ne accusationi esset justior species, & patre difficiliore uteretur. Statimque perpendenti quomodo fides tam religioso secreto periisset, occurrit Selenisæ cū Sardinie Rege commercium. Sed diu deliberare aut tacere non licebat. Itaque provoluta ad genua patris, interclusamque anhelitu vocem non sine artificio laxans; Ne expectes, Domine, uti crimen objectum anxie diluam. Non enim dabo contumeliosissimo hosti hoc gaudium, uti credam pudicitiae meae aliam rationem esse reddendam, quam quod haecenus tibi optimo & solertissimo parenti placui. Vnum habeo excusandum; quod Poliarcho per salutem, quam tibi mihiq̃ue attulerat, oranti ne scires quantum pro tua incolumitate præstitisset, fortasse fidelior quam voluisses fui. Nunc quoniam alieno indicio factum est ut hominem possim laudare; Ille est, Domine, quem Theocrinem vocabamus. Mei videndi cupidus, hanc simulationem sexus inijt, quo in arcem reciperetur. Sed tantæ licentiæ consilium emendavit

davit modestia. Nam sic potius mihi quam Radirobani credas, uti virum esse nescivimus, priusquam te atque me à nocturnis prædonibus vindicaret, ea fortitudine quæ apud te divinitatis fidem invenit. Tunc vero ex arce abiturus, mihi atque Selenissæ quis esset, ea lege aperuit ut illius audaciam & virtutem apud te taceremus. Regressus deinde ad regiam, quantum ceteris præstiterit, tua in illum charitate probatum est. Quod si reprehendis silentium meum; cogita non potuisse mercedem breviorē concedi, quā uti paterer cum iustis apud te honoribus carere. Sin autem subvereris altiora; quia virgo illius consilia regere sustinui; provoco ad inimicissimum mihi caput; Selenissam intelligo; quæ sola tanti arcani conscia, rem omnem Radirobani palam fecit. Nisi scelestissima esset, fureretq; perfidiæ insania, & odio mei, non polluisset silentii fidem; nec quod te ipsum celabat detulisset ad externos: Testem hanc tamen non verebitur appellare innocentia mea. Si merui odium tuum, & propitiā famā arcana turpitudine sefelli, ego te & pudicitiam manu mea vindicabo, reddāque sanguine indignū qui à te provenerit.

Inter hæc patris genua amplexa, nunc dexteram osculabatur, nunc ea arte in senem respiciebat, uti jam facilimi patris iudicio innocens esset. Illum tamen plurima turbabant: Necessaria in Radirobani
inimi-

inimicitiae, de accusata Argenide vulgi suspicio; & quod utcumque casta esset, tamen credibile erat Poliarchum fecisse ne ipsi Radiobanes placeret. Vrgente deinde filia uti Selenissa accerferetur, ipse per ministrum qui fores servabat, imperavit anum vocari: Nemo Procerum sciebat, quae res tam secreta ageretur: nisi quod maximum esse credebant, quo filiam unam Rex communicaret. Varia itaque conjiciebant, expectabantque solliciti. Selenissa nihil minus quam quod aderat animo fingens, intrat Regis cubiculum, in quo ipsa solitudo, vultus quoque Meleandri, & vis genii mala plerumque instantia occulto horrore insinuantis, nec cogitantem turbavit. Statimque ad illam, insolita acie Argenis accensa, seu permittente patre, seu moram non ferente iracundia; Per ego te Radiobanem, Mater, oro; (nam quid tibi magis dulce aut verendum objiciam?) ut hic coram tuo meoque Rege dicas, quid commercii virgine indigni mihi cum Poliarcho extiterit. Nec vices tuas cura, quod haecenus quicquid est tacuisti: Ego salutem tuam pacta sum, modo jam libere indicium profitearis: Cohorruit anus; tenebrisque lucem miscen-
tibus, tamen, uti solertissima erat, animum subito revocavit: ut hic motus potius videretur innocentiae esse suspensiones abominantis, quam deprehensi sceleris
notæ.

NOTA. Et quem prius alloquar ? inquit; cum apud utrumque perfidiæ insimuler ? aut quæ hæc tam confusa accusatio est ? Nec Radirobanis mecum fœdera scio; Nec Poliarchi tecum, ô Domina. Quod autem sacrilegium, uti putes, ulla suspitione posse virtutem tuam pulsari ? Imo, refert Argenis, omitte hanc frontem. En Radirobanis ad Regem codicillos, quibus te arguit de Poliarcho in Theocrinem Pallademque mutato omnia effutiisse. Et ne nescias, nihil est horum quod non patri confessa sim. Sed & probris innocentiam meam aggressus est. Nescio an te authore. Ad hoc unum vocata es. Dic libere, ita te Dii ament; dic priusquam per tormenta verum quærat, an maculavi familiæ meæ decus ?

Non indelectatus Meleander hac ferocitate Argenidis, quæ utique in se dicturam non extimulasset nisi innocentia fissa: Nolo, ait, turbate hæc exigi. Sed nec feram, Selenissa, nisi majori fide quæ de Poliarcho nosti exponas, quam antea siliuisti. Victa anus conscientia labe, accidensque ad pedes Meleandri; Summa, inquit, eorum est quæ dicere possum, (Rex) nihil mea alumna sanctius & integrius esse, nihilque perfidiosius Rege Sardinia. Si pateris me ad cubiculum redire, facile te absolvam certissimis signis, & quibusdam maxime litteris, quarum fides efficiet,

ne amplius tuam mentem ejusmodi suspiciones sollicitent. Nec deinde miraberis cur ante te Radirobanes ista resciverit. Brevis est mora : Dum hic inutiliter jurgamur, redire jam potui. Tanta pollicitatione suspensus Rex, propere ergo imperat ire; nec se in eo negotio ludificari: omnia tamen sic agere, ne hæc lites ad ullum Procerum emanent. Neque prohibebat Argenis, verita ne morem injicere videretur, aliqua in se certius prolaturæ.

Sed anus ubi primum ex utriusque oculis evasit, in assuetæ celeritatis vestigiis ad conclave se recipit; Adductoque ostiolo; Nunc iterum mei juris sum, inquit; nunc in me decernere ipsa possum, nec ab aliis expectare quod merui. O infelicitissima mulier! Ergo tam diu vixi, ne innocens morerer? Quod autem mihi fatum mentem eripuit, ut non cogitarem proditionis mercedem nunquam esse securam? ut à moribus meis abirem? ut levissimo juveni fiderem, & per plurima vitia mihi suspecto? Hujus promissis, hujus donis, ego tot annis, tot rebus exercita, manus dedi, fidemque, & charissimæ alumnae benevolentiam? Sero hæc reputas, Selenissæ. Virtus fuisset animum à scelere cohibere; Nunc quia feliciter non peccasti, latronum est pœnitentia ista qua ejulas. Ergo me perdere Radirobanis invidiosissima delatione sustinuit: qui in me quo offenderetur.

deretar non habuit; nisi quod ut ceterarum rerum, ita nimiae benevolentiae fastidium est! Proh nefas! quem audebo conrueri? ad quem confugere! aut quis me denique feret de prodicione querentem, cujus exemplum feci? Nec propero me à lucis conspectu liberare? Nec saltem primis virtutibus dignum exitum quærens, medium scelus excuso? Quid expectem ulterius? Odit me Argenis; perfidiam excusare non possum; forsitan & Rex prætextu alio explebit animum, merito meo, & filiae quæstibus acrem. Necdum; ut intelligere potui, palam est quod maxime deliqui; Radirobanes meis consiliis ad raptum incitatus. Hoc ubi emanaverit, (quid jam enim existimem fore secretum?) quæ mora, quive Dii, ex dominorum meorum mentibus exturbent tantæ culpæ memoriam? Ut hos mitissimos faciam, at jubeant abire à conspectu. Recedam invisa omnibus, iratam Principem timens; nec sola, nec publice tuta. Vigilabo in atrox supplicium, ex meo scelere singulorum cogitationes de me æstimans. Adhuc peiori infamia digna es, Selenissa, nisi illam morte antevenis.

Rapit ad hæc verba tabellas, in quibus non satis constantibus litteris hæc exarat. Meleandro & Argenidi optimis Principibus. Si esset aliquid ultra mortem, id mihi in supplicium poposcissem. Nunc

accipite sanguinem, non adeo suo crimine maculatum, uti non possit Diis libari: Neque ex supplicii atrocitate quod in me constituo, facinus meum potius quam poenitentiam æstimate. Hanc illo majorem crederis vos ipsi quos læsi. Sive enim urgentibus fati, sive veneficio aliquo attonitam, temeravisse me fateor secretum hoc ingens, de fraude & virtute Poliarchi. In tuam autem famam (charissima alumna) si addidi quidquam, aut addere potui, opto ego Deos manes mihi tam sævos quam infida vobis fui. Credite morienti; & vitæ diutissime probatæ unam hanc noxiam, aut, si nimis est, huic ferro quod vos ulciscitur, date. Præligatam deinde epistolam uni servorum tradens, Vadē, inquit, & atriensi intimas Regis fores servanti meo nomine impera, ut hos statim oodicillos ferat ad Dominum: Iussit Rex, eos ad se properanter transmitterem.

Dimisso nuncio, jam furiosius morti intenta, simul properabat, & hærebatur, nunc insanos fremitus ausa, nunc mollioribus suspiriis laceßens constātiā suā. Excipiebat forte omnia verba quædam ancilla è proxima cella, cui ab eo cubiculo aditus erat. Hanc neque viderat Selenissa, & verecundia quod secretis dominæ intervenisset, non sinebat vel loqui vel abire. Nam neque credebat desperationis plenissimas voces furiosum exitum habi-

habituras; expectabatque donec domina
exeunte & ipsa se secreto proriperet. At
Selenissa haud dubia omnem destinatae
mortis laudem in praecipitatione esse, &
affore statim à Rege qui conantem tene-
rent, aperit cistulam in qua brevis gladius
jacebat, quem olim filio primum pueri-
tiam ingressio dederat pater; & ipsa deinde
servaverat, die filii nuptiali Iunoni Luci-
nae cum crepundiis sacrandum. Ita tulerat
fatum, uti paucos ante dies, detergen-
dae rubigini esset in acumen renovatus.
Nec aliud ferrum in muliebri cubiculo e-
rat pectori aperiendo commodius. Illum
vero uti sustulit, simul conjugis quem ami-
serat, filiique quem ignarum destituebat,
memor, tot res tamq; diversas uno men-
tis obtutu aspiciens, funebri capulo oscu-
lum dedit, illique loquuta aliquandiu op-
perientem mortem frustrata est: Donec
ancilla quae timere coeperat ne haec vera
tragœdia esset, extorquendo ferro erupit,
simulque exsonuere accurrentium ex Re-
gis praecæpto vestigia. Tunc anus prohi-
bentium fervore incitata & manibus ad-
huc liberis usa, mucronem tam alte visce-
ribus impressit, uti labantes subito vires
solverent dexteram, & pectore in humum
porrecto ipse capulus non multum emi-
neret ex vulnere. Exclamavit ancilla, &
amplexa morientem sævissimo ululatu
perterruit jam sponte confusos. Quippe

dejectis foribus intraverant Archembrosus, & Eurymedes, multique eos sequenti; urgente Meleandro, ubi primum ferales litteras accepit, ut properarent admiseram, cogerentque non perire. Eurymedes utcunque dimota ancilla amplexus jam rigentibus luminibus torvam: Quod hoc nefas, ô Matrona? Cur te tuosque perditum vadis? Nihil illa, nisi quod flexa cervice supremos oculos versans, sanguinem & animam efflavit.

Omnibus silentium ingens, fremitus rursus; & dimanante mox fama, atrocitas rei multos Procerum ad spectaculum coegit. Mox de obscura facinoris causâ variâ & interdum periculosa conjecturâ. Rex quidem eade audita vehementer exhorruit. At Argenidem nulla signa vel misericordiæ vel odii mutaverunt. Seu credidit de Selenisâ satis supplicii nondum habere, seu potius excandescens animus mirabatur magnitudine pœnitentiæ se placari, & in confinio utriusque affectus stupebat. Rursus tamen intuebatur quicquid sibi in morte Selenisâ nocuerat. Quid Sicilia? quid cum suis Radiobanes loqueretur? Illam anum tam insigni de se vindicta multo magis quam ipso proditionis crimine evulgasse hoc de Theocri-
ne secretum. Præterea quando eo loci res erat, Regem ab Selenisâ auditurum speraverat pactum cum Poliarcho conjugium:
quod

quod quidem arcanum nec ipsa sustinebat dicere patri, & strenue cogitabat defendere. Cæterum prohiberi multitudine Rex iussit. Sepultumque deinde cadaver est nulla pompa; & postquam cædis causa publice est comperta, nescio quis Poeta hoc illi epitaphium fecit.

*Busta vides, sævique, hospes, monu-
menta doloris;*

*Bis moritur, quæ se est iudice digna
mori.*

*Non effare tamen seu verba gravantur
manes,*

*Seu placida faciunt quæ leve pondus
humo.*

*Hic tumulto pacemque nefas stimulos-
que precari*

*Dic tantum; Vt merita es, sit, precor,
umbra tibi.*

*Nep̃e Selenissa est. Dubiũ, furiosa magisne
Laferit, an lasam sit magis ultra fidem.*

Meleander tot recentibus obrutus curis;
& quid Radirobane, quid præcone, quid
litteris faciendum, adhuc incertus, vocat
suorum præcipuos; His ostendit res suas
in anxio sitas esse. Quippe suam dignita-
tem à Radirobane incitari contumeliis;
qui præterea talenta trecenta in præstiti
auxilii stipendium non tam petat quam
imperet. Armis se exequi debere inju-
rias; nisi & suas vires domesticis furiis Sici-
lia exhausisset, & beneficiis Radirobanis

donari deberet saltem locus ad pœnitentiam. Furere enim sui immemorem, & hesternas suspiciones imprudenti ira firmare. Hæc cum fuisse exponeret, sedulo tamen cavebat indicare laceffitam ab hoste famam Argenidis. Non quod omnia nesciret emanatura : Sed & pudorem præsentis filii reverebatur ; & silentio suo omnes monebat, ne quis deinde tam invidiæ accusationis mentione illum vexaret. Ne tamen ignorarent super quanta re confunderentur, agebat Selenissam improba fidei ausam quædam arcana ad Regem pertinentia Radirobani credere ; quæ per se innoxia, ille flagitiosissima interpretatione corruerat. Allatis ab eo codicillis, se ultimis probris differri ; Selenissam, si ad Radirobanem spectes, fuisse innocentem ; quæ tamen sola morte quod peccaverat expiari posse crediderit. Omnes certatim censuere, uti pro publico Siciliæ hoste Radirobanem haberet. Quicquid auxilio juverat, non benevolentia aliqua factum, sed tanquam ad insidias confedissem prædonem in insula ; & voluisse Lycogenem tolli, uti quæcunque ille cogitaverat ipse officeret. De præcone perplexior quæstio fuit ; his cruci suffigendum decernentibus ; aliis per diversa supplicia truncum ad Radirobanem remittendum. Vicit tamen Cleobuli sententia, declinandam violati præconis invidiam, quem fortasse interficere magno emeret.

emeret hostis. Superbissimum Regem plus despectu quam ejusmodi ultione iri offensum. Quod postquam Rex probavit, Eurymedes vocatum ad se perconem (nam cum ad Meleandri conspectum reduci non placuit) ita ex præscripto affatus est: Si ab Rege sui compote venisses tam protervæ epistolæ lator, totum hunc diem homo non esses. Nunc ignoscimus amentix Radirobanis; cui Regis verbis dices, furioso responderi non posse. Ere quoque sua facturum, si Regibus scribere expectet, donec insanire desierit.

Postquam præco discessit, statim præsidium militum ingens Arsidae datum est, quod ad portum consideret. Timonides classiarios coegit in naves; uti, si Radirobanes ultra verba furere vellet, justa acie exciperetur. Nec in Regia tantum, sed passim in oppido, tanquam redintegrato bello, quies excussa est. Iamque Radirobanes timere inceperat, non modo ne invercundiam suarum litterarum præco capite luisset, sed ne in suam quoque classem armaretur Silicia; Intepuerat ira; occurrebantque belli incommoda, quæ nimius antea ardor suppresserat. Totius Siciliæ viribus impar sibi exercitus. Littus tenebatur præsidiis. Deerant in mari com meatus. Si tamen laceßebatur, erat indecora cunctatio, maxime cum prior provocavisset. Dum hæc agit, respicitq; ad littus.

videt schapham à portu recedere. Ea erat
 quæ præconem revchebat. Is adhuc ple-
 nus metu, quæ ab Eurymede acceperat re-
 fert; multum quoque exaggerata violen-
 tia loquentis, & tumultu regiæ, cujus cau-
 sam nesciebat. Cum enim occubisset Se-
 lenissâ, murmurque & strepitus ingens es-
 set, Cleobulus præconi custodes apposuit,
 ne qua rescire hunc casum & interrogare
 obvios possêt. Radirobanes tot rerum
 sollicitudine gravis, prius abire constituit
 quam decernere cogeretur aut fugere.
 Nam quid immaturis conatibus in se ve-
 rius quam in hostem sæviret? Jam plus ju-
 sto indultum præcipiti iracundiæ. Redu-
 cendum potius ad Calaris littus exerci-
 tum; (ea civitas jam tum Sardinia princeps
 erat) viribusque refectis, mox subita
 classis repetendam Siciliam. Sed neque
 confestim visum abscedere. Nam & mari-
 timas copias sciebat, quas in portu habe-
 bat Meleander, modicas esse; & tempore
 opus priusquam Lilybæo & Panormo ma-
 jor in eum classis possêt acciri. Reliquum
 ergo diem in statione perseverat. Sub
 vesperam, cum se benignius ventus inten-
 deret, anchoras tolli jubet, prorasque in
 Sardiniam suam verti. Ac ne timida vide-
 retur aut furtiva discessio, præcepit justos
 nautarum clamores geminari, sive eruen-
 dis gernerent anchoris, sive mutæ ex-
 hortationis officio cætera armamenta
 com-

componerent. Militum quoque voces, patriam appellantium adhuc absentem, aut pelagi Deos orantium, ferebantur ad littora. Meleander pugnam instare existimans, iussit accingi classarios suos, portumque & proxima littora propugnatoribus compleri. Nam provehi ad certamen suas naves extra portum vetuerat; ut illæ terrestribus copiis, quibus abundabat, tegerentur; & gemino exercitu Sardi perirent. Noctis tamen vicina perturbationem metumque adauxerat. Sed hostes propitiis ventis in altum ablati, primum audiri, & deinde videri desierunt. Nam & nebulae primam noctem densaverant. Ne tamen is discessus fingeretur, mox redituris in incautos remigibus; plerique non militum modo, sed procerum circa portum excubavere. In iis Nicopompus, cum nocte concubia rarior fremitus esset, silentio vigiliaque usus est, & juvantibus tenebris liberos animi motus ad carmen, ita Sardos tempestatibus devovit.

*Itetruces, cuncti rapiant cava lintea
venti,*

*Iterates. Sic aura fidem, sic equora præ-
stent,*

*Vt vestri meruere duces. Simul ibit Enyo,
Stridebitque omnis; facibusque in concita
missis*

*Nubila, tartareum deducet in equora
fulmen.*

*Iterates. Mediis ultor Deus asidet undis,
Vix aquas mitisque bonis. Sunt undique
venti,*

*Sunt cantes; rapidis fervent nostra aquora
monstris.*

*Inde repercussas terret latratibus undas.
Scylla minax; hinc torva riger, fremituque
Charybdis*

*Gaudet inexhaustas aptare in pabula fan-
ces.*

*O illuc vos turba uehat; vel dira reuulsam
Tempestas medio vobis ferat equore rupem!
Qualis erat dubiis nondum Latonia Delos
Fluctibus, aut quales nigri super ossia ponti
Cyaneas arcto nante timuere profundo.*

*O sceptris indigne tuis, & sisdere lauo
Edite, Sardois infelix rector habenis;
Cerne agendum quam parua tuam discrimi-
na vitam*

*Acupidi prohibent undis. Non arma fero-
cem,*

*Non vis ulla iuuat. Timidos fortesque se-
vera*

*Torquet hyems: Totus fatis, totusque Deo-
rum es.*

*Mox ubi disparibus pendebit puppis in un-
dis*

*Alternas subitura vices, & hiantia late
Equora terrifico pendent sua viscera
fundo.*

*Quam posces miserandus opem? qua Numi-
na primum*

*Mens insueta petet ; tunc vani prodiga
voti?*

*Non fallas Superos ; nec te timor ille piabit.
Obruet unda preces sonitu , vindexque per
auras*

*Ventus ager. Nota tangunt pia sydera vo-
ces.*

Nondum plane respirabat Meleander, veritus adhuc ne Radirobanes classem infestam alicubi incustoditis littoribus insinuaret. Sed exacto vix biduo, demissi speculatores retulerunt omnino peti Sardiniam. Tunc vero non tanquam exacto, sed dilato saltem periculo, ad consilia mentem applicuit, quibus tueri Siciliam, & hostem haud dubie rediturum posset ulcisci. Diu erat quod Eurymedes, utpote strenuæ fortitudinis vir, amansque militia, monuerat Regem, securi imperii non aliud certius esse pignus, quam paratum & semper in castris exercitum ; Et tunc quasi sui consilii utilitatem promovente fortuna, cum Meleander ipsi & Dunalbio medius spatia retur, ageretque de præsidiis per opportuna littora in Sardos dividendis, ita locutus est. Si fecisses quod initio motuum in Lycogenem censueram, nunc aut iste Radirobanes non te lacefferet, aut haberes quod illi confestim objiceres. Sin etiam nunc cessas, illo depulso alios fortuna inveniet, qui te nec suspensiones diu ponere nec arma patiantur. Collige, inquam,

excr-

exercitum quem hostes formident, qui sit
 pace belloque assiduus. Continebit hic
 terror cives in fide; amicitias & hospitia
 externorum tam vetera firmabit, quam
 nova inveniet. Civiles enim motus, aut
 ambitu & conjuratione paucorum Opti-
 matum inserpunt; aut, quod est rarius,
 uno consensu furentis vulgi constant. Ni-
 hil vero in utrumque hunc Respub. mor-
 bum salubrius aut efficacius est ejusmodi
 armis. Sunt enim nobilium factiones in
 initiis; ac veluti cunis, timidæ debilesque:
 ut, si in promptu & sub pellibus miles sit,
 opprimere dignitate possit malum, &
 mehercule ita impetu tanquam sitienti
 fulgure hi fontes exhauriri, qui, si pate-
 ris, mox nescient ripas. Sin verò popu-
 lari tumultu præcipitata insania (quod
 quia interdum ævo majorum contigit,
 prudentibus semper timendum est) innum-
 meras manus armabit in Regem; nihil in
 hoc incendium remedii, nisi firmas legio-
 nes, & assuetas disciplinæ, monstro illi
 objicias. Plebs enim impetu solo valens,
 quantumcunq; multiplicatis cohortibus
 impleat campos, par illis nunquam erit,
 qui sciunt furentes eludere, servare ordi-
 nes, obsequi duci, locum castris & pugnae
 eligere. Ita in omnem partem, tutandæ
 regioni, & vel antevertendis vel premien-
 dis furoribus, utilissimus miles est, qui non
 querendus, non formandus, sed hostem
 inter.

inter stipendia expectat. Illæ copiæ & quocunque perrexeris securum te præstabunt; &, si populi motu, vel defectione nobilium, ex munitis civitatibus arcibusve ulla à te secesserit, inde recentem & adhuc dubiam prodicionem confestim excutient.

Gentibus autem externis quanta adversus te reverentiæ causa hæc succinctæ ad nutum legiones? Suam pacem ex te pendere intelligent; non inultum lædi posse, non despici; Sedere te veluti fortunæ cæterorum Regum arbitrum, in quorum custodiam paria arma non fulgeant. Gentem nostram fama celebrari compertum est, tanquam indole sua pronam simul & utilem bello. Quanto magis, si ad naturam institutio accedet, scientque tui hostes, non tyronum apud te, sed veteranorum esse delectum? Neque hoc tantum ad famam est. Ipso successu experientur qui te laceissent, longe aliud esse conscriptum nuper militem in aciem statuere, aliud egregios viros, & qui annos non plus ex fastis quam stipendiis suis numerent.

Num denique ea fide, eo ardore, recens adacti ad sacramentum pugnabunt, quo illi qui inveterato affectu, non plus militum quam familiarium instar, tuentur Principem assuetum alimenta & veluti spiritum dare; & cui non hoc tantum illos bellum,

bellum, sed vitæ totius fortuna conjunxerit? Haud omiserim, uti corpora omnia, ita militiam ex suorum velut artuum vigore & officiis constare; & solo experimento deprehendi, num quis ad hanc disciplinam natus sit. Nonnullos valetudo, alios animus deficit; quæ vitia habitus corporis, & species frontis sic obteggit, ne præter experientiam quicquam sit quo argui possint. Igitur in perpetuæ militiæ tyrocinio, utque sic dicam, in pace castrensi, mature, nec periculoso tempore, se hæc labes aperiunt; statimque de corpore exercitus eluuntur, vel correctis disciplina vitiis, vel missione denique mulctatis. At in repentinis armis, cum implendæ cohortes sunt, cum inexpertis & obviis cingulum datus, sæpe nescias virum an statuam adornes: Vti novum exercitum id ab explorato differre existimem, quod navem quæ probatis trabibus est compacta, ab ea quam intempestive excisæ arbores & omnia, non pensatis vitiis, ligna componunt.

At sumtuum ratio est habenda; grave, tot Centuriones, tot milites ex alienis laboribus vivere. Scilicet egregia cura timeamus, ne non hostis, cum sæviet, plenas domos & opulentas inveniatur. Repetamus memoria vastitates, peculatus, exitia, quibus civiles discordiæ arserunt. Quot annorum stipendia, quæ aluissent obliturum
his

his malis exercitum, paucorum mensium furor consumsit? Adde, vim corporibus factam, subjectos testis ignes, & cætera quæ in ejusmodi turbis impune fiunt. Vili medius fidius has injurias populus redimit, si perennium legionum præsidio sevetur.

Dunalbius civilium rerum scientissimus erat, natura & institutione factus ad gerendam rempublicam. Is igitur ita differente Eurymede, sæpe frontem & oculos mutabat, nunc quodam assensu, nunc modestis repugnantis animi signis; gaudebatque Meleander sibi ex diversa sapientia licere quod utrinque optimum esset colligere. Cum vix ergo finisset Eurymedes, ita Dunalbius Rege admonente exorsus est: Nisi Eurymedes ex sua fide cæteros æstimaret, nunquam tantum tribuisset militibus, uti non modò in usu eorum, sed in ipsa castrorum velut umbra, principibus, patriæq; incolumitatem statueret. Ego quamquam infulis atque aris à militiæ muneribus exclusus; quia tamen hîc agitur, non quid nocere arma mortalibus, sed ecquod ipsi paci præsidium possint afferre, non verebor dare quid sentiam. Tibi vero non tam repugnabo, Eurymedes, quam de iis quæ ignoro vel dubito interrogabo prudentiam. Nunquam mihi placuerunt, qui in futuros morbos firmo corpori medicamenta infundunt;

solicitantque sopitas ægritudinis causas, nec tempore ullo pejus quam inter ejusmodi luctam succensas. Quot mala, quot funera vidimus hominum, per ejusmodi medicamina incitantium residues & veluti oblitos nocere humores? Atqui illis pene similes puto, qui placidis rebus quarunt in futuras tempestates formidolosa remedia, quæque ambiguo exitu possunt rectam Reipublicæ valetudinem tam perdere quam servare. In dubiis autem illis plerisque periculi remediis, maxime armatorum frequentiam pono. Nam si armis milites concrepabunt, si superbia, vel furor, obsequium excutiet; longe illis pacis consilia, longe mens ducum qui eos tumultibus arcendis coegerant.

Turmæ, cohortes, sub Centurionibus atque Tribunis, scis quam validum corpus efficiunt: Vix tamen aut possunt suas vires agnoscere, aut in superbiam quam illa contemplatio insinuat labi, dum hostis submovet ocium, habentque quos lacerant aut timeant. Ast ubi suis viribus pacem fecerunt, nemoque novo discrimine interpellat victoriæ memoriam; tunc, ceu Regi aut patriæ exproberent operam suam, secum expendunt quantum pugnando effecerint: Vnos se suis civibus salutares; In se translatum rerum arbitrium, patriæ quoque & Principis fata.

Hæ

Hæ non statim & uno agimine cogitationes obveniunt : Sed paulatim , tempore , contubernio , usu ; Quasi aliam à cæteris rempublicam faciant , in sese coguntur : ocio deinde lasciviunt , quod quantum fortitudini adimit , tantum addit proterviæ ; Mox si iustis præmiis non putant se excoli , si continuo obsequiis non placantur ; fervent animis , intumescunt , indignantur sua arma non timeri . Quid cum à suis ducibus , cum à factiosis sollicitantur ; cum cupidis mentibus ingeruntur majora stipendia , præda , tumultus , peccandi licentia ? Dii hostibus tam enorme exitium ! Nam non putem , quod dicebas , Eurymedes , ideo Regem iis esse charissimum , quia ab ejus ærario stipendia habent . Multo illis potiores Præfecti : tum quod ab illis ad militiam delecti sunt ; (tanquam ideo stipendium non Regis , sed eorum sit gratia :) tum quod illos de suo corpore duces , & militaris potentia vindices amant ; Sed maxime quia plerunque sub illis licentior militia quam sub Rege proponitur . Sed & omnibus copiis in media pace semper armatis , an præficies vicarium unum , an per partes jure æquali legatos miles accipiet ? Si plurimum minus hoc facies ; non sibi constabit disciplina ; contendent inter se æmuli duces , & per jurgia ducum infestus laborabit exercitus . Sin potestatem uni credes ;

quis ille cui tantum jus in te concedes? In ejus manu erit uti regnes, uti pereas. Ille vim imperii, ille nervos potestatis cum tenere se cernet, an par stimulis erit sollicitantibus integritatem suam, & quid possit superbe monentibus? Utinam saltem haec tuo Eurymedi similes semper sint, quibus Reges suas fortunas tradent! Quamquam nec illum velle existimem tantæ invidiæ potestatem subire. Scis quibus olim Regibus haud absimilis consuetudo sceptrum abstulerit; qui dum Præfatis palatii castra committunt, sensim omni in cives & milites jure exuti sunt. Iis qui prudenter condere regna aut stabilire student, hæc duo videntur præcipua; primum ne populus in Principem facile possit insurgere; deinde ne, si obsequii vincula emolietur, habeat duces idoneos, qui vagam & inconditam insaniam certiori auspicio & militiæ vinculis firment. Vtramque cautionem intervertimus hoc statæ perennisque militiæ consilio. Quantum enim distabunt à populo tot illæ cohortes, tot omnis fortunæ homines, quibus tela ultro concedimus? Quicumque in populum cadere possunt motus, valebunt in istos; sed eo proclivius quod irati nihil prius videbunt quam data fiduciam arma. Iam vero præsentio rem inquietis studiis ducem nulla fortuna obtulerit, quam hunc ipsum, cui jussæ imperium esse

esse in castris. Cui enim, tot ad defectionem urgentibus rebus, animus ad fidem supererit? Mens potentiae conscia, & regii fastigii dulcedinem delibans, adulantium vota, cinctum fortibus viris latus, multa obtegenda culpa occasio; &, si secus vota ceciderint, at excusabilis in multitudinis peccato audacia, nec ruina partium expectata, prope ex æquo conditionis cum Rege adhuc de victoria dubitante. Fac tamen Præfectum hunc summum, seu natura seu virtute abominari motus, fortemque in vitia, nunquam à sui statione recedere: Quid tot sub illo duces? Nullus ex iis tumidus, præceps, vanus? nemo fortitudinis fama, & audacia ingenio militibus charus? Mitte inanes spes. Nunquam illis cladibus deerit qui signum attollat.

Sed hæc scilicet quæ præfatio incommoda, demum timenda sunt, si in iisdem habitet castris omnis exercitus. Tu vero occurre tempèstati, spargesque in varias sedes vastum hoc corpus; uti nec sub uno aspectu positi seipsos mirentur, nec furoris contagione desæviant. Quo igitur divisos dimittes? Nempe in arces aut oppida distribuentur. Vide porro utrobique quam commode. Arces quidem uti justo præsidio obtineri consultum est; ita illæ multitudinem armatorum sæpe non capiunt; desinuntque præterea esse securæ,

postquam tot oculorum tantæque frequentiæ commercio sunt vulgatæ. Num enim tanquam in carcere tot illic milites conditos habebis? Num ad illos amici non ibunt? quid conjuges? quid necessitudines? quid lixæ, & calones? At in oppida potius tanquam ad perpetua hyberna copias tuas mittes. Nescis quippe quam male militibus cæteroque populo conveniat. Quod est exermibus civibus, & ad fra opera intentis; in bello ægerimum, id in pace continuo fastidio ingeres, ut alienos, ut armatos suæ domi aspiciant, ut militaribus motibus templa & fora firepant, ipsi denique lares placidos mores mutant? Querentur omnes de onere, mentes à te dissentient: & cum volent deficere, quantillum sibi ad incommoda putabunt accessurum jam molestissima ferentibus tributum atque præsidium? Sed nec ita revulso divisoque exercitu constabit utilitas quam monstrabat Eurymedes. Nam intra oppida nec servari poterit castrensis disciplina, nec tyrones eo in ocio probari, & ad Martem institui. Ipsi quoque veterani languore & desidia confecti in urbibus jacebunt, & præter militare officium mollientur in curis & consuetudine familiæ suæ; Assueti deinde extra laborem ferre stipendium, multo ægrius à sua quiete avellentur ad pericula, quam si recentes conscribas, & qui sciant

sciant de Regis ærario se nisi in opere & militia non victuros.

Cum his Dunalbii argumentis respondisset Eurymedes; & ille vicissim pro se pugnasset; Meleander sic commissos conciliavit, ea probando quæ uterque in adversa laudabat sententia: Immodicos exercitus noxios esse. Ultra præsidia tamen quæ in necessariis excubant arcibus, curandam esse classem; & viginti triremibus obtinendam Siciliæ oram; quarum aliquæ sint in mari, aliæ in præcipuis portibus expectent imperium. Ad hæc plures deligi Prætorianos oportere; partim ex egregia juventute, partim ex illis qui diu sub signis fuerunt. Hos posse ad octo millia conscribi. Dimidiatæ copię semper Regem comitentur, ut miles sex mensibus domi, reliquum annum degat in castris. Ita enim, nec disjunctis ad validam seditionem vires fore, nec longa & supervacua in penatibus mora. abituros à milite. Ipsi qui aderunt Regi, non confusis castris habitent. Milleni seorsim vel castra, vel oppidi regiones sortiantur, in quo Rex erit. Nam civibus illis qui commodis ab regia apud se familia & comitatu superfluent, ægre esse non debere si velut in contubernium Prætorianos excipient. Larga illis & nunquam dilata stipendia; rigidior quoque parendi lex. Proterviā, furta, lasciviā, graviter luant. Et ne in ocio deteriores

sint, militari labore incitentur; Nunc coram ducibus ad præmium, hasta aut jaculum mittendo: Nunc cum armis iter ingredi jussi; ne expeditionem in hoste: tanquam laboriosiora imperaturam formident. Nemo in illis Centurio, nemo Tribunus, nemo qui ordines ducat, nisi quem Rex ipse delegerit. Bis mille sint equites; Cæteris jacula, pila, sarissæ, dividantur ex militiæ usu. Hac manu & subitos motus opprimipossê dicebant; &, si majores copias res desideraret, tyrones erudiri. Neque Eurymedes se plura censuisse asseruit; aut pauciora Dunalbius; Nisi quod sub imminente à Sardinia bello, addi aliquid militum numero omnibus visum.

Meleander hac parte cûrarum in Eury-
medem translata, ad alia animum adjicit.
Supra omnia de Argenide sollicitus erat.
Hæc insons, & in qua, præter invidiosas
dotes, nihil nimium esset, tamen causam
tot fluctibus dederat. Vt uxorem illam
haberet, ausus Lycogenes omnem perfidi-
am, non statim, neque incruento bello pe-
rierat. Radiobanes successerat furoribus;
adhuc incerto exitu. Nec deinde defutu-
ros putabat, quos virgo eximia & dotale
sceptrum accenderet; nisi in unum colla-
ta foelicitas componeret cæterorum cu-
piditatem. Neque parum extincta Sele-
nissâ, & Theocrine tamdiu latens, occu-
pabant

pabant anxiam mentem. Tandem penitus sedit animo, filiam in matrimonium collocare. Pacandis tot motibus id restare remedium. Iamque non generum modo, sed & nepotes cogitans, ipsa oblectatione incitabatur ad dulcissimum votum. Sed quem illi fortunæ deligeret? Nemo in vicinis gentibus regii gradus erat, cujus ætas nuptiis conveniret. An autem opus est, inquit, invenire ad hæc fœdera solum & purpuram; Tanquam regna, non homines, copulentur hymenæis, aut filia mea sceptrum aliud quæram, non virum? Imo nostri majores sapientissime lege caverunt, ne qui quæve Siciliæ imperabit, sibi nuptiis regnum adjungat, quod Siculo sceptro sit fortius atque splendidius; ne relicta à Regibus patria in illius potentioris provinciam mutetur. Satis est sibi Sicilia, uti Principes suos alant; & filia mea consulero, si illam in ejusmodi matrimonium dem, in quo ei conjux suus felicitatem debeat. Thracum est uxores emere. Nobilitas, indoles, virtus, sponso insint; satis opum in mea Argenide erit.

Hæc pronius sibi persuadebat, diu jam in hoc consilium imminente affectu, uti charissimum Archombrotum eo matrimonio sibi heredem aspiceret. Nec credebatur obstituram Argenidem: sed si tamen fastidiret, patrio jure ad obsequium redigeretur. Reliquum erat de illius stirpe re-

scire; Nam utcumque insigni virtutibus,
 tamen novo homini filiam non erat da-
 turus. Satis omnibus agitat, conclave
 Argenidis petit; mediusque inter patrem
 & Regem, quo facilius quæ volebat impe-
 traret; Scio, gnata non minus de nostro
 um consiliorum mora Siciliam, quam
 nos de illius moribus queri. Aviditas enim
 regnandi, & tuarum nuptiarum spes, Ly-
 cogenem & Radiobanem ad has quas se-
 simus furias adegit, quæ omnia præverte-
 re potuimus tibi mature virum legendo.
 Quid cessamus tot malorum fontem ob-
 struere? Mihi quidem decretum est, tibi sa-
 lutem, & meæ senectuti columen parare.
 Nec dubito quod jure meo possum, quin
 & tua voluntate facturus sum. Nonne pa-
 renti tuo permittis tibi sponsum eligere,
 Argenis? Privato & publico jure mihi hoc
 licet: nec repugnare, modestiæ tuæ esset.
 Cum anxia virgo se deliberaturâ referret;
 Deliberabis autem, inquit, Rex, an factura
 sis officium tuum? Satis morarū fuit. Iterū
 quæro, gnata, an in potestate futura sis. Ita
 pro imperio loquentem Argenis reverita,
 se vero futuram ficto ore professā est. Lau-
 davit pietatem Meleander, & osculo dato,
 Scis, ait, te mihi charissimam. Vitam co-
 lere amplius non amo, quam ut consulam
 tibi. Bene facis, quæ & patri credis & seni.
 Postero die, ut forte in horto spatiaba-
 tur, se vocat Archombrotum; &, O juve-
 nis ait,

nis ait, si te hostis, aut ignotus, rogarem
quo sanguine ortus sis; curiosam quæstio-
nem habere posses suspectam. Sed amicus
cum tulerim diu tuum genus ignorare, &
scire nunc expetam; quidni me putes id non
mea magis causa quam tua præstare? Ma-
gna sunt, & opinor, non tibi injucunda,
de quibus tecum agerem; nisi exquirenda
hæc prius natalium ratio esset. Tibi exter-
no quantam fidem habuerim intelligis.
Secreta imperii penes te fuerunt. Nec ætas;
nec peregrinitas obstitit, quin omnia tibi
concrederem. Et hæc quidem merito tuo.
Nam ut cætera omittam; meum caput a-
quis ereptum, quas pro me propemodum
subiisti, & occisum Lycogenem non pos-
sum oblivisci. Post mutua beneficia, quid
gravaris me ad tui generis notitiam ad-
mittere? quod etiam, ita me amet Diespi-
ter, tui honoris & utilitatis causa nunc
quæro. Perculere juvenis mentem hæc pre-
ces Meleandri: Quæ causa, ut enixe postu-
laret id scire, quod tamdiu celari haud
ægre habuerat; aut quod beneficii genus
quod sibi ignoto conferri minus posset.
Argenidis nuptiæ, quia ea cogitatione
plenus erat, statim mentis oculis oberra-
verunt, egregiæ fœlicitatis imagine. Rur-
sus illam spem, tanquam vanam & im-
probam, conatus excutere, verbisque plus-
quam animo compositus; Hactenus, in-
quit, geminasti beneficia tua, Rex, passus
ab eo

ab eo te coli cujus genus nescires; Nec jam scio quid conferat tuis rebus me impium fieri, id est, à parentis imperio recedere, quo mihi super stirpe silentium indictum est. Ne me tamen pervicacis animi accuses, qua fas erit, cuncta, suppressis regionis parentumque nominibus, evolvam. Regium mihi genus est, resque pacatæ. Neque vi aut ingratis isthuc veni, sed ex parentis jussu, tuos in mores tuasque virtutes jubentis inspicere.

Ita loquentem Rex novo gaudio commotus amplectitur: Et quid tibi hætenus, inquit, visa Sicilia? quid regia mea? aut, ut animum, qualis tuus est, verius tangam; quid tibi senectus mea placuit, aut filiarum mores? Cum ille, jam propiori spe, hæc omnia se diceret adorare; Atqui (inquit Rex) non leviori pretio te mihi emtum volo. Omitto occisum Lycogenem, meque servatum. Adhuc aliquid validius fuit quo animum meum caperes; Facti mores ad virtutem, consuetudo lenissima, & potissimum quod me amasti. Non patiar à te umquam sejungi. Si, uti memoras, & auguror, Regum sanguis es, tibi Argenidem tanto multorum ambitu quæsitam ultro despondeo. Quantumcunque magnis parentibus natus sis, non pudenda nurus erit. Superest, uti tuas mihi fortunas familiarius jam prodas, spondeasque te nunquam meos canos destitutum. Tremebat ni-

bat nimio ietus gaudio Archombrotus, & quæ toto sanguine quæsiisset sponte oblata suspiciens, incertum an Deos an Regem veneraretur, ad Meleandri pedes se abiecit, tenuitque reluctantis vestigium. Cumque gratiis finem non faceret, hilarior Meleander, & illius quoque lætitiā gaudens, in subiecti collum incubuit. Mirum omnibus erat qui in conspectu stabant, quæ hæc mutua esset gratulantium charitas. Archombroto autem præcepit Rex, ne eo die rem vulgaret; rediensque ad comites, & solito diffusior, vario colloquio tempus modicum absumsit. Inde regressus in regiam, Archombroto jam sibi propius hærenti; Quamdiu, inquit, te fines ignorari, & gaudia differes nostra? De hac ipsa re, subjicit ille, te, Domine, cogitabam compellare. Duorum mensium spatium peto, intra quos fœlicitatis meæ nuncius parenti esse possim, illincque digno cultu, & professio genere, huc reverti. Meleandrum nomen ipsum discessus offenderat; &, Non patiar, inquit, te à nobis avelli, Archombrote; nisi forte fœdera nostra despicias, aut viles sumus tibi, quia priores amavimus. Si conditiones placent, scribe in patriam. Nam te ipsum non nunc mari fatisque crediderim. Archombrotus tanta benevolentia senis admonitus quid facere deberet, & quantum amare, regiam manum osculo stringens, quicquid ille juberet,

beret nihil se à præscripto recessurum asseruit,

Nondum Rex Argenidem monuerat quem illi conjugem destinaret. Cum ergo discessisset Archombrotus, eam ad se accivit, repetitisque quæ de necessitate matrimonii prius edixerat, addidit, se generum elegisse, quo non posset præstantior optari; Regio ortu, paribusque virtutibus, denique eum esse Archombrotum, cui in omen tantorum fœderum, servati Regis laudem, curru in fluctibus errante, & de Lycogenis capite victoriam, fata tribuerant. Hæc non sine supercilio Meleander; propiusq; vim, & imperium, quam consilium oratio erat. Comparaverat se ad simulationem Argenis, & quamquam indignata, se ignoto, se ingratiis promitti, tamen veluti consilio patris accederet; Nihil, inquit, verendum hîc magis, quam ne subita nuptiæ, neminique tuorum prævisa aut credita, in maledicentiâ pateant, dicaturq; Radirobanes per injuriam depulsus quo faveres Archombroto. Têpore aliquo est opus, quo tanta novitas mitigetur, priusq; Archombrotus audiatur procius esse, quàm sponsus. Non temnenda Meleandro videbatur hæc ratio; Veritus tamen ne turbando nuptiarû consilio istas moras virgo injiceret, ita in experimentû loquutus est. Neque nihil spatii concedendum est famæ, neq; fortunæ nimis. Ex cui animi

animi sententia, Argenis, quid temporis
arbitraris convenire? Recusabat illa loqui,
non hoc suum sed Regis arbitrium esse
causata; Cumque pater sæpius instaret,
tandem ægrius, & quasi spatium suæ vitæ
definiens; Vt rem video esse, ait, duo forsi-
tan menses suffecerint. Tum Rex pene nõ
dubius quin filia omne id tempus sibi po-
tius quam famæ postularet, tamen ne per
omnia esset durus: Atqui promittis, in-
quit, sublapso hoc tempore nihil te nupti-
arum omni repugnaturam? Facio, refert
illa: Neque, si Dii adjuvant, te quicquam
in verbis aut mea vita offenderit. Et id
prolixius pollicebatur, quia interim adfu-
turum Poliarchum sperabat, qui utrius-
que vitam assereret: Quod si ille non ve-
niret, finito vivendi consilio respiciebat ad
mortis libertatem. At lætiora Rex cogi-
tans, illius verba acceperat, veluti sub pa-
terno imperio domantis affectus, qui an-
tea solutam mentem incesserant. Blande
itaque compellatam, tanquam victor &
securus dimisit.

Sed illa tot malis incitata, nunquam se
infœliciores cogitabat quam in publica
fœlicitate. Nam Lycogene victo Radiro-
banem nuptias suas, id est, mortem opta-
visse: Vix decessisse eam curam, & respi-
rante Sicilia sibi jam præsentiores instare
ab Archombroto metus, qui adeo fœlici
ad nocendũ successu proventus sit, ut vel
Radi-

Radirobanis desiderium faciat. Ergo, inquit, semper meam, aut patriæ vicem dolebo? Ergo non molliori conditione cum Siciliæ miseris transigunt fata; quam ut omnium cladem meo capite redimam? Hæc pompa, hi cultus, hæc frontis decora mactationes erunt, quibus patriæ diris voveor? An Macaria Herculis, an Agamemnonis Iphigenia ero; & tranquillitas innocenti sanguine emenda est? Sed non diu me fortuna ludibrio habebit. Decumanus hic fluctus, aut tempestatem consummabit, aut victam navem deducet. Testes Dii quam libenter nunc mortem usurpem; nisi & te vererer, Poliarche, & Selenissa sup exitu docuisset, id etiam in scelera esse remedium. Pensare deinde sollicite cœpit, an opperiretur adventum Poliarchi, an eum litteris maturaret. Plus uno mense erat, ex quo ille abierat, in tertii mensis finem reditu destinato; & cogitabat esse amantis (qualem Poliarchum sciebat) prævertere potius diem, quam totum expectare. Constituit tamen scribere, & recenti impetu verba se ultro ingrentia ita explicuit. Quamquam absum, Poliarche, forte plus tamen ipso te scio quid valeas. Nam uti sis illic incolumis, certe perire hic incipis fato meo: quod mihi de vita quantillum reliquerit, ex litteris istis intelliges. Radirobanes, præter regium decus, & fas hospitii, turpissimum faci-

facinus ausus, quia ei placari non poteram, mei rapiendi consilium iniit. Nescio quæ spectacula commentus quæ ad litus præberentur, me illuc cum parente pertraxerat. Tantum non avehebamur, cum patefacto flagitio nos in oppidum refugimus, ille in suam classem secessit. Versus inde ad furias, ausus est meam famam scriptis ad patrem literis violare; quasi te liberius quam decet amaverim. Quippe nostram familiaritatem Selenissa prodiderat; & hinc impio juveni fuit ad contumelias argumentum. Sed pater pro me ac vero stetit. Et Selenissa quidem sponte ferro expiavit perfidiam. Ille autem malo omine, si Dii quidem boni sunt, in Sardiniam abiit. Eo discessu fœlix eram, cum me pater, (Timeo loqui, ne eum odissè incipias: Fata sunt quæ nos urgent; his potius indignare, Poliarche!) Pater, inquam, me jubet amare Archombrotum. Regibus ortum dixit; mores, indolem, speciem, placere, sibi hunc denique generum fore. Ego intempestiva pertinacia timui accendere obstinatum. Satis fuit, prætextu alio spatium impetrare quo tu venire possis, vel si cessas, arbitrio meo liceat mori. Duo menses probandis nuptiis dati sunt. Intra illos armatus si advenis, accedam ad partes, sin inermis, omne fortunæ tentabimus. Quod si me destituis, tunc cum nuptiæ ornabuntur, omnes cultus

mihi patiar adhiberi, & ubi dexteram pater poscet quam tradat Archombroto, dicam Diis manibus sacram esse; simulque brevi sica, quæ sub veste abdita erit, miserum pectus solvam. Hæc si ita contingent, audi jam nunc Poliarche ultima vota, cogitat tibi hæc dici ab Argenide in sua sanguine volutata. Parenti meo ignosce. Satis supplicii fuerit, quod illicito meæ mortis spectaculo vultus illius funestos efficiam. De Archombroto quod placebit constituas. At Radirobanē inultum vivere si sines, redibo ab inferis te admonitura officii. Exige à perfido turpissimi flagitii ultionem, luat pœnas prædator, quoad potuit, famæ meæ, & ex iracundia una intelligat quantum deliquerit. Hanc vindictam, hunc laborem anxie mando; huic te testamento meo damno. Ultione perfundus, jube in patrio tuo sepulchro incidi meum nomen, & casus utriusque referri marmoribus, in quibus nostram fidem posteri probent, damnentque fortunam. Hujus autem insulæ conspectum, mi Poliarche, defugas, nisi meos cineres amabis, & sponsæ tuæ urnam admoveere pectori voles, aut etiam (quod Dii faxint) cum Manibus majorum tuorum recondere. Ista mala, si potes, anteverte reditu tuo; nam discriminē cunctationem non recipit. Si non potes, cura mandatum morientis, & ut me ames, vive.

Obfignatis literis, diu fecum expendit
cujus fidei legationem hanc crederet. Ne-
minem habebat cujus confilio uteretur,
quippe Timocleani biduo ante in locum
Seleniffæ fuffectam, in tantæ rei fecretum
admitti non maturum videbatur. Arfida
autem unum toties adhiberi his furtis
non probabat, ne ille tot periculis laffa-
tus, Meleandrum timere inciperet: Illius
præterea difceffus ab infula ignorari non
poterat. Nemo tamen commodior fup-
petebat, maxime quia omnium fœderum
erat confcius, quibus fibi Poliarchum ipfa
devinxerat. Ergo ad fe vocatum ita allo-
quitur. Si timerem ne me quoque defere-
res, Arfida, ingererem tuæ menti Seleniffæ
memoriam, quâ proditiōis ftimulos ipfa
morte graviores duxiffè ideo arbitror,
quia eam in remedium popofcit. Scias e-
nim, (quod utcunque ego & pater ceta-
mus) illam anum, mea cum Poliarcho fe-
creta ad Radirobanem detuliffè, moxque
conscientiæ terrore affictam, fuo judicio
manuque periiffè, ut vidiffis. Sed tibi fidiffi-
mo viro, fi vivemus, plus à nobis præmii
erit, quam huic à proditiōe supplicii.
Speftat ad finem negotium. Expecta ma-
jora à nobis quam quæ tua modestia pos-
fit concipere. Cæterû litteras habeo fuma-
ma fide & diligentia tradendas Poliarcho.
Tu fidum hominem delige cui illas com-
mittamus. Sed da, fi potes, ejusmodi, cujus

tibi in arduis fides perspecta sit. Haud cunctatus est Arsidas; & , fideliozem, inquit, me ipso, Domina, neminem novi. Quid tam cito das mihi missionem, nondum justam, ac nec puto ignominiosam, pro merito? Exequar quicquid mandaveris; Neque Poliarchus, quacunq; Orbis parte nunc degat, diligentiam meam faller.

Bene læta hac pollicitatione Argenis, rogabat ecquid fecturus esset causæ navigandi ab insula. Pars est Italiæ, subicit Arsidas, quam Latium appellant. In eo litore Antium prominet, oppidum templo Fortunæ celebre, quod illic multæ religionis est. Fingam votum ad Deam; Carebit suspitione hæc pietas. Vbi autem Sicilia excessero; quam multa longioris viæ commenta sunt? negocia, curiosus animus, alia denique vota. Iube tantum; &, si potes, quo iter instituendum sit mone. Si tibi certum est (inquit Argenis) hanc habere gratiam; moneo, mi Arsida, uti pro reliqua tua sedulitate quantum potest appropere. Poliarchum habebis vel in patria sua, vel huc ad nos venientem. Plus hodie audies ex me quam tot annis Seleusia. In Gallia amnis est, quem Ararim dicunt; Is alteri, cui Rhodanus nomen, committitur. Vtriusque fluminis tractum qua à fontibus ad mare pertingunt, paternum Poliarchi imperium est; Hoc parentes jam habent, hoc ipse deinde unicus gnatus

gnatus expectat. Vide quanto homini benefacias. Si igitur, uti conjicio, in patria est, ne metue errorem. Muti quoque te muri ducent ad Principem. Tu modo, quod his litteris facio, hortare, uti quamprimum promissio se exolvat; redeatque non privata modo virtute, sed viribus regni tutus. Antianam vero Fortunam (nam per hoc lictus via est) meo nomine saluta; & de tuo itinere, meaque expectatione, consule Deam. Cæterum gemmam hanc accipias, quam quoties in tuo digito videbis, meam & Gallici Principis salutem ex celeritate tua pendere memineris. Sub hæc verba ingentis precii annulum tradit, simulque ad Poliarchum codicillos. Ille audita Poliarchi dignitate hilarior, mirari tamen cœpit, quod per tot ambages, tanquam impares nuptiæ procurarentur, donec admonente Argenide, lex Siciliæ in memoriam rediit, quæ vetabat potentiori sceptro Siculos Reges nuptiis conjungi. Sat vero constabat, Meleandrum non modo ad patriarum legum reverentiam obstinatum, sed solitum hanc ipsam sanctionem inter cæteras mire attollere. Tunc vero & virginis sapientiam Arsidas probavit, quæ hætenus nec Patri, nec Siculis aperuisset interdicta consilia, & necessarium à Gallia exercitum esse cognovit, qui velut in Archombrotum comparatus, hanc legem antiquaret.

Igitur & suapte virtute, & Selenissæ defec-
 tione, ad fidem incitatus, postera die
 iter, quod Dii bene verterent, exorsus est.
 Placidi venti tutum in Italiam pelagus
 præstiterunt. Illic mutata navi, ne Siculis
 notisq; remigibus in secreto uteretur ne-
 gocio, magnæ Græciæ littora celeriter ob-
 ivit: Oscisque superatis Antium venit.
 Vetustissimæ religionis templum in litto-
 re erat, quod Fortunæ Majores sacra verant.
 Id ubi monstrantibus accolis Arsidas cõ-
 spexit, tacitis plenus votis jam tum numẽ
 salutavit, procubuitq; in arenam. Proce-
 denti deinde ad limina ædis præsto Sacer-
 dos fuit in candida veste, cui limbus erat
 ex purpura. Multam caniciem sparserat
 humeris, redimito laurea vertice, manuq;
 baculum coronatum tenebat. Ille Arsidas,
 adhuc ut de via præcinctum, ubi vidit in-
 tra fanum pergentem, ita comiter affatus
 est. Sive exoraturus aliquid venis, hospes,
 sive ab iis quæ timebas jam te nostra Dea
 explicuit, afferisque animum nova benefi-
 cia promeriturum, sub humanissimi nu-
 minis vultus; illosque vellicito sanguine,
 vel si mavis thure propitia. Tum Arsidas:
 Quia iste cultus, Pater, te Antistitem ostẽ-
 dit, priusquam Deam ut mihi favens sit
 veneror, ne quid in religione peccem, mo-
 ne, quo ritu me ablui, & quã hostiam dare
 sacra hæc velint, an præterea in peregrino
 hoc habitu Fortuna supplices agnoscat.

Nam

Nam & Dæx facere volo; & longam cunctationem navigatio opportuna non patitur. Sacerdos illico fontem monstravit qui in vestibulo manabat. Eo ter oculos manusq; abluere, togam se & coronam illi interea prompturum. Victimæ in Dæx atrio puras esse, quæ emptores expectarent, seu quis majoribus facere seu minoribus vellet. Vade, inquit Arsidas, ô Pater, & ipse ex hostiis delige quas scis Fortunæ gratissimas; Simul dexteram porrigentis nummis aureis implevit. Dumque ille utilem sibi pietatem officiosissime exequitur, Arsidas haustis de fonte aquis, cum omnibus suis ablatus est. Valvas deinde templi, & viliora donaria quæ passim pendebant, breviter contemplatus, hæsit in pristino marmore, quod non longe à limine hos versus subeuntibus templum monstrabat.

*Este procul fontes, sacroq; absistite templo,
Quæ fixum stat corde nefas, aut vulnere
diro*

Livor edax varios ducit per viscera morsus.

*Aut quibus exhausti non exsaturabile
pectus*

*Crudescit vulgi spoliis, quæ lōga senectus
Vis patrum, thalamiue quies pulsata
pudici.*

*Non juvat, heu caci, non limina verrere
vultu,*

Non votiva tholo, non aris ponere vittas;

*Niprimum eluitur mens fletibus. Ite
 profana,
 Ite preces, & dona suos qua polluit au-
 thor.
 Non fribus pecudum, vel parvi sanguinis
 haustu
 Num eger. Solo finxit Deus omnia nutu,
 Aptaq; caruleis sinuavit corpora venis,
 Qua mistas pascant animas. Hac extin-
 lit alis
 Hac finxit graviore solo, qua rura, do-
 mosque,
 Et vastas colerent sylvas: Aurisque ca-
 rentem
 Ipse etiã vitam sub cæcis condidit undis.
 Quin & Idumæo sudant qua balsama
 cæla,
 Cinnamaque, & sylvis spirantia thura
 Sabais,
 Idem author rerum, variis adolescere
 succis
 Insit, & æthereos ramis infudit odores.
 Quid tua, cœn largus Superis, nunc mu-
 nera jactes,
 Sive boves aris, calamos seu sternis Eois:
 Aut plena fers ara manu? Sua thura
 suasque
 Ah vana opes, tanti ne vendere summo
 Quare Iovi, & parvo culpas obtendere
 fumo.
 Iamque cum victimis Sacerdos proces-
 serat, & Arctidas corona redimitus, in can-
 dida*

dida veste ante Deæ signum procumbens
 ferebat sua vota, quæque præterea Arge-
 nis mandaverat. Lactens vitula; agnique
 gemelli, in victimas Sacerdoti placuerant;
 Hæc non operosa securi procubuit, illos,
 ne capita convivio perirent, leviori fato
 culter confecit. Extæ optima esse exclamavit
 Sacerdos, datisque mox sortibus,
 Fortunam quæcunque Arsidas postula-
 visset cuncta annuere. Sibi deinde quæ
 Numini immolaverant coxerunt, secun-
 disque sub mensis, dum cæteri acrius bibe-
 rent, cœpit Arsidas cum Sacerdote dispu-
 tare de fatis, & sortibus, Fortunæque in
 Orbem imperio, quia esse Philosophum
 de vario sermone cognoverat. Et ille ubi
 Arsidam sapere vidit, dignumque altiori
 religionum commercio, ita dicere orsus
 est. Quid sit quod Fortunæ nomine colimus,
 (hospes) adeo vulgus ignorat, uti
 mysterii sanctitatē propemodum contra-
 ria interpretatione corruperit. Fortunam
 appellant quicquid incertum est; Volunt
 autē esse incertum quicquid habet even-
 tus humanis mentibus incognitos. Ideo
 lævam Deam, ideo cæcam fingunt, & plus
 vitii numini quod colunt imputant, quā
 ferrent in homine, uti nec certum sit, sæ-
 pius ista Dea ab insanis probra ferat an sa-
 cra. Si quid peccant, si quid expectatio-
 nem fefellit, continuo Fortuna vapulat.
 Exprobrant quod malos evexerit, quod

difficilis bonis cavere videatur ne probè
quid judicet. Nec miseri vident, ejusmodi
Fortunam non divinum aliquid esse, sed
superstitiosi animi ludibrium; qui sua ipse
commenta per superfluas curas timet aut
placat. Nam illud quod sibi fingunt nu-
men, omnia quæ mortalibus accidunt, &
fortuita appellamus, regere, & ex orantiũ
votis disponere, aut potest aut nõ potest.
Si nõ potest; quid igitur facit? aut quo hæc
inutilis Dea cui in suo regno nullum im-
periũ? An præsidere humanis casibus illã
dicas, quæ non eos præcipitare possit, non
tenere, aut mutare? Nisi forte non satis
fluere possent rerum hæc vices, & veluti
naturæ temeritas, absque ociosa hac Dea,
cui præter nomen atque invidiam nihil
relinquunt. Cur denique aras illi statui-
mus? sortesque in hoc templo consuli-
mus, prius nobis multo victimarum sum-
tur devinctas? infœlix superstitio est, si
ille consumitur unde nihil metuas aut ex-
pectes. Sin putas ab ea ordinari casus hu-
manos, qui alioquin errarent, & ex sup-
plicum pietate distribui; jam Fortuna cer-
te non est; modo hoc nomine cum vulgo
intelligas numen, quod res humanas non
consilio sed imprudentia sinat evolvi. Vti
te paucis absolvam: Venisti Fortunam
exoraturus, illi fecisti, denique litavisti.
An res tuas existimas commodius esse ca-
suras, quam si Deam neglexisses? Si existi-
mas,

mas, ergo Fortuna temeraria non est, quæ novit quibus indulgeri oporteat, nec inconsulte, sed ex merito sævit aut favet: Id est, non est illa Fortuna quam populus facit. Sin inutilia credis hæc sacra, cur supervacuo labore nihil profuturam pietatem his templis impendimus? At (inquies) non venimus eam sortem mutaturi quæ nostris rebus decreta est: Sed tantum quæ sit ea fors accepturi oraculo. Si sic censes; certe fateris, jam Fortunam ergo scire quid te Dii mulctaturi sint, quid etiam adjuturi. Cui consequitur, nihil in Orbe temere, Diisque improvisam aut neglectum contingere: Quod nec convenit cum populari illa fortuna.

Vides ut Fortunam sustuli, hospes; non illam quidem quam colo, sed quam imperiti constituunt, & quæ cum summa illa mente convenire non potest, quæ omnia suo arbitrio constituit, quæ naturam condidit, quæ rebus causas dedit, easque perpetuo abditissima ratione propagat. Neque enim si ignorant in tempestate media nautæ, quis finis fluctibus, quis exitus vento; ideo Iovi certum non est, solvi ratem an servari statuerit. Ac nec dicas, frustra nos igitur supplicare Cœlitibus, & si jam olim Numini certa sunt omnia quæ nobis eveniant, vnam fore id quod futurum est deprecâti orationē. Absit hæc in Deos cōtumelia, quos irritò aut ingrato labore
nemo

nemo sibi conciliat. Quippe Iupiter cum Orbi initium, & Naturæ leges daret, cum seriem rerum, causasque, & eventus inter se connecteret, haud nescivit quid esses aliquando tua in eum pietate meriturus. Non sunt illi novæ hæc preces, quas hodie fundis, sed jam tum cognitæ, cum de Orbe, de humano genere, de te ipso statueret. Tua igitur pietate, tuisque virtutibus, mittere decrcta; quæ tunc in te scripsisset, absque his votis foret quorum in animo tuo religionem prævidit; Eadem ratione, nec secura credat impietas nihil se sævitæ extorquere è Diis iratis. Nam hæc tela quæ facinorosis imminet, non parasset ultor Deus; nisi, quod nunc scelus patrat, jam tum futura turpitudine coegisset ad has iras illius æquitatem.

Ea vis autem & scientia Iovis, quæ ventura omnia, & quicquid ignoramus, in conspectu liquida habet, est hoc quod Fortunæ nomine philosophi colimus; quia res illæ videntur nostræ cæcitati fortuitæ; licet Deo in numerato sint, sua nostraque voluntate præcognita. Ut igitur sapientiam Iovis Palladem dicimus; uti serenus aut pluvius varia nomina habet; Ita rerum illarum administrationem, quæ nobis arcana sunt, & suspensos animos tenent, Fortunam appellamus. Huic templum, huic signū statuimus, uti nos futura edoceat, molliatque rerum eventus, &

in sa-

in salutem nostram vota admittat, quæ si rite à nobis funduntur, jam olim valere, nosque juverunt, cum natura rerum omnium causarumq; semina atque legem acciperet. Hanc te (hospes) Fortunam venerari, huic gratias habere æquissimum; Maximo, inquam, Iovi, qui consiliorum exitus tibi hætenus incertos, extorum & sortium signis, promisit pulcherrimos. Nam si qua mihi fides est, litasti egregie. Vade securus; Vade Fortuna nostra, id est, Deorum summo, fretus.

Prolixam philosophiam bis nauta intetpellaverat, Arsidam monens intempestive cessare remigia. Is itaque Sacerdoti & operæ & sapientiæ gratias agens, adhuc nummos prodegit, quibus victima alia emeretur, crastino sacrificio se suosque Fortunæ commendatura: & deducente ad littus Antistite, intravit triremē. Commodis igitur ventis Latium superat; mox Etruscum stringit mare, cœnosis & insalubribus vadis ad littora effusum. Ligures inde erant, quorum sinus succabatur; cum haud pauca navigia, adhuc tanquam nubeculæ aut extantia procul saxa in conspectum venerunt. Postquā proprius accessere, monuit gubernator militare speciem sibi videri; nisi forte peiratica erat illam oram populatura. Nihil tutius quā ad terram, quamvis ignotam, navigare. Sed prærupti in littore montes obstabant; ad quos

ad quos inter brevia non posset ratis accedere, neque si accessisses, viam qua enitereris, per prærupta offenderes. Dum ergo dubitant nautæ, hærentque in utriusque contemplatione periculi, jam eos emissæ triremes incluserant. Non deerat Arsidæ animus seipsum vindicandi: Sed navigantium legem huic subinde timidi nautæ monstrabant: imminere in defensione exitium. At demissis antemnis si derent navem, mitioris exitus spem offerri. Quippe si à legitimi exercitus inilitibus capiebantur, parum damni deditos manere; sin prædoncs illi erant, spoliis certe & facilitate esse placandos. Hæc Nautæ remigesq; Arsidæ memorabant, qui cum tardius deditionem annueret, ipsi suo auspicio antemnas deducunt, sublati quoq; remis operientes venientium arbitrium. Vbi autem adversæ triremes obnoxiam ratem sibi harpagine junxerunt, placide cœperunt explorare, qui homines aut unde navigarent. Omnia nautæ simpliciter retulerunt, se ex magna Græcia navigare Massiliam, ab externo homine conductos: Arsidamque monstrabant. At ille interrogatus cum perplexius responderet, scilicet quibus loqueretur ignarus, suspicionem hostilis animi fecit. Captus ergo, & in aliam navim delatus est, iussique qui eum vexerant, cum navigio suo sequi. Nihil tamen ultra noccebant, id ipsum humaniter

niter excusantes, quod eum veherent ad
fui præfecti colloquiū. Haud procul præ-
toria navis extra remigum operam velis-
tumentibus veniebat, in quam producto
Arsidæ Dux militum occurrit, dataque
dextera Græcis verbis vetuit, ne quid du-
rum expectaret: Sed ita est, inquit, ratio
belli: Excutienda sunt omnia: Neque oc-
cupaudi tantum hostes, sed plerunque et-
jam ex amicis ignotisve informamus cō-
filiā. Quod si ipse ad tuam navem iviſſem,
illic habita quæſtione, nulla per me fuiſſet,
ſi quo properas, mora. Arſidas in tantæ
humanitatis ſermone confidentiam cum
ſuſciſſet, qua licuit cuncta profeſſus eſt:
ſe Siculum eſſe; & in Galliam ad amicū ire
dixit: Sperabatque ſe conſeſtim dimitten-
dum. Sed præfectus audito Sicilia nomine
hæſit intentius; ſciſcitatusque quid illi in
Gallia commercii eſſet: Nolim, inquit, tibi
d durum videri, ſi hodie tibi cœnā, hoſpes,
exhibeo. In Prætorio meo dormies, quāto
omnes poterimus officio cultus. Magni
Regis miniſter ſum, qui cum exercitus ro-
bore- haud procul inſequitur. Huic ego
cras te ſiſtam. Nā amabit videre ex Sicilia
venientē. Et forſit erunt quæ ex te cognos-
ſcat. Humaniffimū autē Principem vidiffē,
etiam in Fortunæ beneficiis numerabis.
Noverat Arſidas non conducere negotio
ſuo, ut fruſtra repugnaret. Hinc enim &
ſuſpectior eſſe poterat, & duriorē habere
cuſto-

custodiam. Ergo lubenti similimus; omne
jus sui penes Præfectum esse respondit.
Captum hominem, & maxime innocen-
tem, nullius conspectum oportere de-
fugere.

Post hæc utrimque verba, per varios
sermones in hilaritatis speciem vultus &
animos coegerunt: hic, ne Arsidas time-
ret; ille, ne videretur aversari ejusmodi
captiuitatem. Multa igitur audiebant in-
vicem, rogabantque: & benevolentia quæ
simulationis fuerat, paulatim syncerius-
vera colloquendi voluptate utrumque
perstrinxit. Sic natura mortalium instituta,
ut liberalibus ingeniis sit facilis concilia-
tio. Et Arsidas quidem, licet captus, at-
que à suo cursu tardatus, tamen quod in
alio fecisset in se factum haud ægre igno-
scebat: præsertim in custodia humanissi-
ma non amplius unam noctem morari
propemodum rogatus: Ipse vero Præfe-
ctus homini innocenti indulgebat, uti
deinde amicus posset dimitti. Cum igitur
ambo sederent in puppi, & aliqua de ma-
ri, ventisque, & triremium generibus es-
sent loquuti, tandem Gobryas (ita Præfe-
ctus appellabatur) blande de Sicilia rebus
& soli genio Arsidam percunctatur. Ille
civilia strictim bella recensuit, armatum
occisumque Lycogenem, senectutem Me-
leandri, & quæcunque absque Poliarchi
mentionem poterant dici. Nam solerter
absti-

abstinebat hoc nomine, ne de eo cogere-
tur apud ignotum loqui. Delectatus Go-
bryas non ignobili narratione, & æquis-
simo exitu belli; cum deinde Arsidas ro-
garet nomen Regis, cujus conspectui ser-
vabatur, etiam cui regioni imperaret, &
quid sibi vellet classis armata; paulum in
se cogitatione seductus est Nani & repen-
dere hospiti vicem, & suæ etiam gentis
casus referre gestiebat. Itaque, licet rara
sunt, inquit, inter nos commercia, quæ
nempe soli mercatores faciunt; de civili-
bus tamen malis quæ Siciliam vexavere,
pleraque audiveramus. Sed mercium nul-
la celerius quam veritas navigatione cor-
rumpitur. Multa incerta, multa illis con-
traria quæ nunc à te accepi, nobis fama
attulerat. Neq; vicissim dubito, quin & ad
vos nostræ gentis discrimina, & veluti fa-
ta, aliquo rumore pervenerint; sed vel au-
dacia narrantium vel ignoratione libata.
Quod nisi te vererer longiori sermone
conficere; non hæc modo quæ rogās exe-
querer; sed repetitis altius rebus, mei Re-
gis cunabula, dignam historiis materiam,
exponerem. Solicitavit Arsidam insignis
narrationis materia: &, si Gobryæ vacaret,
hæc se avidissime accepturum respondit.
Et Gobryas: Audies ergo re dignā vestro-
rum Græcorum ingeniis. Multa enim inter
nos fortium hominum facta sunt, haud il-
lis imparia, quibus nobilitantur gentes,

quæ litteris ipsæ se celerebant. Sed sola sunt Druidum carmina, quibus rerum fortuna nostrarum perenner. Neque illa seu lignis seu ceris impressa sunt. Memoriæ juvenutis commendantur. & ex cantantium ore virtutes majorum agnoscimus. Sed ne questibus onerem nostros mores; præstat (hospes) quando sic jubes, promissam narrationem nunc aggredi.

Regnabat apud nos Britomandes, adhuc gratum gentibus nostris nomen, bello optimus, & artibus pacis. Interfatus Arsidas loquentem: Mihi Regem memoras prius, inquit, quam cui regioni imperaverit. Quamquam ex tuorum sermonibus vos Gallos esse conjicio. Recte mones, subjicit Gobryas. Maximam Gallici littoris oram, quæ inter Alpes Pyrenæosque montes mari alluitur, tenemus: Mediterranea versus, porrecti in longum, qua Rhodanus, & supra hunc Araris, nobiles amnes, pinguiissimos campos intersecant, pars est Galliarum eximia. Lætus frugibus ager, & validissimo populo gravis. Obstupuit Arsidas ad Araris & Rhodani nomina, quæ gentilia Poliarcho flumina esse, Argenide docente cognoverat. Sed ut illū Gobryas vidit suspensio supercilio hærentem; Forsit inquit, jam quid parem intelligis, & frustra apud scientem narravero. Dic enim: Te quid in Sicilia auditum de regibus nostris? Tum, Arsidas; Imo, inquit,

quit, & plures in Gallia Reges esse accepi-
mus, & si quid de iis affertur, instar auræ
vel nubeculæ est, quæ non ægre ignaros
prælabitur. Quippe antea pauci ultro ci-
troque mercatores commeabant, & hos
ipsum nostrarum seditionum atrocitas ex-
egit. Segnitia autem nostra est, quotquot
Græcis ingeniis vivimus, ne diligentes
vulgo simus in gentium factis quæ ad Se-
ptentrionem vergunt, nisi quando cum
exercitu finibus vestris vos egredi fama
est, & timetur publicæ libertati. Ne dubita
igitur hoc quicquid est ignaro & cupido
mentiorare. Et hæc ille dicebat; nō omnino
Gallicarum inscius rerum, sed ne Gobryas,
quid is seiret. nesciretve interrogando, à
narrandi tenore deflecteret. Iam enim
auditis Rhodani Ararisque nominibus,
illam Galliarum historiam avidius, &
tanquam rem suam agens, quærebat ex-
cipere.

Tanto igitur populo (inquit Gobryas)
jure paterno Britomandes imperabat, cui
filius erat & ipse Britomandes appellatus;
sed postquam evasit in virum, tot morbis
conflictatus, ut animi vires continuus do-
lor absumeret. Duxit tamen uxorem ex
cognatis fœminis unam. cui satis, haud
dixerim plus ornamenti pudor muliebris
dederit, an pietas, an digna fortiori sexu
prudencia. Timandra appellatur. Brito-
mande patre elato, tanquam iisdem fatis

nostra felicitas occubuisse, omnia in per-
jus sublapſa sunt. Novo in Rege nihil pa-
ternum agnoscebamus, præter pietatem
& nomen. Erat inter Procereſ potentissi-
mus Commindorix, nobilitate & opibus
supra privatum; denique qualem modo
narrabas fuisse Lycogenem. Is sub ſene
Britomande utrunq; tanti Regis terrore
coercitus fuerat. Apud filiũ vero pruden-
tiæ & fortitudinis opinione adeo omnia
potuit, ut illius nomine ipſe regnaret;
multũ Timandra indignante, quæ ad pa-
trios avitoſq; animos virum non ceſſabat
impellere. Sed ille imbecilla lenitate inge-
nii, omnia uxoris conſilia mox ſubdole
exploranti Commindorigi credebat. Nos
à proſpera ſorte dejecti cui ſenior Brito-
mandes regionem aſſuefecerat, ad huſtũ
illius, tanquã Herois, conveniebamus fre-
quentes; ſpecie pietatis, re autem, de gentis
noſtræ more, illic captaturi oracula: ſi qua
fors, ſi qui Dii viam monſtrarent ad Com-
mindorigis perniciem. Hunc enim odiſſe
in pietatis parte plurimis erat; Maxime
poſtquam regnandi cupiditate ardens na-
rum ex Timandra puerum (proh facinus!)
nutricis opera dictus eſt confeceſſe. Cur
non eodem exitu rapta Regina ſit, haud
facile ſcias: An venenum, atque inſidias,
ſuſpicioſa diligentia ipſa vitaverit, an ille
infra curam habuerit mulieris vitam. Su-
pra omnia Deum cura id factum exiſti-
mo;

mo; qui tyrannos sæpissime excæcant, ut
anxia & superstitiosa sævitia securitatem
quærentes, vera & certa pericula non co-
gnoscant, aut timeant.

Cum secundo Timandra ventrè ferret,
miseræ proli timens destinata prius ad
mortem quam ingressa vitam esset, obste-
tricem, & matronarum sibi familiarum
duas, (quarum alteram haud pridem, eadē
Regina conciliante, habebam uxore) ma-
ture ambire instituit. Ab his Regina flagi-
tabat, uti si marem peperisset, alieno fœtu
supposito, legitimum furto subducerent.
Illæ quandam ex agris matrem familias,
meæ uxori notissimam, in consilium alle-
gant, quæ puerum alere posset: Sicambre
appellatur. Ea cum viro (nam & ipsius o-
pera necessaria erat) Diis omnibus devin-
cta, rem habere secretam, à mea uxore, dū
Regina pareret, in Aulam deducta est. Nul-
læ nisi ex consciis in cubiculum admittæ.
Et Dii faverunt. Timandra marem enixa
est; puellamq; regiis cunis fraus muliercu-
larum imposuit. Quem Regina tunc fuisse
sensū existimas? Pariendi angustia erant;
fœtum quæ tot doloribus matres emunt,
pro munere ducebat eripi sibi; & sæpe au-
divi ab ipsa, nihil formidolosius animum
tetigisse, quam ne infantium vagitu, aut
timiditate mulierum, proderentur consi-
lia. Quamquam tamen & curis & morbo
ægerrima erat, Sicambre, cui infantis in-

ter tumultum asportandi provincia erat, submissa voce affata est. Per patrios Deos sine te exorari uti mihi fidelis sis, ne dum alios fallere studeo, ipsa intervertar prole mea. Nam quemcumque volueris, hunc me pro meo oportebit agnoscere. Ad hæc mulier: Dii, Regina, quos invocas, effecere, ne in cujusquam potestate sit, tibi hac fraude quã times illudere. Adeo corpus infantis haud vulgari aut mutabili nota insigne est. Simul obtulit nudum, ostenditque paulo infra cervicis exitum tanquam spicæ figuram ardenti purpura expressam. Eadẽ species in crure dextero rubebat. Et causã felicium macularum dederat ipsa mater, fortẽ cum pedes in agro spatia:retur, subito timore perterrita ad turbinis sonũ, qui ingentis campi messem cedentibus spicis percurrerat. Timãdra suavissimo pignori postquam osculum tulit: Fuge, inquit, mi pũpe, regit paternũ periculum. Fuge, mi. Astioristes (ita enim de atavi nomine appellari te volo.) Dii faxint hos maturus ulciscaris, qui non sinunt tuam infantiam inter mea ubera esse securam. Iterum repetito osculo flevit: Statimque receptum infantem Sicambre obvolvit fasciis, & possico ad id ante preparato, se ab aula propriuit. Tum vero in humum collocata est illa, quam in regii sanguinis fortunam adoprabant, puellula: & vocatus ad sobolẽ agnoscendam Britomandes, cum Com-
mindo-

mindorige intravit, sustulitque alienam prolem in sinum, affectu decepto; quam ubi commendavit nutricibus, solatusque puerperam est, Diis gratias habiturus ad templum discessit, illis quidem majori beneficio quam credebatur obnoxius.

Sicambre, cui gnati fortunam Regina crediderat, mediocris fortis mulier erat, quia neq; apud illustres satis infans latuisset, neq; tenerrimo corpori in egena familia satis potuisset sperari subsidii. Illa concium maritum adduxerat, (Cerovisus nomen est) cui haud procul regia tradidit sanctissimum pignus, & portare molliter rogavit. Huic misericordia, & spei magnitudo, satis alumnū commēdabant. Igitur diversus ab uxore, ne quid familia suspicaretur, ad prædiū suū ivit. Agrū enim satis amplū colebat ad Rhodani ripas, nulli oppido contiguū, & sanctitatē familiæ rustica simplicitate servaverat. Vbi domū pervenit, mentitus abjectū se infantē in sylvæ vicinā sustulisse; redeūti haud multo post uxori occurrit, coramq; suis rogat, uti miserinnis labellis velit ubera admove, nondum scilicet à filio oblectato arentia. At mulier tanquam ignara fabulæ cuncta anxie rogabat, qui parentes infanti, quod misero fatum, aut cur projectus esset vultu tā lepido, nihilq; in eo à ratione humani corporis errante natura. Is nihil se præterea scire finxit, quā quod in bivio sylvæ,

solis pastoribus aut venatorum studiis cognito, jacuerat vel inhumana vel miscra positus manu. Suscepit inter hæc Sicambre vagientem; questusve & lachrymas dato lacte composuit.

Ita cunas regius fœtus, pro claritudine quidem generis exiguas, sed uti tempora erant feliciter nactus, ubi ingredi potuit atque fari, cœpit in aliam speciem crescere, quã quẽ solet in ejusmodi patrum familias domibus videri. Vivax indoles erat, nec venustissimo corpori impar; Præcipue Ceroviltus, & Sicambre, conscientia & charitatis stimulis cuncta in eo mirabantur; impositoque à Regina nomine, quod multorum Principum fuerat; appellabant Astioristen. Sed Regina vix hæc tuto porerant nunciari; quam ut plurimum semel in mense Sicambre, ad conjugem meam veniens, furtivi colloquii lætitiã reficiebat. Nam homines ruri assueti sæpius in Regia cerni timebant; à consciis quoque matronis identidem admoniti, ut quam maxime suspensiones vitarent.

Vertebatur septimus annus, cum Regina tenendi filii desiderio victa, me quem suæ domui Præfectum fecerat, his verbis compellavit; Non meruisti, Gobrya, uti tuam fidem muliebri leviolem existimẽ. Conjugem tuam diu est quod summi arcani arbitra habeo, & silentio quod præstitit meis rebus, primam hanc gratiam

refe-

referam, quod conscientia etiam tua deponam meas curas, aperiamque pulcherrimum facinus, in quo tegendo, mea & Galliarum salus stat. Scisne, Gobrya, quid te jam velim? Nihilne te uxor rerum nostrarum edocuit? Ego præterquam quod rei expectatione eram tactus, adhuc simplicius vultum fingebam, ut integram accepti secreti gratiam sibi Regina habere me crederet; & præterea uti fidem uxoris commendarem, quæ utiq; neq; rem ad me detulerat, neque tamē in totum fefellerat conjicientem aliquid magnum agi. Tunc vero Regina non liberius modo sed & suavius rem totā effata est: Qua audita, nihil tam grande suspicatus contremui, & paulatim per narrationis seriem redeunte animo, laudavi maternā pietatem, astumq; utilem regno, cui tyrannus imminebat. At illa: Nunc tenes quo loco sit fœlicitas mea. Tot opibus, tot honoribus culta, solatium quod privatae matres habēt adhuc nescio. Servemus Diis volentibus, Gobrya, hoc senectuti nostræ præsidium, hanc paricidæ Commindorigi perniciem. Tantū Superi velint, uti crescat avo quam patri similior. Intellego nihil auspicius ejus moribus esse. Vultum quidem aliquoties vidi; dum eum sua alumna in templis ex composito producit. Quam autē miserū credis, vix conspectum unicæ prolis tuto posse usurpare, & penitus colloquia esse

sublata? Tu sodes ad domum in qua alitur
proficiscere. Nam facile aliquid in via
causam effinxis. Voluptatem mihi de-
bitam tibi credo, eam ad me pro parte
pervenisse arbitratura, si te mandata sua-
vitate expleveris. Mihi deinde bona fide
referes de indole pueri quod licebit conji-
tere. Forte etiam cum Sicambre aliquid
comminisceris, quo cum sine suspitione
possim persunctorie saltem amplecti.

His à Regina dictis, gratias, ut e por-
tebat, regi, quod in tantis arcanis mea præci-
pue opera uti vellet. Sponte eram à Com-
mindorlge averfus, & hac tantæ factionis
dulcedine, facile pericula contempsi, quæ
illa spes, & conscientia, asserbat. Igitur
postero mane egredior in agros, monstra-
tamque à rusticis viam tenens, ad villam
pervenio: Cujus ambitum postquam in-
travi, in area, qua rustica armamenta cum
aratri jacebant, video puerorum aliquot
chorum, inter se simplici temeritate ludē-
tium. Propius ego accessi, si illo forte ec-
tu itineris mei causam offenderem. O ho-
spes! Non auctore, non indice illic opus.
Tot heroum scilicet stirpem satis efficax
natura monstravit. Alii rustico vel puerili
metu diffugiunt, aut timide pectore toto
aversi, me reflexis intuentur cervicibus.
Restitit ille, nihil territus inassueti homi-
nis vultu. Arcum habebat ætati & viribus
parem; cui in terram statuto innixus me
oppe-

opperiebatur. Firmus, & liberalis, totius corporis gestus. Sufflava cæsaries, & ipsa negligentia opinione melior. Sparsa enim non cervicibus tantum, sed per incensam ludendi impetu frontem: jacebat. Oculus inter juberis mulcentisque aciem; os, supercilium, genæ, qualia in Cupidinis signis aspicimus. Ego subita veneratione exhorui, & breviter Deos precatus, uti donis faverent, timui tanquam puero privatæ fortis loqui. Sed ne scenam turbarem, ex equo tantum desilui, rogavi que quid parentes agerent, aut ipse valeret. Ille patrem cum familiâ ruri opus facere respondit, matrem vero domi esse, eamque se, si juberem provocaturum. Facies vero, inquâ, suavissime puer, & nisi molestum est, ego te quoque ad fores comitabor. Ducere ergo cœpit, rogatusque per jocum in quas feras suo arcu uteretur; prorsus innocenti ingenio: Nondum, inquit, mihi lupos insectari cum nostro Stichō & Ambirino, pater concessit: In annum adhuc unum distulit operam meam, & multum tibi debebo, quisquis es, hospes, si numerum dierum mihi referas, qui annum constituunt. Iam enim aliquoties sensi, me, quia puer sum, nec spatia temporum novi, ejusmodi promissis esse frustratum. Risu ego plenissimus: Frustra, inquam, hoc rogas. Nam nec memoria tibi sufficiet tanto tempori observando quantum à
me de-

me destinari efflagitas. Imo (refert) mihi dari calculos vellem numero dierum pares. Reponam in abdito, eximamque quotidie singulos, uti cum anno finiantur. Amplectebar animo puerilem solertiam. Vestigia autem ex composito premebam, uti diutius lepidissima contemplatione perfruerer. Sed Sicambre, nescio unde admonita, esse aliquem qui suo filio colloqueretur, foras exiuit, & uti tanto deposito timebat, vultu sollicitudine vario ad nos delata est.

Ut vero me agnouit, dubia adhuc an scirem cujus stirpis puero loquerer, aut quæ omnino fortuna mihi ad se viam præiisset, me recepit sub tecta, perplexe de causa itineris rogando, & quid mea conjux valeret. Sed postquam confedimus, risu inter dubia verba pendente: Multum est, inquam, quod de uxore mea querar, nisi in te recipis crimen, faterisque, te magistra eam didicisse, quã alta taciturnitate simulatio obeunda sit. Neutri quidem, quod jam pupum istum novi, habeo gratiam, quæ pervicaciter siluistis, sed ipsi Regine, cujus jussu vos inviso; tecum quoque exacturus, qua commodissime ratione ipsa implere avidum pectus eodem solatio possit. Nam quod aliquando in templis eum videt, parum est ad desiderium matris. Vult amplecti, vult loqui, mentem denique saltem semel satiare propiori dulcedine.

dine. Sicambrae facile fuit excusare silen-
 tium. Gratulata deinde est, quod Regina
 proficiente ad hoc secretum pervenissem.
 Denique haud unicam viam monstrabat,
 qua Astioristes ad matrem duceretur: Sed
 omnia suspiciosa erant, nec placebant ipsi
 auctori. Diu cunctati, nihil tutius habui-
 mus, quam uti Sicambrae utpote saepe apud
 conjugem meam visa, in agrum qui sub
 urbe mihi est, veniret cum puero: Et Regi-
 na in campis spatiosa, umbram quam in prae-
 dio meo laeta est, optare se diceret, moxque
 in secreto conclavi non turbatos, non su-
 spicionibus obnoxios amplexus daret As-
 tioristae suo.

Tempore igitur cum Sicambre consti-
 tuto quo ad praedium meum veniret, rur-
 sus cum puero jocus sum, varium spe-
 cimen futurae mentis eliciens: Vlnis de-
 nique implicui meis tam gravi imperio
 (modo Dei a quo faverent) debitum Regem.
 Secundum haec, a villa in proximum op-
 pidum discessi. Illic exacta nocte redeo ad
 regiam. Timandra cum singula referrem,
 solum hoc grave erat, bidui adhuc mo-
 ram promissae felicitati intercessuram es-
 se; quo elapso, cum omnia processissent,
 venissetque Sicambre cum alumno, adfuit
 & Regina tam exiguo quam fas erat comi-
 tatu; & paulisper in hortis spatiosa, velle se
 in conclavi acquiescere uxori meae dixit.
 Ducitur ergo in thalamum secreto quod
 age-

agebatur aptissimum, unde loquentis vox non excipi posset. Tum omnibus præter conscios, tanquam Regina somnum peteret, dilapsis, intromittitur ex vicino cubiculo fidissima Sicambre, applicitumque. Reginae genibus filium tradit. Concesserat. Regina ut adesset; sed quæ vidi, quæq; audiui, nullis verbis, nulla diligentia, digne retulerim. Adeo lætitia, pietas, dolor, flendiq; & amandi suavitas, omnem modum in Regina excesserat. Longo singultu vocem, & cæterorum affectuum imperium premens, tandem in puerum invadit, & pene ad utriusque pectoris livorem ligat amplexibus. Nec in uno habitu durans, nunc illū paulisper submovebat, quo vultum, oculosque, & totius corporis statum, liberiori obtutu suspiceret; nunc subita vi amoris repetebat brachiorum vincula, & tot bonis quæ in puero mirabatur osculū dabat. Quasi sua essent hæc ipsa quæ cernebat in prole, jam tumidior videbatur; jam opinor, ultorem hunc destinans, incipiebat Commindorigem præcipiti voto despiciere. Rursus amor, ipso furto incitatus festinanter sua felicitate fruebatur: simulq; cogitatio recessuri mox gaudii insanientem cogebat in lamenta. Quid multis? Nemo nostrū tam altæ & miserandæ pietatis spectaculo non lachrymas dedit. Sed intererat nescire puerū quantus esset. Nam nec silentii fidem promittebat hæc:

ætas:

ætas; & si illa immature emerfissent, cetera erat à tyranno pernicies. Itaq; inter blanditias quas gnato Timandra ingerebat, nulla verba adhibuit quibus is sciret, vel Reginam eam esse, vel matrè. Sed perculsus specie exultantis gementisq; mulieris, inassuetis præterea osculis fatigatus, cum denique illachrymari omnes videret, aliquantulum flevit, & nescius cujus in amplexibus esset, eam tamen veluti jubente natura brevibus ulnis cinxit. Sed illorum simplicitas annorum, longæ curæ aut prudentiæ exors, facile ab ea intèctione se subduxit, cultusque Reginæ, quales ante non viderat, cœpit puerili contemplatione lustrare. Læctuli præterea, & stragula, tū quicquid ornatus in cubiculo erat, omnia oculis illis nova, per singula euntē morabantur: Vti nos quoq; tam innocenti ludo in amorem & pietatē rapti, illius oculos atq; gestus dulcissima imitatione sequeremur.

Dum his rebus abripimur, interim hora effluxerat, neque oportebat Reginę comitatum aliquid nostra mora suspicari. At illa non avelli sustinebat à filio donec spedituræ lætitia sibi imposuit, & ingenti suspirio concussa avertit se à puero, eumque abduci imperavit. Spes autem ea erat. Volebat me cum comitibus aliquot, mei tamen consilii ignaris, ad domum Sicambres pervenire, seu venationis specie, seu quid aliud videretur commodius, illic.

illicque Astioristę indolem atque formam
impense laudare; cum denique à parenti-
bus palam petere, quem domi alerem in-
ter urbanas disciplinas. Non enim cum
agris videri aut solitudini natum. Opor-
tebat deinde reluctatam aliquamdiu cum
viro Sicambrem consentire. Post hæc puer
adducendus in urbē tradendusq; conjugi
meæ erat, tanquam ad ministeria illam æ-
tatem decentia. Sic illius moribus eramus
præfuturi: & ille non tumultuario aut
brevis conspectu Reginam expleturus.

Sed illa, mi hospes, consilia, - atrocior
fortuna pervertit. Vix enim ab eo collo-
quio triduum erat, cum Cerovistus ille Si-
cambres vir intravit nostrum lumen ve-
stibus scissis, omnibusque summi doloris
indiciis funestus; Utque me vidit, nihil dis-
simulato planctu verberans utraq; manu
pectus: Dii, inquit, nos perditos, ô Gobrya,
voluere. Astioristes nocturnis grassatori-
bus præda, an, aut vbi vivat, incertum est.
Abvexit hunc proxima nocte armato-
rum violentia, qui spoliatis penatibus
meis subjecere denique ignem. Neque no-
stra tantum tecta hæc pestis consumsit;
acta est præda ex vicino omni agro: Et
ego illi turbini superstes, non potui vesti-
gia servare impiorum; quia celeriter trans
Rhodanum aliquot scaphis delati sunt.
Quid vero me facere, quove conferre,
nunc auctor es?

Hæc natrante Gobrya, penitus Arsidas, tanquam in cladis & jacturæ parte esset, expalluit: indignum fuisse facinus proclamans, subindeque interrogans, an sic puer perisset. Quippe majora de eo expectabat, nec à negotiis quæ tunc curabat aliena. At Gobryas: Multo, inquit, frigidior ad nuncium illud fui, quam te nunc, hospes, video esse. Segnem tamen esse non sivit tumultuarii mali præcipitanda curatio. Itaque homini imperavi, ut inutilem gemitum paulisper supprimeret, mihi quicquid contigerat prolixius memoraturus. Auditis omnibus, varia animo versabam: unde prædones essent; consultone incidissent in puerum; qua celeritate, qua manu persequendi; denique an deferri ad Reginam hæc clades deberet. Sed hæc postea commodius narravero. Video enim ad cœnam tempus esse, quam corrumpi jam aliquoties ministri monuerunt. Atqui, refert Arsidas, hilarem convivam non habebis, nisi me ab hac sollicitudine absolvis; quo successu dolueris, quodve Reginæ supplicium de prædonibus datum. Paruit Gobryas flagitanti; raptimque edocuit, nihil se aut Reginam ad luctum aut diligentiam reliquisse. quamvis & secreto gemebant, & prætextu alio quærebant in latrones. Cæterum rapto puero nihil in iis fuisse auxilii. Nam neque repertos qui eum abvexerant; neque superfuisse vestigia quibus

bus ipse ulterius quæreretur. Ergo Reginā hoc quoq; tunc facinus ascripisse Com-
mindorigi; ita meritis qui per scelera vi-
vunt, uti non suorum modo facinorum, sed
& interdum alienorum infamia laborent.
Postea liquidius esse rescitum, prædones
in Allobrogum montibus, quo minore in-
vidia in alieno solo quam in patria pecca-
rent, facta manu Rhodanum transivisse;
spoliis deinde onustos, postquam in suam
ripam relati sunt, divisis manubiis agmē
solvisse, ne multitudine proderentur. Ita
periit scitissimus puer, inquit; & prope-
modum in amissi desiderio mater.

Adhuc confusior Arsidas; Videor, in-
quit, magni ædificii apparatus somnio
conspexisse; quod postquam artificum
manibus crevit, marmoribus & picturis
insigne, uno hominum me à somno exci-
tantium plausu perierit. Sic posteaquam
puerum servavisti, postquam perduxisti
ad annos, quibus promitteret se non fru-
stra servatum, subito eximis nobis. Sub
hæc verba, asperius intra se indignatus, ri-
debat tacite imprudentiam Gobryæ, qui
tot verbis tantam scenam apparasset, in
qua nihil deinde ageretur. Nec Gobryam
latuit hominem esse commotum. Itaq; ut
hospiti vultum restitueret: Si hilariter, in-
quit, cœnas, reducam deinde puerum, ma-
tisque sistam incolumem. Mutatus ad hæc
verba est Arsidas, qui altiori spe, quam Go-
bryas

bryas credebat, rei exitum felicem optaverat. Cum vero se ad mensam componerent, excusavit hospiti Gobryas, quod in medio lectulo accumbere juberet ex Druidis unum. Ita Gallorum religionem ferre, ut hoc hominum genus sive in scenis sive in conviviis honoratissima occupet. Supra hunc vatem Arsidas; infimo Gobryas loco accubuit. Cœnantibus multus sermo de Druidis fuit: dubitante Gobrya, utrum plus Arsidas scire, an narrare vates vellet. Qui ubi se non in Gallicis modo sacris regnare, sed disceptatores litiû esse, totamq; ab suis præceptis juventute pendere memoravit, magnam quoq; apud se poeseos, tanquã divinissimę artis curam esse, lentis & grandibus verbis monstravit: in eo sermone diutius hærens, ut aliquid rogaretur recitare. Quod ut Arsidas sensit, coegitque volentẽ retulit ille versus, à se non pridẽ, ut aiebat, constructos; quibus Deorum æquitas celebrabatur, qui diu lædi se passi, tandem ex dignitate detreviunt.

*O fontes animæ, quarũ v: sana laceffunt
Facta diu Superos; lentum ne spernite
Numen,*

*Ne, misera, tardoque graves examine pæ-
nas.*

*Ser alicet sint tela Iovi, nec protinus omne
Ad scelus armato iurbe: sua sidera
nimbo:*

At vigili stat mente memor; pœna, q; me-

*Annumerat Nemesis iusta Themis ardua
cura.*

*Hinc lathi innumera facies, & funere peior
Mens agra, atque alta divulso in pectore
Dira.*

*Hinc nulla fluvii ripa, & victricibus undis
Spumens in medias Triton venit alior ur-
bes.*

*Quid memorẽ versis exutos messibus agros,
Ventorum seu vulsit hyems, siue agmine
foedo*

*Densus aper strictis effodit pabula rostris?
Quid cum sava lues circum tabentibus auris
Inspirat celeres per membra furentia mor-
tes?*

*Aut pater armipotens mediis incendia fun-
dit*

*Gentibus, & saturas restinguit sanguine
flamas?*

*Hic Superum vindicta modis (ne tarda que-
ramur*

*Supplicia, & faciles violari crimine Divos)
In meritas sedit gentes, & sacula cunctis
Exhaurit fatus. At nos miserabile vulgus,
Ignari quæ tela sonent, cur turbidus aether
Æstuet, unde anni fragiles, & rara sen-
ctus.*

*Naturã, & casti damnamus corporis artus,
Fortunaque vices. Nihil heu Natura, nec
artes*

*Peccavere Deum.' Sed nos cunctantia fata
Vrsimus, & cæcæ peccando accendimus iras.*

Cœna,

Cœna, ut, bellum & maria ferebant, eleganter exhibita: Tempus est, ait Arsidas, scrutari omnia trans Rhodanum; & ex latribus Principem vestrum eximere. Tum Gobryas: Strenue factum à nobis, & tunc omnia frustra cesserūt. Quatuor totos annos amissū deflevimus. Quinto anno necessariū in Allobrogas bellū fuit; quod de finibus disceptarent, imminerentque fœlici vicinix. Parum interest illius belli casus te scire, præsertim quæ tumultuariis & obscuris manibus gessimus. Vna fuit acies iusta, qua profligati Allobroges castris quoque exuti sunt. Noster exercitus dives præda, vix captivos capiebat, vix spolia; torquibus armillisque ex auro (uti mos Gallorum est) in illa strage innumeris. Tres fuerant Allobrogum Reges prælio illo fusi: Inter quos fama & dignitate præcipuus Anerœstus appellabatur: Cujus tentorium dum victores despoliant, quidam miles in illius vestibulo adolescentulū egregiæ venustatis conspicatus, cætera præda neglecta, eum habere concupiit. Is majoribus quam pro ætate spiritibus gæsa quassabat, abnuebatque se vivū capi posse. Nec violare tenerum corpus miles sustinuit, sed sodale advocato circumvit pugnacis pueri terga. Ita vix demum lacertis occupatis, à frendentis manib. tela excussa sunt. Videbantur indignæ vinculis manus, & fraus ab liberali indole ti-

merivix poterat. Si itaque promitteret non fugere, pollicentur, nullis servitutis notis allicitum, comiti quam captivo similiorem secum iturum. Is vultu tanta clade non dejecto, haud se Diis repugnaturum, dixit, quibus sua captivitas placuisset; nec secius fidem quam antea libertatem culturum.

Non sine numine Deum fuit, quod tantopere militibus puer placuit. Abvexere jam volentem, & invidiam timentes, non à multis eum conspici passi, jam non procul urbe regia aberant, cum in me inciderunt. Si qua fides, stupui in adolescentuli vultu; illosq; avidissime percussatus (nam nec mihi erant ignoti) unde hæc præda, & an venalis esset: Retulere, hunc se inter captivos eximium. Commindorigi donum servare. Credo veritos ne illum mihi deponcerem, objecisse Commindorigis nomen. Scis Gallorum sagula totum corpus non regere. Itaque dum intentius in ejus contemplatione hæreo, & Dii nescio quid animo meo grande magis magisq; subjiciunt, forte flexit ille cervicem, meque momento temporis nimio gaudio imparem propemodum confecit. Nam quid loquar felicitate illa dignum? Prodidit, mi hospes, regii sanguinis notas; illam, inquam, naturalis purpuræ spicam, quam in Reginae filio, ut antea monui, fata expresserant. Loqui non poteram in impetu exundantis
læti.

lætitiâ. Sudor quoq; & subita velligiorum infirmitas, adhuc dubia & anxia vota pulsabat. Tum præfides gentis Deos tacite veneratus, ut adessent spei tantæ: Egregium mehercule munus, inquam, Commindorigi Invenistis. Sed videte, Commilitones, num Reginæ non aptius tradi possit? Adhuc ætas est non turpis gynæceio, memorque aliquando per quos Dominæ fuerit traditus, fortasse deinde vos provehet. Nô & Commindorigi hunc si datis, tamen ad Reginam perveniet; Commindorige hanc muneris gratiam apud illam occupante, quæ jam vestra, si sapitis, erit. Milites pauca inter se colloquuti, agunt gratias quod eos consilio juvissem: cupere quoq; se mea opera intromitti ad Reginam. At ego non id tantum in me recipio, sed charissimæ prædæ timens, avidus quoq; certiora cognoscendi ex puero, eos ad cœnam voco.

Postquam domum pervenimus, leniter adolescentulum cœpi astari, & rogare quod ei nomen esset. At ille, se Scordanem in prima captivitate appellatum, in ista secunda adhuc nescire, quod sibi domini nomen imponerent. Tu igitur, inquã, jam antea semel captus? Certe, subjicit ille. Vnde autem, mi puer? & quod tibi primum nomen? Ex ædibus patris (ait) obscure memini adhuc imbecillum, armatorum violentia fuisse direptum. Nec quid ultra memini, nisi nos, ruri habitavisse, & me

Astioristem à matre nuncupatum. Sed Rex Aneroeſtus dono eorum qui me rapuerant deinde habuit, inter cujus liberos pene haud diſpari cultu, vel gratia, pulcherrime aliquot annos egi. Voluit quoque in rudimentum militiæ, uti bellū hoc viderem; in quo, heu! & quid illo actum ſit neſcio; & ego jam alia fata, ac ut opinor viliora, exorſus ſum. Sub hæc verba dolore animi turbatus eſt. Sed ego jam certus negotii, adoratis numinibus, in quæ potius quam fortunā, referebā rerū ſeriem: Nihil, inquā, ō puer, in te Dii peccare: neq; fatiſ ingratus ſiſ, quæ te in Regine familiā aſſerere tot caſibus laboraverunt. Magnæ felicitàti ſervatus eſ, puer.

Impotens lætitiæ erā, & nocte inter maximæ ſpei omniumque bonorum, inquietas imagines ducta, militibus ſignifico me ad Reginam ire, illiſ aditum impetraturum. Cultum ſolito nitidiorem aſſumſeram, coronamque habebam tamquam ſacra Diis facturus; vultus præterea erat inter gaudii ſenſum porrectior: quæ omnia recentis victoriæ excuſabat hilaritas. Inde hoc habitu cum Reginam ſaluſſem, paululum fallere conſtitui, nec à principio lætitiā totā dare. Igitur, Ne mirere, Domina inquam, hanc animi inſolentē lætitiā. Dii arcana vi ſomnii ita me impulere. Forſitan ſuperſtitioſū appellabiſ. Sed adeo certa fuit quæ dormientem egie

egit imago, uti nec somniis illā annumerem. Ne amplius dissimulem, vices tuas jam gaudeo. Ita tibi foelicem hunc diem portendi monstravit Mercurius credo, aut si quis est alius Deorum nuncius, qui venturarum specie rerum summos mortalium erudiat. Tum Regina; Quinam autem, Gobrya, hī gaudii montes? aut verius quid insanis? Videbam (subjicio) sub auroram, cum purioribus somniis tempus est, honestissimæ puerum frontis, his me verbis compellantem; Vade ad Reginam, Gobrya. Nunciabis me ad illam adventare. Tamdiu expetitur hodie securissima ratione conspiciet. Quis tu autem es? inquam. Nam neque vultu isto ac genio, inter te & ullam Deorum prolem disconvenit. At ille iratior; Adeone Astioristem ignoras, uti nomenclatore opus sit? Non novisti Timādrē filium, Principem tuum? Illico loquentem agnovi; cumque vano conatu niterer ad amplexus, excitavit animi impetus membra, & per ingratiſſimam vigiliam puerum amiſi. Divinum fuiſſe præſagium, Domina, illinc intelliges, quod tanquam cogentibus Superis, de eventu nec ambigo. Tenebis hodie Astioristem tuum. Regina his auditis demisit in pectus anxium vultum, rursusque se erigens, adeo nihil lætum ostendit, uti jam pœniteret me fabulæ. Quid tu me, inquit, rapis in dolorum memoriam?

Aut hæc fortuiti soporis delira species fit; aut si quid simplicius Dii significant, vita hodie defungar, amplectarque inter manes filii umbram. Imo, Domina, inquam, nisi mea promissa processerint, vel mutato exilio, vel quod omnium ultimum, odisse me velis, Ibo ad templum; agamque cum Superis uti promissa repræsentent.

Tanta alacritate coegi uti speraret; protinusque digressus, pro templo ac Diis meam domum habui, unde felicitatem exprimerem. Milites ergo cum munere suo in vestibulo regię constituo; per Præfectum regię custodię familiarem quidem meum, cæterum rei quæ agebatur ignarum, paulo post introducendos ad Reginam; Ad quam interim redeo; teneoque silentium; si quid forte ipsa prior inciperet. Constabat esse commotam. Nam interdum ambulabat præter solitam vestigiorum mensuram; interdum residentem acerrimæ cogitationes figebant; in me denique sæpissime intuebatur: Cum ecce Prætorianorū dux uti rogatus à me erat, intravit, monuitque, adolescentulum de præda venustissimum adesse, quem duo milites munus Reginæ adduxerant. Perturbatus Timandræ animus, nondum facta, quamquam sese jam explicantia, capiebat. Nec quid majus suspicata, milites iussit admitti. At vero ubi cum munere fuerunt in conspectu, suavissime hospes; stupore

pore & affectu crescente per gradus, uti correpta, uti possessa dirigit! Spes quam feceram vix passa est ut audiret suum munus commendantes: sed ultro, periculoso & temerario impetu, inspexit in pueri cervicem, agnitoque natalium signo, uti confusam mentem tegeret, aliquandiu pallam in vultum duxit; quasi oculis male esset. Obfirmata deinde, os retexit. Tandemque militibus post promissa & gratias dimissis, mihi secreto his verbis blandita est: O præstigiator! vigilans scilicet somniaveras! & quæ vera sciebas, quo differres gaudia mea, referebas in soporis vanitatem! Scis quo modo te ulciscar? Tardiora præmia erunt; quæ, fateor, debeo tibi summa. Referes postea, qua ratione in puerum incideris. Nunc illum accipe; & tãquam ad nostra obsequia instituendum ale. Disciplinis tenerum imbuemus, quæ summam sortem decent. Sine suspitione interim illius aspectu & colloquiis fruar.

Post arcana hæc verba, mihi publice puerum tradit, quem Scordanem appellabamus. Ipsa, quo solutius lætaretur, in secretum secedit. Militibus autem præmia cum fide persolvimus; regia quidem, sed non tamen invidiosa, aut paria dono. Ecce autem in illo sereno non temnendam vim subitæ tempestatis. Rex Aneroeustus missis ad nos præconibus, nunciabat: Si quis suavisimum puerum, sibiq; inter filios

nume-

numeratum, reddere vellet, tantilli capitis pretium talenta centum fore. Pertinuimus ad illius importunam benignitatem. Nam qua invidia aut suspicione hunc Regina servaret, quem tam chari suus patronus licitabatur? Saltem barbaræ crudelitatis videretur, & hoc gaudium seni, & tot bona puero invidere. An cessaturus denique esset ipse Scordanes, si ad vires fugiendi adolevisset; aut aliis centum talenta quæ situris non se quoque ad furtum præbiturus? Dum hæc timemus, & nec placet cum Aneroesto pacisci, nec honeste retineri puer potest; fortuna Aneroesto infesta illico nobis favit. In eum siquidem sui cives insurgunt. Subitum bellum fuit; exituque cruento in acie ceciderunt filii Aneroesti, quos duos spei eximia habebat. Ipsum (quamquam non repertum cadaver est) illa strage occubuisse crediderim. Et tum quidem qui cum dejecerant, regnum illius tyrannico ambitu ad se traxere. Vix tantam Aneroesti cladem Scordanes vivus tulit. Tanta illi pietatis, suæque jacturæ supra ætatem cognitio erat. Tamen mora, & (quis puerum crederet?) argumentis demulsimus. Ita redditus sibi, nobisque servatus, expectatione celerius, omnem sui admiratione ordinem, omnem ætatem, in regia complevit. Seu equitandum, seu tela mittenda, seu ductus in pariete orbis sagittas
expe-

expectabat, statim æqualibus major, tantus denique erat cui possent magistri invidere. Nec superba, aut pervicax naturæ fœlicitas. Amabant omnes vinci, quia prius neminem ulla arte quam humanitate & obsequio superabat. Nihil in colloquendo urbanius. Cunctis cedere, ambire universos, fœcundissimus salibus, quos, ne læderentur cæteri, in se primum experiebatur. Adolefcebant præterea vires: quas durabat lucta & palo; cursu quoque & venatu, domandisque jugalibus; multa præterea insomnia parco victu; & tempestatibus anni totius, ipso usu, valetudini suæ conciliatis. Avi denique sui (quod ego & Regina præcipue apud nos gaudebamus) exhibebat non indolem tantum, sed vocem & gestus.

Haud multo plus sedecim annis vixerat cum animum illi ac vires maturavisse visa sunt fata, ne omnes periremus. Quippe Commindorigem ex nimia copia fastidii ceperat nostri obsequii. Ultra bonorum patientiam sæviebat, scelere diuturno audacior, expertusque quam inultra Britomandes despici posset. Ad extremum nomen regium haud obscure optabat, clientum suorum vocibus in hac ambitione frequentibus; uti dicerent, languescens sub Britomande imperium, à strenuo homine excitandum. Plus regnum Commindorigi debitum, quam
Com-

Commindorigem regno, si id ei placeret
 auspicari. Parum interessè Britomandis
 ad regia munia inepti, ac præterea virili
 prole carentis, quo nomine appelletur.
 Commindorigem non solum ex prima
 nobilitate, sed præterea virum esse. Iam-
 que haud procul ab exitu erant furiosa
 consilia. Dicebatur tyrannus agitare, quo
 tutissime munimento Rex cum sua Ti-
 mandra teneretur; quæ ad eorum victum
 vestigalia relinquenda, quis utrique co-
 mitatus, quævo custodia. Adeo denique
 despexerat jacentem Britomandem, uti
 perplexe auderet sciscitari, an relinquere
 ultro posset tam grave & molestum nego-
 ciiis regium nomē. Quippe ratus, multum
 sibi decessurum invidiæ, si id à volente
 impetravisset. Lacesitus indignissima vo-
 ce Rex, tunc quidem tenuit iram; sed defle-
 re deinde apud Timandram fortunas suas
 cœpit. Illa nihil cunctandum existimans,
 &, si fata obstabant, saltem fortiter per-
 eundum; Hæbeo, inquit, quo te ab impio
 hoste vindicem, charissime conjux. Sed ti-
 meo ne me facilitate tua destituas, dete-
 ctisque apud inimicos machinis, mecum
 quoque obruas. At Rex Diis superis Mani-
 busque invocatis confirmat, se non tantū
 silentio, sed etiam auctoritate accessurum
 Timandræ cōsiliis. Agnoscere miserā men-
 tem quantū ante peccaverit; sed vi injuriæ
 eladisque quæ instabat, jam fortio-rem esse.

Timan-

Timandra his verbis latissima; Si fidem
 servas, ait, die crastina vel victores digni-
 tatem asseremus, vel reges moriemur. Cæ-
 terum nemini ipsa in illam noctem com-
 municavit consilium; nisi quod fidissimos
 aliquot admonuit, ut ad se sub auroram
 convenirent. Mihi autem non tantum
 adesse, sed alumnum adducere præcipit,
 vultu adeo extra ægritudinem ficto, uti
 nihil insolens aut turbulentum conjice-
 rem. Tunc Commindorix venationi o-
 peram dabat, tertio ab urbe milliari; ante
 biduum profectus in regiam domum, ubi
 saltus, & feræ solis Principibus servatæ
 sunt. Prima igitur luce coimus ad regiam,
 ut erat imperatum. Sedecim non amplius
 eramus, quos ipsa ante Regem constituit,
 omnes ex numero Optimatum, & Com-
 mindorigi vel publice, vel privatim inimi-
 cos. Cumque alumnum meum propius
 jussisset accedere, ita ad Regem loquuta
 est. Adhuc incerta sum, Domine, an tuo
 iudicio crimen sit, quod tanquam egre-
 gium facinus professura advenio. Celavi
 te enim felicitatem tuam, ut ea securior
 tibi esset. Nam hostes crescentem sustulif-
 sent, quæ matura nunc eosdem pervertet.
 Ignosce igitur quod tamdiu silentio meo
 factum est, uti nescires quantum Diis de-
 beamus. Et, uti rem paucis aperiam, desine
 isto adolescēte vivo, te liberis orbem cre-
 dere, qui patrio ritu in sceptriū succedant.
 Nam

Nam per Deos Deasq; quotquot appella-
ri fas à me est; hic est filius tuus, hunc igna-
ro tibi peperì, mentita puellam ex me na-
tam, quam paucis mensibus quibus vixit,
de meo nomine Timandram appellavisti.
Simulandi causa fuit, ne in illum Com-
mindorigis impietas aliqua arte sæviret.
Cæterum quamquam grave est præsen-
tem laudare; dicam tamen quod non pot-
est sileri, assurrexisse eum in indolem di-
gnam majoribus, & Deos sua cura pro-
lixius quam optare ausa essem, meum
consilium asseruisse. Quippe nascenti, pe-
nates rustici quidem, sed fidi, contigerunt.
Ita infans delitescere atque ali commodis-
sime potuit. Crescentem seu prædonum
vis, seu potius benigniorum mens Cæli-
litum, deduxit ad externi Principis aulam,
in qua sine suspitione assuevit elementis
negociosæ & exercitiæ vitæ. Hinc à Diis
specie prædæ nobis redditus; ita consum-
mavit pueritiam, ita viriles annos exor-
sus est, ut utilis esse possè incipiat, nunc
cum tolerabilis Commindorix desit esse,
qui premendus est, ó Rex, aut accipiendus
in dominum. Quantum enim à captivi-
tate abes? Quid aliud expectamus quam
vincula? Age potius, charissime Coniux,
ulciscere una hora tot annorum auda-
ciam. Quod si te patientiæ consuetudine
despicias, at regnum avitum huic soboli
tuæ serva: Procerum etiam miserere, quos
hic

hic vides. Nemo enim illorum est, qui quoniam pro maiestate tua stetit, non debeat aut mortem, aut ea contumeliam graviolem, expectare à tyranno. Noli tuam dignitatem, conjugem, prolem, & tot fidelissimorum salutem nunc prodere. Nec de mea fide dubites; quasi novandis rebus hunc falso sanguini regio ascribam. En collo, en cruri extremo certissimas notas, tanquam factorum sigilla, quibus vario discrimine amissus repertusque, me & illos qui conscii mecum erant non fefellit. Sed præterea ejusmodi sunt tempora, ut etiam si hæc commenta à me essent, debeas commoda fraude uti. Interverte tuum hostem, nullis facilius artibus quam hac novitate domabilem. Parta pace de hujus natalibus maturius habebis questionem. Nunc si quod est esse non credis; at tua interest uti credere fingas. Versa deinde ad filium: O mi Astioristes, inquit, (ita enim nascentem appellavimus;) liceat nunc te tandem bona fide amplecti. Mi gnate, tot mihi lachrymarum, tot votorum materia. Da frontem, da ora ad osculum. Nunc primum & te nasci, & me matrem esse existimo.

Sic loquente Regina, omnes præter me obstupuerant. Solus enim sciebam vera esse quæ illa referebat. Sed nec in totum ab admiratione aberam, quod adeo improvviso mihi consilio rem ad Regem de-

tulisset. Caterum ex omnium ore constabat quam hoc novum mentibus esset. Rapta voce, vultuumque constantia, in se mutuo intuebantur. Deinde hi Deos vocabant, alii mittebant lachrymas, aut sublatis in altum manibus taciti mirabantur fortunæ ingenium. Ita enim Regina vivebat, ne quis fraudem ab ea metueret. Nemo aliud tamen ipso Rege, & Astioris se, natus est. Rex gaudio ceterisque affectibus amens, non loqui, non moveri. Inspiciebat nunc in conjugem, cui longa fidei experientia credebat, nunc in filium, & ipsum non minima perturbatione attonitum. Cum enim in illius cellum Regina invaderet, non ausus negare amplexus, non offerre, incertus contremuit. Sed Regina lachrymis in conjugis vultu visis audacior; Patiaris, charissime conjux, inquit, hunc recipi ad genua tua, aut si jam te patrem sentis, prior quoque porrige manum. At Rex: Non me adeo, fidissima conjux, inimici Dii agunt, ut hanc stirpem repudiem, virtutibus me hercule atque fama, quantumcunque regio, generi ingens decus allaturam. Equidem sanctitate & prudentia tua fretus, non dubito quin ex me sit genitus. Quod si tamen ipsa deciperis, si quod non est esse existimas, nihil minus hunc filium mihi volo; uti, si non vincula naturæ intercedunt, saltem adoptione me faciat patrem. Simul in
pro-

procumbentem toto pectore se dimisit. Clarissimus juvenis, & omni virtutis experimento notabilis, pridem omnium corda sibi devinxerat. Igitur eorum qui aderant favorem nulla tantæ fœlicitatis invidia corrupit. Iam tanquam dominum intuebantur. Iam osculum manui vestique ferebant: etiam seniores revocabant ad avum Britomandem memoriam: & tum vere, tum illudente oculos pietate, plurima ex vultu illius naturam in nepotem transtulisse monstrabant. Rex denique ab uxore querere cœpit omnem Deorum rationem qua servatus filius sibi esset. Sed Timandra: Minus occupata lætitiæ (inquit) erit illa narratio. Nunc à jugulis nostris depellamus perniciem. Quamdiu Commindorix vivet, nec Reges esse nos, nec propemodum homines credam. Quo animo putas superbissimum hominem accepturum hoc tuæ familiæ incrementum? Sed frustra, si me audis, sævierit. Populi & militum animos subita nec difficili arte occupa. O si te sineret valetudo ad illos procedere, si coram facere tantis rebus auspiciū! At ille; Possum ire, domina, possum: Et nisi aliud consulis, placet populum in regiæ vestibulum ad concionem vocari. Hoc erat, inquit Regina, quod optabam. Præcipienda sunt omnia, priusquam aliquid admonitus Commindorix turber.

Præcones igitur tota urbe celeriter dimittit, qui populum ad concionem urgerent quam Rex esset habiturus. Omnibus ille videbatur insanire. Nam quis crederet Regem qui tot annis publico abstinuerat, repente prodire ad populum, ac etiam orare? Quid insolens, quid subitum contigisset? Monstra hæc singulis erant; mutuoque ignari, ut in incertis sit, rogabant docebantque. Sustinuere aliqui dicere, abdicaturum in ipsa concione maiestatem hoc ultimum munus regis potestatis usurpare. Erecta omnium studia erant, fervebantque coeuntium turba. Prætoriani milites, & ipsi acciti, per centurias & signa constitierant. Sublimem inter hæc locum, instar scenæ, diligentissime excitamus; Ad quem postquam Britomandes Proceribus medius est progressus, & resedit cum Timandra in suggestu, sibi que proximum statuit Asioristem; varix in populo voces fuerunt. Hi ad Regis conspectum lachrymabantur, quærebant alii quid subite dignitatis apud Regem externo juveni accessisset. Sæpe denique imperato silentio Britomandes dicere exorsus est; Diis gratias haberi tam à se quam populo æquum esse, quod sibi filium, regnoque heredem reddidissent. Hunc juvenem quem prope se collocatum cernebant, Regina partum esse. Sed hostium metu cum natus est esse celatum, eductumque

Atumque ut privatę fortis infantem; deinde diversitate factorum amissum ac receptum. Se illo primum die agnovisse eam stirpem, nec quicquam distulisse quin gaudium populo daret quod esse publicum oportebat. Ac uti gemina omnibus lætitia esset, se militibus quidem donativum promittere; oppida vero & portus triente tributorum & vectigalium levare. Fidem modo exhiberent viris dignam, adessentque Cœlitum cœptis, qui tam eximie Galliæ faverant. Astioristes deinde Rege iubente, populo militibusque loquutus est. Oratus antea omnibus fuerat; & tunc auspiciatissimæ formæ sublimius aliquid accessisse videbatur. Is iterum donativo in crastinum promisso milites suos fecit; Populo quem vectigalium minuendorum pollicitatio jam mulcebat (ea enim atrociter Commindorix & sub invidia Regis intenderat) adhuc congiarium & epulum promisit.

Tam novis & arduis rebus, ad trahendas vulgi mentes magno momento fuere Optimates, qui cum Rege & Astioriste constitierant; hi firmitiorum provinciarum rectores, alii Præfecti militiæ; propemodum autem clarissimis stirpibus nati. Itaque multitudo cœlum acclamationibus implevit; miles armis concrepuit; facili-que & subito impetu, uti vulgi sunt studia, universa concio consensit huic fortunæ.

Soli Commindorigis clientes, tanquam in patroni exitio marcebant; aut illius freti potentia, tacite minabantur hæc omnia eo absente audientibus. Sed multitudini impares erant: quæ tunc quidem extra periculum fortis, mox subito terrore dejecta est. Quippe Commindorix sub hos motus urbem intravit, aliquid insellens agi per suorum quosdam admonitus, qui ad eum decurrerunt, ubi primum vulgatum est concionem à Rege provocari. Is ut in venatico habitu erat, præcipatione & iracundia calens, postquam vidit populum coisse, & eminere in folio Britomandem, nondum ignarus quid ageretur, sed tanquam supercilio satis omnia compressurus, conscendit ad Regem. Nemo eunti obstabat, diuturna tyrannide non in odium magis, quam reverentiam & metum crescente. Ergo per cunctos populi, jam muti timentisque peccasse, ultro exceptus est. Manu venabulum tenebat, ferrum erat ad latus. Pauci ex domesticis, uti festinatio fuerat, comitabatur, nostris sparis maxime armati. Iamque ad sublimem contabulationem pervenerat, in qua Regem pauci Proceres circumstabant; illiusque gradibus tumultuarie superatis: Quæ, inquit, hæc insolentia rerum est? aut quis Regi & reipublicæ, me absente, per sediciosos conventus illusit? Expalluerant omnes ipsa parendi timendique consuetudine.

tudine. Et parum videbatur in Rege opis esse. Solus Astioristes intrepidus stetit, processitque mox obviam, & leviter manu repulsum, ponere tela jussit, & ad Regem quem in solio conspiciebat ire modestius. Commindorix, aliquem id contra se ausum, acerrima indignatione permotus est, celerique consilio, ne impune hoc esset, contorsit in Astioristæ ora venabulum, quod ipsius declinatione vitatum, delatumque ad prætorianorum phalangem, peccavit in milite. Ensem deinde ex vagina uterque diripuit.

Memorabilius forte spectaculum, hospes, nostra ætas non edidit; quod ut te nunc etiam oblectet, finge animo rerum speciem qualis hæc erat. Quicquid spatii circa regiam fuit, milites populusque (& ipse de Gallicorum conventuum more armatus) late stipaverat. Scenam illam quæ Regis solium ferebat, accersiti à Timandra Optimates conscenderant. Rex altior cum conjuge sedebat in suggestu. Nemo tamen, ubi Astioristæ & Commindorigis enses fuissent, aut accendere pugnam aut prohibere sustinuit. Tanquam aliquo fatali torpore omnes inhorruissent, undique silentium fuit; oculis mentisque in hoc unum certamen compositis. Ex illius enim eventu suam quisque fortunam expectabat: & cœu suus funderetur illis ensibus sanguis, sic quisque dolebant.

aut vovebant. Deos etiam arbitros pugnæ plerique adesse cogitabant. Iudicarent illi de litæ, id est, de Astioristæ natalibus. Si non fabulosæ vanitatis mendaciò assereretur in sceptrum, non commissuros Cælitæ, uti per tanta servatus prodigia in debita felicitatis limine caderet. Ipsa quoque pugnantium species intimos affectus ciebat, & multorum animos trahebat in partes. Nam Commindorix mensuram mortalium prope excesserat: validissimi erant artus, & proceritati non impares; trux vultus, integræ adhuc ætas; virium, animorum, militarisque & athleticæ artis ingens opinio. Contra in Astioristæ vivida quidem, sed tenera adhuc ætas non altius quam hostis sui humeros staturam promoverat: Vultus, quamquam tunc minis asper, qui virginis esse posset; liberale vestigium; nec quicquam in eo timeri dignius quam amari. Et hinc misericordia apud bonos: quod cum experto & toties victore progrediretur. Cæterum paria arma erant, ensis utrique. Nec dubitaverat Commindorix ipso impetu juvenem proteriposse. Itaque spernenti vicinior tanquam ad facilem ruebat victoriam. Sed postquam adverso mucrone depulsus est ictus quem alte paraverat, & Astioristæ gladium ægre à jugulo renovit; tunc vero diligentius in illum cœpit inspicere, & ut in justo discrimine se teneri.

Iamque ensis utriusque vanos in ictus bis
terque ceciderat, cum tandem Astioristes
prior vulnus accepit in capite, qua in su-
premam frontem capillitium excurrit.
Tum vero sudore ac cruore formosior
impatiente excaudit. Circuire, accede-
re, relinquere hostem, artisque & ingenii
mutatione lassare. Urgebat nobilissimam
mentem victoriæ decus & præmium;
gnarus, illius mercedem certaminis Galli-
cum esse imperium. Sed omnium maxi-
me pietas instabat; uti repertos parentes
in dignitatem assereret. Ita hostem obsi-
denti tandem dedit se fortuna. Ut apud
nos, de veteri more, cæsim pugnatur, de-
stinaverat forte ictum in caput inimici,
quem cervicis deflexio non in totum fru-
strata est. Incidit enim ensis in aurem,
quam cum modica genæ parte dejecit in
terram. Movit tyrannus cæsariem; hor-
ridusq; indignatione & minis infremuit.
Furum pœnam ac dedecus ille casus in-
flixerat. Manabat & plurimus sanguis;
adauxitque hoc ipsum insaniam, quod A-
stioristes (tanquam hoste contempto satis
jocis vacaret) dati vulneris dolorem cu-
mulavit ludibrio. Recruduit itaq; pugna;
donec visus est Astioristes indignari tanto
tempore constare victoriâ. Fœlix ictus,
& Galliæ salutaris, qui Cômindorigi lacer-
tum eripuit; Quo prolapso institit victor,
reclusitq; adhuc mori dubitantis vitalia.

Exiitavit Arfidas intellecta victoria; quasi cadentem in arena gladiatorem suo plausu sequeretur. Neque mora: Videor, inquit, in Astioristem vestrum inspicere, Gobrya; qualis hoste confecto, labore periculoque jam grandior, se parenti atque vobis exhibuit, uti lætitia, uti successu, magnifice intumuit; quamdiu nudum ferrum, asperumque hostili cruore, prætulit manu. Iuvat, ô Gobrya, in tam dulci cogitatione hære. Sed quid mentis militibus populoque Commindorige cæso fuit? Talem populum Astioristes habuit (subjicit Gobryas) qualem optares. Voce, plausu, omni gratulatione effebuit. Miles ex templo de iussu Britomandis, novo se juramento Principi obstrinxit. Nocte deinde festos ignes cives coronati choreis cinxere. Nihil aliud audiebatur in compitis, quam contumelia in tyrannum, aut Astioristæ præconia; quorum pars vulgaria erant, moxque casura; alia quæ constabant numeris, quoniam canebantur, diuturniora habuimus. Noster hic inter cæteros vates (simulque Druidam oculis designat) non abstinuit carminibus in communi argumento: quæ, ut adhuc tanquam recenti victoria lætemur, si, hospes, jubebis, ut est humanissimus, recitabit. His auditis, Arfidas, magis ne Druidæ ingenium temnere videretur, quam quod amaret narrationem

tionem ejusmodi interpolari carminibus, apertissimo vultu inspexit in Poetam. Nec multum abnuentem exoravit, ut addito pene cantu, hos paucos versus daret.

*Nam quem de Superis colemus omnes?
Cui plus floribus intumescet ara?*

Hic honos Superis sit magis omnibus.

Non uno potuit Gallia numine

Exui vinclis, meritoque fœlix

Plaudere Regi.

Divorum cecidit manu tyrannus.

Hunc Tirynthius, hunc Diana telis,

Tallas monstrifica perculit ægide;

Hæstus Bellipotens, fulmine Iuppiter.

Hunc & infestis petiit sagittis

Certus Applo.

Illi scilicet adfuerunt Divi,

Et suas tibi credidere vires,

O Heros, misere flebile vinculum

Dum rumpis patriæ. Gallica Perseum

Terra te sensit. Tibi liberata

Nupserit uni.

O lux, ô bona, nec premenda nocte!

Sævum penè puer Giganta spernis.

Despexitque tuas ille ferox genas:

Qualis telus diu tergo reppulit,

Ausus imberbem maculosus hostem

Spernere Python.

Tete delicias, ocellulumque

Natura juvenem! Ah pios nepotes

Ah dona cupidis chære parentibus,

Tithe

*Tithonus thalamo seu tibi cesserit,
Seu vehet curru, facietque latum
Cynthia patrem.*

Laudatis carminibus Arſidas vultum
Gobryæ repetit. At ille; Non te ſuperflua
narratione conficiam, quæ Druidum, quæ
Equitum decreta in Principes; quot die-
rum ſupplicatio, quæ ad omnia fana po-
puli turba, uti denique omnes in pacem
(quæ in tanta Commindorigis factione
ſperari vix poterat) ſponte aut metu con-
ſenſerint. Quia nox proveſta eſt, hoſpes,
& te dicendo fatigavimus; paucis ad hæc
tempora noſtrum Aſtioritem perducam,
qui experimentum potentiæ ſuæ cepit,
non voluptatibus aut inſuetæ dignitatis
ſuperbia, ſed liberaliſſima pietate. Cero-
viſtum & Sicambrem, ſub quibus vixerat
infans, accivit in regiam; ipſique Cero-
viſto, negotiis ſcilicet aſſueto quæ patres ſa-
milias decent, ſuæ domus præfecturam
attribuit: Sicambrem tradidit matri; mox
æquatam matronarum præcipuis. Cum
eorum filio, qui & Ceroviſtus appellatur,
puer aſſueverat luſitare, & tunc renovato
commercio habuit inter familiares exi-
mum. Adhuc illuſterioris fuit in Regis
Aneroeſti memoriam pietatis. Hujus in
ſe amorem meminerat; Centum illa ta-
lenta pro puero & captivo promiſſa, mo-
vebant gratiſſimum peſtus; gaudebatque
Timædra Regis illius caſibus palam filium
inge-

ingemiscere ; conscia ex meritis suis ipsa quanto magis amaretur. Itaque & honorarium tumulum excitavimus Aneroeſto , bellumque tyrannis qui ejus regnum tenebant indiximus. Vtilis regno hæc Aſtioristæ in alumnum devotio fuit. Nam domitis hostibus , terræ nobis & gentes ceſſerunt olim Aneroeſto regnatæ. Ipſe Aſtioristes bellum hoc geſſit ; intraque ſex meſes validiſſimas arces in Alpibus , & quicquid in illis gentibus roboris fuit , ſic quæſit ſuo patri , uti nulla fidelior deinceps provincia nobis extiterit. Vbi tyrannos Aneroeſti ſpoliis incubantes partim in acie , partim ſuppliciis cecidit , ad parentes inſigni triumpho reſectus eſt.

In ea felicitate triennium à Commin-
dorigis morte regnavit ſub paternis au-
ſpiciis. Ratum eſſe volebat Britomandes
quicquid ille juſſiſſet. Hinc magiſtratus,
hinc milites ediſta accipere , ab eo provchi
Optimates : aut , ſi merebantur , premi. In
eo acquieſcebat Timandra , ſibiq; domi &
foris videbatur fortunata. Ter illa omni-
no pepererat. Primum natu Commin-
dorigis , per nutrices ſuſtulerat. Aſtioristes ſe-
cundo editus partu , effecerat uti ſolpes eſ-
ſet familia. Tertius labor , filia fuit , ſexen-
nio Aſtioriste minor. Hanc Dii volunt
incolumem ; ſpecie ac moribus inclyta vi-
vit. Cyrthæam appellamus. His ſe duobus
liberis Timandra obleſtabat : omneſque
jam

jama ceperat elapsæ calamitatis oblivio; Cum mutandis ipse rebus magno, ut existimo, fato Astioristes incubuit. Cupiditate sciendi quæ tellus quive homines extra Galliam essent: sine cultu, sine comitibus navigare instituit. Herculem Theseumque referebat, & ex ultimo Oriente tot Heroas quæsisse sibi laudem ejusmodi periculis atque vita. Addebat, in tanta potestate qua aulam regebat, se iniquis videri non tam asservivisse parentem in regnum, quam alia servitute pressivisse. Sed alia, ut opinor, & secretiora suberant, quæ hanc illi peregrinationem commendarent.

Convocatis ergo Proceribus, consiliisque novitatem mirantibus; his se parentes dixit regnumque tuendum paulisper relinquere. Nuncupasse olim vota remotissimis à Gallia Diis, quæ in eorum templis exsolvere deberet. Ne vero hanc ipsius mentem tristes acciperent, aut luctibus abeunti omen facerent. Rediturum enim incolumem & patriorum Deorum numine, & religione eorum quos petebat. Cum vero acriter repugnaremus; & ad preces gemitus quoque & lachrymæ passim accederent; ille, uti spe data mollioris sententiæ, non adeo timide aut enixe rogaremus, sponte quidem visus est flecti; Sed eadem subito nocte se ab aula proripuit. Tam arcano & periculoso itineri unus omnino placuit comes, filius ille Cæprovi-

rovisti & Sicambres, quem ludorum seniorumque consortem diu habuerat. Quo profecti, ubi vixerint, quid illis periculi, quidve virtutis, quamquam nuper redierint, adhuc fere incognitum. Adeo suos errores egregia fide regunt. Tunc vero, uti timore, uti dolore stupuimus! Qui populi, qui Procerum vultus, postquam Astioristem abiisse compertum est! Lymphati homines ibant, viasque scrutabantur & flumina; si qua possent habere, & morari discedentem. Sola denique nos Timandra à desperatione prohibuit, post aliquot dies litteras ab incolumi filio habere profecta. Neque tunc modo, sed deinceps se frequentes accipere referebat, seu vere, seu necessario solatio agras mentes refectura.

Haud multo plus anno Astioristes abfuerat, cum Britomandes morbo solutus est. Omnes de juvene querebantur, qui obscura peregrinatione destituisset regnum: Vti, cum Britomandes efferretur, pene regio funere lugubrius esset voces audire eum ad patrię salutem vocantium. Sed interim capeienda negocia erant, & Timandra, vivere filium ac valere, asseribat, sibi que dum ille rediret, reipublicę summam esse tradendam. Soli illi obstabant, quorum intererat Astioristem non vivere. Ab his vulgo mortuus iactabatur: Regnamque agebant non ferendam, quę virile aucuparetur imperium. Sic in
partes

partes facile itum est. Plurimi cum Regina sentiebant. Alios ducebat Commindorigis patrueles. Incaluerant factiones, adeo uti jam terra marique præsidia essent: Classis præcipue curabatur: Quia à Massilia Timandram excutere pro victoria hostes ducebant; & illa in portus urbisque tutelam nautas triremesque contraxerat: Cum ecce in tempore Astioristes redit. Avidi statim, nostraque minores lætitia, vix Diis, vix fortunæ, vix oculis credebamus. Iuvabat contrectare venientem, aspectumque repetere. Omnis ætas, atque ordo, sese domibus oppidisque effuderat; non ingentis belli victorem veriora gaudia exceperant. Neque mora, ex seditionis manibus tela excussa sunt. Rex ab omnibus salatur. Et ne cruenta essent regnandi auspicia, se omnibus quicquid in eum diem deliquissent remittere edixit, eo quoque lætissimus, quod contractæ in armis copiæ essent. Hoc non temere factum aiebat, aut maligno fato in Galliam; sed auspices Deos hunc illi exercitum ad ea quæ destinaverat comparavisse. Corona igitur patrio more sumpta, Timandram tantisper dum ipse bellum gerit præficit rebus. Sibi enim in Græcia hostes esse: His se confestim persequendis operam dare. Tum fortissimos militum imponit navibus, interimque dum à littore solvit, præcedere me jubet

eum

cum exigua parte classis, & scrutari maria, præcipue quæ intercedunt Liguriæ atque Sardinia. Functus officio, omnibusque exploratis, jam lentius ago remigia, certus ipsum venientem opperiri. Ex illius conspectu atque colloquio scies, hospes, me parce tantum Regem laudavisse. Sed quando à Græcis pleraque Sicilia incoluntur, & ille maxime Græcas urbes obivit; dic vero num ipse de vultu aut fama Astioristem novisti?

Iam magis suæ spei Arsidæ credens, obtutuque in terram defixus, postquam diu secum omnia exegit; Astioristem, ait, neminem novi; forte de alio nomine, si præterea aliquod habet, agnoscerem. Subito Gobryas; Et vero aliud, ut ab ipso audivi, sibi fecit, uti securior esset humilioris quam fingeat fortunæ simulatio. Poliarchum ajebat se illic vocitari. Comitē quoque qui nobis de nomine patris Cerovistus est, si memini, appellavit Gelanorum. Exciderunt ad hæc nomina Arsidæ vires. Quem uti Gobryas attonitum, hilarique affectu divulsū vidit; cæpit quoque expectatione lætitiæ confundi: Donec ille; Quis Deus tam propitiæ captivitatis author tibi me tradidit? Errassem mehercule per littora vestra, dum Rex interim navigat; & inutili voto, apud ignaros pro Astioriste Poliarchum flagitavissem. Poliarchus est ille quem quæro; ea

nunciaturus, quæ sospes non potest ignorare. Et ó vos tanto Rege fortunatos! ó candidos Galliæ dies! Quos non afflabit nominis vestri terror? quanti ambitus Regibus exteris ac gentibus erit in amicis aut hospitibus vestris censeris? Id ipsum me beat, quod video vos cum exercitu navigare. Quamquam scio non pugnam, non aciem, sed triumphi speciem fore. Nam videre, non experiri hæc arma æmuli vestri volunt. Sed propere Rege convento mihi opus est, cujus privatim etiam hospes sum. Gobryas his auditis profusius Aristas veneratus, haud ambigue percunctabatur quid afferret aut à quo veniret. Sed Aristas post incautum subiti gaudii impetum prudentius sermonem tenens, magnopere dolebat, quod Gobryas solerter reticente in Siciliam vehi exercitum, ipse se totius negotii ignarum esse temere prodidisset. Elusis igitur questionibus, quibus cum Gobryas deinde urgebat, cœpit multum flagitare, uti celeri navigio ad Poliarchum mitteretur. Et Gobryas, Inhibebimus, inquit, nostrarum navium cursum, hospes, non deductis tantum velis, sed anchorarum jactu, si hæc maria ferunt. Ita haud dubie regia classis, quam scio non segniter navigare, ista nocte ad nos perveniet. Quod si prima lux nobis illum non conjungit, triremem statim dabo, & robustissimos remigum, qui te vehant.

Inte-

Interim acquiesce in hac puppi, nec secius quam inter familiares tuos impera. Post hæc verba strato admotum reliquit, prociditque in vicino ipse lecto: quamquam vix somnum læticia capiebat. Et Arsidas inter cætera mirabatur, cur nō monuisset Argenis, Poliarcho verum nomen Astioristem esse; quod à se oblivione omissum quoties & ipsa vīrgo meminerat, ut acris cupiditas facillime turbatur, etiam erraturum Arsidam, vano metu audebat ominari.

Iamque non duces tantum aut milites, sed & renigum multi quiete levabantur. Vnus erat navis prætorie gubernator, cui suspectum erat cœlum, montiumque natura quos à latere attollit Liguria; expertus, solitos esse, qua se demittunt rursusque eriguntur, per angusta divisorum cacuminum spatia, procellas subitis flatibus in mare præcipitare. Nautas itaque vigilare hortabatur, & ad omnes sollicitus auræ, jam certius expectabat tristiora. Nox media vertebatur, cum à montibus ventus exortus est; qui inter navium funes erectos ad malum, primum quidem sibilo ludens, mox suspensum mare extulit; adductisque nubibus abstulit cœlum. Turbantur subita festinatione nautarū officia, simul inter se clamore sublato, simul undis fracto strepitu nondum vacuas aures repetētibz. Excitatus Gobryas erat, & ex

gubernatoris vultu admoneretur non vulgare esse periculum. Quisque ergo monere audebat, quisque præcipere; ùti pene tumultus ignarorum nauticæ artis non minore periculo cresceret quam tempestatis fervor. Atri fluctus, aut eruto liven-tes sabulo, inter noctis horrorem cerni non poterant; nisi cum ingenti fragore al-
lisi velut accensam mutuo verbere aquam instar scintillarum mittebant in altum, rursusque forbebant. Solus ille spumæ attritus micabat in tenebris, qui sæpe omi-
noso impetu superans objecta latera, in medio fulgebat navigio. Intuta anchora-
rum mora erat; quia spatium navibus ne-
gabant, quo aliquid indulgerent incum-
bentibus ventis. Alius deinde timor urge-
bat, ne, si vincula decissent, inter se impli-
cata triremes frangerentur. Tandem om-
ne nautarum consilium tempestas per-
vertit. Nam nec corrigi cursus poterat, nec
sisti navigia. Ferri cæperunt qua ventus
jubebat; aliquid scilicet veli relinquentes
ad antemnam, quo naves per dispares flu-
ctus librantibus ventis starent.

Nocte exacta nihilo lætior dies fuit, tri-
stris imbre, & circumstantis mortis, ima-
gine. Noctens quoque secundam vis ea-
dem venti obtinuit. Orta deinde luce, ar-
dor quidem tempestatis intepuit; sed non
plagam agnoscabant, non maria, nume-
ratisque navibus paulo minus media parte
abellè

abesse aut periisse querebantur. Vbi vero cura salutis jam propemodum asserta, passa est ad alias sollicitudines descendere, loqui cœpere de periculo Poliarchi. Quando enim illum haberent, aut quo quærent; forsitan in adversa aut ignota littora expulsum! Vbi denique ipsi essent, quosve portus intrarent, affectis navibus, sylvaque & pice, & littore tuto egentibus? Arsidas omnium immanissime fortunæ maledicebat, quod dejectus à tanta spe, nesciret undis an terra essent errores repetendi. Non amplius Galliam, non Rhodanum destinari; sed vago, & quas maxime terras vellet ignaro, pererrandos omnes sinus, quoscunque tempestas potuit aperire Poliarcho. Vnde illi Phæacia esset navis, quæ sine gubernatoris opera in destinatos cursus ultro se flecteret? Numerare Argenidem dies; ad quam si vacuus rediret, quantum abesset à parricida? Quamquam enim monuerat Gobryas in Siciliam Poliarcho esse iter; metuebat ne de tempestate lassus consideret in portu, aut segnius navigaret, dum interim effluit tempus quo se ab Argenide expectari voluerat.

Hæc volventi, & qui mos infœlicium, pene cum Gobrya jurganti, quod se in cursu ad Poliarchum tenuisset, nunciant nautæ, instar nubeculæ aut caliginis procul videri, id se terram opinari. Quæcumq;

illa esset, eo tendere Gobryas jubet. Cum summa vi remigassent, medio pene die quidam in exiguis lenibis excepti sunt, qui finita tempestate maria legebant, exploraturi si quid ad eos naufragia tulissent. Per hos est cognitum illam Africę plagam esse; cęterum arenis infidam, quas brevia huc & illuc tegebant; Non procul abesse Numidiam. Desertus haud longe erat portus, nec certum an satis hospitalis. Sed necessitas subigebat, omnia ventis & pelago arbitrari tutiora. Ad terram igitur duces ipsi fuere qui de regione indicaverant: Relictique pauci cum lembo, qui socios, si qui in proximo errabant, colligerent, magno Deum favore, omne quod à Gobryę classe aberat, intra noctem receperunt. Ita, ut in malis rebus, optime erat; omnes incolumes, nulla funditus navis perierat: Incolę præterea siccis piscibus, cęterisque paupertatem sustentabant alimentis, exhibebant insolitę humanitatis officia.

Sed nec classi quam ducebat Poliarchus tempestas pepercerat. De Sicilia, de vindicta, de nuptiis cogitantem, haud injuste impleverat sui fiducia. Quando in regio habitu erat, tot opibus, tanto exercitu sublimis, cur generum aspernaretur Meleander? Radirobanem, Archombrotum, & si qui præterea amulierant, seu privatis seu publicis armis decernere vellent,
aude

auderebat despicere. Ad extremum legem
Siciliæ, quæ potentiora matrimonia ab-
nuebat, vel se ferro recisurum credebat,
vel interpretatione remoturum; Ne Sici-
liâ nempe Gallico sceptro diceretur acce-
dere; sed legibus antiquis viveret; & si plu-
res peperisset Argenis, esset secundæ prolis
hereditas. Inter hæc studia videbatur na-
vigium non satis ferri ventis, aut agi re-
migibus. Ibat ergo per transtra, ronsaque
lassabat; cum illa tempestas incubuit, & à
cursu quem instituerant submovit. Ipse
quamquam intrepido animo erat, tamen
cum assilientes pertinaciter undas vidit,
& veluti suum caput voventes, matri &
sponsæ dedit, ut mori timeret. Torpen-
tes itaque magnitudine mali admonuit ne
artem projicerent, neve ultima timerent;
nobiliora sibi fata deberi, quam ut ea æta-
te undis obrueretur. Ea ipse quamquam
habuit ad officia strenuos; parum tamen
potuere in acerrimos fluctus, donec classe
compulsa ad externæ & ignotæ regionis
prospectum, sponte mare detumuit. Tunc
vero nec remigibus vires ad novum labo-
rem supererant; nec debilia navium late-
ra, & pondere tot undarum, quæ in illas
arietaverant, laxa diutius navigationem
ferebant. Agerrimum id erat Poliarcho,
omnes dies qui ipsi extra Siciliam luce-
bant, sibi & Argenidi capitales credeti. Vi-
cit tamen nautarum consensus, timorque

naufragii. Nam & sibi propter Argendem charus esse inceperat. Petere igitur proximum littus jubet, si quam navibus stationem reperiebant.

Adhuc incerti erant qui homines aut quæ tellus; sed amœnam plagam esse multæ arbores monstrabant, modicique colles ad mare. Varia quoque navigia, ad piscationem, aut merces passim, stabant in anchoris. Præmiserant igitur nautas in expedito lembo sciscitaturos, quæ pars terrarum esset; quibus mox ad Poliarchum referentibus, Mauritaniam esse, ipso locorum speciem à summo contemplatus tabulato: O Gelanore, inquit, nosti fluvium? nosti oppidum Lixam? nosti procul in hoc colle Dominæ-villam? Hæc illa est Mauritania nobis amica; illud optimæ Reginæ Hyanisbes imperium. Non nos fata in totum averfantur, quæ fractos ac nescios impulerunt ad fœderatum litus. Sed ne subito classis adventu terreamus imprudentes; vade prior ad Reginam; qui me casus egerint, mone; ora placidum navibus meis portum. Interim adverso remigio naves circa hos fluctus sistemus. Statim rumor inter classarios nautasque vulgatus est, hospitalem suo Regi esse terram quam cernerent; nihil secius quam in patriæ sinu tam vectoribus fore quam ratibus. Haud tarde, quod vehementissime optabant, alacres credide-

runt, lætoque celeusmate rates impulsas, ubi deinde imperatum est, pariter à cursu obliquis sustinuerunt remigiis. Nam ad portum, priusquam indulisset Regina, accedere non placebat.

At vero Gelanoro, ubi primum in expedita rate subiit flumen, inopini tumultus atrocitas illam prolixam securitatem eripuit. Quippe undè concitatis fervebant navigiis; multoque terrore, totas ripas tela compleverant. Causa subiti motus fuerat, visus procul in mari cum exercitu Poliarchus. Nam hostilem classem audiverant (nec fama fallebat) in eos navigare. Illam esse tunc rati, formidolose decurrerant ad arma. Pauci adhuc milites lecti; vix aliquæ naves armatæ; (Nam haud pridem denunciatum erat venturi belli periculum.) Civium ut plurimum iste concursus fuit, qui tumultu insani circumstere densis scaphis venientem Gelanorum: Quia præconem ab hoste jam vicino, & sub eo nomine exploratorem credebant. Ille quamquam perturbatus, tamen identidem repetebat, se amicum & fœderibus tutum, non meruisse aut time-ri, aut diripi: Denique à Poliarcho ad Reginam nuncium advenire. Forte adfuit qui hospitem agnosceret, ex eodem littore paucissimos ante menses cum domino Poliarcho summo favore Hyanisbes digressum. Mutatis igitur vulgi affectibus, cœ-

perunt de classe rogare quam cernebant. Ille non exercitum Africæ inimicum, sed Poliarchum adesse cum suis copiis confirmavit. Sic in terram egressus, perductusque est ad Reginam; quam belli præsentis opinione attonitam, ita refecit, uti non tam cum militibus Poliarchum, quam præsides Africæ Deos advenisse arbitraretur. Protinus ex purpuratis missi, qui Poliarchum invitarent ad terram. Ipsa pluribus interrogare Gelanorum, quas imperio gentes obtineret Poliarchus, in quos arma destinavisset, quove consilio sub veste privata antea suppressisset majestatem. Gelanorus quæ premenda aut referenda essent haud nescius, Reginæ animum dulcissimis allevabat sermonibus; uti vix eum ad dominum redire pateretur de hospitii humanitate nunciaturum.

Quintus jam dies erat, ex quo cibum ipsa Regina vix sumpserat, occultis & publicis curis gravis. Namque ut Radiobannes, in vercecundo in Argenidem scelere fœdus, Calarim rediit, pensato cæptorum dedecore, timuit ne leviorum suorum reverentiam deinde experiretur; haud dubius, ita vulgi, ita militum animos esse, uti Principes ex successibus æstiment. Dari enim virtuti sælicibus, quod fortunæ est; & frustratos impetus contemptu vindicari. Ne itaq; ocio sermones sererentur, utque præterea implacidam mentem novorum

motuum gustu reficeret, in belli consilia
rursus incubuit, sed in Siciliam confestim
redire non placebat. Quia se illic expecta-
ri non dubius, omnia fervere paratibus
augurabatur. Inveniendos potius esse, in
quos interim verteret impetum, dum &
novi milites ad arma durarentur: & dein-
de ex mora remittentibus Siculis curam,
improvisus in Meleandrum invaderet.
Nec defuit cupienti novi belli occasio. Diu
erat, quod Mauritaniam invadere medi-
tabatur. Et hæc causa fuerat classis ornan-
dæ, quam deinde Argenidis & Sicilia po-
tiundæ injecta spes ad justiora in Lycoge-
nem bella provexerat. Tunc vero & an-
tiquæ movendi in Mauritaniam causæ re-
dibant in animum, & ad illas præterea vi-
sæ sunt recentes accedere. Forte enim
Mauri peiratæ, non magis externis quam
popularibus graves, ex aliquot mercatori-
bus Sardis prædam egerāt, & ipse ex Sicilia
rediens spoliatorum questus lætus accepit.
Neque mora, tanquam publico Mauro-
rum consilio illata hæc fuisset injuria, ad
Hyanißbem misit, non modo qui res repe-
terent, sed juberent de noxiis dari sibi sup-
plicium. Illa, neque res suo raptas auspi-
cio, neque fontes in sua potestate esse, re-
spondit, aut illos se pro civibus habere.
Vindicarent se Sardi ubicunque noxios
deprehenderent: Se quoque ultioni qua
posset accessuram. Radirobanes responso

Regi-

Reginæ in deterius apud Sardos de industria vulgato, finxit acrius iram, Sardiniam à Mauris sperni, & ideo neglectos esse questus quia minæ abfuerant.

Itaque tanquam satis violatis fœderibus, non modo ulcisci mercatores, sed & repetere majorum suorum jurgia cum Mauritaniæ Regina constituit. Nam veteres Sardinia Reges sibi deberi Mauritaniam sceptrum contenderant frequentibus bellis. Postea sæpe has lites aut induciæ, aut nomen pacis suppresserat; quæ mox (ubi alterutri Regi placebat) velut à somno receptæ, specie æquitatis libidinem armorum tegebant. Tunc vero Radirobani visum sic exercitu uti, quem à Sicilia ferocem reducerat. Et quod mulier in Mauritania imperabat, facilius promittebatur victoria. Ut hæc tamen armorum & violentiæ libido, ad imaginem juris accederet; adornavere illico Fecialem, qui auspicaretur bellum, dum subitis in Sardinia delectibus reparantur legiones. Et ille ubi Lixam pervenit, ad Hyanisbem intromissus, eam, nisi scepro decederet, nisi Mauritaniam Radirobani traderet, strenue adfuturos cum exercitu Sardos, qui jus suum persequerentur, audacter pro sui munus inviolabili sanctitate admonuit. Regina improvise territa malo non tamen cunctanter respondit: Vile esse Radirobaniis cœprum, quo mulierem cogitabat per-

pervertere, forte robur non ausus in viros experiri. Annorum plurimum pacem, nihil læsum, nullo in populis motu, corrumpere; in perfidiæ vicinia esse. Non posse falli Deos: Sed nec abesse humana præsidia; Neque unam esse Tomyrim, quæ sanguinem sitientibus sciret dare. Ab ea digressus Fecialis, ubi stetit in littore, dextera hastam tenens, Quod, inquit, rem Sardorum publicam Mauri violant, nec moniti emendant contumaciam; quodque Rex & Populus Sardorum Reginae & Populo Mauro bellum iussit; ob eam rem ego Rexque & Populus Sardiniae, Reginae & Populo Mauritaniae bellum dico facioque. His solemniter dictis, telum emisit in hostico, & receptus in navem viam ad Radirobanem relegit.

Audebant Hyanißem proximi amicorum incusare, quod abesse filium esset passa, in quem debuerant belli curæ recumbere. Se enim ideo ad contumeliam faciliores Radiroboni visos: Venire quasi ad vacuum regnum hostem; illamque aciem despicere in qua virilis purpura non fulgeret. At illa fortunam plusquam se peccasse referebat, quæ rerum placidissimum cursum inopina tempestate turbasset. Sed & filium non procul abesse, & impigre rediturum, acceptis literis quas ad eum cogitabat. Interim milites legeretur, nec quicquam sedulitati deesset, quam illa tempora

pora quærebant. Vix biduum inde processerat cum de rebus quæ instabant, inter proceres agitati, nunciatur alterum ex filii servis (duos enim omnino abvexerat) pervenisse ad Regiam. Stupuere scilicet omnes, videbaturque non impar fabularum vanitati felicitas; in ipso temporis articulo advenisse, qui certo de Principis valetudine referret; moneretque unde esset arcessendus. Servuli autem ad Reginam mittendi causa hæc fuerat. Archom-brotus postquam ad nuptias Argenidis nihil deesse sibi vidit præter auctoritatem matris; ne sibi moræ esset in lætissimis rebus, ad eam famulum dimisit, cum ejusmodi litteris, quas juvenis, & amator, & inter illos impetus tamen maternæ potestatis haud oblitus, scribere poterat. Porro mater erat ipsa Hyanisbe. Is vero inter suos Hyempsal dicebatur; Sed ex matris imperio ad Græcos navigans, genusque dissimulans, conveniens ille genti nomen assumpserat. In iis literis magnopere suæ in matrem reverentiæ imputabat, quod ex iussu ipsius generis sui fortunam fideliter tacuisset: Cæterum felicitatem offerri quæ superaret omnia vota; Affinitatem cum opulentissimo Rege, possessionem Sicilia: Virginemque in qua animi dotes tantæ hereditati præstarent. Orabat, uti Regi, cui tantopere ignotus placuisset, suorum natalium decus liceret aperire.

Etiam

Etiam ipsa ad filii hymenæos Optimatum præcipuos dimitteret, pecuniamque, & opes, quæ Mauritaniam commendarent Siculis in illius auspiciis transituris.

Reginæ non tantum non jucunda epistola fuit, sed ad illius lectionem conterritæ sic expavit, ut qui aderant, nihil latum de Principis valetudine suspicati, percontarentur à servo quid dignum attulisset eo Reginæ vultu quem cernerent. At ille Hyempsalem non modo valere, sed & apud exteros egregie florere confirmabat. Hyanisbe quoque non dubia, ex sua consternatione alios timuisse, vultum collegit: Deumque auxilio incolumem filium dixit brevi rediturum in patriam. Sed ubi secreta fuit cum famulo qui litteras attulerat; Puto, inquit, satis tibi à filio imperatum, ne hic ulli enuncies apud quam gentem versetur. Tu sodes diligenter fidem serva. Neminem enim meorum scire hoc volo. Oportet præterea ut strenue redeas. Primo mane abibis hinc ad illum. Fides tua effecit, ne te præmiorum admoneam, quæ utrimque te expectant. Hæc effata secessit in gynæceii penetrale, non magis de Radiobanis injuriis quam de filii voto sollicita. Tantamne vim negotiorum mihi subito esse objectam? Hinc Siciliae affinitatem timeam, illinc arma Sardiniae? Tune, charissime, ut Meleandri gener fias? Vti te imprudens in eam regionem
mise-

miserim, quæ te & nobilissimam virginem una ruina perdat? Avertant Cœlites quod meo errore merui. Quid heu semel, & Radiobanes mihi regnum, & Argenis filium tollit? Sic plena terroris sumsit ceram, in qua ejusmodi verba posuit. Quantum cogitationes tuæ à rerum nostrarum fortuna abhorreant, mignate, hinc scias; quod vix ab oculis meis abscesserat Fecialis Sardinia, nobis à Rabirobane denunciator belli, cum literas tuas accepi; quæ te intempestivo hymenæo instare docuerunt. Fortunæ gratulor, & virtutibus tuis, per quas effectum est, ut adhuc de genere & opibus ignotum Meleander sua affinitate dignum existimaret. Sed maculabis tuam famam, si amor indulgens, matrem & patriam sine turbulentiissimi Radiobanis prædam esse. Noli Siciliam utcunque dotalem, maternæ Africæ præferre; quam incolumem vix habebis, nisi confestim huc properas. Scis, quanto facilius res servari, quam perditæ possint recipi. Post matrem assertam, post triumphos, & fortissimæ pietatis decora, ibis major ad fœdera, & dignior peti. Sed neque in Radiobanem solum, aut bellum, moras retuleris, quas nuptiis illis jure materno injicio. Periisti, mignate, nisi prius loqueris mihi quam ducas Argenidem. Redi confestim ad charissimam matrem. Gaudebis ædepol; & grandem pietatis mer-

mercedem esse intelliges hoc ipsum quod mihi parueris. Nam uti meam mentem scias, adeo interest ante conjugii sacra, à me ipsa te moneri de rebus arcanis, quæ non literis, non nunciis credi possunt, uti, si postvertas officio, me tibi matrem negem. Accedam ad Radirobanis partes, ne hereditate & veluti spoliis meis exultes quam mœrore confeceris. Iam hoc satis imperatum tibi puto. Indolem novi, quam non potes ulla fortuna aut peregrinatione exuisse. Cæterum, ne me tuis pervicaciter votis putes averfam, nihil abnuo quin Siciliæ Regi indices te filium meum esse. Qui si te generum optat, si tibi cum filia Siciliam vovet; tecum idoneam mittam manum qua irruentibus Sardis obstes. Faxo in Siciliam illico redeas, postquam te hic filium sensero, & Radirobanes hostem. Vale. Conscripam in hunc sensum epistolam servo cum traderet, adjecit, uti filium hortaretur, nullibi moras ducere, priusquam pervenisset in Africam; & hæc pie curare quæ ipsa his litteris mandabat. Servus omnia pollicicitus uti decebat, tamen biduo ob tempestatis vim mari exclusus, vix denique à portu solverat, cum adesse Poliarchum Gelanorus nunciavit.

Tunc vero Hyantisbe non sine Deum numine advenisse vires amicas præfata, Poliarchum in arena cultu regio curat

excipi. Ipsa cum Aulam intraret obviam fuit. Et exacti memoria beneficii, & præsentis operæ quam ab eo sperabat necessitas, humanitatis officia geminabat. Tanquam cum filio loquuta est; nisi quod reverentia accedebat blanditiis. Nec deerat ille laudibus suis, tam submissus in Reginam, tam concinna modestia se inferens, uti plerique succlamantes tanquã matrem & filium uno ad Deos voto cõjungerent. Dispositi in littore erant qui duces illius militesque exciperent. Publice omnibus hospitium præbatur. Maurorum una vox erat, gentem externam nullo Mauritanie junc-tam commercio, nulla stipendia querentem, adesse, quæ suo sanguine periclitantes tutaretur. Ergo amplecti venientes, & pro se quisque bene hospitibus precari; in liminibus quoque vina coronasque statuere: Vti mirũ esset Gallis adhuc ignaris quod Afri beneficium perebant, alicubi terrarum? melius peregrinis quam in Gallia sua esse. At Regina non morata diutius, quam dum à vestibulo Poliarchum ad Aulam deduceret, ita loquuta est; Ecce te. Regẽ, vir fortissime, non nunc primum cognoscimus. Nuper sub privato habitu cum hic esses, suspeximus tuas dotes, quas diligenter explorantibus nulla minoris fortis simulatio eripuit. Tunc quidem me mihi reddidisti, cum animã prope meam latrones abstulissent in cistula. Iam vero
ut af-

ut afferas tuum munus sive tuo sive cœli-
tum consilio huc cum armis appulisti.
Quippe improvidam, & pace nimia dece-
ptam, Rex Sardinie Radiobanes bello
aggreditur. Expectantius quotidie classem
nostris littoribus infestam. Nec contrahi
vires tantillo momēto potuerunt. Mulier
sum. Filius abest. Tu patrecinium suscipe;
& gloriæ tuæ tribue ne Reginam, & inju-
riis petitam, videaris despexisse. Equidem
suam tibi rerum permitto. Tantum ali-
quos dies, ad præsidium morare, uti nemo
de Radiobanis furore sine mentione tuæ
virtutis loqui possit. Quantumcunque, &
quocunque festines, legitima erit hæc mora.

Hæc dicentem non modo majestas, sed
& modestia, ac pene lachryma commen-
dabant; Pudebatque Poliarchum extre-
mam oranti opem tarde annuere. Sed
rursus amoris sacramentum, & quod sup-
plex etiam ac misera erat Argenis, sub mo-
vebat stimulos præsentis pietatis, donec
vehementer miratus Radiobanem ab A-
fris timeri, quem credebat in Sicilia esse,
percunctatus est, ubi ergo terrarum is de-
geret. Quem postquam intellexit à Sicilia
abcessisse, & vel esse in Sardinia, vel ad-
versas Africam navigare, acerrimo metu
cohorruit, ne rapta aut tradita Argenide
recessisset in patriam: Nec distulit quæ-
sitionem; Ecquid audistis, ait, illum Siculi
Regis generum esse? Hyaniſbe quæ

ex Archombroti litteris certa erat innu-
ptam esse Argenidem (breviter quidem
mirata, quid hoc ad Poliarchum) negavit
ejusmodi quicquam factum. At ille igna-
rus, quis hanc sibi operam dedisset; qua
depulsus ratione Radirobanes quoque au-
thore esset; cogitavit, nihil tunc igitur
causæ esse, uti tam præceptum Siciliam cum
exercitu peteret. Nam quid præter Radi-
robanem urgeret Argenidem? At vero a-
pud omnes pro flagitii infamia fore si de-
ferret Hyanißem, & veluti traderet hosti.
Mittendum ex fidis hominibus aliquem
qui interim Argenidem solaretur, & ne-
gotii admoneret, quod necessarium for-
tuna objecerat. Quod si non impetu hoc
bellum veniret, sed tempore traheretur;
tunc se pace Regina, relicto in Mauritania
præsi liò, cum copiarum parte discessurum
ex Africa. Neque parvum manendi inci-
tamentum erat Radirobanes, veluti fatalis
hostis ubique objectus: Vlturum enim se,
specie vindicandi Hyanißem, dolores qui-
bus ille Argenidem cruciaverat. His pau-
lispen pen atis, Regina in hunc modum
respondit. Quod silentio meo suspensam
te habui; ne crede, Regina, me ambigua
consultatione versasse an esses relinquen-
da; id est, an paulo nequior ipso Radiro-
bane esse possem. Sed me prædonis, non
nunc primum apud me damnati, scelus
monuit; rursusque mea sortis felicitas, quæ

meos errores propitia huc advertit. Nam seu te, Regina, seu causam, seu benevolentiam in me respicio, tanta verecundia tibi devinctus sum, ut negare nil liceat. Quando igitur ita res tuę sunt, omnia mihi posthabeo; Vtere regni mei viribus; sciasque in te colenda nihil me tuo filio cessurum: neque impune, me vivo, futurum Radirobani, quod tuam velut orbitatem provocavit.

Adeo hæc lata vox Hyanifbæ & Proceribus fuit, ut in Cœlestis suæ ædem plerique decurrerent, omni suffitu gratias habituri de adventu Poliarchi. Nec religionem popularem averfata Hyanifbe, etiam Poliarchum provocavit ad templum. Concitata juveni erat ex maritimo periculo pietas, uti nec invitus ad numinis Afrilimen accederet. Vidit ergo, & amoris sui vota illi Cœlesti commendavit; quam, seu Venerem, seu Lunonem existimes, virginis specie factam leo vehebat, oculis in altum erectis, pectore quoque & primis pedibus in sublime ita versis, ut in cœlum eniti videretur. Cœlestem Venerem, Parcarum natu maximam, primi Assyrii coluere. Hinc non longe ad Tyrios potuit commeare religio, & ab iis inter Carthaginis auspicia Africæ tradi. Tunc quidem in honore præcipuo Mauris erat: & sub signo istos versus marmore inciderant, quibus non modo illa Dea, sed & Africa celebrabatur.

*Ne cælum, ne Diva tuo subvecta Leone
Irrupisse velis. Magis hic tua limina serva,
Limina, qua votu meritoque implorimus
auro.*

*Tu si Diva faves, Libycis non finibus illa
Præstet humus, cui Sidonii de lictore Ponti
Virgo tulit nomen falso subvecta juvenco:
Aut molles Asia tractus, qua Martia mul-
tum*

*Frangitur, & blando lascivit sydere Virtus.
Aspice quâ lætis gæstât sese Africa farus,
Illam in gens curvis Nereus amplectitur ul-
nus,*

*Ceu cufros, totamque videt: Ni faucibus ob-
stet*

*Vna Pbaros, geminumque solo discriminet
æquor.*

*Ridet cultus ager; facili sata credita sur-
gunt*

*Fænore; magnanimi celebrant deserta Leo-
nes:*

*Et dentes strident ebora inter candida sylva.
Hesperidum hæc fulvos genuit terra aurea
ramos;*

*Hesperidumque Atlantâ patrem, qui verti-
ce magno*

*Ardius in miseræ cælum descendere gentes
Non sinit, aut tactis sordescere sydera ter-
ris.*

*Hic tepidus lavit nascentem Pallada Tri-
son.*

*Hic & fatidicus mediis in Syrtibus Ammon
Haud*

*Hand sitit, & multa velat sua cornua
sylva.*

*Nos pater Armipotens, nos & Iunonia
servant*

*Numina, nec montes spernit Deus ales
avitos.*

*Tu quoque, Cælestu, Genitrix tu maxi-
ma rerum,*

*O adsis: Libycas & qui jam dicere dotes
Certabunt, seu Musa chelym, seu summa
Apollo,*

*Te, Dea, te primam, & tecum tua mu-
nera narrent.*

Nuncupatis apud Cælestem votis, reli-
quum diem belli cura absumpsit. Quin-
quaginta varii generis navigia erant Po-
liarchum comitata. In iis ultra duodecim
armatorum millia ferebantur. Pars classis
tempestate debilis in arenam subducta;
alia, pelagi fluminisque observatura con-
finium, cum Mauritaniae triremibus in
stationes divisa est. Trabes, remos, & cum
funibus vela, omnia denique armamenta,
ingens festinatio conferebat. Inter ma-
re & urbem delectus castris locus; & addi-
ti Gallis Mauri vexilla in eodem fixere
Principio; induti more gentis ferarum
ingentium pelles, elephantorum terga
curvantes in usum clypeorum: Pau-
costamen hos esse Poliarchus dolebat.
Nam vix ad tria millia scripti milites erāt:
Cives autem, castris inepta multitudo,

intra Lixam cum armis ad mœnia aggeresque servandos continebantur. Neque ille dubitabat, quin cum Gallicis quas advexerat copiis posset debellare Radirobannem. Sed si bello, non prælio opus erat, quid faceret in Siciliam iturus? Solusne profisceretur? an suos milites secū abveheret, quos Hyanisbe propemodum solos habebat? Huic curæ intentus, constituit hortari Hyanisbem, uti gentilem aciem ampliori delectu adornaret: Non quasi Radirobanis metu, siive discessus mentione injecta; sed veluti transferendo in Sardiniam bello, si forte timidioribus mutatus consiliis hostis cessaret.

Igitur postera luce, de belli ratione cum ageret, suavit, uti tributum in belli apparatus Mauris omnibus imperaretur, quo Regina pluribus cohortibus, atque turmis, gereret bellum; Numidas quoque qui in vicinio erant, mercede conduceret. Vtilissimum consilium (retulit Hyanisbe) & quod meæ etiam menti succurrerat. Sed quis locus convocando nunc ex rota gente concilio, cujus necessaria est tributis indicēdis authoritas? Stupuit Poliarchus, liberis regnis assuetus. Non ergo jus regium, non regionis discrimina, satis populū cogere ad tributa; nisi ipse per homines à se legatos consentiat? Scilicet nervos imperii, id est, ærarium, in potestate populi esse; Hunc arbitrum rerum, & suorum Regum

Regum Regem , uno hoc jure publice omnibus cœptis, consiliis, viribus moderati? Certe non regândi veras leges hoc patî; non cum summi imperii nomine convenire. Cœpit deinde hortari Hyanisbem, ut excutere anniteretur pessimi moris jugum , quo sceptrorum libertatem Mauri adstrinxerant. Et tentandi, an id populus pati posset , tunc commodissimum tempus esse, cum externo pavidî bello , crederent pensione quam Regina imperasset, se salutem redimere: Videberis, inquit, non novandis quidem rebus intendere vim regiam , sed sub discriminis articulo extraordinaria quidem, sed necessaria ratione id æris impetrare à civibus. Quod si successerit, præjudicio utique erit , ut & in cæteris periculis , nihil rogato populo, idem necessitatis terror ad tributa sufficiat. Et, uti quamvis averſæ aut fastiditæ rerum species ipſo usu nobis conciliantur; paulatim aſſueti patientur ex uno Regis suffragio rem pendere , magno quidem ipsius populi commodo , cui sæpe libertatis umbra illuſit.

Scio, retulit Hyanisbe , multum mihi proliques accessurum, si hanc nobis potestatem pararem. Sed nec unquam absque discrimine ea novitas proferetur in populum, & nunc omnium minime, cum in hostem concitandi sunt animi ; jamque satis externi est mali , absque civili discor-

dia. Ædepot efficacius Radirobani pugnarem, quam ille omni exercitu quem parati. Nam & Maurorum contra me studia accenderom, & illi placarem. Dii præterea obstant ne hunc morem violare aggrediar, quem omnino existimo sanctissimæ æquitatis plenissimum. Quem autem? subicit Poliarchus. Ne, inquit Hyanisbe, inconsulto populo aut invito ulla tributa Rex imperet. Placerne Regina personam nunc exuam; quæque sæpe in hanc rem audiui, aut ipsa cogitavi, recenseam; vel ut mecum sentias, vel ut errore me liberes? Placet, inquit Poliarchus. Patrocinare illis, qui nec perdi nisi propriæ potestatis licentia possunt; nec servari nisi ad obsequii reverentiam adaesti. Simul se ad audiendum composuit, juvenili animo indignatus id, quod tantopere sentiebat oppugnari: Neque ratus Hyanisbem tam ex animi sententia loqui, quam subductæ potestatis pudorem specie æquitatis tegere velle; quasi sublevaturam suas angustias, si ad sortem, ad quam ipsa adigebatur, alios Reges damnaret.

At illa: Principatus conditos scimus, uti, vi sublata, quæ omnia ad potentiores trahebat, ex naturæ & rationis imperio agantur res humanæ. Quid autem ad naturam magis putes accedere, quam uti quisq; opibus industria sua partis fruatur, aut rationi civili commodius, quam ut intel-

intelligamus quid nostrum quidve alienum apud nos sit? Atqui de medio utrūque tollimus, si, quæ cives sua diligentia peperere, vindicamus uti lubet ærario, facimusq; ne sciant quantum ex domesticis opibus Regi, quantum sibi jura attribuant. Qui enim id sciant, cum non hoc suum, ac ne legis quidem arbitrium sit, sed Principis duntaxat unius, cumq; tributo semel exacto, adhuc ipsi simpliciter suis bonis non gaudeant, quæ aliis scilicet Regis edictis possunt rursus delibari? Mistæ hereditatis atq; confusæ, quot mala sint si ignoras, respice ferventia litibus fora. Hanc cōmunionē, hoc chaos, non amici, non fratres diu ferunt. Ipsæ denique uxores scire volunt, suis ex bonis quid in maritum transferant, quidque sibi recipiant. Quis igitur diuturnam & publicam pacem speret, si quæ Rex adimit civibus facit suæ; quæ relinquit, adhuc habet cum illis communia?

At vero ubi tollendi tradendique fines sunt, ea æquitas à natura præscripta cuiq; familiæ limites suos, jura officia, designat. Spes deinde placendi, & aliquid utrimque impetrandi, mutuam necessitudinem insinuat inter Regem ac populum. Quippe populus, ne Princeps commissum sibi ferrum summo jure stringere amet, ne temere ineat vel bella vel paces, ne imperitis aut levibus publica munia dividat, sponte

sponte regiam gazam de suo implebit. Erunt hæc præmia, quibus Principis virtutes donabit; simulque præteritis beneficiis gratiam referet, & futura merebitur: Rexque vicissim non committet, uti cives sævis aut externis moribus lædat, nihil quoque, si durius cum illis agetur, de suo concessuros. Hæ sanctissimæ sunt habentæ, quæ Regem populumque jungentes, utrimque ab injuriis & superbia arcant luxuriaturam potestatem.

Sed opus est scilicet ære ad quotidianos Regiæ sumtus; & ex magnificentia Regum de viribus & opulentia regionis exteri judicant. Quid præsidia? (inquies) quid classis? vix ullum profundius mare quod ingestas opes absorbeat. Equidem vera hæc esse, experimento quoque comperimus. Sed nec ullis Regibus tam anguste à populo legem dictam existimo, quibus ad hæc regni munera atque insignia non opes sufficiant. Ingentia illis patrimonialia, & si probe curentur satis dignitatem asseritura. Portoria quoque non pauca, licitatoribus magno redempta: His pleraque præterea jura & in aliis gentibus aliisque diversa sunt. Hæc gaza, hæc opes, Regi ad splendorem sufficient, si regnare solus volet; nec prodigis animis, quos insane aut serviliter amat pene in purpuræ communionem asciscere. Ast ubi tam perdendi quam rapiendi aviditas illum invasit;

vasit ; uti nec assuetæ & legitimæ opes, ita nec ulla tributorum acerbitas tantam voraginem explebit. Subeat imperia populus, suam operam suosque labores in ærarium conferat ; at is Princeps (uti de Eri-sichthonis fame pueris narramus) semper vacuus, & erectis in futurum votis, egebit. Eo quoque profusior quo facilius credet rediturum sanguinem confecto ærario. An ergo miraris abstinere populum nihil profuturo obsequio, & negare proceribus paucis qui Regem circumfident, opes sibi & liberis paratas ; quas tamen & Regi donabunt, ubi illas jam non ex prodigæ mentis morbo, sed efflagitantibus patriæ rebus exposcet.

Audio quoque, in gentibus quæ patientissimæ tributorum sunt, minus illo obsequio Regibus agi quam creditur : quia patrios fundos, & quicquid Regibus in domestica hereditate est, paulatim hæc faciliior popularis pecuniæ ratio atque fiducia evertit. Negligi enim patrimonia illa Regum, tanquam angusta, aut laboriosa, aut deniq, ad privatorum sortem accedentia, incipiunt, mox in gratiosos homines dividi, pignori dari, veraque aut simulata emtione excidere. Ita Reges innocentissimum vivendi gentis omittunt, de suo vectigali ; aliudque instituunt, proximum prædæ ; nec tam auctis quam mutatis opibus, tamen veluti victores ferociant.

An denique legitima regna à sævitia tyrannorum distinxeris, si utrobique res suas precario cives possident? miserorumque hominum tota interdum cum suis laribus supellex, de exhaustis domibus rapta, sub hasta & præconibus prostat? Nec invidiam facio vani spectaculi mentione, si vera retulere qui in regionibus fuerunt in eam sortem Regi obnoxii. Quod enim viritum impetratur, uti leve sit opulentis; at rusticos, at colonorum tenuiores, sæpe sic premit, uti non penu, aut stratum relinquat in quo saltē perculsi cōquiescant. Quid hoste victore expectarent acerbius?

Tetigit Poliarchum de agricolis invidiosa narratio. Itaque non passus plura dicere Hyantisbem, ita orsus est. Nollem isti (Regina) per quos hæc crudelium, uti memoras, tributorum fama ad te allapsa est, maligno compendio tradidissent rem obscuram: sed aperta rei serie essent usi; quæ tam Reges, quam ipsum vectigalium morem absolveret. Numquam enim Regibus est animus hæc edi crudelitatis exempla, quæ memoras. Si vero Quæstiores ac ludices forte interdum atrocius quæ jussa sunt extorquent; aut qui viritum indicunt, quid de tributo exolvere quemque oporteat, iniqui in nonnullos extiterint; An ideo Regibus tributisque tam sæviter irascendum? etiamque solvendi in totum publicæ rei nervi, qui ex ejusmodi vectigalibus

libus constant? Esto enim. Pone eos errare qui dividendis in singulos oneribus sunt delecti: Adde in capiendis pignoribus præter modum sævire lictores: Facias quoque, si placet, in crimine esse Reges sub quibus hi mores rigeant; At nihilo iniquior erit ipsa potestas Regum, jus, inquam, de quo agimus, indicendi vectigalis. Nisi forte justæ res non sunt, aut leges, aut jura, nisi cum iis juste utimur, exuuntque naturam ad virtutem eorum, aut vitium, quibus commissa sunt. Quid si populus jussit tributum tibi conferri? Nihil magis legitimum, inquires. Sed in eo colligendo, si, uti sæpe fit, injustius duriusve cum civium aliquot agetur: An post hanc injuriam legitimum esse desinet, quod consensu populi ratum fuit? Nemo verorum Regum est, cui inconsulto populo belli indicendi pacisve firmandæ non summa potestas sit. At si temere eo jure utentur, hostemque intempestive facient, aut laceßent, quanto id populo damnosius erit, quam ulla tributorum aviditas? Neque tamen, ô Regina, hanc ideo armorum potestatem negabis esse justissimam, quod eam, uti constat, possumus iniquissime usurpare: Vt inde intelligas, ex ingenio aut scelere hominum non æstimandam esse rectitudinem legum ipsarum.

Ajebas, daturos operam Principes modestia, cæterisque officiis, ut in suarum
virtu-

virtutum præmium ferant sponte à civibus tributa. Nescis enim quibus maxime Regibus apud populum sit veneratio. Quam sæpe rectas artes despiciat; falsisque virtutibus aut splendidis vitiis decipi amet; uti deniq; ejus studia à salute publica divertant. Imo adulandum plebeculæ erit, & ex illius libidine capeßenda negotia, uti deserti officii mercedem Principibus constituat. Frænum pretio removebit; pretio lasciviet, & peribit. Male agitur cum rebus humanis, si non bonis sed plurimis placere Reges volent.

Salubriores fieri aquas putant, ubi ex puteis assidue hauris; quæ, si cessas, aliquo veterno emoriuntur. Haud disparis fati vires & animi vulgi sunt. Ipsa laboris assiduitate crudeſcunt, & ignaviam odere; ocio corrumpuntur. Num igitur utilissimos neget stimulos esse, qui ad diligentiam omnium virtutum fecundissimam eos adigunt, & ad negligentia torporem non sinunt connivere? Atqui nulli ad eam rem acriores quam hæ Regibus pensanda pecuniæ. Quippe si socordia amore, vivere parce, & negligere corporis cultum maluerint, quam labore opulentiam parare; non ideo in remissionem solvilicebit: sed à sui cura abeuntibus, præsto erit hic Regibus, aut verius patriæ, debitus labor, quo pensionem parent haut dubie à lentis etiam aut invitis exigendam. Ita dum

dum coguntur ad alienæ utilitatis operam, pro se quoque assuescunt laborare. Mox illos plusquam pro se aut pro Rege tenebit ipsa laboris & industriæ consuetudo. Hinc artificiiis cultus, hinc corporibus & animis vigor, & in pari omnium assiduitate, regionibus opulentia non mollis atque luxurians, sed virilis & robusta. Eadem opera rudis plebs atque incondita, sparsique in agris ad pascua aut aratra homines, domiti, labore sensuque sortis suæ monentur, se obsequio, non imperio genitos esse: Qui, ubi non in usu aut potestate Regum sunt illa tributa solertiam sollicitatura, sæpe feroces, nec magistratibus tractabiles, stolide aut periculose superbiunt. Nempe ingenia quæ virtutibus non impleveris, vitiis vacant; veluti cessante cultu ager, quem messibus onerare timueris, se inutilibus herbis sponte exhauriet.

Finge tamen esse leges, quæ negligentia & ocio multam dicant, suoque satis ingenio vulgus acui ad laborem. Demus præterea, populum judicio non carere, & Principe justam utique opem petente suas impigre opes collaturum in publicum; Quid vero si occurrunt quæ & subito peragi debent, & nisi publicis sumptibus non possunt expediri? Dum monetur populus, dum delecti vocantur, aliquot mensium labor est, & religiosum hunc ordinem non expectant negotia; effluitque

inter moras reigerendæ occasio, aut ingruit malum quod præsentibus repulisses stipendiis. Quid dubitas, Regina, velex statu præsentem agnoscere, quam iuste de moribus illis querar? Instar hostis externus: Bella non auro minus, quam ferro geri solent. Quia tamen citius aderit hostis, quam populus conveniat, deerunt tibi publicæ opes, quibus alas exercitum, & ex vicinis gentibus auxilia contrahas.

At nec subita modo Regibus occurrunt; sed sæpe secreta, quæ & interest non vulgari, & inter hanc tamen quærendæ pecuniæ rationem, regi vix possunt. Voles invadere in hostem imparatum, aut, quæ olim tua rapuit, inopinato recipere? Interestne, ille aut omnino vicinia consilium intelligat? In hanc rem igitur dum necessarias opes queris à populo, indicisque consilium, an proferes in publicum tuæ mentis arcana? At simul tuorum conatum, velut animam in ventum effuderis. Sin vero (ut oportet) habebis hanc molitionem tibi secretam; quid causæ ad populum afferes rogandi tributum? quid, si lentus est, impellendi? An præterea annulas circumgentes, aut illos omnino quorum interest rejelle quierum, incuriosos fore vel sægnes existimas? Quos utcumque fefellisses, consueta, nec strepitu publicisque rumoribus notata, potestate exigendi tributum; hos ipsa conventus celebritas, i quem ex omnibus pro-

provinciis cogis, quique ignorari non potest, ad suspensiones, & sui curam, erexerit.

Si vero (quod sæpe fit) non civibus cum Rege conveniet; si contemptu vel odio eum lædere amabunt, illiusque consilia quamquam recta despicient; quid rebus tandem fiet? Vti si qui imperiti dum hostem ferire statuunt, seipsos obverso telo transverberent: Ita populus suo & patriæ jugulo imprimeret vulnera Regi in viso destinata; negatis stipendiis, quæ reipublicæ tempus efflagitat.

Quid denique regiam potestatem, quâ omnium potissimam vel ipsi fatentur, qui nolunt experiri, ea debiliorem statuimus qua alicubi Optimates potiuntur? Certe enim in gentibus in quibus Senatui summa potestas est, non consuli, non rogari populus solet, velitne ac jubeat rempublicam suo ære esse adjutam. Decernunt ipsi Patres, sanciunt, imperant; & populum nolunt ad tantæ potestatis gustum attolli; quæ, si recte sentimus, prope summa in civilium rerum momentis est. Cur autem id illis juris sit, & ad Reges non pertingat? Si, inquam, legum condendarum Regibus jus est, non minus quam in ejusmodi republica Optimatum concilio; si non in cives angustius mortis ac vitæ arbitrium, si par denunciandi belli, aut fœderum iciendorum auctoritas, (quæ apud homines gravissima censetur:) cur tantum

una hæc impar indicendi tributi potestas sit? Quæ leges, quis populus ita iussit? unde origo discriminis? aut cur Reges agnoscant populi fasces, quos optimates premunt?

Poterunt tamen avidi aut negligentes æris Principes peccare in populum. Certe enim, & in cæteris etiam rebus, quas non ideo juri eorum detrahimus. Vbi candidus ille, ubi innocens ensis, quem in immeritum vulnus non possit gestantis temeritas urgere? At regionem exhaurient contracto undique auro. Rara hæc (si continget) & brevis injuria: Cum sub Regibus solis sint, qui in ærario extruere inutiles cumulos amant; adeoque à Principum genio id vitium dissentiat, uti vix duos serie junctos adhuc infecerit. Sub his vero qui sunt in exigendo largiendoque immodici, quamquam iniquissima libidine plurimos lædunt, hoc saltem publicarum injuriarum lenimen est, quod ut Oceanus exceptas fluminum aquas, nebulis imbribusque reddit terræ; ita illi per proceres quibus indulgent, subinde remittunt in vulgus quicquid exsuxerant. Quamquam porro ad publicam pacem est, ne civium in se fidem Princeps immodicis vetigalibus laceſſat; ramen, si calculum ponis, rarius gentes seditionibus atſiſſe reperies, quibus ad tributa ferenda satis est Regum nutus, quam quæ se ipsas ad illam patientiam

patientiam non comparaverunt. Adeo sæpius in publicam peccat pacem vulgi sagina, & quædam imago nimirum libertatis, quam vel duriorum Principum læva severitas.

Pudebat Hyanisbem fateri se tam subito esse mutatam. Quippe haud ægre persuaserat Poliarchus jura illa Regibus deberi. Ergo molliori sermone & perfuntorie quæ audiverat refutando, paulatim in eandem sententiam concessit, & hortante Poliarcho statim occultam iniit viam parandæ potestatis. Præcipuos suæ Lixæ Magistratus jussit acciri, breviterque memorato bellorum quæ instabant discrimine petiit, uti sibi confestim talenta centum magna ex civium ære conficerent. Illico parvere; satis periculi imagine ad omne obsequium compulsi; & fœlicissime celeritatis fuit, quod intra biduum comportata pecunia tanto exemplo reliqua oppida impulit ad ejusdem officii curam. Liberalitatis etiam & munerum causa ob natalem Hyanisbes geminabatur, qui opportunè tunc incidit. Is dies, quamquam tanto in motu, omni remissione cultus fuit qua pacis ocia celebramus. Commesabundi in urbe & castris seque & pocula coronaverant; adeo uti sub noctem Gelanor, cui credita erant castra, Poliarcho nunciaret, eam licentiam sisti non posse. Ille ad vallum properavit, haud ignarus in

bellis nullum fortunæ tempus dandum,
 quo ipsa subitis casibus utique gaudens,
 possit improvidos merentesque percellere.
 Sed plerisque jam domitis mero somnus
 irrepperat. Iacebant inter vina; aut
 accipiendo inepti imperio cantabāt: Nec
 Mauri quidem tantum, sed & Gallorum
 vulgus. Poliarchus Gelanoro, cæterisque
 compotes sui erant, castra atque vigilias,
 & ebriorum hanc turbam, impense com-
 mendavit: Utique erat festissimum ingenii,
 cum in urbem rediisset, libens versus aspe-
 xit, quibus unus suorum Druidarum in-
 temulentos sic lufit.

*Venit ió numen! festo Deuseccetumul-
 tu.*

*Ecce Deus. Lati Bacchum advexere fu-
 rores*

*Tæmpineo insignem curru, quem tigride
 multa*

Axis agit, cæli spoliis armatus Eoi.

*Æra sonent campis, omnique à fronte
 corymbus*

*Nutet, & attonitam rumpant cava tym-
 pana noctem.*

*Venit ió numen. Nimius quatit omnia
 Bacchus.*

*Hic trepidi postes pulsataque tecta rece-
 dunt;*

*Hic hedera, hic picto saliuat monstræ
 ebria cælo,*

Et quicquid timidis Mincidas induit alis.

Non

*Non magis Odrysiæ cum nox Trieterica
matres*

*Impulsi, aut Tyriam stimularunt Orgia
Dircem,*

*Arva fremunt, spumat multo cratere
vocatum*

*Numen, & imbelles ardent concurrere
thyrsi.*

*Non tamē hic cades, fata aut Penthæa,
Bacchus*

*Attulit, erranti truncum vel falce Lj-
curgum;*

*Sed trepidos gressus, blandoque papavera
somno.*

*Forsitā & timidus ignota audacia mētes
Implet, & expulsa mirantur cedere cura.
Ecce jacēt nullo perfusa sanguine turba,
Victoremque suum perflant; secura ma-
lorum*

*Fortuneque cohors. O captis numen ami-
cum*

*Gentibus, & tanto fœlix insania lucro,
Ni brevis, & primos expiratura subortus*

*Sed nec remiges, militesque, tota classe
minor læticia, ac deinde sopor invaserat;
adeo ut ægre deinde proprio periculo, &
pene vulneribus, ponerent somnum. Ipsa
enim illa nocte adventans Radirobanes,
ferociter à mari in capacem fluvium egit
navigia, strenueque oppressis qui pauci ad
custodiam vigilabant, totū littus ripam-
que obtinuit. Præsidarii relictis navibus*

ad castra confugiunt, aut amentes terro-
re, ad portas civitatis tam tunc sibi quam
hostibus clausas. Alii triremes in altum
impulere, qua hostem abesse silentium
monstrabat. Radiobanes suorum pluri-
mis confestim expositis, imparem quoque
dato terrori civitatem fore existimans,
milites distribuit, qui in littore consiste-
rent, quique scalis niterentur per mœnia.
At non Gallis, & Afris, qui in terra confe-
derant, formido eadem, aut fortuna, quæ
classiariis fuit. Gelanorus audito tumultu
in littore, jubet passim excitari dormien-
tes. Multis somnus mentem reddiderat,
aliisque periculum. Ipse dispositis per val-
lum custodiis, & Micipsæ commendatis
(dux ille Maurorum militum erat,) cum
parte suorum hostem, jam veluti victoria
securum, aggressus est. Radiobanes postea
quam intellexit adhuc esse qui sua defen-
derent, haud nescius locorum iniquita-
tem ignaris & advenis intempesta nocte
timendam: revocari suos iussit; satis egis-
se visus quod æquore victor, statuere pri-
mo impetu posset in arenam tentoria.
Facilem quoque in crassinum victoriam
augurabatur, ignarus cum Poliarcho de-
cernendum, & Gallicis turmis. Contentus
etiam Gelanorus, à castris & urbe prohi-
buisse hostem, non perripit ad eorum sta-
tiones; prælioque nocturno, præsertim
absente & inconsulto Rege, abstinuit.

Prima deinde luce Poliarchus, qui apud
 se non erat ex cladis nocturnæ dedecore,
 suos ac Mauros, ad concionem vocat. Ibi
 questus militare flagitium esse admissum
 ab iis qui servaverant maria; adesse exer-
 cines jussit quotquot ex Gallis à classe au-
 fugerant, eosque in fortuitam seriem di-
 gestos decimi cujusque expiari supplicio.
 Eadem Regina severitas in suos Mauros
 erat. Sed cum iam numerari dicerentur
 ad pœnam: illa pro Gallis, ipse pro Mau-
 ris, oravit. Ita leviori infamia, & in delictis
 militum assueta, (nam inultum facinus
 non esse intererat) quibusdam aliquid san-
 guine de lacerto missum est: fossam alii
 seminudi ducere jussi: alii pari cultu stare
 in foro, sui spectaculum civibus præbituri.
 Et quamquam id tempus egebat militi-
 bus, relictis sunt tamen eo die ad dedecus,
 uti cæteros animadversionis timor acue-
 ret.

Iamque ipse Poliarchus coccinea insi-
 gnis chlamyde eminebat in Numida e-
 quo, nudumq; verticem huc illuc osten-
 tans, sui reverentia & spe vincendi omnes
 ordines implebat. Relictis deinde qui regi-
 am, qui mœnia, qui claustra portarum
 tuerentur, ad castra cum cæteris processit;
 militibus ex imperio Gelanori jâ in ordi-
 nes passim euntibus. Quippe & leviter ar-
 mati justè pugne initia utrimq; libaverāt,
 & Radiobanes totam aciem instruebat;

longe animo vultuque commotior, ex quo à captivis audiverat illic unū ex Gallicis Regibus esse; & Poliarchum appellari. (Nam eo nomine ille censerī volebat, quo apud exteros se celebraverat in tenuiori fortuna.) Statim Radirobani occurrit, ita juvenem vocari cujus amore capta Argenis sua fœdera despexerat. Sed an is ipse esset, haut immerito ambigebat, quia & multis idem nomen poterat convenire; nec de eo Selenissā ut de Rege meminerat. Ac ut maxime Rex esset; unde tunc ille in Africa? quis Deus hoc æmuloꝝ par composuisset ad certamen? aut quod rixarum ingenium, ut idem occupato Argenidis animo intervertisset suas spes in Sicilia, & nunc veluti ex compacto adversaturus consiliis suis in Mauritaniā venisset?

Sed imminens prælium dilatam & ot cogitationum seriem vertit in iram. Planities modica erat à loco quem castris Radirobanes infederat, ad vallum Poliarchi. Hæc ad pugnam destinata, armis undique & signis fulgebat. Vterque Rex dexterum cornu suorum tuebatur. Lævum Sardonum regebat Virtiganes; & honori Maurorum Poliarchus dederat, ut in lævo senex Micipsa, magni in illa gente nominis, imperaret; Huic tamen additus Gelanorus; ut vigore ætatis sufficeret ad ea quæ ætas in Micipsa detraxerat. Annotatum est ad victoriæ ingentem fiduciam, Gallo-

rum

rum Maurorumque paucissimos in pro-
cinctu nuncupasse testamentum. Adeo
non vincere modo , sed & frui victoria
sperabant. Vbi signa cecinere , initium
pugnæ à sagittariis fuit. Sed fervidius
quam ex Imperatorum præceptis campo
decurso, totæ acies ad pugnam coierunt.
Sic ademtum spacium sagittis fundisque
est. Vix locus ad hastas phalangibus ; vix
satis vertebantur equi in turmis. Ita o-
mnibus primo ardore concitatis , nemo
tamen aut vires Poliarchi aut animum
æquabat ; quamvis & Radirobanes æmu-
latione terribilis memorabilem pugnam
ederet , & multi suis ducibus digni lau-
darentur vel sua vel hostium morte. Luc-
bant plerique insontes paucorum insa-
niam , & , quod tristissimum bellorum
nefas est, non ex offensa, vel odio, sc, parti-
tione fortunę habebant quibus vitam eri-
perent.

Iam sanguinis multum erat , cum fatis
adhuc plurimum necem properantibus
visi sunt Dii intercedere. Quippe ea nubi-
um caligo condidit diem, ut veluti ad in-
tempestivam noctem plerique horresce-
rent. Fulminum deinde strepitus, & de-
currentium fulgurum minæ , ad religio-
nem metumque furorem in alternis cædi-
bus bacchantiū convertit. Sed adhuc im-
plicitos, dubitantesque Diis parere, acti in
vesaniam elephanti diviserunt ; quos
Hyannisbe

Hyantisbe jussérat cum frontalibus cristisque & turribus promoveri in aciem. Ple-rique eorum nuper in venatione capti, & adhuc propemodum rudes, nondum libertatis & ferocitæ erant oblitæ. Adhuc vero Europæ incognita erat hæc species. Im-mensum & informe animal; pene omni-bus membris una mole confusis. Mersum caput inter humeros, nec à globo multum dispar, nisi qua proboscis in terram de-scendit, scæde promissâ à naribus, & si co-lor absit instar longi & tumidi anguis, nervorû circulis ita articulatim nexa, uti contrahi, laxarique, flecti etiam possit, & esse pro manu. Patulæ aures utrumque tempus regunt. Oculi exiguo orbe sub tu-mida fronte reconditi. Ebur, quo pretio-sissimi sunt, longe ex ore eminet, pene in-star lituorum, nisi quod debiliori parte in-flectitur.

Ad hanc formam non obstupuerant modo Sardi in quos bestię agebantur; sed & Galli sua illa auxilia haud intrepidi vi-debant. Postquam vero subitis tenebris cælum inhorruit, elephanti tam pavere faciles quam irasci, tumultuque insolito qui edebatur in nubibus attoniti, jam cœ-perant difficiliores esse regentibus; cum ingens, & pene in oculos fulgur impa-ctum, adeo eorum valentissimum turba-vit, uti repente verteretur in rabiem, im-memorque disciplinæ, sese in cursum qua
 Impe-

impetuserat effunderet. Prorumpunt & ceteri disiecti rectoribus, eumque sequuntur. Mox acrius concepta amentia, omissoque gubernatorum imperio, jam non alteri modo parti, sed omnibus hostes esse videbantur; decurrebantque per aciem inter arma & tumultum ferventes rabie; & quia exitum per tot cuneos non videbant, tanquam maculis induti quærebant libertatem. Plerique Gallorum ordines laxavere: Neque Sardis militia constanter fuit, utique postquam obvii furentium bestiarum oppressi vestigiis jacuere; quidam etiam proboscium nexu ligati, projectique sublimes in aerem. Moles illarum, & novitas, & horribile virium experimentum turbatis militibus mentem eripuit. Advenisse Deum iram, vel facta tunc primum ad dirimendam aciem monstra, audebant conjicere. Multis vidisse furantes belluas satis erat ad fugam. Longius remotos terror sociorum in vesaniam abstulit. Equi maxime consternati, nec ferentes odoris insolentiam, dominos plerumque indignantes per loca præcipitiis intuta aut hostibus egerunt.

Tantam aciem à tredecim belluis (nam omnino tot erant) fusam esse, fortunæ ludibrium fuit: quo probatum est, non plus corporum vires in præliis valere, quam affectus animorum; nec multitudinem agis ferro quam timore esse domabilem.

lem. Timebat Poliarchus insidias; suosque palantes, si qua ingruisset nova vis, tarde coituros videbat. Idem Sardi timuere. Ergo ducum, tribunorumque admonitu passim secerni cœperunt quos è diversa acie unus terror miscuerat. Multos enim in adversa agmina tam alte sive sua, sive equorum fuga provexerat, ut redeuntibus periculum esset, ne deprehensi caderentur ab hostibus. Sed uti plebeiorum memoria fatorum perierit, in paucis Radirobani fortuna memorabilis fuit. Equo ille vehebatur, cætera quidem ad bellum aptissimo, sed indocili ad conceptos pavores, quos ut raros ita habebat furori similimos. Tunc vero cum elephanti debellatas timore copias fuderunt, totius agminis equis uno metu frementibus, exarsit in amentiae speciem, nec qua jubebat dominus, sed tenax, lupatisque quibus regebatur frænis potentior, sese alte penetravit in hostium turmas. Interim recedebant versus urbem ala equitum admonente Poliarcho, ut illuc potissimum iter intenderent. Elapsi inter tumultum à Radirobane erant, quotquot ex suis circa ipsum pugnaverât, credebantque in ea mentium caligine eum una rediisse. Solus igitur & longe à Sardis divisus, ferociam animi consternatione acerrima mutavit. An fugere in cassum conaretur tot telis circumseptus? an potius captivitate redime-

ret vitam ? aut quia capto luitionis spes vix erat, spiritum temeraria & impari pugna projiceret? Respiciebat ad suorum vexilla; procul illa recesserant. Retro viam paulatim capefferet? at obstabant à tergo conferti. Dum dubitat, dum furiosis votis fortunæ maledicit, interim periculum creverat, jamque ad portas civitatis erat agmē in quo latebat; & solum restabat ad salutem, uti se unū simularēt de Poliarchi militibus esse. Multum ad fraudem juvit, quod initio prælii, ut impuni ducem & militem agere posset, omiserat regia insignia, purpureum sagulum, cassidemq; vittatam, & ea cuidam Megalosthebi traderat. Ita cū trecentis Poliarchi equitibus intravit inimicæ civitatis munimenta, hætenus quidem fraude idonea: Sed quo deinde succederet? Militibus omnibus hospitia aut tentoria sua erant. Si alicui manipulo se adderet, non lateret in paucis, qui plures, & armis occultus, fefellerat. Sin omnium consortia fugiebat, quid erat aliud quā solitudine suspiciosa se prodere?

Quamdiu igitur paucæ hæ turmæ circa forum steterunt, (illuc enim conveniant, accepturæ ducū imperia) haut ægre multitudinis beneficio tutus fuit. Sed non multo post à Poliarcho nunc us venit, qui juberet illa equitum agmina quæ urbē intraverant, ad hospitia sua divertere, & Reginæ intra urbem ea nocte præsidio esse.

Hanc

Hanc vocem Radiobanes pene exanimis accepit. Sparsum enim equites turmas laxabant, quisque occupabat notas domos. Hospites, calonesque, expediebant officia. Ipse, tanquam domum quæreret, unus circuibat omnes vicos, nescius quos potissimum fugeret, nisi quod obvii quique formidolissimi erant. Omnibus invisus, & si caperetur, solo redemptionis suæ pretio forte servandus, magis magisque auctam cum ira formidinem vix tenebat: aliquoties impetu sumto, ut hostem confessus, & aut moriturus strenue, aut salutem in præmium audaciæ laturus, prorumperet per portæ custodiam. Vna quippe tantum erat in illo tumultu, quæ curribus & equis pateret, magnis quoque copiis observata. Nemo in via accedebat propius frænum, aut intuebatur in euntem, quem non tanquam in se intentum novo horrore refugeret.

Cum pererrata urbe non modicum tempus consumsisset in illo timendi supplicio, nec differri amplius posset aliquod consilium; occurrerunt agasones cum equis dominorum, quos ad aquam ducebant. Eos Radiobanes sequi instituit, si qua eorum ductu posset ad flumen pervenire. Urbis autem situs hic erat. Altero à munimentis stadio fluebat amnis, ea parte qua itur ad mare; qua & hostes castra locaverant. At quo latere urbs erat Sardis
maxime

maxime averſa, ad ipſa mœnia pertinge-
bat lacus ingens, ſex ut minimum ſtadia
latus; duodecim in longum protenſus.
Nec erat præter hunc lacum quo equi la-
varentur aut biberent. Illic autem nul-
lum ab hoſte periculum; civitate per tot
aquaſ, niſi navigiis non pervia. Exiguam
ergo portam, quæ ad crepidinem lacus pa-
tebat, aliquot militum ſtatione firmave-
rant; aperiebantque bis de die, animalibus
adaquandis, & ad cæteros civium uſus. Ad
illam tunc calones proceſſere; Quibus Ra-
diaobanes miſtus poſtquam ſpatia unda-
rum vidit tam ingenti campo porrecta,
vix ſpem enatandi eſſe ratus, tamen veluti
ultimo horrore vires collegit; & ſic per
vota (ut deinde ſuis narravit) Neptunum
affatus eſt. O potentiſſime illorum Deo-
rum qui eadem cum hominibus elementa
incolunt, cujus dona ſunt fluvii, fontes la-
cuſq; , haſ undas quaſ ſalutis incertus nunc
ineo mitiga, ó bone. Ferant me: & in deſti-
natas ripas placide agât. Illi præterea equo
(nam & illi generi præes, equumq; excuſ-
ſiſſe à verberata humo) iſti inquam qui mihi
deſtituto pro cymba & victore eſt, ſuffice
vires, ut quem impetu ſuo hoſtibus tradi-
dit, eodem eripiat. Tum ego de Afrorum
manubiis expreſſam in ære tui beneficii
meique periculi memoriam, in Galaritano
littore conſtituam; qua tibi fanum & ne-
mus mei Patres ſacraverunt. Hiſ votis ta-

cite obligatus primum libavit aquas , in vadi commoditatem leniter desidentes; Equum deinde potu refectum paulo egit ulterius , frustra admonentibus qui cum eo erant in lacu vastam in proximo altitudinem latere. Ille autem contemplatus adquam brevissime ripā sinus undarum ferrent , utrimque calcaribus impulit equum , qui juba ferociter concussa dedit se protinus in undas , soloq; eminens vertice incumbentem Dominum ferre cœpit qua jussus est. Exclamant ex crepidine & primis undis Mauri , errorem aut casum arbitrati, & monēt qua commodius parte habenas reflectat. Sed paulatim procedebat in altum, omnibus qui id videbant, ut in miro & subito casu, diversa de eo jactantibus, nec dubitantibus quin periret. Iamque illum non vivere , sed cadaver deferri fluctibus credebant; utiq; postquam longe recesserat, & tantum ex colore adhuc aliquid supra aquam eminere noscitabatur.

At Rاديوبانem, ut timorem late circumstans periculum, ita spem dabat validissimus equus , quem voce motisque interdum habenis revocabat ad virum memoriam. Præstabant & facilem cursum aque in neutram partem obnoxie: Nam nec aliquo fluebant , & tunc solito placidiores erant, cessantibus ventis. Cœpit tamen ægrius equus emoliri aquas spiritu, videbaturque deficere , cum in mediis fluctibus

Atibus arena sublimis, neque cedens vestigio, natandi necessitatem opportune intermisit. Stetit ergo diffidens fessus aquis; totoque pectore altior, tanquam laborem miraretur, se anhelitu levabat. Sed Rex veritus ne exerciti nimio motu nervi post quietem rigerent; breves inducias ad respirandum fecit; adhucque calidas suffragines motis calcatribus egit in lacum. Suffecit animoso equo concitum corpus, undisq; & intentione natandi differentibus mortem ad supremam ripam vixit. Tunc liquente spiritu vix moratus dum Dominus sine lapsu descenderet, se in arena explicuit. At Radirobanes ad exhausti magnitudinem periculi horrens; quod in civitatem hostiū intrasset, quod per immensum inde lacū, & pene graviora ipsa morte pericula, effugisset captivitatem; novo metu excitabatur; timebatque aut terra aut lacu venturos, qui vincula, vel, si recusaret, mortem darent. Longe enim ab ea lacus ripa suorum castra erant. Sed solatio fuit quod prima nox ingruerat semper ad latebras fugamque securior.

Interim Poliarchus divisis militibus qui in urbe pernoctarent, aut essent intra vallum, ipse breviter Hyanisbæ colloquutus, non mansit in Regia; sed in castris sibi prætorium iussit statui, ad omnes fortunæ articulos intentus, si qui commode in hostē se præberent. Nec cessasset inter tene-

bras , nisi illum Sardorum consternatio Regem quærentium retraxisset ad cavendi ambigendique consilia, quia incertum erat, quæ causa tot in illorum castris voces attolleret, tot faces immensis circum campis accenderet. Namque Sardorum duces ad Regis tentorium collecti, cum mutuo interrogassent, num rediisset, num divertisset in castrorum aliam partem, quis denique pugnanti adfuisset; quis texisset recedentem ab acie; postquam quisque diversa dicebat, omnes uno impetu ad tristiora conversi sunt. Cæsum captumve crediderunt. Nec aberant à rixa: Quos cū Rege fuisse, quos servasse, quos saltem vera de eo posse renunciare oporteret. Sed maxime militum vulgus, siue cura & amissi Principis desiderio, siue insania correpti, non expectato ducum imperio, quorum reverentia ex Rege pendebat, solverunt disciplinam. Hi avios petivere campos, si Princeps crasset, compellatum reduturi; Plures accensis facibus cruentum prælio campum scrutabantur, in cadaverum ora proni, illicque timentes quod quærebant invenire. Ita Sardorum vocibus, igne, procursu, undique arva fervebant. Speculabatur omnia de castrorum aggere Poliar-chus, & seu nocturna hæc bacchantium militum religio esset, seu ullius alterius Dei furor, aut ars denique militaris in se parata, in omnia solertiâ, excubias, vota composuit.

Cate-

Cæterum in illo officio atque tumultu occupatis subito nuntiatur, Radirobannem in tentorium rediisse. Quippe ille ad ultimam lacus ripam expositus, antequam noctis caligo usum oculorum eripuisset, strenue speculatus est quo itinere pervenire posset ad suos. Tum palustrem ripam sequutus est, ut si qui instarent fugienti, inter arundines lateret. Ita lacum circumivit, & deinde extra viarum frequentiam, per fossas, aut mœnitos sepibus campos, ad suum vallum contendit. Hoc ipsum formidolosum ei fuit, quod sparsi cum lampadibus milites clamoribus cælum impleverant, nesciusque se diligentia illa quæri, omnium anxie faces & vultus fugiebat. Tandem in tentorium pervenit; Monitæque cohortes omittere ominosam jamque superfluum de ipso questionem, pari licentia in lætitiâ effusæ, omnes ad Regis fores venerunt: Quo viso cum diu plausissent, ad stationes, aut contubernia, ægre recessum est. Interim Virtiganes, Sardonumque præcipui, ad Radirobanis genua accidentes, cum fletu rogabant, quæ fortuna, quodve consilium, eum à suis tam diu avertisset. Ille prolixè discrimen memorabat, stupentibus cunctis, timoremque ambitiose promentibus. Dumque certatim omnes aut gratias Diis agunt aut Regi tanquam fortunæ factorumque victori adulantur, quidam Poëta Virtigani

familiaris, exemplo in eum casum versibus sic lusit, ut diceret Radirobanem suis Sardis esse pro Sole; qui eo absente emarcuissent, & ex restituti spiritu vultuque penderent.

*Ergo ausa sedare diem; nostrumque
tenebris*

*Sic nubes miscere palum? Quasi vivimus
omni*

*Aethere pallentis nutantia lumina Solis;
Ille aberat; pro fata Deum! seu texit
opaco*

*Hunc Soror occursum, tæli seu calle latenti
Fatidicas pronus Cyrrha descendit ad
umbras.*

*Tunc vero quātis arserunt pectora curi?
Excidimus miseri nobis. Ah cedite gen-
tes*

*Parrhasius nata facta inter robora sylvis.
Scilicet exanguis fugientem horrore se-
quuti*

*Titanem, Occiduas propius pulsavimus
oras*

*Planctibus, aeternis cen gens damnata te-
nebris.*

*Ni redis, o hominum praeses, jam fraena
remittat*

*Insuper honos legum, peccentque impune
tenebra.*

*Quid sine te gens tota hominum? quo fu-
nere damnas*

Discessu nōs Phoebe tuo? Resolubilis aer

Obtrunc

*Obruet informem spissatis nubibus orbem:
Et sese in gelidas solvet natura pruinas.*

*Parcite, mortales, lachrymis, nec per-
dite planctus,*

*Purpureum redit ecce jubar, capitisque
corusci*

*Fulget apex. Cernis radios, assuetaque
scepro*

*Brachia, & igniferas pharetra lucente
sagittas?*

*Salve cura Deum, & nostros ne descre
cætus.*

*Nec facies. Sint noctivaga nemora alta
Sororis:*

*At tu urbes hominesque habeas. Tibi cura
benignum*

*Ferre diem, & cunctas solio componere
terras.*

Postera luce invicem adversariorum vires expertis lentiora fuere consilia, uno Poliarcho adhuc prælium cogitante; Huic enim arma placebant, Radirobanis odio, & desiderio petendæ Siciliæ. Sed Regina precibus dedit, ne eo die quietum hostem laceßleret. Mirum fuit de exitu belli tam acriter Hyanisbem cœpisse diffidere; & ipsam Radirobanis temeritatē sollicitudine fuisse mutatam. Quippe animus utriusque ex immanitate sacrorum ad quæ confugerunt emicuit. Nam Regina deligi ingenuum puerum jussit, qui Saturno immolaretur. Piaculi consuetudo à Ty-

riis erat orta, qui crudelitatem moris infandi in Africa Carthaginensibus suis colonis tradiderant. Externamque & barbaram devotionem in Deos territa Hyannisbe usurpabat, quia miseri aut anxii mortales terribilia & incognita remedia arcanam vim habere existimant. Apparabatur funesti sacri ratio, insulasque victima accipiebatur. Nec Sacerdos deerat sceleratae pietati. Cum hoc vero Poliarcho nunciatum est, statim turbatus exiit, & ad Hyannisben properans; Si hoc, inquit, fœdæ sævitiae auxilium, Regina, in hostes tibi placet, patiaris me abire. Nunquam enim vires meas illi superstitioni miscebo, nec committam ut mei milites numinis fortitudinem videantur induisse, quodcunque est quod tam turpiter placari amat. Nolo, inquam, extorquere à Diis pudendo pretio victoriam, qui non de illis sunt quos debemus colere, vel averfantur hanc deceptæ mortalitatis infamiam. Proinde aut hunc ex vinculis puerum, aut me ex finibus tuis mitte. Quamquam Hyannisbe verebatur Saturnum, erat tamen præsentior Poliarchus. Ademptæ sunt puero vittæ, juvitque hoc ipsum populi mentes, quod Poliarchus non sollicitabat extrema remedia. Num enim tantus dux belli incerta ignoraret, aut nisi in proclivi sentiret esse victoriam, hanc unius pueri sanguine dignaretur à fati comparare?

Eodem

Eodem tempore, quasi superstitionibus convenisset utraque castra corrumpere, quidam senex inter Sardos illustris, (Sitalces appellabatur) olim strenuus manu, tunc consilio spectabilis, venit ad Radiobanem, qui forre cum suorum delectis varia super bello agitabat, obtulitque suum caput, quo à Diis manibus pacisceretur victoriam. Nec interest, inquit, quod privatus sum. Satis erit si me Rex meus devotebis, ut salutem publicam sustineam, procuremque. Postquam ero legitimo ritu morti sacratus, laceßam hodie cum modica turma bellum, in quo terrorem ac diras mecum in hostem ferens, cæderè nescientibus me in exitium suum perire. Nonnihil cunctatus Radiobanes ad læticiam oblata, ut sperabat, victoriæ; gnarusque hanc sui capitis devovendi vim ab Italicis vatibus efficacem censerì, effuse Sitalcem laudavit: Et, Quoniam, ait, nobis tuo interitu victoriam trades, nec poteris sentire præmia quæ mereris, at scies tuæ stirpi apud me immotam gratiam manere; ut nemo Sardorum vivere malit, quam familiam suam ad gloriam evehere quam in tua mirabitur. Age strenue; & brevissimi fati cursu redime famam, quam nulla morse extinguat. Vocavere ergo Pontificem, qui devotionis sacramentum more Hetrusco perageret; Subitoque Sitalces prætexta indutus, velato capite, super

abjectum constitit telum, tangensq; sub-
 jecta manu mentum, sequutus est omnia
 verba Pontificis, quibus adversas Gallo-
 rum Maurorumque legiones secum Diis
 Manibus & Telluri devoveret. His patra-
 tis, Tempus est, inquit, adhuc recenti reli-
 gione, ut terrorem, fugam, interitum, in
 hostes devolvam. Date levis armaturæ ali-
 quos, qui excursionis specie mecum ten-
 dant ad hostium vallum. Exciemus ad
 prælium vel eos saltem qui pro custodia
 castrorum stabunt; nostrisq; per fraudem
 refugientibus, ego pertinacia extorquebo
 mortē ab hostibus. Et meo sanguine dam-
 nabuntur funeribus; poterisq; execra-
 tos cum lubebit ad satietatem debellare.

Plerisque Sardorum quam mira tam
 certa videbatur Sitalcis oratio. Statim sa-
 gittariorum aliquot turmæ homini datæ,
 per quos hostem provocaret ad certamē.
 Sed Sitalci servus erat, diu liberaliter habi-
 tus, & charitate domini plus quam patriæ
 flagrans. Is herum insanire in tam prope-
 ræ mortis voto existimans, postquam dis-
 suadere non potuit, clam ad Poliarchi ca-
 stra conversus est; deductusq; ad illum:
 Venio, inquit, patriæ meæ proditor, &
 ab illa salutem, à te autem tuisque perni-
 ciem averfurus. Nec grandius præmium
 efflagito, quam ut illius vitam servetis, cu-
 jus mors vobis in exitium destinata est.
 Raptim deinde exposuit furiale Sitalcis
 consi-

consilium : Quo audito Poliararchus non
tam exhorruit ad religionis infernæ vim
(neque enim credebat ex unius desperati,
aut furentis, voluntaria morte totas acies
profligari) quam terrorem præverti con-
cupiit in suis facile illapsurum superstitio-
nis ingenio. Itaque indicem, si vera affer-
ret, sperare præmia imperavit; & indu-
tum Gallicis armis, vinculisque tamen co-
hibitum, sagittariis addidit, qui in procin-
ctu intra castra constiterunt, ut si, quod
servus monuerat, levis armatura à Sardo-
rum vallo procederet, ingruentes refelle-
rent. Iis autem præceptum est, ut terrore
minisque plusquam vulneribus certarent,
ne in Sitalcem, quem inviolatum præstari
volebat, temere peccaretur. Servo autem
sua & domini libertas decreta est, si matu-
re pugnantem commonstraret. Vix ea
Poliarchus edixerat, cum velitatio à Sar-
dis coorta est Sitalcem ducentibus. Illico
erupere à Poliarcho præparati; & ex ad-
verso Sardi haud multum cunctati missi-
libus, simulatione fugæ deserunt Sital-
cem, avidum perire, & mortis spe majora
humanis viribus audentem. Sed servus
inclamabat illum esse quem servari Poli-
archus præceperat. Ergo in medium tur-
mæ furentem excipiunt; & armis contexti
perferunt ictus, exarmantq; circumven-
tum. Inde abnuentē se dedere, & sollicitan-
tem contumeliis iram hostium, tamen
trahunt

trahunt ad castra: quo conspecto, Poliarchus, Melius, inquit, apud nos quam apud Deos manes cœnaveris. Necingere maledicta; quasi crudeles simus qui coëgimus te vivere. Vbi enim de hujus belli exitu disceptaverint fata, in nobis mora non erit si tunc quoque persequi mortem volueris. Sed dolo apud Umbras glorieris, quasi in tui mercedem nostra omnium fata Dii prodegerint.

Vno denique captivorum accito, ea lege illum ad suos dimisit, ut Radirobani nunciaret, bene habere in Gallicis castris Sitalcem: Igitur curam de amici valetudine omitteret; Victurum hunc saltem ad exitum belli. Nam & Tellurem, & inferos Deos, recusasse victoriæ precium quam dare non poterant. His à captivo nunciatis, accendit Radirobani cœpti infelicitas, simulque insultatio exprobrantis superstitionem Poliarchi. Necdum certus an Poliarchus ille esset quem amabat Argenis, animi tamen odiiq; augurio suspicionem fovente, verum exprimere statuit perplexa epistola, quam Poliarchus ut vanam obscuramq; negligeret; si forte cum Argenide nulla fœdera iniverat, sin autem erat ille quem Selenissa prodiderat, statim historiam agnosceret, daturus haud dubia iracundiæ & æmulationis indicia. Neque mora, & uni vicissim ex Gallis quod habebat captivos, litteras ad Poliarchum tradidit.

dit, quas detulit ille ignarus conviciorum quibus contumeliosissima cera legentis oculos implevit. Non enim Argenidi, non Hyanisbæ Radirobanes pepercerat, se mirari, quod Theocrine post contubernium juvenulæ Principis hæreret Hyanisbæ. Ut puellam fefellisset, sic ab anu justo Cupidinis telo esse deceptum. Sed se vindicem adesse Siciliæ, cui recisam simulatæ Palladis cervicem vovebat. Ita turgidus Poliarchus, nec jam magis Hyanisbæ quam sibi gesturus hoc in Radirobanem bellum, codicillos quidem pressit, cæterum tam commoto ea vespeta vultu fuit, ut constaret nihil parvum agitari. Præter conviciorum fœditatem adhuc animus turbabatur ad nomina Theocrines & Palladis, quærebatque apud se quis hæc Radirobani secreta retexisset, donec memor Argenidem ultimo quod inter eos fuerat colloquio esse questam de perfidia Selenis, ipse rem omnem inde emanasse conjiciens, cœpit frendens, unaque iracundia Radirobanem atque anum complexus, sibi de utroque supplicium destinare.

Ut vero illuxit, ferro, non verbis refutaturus injurias, exercitum in ordines jussit ire; præmonita Hyanisbe ne cui inter pugnam portæ urbis paterent. Nec se quidem de victoria dubitare, sed si qui suorum fugissent ex acie nolle se intra munimenta hos recipi. Nunquam alacrior

crior militibus visus; convenientibus verbis unumquemque affatus est. Gallis adjuta Hyannisbes quæ ipsos decora manerent referebat; Mauros tyranni odio sacra patria everfuri agebat in iram. Vtrisque spolia ostendebat, & in vicino esse Sardiniam: Quam, inquit, si in isto quem videtis campo vicerimus, obnoxiam nobis modo habebimus quo Radiobanes Africam vellet. Omnes quidem illa verba, sed plus vultus dicentis permoverant. Nec segnior acuendis militibus Radiobanes multos sibi in eam victoriam triumphos fingeat. Nam Poliarchum Argenidis sponsum esse inde crediderat, quod tam subito imminebat certamine quasi pridianus literas vindicaturus. Si hunc ergo occideret, illo ipso vulnere cogitabat & se summum de Argenide supplicium esse sumpturum, & à regno dejecturum Hyannisbé; qua subacta ipse Mauritaniæ sceptro auctus trajiceret in Siciliã, non habiturus ex hostilib. qui victoris ora ferre, aut ipsius in posterum imperiis intercedere auderet.

Hac immani spe ferox, instructos ordines admovit venienti Poliarcho. Nemo erat, qui non de fortuna partium decreturum illum diem conjiceret. Intentior ira que cura spem civium variis terroribus miscebat. Prohiberi à muris civitatis non senes poterant, non flebilior turba onerata liberis matres, quos innoxios passim

Dilis ostendebant , veneratæ ne teneris corporibus hostis illuderet?

Balearici, qui in Radirobanis acie erant, Numidas inchoandæ pugnæ præmissos suis fundis turbavere. Sed Poliarchus equites Gallos procurrere iussit , spatiumque funditoribus adimere quo saxa librabant. Numidas autem monuit, ut relicta prælii fronte leviter obirent hostium latera, & quamplurimos à pugnæ recto ordine in se distraherent. Contra Radirobanes satis agebat; aliquot turmis equitum circuire hostium cornua imperans, & à tergo incautos adoriti; Simul Gallicæ Africanæq; linguæ peritos miserat; qui tanquam Poliarcho jubente proclamarent inclinare ad Sardos victoriam , profugerent Galli Maurique. Lixam ad receptum patere. Ea vox non paucos initio perculit; risu deinde excepta est; & pari vociferatione à multis relatum est, ut fugerent Sardi. Nihil medii inter utramque aciem erat, obstant corporibus corpora; telum telo frangebatur. In tam arctis ordinibus, aut cadere aut vincere unicuique supererat. Hortantium quoque clamor , questibus fauciorum & fragore armorum permixtus terribili sono in urbem ferebatur. Galli præstabant equitibus. Sardi, & Ligures, phalange non cedebant. Sed Ducû præcipuum opus fuit. Hinc Poliarchus præter ingenium sævus, non planctus, non vota audia-

audiebat deprecantium mortem; siue aures belli ardor occluserat, siue in Radirobanem ira; qui ex alia parte perruptos vi ordines solus sepiissime intrabat tanquam oblitus erroris, quo inter hostes provectus ingratis Lixam pervenerat. Ita Sardi sub Poliarcho laborabant, cedebantque circa Radirobanem Galli ac Numidæ. Sed grandior ira Poliarchum torquebat, nec vulgari sanguine restinguenda, Vnum erat Radirobanis pectus quod maledicti in Argenidem & Hyanisben conscius suo vulnere expleret sævientem, Per suos igitur hostiumque manipulos, quærere hostem cœpit dignitati & iræ suæ parem, multum quoque inclamitans, ut si auderet, si vir esset, proprio discrimine totius belli fortunam provocatus exciperet. Vicit acrem & confusum præliantium cadentumque tumultum vox sæpe repetita aliisque mandata; & ad Radirobanem haud quietiora cogitantem allapsa est, quem hoc unum puduit, quod prior non vocasset. Ocius cætera reliquit certamina, omnibusque submotis properavit in æmulum. Non leones Africa illa, non serpentes tanto furore incitados aspexerat. Brevi tamen colloquio suslinuerunt avidas manus; Priorque Poliarchus: Ades, inquit, ô latro, da pœnas turpissimæ noxæ. Non mihi hodie elaberis, non si plenius quam Achillem inviolabili Stryge tua mater te intinxit.

Tibi.

Tibi, Domina, sacrum hoc fero, si tam turpem hostiam forte accipies. Et Radiobanes; Prodis tandem te gynæceo, molliissime amator? Sed præteritæ vitæ probra mors inter arma celaverit. Ne dubita, tanquam vir esles, jugulum dare.

Neuter vacavit alternis contumeliis prolixius respondere. Ira, quæ addere vires solet, jam nimia, impotensque, pene debilitaverat manus. Coierunt tamen pectoribus, equis, telis; non mollius quam si allisas rupibus rupes turbo conferret. Sed iactibus fortuna tunc absuit; & equi quamquam illo concursu læsi, ad cæteram pugnam non fuerunt inutiles. Circumactis ergo habenis, uterque jaculum alte amento quassatum vibravit; quod invicem parma excussum est. Supererat unicuique missile alterum: Id ne frustra periret, diu armorum aditus oculis manibusque metiti sunt. Tandem Radiobani nihil certius visum quam equum hostilem confodere; quod ne impune esset, equum illius vicissim Poliarchus ferit in capite: mox ambo veriti lapsum, aut bestiarum jam in morte insanientium fugam, velut pari consensu in terram desiliunt, raptisque bipennibus, quæ pendebant ex equis, ad certamen præcipitant. Sed suorum pietate divisi sunt. Quippe media Gallorum agmina atque Sardorum, intervenere furentibus. Hæc vero auxilia cū uterque averfaretur,

Sf

agre

ægre tandem, nec anteaquam sæpius
 sus, recessit è medio miles, Regibusq; an-
 nam restituit; qui adhuc integri, omni-
 bipennibus, læva clypeum tenere, dexte-
 ra hastam; quam ab hoste venientem
 Poliarchus eludens, certiori ictu Radiro-
 banem tetigit, vulnusque haud modicum
 fecit in latere. Stinxere inde ferrum; sæpi-
 us ita conferti, ut solo capulo ora aut pecto-
 ra liceret verberare. Nulla pars corporis,
 nulli armorum nexus intentati super-
 rant. Horror omnes, & deinde misericor-
 dia permovit, tantorum spirituum Prince-
 pes incolumi exercitu perire. Rursus igitur
 agmina coierunt, diviseruntque pug-
 naces, quod uterque in dedecus suum ac-
 cipiens, proximos cum ira & imperio ro-
 gavit, ecquid victum se crederent, quæ sic
 tegere, sic à pugna properarent eripere?

Sic militibus ducibusque, discussis, red-
 eunt ambo ad postremum discrimen, ani-
 mis quidem invictis, sed multi sanguinis
 jactura vires abstulerat, anhelisque corpo-
 ribus jam nec certi nec validi erant ictus.
 Plus animi tamen & sanguinis Poliarcho
 restabat. Memor deinde causæ quæ odium
 fecerat, nec dubius nisi vinceret peritu-
 ram dolore Argenidem, altius sustulit fer-
 rum, eoque in Radirobanis jugulum obli-
 que intravit, inter galeæ loriceque com-
 missuram. Ille se mori intelligens, festi-
 nansque ad vindictam, cursum in Poliarchum

chum præcipitat, affligitque sui corporis mole incautum, sicut in terram ambo deciderent. Statim militum ululatu cælum inhorruit, his unum, his alium occidisse, plerisque utrumque expirasse credentibus. Et quia sub premente Radirobane Poliarchus ceciderat, pejori omine mens Gallorum Maurorumque vertebatur, ut nec defuerint qui ad Hyanisben decurrerent tristitia de eo nunciaturi. Inundavere in campum confertissima turba Gallorum atque Sardorum. Nulla præfectis reverentia, nihil vexilla ordineſque tunc poterant. Suum cuique videbatur ad Reges decurrere, eosque seu occidissent, seu viverent, ab arena eripere. Adeo ut tumultuosa auxilia Poliarchum pene obruerint: Sed jam ille paulatim se expedierat ab hostis complexibus, & ultimo singultu explicitum ferro adhuc tentabat. Hunc vero ut vivere, & erigi, Galli simul Maurique conspiciunt, ingenti feroces gaudio provehuntur in Sardorum promptiores, Radirobaniſ cadaver regentium, ipsumque Poliarchum infestantiū telis. Sed discrimē brevissimum fuit. Nā & victorię lætitia Poliarchum refecerat, & Galli impigrā opem ferebant. Sensim igitur Sardi cesserūt, aliquid quoque suę virtuti imputantes quod tanta in clade à faga temperabant. Illis igitur late submotis, hostili potitus corpore, spoliisque optimis, Poliarchus sincere victor fuit.

LIBER V.

EO modo intra paucissimos dies proflicatum est bellum, longiori mole attriturum mutuas opes, nisi in cupidos Principes incidisset, & qui privati sui fati rem omnium publicam fecerunt. Cedentibus Sardis minus infestus in castra reditus fuit, quod nec effuse fugerunt, & conscius vulnerum Poliarchus properavit in urbem redire. Interim tamen, dum medici subito remedio sanguinem sistunt, de proxima arbore exscindi ramum jubet, quem aptatum trophæo, armisque Radirobanis indutum, reclinavit in humerum suum. Sic ornatus ascendit in currum, quem equi candidi trahebant; pulcherri-
moque spectaculo, circumfusus militibus, optima spolia gestans, ad Martis delubrum provectus est. Nulla enim in Africa erat Feretrii Iovis religio. Populus omnes vias impleverat, ut per subitam pompam licuit ornatus, frondibusque quacumque fors obtulerat nunc onerans manus, nunc vias qua triumphus pergeret sternens. Tunc in victorem laudes, tunc mutua de Africæ salute gratatio. Hyanisbe in vestibulo templi opperiebatur Poliarchum, cui de curru descendenti in hunc modum locuta est: Priusquam hæc spolia propitio Marti sistis, Magne Rex, sine me ea tibi dicere

cere quæ tu mox Diis. Tua virtute sospites sumus. Reddidisti liberos cœli haustus, unicuique de populo suos agros, necessitudines, lares: Mihi vero purpuram, mihi absentem filium asservisti. Exige à nobis quicquid voles, beneficio tuo minus erit. O fata! Quid quod video vulneratum, & audio non sine discrimine vicisse? Victima ipse fuisti, cujus sanguis mihi propitiaret victoriam? En igitur Radirobanem modo formidolosum Africæ, jam ingestum humeris tuis armorum suorum specie, & quo propius discrimen fuimus, nunc gratiori horrore nostros oculos perfundentem. Veni ad Deorum templa, Heros, quos olim augebis; Et sive his spoliis ad nostros tholos affixis tuam virtutem luminibus Afrorum consecras, sive tantum monumentum Diis Gallicis in patriam transmittis, scias nihil obstare quo minus aras tibi statuam, diemque, & flaminem, nisi quod te inter mortales agere quàm diutissime exopto. Hæc oratio ingenti populi plausu excepta est, inter quem Poliarachus, cum quæ suam modestiam decebant Reginæ respondisset, ad Gradivi fores venit. Adhuc cruentum de prælio religio erat ad aram accedere, Deove libare. Satis fuit sacerdoti trophæum tradidisse numenque compellare à limine, acciperet libens, & paria sæpe munera sibi dari annueret. Dū sic orat, sensim vulneribus cœpit vinci.

pleraque enim frigeant & dilata curati-
one tumuerant. Adhuc tamen, ne Regi-
nam & milites terreret, in dissimulatione
duravit, nihil aliud profatus, quam ali-
quantulum quietis fessa labore membra
reponere.

Ibat ergo ad Regiam, comitante Hy-
anthe & militum multis in eo adhuc quo
pugnauerant habitu latus utriusque sti-
bantibus. Sed nondum vestibulum subi-
bant, cum à Sardis adesse legatos nuncia-
rum est. Quippe Sardi nec vivum à se Re-
gem esse protectum, nec mortuo saltem
habitu honorem, ut in majorum tu-
mulis condi posset, impatienter dolebant.
Timor inde inter illos vulgatus est, ne ca-
privo cadaveri hostis illuderet. Igitur in
ipso tumultu, quatuor Optimates magis
suo quam communi consilio, re tamen
cum præcipuorum aliquot breviter pen-
sata, sumpserunt legationis infulas; & omni-
um Sardorum nomine Lixam venerunt.
Hos vero, Regina annuente, Poliarchus
venire & dicere statim iussit in ipso regia-
vestibulo, quasi contemnendam legatio-
nem non serio, aut per ocium, & in cultu
dignitatis, sed tumultuarie in via audiru-
rus. Unus erat legatorum cui ceteri com-
munem orationem mandaverant. Is con-
venientissimo sermone Poliarchum mo-
nebat, ut clementer fortuna uteretur; ne
contemneret tanquam victos Sardinia
Deos;

Deos; aut etiam suos duriori in hostem
 occisum lege offenderet. Venisse se repeti-
 tuos Regis corpus. Ignobilia etiam esse ca-
 dia quæ ultra mortem procedunt; nec di-
 sparis laudis fore & vitam extorsisse pu-
 gnanti, & jam victo indulgere. Meminisset
 Radirobanem Regii ordinis reveren-
 tia saltem à tumultu non arcendum. Si
 Theseum imitaretur, ne insepultos hostis
 manes pateretur errare: Sin esset Achil-
 les, contra auro vile non fore genti Sardo-
 rum Principis sui corpus. Ad extremum ad-
 didit preces, & inter viriles gemitus per-
 oravit. Poliarchus contemptim ad eo-
 rum monita respondit, secundem geni-
 um Deosque eosdem in consilio habiturum
 ad regendam victoriam, quos ad compa-
 randam habuisset. Cæterum iis qui mori
 scelere meruissent, ne quietam quidem mortem
 esse debere, Nisi forte & Dii, quos illi toties
 appellabant, defunctorum umbris parcunt.
 Horrere omnium memoriam ad Radiro-
 banis flagitium, qui captato tempore san-
 ctissima cum Hyannisbe fœdera violavisset.
 Denique; (inquit) scitote mei juris non esse
 quod petitis, Regine arbitrium est, sævire an
 misereri malit; Huic enim pugnavimus;
 hujus cum cætera victoria Radirobane
 vester est. His auditis, legati, jam cœpto diffi-
 dentes, vertebantur ad Reginam. At illa
 abnuebat usurpare licentiam quam Poli-
 archus suo sanguine fecerat. Diu ergo

altercati uter ferret sententiam, seipso & legatos suspenderunt. Sed in poliarcho vulnerum dolor moram non ferebat: sciebatque præterea, præsentibus maxime nec diu libratis beneficiis candidæ liberalitatis genium inesse. Itaque urgenti Regina, ut ipse aut absolveret legatos, aut in alium diem differret; Intelligo, inquit, ô Domina, quid sensus tibi sit. Nam si pro acceptis iniuriis ulcisci cadaver velles, ipsa palam imputares hanc severitatem tibi. Nunc præterquam quod es misericors, vis liberalitatis authorem me videri quam promissis in Sardos. Tollant sane, si sic jubes, inutile cadaver impii Regis, flammisq; non sensurum imponant, quæ viventem melius excepissent. Certe, inquit Hyanisbe; & intelligant, nullas hic esse Thebas, & Poliarchum vicisse, non Creontem: Cum autem sepulto epigramma facient, meminerint inter illius victorias, hanc civitatem bis ab ipso intratam.

Hæc modico risu locuta à legatis avertitur; quibus ex Poliarchi imperio redditum corpus est, ut erat, armatura spoliatum. Ipse tandem perfunctus publicis curis, nec amplius ingredi valens, inter suorum manus pervenit in thalamum: vixq; moratus dum lorica laxaretur in stratum se conjecit. Quamquæ medicos secum advexerat, memor tamen in Hyanisbæ aula celebres esse, sibi que, cum à peiratis læsus
illic

illic ægrotavisset, perspectos, voluit eos
 quoque advocari. Admoti igitur duo Gal-
 li totidemque ex Mauris, expectatione
 profundius læsum, mutuo inter se errore
 musabant. Præcipui periculi vulnus erat
 in latus desidens, & explorantibus du-
 bium an receptum in vitalia esset. Sub hæc
 percunctanti Regina quid sentirent; clam
 referunt, esse in incerto Regis salutem. Il-
 la prudenti dissimulatione rem tegi man-
 davit, ne qui morus in suis aut hostium
 castris existerent. Tum amplissima polli-
 citatione medicos adhortata, ne quid fi-
 dei aut artis omitterent, ipsa dum nudan-
 tur, dum explorantur vulnera, adesse ac
 videre sustinuit. Multum cruoris effluxe-
 rat, (nam & statim ac in thorum procu-
 buit, ex omnibus vulneribus proruperat
 vis sanguinis) lentoque nec æquali vena-
 rum pulsu, manus sæpe tentata peritos
 terrebat. Medicis itaque operam certa-
 tim promentibus, unus illorum, Afer,
 Themison nomine, oris propemodum
 temnendi, staturæque brevissimæ; cæte-
 rum arte sua & eventu consiliorum con-
 spicius: Nihil agimus, inquit. Aliam
 mortem Regi timeo, quam quæ istis vul-
 nerum meatibus sese insinuet. Neque e-
 nim putemus quicquid sanguinis ferro ta-
 ctum est, & loco dimotum, ab corpore ef-
 fluxisse. Sed & omnis cruor in venis ni-
 mio motu extra temperiem cum sua fœce

efferbuit: Coibit igitur adhuc calidus, turbatusque, in opacam saniem, & occupatis costis spirandi libertatem, & mox vitam, ni cavemus, eripiet. Quid, inquires, remedium? Non aliud quam ut regiam in lacerato venam solvamus. Ita laxato sanguini turbatio adimetur quæ in tabem se cogeret. Omnes ad hanc vocem horrebant. Nam qua manu, quave audacia, exhausto corpori, vitæqua vix in tantillo sanguine hærenti, adhuc aliquid eriperent? Vicit tamen medici assèveratio, eum non aliter vivere posse. Delibavere itaque venam, tristissima expectatione multorum. Singula deinde vulnera propriis remediis foverunt; quietique relictum vetuere ullorumultu ullove negotio in eam noctem sollicitari. Neque tamen Hyaniſbæ persuasum est ut abiret. Haud procul à thoro in hemicyclo acquiescens, accedebat identidem ad jacentem, nunc verita ne is defecisset, & anxie legens anhelitum; nunc servorum sedulitatem prævertens; & omnia officia exhibens vix scienti à quo tam prolixè juvaretur.

Vix demum Hyaniſbe, urgentibus suis, & deficiente jam nocte, secessit in thalamum suum. Necdum multum somni ceperat, cum Principum concursu excitatur, simul gestantium gratulari, simul quid in re nova fieri ipsa vellet quærentium. Quippe cum in Sardorum castris

tota nocte aliquid tumultus auditum esset, primo mane nec eorum viscebantur in flumine naves, nec quicquam circa vallum aut custodiæ erat, aut omnino frequentiæ. Missi deinde à Micipsa qui solitudinem explorarent, retulerunt Sardos abiisse; & preciosiora contentos avehere, non pauca reliquisse victoribus. Liquidiori simul luce extrema profugientium classis conspecta est. Amisso enim Rege, expers consilii cum cæteris purpuratis Virtiganes, non desperaverat modo victoriam, (nam cui vincerent, vel cujus auspicio; nihil unum aut velle aut timere jam adacti?) sed & ferociam hostium illo aggere sisti posse diffiderat. Præterea civilibus malis exercenda Sardinia armatos revocabat. Duo enim post Radirobanem erant qui sceptrum deposcerent, ex duobus Radirobanis patruis geniti: quorum unus Harúcora, ex juniori natus, sed senior, suæ ætatis rationem volebat haberi: alter Cornius dicebatur, nec suum nascendi ordinem, sed parentis referebat. Tot malorum præfagia, cum præterea militem spes & alacritas defecisset, ducibus persuaserunt, ut sine classico spargi per castra imperium juberent colligendi subito vasa, & Afris insciis solvendi ex littore.

Hanc fœlicitatem nunciaturi Reginae, plurimi Optimatum convenerant. quæ audita; Vtinam, inquit, hæc lætitia frui possit

possit qui eam nobis peperit ! Vtinam, Poliarche, non sim de te impensius dolitura, quam de hostium clade nunc gaudeo. Simul intra Poliarchi limen processit, paucissimus matronarum & procerum comitata. Languebat ille, vigiliæ & sopori medius, inter omnes ægritudinis summæ notas. Gemitum tamen, quæstuumve solatium, nulli dolores expresserant. Eadem majestatis constantia quæ valenti adfuerat, pene pereuntem comitabatur. Vox quidem debilior erat ; nec quæ accipi, nisi à proximis, posset : cumque Reginam vidit ; Numquid, Domina, ab hoste turbatum est ? Sive sospitem Dii me facient, brevi ulciscar contumaces ; sive umbra tantum ero, adhuc terrorem injiciam. Interim permitte rem tuo Micipsæ, & , si placet, Gelanoro. Hæc verba, quamquam tenuissimo sono exilia, eo affectu urgebat, ut in vultu videretur vividioris coloris aliquid arsisse. At Hyaniſbe ; Nihil opus, inquit, ò Rex, aliis armis. Nam quis tuæ victoriæ succedere dignus sit ? Tu rem heri consummaſti, omnium viribus in uno Radiorbane exciſiſi. Aufugerunt perduelles turpi noctis auxilio, fociis inſepultis, caſtrophum integro aggere, & præda, quam avehere celeritas vetuit, diripientibus relicta. Poliarchus ad has voces erectior videbatur, percurrente totum corpus ſenſu ſuccellus. Ergo lætitiâ vulgi inhiberi non voluit,

voluit, ad templa, ad littora, ad convivia properantis; quamquam adhuc de ipso timeretur, juberetque Hyanisbe differri publicam læticiam, donec illam sua valetudine auxisset. Totam Lixam vana ambitio exhaustit castra hostilia intrandi; & de summo littore devovendi abeuntes. De spoliis deinde rixari: ut vix Diis Regibusque servarentur primitiæ.

Cum vero attrectanda fuerunt vulnera Poliarchi, novandaque remedia, Principes amicorum, circumstetere lectum, à medicorum vultu miserrime pendentes. Aderat medicus qui pridie sanguinem mitti jusserat. Is fasciam quæ circa gravissimum vulnere erat resolvit. Nondum enim medicina trifariam erat secta: sed iidem de morbo sententiam dicebant, diluebantque remedia, & manus ægris membris aut sauciis admovebant. Tunc vero visum instar prodigii, jam saniem in pus ematuruisse. O Deorum munus! exclamat Themison; Reddite quicquid debetis cœlo, si qui pro salute Regis vovistis. Nunquam ego ad hunc diem tam certa ac subita salutis indicia vidi. Abest febris; non modo vulnera non ardent, sed tanquam in mitigatis tempore plagis pars sincera quicquid emortuum est segregat resolvitque. Omnes, tanquam ex adyto oraculum esset, illas vocas acceperunt. Amentes gaudio hi lachrymas mittebant,
hi

hi proximos amplectebantur. Deciderunt & in pavementum multi, Apollini, & Æsculapio, & Hygiæ commendantes inceptum beneficium. Nemo tamen Reginae animum æquabat. Cœlesti Punicæ hecatomben vovit, & ludos, cœpitque bona fide tunc primum percipere victoriæ voluptatem. Publice quoque tridui vacationem hilarior pietas fecit. Poema Nicopompi quod Soteria dixit, quamquam multo post conditum (quippe rem fero in Sicilia absens rescivit) tamen operæ præcium hic referri; quia, tanquam adfuisset, subitam celebrat præsentemque lætitiâ.

Vivet iô. Quid se, velut acceptura merentem,

*Augusto vacui stipant jam limite cœli
Astra; vel Elysii sperant hæc gaudia manes?
Vivet, & humanas multum dignabitur
iras*

*Scepstrigerum egregius Regum, qui cæde
tyranni*

*Gallica Sardois celebravit robora fastis.
Qua Stygis limes niveus discriminat
arvis*

*Infantes animas, nullique adcunda vire-
scunt*

*Supplicio nemorū latè convexa piorum,
Belligeri errabant manes, quos inclyta
virtus*

Exemit pennis, & tuta ad flumina Lethes
Rixa-

Rixarum oblitos sero concordia iunxit.
Dumq̃ per adversi regnum illat abile Ditis
Pœnarum infandas species, ignesq̃, rotasq̃,
Securi aspiciunt, motoque è vertice Diras
Impia terrifico quatientes sibila nutu:

Ecce recens Stygias turba adventabat ad
oras

Sanguineo informis cultu, nondumque re-
missis

Ensis, & seva crudelis imagine pugna.
Mirantur summo Elysia de margine sylva
Magnanimi Heroes numerumque habitum-
que virorum,

Telaque & creptis immania vulnera mem-
bris;

Qualia non rubris Simois lavat horridus
undis,

Dum Phrygias acies, adversaque signa Pe-
lasgum

Hinc ferus Æacides, majorque hinc submo-
vet Hector.

Tunc ita mussantes: Quod vasta in vulnera
ferrum,

Quæ ætæ valuerunt manus? Nō secula nostra
Has tulerant vires. Sic ô mortalia crescant
Robora: nec summo timeat Deus omnis O-
lympo!

Talibus intentos dictis, mox grandior
umbra

In se se advertit, Stygiis quam cymba labo-
rans

Vix celerat ripis: Necdum caligine torvos
Mu-

Mutarat vultus functi novus incola mundi.
 Quin etiam amissi superant insignia regni,
 Murice picta chlamys : nec adhuc direpta
 comarum

Vincula : Et erepto fulgebat dextera ferro.
 Sed multo informes squalet in sanguine vul-
 tus,

Pectoraque : & scissas fallunt spiramina fau-
 ces.

Haud mora , correptum , qua stat fera
 iudicis urna,

Nil veritus traxit licitor. Cessere reorum
 Vulgares animæ : vertitque huc ardua Mi-
 nos

Lumina. Terrificos sequitur reverentia vul-
 tus,

Et quanquam assuetas movit formidine se-
 des.

Ille autem iussus (nec detrectare potestas)

Tandere quæ vitæ series, quo funere raptus,
 Quid meritos portet suprema ad Tartara
 manes,

Incepit nondum dejectus , & improba movit
 Ora , memor regni. Tristes siluere cavernæ,
 Atque audituras volvit Styx mollius undas.

Si qua Radirobanis nomen fortuna sub
 umbras

Attulerat , (certe hostiles huc sæpe cater-
 vas

Egi , & rumpentes l. savi stamina Parcas)

Ille ego Sardoâ modo formidabilis Aulâ

Advenio. Me gens certis Balearica fundis,

Me

*Me Ligures timuere. Sed ô quid inutile ja-
ctem*

*Robur, & armatis insignia castra mani-
plus,*

*Si nulla extincto superest reverentia sceptro,
Et virtus hic sola valet? Quid me urget
Enyo?*

*Horrentes differ stimulos. En sponte profa-
bor.*

*Heu nimium fusus regnis, meque inter a-
mica*

*Fortuna obsequia, & primavi sanguinis
annos,*

*Mortalem oblitus, non fas aut jura cole-
bam,*

*Non superos. Deus ipse mihi, frangique vo-
luntas*

*Nescia: Tum merita nusquam mens conscia
fama;*

*Nec fidi cemitas, viliſque ad ſingula plauſus.
Quid memorem Siculo meditatoſ littore ra-
ptus,*

*Quid Libycas acies? & nullo in limite vota?
Cum ſubito mihi ſava dies, inimicaque
fata,*

*Ultroſque Dei. Simul his ſuſpiria duxit:
Et ſiluit. Sed plura ferox tunc poſcere Mi-
nos;*

*Qua ſava fortuna necis (proh triſte ſuperbis
Supplicium!) & quantus victor ſe tollat in
armis.*

Ille, inquit, quo ſe jactavit Gallia Rege:

*Eui non fama prior, cui non certaverit aetas
Vlla Patrum: non me ille tamen, non mortis
inultra*

*Dei: cit fatis. Sensit quoque mutua ferro
Vulnera, & hi raptum tarde emisere lacerti.
Nunc jacet exanguis victor, lucemque su-
premo*

*(Sic reor) obtutu querit. Proh numen! &
ista*

*Nym prior antra subit? Dixit liventia cir-
cum*

Ora ferens, casi manes ceu quareret hostis.

*Finis erat: justisq; rata sortitibus urna
Tantaleum ad laticem & refugimala pabula
rami*

*Damnatum anguicomae raptim abvexere
Sorores.*

*Spargitur Elysiis velox tunc rumor in arvis;
Te Poliarche mori. Torvus sic dixerat hostis!
Sic metuunt, sperantque pii: comitemque
ducemque*

*Te cupiunt, spondentque solo meliora relicto.
Quis prior alloquio; quis inanem tangere
dextram:*

*Quis monstrare vias, lucosque, animasque
potentum*

*Heroum, cupidus versat gravis ambitus
Umbras?*

*Hec dabit herba thoros: ista sua tempora
laxo*

*Cinget, & his fessos melius fons abluet ar-
tus.*

Sic fremit (Hyblais si Regem abvexerit
error

Vallibus, & reducem pramissis nunciet alis
Tarba minor) latum per limina cerea vul-
gus,

Angustiantque fores: parvasque citania
vires

Agmina, stridenti properant se credere caelo.

Ecce autem caci radiens per nubila mundi
Castor adest. Tunc forte polistatione relicta
Matabat cum fratre vicos. Et lucidus astro
Se fundebat apex, & habebant tempora
flammas:

Purpuraque ex humeris, & vultu Martis
imago.

Haud mora, decepti sic te descendere Ma-
nes,

Sic Poliarche putant: longe simul obvia
pandant

Agmina: Leda propior cum Numinis arsis
Vultus, & errantes se collegere catervae.

Mirantem tinxere tamen, mistisque roga-
runt

Vocibus: (interea pressis suspensus habenis
Constitit, atque oranes respexit Cyllaras
umbras:)

Dic age (nam superis vixisti hac praelia
campis)

Quo Regis stant fata loco, quem Gallia nobis
Mæsta dabit, nostrosque sibi quo limite
campos?

Subsistit incertus primum: mox snyderetoto

Atque utinam concessa mihi! Placata dedisses

Tu mihi tu veniam conjux, huicque ubera parvo:

Candida nec sparso micuisset semita lacte.

Non hac non uni debentur gaudia sacro:

Ille diu florens, juvenisque, diuque senescet.

Longius indulgent Parca: Dabit ille nepotes,

Aeternam terris sobolem, qua limite felix

Insurgit patrio, seniumque his exuat astris.

I, gente, accelera; lato cui germina succo,

Paoniaque artes, morbiq; & vulnera parent:

I precor: Arcanos plagis infande liquores,

Qui superant mortem, qui saucia numina curant,

Sive meus Mavors, Phrygio seu pulvere lassa

It Venus, & strictum Tydeida exhorret ad ensen.

Quin & Pergameo paulum se tollat ab angue

Filius, ac Mauros tecum illustrar' penates.

Approperet solers. Timeat nec fulmina rursus

Invidiamque meam: Nunc o nunc annuo vinci

Fata libens, tanto quocunque immitia Rege.

Sic fatus genitor, Regisque ante ora jacentis

Iam stabat medico circum praecinctus amictu

Phæbus, & occulta purgabat vulnera lympha.

*Nunc parcente manu plagarum angustat
hiatus,*

*Nunc sociat gnato plantasque, artus-
que, manusque,*

*Et multum ambrosiæ venis cessantibus
addit.*

Protinus exhausto redeunt in pectore vires.

*Pallor abit. Sensit Superos nova vita fa-
vences.*

*Quare agite, ô sancti Manes, celebrate
Camænus,*

Absentem Elysiis. Teneat seu sydera virtus,

*Sive habeat terras, seu vestris incolat
umbris,*

*Semper chara piis, plaususque & vota
meretur.*

Finierat Castor. Lato fremuere tumultu

Secura Umbrarum sedes; unoque favore

Et maria, & tellus, & ovans respondit

Olympus.

In hunc modum processerunt aliquot dies; nullius tempestatis novitate notabiles, (nam & Poliarchus expectatione celerius vires recipiebat) donec literæ quas Arsidæ commiserat Argenis, rursus turbulentæ fortunæ ludos instauraverunt.

Nam ut Gobryas, Arsidæque exegere in inopi littore noctem, quo post tempestatem successerant, coeperunt collatis sententiis pensare, quo ire, aut quid facere præstaret. Classeni militesque habebant, hanc quasi latam, egentemque auxilii;

inte-

integros illos, & desiderio sui Regis flagrant. Materies illis locis deerat, vasto solo, nec arborum patienti. Vtunque tamen resectis ratibus, aquam ex fonte, qui, rarum in Africa decus, haud inde procul fluebat, comportant. Sparti quoque copia erat sterilibus in terris, magno ad armamenta auxilio. Iamque adversi venti ceciderant. Sed quas terras aut quæ maria peterent, ignari quo tempestas egisset Poliarchum? Incertos animos explicuit tandem Arsidas, qui Gobryam his verbis secreto compellavit. Nimia silentii fides nunc criminis instar esset, ô Gobrya; si aut tu Regis tui consilia sic apud me taceres, aut ego legationis meæ summam à te averterem, ut communi consilio non possemus nobis ipsis dominisque consulere. Quid autem interest, quod jam invicem scimus superstitioso inanique silentio dissimulare? Age, Gobrya, nonne in Siciliam navigat ista classis? Tum Gobryas illa libertate erectus; Tu vero, Arside, inquit, nonne ab Argenide ad Poliarchum venis? Utroque fatente, arctoque complexu sanciente novam fidem, simplicius inter se ad reliquæ consultationis ordinem secesserunt. Monebat Gobryas paucissimos ex ducibus esse quibus Poliarchus hoc petendæ Siciliæ prodidisset consilium; cæteros falli longioris expeditionis specie. Cæterum sibi maxime uni omnia Regem fami-

liarissime monstravisse; Promissas Argenidis nuptias hoc exercitu vindicandas, tam adversus nescio quas Sicilię leges Gallicam affinitatem prohibentes, quam in Regem Sardinia intempestivum & gravem Virgini procum. Tunc Arsidas, discessisse ex Sicilia quidem Sardos, sed atrociori fluctu inundare salutem Poliarchi atque Argenidis. Esse enim nescio quem Archombrotum, cui filiam Meleander despondisset. Solis Gallorum armis posse hoc nefas præverti. Properet in Siciliam Gobryas cum copiis illis. Id solatium Argenidi fore, ut securior majora expectet auxilia; aut si necessitas non patietur moram, cum eadem classe profugiat. Sed & Poliarchum anticipata diligenter aut illic jam esse, aut statim adfuturum. Quod si, inquit, aderis prior, finges cursum destinatum in Græciam; missoque præcone, flagitabis à Meleandro, ut in anchoris liceat stare, donec socios quos tempestas divulsit in unam classem exceperis. Dabo autem ad Argenidem literas; sed quas ipse scilicet reddas. Colloquendi rationem res locusque, & tua industria aperiet. Huic si obsequeris, scis quanto apud Regem tibi honori futurum sit. Hic Gobryas; Amplector tuam fidem, solertiamque, mi Arside. Sed cur nobis in patriam te comitem non præbes? Posses utcumque meum adventum conciliare Meleandro; & hercule
mead

me ad Argenidem duceres. Imo, inquit Arsidas, si tibi videbitur, mihi triremem relinques. Hac ego pererrabo Africæ littora, ut si qua Rex vester tempestate ejectus est, litteræ mihi commissæ non pereant; & ipse præterea me referente intelligat quo loco in Sicilia res ejus reliquerim.

Postquam ita convenit, Arsidas accepta triremi, quæ velox & maris oras legentibus commodo erat, destinatam navigationem exorsus est. Gobryas autem cum navigiis quindecim, in quibus præter nautas classiarii bis mille & ducenti merebāt, in Siciliam cursum instituit. Nec distulerunt operam venti; non quidem à puppe propitii, sed ita dispensati ab Occidente, ut & ab Africa Siciliam, & ab Sicilia Africam petentium obliqua vela impellerent. Quippe eodem tempore Archombrotum fata vehere properabant in Africam, cum egregia hominum manu, navibusque omni ad bellum com meatu, quantum sivit festinatio, instructis. Is enim literas matris per servum mature acceperat, quibus illa monebat in exitium Africæ Radirobanem armari; nuptiasque jure materno differebat, donec in Africam transinisset, consociassetque cum ipsa consilia. Quamquam gemino motu pene mens Archombroto submota est, indignatione in Sardos, & dilatarum

nuptiarum dolore; tamen tota Africa a-
mori cedebat, ardentiusque agitabat cur
matri placeret tamdiu se torqueri, quam
quibus auxiliis hostem à patria arceret.
Quid Meleander deinde cogitaret, quidve
Argenis? quoties ingrata mora res perdi-
dit, & indignata est non statim admitti
fœlicitas? Sic turgens, duramque sæpius
matrem tacitis intra se questibus accusas,
breve mitigando animo tempus sumpsit.
Inde prima dolendi furendique nube con-
sumpta, conatus in Radirobanem vertere
quicquid ira suggesserat, ad Meleandrum
iuit; illique his verbis locutus est. Utinam
meum genus (Rex) professus ante essem,
cum me Siciliæ gravem & incommodum
esse aliena injuria non cogebar. Nunc si-
mul & indicium generis mei facio, & as-
ferendæ dignitati efflagito vestra auxilia.
Hyaniſbe Mauritanix Regina mater mea
est. Ea literis significavit imminere for-
midolosum sibi & Mauritanix hostem.
Quamquam in regni discrimine moveri
debeo, plus tamen abominor ipsum ma-
tris periculum. Iram præterea geminat
mali author. Ille scilicet Radirobanes, ille
latro, quem in tuum & Argenidis caput
grassantem hinc fata depulerunt, rursus
muliebrem prædam petit. Nec ab eo time-
rem Mauritanix meæ; nisi quod impar-
tam aggreditur. Ibo igitur; & si in gene-
rum placeo, succinctus tuis viribus; Ad-
damque

damque Radirobanem Lycogeris fatis. Et Sardinia Mauritaniam serviet, Mauritaniam vero Siciliae. Nam cur ante hoc bellum nuptias faciamus, in quibus instat arma, & incerti eventus, sincera gaudia esse non siverint? Si vincemus, pulcher erit hymenaeus pompa triumphi: Sin aliter fata statuunt, nolo paucorum dierum maritum Argenidi esse.

His auditis, non pauciora quam quae Archombrotum agitaverant moverunt Meleandrum: Simul audire quod Archombrotus erat Hyantisbes filius; simul in Radirobanem peti auxilium; simul nuptiis filiae, quas tantopere urgebat, injici moram. Tot cogitationum velut agmine plenus, in gaudium mœroremque anceps erat. Archombrotum tamen inprimis amplexus est, audito Mauritaniam nomine chariorem. Dives regio, & olim hospita Meleandro, commendabat tantarum opum juvenem, jam antea indolis virtute charissimum. Deinde in insignem pietatem referebat, quod ille asserenda parenti nuptias posthaberet; ignarus hanc in fervido juvene, & adacto matris imperiis, non spontaneam esse virtutem. Radirobanem vero acerrimum sibi hostem sciebat; & in lucro ducebat cum eo potius apud Mauros quam in Sicilia sua decernere. Regni quoque periculum quod ad Archombrotum spectabat, & ipsius Archombroti gratia
ejus-

eiusmodi beneficio occupanda, facile impulerunt animum ad armorum consilia. Ergo in bellum societate promissa, jam illud, ut Reginae filium magnificentius cultum, nihil amplius dissimulabat se generum optare. Gratulatus quoque filiae est, quod nuptura clarissimo Principi esset. Quæ omnia sic Argenis accipiebat, ut fati sibi exitium maturantis præsagia; uno ramen hoc læta quod inducias ei dabat expeditio Archombroti in Africam. O turbida mortalium consilia! Iam occulte Radirobani Argenis favebat: illi placebat hoc in Africam bello: hujus impetum commendabat Numinibus: non tam ut vinceret, quam aut ne vinceretur, aut in mutua clade occumberet.

Vbi vero vulgatum est, Argenidis cum Archombroto nuptias solo bello differri quod in Mauritania instabat, haud mora omnium Ordinum primos ad ejus limina ambitio adegit. Arma certatim, equos, navigia ornabant. Nemo erat in patricia juventute qui non offerret operam, sumptuque ad bellum, & maturandæ profectiois acri hortatu, novo Principi se probaret. Ea Argenidi tristissima erant; ad quam multi præterea veniebant gratulatum quod Mauritaniam suo sceptro conjungeret; etiam laudibus efferentes Archombrotum, eique propitios Deos, & brevem in Siciliam reditum incommodissima

suma humanitate optantes. Nec Poetæ defuerunt tam publico argumento; quorum unus opera Timocleæ, jam olim sibi familiaris, ad Argenidem pervenit, & muneris sui ignarus porrexit hos versus indignanti.

Instat Hymen, totisque parat connubia votis,

Instat Hymen: Sed tu cupidum succendere castas.

Nunc prohibes Gradive faces. O dure, tuisque

Sævior Odrysiis, sic nostra in gaudia pagnas;

Et sancto gemitum ferus internectis amor?

Quid quæror invidiam Superum? Sunt ista faventis

Signa Deæ, Paphias fumant cui thura per aras.

Illæ coronatis genialem auctura triumphis

Latitiam, differt avidas paulum improba flammæ,

Extimulatque mora: Ceu parva aspergine lymphæ

Grandior exurgit læsusque irascitur ignis.

Nunc age Threicios molire per ardua currus,

Armipotens, Libycæque petens discrimina pugna:

Hunc

*Hunc Regem, ceu tu Superos fortissimus
inter,*

*Sic hominum primum, magna tege nu-
mine dextra.*

*Vos quoque (Sicania thalamos dum ma-
ter in Aula*

*Apparat, & similes miratur Cypria vul-
tus)*

*Ite leves pueri: bellum vocat: ite per au-
ras;*

*Et vos arma decent, nec frustra tenditis
arcum:*

Ite Cupidinei cætus. Sed parcite telis,

*Inque feros vester potius stet vitricus ho-
stes.*

Victores Libya postquam remeabit is ora,

*Gratior hic vestras vacuabit pugna pha-
retas.*

Et Archombrotum quidem ab amandi
dolendique anxiiis curis non nihil revoca-
bat hæc præsens armorum intentio. Nunc
ille laudare, nunc acuire suorum studia:
videre in armis præludentes vero discrimi-
mini: instituere qui com meatibus, qui te-
lis, qui navigiis providerent. Auxilii enim
non vis modo, sed gratia, celeritate con-
stabat: ut sentiret Hyaniſbe, & intellige-
ret Argenis, quam strenuus eſſet. Intra
pauciſſimos dies parata in anchoris ſtetit
clafſis triginta triremium. Minora navi-
gia viginti, ad armamenta, & varios uſus,
comitabantur.

Meleander fidum hominem, & negotiorum usu exercitum, addere Archombroto haud imperite cogitavit, tanquam ad Hyanisben legatum. Ita enim rescire se posse, quicquid non hostis modo, sed ipsa cum filio Hyanisbe moliretur. Vices rerum, & experiētia regnandi, multam solertiam capacianimo impresserant. Nullam tamen suorum negotiorum partem cautius exigebat quam delectum eorum quibus ad externos Reges aut populos legationem concederet, reputans illos venarum instar esse; quæ pro suo habitu, occultam salutis aut morbi vim ex diverso tractu terrarum inspirarent in patriam. Erat expertus, cum illi se prius, quam dominū fidemque respiciunt, rem patriæ, dignitatem, consilia, aut silendo, aut annuendo prodi. Cum autem turbulenti impetu animi, aut imperitia superba laborant, hinc quidem asperius obloquendo, illinc vero renunciando deteriora sæpe turbas concitare, quæ superflue initio, ex mutua contentione; & subinde crescentibus causis, in necessarios motus exæstuent. Pone denique (ajebat) eos esse æquabiles; At nisi ingenii vigor accedit, & conscius fraudum quæ in illos parabuntur; non modo non consilia gentium deprehendent ad quas legati sunt; sed simulatione & quodam obsequio capti, dominos quoque suos, nihil verum aut exactū referentes, pessima simplicitate

citare decipient. Pater hæc, curabat Meleander ut genio Regis aut populi quem adiri oportebat, commodissimus esset orator, haut ignarus consortia morum ad familiaritatis suavitatem plurimum procedere, & ægre mortales cavere ab iis quos amant. Inter has artes magis anxie pensabat, quos sic dimitteret ad Reges exploratum, quam quibus præcipuas imperii vires in sua Sicilia traderet. Nec aut amicitias, aut familiarium commendationem sequutus, etiam solebat irasci, si quis auderet sic dubio pendentique necessarios suos aut affines objicere.

Tunc vero impensius deliberabat, eum quem sibi quam Archombroto futuro Principi fideliores eligeret. Biduum tacita consultatio extraxit; & denique sedit rem mandare Timonidi, cui ad se vocato ita loquutus est. Si esses edocendus quam curam, quamque fidem legati nomen velit, non ego te impari onere opprimerem. Volo te in Africam cum Archombroto proficisci & meo nomine salutare Hyaniſben: apud eam deinde hære, donec à me successorem accipies. Quæ illi Regine de bello, de filio, de affinitate nuncies, te hodie Cleobulus docebit. Vnum ipse admoneo, ne cuiusquam gratiam meæ anteferas. Quid illic agatur; quid velint, aut possint, ne pepercere referre. Nec time ne hæc fides tibi periculosa sit, si quid
scri-

scribas quod hi nolint quos lædere nollēs. Diu est enim quod silere perdidici. Timonides non lætior fuit accepta dignitate, quam de scopulis qui in eo cursu latebant sollicitus : Sciebat (nam Arsidæ & Nicompompo erat familiarissimus) Arcbombrum Argenidi non placere. An hanc autem obiret provinciam gratus utrique ? Quod si alterutri in odium veniret, credebatur mansuram offensæ memoriā multo altius in læso, quam gratiæ in illo quem iuvisset. Sic igitur Regi : Nec dubito de silentii tui fide, Rex : nec arbitror commissuram Hyanisben, aut Mauros, ut quidquam nunciem quod tēgi oporteat. Sed fortuna varia est, sed tempus, sed homines : denique eslis Reges. Si quid tale occurreret, non tantum in tua, sed & Cleobuli manu, fata utique mea erunt : ad quem (utpote Præfectum secretorum) legatos destinare litteras suas jubes. Et de tanti hominis fide anxius non sum : Sed quid si alteri hanc litterarum præfecturam mandabis ? quid si vicariis suis ipse ? Ut non hæc fiant ! at hoc ipsum nimis supplicii mihi erit, posse contingere. Tum Rex ; Non iniusti (inquit) hi metus : Verum si quæ ejusmodi erunt, scriptis mihi ipsi litteris omnia secure commiseris. At Timonides : Scilicet insolentiam ad te scribendi omnes suspectam non habebunt ! Aut non invidiosum mihi apud Cleobulum, si, tanquam damnata

ejus fide, suo muneri & integritati sic detraho!

Perplexus ad hæc verba Meleander cœpit solus spatari, ratus quæ Timonides tanquam pro se attulerat, ad Regum ipsorum salutem perinere. Tunc vero potestatem Præfecti secretorum animo volvens, non sine horrore cogitabat quantum ille acceptis legatorum litteris posset. Tanquam arbitrum rerum, nihil hunc magis quam quod placet Principi referre. In hac vero libertate, quas cum exteris amicitias, si velit, non obruat; aut injurias atque fraudes præcorruptus non mulceat? Quod si perfidiam, quæ argui possit, prudenti scelere vitabit, at ipsa negotia narrando torquere, verbisque premere, aut elevare omnia poterit, tamquam hoc quoque orator mandavisset. Ita simul & eadem & diversissima erunt, quæ illi Præfecto legatus, & Regi ille tradet. Parvo momento deflecti aut intendi negotia possunt: & ex supercilio aut remissione dicentis, subitam efformamus, & maxime efficacem, in mentibus imaginem rerum quas primum audimus. Tantæ quoque potentiae viros clam vicini Principes solent vel muneribus aggredi, vel, quod valentissimum ambiendi genus est, arcana familiaritate, pene tanquam æquales sic cœtere, ut vix intelligant se sollicitari ad turpissimam servitutem. Si igitur his
mach-

machinis aut omnino concesserint, aut debilitatam saltem fidem non opponent illius Principis consiliis quem illicito fœdere sic amabunt, idque apud externos legatus persentiscet; quæ Regis commonendi sit ratio? Huic scilicet quem accusat literas mittet! hunc jubebit sua crimina ferre ad Regem! hunc seipsum acerrima accusatione proscribere! Nempe hoc infrequens, dices; Nec deesse alios Optimates, per quos scilicet tunc legatus ferat ad Regem prodicionis indicium. Imo vero ardua erit tantæ accusationis provincia (in qua scilicet aut actorem aut reum perire necesse est;) si illam hominibus credideris, qui ut sint secretissimi ac pene ut taceant, adhuc nimis loquuntur, ac non potius codicillis insontibus, mutis, sui expertibus; quos Rex unus & legat & premat: Quid si præterea tectiora aut minora scelera erūt, aut de quibus ipse legatus addubitet? An invidiosissima delatione violanda tunc fama Præfecti secretorum, delectis hominibus qui hunc apud Regem insimulent? Nulla pax rebus, nulla dignitati securitas. Et sæpe legatus tantis inimiciis posthabebit officium. Sed ut ejusmodi Præfecto fides & probitas insit; at saltem, quod sæpe fit, si in gerendis rebus dissentiet legatus ab illius sententia, & quid ipse censeat referre Regi volet; qui hoc fiet, si per hunc solū sensus suos Regi ostendit? Non enim

in se pugnabit iste Præfectus : non se deferret , non fovebit adversa , legatum odisse pronior, quam sensus illius Principi commendare.

Meleander, cum hæc omnia ejus animo nec cogitans subjecisset Timonides, agitare simul cœpit de remediis in illa discrimina. Erat quidem tanta virtus Cleobuli, ut in eo non hæreret suspicio; Sed ordine non tantum in præsens, verum ipsis nepotibus rempublicam Reges debent; & ineptissimi in unius hominis virtutem cultus & admirationis est, publicum munus si quo ille fungitur multiplici liberaque potestate attollere; quasi fatale sit ut ea semper dignitas cadat in probos; cum potius armatura sit viribus suis temeritatem eorum qui ambitu vel errore in eam succedent. Secum ergo constituit anxie legatis præcipere, ut, quoties isti Præfecto scribent, ad Regem etiam destinent codicillos; non prolixos illos quidem, nec graves negociis; nisi occurrant quæ non interposita alterius fide nunciare præstiterit. Hac arte, nec laboraturum Regem brevium litterarum, & plerunque non seriarum, lectione; ignarumque Præfectum quid illi scriptum sit, bona utique fide quæ ipsi legatus mandaverit, quæque senserit, relatutum. Sed & hunc quoque præter legati invidiam accusari improvidum posse, non suspensa; illius ad Regem litterarum frequentia.

Ea autem sic demum processura, si Rex tanquam salutis aliquod pignus, acceptas epistolas continuo leget, & cæterorum omnium oculis sancte subducatur. Ita enim & legatis in securo futuram libertatem; & neminem resciturum seria an quotidiana perscripserint; quo Regi magis in integro dissimulandi consulendique potestas sit.

Sed instituenda hæc sensim, & prope modum non sentiente Cleobulo, & auspiciandi pulcherrimam rationem offerri hoc discessu Archombroti; quasi daret suo in eum amor, ut de ipsius valetudine juberet Timonidem destinatis ad se litteris nunciare. Clam igitur Timonidi imperat, ut, si quæ essent soli Regi perferenda, uni sibi concrederet; & ne suspiciosa litteræ essent, si rarius & veluti extra ordinem mitterentur, scriberet non Cleobulo quam sibi frequentius. His præceptis ornatum dimisit; cumque paulo post adesset Cleobulus, rursus juveni imperavit, quam sapissime scribere, nec Cleobulo modo sed sibi, de valetudine successuque Archombroti: Paria ficturus ut quisque ab eo legatus mitteretur ad externos; donec mos ipso legatorum ambitu convaluisset, amantium hoc per litteras majores dignitatis cum Rege consortium.

Omibus ad navigationem maturis,
cum Archombrotus salutaret Argeni-
dem,

dem, discessumque excusaret; illud quoque miserrimam virginem torfit, quod is necdum sentiret se despici; Et ipsa sui amoris opinione inimicum auxisset tot opibus, tot studiis Sæculorum. Fastidiose ergo respondit, probare se quod ad matrem rediret. Nemini enim melius quam domi suæ esse. Tetigit Archombrotum non perplexa verborum acerbitas; quam dicentis species & austeritas augebat. Sed nec questus, nec jurgia, tempus aut locus ferebant. Potius veluti non sensisset se ad exilium invitari, respondit, sanctiorem patriam, & cui plus deberet, illam videri, quæ Dominæ, quam quæ sibi primam lucem infuderat. Dum hæc loquitur, intervenit Melcander, quo conspecto remisit Argenis de rigore verborum, refecitque invita Archombrotum; Qui postquam litavit in arena, cum omni exercitu subiit mare: Satis loquutus Proceribus qui in eadem triremi vehebantur; secessit tanquam acquieturus, & animum lacescentibus curis aperit. Nam Argenidis sermo turbulentissime in mentem redierat. Quid vero excitasset hanc in virgine crudelitatem? Pene ridicule admonuisse quietis domesticæ, an erat impropertantis quod omnino abibat, an simpliciter sua fœdera aspernantis? Sub hæc reputans quicquid antea ab Argenide aut mite aut severum acceperat, vix regebat molestissimam metuendi

spe-

sperandique discordiam. Quod præterea Aruspex in littore significaverat, numina navigationi annuere; ô dolor! an sic intelligendum, ut Dii interdicerent reditum, prosperis sed veluti fatalibus ventis discessum urgentes? Hæc & similia dolendi argumenta congerentem, urebat maxime Poliarchi memoria; de quo, præter antiquas suspiciones quæ jam æmulationi suffecerant, quicquid erat à Selenissa relictum fama gliscente cognoverat. Inter ejusmodi cogitationes acerbitate plenissimas, suspenso juveni, suisque doloribus nimia contemplatione indulgenti, dabat utique fiduciam Meleander, amore in ipsum præcipuus, & nuptiarum conciliator. Sed quid suarum rerum displicebat Argenidi? aut potius qui puellæ tantopere alius placebat? Ille nempe Poliarchus; Quem, ô inquit, si mihi fata obvium dabunt, quanto lubentius quam ipsum Radirobanem, hac manu, hoc ferro, de amore atque vita dejiciam! Et vero meretur odio meo oppetere, tot malorum mihi author, ac virgini; quam nisi carminibus teneret, ego tam claro sanguine, tam opulento regno, tot amoris indiciis, ac etiam (fas sit tacite cogitare) non ignobili fortitudinis exemplo, flexissem. Sed illum sua obscuritate tutum unde quæram, aut quo persequar? Nisi esset hac spe minor quam improbe

concepit, non tam diu abesset; aut ubique secretus fugeret conscientiam Meleandri. Hei mihi! sed & si occurreret patebitque iræ meæ; & ea forsitan quam meditor ultione jam dubiam virginis mentem pejus à me averterim? Imo certus sum vitam illius mihi obstat: An item sit obstitura mors, viderint Dii. Certe nec de mortuo quicquam sperare ipsa poterit, & sciet utique fortissimum fuisse qui vicerit.

Sic apud se digerebat Archombrotus male sana consilia, interdumque dolebat, quod Poliarcho olim amico sic irasci cogeretur. Nondum vero ab illius oculis Siciliam venti removerant, cum Gobryas haut procul Syracusis anchoras jecit; missoque ad terram præcone ubi Rex degeret quæsiuit: Cumque audisset, imminentem pelago arcem, quæ Epeirctæ dicebatur, ab illo tunc incolì, ipse unica triremi Syracusas concessit, tanquam commearum causa. Misit inde delectos, qui Regi significarent, Gallorum magnam classem in Græciani indeque in Asiam navigantium, tempestatibus sparsam per æquor fuisse. Hujus partem in Siculo mari expectare socios, si forte ab errore illuc quoque agerentur. Petere ipsum ducem, ut liceat colloqui Regi. Nam Principis tanti conspectum, pro maximo tempestatis precio sibi fore, quæ hæc littora dedisset. Meleander, ut humanitate præcipuus erat, quam-

vis ambigeret quid Gallorum tanta classis in Græciam vellet, tamen ad colloquium invitatus non renuit. Venit igitur Gobryas cum amicis servulisque omnino viginti; Cui Epeiræten intranti obviam missus Eurymedes, ad se hospitem deduxit; & humanissimum expertus, haud perfunctorie commendavit Meleandro. Postera die deductus ille ad regiam, sui expectationem, quantam Eurymedes fecerat, facile implevit: Nisi quod sentiebat Meleander, cum quæreret cui cœpto hâc Gallia classem ornasset, non sincere aut simpliciter responderi. Itaque exploratorem veritus esse, honorarios custodes clam tribuit; qui incautum, nec ratum se timeri, solerter observarent.

Sed Gobryam altior cura versabat, qua arte quove ductore, secreto colloqueretur Argenidi. Memor tandem purpuram, quæ nullibi preciosius fulgorem, quam in Gallia admittit, in navibus suis esse, ei à Poliarcho præparatam; hanc afferri ad se jubet, tanquam in hospitii gratiam regiæ virgini donum. At illa jamdudum non minoribus curis concussa, secum vehementer quærebat, an sperare auderet has naves à Poliarcho præmissas majorem comparante exercitum? Sed parumper huic solatio innixa, rursus consuetudine lugendi ad deteriora revoluta est; ut & ludibrio sibi esset hac tantilla jucunditate

spei quam hauserat. Sed quid Arsidas morabatur? cur non procedebant promissa Poliarchi? In ipso, an fortuna, tarditatis causa erat? Exierant destinati menses ad reditum. Ipsa vivebat non illius auxilio, sed infœlicitate Archombroti, quem in Africam bella vocaverant. Heu in meos luctus, fortis, & sapiens, & dignus amari, Poliarche? cur ego te vidi; cur etiam una placui quam multiplici morte conficeres? Ego si te nesciissem; hoc quidem ipso vixissem misera; sed saltem non sensissem. Non deerant toto orbe quas amares fœlicius. Do virtutum tuarum immeritas pœnas, quarum unaquæque me divisam, nec fortasse contemptam ad interitum adigit. Heu mihi! quid si & ipse non leviora jam quereris? quid si dolore quem sentis, & illo quem in me suspicaris, obrutus jaces? timesque præcipue ne tibi potius irata quam fortunæ, in culpam factorum te transcribam? Sponsi fœlices quibus vel celeriter successit; vel qui Deorum contumaciam & dolos exerunt subita morte!

Sic forte querenti cum jam aliquot dies in aula Gobryas traxisset, nunciavit Eurymedes, hospitem Gallum ei donum afferre purpuram in Gallia tinctam. Non recusavit virgo munus aspicere; hoc ipsum ad commoditatem colloquii à Gobrya subornatum; & majora, quam quæ cre-

debat

debat Eurymedes afferri, pene jam sentiens. Cum ergo intrasset Gobryas, explicuissetque invidiosam vel Tyriis muricibus mercem, non Argenis latis quæ monstrabantur cernere; non aut loqui composite, aut loquentibus se præbere. Adeo omnes sensus rapuerat trepida expectatio aliquid de Poliarcho audiendi. Parum aberat quin prior interrogaret ignotum. Sed Gobryas illi admotus, cum muneri inspectando intentissimos omnes vidit; voce submissa; Ut, inquit, hoc donum auctor preciosius faciat; misit ille ad quem Arsidam legavisti. Exciderant ad hoc verbum Argenidi vires; ut ex trepido silentio intelligeret Gobryas altissime tactam esse. Itaque alia quædam publice loquuta, velut muneris gratias haberet, secreto Gobryæ dixit: Quæso te, hospes, hac vespera domi fies. Arcessam te, ubi sublapso frequentia solitudinem faciet. Sub hæc Gobryas discessit, & ipsa laudare impense inter mulieres cœpit oblatis velleris nitorem; precium deinde augere, & sic loqui Timocleæ: Hoc donum simplicis liberalitatis credi vix potest. Facile hospitem censeam Regi aliqua de causa supplicaturum; & hoc munere sibi suffragium meum parare voluisse. Nam & oravit, ut se, ubi ocium esset, liberiori colloquio dignarer. Volo hodie hac cura defungi: Ut si quid inpetrabile in votis est, operam promittam;

Sin

Sin latent graviora , ne supplicem vana
spe extraham; & non imparia suæ purpu-
ræ dona remittam discessuro. Haud mul-
to post in hortum secessit : qui forte Me-
leandro ad venationem profecto infre-
quens erat. Itaque ipso viridarii secreto
admonita, Timocleæ imperavit, unum ex
corporis custodibus mittere ad Gobryam,
qui eum ad hortum produceret. Ille Ar-
genidi sibi que non defuit; cui vulgaria ali-
qua percunctanti cum publice respondis-
set, paulatim veluti lapso ad varia sermo-
ne, magisque intenso, secerni à reliquis cœ-
perunt, solique ambulare. Tum Gobryas:
O domina, inquit, non Sicilia tantum &
Gallia tua, sed quantumcunque in orbe re-
gnorum est, digna; Ignosce Regi meo quod
me priorem vides. Causam moræ ingra-
tissima tempestas facit, quæ cum classe ve-
nientem depulit à cursu. Nos quoque eje-
cti in Africam fuimus : Ego, inquam, &
Arsidas, qui pridie tempestatis in me inci-
derat. Et is quidem per Libyæ oras tuum
Poliarchum vestigat, legationem obitu-
rus quam mandasti: Istiuc vero naviga-
vi, siue Rex jam adesset, accessurus exerci-
tui quem maximum ducit, siue adhuc ex-
pectaretur, tibi interim traditurus tantil-
lam hanc classem. Etenim tuum nutû sim-
pliciter manemus. Vtere nostro sanguine
qua placebit. Scio te solâ esse, in qua veris-
sime Rex meus aut despici possit aut coli.

Sic loquutus, literas Arsidae porrigit, in quibus fere eadem quæ ipse memoraverat continebantur : Quibus lectis, ut amor nunquam quietus est : Quid ergo credemus (inquit Argenis) Rege vestro esse factum ? Si pepercisset illi tempestas, an credis diligentiorum alium futurum, ex quo de ejus adventu cognoscerem ? Hic Gobryas, quamquam & ipse non intactus eo metu, tamen multa congeffit, quibus naufragii suspicionem averteret. Nam nec, inquit, cum una aut altera navi maria sulcat. Naves longæ, & triremus ultra quinquaginta sunt quæ illum comitantur. Etiam si prætoriam navim (quod Dii non siverint) tempestas solvisset, an tot nautæ, tot milites, non manus & humeros præberent, quibus charissimus Rex proximo navigio imponeretur ? Sed nec credendum est, aut totam Regis classem obrutam undis; aut qui cladi superfuissent non jam nobis funebria nunciaturos. Nimio citius quæ obsunt, quam quæ optamus amat fama ignobili gaudio nobisingere. Ne injusto denique metu crudeles nobis finius; respice has triremes quas duco. Iisdem cum Rege fluctibus jactatæ sunt. Nullam tamen ex iis tempestas expugnavit. Vel itaque Regem iu remotiores delatum oras existimo : vel corruptis vi ventorum armanentis jacturam reparare. Neque enim soli navigationi, sed

sed & bello exercitum adornatum intra paucos hos dies, videbis, Regina, ferventem Siciliae oram fortissimis viris; qui omni studio exprobrabunt hostibus tuis, si quos hinc habes, quod virtutem apud se genitam indiligentius coluerunt quam nos externi. Erecta consolatione tam magnifica virgo, adhuc tamen de Poliarcho anxiosa erat. Ardebat praeterea Gobryam prolixius percunctari tam de illis quae sciebat, quam de ignotis. Dum enim de Poliarcho loqueretur, seria ac levia virtute amoris delectabant. Sed nec tempus sinebat, jam vespera obscurum, nec familiarium curiositas inter se quaerentium, quid tantum cum Gallo loqueretur. Rursus igitur suam opem promittenti: Ego, inquit, quid ex te vestri Regis sit, maturius expendam. Tu cum Eurymede sis frequens, cui ipsa commendabo amicitiam tuam. Finge autem idoneas causas non recedendi à littore; hisque ego favebo apud patrem. Facile quoque inibo inibo rationem, qua sapius ad colloquium meum & sine suspitione pervenias.

Hoc dimisso, cum quaereret Timoclea, ecquid ille voluisset: Nihil magnum, inquit Argenis: nisi forte nondum explicuit animum suum, & primo congressu noluit gravis esse. Laudavit benignitatem hospitii; oravitque ut suarum navium una, cui suppellectilis pretiosissima insunt, in hunc

in hunc portum recipiatur, non isthic plus biduo hæsurus: intra quod tempus quædam tempestate corrupta refici possint. Ad hoc se operam meam apud Regem expetere. Sub hæc verba in cubiculum virgo regreditur: accersitumque ad se Eurymedem, jubet agere hospitis curam: quoque solertius falleret; Est, inquit, ut illi xenia paremus, saltem iis quæ obtulit nec pretio nec venustate cedentia. Hæc dum quærimus, vide ne ad discessum se compareret: Satis erit brevem ad moram vel dilata venatio, vel promissum spectaculū. Iterum moneo, cave, Eurymedes, ne improvisus hinc abeat. Ita institutum ubi dimisit, & quietis specie nox dedit ad curas libertatem, tunc reputare exitus omnes cœpit; tunc ex re consilium capere, fortiusque quam antea, & Reginae more dolere. Poliarchum, si vivebat, esse venturum, jam ipsa Gobryæ classis, jam Arsidæ literæ certissima ratione monstrabant. Quærenda igitur remedia, quibus illi vivam quoque se servaret. Sin ille perierat, se demum non victuram. Sed qua ratione, quoque prætextu, Gobryæ classis affideret Siculo littori? necessarium tamen hoc erat ad ea quæ cogitabat subsidium. Sic enim decreverat; Si prius rediret Archombrotus, quam de Poliarcho quicquam certi esset allatum, clam fugere ad has naves; & vel inde petere Galliam, vel, coacta Siculorum factione, absti-

abstinere à nuptiis ad quas pater adigeret. Haud incommode tandem ita rem commenta est. Primo mane ad Meleandrum ivit, & Siciliae solitudinem quæsta, vereri se dixit, ne Radirobanes, ubi Archombrotum audisset cum præcipuis Insulæ viribus esse in Africam, rursus raptui imminens aut ipse veniret, aut militum in se partem ad improvisum bellum emitteret. Nihil ergo securius, quam Gallos aliquo propitio numine ad se advectos mercede conducere, qui littorum custodiam agerent; ut, si bellum ingrueret, peregrini jactura sanguinis Sicilia defungeretur periculo. Negocium unius mensis fore, intra quem possint de Archombroto & Radirobane referri certiora. Et Gallos nondum (ut audiverat) ex tempestate ad navigationem instructos, non ægre tantilli temporis moram addito precio audituros: qui præterea nec tam pauci sunt (inquit) ut juvare non possint; nec eo numero, ut metui à Siculis debeant, si auxilium in perfidiam mutet. Cum patrem his verbis permovisset, secteto deinde Cleobulum & postea Eurymedem vocat. Urget suos de Radirobane metus. Gallorum præsidia ostendit, quorum opera haud magno precio emi posset. Cumque illi in contrarium disputarent; nam nec ignotis bene credi, nec viros Insulæ deesse; liberius Argenis; Si hoc, inquit, Siciliae non tribuitur,

buitur, at meo timori tribui volo. Regem in meam sententiam jam perpuli. Mihi non probabitur, qui cum in aliam partem consiliis suis flectet. Hæc imperiosius urgentem, neuter ausus est importuna irritare prudentia. Regi quoque ambitiose authores fuerunt, præsertim cum Argenis adesset, ut Gobryas ad littoris custodiam invitaretur: Et ille, Quandoquidem ita censetis, inquit, tu homini colloqueris, Eurymedes. Sciscitare an hic moram pati possit. De mercede deinde viderimus. Eurymedes mandato defunctus, Gobryam non difficilem habuit, haut ignarum id commentum ab Argenide esse. Operam igitur suæ classis in mensem promittit, sola mercedis mentione offensus. Nam quo magis probaretur, liberale præsidium & in amicitia testieram offerebat.

In hoc statu res Siciliae erant, dum Arsidas omnibus Africae partibus triremem applicat, & quacunque se brevia terris insinuans, scapha provectus interrogat agrestes, si qua de illis littoribus visa esset classis externa, aut ullos omnino mortales ad eos tempestas rejecisset. Iamque irritò labore defessus languebat, æstum præcipue non ferens, quem Auster inspirabat ab arenis mediterraneis allapsus; cum opportunissime factum ut Mauritaniae fines contingeret, succederetque ad littus in quo non grandis portus, & inde stadiis

octo modicum oppidum incolébatur. Forte fuit, ut tunc in portu spatia retur illius regionis Præfectus, inter paucos fortitudine & prudentia insignis. Ille Arsidam videns, quem vultus habitusque peregrinum hominem esse monstrabat, blandissime accessit; & tam magistratus sui quam humanitatis officio, de patria & negociis rogavit. Cumque Arsidas, quo multa & varia memorandi necessitatem effugeret, quia Gallica triremi vehebatur, se simpliciter Gallum esse dixisset, statim Maurus insiluit in amplexum: & Satis est, hospes, audivisse Galliæ nomen, inquit. Omnia vobis debemus. Procede sodes in urbem hanc: & quacunque te navigatio vocabit, primum apud nos à jactatione sali refectus, novis com meatibus triremem onera. Stupebat Arsidas ad insperatæ benignitatis prodigium, in externa gèrte atque incognita. Subire igitur terram comites jubet: Præfectoque dexterior, & ab omnibus cultus, proximi oppidi viam exorsus est. Veritus deinde ne procedentibus colloquiis proderetur non à Gallia venire; videreturque humanitatis officia aliis debita, aut parata, quæ fuisse mendacio, paucis recensuit, esse quidem se Siculum: Sed quia Gallicis remigibus utebatur, quærebatque præterea Galliæ Regem, se Gallis, cum de gente rogaretur, annumerasse. Nempe, subjicit Præfectus, illum quæris, absque

absque quo in servitutem externam omnes Mauri concessissemus? Monstra hæc Arsidæ erant, omnium quæ illic Poliar-
chus gesserat ignaro. Ergo ne aut ipse diu-
tius, aut Præfectus erraret, haud perplexe
rogavit quid novi accidisset; quodve be-
neficium à Gallia processisset ad Mauros.
Se enim vi ventorum in ultima Africa
propulsus, & diu jam errantem, hæc ne-
scire. Tum Præfectus aggerere omnia cu-
pide cœpit, qua insolentia Radirobanes
bellum movisset; & ut veluti ad conditum,
Diis ferentibus cum exercitu advenisset
Rex Galliæ. Quæ deinde belli fortuna,
quam varii sub brevissimo tempore casus.
Sed ambitiose morabatur in Radirobane
occiso; ut pugna acris fuisset; ut anceps
aliquandiu fortuna: & victor haut per-
functorie vulneratus. Ast ubi narrandi se-
rie Radirobane Gallici Regis manu per-
cussus in terram deduxit; non tenuit diu-
tius lætitiæ Arsidæ; sed vultu sic diffuso
ut constaret lætitiæ non fingi: Cæsus er-
go est Radirobanes? ille Sardinia Rex? ille
nuper à Sicilia reversus? & quidem à Gal-
lico Rege? cui, ne frustra exultem, quod
nomen, mi hospes, est? Tum Maurus: Ge-
minum illi nomen est, inquit: quo errore
& diu lapsus sum, & vidi alios errare. Mo-
do enim Poliarchus, modo Astioristes à
suis appellatur. Astertus est hoc sermo-
ne Arsidæ in certissimi gaudii sensum:

adeo ut Mauros & qui cum deducebant pene in eandem affectuum suavitatem adigeret. Non curarum meminerat, non laboris. Tantum, quasi Diis loqueretur, rogabat quæ fata, quæ sortes, inimicissimos Reges compulissent in Africam; aut quod numen sic ordinavisset, ut sanguis Siculis odiis debitus tanquam Africanæ utilitati penderetur. Ad se deinde ex hac contemplatione regressus, quærebat quo se ab illa victoria Poliarchus recepisset. At Iuba (ita Maurus vocabatur) retulit; adhuc vi vulnerum ægrum, jacere in Mauritanix regia urbe. Illinc omnino expedito equiti quatuor dierum viam esse.

Inter hos sermones in urbem pervenerant; & Arsidæ peritos viarum exposcanti, quibus duceretur ad Regiam, (nam cruduerant venti, & timebat ne repetita injuria tempestas pene repertum Poliarchum eriperet) Iuba negavit itineris copiam se facturum, priusquam exta Hospitali Iovi sacrata simul profecissent. Ætius erat; & in horti umbraculis deductus Arsidæ super appositos thoros epulas expectabat; gratissimis Iubæ sermonibus, de bello, & Poliarchi victoria, moram subinde fallentibus, cum tandem opulento convivio mensæ convivas ad se convertunt. Et subitum luxum miratus Arsidæ, nihil tamen altiori intentione spectabat, quam inter promulsidaria esse varii generis

neris poma ita glacie circumvenienti inserta ut aliorum pars emineret extra hoc frigus, alia prorsus condita tamen sublucentis aquæ crusta nativo colore cernebantur. Quid potissimum crederet ambigebat, novitate illa concussus. Certe enim hæc poma recentia erant; rursusque sub illorum mensium syderibus aqua frigore non coibat. Tum ne ficta imagine luderetur, primum manum glaciei admovebat; quæ ut justo rigore digitos ussit; ut non posset dubitari quin aqua hæc esset: & verissimo quidem gelu concreta; mox & poma dentibus tentat; & hæc quoque nativo sapore mitia erant; nisi quod ad nimium algorem obstupescerebat gustus. Delectatus admiratione hospitis Iuba, invitabat ad cibos admiratione nimia cunctantem. Sed Arsidas cum risu quæsit, qua ille ex Scythia cum Africæ arboribus mista hæc gustationem prompsisset. Tum Iuba; Vt magis mireris, inquit, cum in hortum intraisti, hæc poma adhuc ex arboribus pendebant, & quæ modo est glacies ex fontibus unda manabat. Geminato stupore Arsidas hæsit, exquisivitque ab Iuba, quo carmine, quoque in antro, tam subito natura se mutaret. Et ille; Nova est, inquit, apud nos hæc ratio revocandi arte hyemæ sub medio sole; quam exequar postquam mulsum gustaveris. Aderat puer Ægyptius cum mulso, quod in calice præferebat &

ipso ex glacie facto : quo exhausto cum in terram à puero collideretur, doleretq; Arsidas fragile quidem, sed in æstatem pretiosum vas perire; Noli indignari (inquit Iuba.) In singulas portiones usus ejusmodi scyphorum est. Iterato eundem inmensa conspici vile esset. Nihil amplius gustabat Arsidas, avidus cognoscendi quæ arte ad naturæ veritatem sic perveniretur, cum allata sunt variarum formarum ex ære prototypa. Orbium, poculorum, paropsidum, omnis deniq; convivalis instrumenti species erant. Tum Iuba: Hæc sunt claustra, quæ aquis infusis glaciem concipiunt. Quippe unumquodque operculo suo sic regitur, ut oræ invicem cohæreant, excepta foraminis angustia, per quam aqua liquitur in interiora, quo modo ex stanno vel plumbo fusilis supellex conflatur. Alveolo deinde ligneo illa deponimus, cujus fundum sale primum nigro illo, parumque contuso, & mox nive contegitur; quæ nobis semper ad manum est, fulta straminibus, & in umbra antrorum toto anno inviolata. Supra ipsa deinde prototypa, in alveolum sic demissa, pari modo nix quoque aliquoties cumulat, sale toties interjecto. Ita hæc aqua illo in ære ad glaciem præparata, accipit undique circumjectæ nivis frigus; quam sal acrimistura vetat liquefcere, in locis præcipue umbrosis, qualia vini aut olei apothecis

thebis effodimus. Trium circiter horarum spatio coit aqua, & si quæ poma inseruimus, qualia nunc miraris, hærent septa in glacie. Æstu deinde languentibus, grata est hæc vis nimii frigoris, quam & ipsa novitas commendat. Nuper enim nescio cujus non inepta luxuries hoc solatium invenit.

Oblectatus narratione Arsidas, licentius marcenti stomacho ingerebat hæc poma, quibus corrupta frigore aqua rigorem insinuaverat; simul avide novis semper ex glacie calicibus bibebat: summo frigore sitim, ut solet, acuate. Quamquam interdum Iuba monebat, periculosam intemperiem esse, nisi parce utentibus. Sed cum de prædio surrexissent, & Arsidas calidæ usum multo joco traduceret, paulatim omnes nervos receptæ hyemis malignitate ita laxari sensit, ut egestas hinc inde epulas pene anima sequeretur. Iuba non misericordia tantum motus: sed & metu, ne huic sponte mortem crederetur propinasse, nulli sedulitati parcebat: Solari Arsidam medicosque urgere: & nunc suos, nunc illius ministros verbis convenientibus affari. Ut vero in deterius fama attollitur, Arsidam fato propinquum haud tarde vulgatum est. Dum trepidant comites, servulique; quidam illius mercenarius ex Eubæorum colonia, qui in Oscis Neapolim condiderat, tempus locumque

furto nactus, haud modicam prædam egit. Sacculus erat ex carbaso quem sub veste reconditum idonea cura Arsidas servabat. Illic pretiosum aliquid inesse Græculus diu ante conjecerat. Dumque vestes laxantur ægrotanti, & sui ignaro, ipse familiaris officii simulatione accessit, detraxitque non sentienti sarcinam, & cæteris pietate & metu occupatis, sese domo proripuit.

Vbi autem primo impetu mali sedato Arsidas loqui potuit, à Medicis quæsit, quid de periculo suo, quid de itinere sentirent. Medici prospera esse signa ad valetudinem respondent: Sed ventriculum & præteros nervos, qui intemperie frigoris afflicti, febrim toti sanguini asperferant, aliqua quiete recomponendos esse. Optime actum iri si non ultra quatridentum morbus profectionem differret. Ille cum Diis questus tali in tempore moram offerri, ad Iubam convertitur? &, Litteras, inquit, quas ad Regem Poliarchum habeo, nefas esset hîc fisci meo casu. Si dabis qui viæ duces sint, has statim per unum ex meis transmittam ad Regiam; Hîc deinde acquiescam patientius, donec ire per morbum licebit. Laudavit Iuba consilium; addiditque, præsto esse qui quemcumque Arsidas destinasset, ad Regiam comitarentur. Tum Arsidas fasciculum quære, cui erant litteræ Argenidis commissæ.

Prorsus

Prorsus is erat qui domestica mercenarii fraude perierat; quem ut a veste divulsam obstupuit, & vidisse omnes negarunt, statim vires furiosa indignatio suffecit. Prohibentibus medicis exiliit de lecto, interminatusque est domesticis suis mortem, ni propere reddetur charissimum pignus. Urgebat insanus quæstionem, Deosque appellabat & homines, nec sine suspitione circumspiciebat in Mauros, qui primū ægrotanti adfuerant, Spoliatam deinde intuens vestem, & nunc illam, nunc ora dilanians, quærebat quis familiarium propius ægrotantem accessisset. Sed omnes adfuerant, & tali in statu in pietate posuerant tangere collabentem. Tum demum eadem doloris acerbitas, quæ languentis robur intenderat, consumptis viribus, pectus invalidum dejecit. Aegre suffitu, & violentis odoribus reddita vox est: qua ut primum uti licuit; Si me, inquit, fortuna destituit, morbo & furum audacia violatum; at non ego me deferam, non Principes meos. Date ceram & stylum. Hodie ad Regem scribam. Intra biduum, etiam vitæ periculo, utcunque lectica viam exordiar. Protinus Phorbantem vocate: hunc volo cum meis hodie litteris proficisci. O fortuna! Is ipse Phorbas erat, qui cum furto aufugerat. Ergo & in navi & per urbem missi qui quærerent, tandem renunciant, frustra operam à se consum-

ptam. Statim Arsidæ suspicio sceleris incidit: quam tamen dissimulans, ad forum, ad portum, redire præcipit, qui non profutura diligentia absentem vestigarent. Nec segnius advocat Iubam, submotisque cæteris; Fallor, inquit, aut perfidia mercenarii mei hanc ægritudinem mihi facit. Curenim lateret; præsertim me ægro, & vitæ ambiguo; nisi prædam scelere nactus, non me tantum sed & Africam fugeret? Si amatis Poliarchum, vindicate injuriam quam latro huic intulit. Dimitte ad proximos portus qui nuncient ne ullus temere peregrinus in navibus recipiatur. Sed quam occultissime potest procuranda hæc quæstio; ne, si resciscat exploratores in litore esse, alia fraude nostram solertiam eludat. Ego apud meos hodie dissimulabo me quicquam durius de eo suspicari; ut fallamus flagitii consortes, si quos forte apud nos reliquit. Iuba rem curæ sibi fore asservit; statimque per homines fidos vicinorum portuum magistratibus quæ videbantur scripsit.

Sed hæc Phorbas ante conjecerat, meriti sui conscientia acuate metuendi solertiam. Is perpetrato scelere adhuc ignarus quid esset in furto, latebras ad recognoscendam prædam quæsit; scilicet si nihil inveniret perfidia & periculo dignum, omnia ad Arsidam relaturus; quasi hæc ægro, nec sentienti, ad tutiorem detraxis-

set cu-

set custodiam. Ecce autem exsolutus fasci-
culus catenulam primum dedit ex gem-
mis, quæ nexili auro ligatæ, per æqualia
spatia tuebant; Tres deinde annulos
cum grandibus gemmis, modico lino di-
visos, ne attritu venustas artificii periret.
Pauci in fundo resederant nummi ex au-
ro; quæ omnia Arsidas, ad incerta fortu-
næ, corpori suo applicita servabat. Præter
hæc, tabellæ inerant, longe Arsidæ pretio-
siores reliquo censu; illæ quæ itineri dede-
rant causam, ab Argenide ad Poliarchum.
Phorbas omnibus diligenter inspectis, suæ
quidem audaciæ gratulabatur gemmas &
aurum. Sed hæc eum litteræ turbabant. Ad
Poliarchum videbat esse missas. Vnde ta-
men, aut à quo, non noverat; & vereba-
tur, ne plus illæ turbarum, plus in eum ex-
ploratorum cierent, quam aurum aut
gemmæ. Ire ad portus non placebat, vix
dubius hos in se obsideri. Interiora Afri-
cæ, nec fidē in hominibus promittebant,
nec exitum, quod quærebat, habebant in
Europam. Tandem sceleris & necessitatis
ingeniū, ad novi facinoris pericula incer-
tum coëgit. Iret ultro ad regiam; Poli-
archo eas litteras daret; & in ipso scelere
præmia summæ fidei ambiret. Postquam
igitur fallendi rationem, omnemque
mendacii contextum polivit, in proxi-
mum oppidū profectus, illicq; percuncta-
tus quæ via ad regiam duceret, celerrima
sibi

sibi & illi quem viç ducem assumplerat iumenta conquisiit. Tertio die, urbem ex montis cacumine inspexit: Tum equo & ductore dimisso, ipse solus pervenit ad custodes, vultuque pallenti (quippe quem ex composito exterminaverat cursu) se ad Regem Poliarchum festinare, ambitiose iteravit. Illico deductus ad arcem est. Et tunc quidem minus vacabat Poliarcho, post longam forte insomniâ acquiescenti. Sed Phorbas ad Gelanorum deductus, cum supercilio monstrabat, se magna, & quorum procuratio celeritate constabat. nunciaturum advenisse. Quis esset, dicere iussus; Regi, inquit, melius dixero. A Sicilia ad eum advenio. Litteras fero; & heu vereor ne hac ipsa mora quam facitis, corrumpatur negotium, cui delectus, pene in cursu spiritum amissi.

Siciliæ nomen audisse; illinc quoque afferrilitteras, & nuncium aliquid ingens trepidatione præferre, visç sunt Gelanoro causæ idoneæ dormientem Poliarchum compellendi. Sedatior tamen accessit ad stragula; ne terrorem à somno excitatis, & adhuc sui incertis, periculosum, primæ Regis vigiliæ infunderet. Tussi igitur & modico vestigiorum strepitu pulsatum ita affatus est. Adsunt, Rex, à Sicilia litterę; & nuncius nescio quid festinat. Nihil cunctatus Poliarchus resedit in lectulo, & nuncium adduci præcepit. Intrat ergo imma-
nifi-

ni fiducia cubiculum Phorbas , quod secundum Deos potissimum timere debuerat ; ornatamque fabulam , non plus veris quam gestu & fronte, in hunc modum exorsus est. Ego, inquit, ex Arsidæ amicis sum, ô Rex. Is ad te Sicilia proficiscens inde secum me advexit, Cum te diu quæsisset, tandem ad victoriæ tuæ famam cursum huc tenuit. Nec jam procul eramus littoribus, cum nostrum navigium peiratæ tribus lembis circumstant. Arma pauci habebamus , placuitque compluribus ante pugnam deditio. Ita proditus Arsidæ cum familia & sarcinis in eorum potestatem concessit. Sed cum , direptis omnibus, novæ prædæ studio flagrarent, princeps eorum strictam in Arsidæ ora siccam intentans : Video, inquit, ex cultu & supellectili te hominem magnarum opum esse. Itaque nisi præter hæc quæ cepimus tria talenta præsentia numeras, ego ex his catenis (nam illi catenas jam dederant) jugulo soluto in mare te provolvam. Et Arsidæ ; Vnde mihi præsentia hæc talenta , cui nec libertatem reliquistis ? Imo, subicit prædo , cum de tua navigatione percunctarer, te ad Mauritaniam Regiam ire professus es. Certe non te oportet illic esse ignotum, Quemcunque tuorum volueris, ea lege vinculis eximā, ut, nisi intra hoc triduum sit in isto littore cum pensione quam poscimus, certissime pereas.

pereas. Nec fraudem mediteris ; aut in nos vindices provoca. In statione sumus unde liber prospectus est. Non mari, non terra, insidias locus capit. Si is quem miseris præter se ullum adduxerit, capite lues. Quin si interim naves in nos fortuna propulerit, fortunæ pœnas dabis. Cum sic impia & barbara voce dixisset, dejectus Arsidas semel atque iterum nos omnes intuitus, tandem me propius jussit accedere ; & , Vide, inquit , mi Phorba, quantum fidei tuæ credam. Ex diligentia tua nunc pendeo. Vade ad Regem Poliarchum : quo loco sint meæ fortunæ significa. Non ille valentis tribus parcat in re mea capitali. Et ne ambigere possit, quin vera pericula nuncies, has litteras accipe. (simulque de intimo sinu extraxit.) Scriptæ ad illum sunt. Quis scripserit, tua scire, non interest. Ferendas tibi trado, non tantum ut pignus sint fidei tuæ ; sed magis ne pereant, si ne isti peiratæ immerentem conficient. Ita dimissus, ad te, Rex, altero ad meridiem die pervenio : tantumdem ad reditum superest, si vis Arsidam vivum aspicere.

Inter hæc dicta, litteras Argenidis Poliarcho tradiderat, quasi missas ab Arsida ; quas integro lino sinceras ut tentavit, simulque solitum Argenidis ad se signum conspexit in cera, læto horrore infremuit. Simul tamen in periculo Arsidæ commo-

tus,

tus, dum solvit epistolam; O quicumque mortalis es, inquit, cui Arfida fata commissa sunt, si strenuus eris, & eum mihi reddes, crede non te talenta prædonibus tria, sed tibi ipsi ingentes divitias portare. Adeo memorem beneficii me dices, Te Gelanore, propera huic aurum quantum satis est dare. iam promptum esse oportuit. Vade, ne difficiliore ex mora prædones sint. Sed ô, an incolumi Arfida in hos posse iri existimas; & nefarios de suis lembis ad cruces deferri? Abominatus Phorbas meritum crucis omne, manum utramque vehementer intendit, strictisque oculis, Cave, inquit, cave ô Rex, in hanc mentem te dederis. Lembi prædonibus veloces sunt. Infederunt plagam apertam. Truncum mehercule Arfidam vobis dispergerent, fugaque inulta despicerent infœlices insidias.

Iam Poliarchus solutas tabellas legebat. Vera erat Argenidis manus. Sed omnino lamentabilis oratio. Facinus vindictamque videbat Selenissa; simulque Radirobanis impiam mentem, qui nefas non habuerat pudicissimæ virgini probra ingerere. Sed hunc quoque jam non vivere, & quidem à se victum, solatio erat. At quid in Archombrotum remedii, urgente hymenæum Melcandro, & bimestri salute vix donata Argenidi? Cum deinde in ultimam ceram oculos flexit, ubi solet dies exarata episto-

epistolæ ascribi; jam tempus quo aut ipsum redire, aut mori Argenidem oportuerat, effluxisse intellexit. Nunc igitur se damnare; nunc irasci tempestati, nunc Africam devovere, in qua servanda putabat se perisse. Sed omnia in Archombrotum vota, omnia odia recidebant. Ego me, inquit, ego ad tuam perniciem me servabo, atrocissime æmulorum. Sequar fatum Argenidis, sed perfunctus tuæ mortis solatio. Defuncti quoque pugnabimus. Pacem nec experiar nec concedam. Dum ejusmodi æstu pectus concutitur, cœpit invitatus dubitare, an Argenidi fides ad promissæ mortis constantiam durasset. Quā enim naturale, ut vitam amemus? quam grata vis quæ sicam in nostra viscera cuntem moratur? Denique, Poliarche (cogitabat) finge oblatas nuptias, finge durum illi patrem, & destinatam illuxisse miseriis tuis diem; an velles hanc perisse?

Tanto turbine multo ægrius quam vulneribus afflictus, acciri Phorbantem jubet; cui aurum interim numerabatur, increpatq; navigationē lentissimam, quod secundum post mensem demum Arsidas adesset. At ille errores cum fide memoravit; ut Cumis necessaria mora fuisset, ut in Gobryam incidissent, ut ab Italia venti impegissent classem in Africam. Lætus, qua esse tunc licebat, Poliarchus de Gobrya audivit; & quid illo factum esset percun-

cunctatus est: Nescio, inquit Phorbas; nisi quod subaudiebam illum in Siciliam navigare. Aliquid spei miserrimo amatori subjecerunt hæc verba. Sed Phorbas; Perdimus Arsidam, ó Rex, tam lenta cunctatione. Patiaris grassatoribus hunc eripi, multo tibi certiora quam quæ possim memoraturum. Pietatem mercenarii collaudavit Poliarchus; quartumque addi talentum præcepit: Forsitan quippe fore ex usu, absolutis latronibus non inanem Arsidam esse. Equum præterea notissimæ celeritatis attribuit; in quem Phorbas inscendens Mauritaniam prætergredi festinavit, & se remotis littoribus cum præda subducere.

At vero Poliarchus, quamquam ex vulneribus vixdum ingredi valens, non differendum in Siciliam iter esse constituit. Acquiescere enim in navi se posse; & necessaria ad curationem accipere. Id quidem Gelanoro non placebat; sed nec frustra repugnare sustinuit. Erat tamen Arsidas expectandus, quæ in tertium diem Phorbas promiserat. Ergo præcipiti domino, & parari discessum jubenti, diligenter parebat Gelanorus. Rectores triremium, classarios atque nautas ad officia vocabant. Commeatus portabantur, solumque profectioi satis instructæ signum jam deerat. Nec poterat inhibere Hyaniſce festinationem hospitis adhuc cruda vulne-

nera missuri in discrimen ; quæ tam subita consilia essent , aut quid illi contigisset turbulenta profectioe dignum ; nec apud se conjiciens , & verita nimis anxia & indecenti cura exquirere. Is per ægritudinem animi excussa quiete, nunc Argenidi timens, nunc in Archombrotum odio æstuans, ea nocte adhuc imbecillem valetudinem turbavit. Supprimere tamen morbum tentabat valentibus verbis , ne suorum consensu vetaretur per immaturæ navigationis pericula vitæ suæ illudere.

Cæterum vix biduum à Phorbantis discessu processerat, cum Gelanoro regium cubiculum forte egresso Arsidas occurrit, adhuc quidem ex morbo, sed multo plus indignatione & mœsticia mutatus. Scilicet celerius quam expectaverant medici receptis viribus , postridie quam in eum Phorbas peccavit ausus est se in læticam conjicere. Reliquis diebus non dubitavit equo vehi, amillarum literarum dolore, non se, non iter, laborēve respiciens. Quo prædonem persequeretur ? quibus verbis se excusaret Poliarcho ? aut qua fronte rediret ad dominam ? Ita anxius regiam intravit : & qua Poliarchus habitabat deductus est. Gelanorus in sperato conspectum lætissimo vultu excipiens , Nolo, inquit, aliis Regi nunciet te venisse. Ibo, & illum hoc gaudio implebo. Sed Arsidas Gelanoro fortunam excusaturus ; Mane, ait,
Gela-

Gelanore. Est quod prius meæ cladis acerb-
bitatem intelligas. Ille ratus de captivita-
te, prædonumque avaritia, qualem Phor-
bas narraverat, eum queri: Scimus hæc
omnia, inquit, & præterea mox commo-
dius dixeris Regi. Inter hæc verba Arsida
elapsus est, præcipitatione gaudii nihil
moratus revocantem. Obstupuit Poliar-
chus, Phorbantis diligentiam æstimans,
qui tam strenue Arsidam exemisset præ-
donibus; Iussumque accedere, & sibi tunc
primum ut Regi loquuturum amplexu
occupans, non est passus venerabundum
procumbere. Sed hic diu uterque erravit,
dum Poliarchus quæ Phorbas de latroni-
bus finxerat, pergit loqui; & ille de ipso
Phorbantis facinore Poliarchum dicere
putat; miratus quæ tam prospera fama hanc
jacturam literarum ad eum detulisset. Dii
bene, ô Arsida, (inquit Rex) quod te post
tempestates, post laticiniorum mala,
habemus incolumem. Tua clades, ex quo
eam accepi, mihi plus doluit quam forsi-
tan tibi. Tum Arsidas; Et hoc in eâ maxi-
me acerbum mihi, Rex, fuit, quod te scire
gravissime illam laturum, Sed ignosce tuo
Arsidæ. Infelicitate mea, non scelere læsus
es. Nec subirem tuos vultus, aut auderem
experiri quid de me tua ira decretura sit,
nisi scirem quam sapienter intelligas non
in cuiusque potestate domesticorum
mentes esse aut fortunæ injurias. Tum

Poliarchus: Quæ autem irarum hæc in te causa, mi Arfida? An quod maris pericula me propter subiisti? quod te peirata, quod tempestas diripuit? Vbi vero noster Phorbas? in quo ornando testari me decet quam sis mihi eximius. Illudi se à Poliarcho Arfidas credens: Utinam vero adesset ille Phorbas. Innocentiam meam sua pœna assereret. Sed unde tibi (ô Rex) Phorbantis hoc nomen? Quia, inquit Poliarchus, oblivisci non possum hominis tanta fide tuas res measque accurantis. Utinam hunc vidisses, Arfida, nullas moras apud me ferentem, ne noxiæ tibi essent. Dum respirat, dum aurum numeratur, dum mihi flagitanti tuos casus in compendiû confert, inquietupine animi suspensus, jam viam ad te omni voto gestuque videbatur præcipere. Quonam autem evasere peirata? Credis si in eos naves dimittam, posse eorum cursum intercipi? Quos vero mihi peiratas, subjicit Arfidas, aut quam Phorbantis fidem memoras? Quem si ego, quem si tu. O Numina! ut libenter in diem non differrem quod debeo! Illum Phorbantem dico, inquit Rex, per quem nuperrime istas Dominae meæ literas captivus misisti. Quid autem nunc videris fidissimum amicorum ignorare? Arfidas iis literis visis, turbatissimo affectu, necdum ad læticiam apto, expalluit; diuque hoc solum repetiit, Literas habes? & à
Phor-

Phorbante habes ? Quæ hæc monstra, quæve insomnia , ô Rex ? Tum recepto spiritu ; Prope, inquit, illi ignosco, qui in totum noluit me perire. Sed ubi is est ; Hominem non vidi, retulit Poliarchus , ex quo quatuor à me talenta prædonibus ferenda accepit, qui te tenebant. Tum Arsidas : Imo nemo captivum me habuit. O solertissimum caput ! ô Autolyçi parem ! Ergo perfidiæ laudem & præmia invenit ? & post me expilatum , non te etiam frustra tentavit ? Ordine deinde cuncta recensuit : Ut ipse apud Iubam ægrotassæt, ut spoliatus à Phorbante veniret excusatum quod literæ Argenidis periissent. Huic contra retulit Poliarchus non sine mutuo risu , tragædiæ ordinē quam Phorbas intulerat : cui saltem, inquit, ignosco, quod hanc epistolam tot talentis permutavit.

Sed negotii moles, quod tunc maxime vertebatur, non est passā sermonem utriusque in Phorbantis facinore diutius versari. Itaque semotum Arsidam cum de Argenidis valetudine Poliarchus rogassæt : An tu existimas, inquit, adhuc vivere miseram virginem , & quam invitus miseram facio ? Quid auxilii, quid consilii habes ? quo satis intetitu Archombrotus peribit ? Solverem ab Africa vel hodie, Arside. Sed hac nocte recruderunt vulnera ; ut non possim maritimam iactationem ferre. Interum dum vires recipio validis-

simam meorum militum partem tibi & Gelanoro tradam. Consulētis Dominae vestrae; si modo fortuna expectavit auxilium. Strenue ego adero; & vel morte vel victoria quietem inveniam. Referebat Arsidas tam quæ Argenis abeunti mandaverat: quam quæ omnino à discessu Poliarchi contigerant: Maxime loquebatur de institutis à Radirobane ludis, quorum fraude captivitas parabatur Argenidi. Neque parvam in his sermonibus partem habebat Selenissa; ut peccasset, utque in se statuisset ultimas pœnas: Tum Archomproti gratia apud Regem, & in virgine ambienda blanditiæ. Tertius colloquendo aderat Gelanorus. Nam hunc omnis arbitrum vitæ nihil suarum rerum Poliarchus sinebat ignorare.

Dum igitur illi sua & Siciliae fata disponunt, præcipuumque omnium Archomproti exitium habent: Micipsa ab Hyanishemissus ad Poliarchum venit; nunciatque Reginae filium patrio tandem littori classem applicuisse. Huic ubi in Regiam ascenderit, nihil prævorsurum officio ad Poliarchum veniendi. Simul exultantium tumultus cœpere in regia audiri. Populus pars vestibulum implebat, pars ad portum ferebatur. Coibant Optimates ad Reginam, ambiebantque mitti ad Principem. Etenim Archomprotus lembo præmissio qui cum advêtare significaret, mox strenue

strenue sequutus jam erat in lirtote. Naves cum comitatæ hæ ad portum, qui ostio fluminis dexter erat, statutæ sunt, hæ per adversum flumen ventis ac remis agebantur; militibus qui se ad bellum venire crediderant, interdum querentibus quod nemo obstaret. Ipse Archombrotus ut primum in arenam exiit, Deos patrios, telluremque, & auras quas nascens traxerat, veneratus, circum deinde oculos tulit in populum, plausuque & acclamatione ferventibus prolixè respondit vultu hilari, & facilitate oris nihil destruyente majestaté. Ad præcipuos inde conversus, excipiebat oscula dextræ data, recognoscebatque antiquas necessitudines; & verba utiq; tempore & serie ambientium passim arctata, ut plurimum eadē dispensabat in varios. Diu in eodem vestigia hæsit, numero salutantium urgente. Toto deinde itinere proximos de Regina, de patriæ rebus, & Radirobanis injurijs rogabat. Strictim omnia referebantur, sed à variis, nec quid unum narrantibus. Hoc unum ingerebatur, defunctam periculo Africam; Gallos fuisse præsidio; Radirobanem occubuisse.

At vero Hyanisbe alios prius se filio frui impatiens, quamquã & mater & Regina, omisit majestatem, excessitq; cubiculo, & prætextu videndi quam alacer circum filium populus esset, quamque ipse insignes

(ita enim referebatur) milites ducesq; haberet, ad atrium processit, indeque qua se primæ palatii fores demittebant in oppidum. Et hanc procul conspiciens Archombrotus descendit ex equo, majoribusq; vestigiis & alacritatis genio citatis, medium iter confecit. Ac ut primum pervenit ad matrem, stolamque extremam osculis strinxit, flens illa gaudio non distulit coram populo blanditiâs quæ secreto debebantur. Tum illius dexteram tenens; Laudo pietatem, ô fili, quod tanto apparatu ad tuendam parentem venisti. Sed ne solus sis cui maternum affectum debeam, Rex Galliæ effecit; cujus victoria sumus incolumes. Ille à Mauritania tua exitium depulit; ille matrem tibi servavit, quæ nunc in Sardinia serviret: Ipse tyrannus male tentatam Africam sanguine perfudit. Omitto, illi Regi adhuc aliquid amplius nos debere; quod & ipse, & præter me omnes ignorant. Veni, fili, neque ante Diis patriis lustrari propera, quam illum salutaveris adhuc ex vulneribus jacentem quæ hoc sceptrum tibi asseruerunt. Archombrotus tot beneficiorum magnitudine perculsus, subita Gallici Regis charitate flagrabat; sæpe tamen excusans quod externis Principibus lentior fuisset in parentis patriæque discrimine.

Iamque ad Poliarchum præmissi, nunciaverant, si ipsi vacaret. Reginam cum filio

filio adfuturam. Is, nisi morbo prohiberetur, se occupaturum officium respondet. Simul ex Optimatum suorum præcipuis duos ad Reginam & filium legat. Avidissime expectabat Principem videre quem Maurorum vocibus, & ipsius Hyanisbes confessione, in rarissimis esse acceperat. Sed Hyempsalem appellabant; vero scilicet nomine, passimq; usitato. Clam enim Archombroti nomen assumpserat, dissimulando generi, cum secretus cultuque privato in Siciliam iret. Circa Poliarchum Proceres Galli quam maximo cultu erant. Proximus Arsidas colloquebatur, Sed posteaquã Regina intravit, Archombrotum manu tenens, subito veluti monstro perculsa est. Nam ut primum Poliarchus Archombrotum aspexit, vicissimque ab illo est cognitus) ô fatum!) quæ procella, quodve fulmen, celerius destinatos cursus exequitur, quam tunc rabies, & indignatio, & avidus sanguinis furor, mutatis utriusque animis vultus quoque corrumpit? Ceu Medusam aspexissent steterunt immoti; mox trucibus oculis, necdum tamè omnia impetui indulgentibus, à fronte ad vestigia contemplatione deduxere. Stupebant fremebantque attoniti. Quæ hæc enim Deorum ludibria? Ut se mutuo cohererent coivisse acerbissimos hostes, nec ingratis in alterno vulnere immortituros? Repeteretne Poliarchus ab Archombroto

Argenidem suam , quam vel nuptam vel extinctam credebat ? Quicquid sanguinis pro Hyanisbe pugnans non fuderat , an tunc in illius calamitatem misceret sanguini Archombroti, & indignam utroque orbaret solatio ? Sed multo acrius fortunę Diisque omnibus irascebatur Archombrotus ; indignatus illi hosti se patriam atque matrem debere. Erubescibat ad pietatis & odii coeuntes affectus. Nam nec poterat nisi hominum ingratissimus , urgere fatale cum Poliarcho dissidium , nec illo fœlice vivere. Sensim in utroque exuperabat insania ; nec aliud præter reverentiam Hyanisbes obstabat quin polluerent sanctitatem hospitii, & vel nudis manibus nimis lenta arma præverterent. Nec minus Arsidas viso Archombroto vires amiserat ; trepidansque ; Perimus , Gelanore : Nisi se medium aliquis genius immittat, sine scelere & sanguine non abibit hic dies. Is ergo Hyanisbes filius erat ? nemo scivit ? nemo nefastos occurus prævertit ? O fœlix Sicilia , quæ furores quos fecit saltem non aspiciet !

Hyanisbe inexpectato filii hospitisque horrore perterrita, & ignara quid potissimum suspicaretur ; priusquam intractabili vesania furor erumperet , dividere male coactum par instituit ; de morbo deinde atque remediis quæsitura. Ergo primum Poliarcho ; Ignosce , charissime hospes, quod

quod te impetive de quiete exegimus. Cura valetudinem, sine qua nec olim salvi esse potuimus, & modo non volumus. Imus ad Deos oratum, ut hic dies tibi nobisque fœlix illuxerit. Conversa deinde ad filium adhuc in Poliarchi vultu cunctantem, voce submissa, de cubiculo exire secū præcepit. Sequebatur ille imperium: Nec aliud Poliarchus adjecit quam se Deos quos adibat Regina ei propitios optare. At non ad templum Hyanistæ processit. Major tumultus animum agebat quam qui durare posset in votorum solemnibus. Cæterum hæc Principum inexpectata aversio, ingenti consternatione regiam primum, mox & urbem, & milites implevit. Pavidæ quæ hæc odia essent quærebant, aut fingeant. Optimates qui Poliarcho astiterant, sequuti violentiâ Regis offensi, quamquâ ignari cur Archombrotus hostis esse meruisset, jam arma inter se, pugnamque & cædes loquebantur. Vbiq; in oppido factionibus laborabant Paulo ante conjunctissimæ mentes, Galli, Maurique, & qui Siculi cum Archombroto advenerant. In tanto tumultu dissidere facilius plurimis erat quam deliberare cui se parti addicerent. Etenim præter Gallos qui omnes pro suo Rege steterunt, vix aliquis fuit qui non diu ambigeret. Nam Mauris in Poliarchum stare, quæ salutis suæ authoris paulo ante cecinerant, videbatur inhumanum. Siculorum quoque multi

multi eundem eximie amabant. Tamen in tanto favore, juxta seditionem ubique motus increverat.

Regina in tot curas una distracta, nunc tumultum ex armare, nunc filium, nunc Poliarchum mulcere est adorta. Et filio quidem primum, ubi soli fuerunt, ita loquuta est. Mi Hyempfal; expectabam reditu tuo tanquam inter duos filios triumphare. Sed utrumque intempestivus furor in meam perniciem, &, ni cavemus, in Galliæ & Mauritaniæ stragem concitat. Qui hi motus fuere? qui oculi quibus aspexisti Poliarchum? Me miseram! quam pene nefas vidi? Sed non quæro odii causas; non uter æquius inimicitiis arserit. Te nunc tantum per patrios Deos, &, si tibi viles sunt, quia hos nobis Poliarchus servavit, per Siculos illos quos cum abires ab Insula veneratus es; perque Argenidem tuam oro; des spatium iracundiæ tuæ, donec matrem audiveris. Non peto nunc odia poni, sed differri, mi fili: Ego de reconciliandis animis vestris videro. Tu, si hoc abnuis, at consule saltem, qua ratione possis fama incolumi obruere beneficiorum memoriam quæ huic debemus.

Hæc confuso, cum majestate metu simul imperans & trepida, loquebatur; cū illi relatū est, Poliarchum parare discessum ab Regia. Is enim postquam æmuli conspectu saucius cœpit odisse illam do-

mum,

num, ne suspicione quidem vacavit, noxę fore si in hostis potestate perseveraret, si ipsi, si illius matris se crederet. Accendebant jam sponte turbatum Procerum voces, urgētium metus, & sedulitate monendi fingentium pietatem. Protinus ergo jubet Tribunis militum edici; ut ad regię fores militum partem sistant. sibi discedenti præsidium; confestim alii ex urbe educantur, & castris locum eligant non longe à nauibus: In iis se inter suos pernoctaturum. Ne tamen aut nimia præcipitatione peccaret, aut Reginam læderet adhuc immeritam, cubiculi Præfectum cum ejusmodi mandatis ad eam destinat; Habere se hospitii gratias, charitatisq; in suorum vulnerum discrimine perspectæ. Recentibus filii amplexibus occupatam nolle ad salutationem provocare. Necessariis rebus suis se ab Regia quidem discedere: Sed priusquam solvat à littore, beneficiorum gratiam præsentī habiturum, si illa patietur. Hyanisbe his auditis gravissime concussa est. Exhibat à laribus suis optime meritis hospes, sibiq; præterea virtutum commendatione charissimus, & exhibat quidem, ô facinus! aut hostis, aut tanquam ab hostibus. Quid faciat? quem prius alloquatur? utrum, si necesse sit, æmulorum possit prius non amare? Sed tamen filius poterat credi seu viribus seu pudore sibi faciliior. Ad eum igitur versa:

Spondes

Spondes, inquit, ó fili, dum mox redeo, quietem hic agere? Spondes; per jura materna te obtestor; quæ si respuis, nec hereditatem meam debebis agnoscere. Cum ille promississet, ipsa propere ad Poliarchum ivit, jam limen cubiculi egressum, & equi quo veheretur frænum capientem in manum. Quamquam enim invalidus, tamen vehi lectica noluerat. ne Archombroto speciem daret simulatione valetudinis certamen detrectantis. Hunc vultu Hyanisbe aspiciens qualem habere solet calamitosa innocentia, pænulam quoque discedentis corripuit, & Per, inquit, tua in nos beneficia rogo, ut, priusquam fidem meam descessu tuo damnes, in secretum admittas tibi pauca prolocuturam. Puduit Poliarchum tantæ supplicii id negare; rediitque in arcanam cubiculi partem: Quæ postquam arbitris vacavit, Regina lachrymas præmittens, Dii sunt testes, ait, me nec fraude, nec consilio malo objecisse oculis tuis illum propter quem me miseram averfari. Utinam eum adhuc ignores, utinam abesset, mihi forte plus mali suo adventu allaturus, quam Radiobanes unquam molitus est. Si in mea potestate illius animus esset; frangerem eum tibi, Rex, tam alte quam tibi subjectam me aspicias. Inter hæc verba, immemor maiestatis, se demiserat ad repugnantis pedes; crebroque suspirio nutans verba perdiderat.

rat.

rat. Poliarchus haud secius quam matrem veneratus illam sustulit ab humo; questus non minorem sibi injuriam fieri à Regina supplicatione tam abjecta, quam ea erat, qua ejus filius ipsi illuserat. Tum Regina: Quæ ergo contumelia est qua te ille lacepsivit, aut quibus in terris in hæc malorum semina vos antea fata junxerunt? Possum hoc à te audire, hospes? Is enim dicere negat.

At tu quoque obstinato silentio me perdes, & nesciam quo me fulmine Iupiter subvertit? Ne absiste, ne, obtestor, meis penatibus, donec constiterit illud malum carere remediis. Pleraque tempore mulecentur, & odia quæ silentio fovemus, professâ sæpissime expirant. Quod si te & filium meum una domus non capit, ille recedet. An times vitam tuam mihi committere? Imple Gallico præsidio regiam. Præter tuos nefas erit armatum hic conspici: Nam si perstas, si miseram relinquis, ejiciam domo mecastor & filium. Cur te ad naves aut castra sedente, regiam occupet periculo tuo emptam? Ergo pugnam deprecaberis; & tu quidem non jam viribus corporis nixus quæ pro mea salute exhaustæ sunt; sed odio, & forsitan jubentibus fati, quæ si in alterum vestrum peccabunt, sequar ego morientem, & superstiti furias meæ mortis relinquam.

Adjecit

Adjecit deinde novos fletus, & familiariter p̃anulam, quam ille discessurus gestabat, de colle diripuit, tum cunctationem dubitantis pro assensu callide usurpans, gratias beneficii egit quod nōdum acceperat. Vicit igitur Poliarchum tam vehemens & pertinax flentis oratio. Ego, inquit, ô Regina, discessum quem tanto pere abominaris, imputabam humanitati. Scis non semper in potestate inimicorum esse impetus quibus odia fervent, quique potissimum mutuo aspectu concitantur. Cogitavi itaque hanc arcem relinquere, ne aut ego aut filius tuus faceremus quod dolere tibi posset: Si tamen ita censes, bidui moram hic patiar; ut deinde me potius negotia adduxisse videantur, quā inimicitarum atrocitas: Ea lege ne interim ille me, aut hunc ego conspiciam. Cultum autem quem hactenus tibi habui, cave, Regina, putes his jurgiis esse libatum. Neque enim vel tu efficies ut, eum amem, vel ille ut averter genium tuum. Atqui, refert Hyaniſbe, Deos spero intra id biduū, compositis animis exituram malignitatem sortis, quæcūque vos in dissidia cæcavit. Sub hæc, Gallorum proximos ipsa advocat; subridensque, Plus, inquit, mihi Rex vester curæ, quam omnibus vobis (Proceres) fuit. Affecta valetudine, nec dum citatricibus ductis, non prohibebatis itineris laborem experiri. Ego autem evici
ne sic

ne sic perire velit. Extemplo mutata militibus imperia sunt; & urbem tam inquietis modo rumoribus laborantem nova hilaritas composuit. Quippe omnia in majus fama tollente, jam plena reconciliatio rediisse Principibus, jam ita desuisse incertiora amoris pignora vulgabatur. Ita facile Gallis Maurisque convenit, qui inviti dissenferant: Memorque promissi Hyanisbe, edixit, ne quis in aulam cum armis præter Gallos intraret.

In hunc modum prima acie mali elusa; Regina ad maturiora remedia se convertit. Sed ea reperire aut aptare non poterat, quamdiu ignorabat quæ illos causæ inter se committerent. Dumque dubitat unde certius hæc haberet, dedit se opportune occasio. Timonides Meleandri ad eam legatus, quo sui Regis dignitatē tueretur, Archombroto in urbem procedente hæserat apud naves; per se deinde; non misto comitatu secundusve alteri, Reginam aditurus. Sed illi mature de hoc tumultu relatum est. Nam & quidam ex Siculis comitati Archombrotum, huic properaverant nunciare; Poliarchum, quem diu in Sicilia viderant, Gallorum Regem esse: hunc apud Hyanisben ægrotare ex vulneribus; & ad conspectum Archembroti mutuo odio fuisse succensum. Adjecerunt, Arsida adesse Poliarcho. Mira hæc omnia visa Timonidi. Erat Poliarcho in

primis amicus: & olim ad eum à Meleandro legatus cum armilla quam Eristhenes veneno corruerat. Hunc ergo adesse, & purpura quidem insignem, latissimus audivit. Sed unde Arsidas advenisset, haud immerito mirabatur. Facilius de Archombroti dissidio rem conjecit: ab Argenidis amore esse hanc iram. Sensim enim in Sicilia tanti arcani fama eruperat: Ut nec cuiquam jam dubium esset qui Radiobanes peccasset in Argenidem, aut cur Selepnissa periisset. De seipso deinde sollicitus, cogitabat utri parti præstaret accedere. Nam si specie officii sui in medio perseveraret, omnibus fore ingratum, nec inultæ, quicumque illorum vicisset, solertiæ. Ad Poliarchum trahebat amicitia vetus, & Argenidis in eum animus: Revocabat ad Archombrotum Meleandri memoria, & habita sibi fides quam nefas ducebat violare. Adhuc sui incertus præmisit qui Reginae nunciarent se venire. Saltem enim explorare confestim rem debebat, & exactam Meleandro præscribere. Fluctuanti Reginae spes subito facta est, per hunc legatum posse causam resciri tam periculosi odii. Et propere illi loquuta, postquam de Meleandro quæ decebat rogavit; deflere Poliarchi & filii dissidium cœpit; Illudque potissimum quod nesciret tanti odii initia, ideoque nec medendi rationem. Nihil causæ videbatur Timonidi, cur tegeret nō

secre-

secretam aut pudendam discordiam. Paucis ergo monstravit, Poliarchum tenuioris fortunæ specie diu in Sicilia fuisse, & amore captum Argenidis sperasse nuptias, quæ deinde paratæ sunt Archombroto. Nihil itaque mirum si æmuli, & imminentes tanto utique voto, acerbe & pro materia rixabantur. Rediit Hyaniſbæ animus ad hæc verba; ut vix coram Timonide læticiam teneret: Cumque ille dubitaret an incolumi Archombroti gratia posset salutare Poliarchum, ipsa ultro ut iret admonuit. In se enim recipere id, & gratum filio suo fore.

Postquam Timonides discessit, parumper Regina cogitavit quo ordine rem maximam exequeretur, certa, ex se pendere tantæ litis fortunam & exitum. Magnifice incumuerat, audebatque fortunam despicere. In memoriam quoque redierat, Poliarchum ab ipsa invitatum, ut in Sardos ferret Africæ opem, vultu commoto rogavisse, an Argenis Radirobani nupsisset. Hinc & amare Poliarchum credebat, & vera Timonidem retulisse. Cæterum sic apud se constituit, si tractabiles juvenum animi essent, hos in Siciliam dilato morbi remedio mittendos; Maxime quod in Meleandri consensu pars sanitatis esset. Sin hæc odia sine clade durare non poterant, confestim certissima pace exarmandum savientium, furorem. Redit ergo ad
Z z 2 filium

filium jam paulo imperiosior , & quasi docente Poliarcho de inimicitiis comperisset. Non mihi placet, inquit, silentium tuum: maxime cum nec pudenda aut te indigna sint quæ retices; & hæc eadem ab æmulo tuo rescire potuerim. Amatis Argenidem; Magnum vulnus juvenibus, & odii ambitiosa materies. Virgo, ut audio, quam in Diis non est qui aliqua dote non auxerit. Sicilia est in hereditate; Et quod acribus animis præcipuum est, neuter à certamine excidere sustinet. Ignosco nobilibus stimulis; Diisque simul gratias habeo quod non est supra medicinam iste morbus. Ego, quod creditis neminem Deorum posse efficere, utrique hoc negotium sic peragam, ut simul odia ponatis, ametisque Argenidem, & sit ipsa utrique propitia. Scis, mi fili, sustinuisse me Argenidis nuptias quibus instabas, donec ad me rediisses. Obsequutus es imperio. Intelliges non me frustra hæc jussisse. Sed sunt quædam de quibus te percuncter, si sperare modo possum ex amatore & æmulo vera audire. Quid moræ est votis tuis Poliarchus? Si quidem nunciabas, modo annuerem, omnia ad hæc nuptiarum fœdera tibi procedere. Dic, gnate mi; Nam & tua interest, ut hoc intelligam. Perplexus Archombrotus quæstionem hanc audivit; quia pudet at confiteri, Poliarchum placere Argenidi. Nihil igitur officere

officere nuptiis suis Poliarchum respondit. Sed se iratoꝝ emulationi illius. qui quoad poterat simplicem Argenidis animum molestis & inutilibus fabulis impleret. Tum subdole Regina ; Quid si autem his artibus mentem virginis avertet? an ne sic quidem obstabit hymenæo? At concitator juvenis : Cogeretur nehercule puella à parente, cui non minus quam mihi probantur hæ nuptiæ. Exilium deinde Poliarchi à Sicilia memorat , bellumque in Lycogenem & victoriâ suam. Sed quamquam toto narrationis contextu sibi favebat, non latuit Hyanisbè, illum quidem Meleandro, sed Poliarchum Argenidi esse præcipuum.

Multo igitur quam ante hilarior , cum filio cænavit. Satis enim in eam noctem quæsitum videbatur. Postero die ad Poliarchum redit, non instructa verbis modo, sed & consilii serie , quam nox & mora suggererant. Postquam blandius compellavit , jussitque extra sermonum suorum arbitrium qui astabant consistere : Mirabar, ô hospes , quid tu ac filius meus essetis irati? Sed audio id amoris utiq; magni & excusabilis ingenium esse, unamque Argenidem facere vestram litem. Si ita est, ego me vobis salutarem profiteor. Sola sum , cui ad utriusque morbum medela sufficiat. Quid in re placida, tot questibus, tot jurgiis opus? Adhuc res in integro est :

foedera imperfecta, innupta Argenis. Ego te lætum, & sine pugnae discrimine victorem; ego te filio pacatum (quid horres, abnuisque?) efficiam. Nec mirere qui procedere possit pollicitatio tam immanis. Prædem hanc manum accipe, nihil me præter id quod futurum est dixisse. Confusus tot ambagibus Poliarchus, & prope se deludi existimans, omittere Reginam aut orationem obscuram, aut hos omnino de Argenide sermones rogavit: At illa; Adhuc majori monstro te suspendam, suavissime hospes; Volo enim mihi Argenidem debeas, neque hanc tamen filio meo eripiam. Sed ita fatum est, ut subito apertoque remedio curari non possitis. Simul vobis in Siciliam eundum est; & litteræ quas vobis committam reddendæ Meleandro. Illico finientur dissidia, & uterque de amore desinet queri. Infanire Hyantisben Poliarchus credebat, cum suos illa Penates arulamque deinde afferri imperavit. Quæ postquam mensæ imposita prunis concrepuit, nebulaque suffituum obtexit breves Deos, his diris Regina se obstrinxit. Audite, præsentis genii, Præstitum vigiles formæ; qui apud nos nati, hanc domum & patriam servatis: Si quicquam Regi Poliarcho mentita sum, aut nisi ei consilio meo incolumitatem, quietem, gaudium fero; Destituite hanc domum præsidio; vel ea integra, mihi & filio

malum

malum & perniciem date. Poliarchus ad religionem obstupuit, Reginaque respondit, se Diis iisdem quos ipsa appellaverat, innocentiae testibus uti posse. Nam priusquam Archombrotus pedem in Siciliam penetraret, sibi Argenidis & Trinitatem fuisse promissam. Res illum bene compositas intempestivis desideriis turbasse; & quia virgo mutari fastidiebat, sollicitasse ad tyrannidem Meleandrum; ut liberam & Principem virginem durus pater mittere vellet in coacti matrimonii servitutem. His & similibus verbis paulatim repetentem animos, qui qualicunque pace decesserant, continuat Regina: Neque enim se venisse ut iræ tumorem subjiceret, sed ut reconciliatione, quam certam afferebat, cum ipsis frueretur. Quantulum autem est quod peto, amicissime hospes? nimirum ne ante ad capitalem rixam descendas, quam videris perfunctum Meleandrum. Lestione epistolæ, quam ego perscribam. Pollicere mihi modo hanc à jurgio armisque continentiam, ô Rex. Ego tantundem de filii mei patientia & fide recipio, & asfero tibi. Vobis deinde per me licet, armis & odjis cuncta miscere.

His auditis, illum diem ad deliberandum Poliarchus poposcit: moxque Regina iisdem pollicitationibus filium adorta est; cui & ipsi ea esse deliramenta videbantur. Sed petere & promittere perseveran-

tem. durissimum erat pertinaci iracundia repellere. Et visum utrique est, nihil eam nimium flagitare. Moræ siquidem pretium erat, si illius ad Meleandrum literis sine armis & sanguine exitum inveniret contentio. Sin in vanum promissâ reciderent: adeo ejus venia pugnare licebat, ut nec jure ei posset irasci qui per alterius cædem vicisset. Itaque assentientibus illis in hunc modum fœdera perscripsit, ut neuter præteritas exequeretur injurias, neuter suos concitaret ad pugnam, donec simul vidissent Meleandrum. Irent in Siciliam, quamprimum vulnera Poliarchi navigandi potestatem facerent, neuterque dolo malo in induciarum leges peccaret. His ita compositis, deinde Hyanisbæ difficillimū fuit, à juvenibus impetrare ut sibi colloqui sustinerent: Quod, inquit, potissimum urgeo, ut civium militumque jurgia tollantur, quæ fortasse vel vobis invitis paulatim exardescant, nisi publico pignore temporariam hanc pacem firmetis. Quid deinde gravamini vos videre, quibus adeo certa sum intercessurum fidissimæ charitatis sacramentum, ut, si eo me voto fata fraudaverint, non repugnē vel hoc odio quod nunc inter vos est vindicari meorum promissorum vanitatem? Nec contenta autoritate & gratia sua Poliarchum filiumque tentare: Gelanorum, & Arsidam, quos apud Poliarchum poten-

potentissimos esse videbat : precibus & donis aggressa est: item eorum præcipuos, quibus familiarius utebatur Archombrotus. Impetrato inter eos colloquio, quid ambo loquerentur, quisve inciperet, vana & anxia pensitatione libratum est, & coram Hyanisbe (nam Poliarcho filium adduxit) se intra præscriptas formulas tenuerunt. Nec sæpius coire ferebant: Quamquam amicitiae genius qui eos in Timoleæ domo primum afflaverat, jam hostilibus animis se rursus quærebat insinuare; fatisque mutuo ipsi irascebantur, quæ hanc odiorum necessitatem fecissent. Sed in mitiora lapsos consilia, revocabat idētidem imago assidua Argenidis, pudorque ne priores viderentur reconciliationem optavisse.

Per eosdem forte dies incommodum accidit, quod unum ex vulneribus Poliarchi inter majora & periculosiora neglectum, adeo magnis doloribus incensum est, ut adhuc imbecillibus membris febrim refunderet. Nec ipsi quam Archombroto ægrius erat, navigationem differri. Nam in induciis erat ne altero absente alius in Siciliam iter præciperet. Ergo impatientes moræ, & saltem scribere cupientes; ne literæ insidiis occuparentur, ex fidissimis aliquos eo legare constituunt. Et Archombrotus quidem Meleandro atque Argenidi scripsit, nulla in Poliarchum

contumelia: sed tantum excusans quod tardius rediret, tum ex matris imperio, tum ne fœdo timore invaletudinem æmuli Regis videretur in occasionem habuisse reigerendæ. Ferendis epistolis quidam Bocchus notæ in Archombrotum fidei delectus est. At vero Poliarchus diu tecum exegit, an & scriberet Meleandro. Sed obsequutus est suadenti Arsida, scripsitq; ne saltem Argenidis patrem videretur negligere. Magis quæsitum est an Arsidas cum iis litteris in Siciliam rediret. Verebatur suspensiones Regis, & in tanto favore Archombroti cæca & ex transverso pericula. Sed si redibat, hætenus tempestas excusabat hunc cum Poliarcho congressum: sin cum eo perseverabat, poterat deprehendi furtiva legatio. Ergo eum placuit proficisci; Et huic quoque Timonides, amicitia & factione junctissimus, literas suas ad Rege & Cleobulum credidit; sic publicæ rei memor ut & suam prudentissime curaret.

Interim ex Sardinia afferebatur, flagrare omnia civili incendio, Harficora & Cornio, Radirobanis nepotibus regnum quod ambiebant atroci bello perdentibus. Statim Archombroto spes facta est, gentem factionibus divisam, & adhuc arma Africæ horrentem, si celerem hostem haberet, opprimi posse. Ne ergo collectæ ex Sicilia vires perirēt, secūduſve Poliarchi

trium-

triumphis apud suos Mauros esset, (quandoquidem tunc vacabat morbusque Poliar-
archi differebat Siciliam) exercitum quem
in Africam vexerat, adjunctis Maurorum
auxiliis, illuc egit. Matri tamen & Poliar-
cho pollicitus, sive vinceret, sive adversis
uteretur numinibus, non uno plus mense
abfuturum sponte ab Africa. Dimissum
his legibus excipit præsentissimus Deum
favor, pene supra quam voluisset. Adeo
enim fuit victoria in proclivi, ut præter
audendi invadendique consilia, & unius
pugnæ laborem, vix fortitudinis experi-
mentum fortuna reliquerit. Primum va-
cuos portus nactus, præsidio illic relicto
explicuit milites; mox & insedit verticem
montis unde illa insalubris sed segetibus
fœcunda Sardinia prospici posset; proba-
vitque nomina quæ veteres à soleæ aut ve-
stigiï forma indiderant, Sandaliotin aut
Ichnusam appellantes. Iam duobus præ-
liis Sardi inter se super regno vires contu-
lerant; & cruenta certamina absumpserāt
fortissimos Optimatum ac militum. Sic
miseri patriam exhausti Archombro-
to pugnare; Cujus copiis in monte con-
spectis, miserunt qui de hostium genere ac
numero referrent. Nam nec longe in sub-
jecta planicie, bina illa patruelium castra
constiterant. Cūq; audisset Mauros adesse
ac Siculos. mare quoq; classe eximia pos-
sessum, omisere consilium quod ad salutē
unum

ferētes, se ad Cunicularias insulas recepere, angusto in freto quod à Sardinia Corsicā dirimit. Inde transiiserunt in Corsicam; qua etiam sequente victoriam, adversæ Liguriæ montibus latuerunt.

Cæterum haud obscura inter Sardos fama erat, contigisse ira Deum hanc Regibus & patriæ cladem; ob violatam à Radirobane religionem templi, quod sanctissimum habebant, decem à Calari milibus, Iovi cœlesti nuncupatum. Multa fuerant ex auro argentoque ad aram donaria: & ipsius numinis breve signum scilicet auro prisce Reges sacraverant. Quæ omnia Radirobanes in Africam trajecturus, inani mutui nomine in sumptum belli diripiens, ipsos quoque sacerdotes contumeliose repulerat; jam tum quidē multorum tristi præsagio, quod mox omni in Sardos calamitate assertū est. Nihil enim illo templo ducebant divinius, & Sacerdotes inclytæ famæ, pro præsentibus pene numinibus populo erant. Is rumor de sacrilegio Radirobanis, & templi sanctitate, ut à multis jactabatur, ad Archombrotum pervenit; qui, seu tactus cura numinum, seu Sardorum animos prona in suos Deos veneratione captaturus, templum invisit. Ipse situs, & locorū sacer horror, suavissimi terroris pietatem subjecit incogitanti. Asperæ erant rupes in radicibus collis, quas angustus limes secabat. His superatis,

peratis brevia late virgulta placebant, alto
 silentio, & inculta simplicitate. Mox in-
 gens porticus visebatur, ita lumen super-
 ne accipiens, ut nec tota caligo abscederet.
 Subeunti porticum Archombroto, obvii
 hi versus fuerunt, quos lignæ tabulæ im-
 positos sic intrantibus Sacerdotes obiece-
 rant, ut vix omitti possent.

*Non isthic aurata domus, luxuque
 fluentes*

*Sunt epulæ, spondæve sopor pretiosus e-
 burna,*

Aut in carbaseo Tyrius velamine murex.

*Non gemma vibrante nitor, non persona
 cantu*

*Limina, non prono famulantum exami-
 na collo,*

*Atque avidas quicquid trahit in certa-
 mina gentes;*

*Sed nemora, & nuda rupes, neglectæque
 squalent*

*Confraga: Sunt epulæ viles, iussæque
 quietis*

*Hora brevis: Duro velantur corpora
 texto:*

*Et labor in pretio, & vitam mors longa
 fatigat,*

At neque crudeles Dira, vilique flagello

Sævit cura ferox: falso non abditus ore

Ipse sua insanus furit in præcordia livor,

*Alma quies parvisque habitat concordia
 rectis,*

Et

Et semper niveo veri de pectore risus.

*Ipsa sua meminit stirps, seseque Deisque
Mens fruitur foelix, & novitin astra re-
verti.*

His perlectis Archombrotus porticum intravit, ad cujus latera pauperes duæ aræ habebant lignea signa; illud quidem Prudentiæ, quæ serpentes gestabat cauda reducta vitantes magici carminis imperium; aliud Fortitudinis, manu utraq; prægrandem gestantis columnam. Iam ex templi mystis duo, admoniti Archombrotum adventare, ad eum decurrerant, ex quibus percunctatus de his aris, audivit Fortitudinis quidem arque Prudentiæ simulachra posita esse, ut, qui in eorum familiam volunt ascisci, intelligant, inconsultòs impetus non placere numinibus, sed animos sic ad robustam prudentiam exactos, ut sententiam non temere capefiant aut ponant. Signa auté esse ex ligno, ut egestatem (qua spontanea amant perfrui) humilitas non preciosiorum deorum portendat. Archombrotus in eos inruitus, quia vilis corporum cultus non degenerabat à tam grandi Philosophia, notavit, macie quoque confectos vultus esse, & tanquam affluetos cœlestibus motibus oculos non bene durare in pompæ regiæ conspectu. Hos ergo religiosus veneratus, postquam porticum emensi sunt, rogavit, quis ipsis deorum aut hominum præ-

præscripsisset hanc vitam ; unusque subridens ; Fœlicitatis, inquit, cupiditas ; quam vos quoque sed diversissimo vestigatis itinere. Vos opes quærendo, nos fugiendo, experimur quæ sint securiores divitiæ ; Mentem quoque & corpora labore multiplici lassamus ; vos quidem ut ad summa humanarum rerum fastigia perveniatis ; nos vero ne quid tale cupiamus. Ita Dii nobis humilitatem, vobis curas, utriusque laborem dederunt.

Hæc lenissimi Sacerdotis libertas ita placuit Archombroto, ut illius genium domus jam intentiori affectu suspiceret. Interim & cæteri mystæ coiverant, à quibus deductus ad templum statutusque ad concipienda vota ; haud longe à cœlestis Iovis ara ; quam solam iis vatibus licebat auro sericoque excolere. Sed & illa ornamenta Radirobanes detraxerat. Quod ut à proximis Archombrotus intellexit ; Curabo vero, inquit, ut injuria quam sacrilegio proximam hæc ara accepit deleatur ab oculis vestris, & summi Iovis memoria. Simulachrum ex auro majoris ponderis quam antea fuit faciundum locabo. Cætera quæ ad numinis cultum sunt, eadem indulgentia jubebo cumulari. At illi, Deos gratiam habituros retulerunt ; Se quidem nihil auro vel divitiis moveri ; nisi quo vulgus ad aræ majestatem suspensum summa omnia de Diis conjiciat. In cæteris,

ris, præoptare intra iuæ domus septa facillimæ egestatis securitatem. Scire se quoque ex ejusmodi divitiis quæ à templis diripi possunt sæpissime concitari aviditatem impiorum. Nec Radirobanem peccatum fuisse nisi incauta majorum in Deos liberalitas, avaritiæ suæ irritandæ veluti insidias struxisset. Præstare his rebus fana ornari, quæ aut ægre de suo loco detrahas, aut inutilia violando effeceris, quam pondere invidiosi metalli, quod multos suo precio invitat ad opulenti facinoris audaciam. Hinc iisdem ducentibus, hortos primum, mox & cellas eorum, nec ambitiosa triclinia aspexit. Angusta suppellex, vilia strata erant. Omnia tamen sic ad mundiciem facta; ut scires fortes animos aspernari luxuriam, non marcida vilique rerum suarum incuria jacere.

Contemplatus omnia Archombrotus, gaudensque difficillimæ virtutis non laborioso aut ingrato conspectu, unum ex illis, magnæ senem majestatis, omnem ejusmodi vitæ ordinem, omnes leges, atque modum, jubet expromere. At ille? Quid lucri sit nobis, ex eorum abdicatione quæ mortales preciosissimam habet parco nunc dicere, ó Rex. Nam & magis quærere videris, quid agamus in isto secessu, quam cur in eum convenerimus; & præterea non verbis humanis solet ostendi hujus asperitatis utilitas. Dii sunt soli qui arcano

sermone iis quibus visum est, hanc novam oculisque & sensibus cæterorum ereptam fœlicitatem commendant. Dicam tamen nostrorum studiorum esse finem, ea mereri quæ suis amicis numina indulgent. Huic cœpto commodissimum putamus, in vitia, & immodicas cupiditates assidua pugna decernere. Itaque quanto ambitu cæteri ad imperandum nituntur, nos refugimus à fastu: & facilitati parendi animos aptamus. Vni ex nostris facimus annum in nos imperium, non emptis aut turbulentis suffragiis. Grave munus est illi quem ab ocio communi se vocat ejusmodi præfectura: & sola spe redeundi anno emenso in ordinem, succedit ad exigui navigii clavum. Tanta autem religione obsequimur, ut hunc putes despexisse in animos nostros, nobisque imperasse quod sponte malebamus. Præcipua tamē est cautio, (ut homines sumus) si aut durius imperitet, aut nos segni vel rebellis consilio abeamus à reverentia; ne toris hæc jurgia prodeant. Actum erit de pace quam quarimus, si ad externos arbitros aut judices deficiemus. Secundum hoc parendi institutum, præcipua nobis est in socios comparesque amoris integritas. Invicem excusamus, ac patimur, si quid animorum habitus forte pugnant, geniique diversitas fastidit. Nobisque irascimur, cum quid in socio laudare aut ferre non possumus. Vestitus,

tus, ut intueris, vilis: mensa frugalis, quietis tempora interstincta vigiliis. Ita dormito corpori imperamus; nec (quæ maxima hominibus cura est) metuimus vices periclitantis dignitatis, aut voluptatum fugitivos & mutabiles vultus, quarum comoda sponte nescimus. Sed quamquam minimo contenti, tamen quæsito labore fatigamur, compertis ocii malis, quo vires non frustra humano datæ generi solvantur, & sit sensim desiderium vitiorum. Itaque quicquid temporis à Numinis cultu est vacuum, destinatis quisque officiis collimus. Qui plus ingenio & animi luce valent, in contemplationes sublimium rerum distribuuntur, quas deinde subijciant oculis, & veluti ex alto deducant, ad usum mortalium: Cæteri quam quisque natura artem admover, sequuntur, ut & iusticiamus nobis, & alios juvemus. Neque extollendis hæc nobis, sed purgandis apud te recensui, ne te offendant nostræ vitæ insolentia. Scio enim, & quosdā nova omnia ad rerum publicarum securitatem nimis universa sententia damnare: & paucos annos esse, ex quo labentem in Deos pietatē hoc crudo vitæ robore sustinere tentavimus.

Iam Archombrotum longior sermo, & juvenilis impatienti ad alia advertebat. Itaque veluti cætera auditurus, eundem mystam jubet per stridie Calarim ad se venire. Ipse ad remissiora inter suos conver-

titur; qui ex illius vultu pendebant, laudari an traduci præstaret hos rigidæ virtutis conditores. Vbi tamen ad publicas curas nocturnum ocium fuit, summæ utilitatis res illi visa, ejusmodi exemplis imbui populum, & vocari ad Deorû reverentiam. Cum igitur illi mystæ postero mane ex imperio ad se venerunt, quatuor ex ipsorum familia sibi dari præcepit, qui Africam illis sacris initiarent. Confestim ex senioribus duo, totidem de juvenibus dati. Ac ne Afri contemptu aut odio Sardorû, qui hostes modo fuerant, eam fastidiosius disciplinam reciperent, delecti sunt omnes externi: Ligures duo, totidemque ex Gallis. Nam ex variis gentibus in eam domû multi concesserant.

Omnibus ad reditum comparatis, Archombrotus, cum commodioribus locis imposuisset præsidia, per præconem in concione proclamat, se matri Hyanißæ quæsiisse Sardiniam. Id Deos annuisse, ne utrique amplius genti discordia Regum in perniciem esset. Iure quoque majorum debitam suæ stirpi Sardiniam tandem facta reddidisse. Inde Sardis Proceribus secum assumptis, iisque præcipue qui Reges sanguine contingebant, tam opportunis usus est ventis, ut tricesimo ex quo abierat die, novi regni infulas fronti matris circumdaret. At vero Poliarchus & id fatum incubuisse Sardinia gaudebat, & hoc du-

Et Ar-

At Archombroti contigisse cruciabatur; adhuc ignarus quantum sibi illa victoria esset effectum. Forte inter milites Gallos qui spectaturi reditum Archombroti secum vulgo stipaverunt in arena, quidam avidius hæsit in amictu oculis suis insueto, quem severi illi mystæ à templo Sardinie in Africam traducti induerant. Propius ergo accessit, socioque Gallicis libere verbis in eas vestes jocatus est. Converterunt illico vultum ad patria verba mystæ iidē, utpote Galli, in quos joci destinabantur, & hoc etiam mirati, in tam longinqua parte terrarum statim repertos esse homines qui Gallice scirent. Alter eorum præcipue, jam provectæ ætatis vir, cum de veste (ea circa totum caput fluebat) ora prompsisset, militemque in se ludentem aliquoties tanquam intelligens esset intuitus, facile astantibus Gallis suspicionem fecit haud alienæ aut remotæ à Gallia regionis. Nam & color conveniebat, & oculorum decens vigor; nec corporis sese venuste inferentis gentilem habitum pietatis simplicitas in totū deleverat. Et hunc quidem magna præter cæteros cura observare miles cœpit, qui temere ludibundus accesserat; quia statim ictæ memoriæ visa est illius viri species, tanquā olim nota, recurrere. Hunc igitur postquam in urbem est sequutus, ut conjecturam suam assereret, jam in hospitium intrantem

Gallice salutavit; Nec alter humanitatis & linguæ commercium abnuens, eum salvere quoque iussit.

Sic tunc quidem discessum est. Sed inquieta deinde sollicitudo tota nocte militem habuit, interdum objurgantem curâ superfluum, satisque mirantem quid scilicet sua tantum interesset vatē hunc nosse. Die vix orto reperit Mysteriū hospitium, & colloqui iis petit. Sed jam illi simulatione solitariæ pietatis impetraverant ab urbe secessum in proximum fanum, quod arcano luco devium erat; revera Gallorum conspectum vitaturi, quos in Africa improvisos habuerant. Accendit militem hæc ipsa absentia; præcipitatoque itinere eos ante deprehendit quam ad templum pervenirent. Tum vero cum eos salutasset; quasi hoc iter aliorum negotiorum causa esset exorsus: Multum, inquit, debeo fortunæ, ô Iovis Sacerdotes, quæ mihi sic vicinum ad nemus procedenti vos obtulit: amplius quoque debebo, si, quod ominor, speroque, populares mei estis. Pœnitebat senem mysteriā, quod subito & improvise errore, se pridie Gallico sermone prodiderat. At ne inficiando faceret altioris rei suspicionem, irritaretque curiosam militis mentem, & brevi colloquio fortasse explebilem; se quidem Gallum esse respondit, sed apud exteros à prima adolescentia vixisse.

Ita initiato sermone, cum ultro citro-
que perplexæ quæstiones fuissent, magis
magisque fixus in dicentis ore miles ex-
horrebat ad pridem notos vultus, & à
quibus sapissime justissima veneratione
pependerat. Præter oris argumentum, te-
nor vocis certam ad fidem cogebat ultro
credere cupientem. Postquam vero & no-
tissima cicatrix læva in manu apparuit,
(hanc enim conspecturus, quasi in amici-
tiæ tessaram mysta repugnante amplexus
est,) victus ingenti suspirio exclamat; Vbi
vero tam diu latuisti, Optime Regum? Nō
omnes tui cives peccaveramus, quos heu
miseros destituiti. Quis vero iste amictus?
quæ à comitibus solitudo? quam omnia
fastigio tuo indigna? Simul repugnantis
genua tenens, flere ubertim cœpit. Ille in-
sanire militem clamitans, risusque & in-
dignationis specie mutatus ad socios suos
fastidiose convertitur. Sed & illos iste mi-
litis sermo turbaverat, in sententia perse-
verantis; Hunc Regem suum esse, hunc
Aneroestum appellari: non se abscessurum
à latere; Deorumque beneficio usurum,
qui tot annis frustra optatum sic denique
reddidissent. Tum senex inter jurgia, fi-
ctumque stuporem, se paulatim ad aurem
militis admovit; &, O miles, si tempore,
inquit, memoria tua vel oculi labascunt,
aut aliqua oris similitudine captus erras,
modestix erit hos pacatius ludos movere.

Sin Rex tuus sum; hoc primum civis officium exigo à te, ut fileas; & si lubet me sequaris donec soli colloquamur. Tarda erat hæc cautio. Etenim quamvis miles parebat; quidam tamen ex Gallis, & Afris, qui in comitatu erant, novitate erecti amantesque rem tantam primi dare in populum, illico in urbem dilabuntur. Cohortes duæ erant in Poliarchi castris ex illarum Alpium gente, cui Rex Aneroeſtus imperitaverat. Illi sparsam subito famam amplexi, sub æſtum novitatis nunc ſtupore, nunc temeritate, tota protinus caſtra, mox & urbem, eo rumore implent.

Poliarchus cum Hyaniſbe erat, reſectis ſcilicet viribus certum diem navigationi in Siciliam conſtituens. Hac conſultatione occupatum Gelanorus dubio inter credentem & aſpernantem vultu adortus: Neſcio, inquit, quid de Rege Aneroeſto in audio; Hunc adveſtum à Sardinia cum cætera præda; & quamquam in veſte abhorrenti à cultu regio, tamen à populari milite agnitum eſſe. Excitatus Poliarchus repentino impetu animi in ſpe nimia caligantis, reſpondit, ſi vera res eſſet, hos ſe pro parentibus habiturum qui Aneroeſtum reddidiſſent: oppido vita ipſius charius munus; iisque ſe debiturum, qui vicidiſſent Sardiniam, non modo quod amici, ſed propemodum Dii merentur:

Hæc

Hæc verba Regina avidissime excepit, pro maximo Deorum munere ducens, si tot nominibus devinctus Poliarcho suus Archombrotus, vicissim ducente fortuna fecisset quod juvaret Poliarchum. Porrectiori igitur vultu, & quasi sponte gaudentem stimulatura, quid accidisset rogat; aut quis ille vir per tot vota seu queri seu reperiri dignus. Omnia Poliarchus compendio amplexus; In prima pueritia se à prædonibus captum docet, ductumque ad Regiam Aneroesti, qui multos Alpium sinus tenebat. Illic ita eductum, optimi Regis cura. quid in ea fortuna & ætate fenserit sorte regia indignum. Hinc se adhuc parentibus ignotum, belli casu & foelicissima captivitate esse receptum. Prius vero quam assereretur in suæ stirpis decus, & à patre agnitus esset, Aneroestum seditione populari cum duobus quos habebat liberis, ut ferebatur, cecidisse in prælio. Sed liberorum quidem corpora inter cæsorum cumulos esse reperta; Aneroestum nusquam inventum; quem si stragi clementior fortuna subductum in illum diem servasset, sibi tunc demum propitios Deos, vitamque sine exceptione foelicem contigisse. Sed temere tantillius indiciis summa hæc gaudia præcipi; Milite decipi posse; aut Deorum hunc vatem forsitan ambitiosam fabulam similitudini vultus, si qua illi cum Aneroesto

extitit, aptavisse. Omnia impigre exequenda. Plurimos secum esse ex illius Regis domesticis; inter eos quemdam Crestora, amicorum Aneroesti præcipuum. Se ipsum, quando valetudo hæc erat, tanquam salutandi numinis causa iturum ad fanum in quod ille sacerdos recesserat.

Hyanisbe spei favens quam ratam optabat, bene de Diis ac fortuna Poliarchum credere imperat; comitemque ad templum se promittit. Haud mora, accersitus est Crestor, olim Aneroesti familiarissimus, iussusque præcedere, & sensim omnia explorare, dum Poliarchus cum Regina ad viam se comparat. Major erat spes, quam ut Crestor eam caperet. Sic propior contemnenti, revocatusque ad lugubrem memoriam charissimi Regis, tanquam inutilem provinciam exorsus, cum paucissimis comitibus lucum intrat; nec longe à templi vestibulo mystas illos adhuc cum Gallo milite, qui rem prior prehenderat, loquentes conspexit. Tunc veluti militis affatum peteret, sparsos per omnia oculos iniecit in Aneroestum; Percurrit illico tota præcordia (ut in magnis & subitis solet) exultantis sanguinis acerrima tempestas; Mox vero de gestu, ac voce, & cicatricibus, postquam Regem haud dubie agnovit, exsolutis gaudio nervis, se ad proximam arborem excepit;

cum

cum nec loqui jam posset, nec moveri. Sed nec Aneroestus ad illius adventum minus contremuit. Veteris amici conspectus blandissimo dolore incautum percussit. Simul timor eum invasit, ne à suis agnitus suavissimæ solitudini eximeretur.

Aderat interim Poliarchus, præmissum scilicet Crestorem impatienter sequutus, templumque subibat cum Regina; cum oblitus sui Crestor, relictis statim mystis ad eum decurrit. Iamque satis quid afferret perplexo anheloque gaudio ostendens; Habemus, inquit, Aneroestum, habemus Regem veterem meum, tuum alumnum. Ipse est; ipse, ne dubita. Pergisne ad illum, Rex? an protinus tibi hunc sisto? Nihil moratus Poliarchus qua Crestor monstrabat se contulit. Sed Aneroestus se interim arctam in semitam, qua devius maxime, lucus erat, conjicere moliebatur; eum diem latere si posset, per deserta, & gentes ignotas, alia templa deosque alios petiturus; Invitabatque militem, ut, si sibi tanquam Regi morigerus esset, aut comitaretur fugientem, aut hoc furtum suo silentio sanctum haberet. Miles quidem repugnabat; adhucque in ea rixa erant, cum accessit Poliarchus, nihil pene jam dubitans, quin vere Aneroestus esset. Ut tamen ad illum pervenit, quia ingens multitudo coiverat, & turbatissimus senex non ferebat hunc tumultum, aliam

veniendi

veniendi causam commentus est. Lætor, inquit, Gallicam pietatem exteris quoque gentibus esse illustrem. Ego Deos, Antistes, tua opera exoratos mihi volo, ut ad ea quæ animus destinat propitii adsint. Veni sodes ad templum hoc, quæ vota vel sacra magis è re mea existimes commodius monstraturus. Exanguis illico Aneroelstus sequebatur trahentem. Nam Poliarchus ejus lævam corripuerat. Angustum erat fanum, armatique ad fores cohibebant avidissimum vulgus. Hyanisbe cum suorum præcipuis jam stabat in testudine; quo postquam & Poliarchus cum Aneroelsto receptus est, eosque sequuti ad quadraginta circiter viri, statim de imperio Poliarchi clausum est limen. Eo acrior vulgi militumque expectatio increvit. Populus ab urbe decurrerat; vix in castris servabantur stationes. Sic ambitum omnem templi confertissima corona circundedit. Sive tamen reverentia Regum, qui intus confederant, sive perplexæ rei subita magnitudo, adeo circumstantium voces licentiamque continuit, ut ad ea quæ intus agebantur, satis quies & libertas superesset Principibus.

Iamque rem ordiri Poliarchus altiori sermone parabat, cum Micipsa ab Archombroto ad Hyanisben venit. Is quippe hominum tumultu excitus, nec jam procul à luco, optabat tantæ quæstioni adesse,

adessè, si Poliarchus pateretur. Mora in Poliarcho non fuit. Nam & ipse quicquid erat hoc gaudii ex illius habebat victoria. Dilata igitur quæstione opperuerè adven- tum Archombroti; quo inter septa ad- missò, ita ad Anerœstum Poliarchus: Quod nomen tibi essè, vir optime, paren- tes voluerunt? aut quæ causa à Galliis in Sardiniam commigrandi? Ita effusiori principio utentem, sponte Anerœstus ad destinatam quæstionem coegit. Nam & constantiam motu primo excussam rece- perat; & non Crestore tantum, aut mili- te, sed aliis illic multis videbat argui suos vultus, si silere aut negare obstinavisset. Qui sis, inquit, haud dum scio; nisi quod ex purpura intelligo Regem essè: & lin- gua est qualis in Gallia genitis solet. Ami- cum te essè existimem; quod videam te a- micis quondam meis hîc uti. Nam & Cre- stora, & Simplidam agnosco, familiares utique meos. Igitur, ut amicum, liceat per Deos exorare, ut abire me sinas quo desti- no. Sed si forte me odisti, quid vis ultra supplicii? Regnum amisi, nec repeto: spõte exul, ne vel inimicis officiam. Placet ege- re; & num velim ignorari, ipsi sciunt per quos hodie repertus sum. En me pristinæ fortis oblitum; adhucingere graviora; præter Deum iram nihil est quod recusem. Sin præterea non putas, aut non tibi ex- pedit, essè me Anerœstum; ne time. Sinas modo

modo ad solitudines abire. Vbi nemo ad
verum coegerit, Aneroeſtus non ero.

Hæc modoſto ſed grandi ſupercilio di-
centem, nemo iminotus audierat; maxi-
me ubi Creſtor, manu illius ſublata prodi-
dit cicatricem, quam ex vulnere ſuperfuiſ-
ſe Regi Aneroeſtò populares meminerāt.
Ipſe quoque Poliarcho repetebat oculis
vultus ſibi puero toties viſos. Etiam au-
res, quamquam diu deſuetæ, redibant ad
familiarem olim ſonum, & pietatis tener-
riſſimo ſenſu trepidum pectus lababat. Non-
dum tamen ſe conſeſſus, exegit ab Ane-
roeſto, cur patria exceſſiſſet, cur latere,
cur ſquallere ſic vellet. Tum ille; Nimis
heu ſciunt mei, quorum & aliquot iſthic
aſpicio, quo me turbine fortuna evertet-
rit. Furore malorum civium ad arma ex-
citus ſum. Auſi illi aciem in me educere;
& filii mei (nam duos habebam, tunc pri-
mum florem adoleſcentiæ ingreſſos) dum
incautius pugnant, ambo pro patre & in
oculis patris occubuere. Perire & ego
tunc poteram, ſi fatum fuiſſet. Sed opi-
nor mens Deum in fugam me compulit.
In próximo ſaltu delitui. Hinc converſus
ad externa auxilia perpetuo montium
dorſo ad Ligures ſum delapſus. Illic enim
validiſſimæ gentes mihi omnis fortunæ
ſocietatem promiſerant. Per has regnum
repetere animus fuit. Cum deſcendiſſem
ad proximum mare, petiturus illam exi-
miam

miam à Iano conditam urbem, ignotus in obvium intravi navigium. Sed nos venti in Sardiniam rapuere; dumque nau-
tæ in anchoris morantur, templi fama unde nuper advectus sum me ad exoran-
dum Iovem traxit. Illic vero & locorum speciem admiratus, & sacerdotum vitam; deponere omnes curas constitui, jactatus-
que humanis tot cladibus, tandem Deos experiri. Nam cur patriam amarem tot meorum sanguine perfusam; rursusque non hostium magis quam sociorum cruo-
re mihi parandam? Cui sceptrum deinde relinquerem? aut quid dulce in vacua do-
nio? Duos omnino genueram; tertium olim fortuna tradiderat, non infra libero-
rum charitatem acceptum; quem de avi nomine Scordanem vocaveram. Mi pu-
pe, si saltem superesses, ego te ad sanguinis jura adoptione promotum Regem facerem.
Tu aleam belli, tu casus, tu labores lenires. Sed ille diu ante & omen & initium tot
malorum, dum Gallos qui Rhodanum in-
colunt bello lacessimus, præda hostibus fuit, & amissi memoria non deinde mihi diem molestiarum exortem reliquit.

Sic dolenter hos casus referenti, non amplius poterat Poliarchus solatia differ-
re; sed collectis diu lachrymis subito ma-
dens, se in illius collum projecit; paulum-
que cunctatus ne vox suspiriis enervis abi-
ret à majestate; O optime pater, inquit,
seu

seu te mavis dominum vocem, si tibi Scordanem habere tanti est, en illum tibi reddo; tu eo fruire, tu redi ad vitam. Ego Scordanes sum. In hanc vocem fixis uterque sed inutilibus oculis dulcissimo errore elanguit. Par cæterorum admiratio erat alto silentio marcentium; ut nil loqui aut quærere vacaret. Hærebant omnium animi, paratos, ac veluti exertos affectus, quacunque Poliarchi & Aneroesti colloquia jussissent, impensuri. Denique Aneroestus: Vt Scordanes sis? ó Rex! Vt Scordanes, inquam, meus? Vt vivas, ut imperes, ut teneas Aneroestum? Dii boni! sed quo pignore affirmatis vestrum hoc munus? At Poliarchus; Vides præterea, inquit, tuum Deorumque illorum ultorem, quos in te pellendo improbi cives violaverunt. Oppetiere nefarii, aut licitorum securibus. Illis ego prædam eripui; tuoque regno potitus sum: quod nunc tibi incolumi, pater, restituo. Quibus viribus, quæris, tantum in hostes potuerim? Britomandis filius bellum hoc gessi. Nunc & paternum imperium (Dii enim meum nuper parentem sibi sociaverunt) tibi trado. Tibi ego, tibi, Pater, secundus sim. Tibi obsequi gloriosius erit, quam cæteris imperare.

Novo ille gaudio refectus, sæpiusque ad Deos votis & luminibus rediens, amplexus est Poliarchum. Iamque & Hyanisbe access-

acceſſerat, & Archombrotus Aneroeſto
reperito Deos faventes, ſuamque victo-
riam, gratulabatur: Nec abnuebat Poli-
archus tantum ſibi hoc caſu præſtitiffè Ar-
chombrotum; quantum iſi, Radiro-
banis morte. Creſtor ac Simplidas, cæte-
rique, ut licuit, Aneroeſto admoti, non
oſculis, non alloquio explebantur. Supra
omnia jaſtante ſuam operam milite, gau-
dioque & ſpe præmii feroce, qui Regem
prior agnoverat. Sic diviſus in multos vix
tandem ad Poliarchum Aneroeſtus redit.
Ambo mediam Hyaniſſen excipiunt. Ar-
chombrotus, proximus matri, præibat.
Ita templo digreſſi, per militum & populi
cuneos viam ægre moliti ſunt. Adeo dum
officio omnes certant, dum cernere aſpi-
cique concupiunt, nulla viarum libertas
fatis explicat ab urbe caſtrisque proruen-
tes. Nam & illi in quorum rem nihil erat
ſeu Aneroeſtus, ſeu Gallia, tamen ſive a-
dulaturi lætiſſimis principibus, ſive ſpon-
te in immodicam hilaritatem proni, à ſa-
lutatione plauſuque non ceſſabant.

Vbi in regiam venerunt, affuere ex Po-
liarchi imperio, qui regio indumento
Aneroeſti paupertatem mutarent. Sed ille
nunc tenere ſuam veſtem, nunc purpu-
ram manu repellere; Mirantique & mul-
tum obteſtanti Poliarcho, ut mœſtitix in-
ſignia poneret, negavit ita de ſe meritos
eſſe Deos, ut ab illorum familia abiret.

Beneceſſiſſe, quod is regno ſuo potiebatur, quem omnibus votis heredem optaſſet. De cætero, ruruſus nolle impacatis negotiorum fluctibus exerceri. Ne ſibi preſioſiſſimam paupertatem eriperent; aut crederent rebus ſuorum inutilem eſſe; qui familiarius ad acceluſu Deorum promotuſ, eoſ amicis conciliaret. Multa hæc & ſeria optimi ſenſis ad vitam obſcuram pertinacia, conſeſſim variis ſermonibus præbuit cauſam; dum illi conſtantiam laudant; hi vero mirantur, quid ad Deorum cultuſ faciat tantuſ rigor in moribus. Nam nec deerat argumentiſ Poliarchuſ, quibuſ Aneroeſti hæc auſtera incuſaret conſilia, revocaretque cunctantem ad aſſuetuſ Regibuſ curas. Aneroeſtuſ omnium voceſ (plureſ enim eadem ſuadebant) excipiebat patientiſſimo ſilentio; adeo ut crederent multi hæc ad animuſ pervenire gaudentem expugnari. Ita diu cunctatuſ, ſive ut omnia quæ ingerebantur una oratione everteret, ſive ut interim dato ſpatio ornaret deſenſionem, merereturque audiri pari omnium pace; vultu tandem modeſte ſublato in hunc modum exorſuſ eſt.

Summam aliquam eſſe mentem, quæ omnia condiderit, ipſa lex Soliſ nunquam exerrantiſ ab orbita, tum Luna & cæterorum ſyderum ordo totiuſque naturæ ingeniū, ſatiſ leminibuſ perſuadet,

queſ

quos nec sapientiæ suæ superba opinio, nec brutis animantibus pejor negligentia cæcavit. Putes autem, sanctum hoc Numen, à quo tot sunt eximia, Deum, inquam, qui, omnium origo virtutum, fas rectumque mortalium animis ingenerata ratione præscripsit, iis vitiis delectari quibus passim naturam corrupimus? Non potest hanc quam cernimus legem naturæ dedisse nisi justissimus author; Iustus autem ille non erit, si feret abire impune tot scelera. Vbi igitur amor recti, & ambitus ineundæ cum Diis amicitiae, simulque cœlestis iræ timor, terigit animum; nihil illi antiquius esse debet, quam recedere à vitiorum periculis jam tot mortalium exitio infamibus. Ea vero pericula partim nobis insita habemus, partim ab aliis in nos incurrunt: Et in hæc omnia efficacie remedio istam solitariae severitatis religionem invenimus. Primum enim cupiditates immodicæ, quibus ipsi nobis sumus infesti, sic in hoc genere vitæ fracto impetu exarmanantur, ac si feris mansuescere edoctis, dentes quoque & unguium aciem subtraxeris; ut neque deinde, si in naturam redierint, facile possint habere quo sæviant. Nam desiderium voluptatum contrario severitatis usu suam pertinaciam apud nos dediscit; & si veluti ex cinere illa flamma resurget, nihil tamen in egena ac veluti agresti domo effecerit, in qua desunt

superflua instrumenta luxuria. Aviditatem quoque frustratur simplicissima paupertas, & ad superbiam stimulos erubescit squalida vita, & se ipsam despiciens. Sic illa, sic cætera mentium mala, ut est ira, invidia, timor, audacia, in hoc sancto rigidoque secreto, tanquam destituta alimentis incendia, expirant; Prefertim ubi mens vitiorum iugo excusso sibi ipsa se reddidit, timidaque cupiditates, & assuetæ parere, priusquam aliquid velle ausint aut nolle, consulunt rationem. Eo modo, qui nobis acerbissimi sumus hostes, reciso aut correcto effrænis naturæ impetu, ad sanam utilemque virtutem adigimur.

Venio ad hac tela quæ in nos ex aliorum hominum cōtagione comparantur; sæva illa, & nimium certa, siquidem plures existimem exemplo quam ingenio peccare. Quia morum consortio placere amicis cupimus: rarumque est diu vivere cum improbis, nec de vitiis primum mollius sentire, mox illis & infici. Superbiam, aliorum ambitus accendit; contentionem ad opes, cæterorum aviditas. Fraudibus appetitus, animum antea forte insontem, ne inultus sis, ad fraudes applicabis, & ex hostium in te odio discas odisse. Cum præterea multi in virilis gloriæ titulis ponant ipsam peccandi audaciam, timidosque, & gerendis rebus ineptos, eos existiment qui Diis obsequuntur; illius

c. finio-

opinionis metu haud pauci assuescunt peccare, magis scilicet ut illis probentur quibus virtus est vilis, quam quod sint vitia apud ipsos in pretio. Hæc autem omnia à domesticis suis submovet familiæ nostræ integritas, in qua, ut paucis absolvam, contagionem improborum vitamus, & præter suspicionem ignaviæ, timere Deos licet.

Sed ut pressius ad me accedam: quoties ipsa fortunæ negotiorumque malignitas Reges ac Principes viros summis illecebris præmiisque invitat ad peccandum? maxime cum ea occurrunt, in quibus illud quod æquum est videtur discrepare ab eorum gloria, aut securitate regnandi? tunc quidem simulare, ac fallere, & dissentire à suis utique verbis, egregium in Regibus putatur; quasi Dii, quam ipsis imposuere mortalium regendorum provinciam, sine subsidiaria vitiorum scelerumque cohorte administrari non posse voverint. Nunc vicinis & immeritis gentibus subicere disidia amant, ut, occupatis & infœlicibus aliis, ipsi certius vacent: Nunc sociorum Regum amicos largitione ad secretorum prodicionem sollicitant. Quid mulctare interdum in cætionem innoxios, quasi crimen sit posse peccare? quid vulgi negligere injurias, si bello utiles viri eas intulerint? Ea omnia qui sagacius fecerit, adeo famæ plus comparat, ut

vel ex istis qui adsunt multos mirari existimem, quod hæc tanquam injusta, Diisque invisa, perstrinxerim. Atqui illa mihi grave regnum fecerunt; non tunc quidem cum ipse regnarem, eademque peccarem, aut paria; sed ex quo, caligine utilitatis & consuetudinis excussa, jam veluti sequester nubem miratus sum unde evasi. Ignosce, Regina, tuque mi fili. Vestram sortem non damno. Fortium est, vestrique simillum, sancto virtutis fræno regere nimiae fortunæ & exerrare conantis libidinem. Sed ego debilior timeo illis turbibus impar esse. Neque vero purpura sola iis periculis infesta est. Omni ordini, omni pene ætati vitia insidiantur; Ingensque incuncta remedium est à nostra disciplina, quæ jubet ea pro vilibus habere propter quæ alii peccant.

Poliarchus tam insuetam rigidamque sapientiam nondum probans, interpellat dicentem. At si te, inquit, optime pater, omnes audimus, deerunt oppidis cives. Non arva exercebit agricola; Non nauta, non vector singularum commoda regionum mutatis mercibus pervulgabit in cæteras. Deerit artibus cultus, quascunque non necessarias hominibus esse vestra severitas putabit. Sola erit in vestris desertis frequentia; ac, quoniam connubia respuitis, unius seculi genus humanum. Absentiebatur Poliarcho Hyantisque; multiq;

tan-

tanquam publicam causam agenti, vultu & oculis favebant. Sed Aneroëitus, quasi in se deductus, mox frontem hilarius porrexit; ut eum scires parum Poliarchi argumentis moveri. Si quem vero ex istis qui nos audiunt (ait) animus subit experiundæ suavitatis quam habet nostra austeritas, ne illum, ô fili, argumenta tua deterreant, neve iuo cœlibatu credat solitudinem quam times orbi inducere, ultro nobis accedat. Adhuc populis proletrarii supererunt; adhuc artificia vigeunt; restabuntque non modo quot sat erunt urbibus terrisque colendis; sed etiam quos exuberante hominum genere fata gregatim aut vehementi Sirio, aut terra movente, aut denique bellis exhauriant. Desine, inquam, vereri, ne toti hominum generi desiderium veniat se in disciplinam nostræ Philosophiæ dedendi. Diu enim hoc beneficium magis habent eximium, quam ut illud tanto populo indulgeant; Nemini autem absque eorum impulsu venire hæc rite mens potest; nemoque in ea, nisi iisdem iuvantibus, durare: Quia defecti animi suavitate humana (quam nos scilicet omnem abjicimus) tanquam ab exosa cruce discederent, absque arcano pastu essent divinæ voluptatis. Ut vero non aliis quam in legitimam lectis militiam numerat Imperator stipédia: Ita Superi iis solis quos ad hoc vitæ genus ipsi accersivere, hanc

gustationem promunt solidæ suavitatis, & ad constantiam valituræ. Si quis igitur non tam sibi propitius quam fortune iratus (quia forte non spes illi, aut ambitus, successit) nostrum portum turbulento petit ingenio, in quo ei impune liceat indignari querique de fatis; hunc ego, nisi certa Deum ope exuat hos affectus, nec fore constantem in disciplina auguror, & plus mali in vecturum nostros in mores, quam boni in suos. Præterea, qui levi impetu, (qualis sæpe adolescentum est) ex quadam inconsulta teneraque imagine quam de virtutis præmiis concepere, ad labores nostros accedunt, illi, ut librata fundis saxa, primum quidem in his studiis immodice fervent, mox cessante machina mirantur se languere. Præter stimulos pietatis, metumque Deorum, rationis, fortitudinis, patientiæ res est; quæ omnia cadunt in paucos. Non veste quam gerimus, non nomine, non domo, constat nostra disciplina; addo nec laboribus corporis; quos haut raro graviores avaritia vel ambitus imperat, aut in damnatis exigunt metalla vel remi. Sola est animi simplex ac hilaris in Deos propensio, quæ hæc omnia consecrat, inutilia alicquin, aut sæpe profana. Quippe abjicere divitias, à dignitatibus recedere, prohibere ab animo inquietas humanarum rerum curas, magnæ demum virtutis est, si hæc fiant

Con-

conciliandorum sibi numinum causa. At si quis ab honoribus aut divitiis abit, ut ea jactetur reliquisse, vel ut ad majora perveniat; si quis negocia effugit ut torpescat in ocio: aut de paupertate se jactat, quam minantem ideo sponte prævenit ne necessaria videretur; illum quidem fraude nihil profutura vel hominibus vel etiam Diis imponere velle existimo.

Non igitur omnes (fili) ad hanc philosophiam compello. Nam pro ingenti mortalium numero, pauci omnino volent sectari vitæ nostræ reconditam felicitatem, & ex his ipsis adhuc quosdam suo non Deorum consilio nixos, aut frustra aut cum pernicie illam viam institutos denuncio. At omnibus saltem bonis precari me dices hanc mentem, ut à rerum civilium tumultu ad nos secedant. Ne id quidem mihi in votis est. Quis enim pia bella improbis inferet: quis Rempublicam geret? aut unde impotentibus vitiis frænum; si omnis se virtus ita in solitudinem ac paupertatem det, ut fracta & absens non viribus aut pudore sceleribus impiorum possit obstare? Magna est provincia, quam Dii illis destinant, quos sorte nascendi, vel secretis stimulis, jubent, non fuga sed bello in vitia certare; neque cupiditates enecare, sed regere. Tales viros & esse, & honoribus frui, publice interest, tum sacris præsidere, tum fieri patres fa-

miliis ; impiisque in hoc terrarum orbe
mistos , temperare illorum audaciam in
Deos , numinumque in mortales sæva
consilia. Ut cæteros hic omittam ; quid sa-
pienti Rege fortique præstantius ? Si ex-
emplo, si legibus emendabit sæculum, si ad
Deorum cultum suo exemplo cives adi-
get , quanto fecundior virtus hæc erit,
quam si in solitaria sanctitate senesceret ?
Cur igitur maiorem hanc palmam ipse à
Diis non expectam, quæris ? Quia arcano
sensu admonuere me consilii sui , ut sene-
ctutem meam oblectem sua pace, nec de
regno jam curem , quod non præter eo-
rum arbitrium amissi ; Sed hodie maxime
visi sunt hanc mihi quam amplector soli-
tudinem imperare, postquam, ó fili, in te
relatam intellexi mei regni domusque for-
tunam. Tanti heredis quem Dii sponte
tribuerunt auspiciū facit , ut quod re-
gnum in hunc libens deponerem non su-
stineam ab eo recipere.

Scio quid præterea dicturus sis, optime
fili: Si à negotiis abhorreo, si templa nunc
tantum , & victimæ , & cæteri Deorum
cultus placent ; at in tanta tua fortuna
servorum greges fore, qui maneant meos
nutus; qui lectulos sternant, qui convivia
parent, & euntem stipent ad templa. Illas
autem divitias nihil periculi aut turbidi
habituras , quia dum soluto animo Diis
vacabo, tu in sollicitudinem succedes, illi-
que

que præterea quos præpones familiæ meæ. Ne sic quidem mihi persuadebis abjicere inopiæ libertatē. Nam ut absit hæc cura parandi aut servandi divitias ; certe alia mala ab opulentia abesse vix poterunt, deliciarum consuetudo , corporis blandiens cura , pietatis quasi superflua obli-
vio, tum illi affectus, qui serie juncti divitiis hærent ; sibi esse in precio , alios tanquam ex folio despicere , nullam ferre injuriæ imaginem , & assensu eorum corrumpi qui adulationis præmia quærunt. Nec facilius putem admissis opibus cæteras cupiditates excludere , quam in concitato mari se rapidissimo alicui fluctui permittere ; sed in alios nolle devolvi. Cum igitur quod reliquum est vitæ , donare Deorum cultui sit animus , liceat infestā huic consilio opulentiam fugere, ne suo utique gustu , eorumque affectuum quos perpetuo comites habet , captæ & impari menti vitia reponat , gravesque cogitationes & frustra in sydera conantes deducat in terram. Quid miraris me ad paupertatem respicere , non quidem in qua egeam, sed parvo contentus sim ? quæ neglecto corpori inducat sui contemptum ? quæ vacuo animo libertatem faciat cœlestis commercii ? ac ne me tuæ gloriæ salutisque incuriosum existimes , quæ tibi, cuiusque exercitiis , filii , propitios Deos pareat ?

Tam severam orationem adeo miti & composito vultu habuit, ut cōstaret, non hanc fingi constantiam, à qua cuperet cogentibus amicis discedere. Omnibusque non adumbratam virtutem verius, ut solet, colentibus; Saltem, inquit Poliarchus, nostrum in Siciliam iter ne desere, ó Pater. Te Dii verebuntur. Seu mari, seu terra, fœlix auspiciū facies. Vbi in Galliam redierimus, spondeo quo placebit instituto te victurum. Et id quoque patriæ debes, ut hanc potissimum tuo exemplo facias meliorem. Parum moratus Auercessus, id saltem flagitanti non negavit. Ad convivium deinde ab omnibus itum. Iam enim patientior Archombroti Poliarchus, cum eo apud Hyanisben cœnavit; satisque viribus instauratis, diem cum Regina ad profectiōnem destinavit, qui post eum secundus luceſceret. Scripsit igitur Hyanisbe promissas ad Meleandrum litteras, filioque commisit, cum arcula quam à peiratis eripuerat Poliarchus; identidem admonens, ut hanc instar fatalis sarcinæ cum cura servaret, offerretque Meleandro. Puta autem (inquirebat) Erichthonium tibi tradi à Pallade. Si vincula resignas, si quid feras intueris; fortasse te perdes, & operam meam. Sin trades Meleandro arcam intactam, videbisque ex ea depromi fœlicitatem tuam, æquum erit te Regi Poliarcho habere gratias, qui latro-

nuis.

num scelere amissam restituit. Agitatum deinde est, an una triremi vehi uterque posset. Sed majestas, & æmulatio, securiora flagitabant consilia. Tutius visum, distincta quoque classe ire utrumque: sed qui prior appulisset, alium in portu expectaret. Inde ambo sustinerent conjuncto comitatu proficisci ad regiam.

Interim nomina atque officia familiis Regum aslueta Archombroti domesticis imponebantur. Ipse majestatis insignibus cultus est, appellatusque à matre Sardiniae Rex, ne dignitate inferior æmulo esset. Memor quoque Hyantis se Gallorum fortitudine esse servatam, discessuris Poliarchi militibus numeravit viritim donativum. Edicto deinde discessu nulli ordines aut homines cessabant. Maurorum Procerum multi, Principem comitaturi impleverant rates. Siculi qui cum Archombroto venerant, laborabant inter se factione. Multis enim pristinus in Poliarchum favor redierat. Inclyta virtus, paulatimque vulgatum sub Theocrines nomine robur, & facti ad gratiam mores, valebant tunc maxime cum eum Regem aspicerent. Rursus quod & ipse Archombrotus virtutibus famaue erat clarissimus, quodque ejus auspiciis à Sicilia venerant, pudore onerabant transituros ad æmulum. Nam affinitas cum Argenide, quæ
poten-

potentius quam cætera traxisset obnoxios, in incerto sic erat, ut passim moderarentur affectibus; essentque in adversam factionem clementes, ne si ea vinceret, excusationi & gratiæ locus deesset.

Erat vetus in littore ara; incertus quis Regum posuisset; pollebatque religione, quam tot secula auxerant. Illic Neptuno, ventisque, aut thura pauperes nautæ, aut victimam solvebant, sive in mare irent, sive terra recepisset incolumes. Ad eam Poliarchum & filium jam classem petituros, coegit Hyanisbe: Nec dubito, inquit, utriq; ad ea quæ mihi promisit integram fidem fore. Sed de præteritis tantum jurgiis hætenus cavi; Scio vero quam facile cupidis belli principibus ea eveniant quibus soluta esse induciarum pacta aut jactent aut credant. Præterea vestrorum amicorum aut militum culpa, oriri possunt novæ injuriæ, neque istis comprehensæ induciis. Si quid erit hujusmodi, ego vos per sanctissimam aram Dei, cujus regna jam subitis, devinctos hîc cupio, ut illa nova annumeretis veteribus quorum ambo vindictam mei causa distulistis; neu quis turbo felicitatem præcipiat in quam ego vos mitto. Agite, charissimi juvenes, & mulieri vestra causa anxie hanc veniam date. Interim paribus votis utrumq; commendabo numinibus. Nam si ratione possum inire, cui plus timeam.

Deos

Deos veneror, ut mandata mea neuter accuret, aut sospitem deinde aspiciat. Victi sunt tam ingenuo amore, quodque illa jubebat, ad aram sanciverunt. Tunc utrumque illa amplecti, & nunc uni nunc alteri per littoris spatia se jungere, plurima & sæpe eadem monens: nec satiata abeuntium vultu, salutatoque iussosque valere, iterum revocato sermone morabatur. Neque illi ad tot suspiria immoti restiterant. Aneroestum quoque cum Poliarcho navigaturū Regina anxia monebat, ut in eam firmandorum fœderum curam succederet. Nihil illi Poliarchum, nihil negaturum Archombrotum. Tanquam patrem, Deorumque interpretem, eum utrimque valiturum. Quam sæpe mortales, & maxime juvenes, ad salutem compellandos. Denique cogitaret, maximum sibi Europæ Africæque depositum creditum esse. Aneroestus solitudine Reginæ laudata, se illius quidem, & juvenum, sed Deorum maxime causa, hanc provinciam curaturum promisit.

Tandem hospitali officio datum, ut prior Poliarchus ad naves deduceretur, etiam comitante ad undarum confinia Archombroto. Cæsæ de more tunc victimæ, quarū exta, postrogatā Neptuni Deorumque qui maris potentes sunt pacem, ambo duces primos in fluctus projecerūt. Tunc & ipse Archombrotus in prætoriā suam

tuam scapha deiatus est. Strepebant longe littora voce nautarum, rudentumque gemitibus, & pelagus eruentibus remis. Addebat & classicum miles, per opportuna navigiorum loca in pompam divisus. Dubitabat Timonides, lætari deberet, an dolere, quod legationis onus tunc reditum sibi prohibebat in patriam. Certe enim futura illic omnia sciebat summo in motu; quali tempore infortuna est an præstet abesse an misceri tempestati. More tamen humani ingenii, cum utrumque esset intuitum, maxime redire placuisset, non alia magis causa, quam quia non licebat.

Cæterum induciis, rite servandis, inter Reges convenerat, ut, si qui Gallorum in fœdera peccarent, Archombroti arbitrium esset: Ex illius etiam comitatu noxam eandem quicumque meruisset, de eo Gallorum esset iudicium. Ne confusa denique classe irent, partiti sunt maria; pauloque interior Archombrotus navigavit: Poliarcho cursus apertos, & ne obstaret Archombroto, nimium æquoris permittente triremibus. Erat ex Sicilia Poeta, qui discessuris Principibus breve hoc carmen cum tradere vellet, à Timonide est prohibitus; quia illis versibus de eorum inimicitis meminerat, quarum memoriam sic objici inconsultum videbatur.

Cerulei fluctus, assuetaque flamina curvis
Horrendum irasci ratibus : nunc parcite
raucis

Nunc animis : Tantum liquido qua tramite
fines

Quærantur Siculi, placidis Notus ingruat
alis.

Non, cum Thessalica primum de margine
ripæ

Semideos Argo vexit trans cerula Reges,
Tantus honos puppi, tot credita fata pro-
cellis.

Europa Libyæque Deos cerno æquore toto
Omnia sollicitas partiri in munera mentes.

Hi puppes, querulos alii torquere rudentes
Adproperant, alii rostris venientibus æquos
Subjiciunt fluctus, aurasque ad carbasa
ducunt.

Tracipue niveo late subnixa volatu

Tax Iovis imperio verba inter talia pon-
tum

Mulcet, & alternis classis amplectitur
alis:

Esse Deum jussu mites vectaribus urda:

Tuque, ferox sanctas Discordia spargere
bello

Non ausis sperare rates. Satis arma cruor-
que

Hactenus, & dubiis pulsata timoribus
Aula.

Nunc mihi debentur mentes, quas fœdere
longo

*Componam. Nec quod sunt Martia pectora
Regum.*

*Desperanda quies. Eadem qua fervere
bello*

*Corda jubet, jubet emeritos mitescere
virtus.*

Dies jam plures erant ex quo in Siciliam applicuerat Arsidas, Poliarchi atque Timonidis ad Meleandrum & Argenidem litteras ferēs; Nec tardior multo Bocchus advenerat. Hyanisbes & Archombroti legatus. Sed utroque celerior fama, mox certis firmata authoribus, jam in Siciliam pertulerat, Poliarchum ex Galliæ Regibus maximum, in Mauritania cum Radirobane pugna congressum, vitam hosti eripuisse. Id mercatores nunciabant, qui Radirobane profligato, prius tamen quam cum Sicula classe Archombrotus pervenisset ad matrem, discesserant ab Africa. Motus rei novitate Meleander præcipuū mercatorum jubet ad se acciri; Tum ab eo diligenter percundatur, ipse ne audita referret, an adfuisset discrimini. Mercator, se tunc vero in Mauritania fuisse respondit, cum primo in auxilium Hyanisbes Rex Poliarchus exercitum exposuit; & mox summis viribus Sardi venerunt. Bis deinde pugnatum referebat; tum Radirobane à Poliarcho interfectum; quamque incondite Sardi ab Africa cessissent. Vix fidem faciebat Meleandro; qui

qui Radirobanis casum animo volvens, & fœlicitatem Hyanisbes, maxime tamen hærebat in nomine Poliarchi; illene esset sui servator, ille Lycogenis hostis, ille privato sub habitu sibi olim charissimus; sed & denique expulsus injuria.

Neque minus Argenis (nam eadem omnia ab accersito mercatore acceperat) stupebat ad omnia, lætis quidem, sed suspiciosus pluribus rebus tacta. Præcipue mirabatur, quid Poliarcho tantum commercii esset cum Archombroti matre, ut despecta Sicilia ejus præsidio vacaret. Ergo absenti æmulo, & ignaro, conficiebat hæc bella, fidei & reditus immemor, dum fœdam lachrymis sponsam, omnis dies, omnis solitudinis locus exercet. Oderat ipsa amantem Archombrotum, non alia magis causa, quam quod se Poliarcho ereptam volebat; Et ille eundem æmulum, oblitus amoris & odii, sic juvabat, ut deinde florentior procus in Siciliam rediret. Sed turbatum his cogitationibus virginis animum, placabat Radirobanes casus: procliviq; in Poliarchum animo: Forsitan ille, dicebat, non Hynisbæ, sed mihi pugnavit; nec juvari Archombrotum, sed Radirobanem everti sic voluit. Nihil gratius accidere posse putabam, quam si Radirobanes periret. Cumulaverunt beneficium Dii, ut Poliarchi maxime ferro pœnas dederit. Inter hæc oblectabat

animum suum victoriæ magnitudine qua Poliarchus celebrabatur, sperabatque confestim aliquid litterarum ab ipso accipere. Nam & commodum acciderat, quod ille mercator vel non audiverat in Mauritania quanto ille periculo vulneratus jaceret; vel cætera Meleandro & Argenidi referens, id ipsum negligenter omiserat.

At vero cum Arsidas venisset ab Africa, ut certior, ita acrior motus Principum mentes egit. Nam ille, Poliarchi & Timonidis litteris Regi porrectis, eadem quæ in iis nunciabantur longiori oratione exposuit; maxime in Poliarchi laudibus hærens, quam late diceretur imperare; qualibus viris, quanta opulentia classem instructam adveheret: Ut bene pugnasset in Sardos; jamque ex vulneribus convalescentem adventus Archombroti atque conspectus, ira, odio, æmulatione turbasset. Nec fuisse certamen dilatuos, nisi intercessisset Hyanisbe furoribus, cujus precibus ambo dederunt, ut vel Meleandro conciliatore redirent in gratiam, vel in Sicilia potissimum odia exequerentur. Ne inimicitiarum quidem causam multum Arsidas dissimulebat; quas sciebat & à Timonide esse perscriptas, & à Boccho, ubi mox advenisset, efferendas in publicum. Cum vero adiisset Argenidem, & omnia narrando extulisset, (ut solent qui se credunt

dunt libenter audiri referuntque absentia) facile excussæ suspensiones sunt, quæ virginem urebant. Omnis læticię Gobryas consors, captatis temporibus, nunc clam nunc publice conveniebat cum Argenide aut Arsida. Iisdemque diebus Bocchus adveniens, quæ Arsidas attulerat confirmavit.

At Meleander quicquid spei aut consilii post expulsum Radirobanem sumplerat omittens, pene certam expectabat perniciem. Frustra non esse quod cum suis Gallis Gobryas in Siciliam venerat. Parva Lycogenem vel Sardos potuisse. Nunc Galliam, nunc Mauritaniam, quibus armis aut copiis Sicilia sustineat? Sic dubius, & fatis iratus, jubet Gobryam vocari. Et ille tunc forte cum Argenide erat; quæ nihil dubitavit, quin pater de Poliarcho interrogaturus illum accerferet. Nam super ea rerum novitate sciebat acerrime esse commotum. Monet ergo discedentem, ne timide agat, aut de suo Rege dissimulet. Eo loci rem esse, ut paulatim exui larvam oporteat. Forte qui vocando Gobryæ missus erat, retulit Regi, eum loqui Argenidi, & confestim adfuturum. Hoc quoque Meleandrum cœptæ suspensionis pondere altius pressit. Tamen venientem Gobryam hilariter intuitus; Quid tu, inquit, bone vir, tot diebus dissimulasti Principis tui nomē? cui mehercule tantum

debeo, ut me in ingratitude discrimen perduxeris, non hætenus passus ejus gratia te melius haberi. Excusavit silentium Gobryas. Neminem quippe ipso Meleandro melius scire, non esse sui juris qui ad Principum amicitiam vocati sunt. Timuisse effundere, quod nesciebat an celatum suus Rex mallet, Addidit subito Meleander, habere se à Poliarcho ex Africa litteras, quibus significabat se propediem adfuturum. Sed hoc ipsum diu est, ait, quod resciebas, (Gobrya;) ideoque cum classe illum isthic oppertus es. Imo, inquit Gobryas, nihil de tempestate (Rex) mentitus sum, quæ me à cætera classe divulgavit. Nec deinde aut meum Regem aut comites vidi. Hanc autem Insulam petii, quia licet incertus quo Rex tendat, aut quid paret, ab eo tamen audiui, navigationis suæ ordinem præter Siciliæ oram dirigi oportere.

Nihil amplius à Gobrya Meleander elicit; coque relicto solus in secreto conclavi diu animum variis cogitationibus vexavit. Cur scilicet Gobryam præmisisset Poliarchus, cur cum tanta ipse classe discessisset à Gallia, nisi vindicaturus bello Argenidem, & fortasse volentem? Num ea spe hætenus illa despexisset Archombrotum? Num ipsa hos motus excivisset à Gallia? Literæ Radirobanis, Selenistæ mors, & Theocrine, & Pallas, ingereban-

tur tre-

tur trepido animo, & in calamitatis fastigium filiam denique timenti. Repetebat etiam animo virtutes Poliarchi, sibi que præstitam tanquam à virgine opem, & omnia genero digna. Pudore deinde quod eum eiecisset, quod non sine periculo abire passus esset, illum amare verebatur. Nā & illi iustum sui odium aut despectum inesse credebat. Denique si affinem eum vellet, præter famam levitatis nunc respiciebat ad patrias leges, hæc cum Gallicis Regibus vetantes connubia, nunc ad Archombroti potentiam, Mauritania viribus & Siculorum favore eximii. Nec cum filia iurgiari distulisset: Sed adhuc ignarus quid molirentur Dii, ne eum qui sibi è duobus gener debebatur offenderet, tenuit iram; Nisi quod semel indignanti excidit; Expectas mea filia Poliarchum, quem oppido parum amas, cum nisi suo aut Archombroti sanguine fœdatum nolis aspicere. Illa præparato silentio atque vultu, ea verba sic tulit tanquam non intelligentem præterlapsa. Cleobulus vero atque Eurymedes, & cæteri Optimatum, haud parum de consiliorum sagacitate remiserant, si quid noxium struxissent Archombroto, Regem reveriti, nec dubii se in Poliarcho violare Argenidem. Timebat Gobryas, ne tanto in motu abire juberetur à Regia. Anticipata igitur necessitate exilii, tanquam suas triremes curaturus,

ad eas reuectus est; habuitque, ut cum Argenide convenerat, in statione dispositas.

Inter hæc Poliarchus propitiis ventis ferebatur ad insulam. Prima Lilybæi cacumina se venientibus aperuere; & mox remis inter hilares militum tonsarumque clamores crebrius actis, certius terra innotuit. Denique circa Ægusam insulam sistitur classis, incerto Poliarcho, an Syracusis, an versus Epeircten esset querendus Melcander. Sed missi Lilybæum quæ certa referrent, Panormi esse Melcandrum renunciant. Drepanum igitur versus aguntur triremes, superatoque Agathyrso, prope Paconiam insulam Gobryas cum suis navibus exceptus est. Has enim ad omnes Regis motus circumagebat; si quid Argenis imperaret, præsto futurus. Opportunissime repertum non aspectu Poliarchus, non amplexibus satiabat. Nunc ille amplecti genua, nunc manum venerari, Regem incolumem atque victorem tenere adeo lætus, ut non militia, non ætas, aut sexus, lachrymas cohiberet. Cœperat quoque gratulari victoriam amicorum præcipuis; cum diversum revocans Poliarchus, rogavit ecquid illic egisset; num in Siciliam intrasset pace Regis; num vidisset; num adiisset Argenidem; quid tunc denique in insula aut consilii esset, aut virium. Ille à principio rem totam exorsus, varia voluptate perfudit Regis animum;

mum; nunc extollendo fidem Argenidis, & charitatis constantiam, nunc belli Africi famam, quæ illic inclytum apud omnes victorem fecisset. Sed addebat, Meleandrum, quamquam ad benevolentia speciem se cogebar, non tamen simpliciter amicum videri; seque consilio Argenidis rediisse ad classem, & ea littora observare. His monitis instructus, Poliarchus, & maxime de Argenide lætus, evestigio anchoras jecit, illic certus Archombrotum ex fœdere opperiri. Nam is sensim classem divisa lato in mari etiam à conspectu abiverat.

Qui primi de navibus Poliarchi ad Meleandrum nuncii fuere, fidem ægre fecerunt, tot naves, tantum belli apparatus cum eo advenisse. Et sub tantæ tempestatis discrimine, parum literis Hyantisbes credebat, pollicentis innoxium fore exercitum. Magis mulieri irascebatur quæ ab oculis suis avertisset hoc bellum, mandassetque Siciliae. Accersit deinde Argenidem, nec jam invidiose, sed anxie rogat, bellumne in Siciliam illis armis instructum sit. Se enim satis scire, nihil ea invita vel inscia Poliarchum moliri. Illa, nec se adeo Poliarchi consiliis mistam respondit, nec, quod sciret, Poliarchum Siciliae esse infestum. Ceterum quamquam ad dissimulandi prudentiam sexu & negotiis facta, exundantem tamé leticiam non satis capiebat;

hoc uno macerata, quod cessabant vicina auxilia, nec cum exercitu Poliarchus veniebat ad Regiam. Nihil enim jam aut breve aut celere erat impatientia moræ confectæ.

At vero Archombrotus, tanquam Regem conventurus Syracusis, jam pene ad Pachynum processerat, cum intellecto errore, vela retro ad Lilybæum egit. Hujus quoque mox viribus ad Meleandrum perlati, cum novus ac propior metus incessit. Hinc furere amantem Poliarchum; hinc Archombrotum Mauritanix viribus auctum redire ad nuptias. Sat constare nihil ad mitiganda jurgia profuisse, quod Poliarchus pro Hyanisbe in Radirobannem pugnaverat. Nam si ideo reconciliatione junxissent æmulas mentes, non utique cursu diviso ab una Mauritania in Siciliam navigaturos. Ergo tristi discrimine lacerandam sub insania utriusque Siciliam, vel saltē imbuendum mutuo sanguine mare, Argenidemque parandam alterutrius naufragio? Quæ Scylla, quæ Charybdis, tot unquā funera hausisset? Feralem post tot odia, & omnibus gentibus ominosam tantorum cruore Principum fore Siciliam. Num denique aut ipse Poliarchum, sanguine Archombroti perfusum posset aspicere, aut Argenis amare Archombrotum Poliarchi spoliis gravem? Iura deinde gentium invocabat quod de filix nuptiis

nuptiis statuendi sibi libertas eriperetur; quod affinitas, quod amicitia peteretur vi armis, ingratiis. Tantis in malis, tamen regni habenas in totum non reliquit. Statim ad se prælio idoneos cum armis præcepit coire. Naves præterea objecit portui, ut defensionis saltem species esset. Sed præcipuum fiducia in seipso & Argenide erat. Nam & omnia se ab Archombroto impetraturum credebat, nec vero obstiturum Argenidi Poliarchum.

Inter hos motus relatum est Regi, naves Archombroti admotas Poliarcho ea pace steterisse, tanquam si una hæc classis fuisset. Vix credenti nunciatur esse in portu legatos, qui ab Regibus Poliarcho & Archombroto venire se dicerent. Namque ubi ad Paconia or in Archombrotus Poliarcho suas copias conjunxit; Siculi qui simul navigaverant, festinantes in patriam, flagitaverunt quidē illico agi ad portum; sed uno consilio uterque Rex vetuit, ne qua navis à classe discederet: Ipse in lembo Gelanorum & Micipsam ad Meleandrum miserunt. Obstupuit ille ab his simul Principibus legatos venisse. Ea res quoque turbavit Argenidem. Igitur æmulis convenisse? Tanta lite cessasse alterutrum? Uter suam gratiam in liberanda bello Sicilia facere voluisset? quo fœdere, quave lege hæc dirempta odia essent? Regem quoque vocari Archombrotum, adhuc insolens

insolens auribus erat, timuitque Meleander ne fatis cessisset Hyantisbe. Et is quidem lætior erat, spe pacis injecta. At non Argenidi constabat quid doleret gauderetve, nisi quod metuebat hæc pacta, cœperatque vereri, ne de suis nuptiis illi arbitria fecissent. Quid autem, cogitabat, si ut vile aut facile pignus me sortibus permiserunt? quid si ad Archombrotum rejecta sum?

Vbi vero cum Micipsa Gelanorus ad Regem pervenit tunc filix colloquentem, omnium oculos avidissima in eum expectatio convertit. Et Rex utrumque amplexus est; Statimque Gelanorus, (nam honori Galliæ datum, ut ante Micipsam loqueretur) Poliarcho Galliæ Rex, inquit, & Archombrotus Sardinia, tuo in mari cum classibus, ô Rex, ad Paconiam insulam hærent; miseruntque nos oratum, ut tanquam amicis subire portus liceat, & in tuum conspectum una venire. Adjecit deinde Micipsa, non expectaturum fuisse Archombrotum ulla fidei pignora, aut legationem præmissurum, nisi quod ita res erat, ut neque rite Siciliam tangere, neque Regem posset adire, nisi comite Poliarcho. Respondit Meleander, patere amicis Siciliam. Succederent portubus quos ex insula tota mallent, se in extremo litore excepturum venientes, aut obviam quoque navigantibus iturum. Retulere
ilicet

ilicet ambo legati, suis Regibus fore gratissimum, si occursum omisso eos ipse maneret in Regia. Tum Meleander: Renunciabitis ergo Regibus vestris, hoc me illis etiam dare, ut officium potius meum quam eorum mandata negligam. Debebam vel ad Paconiam occurrere: At quando sic jubent, huc illos opperiar. Tum Gelanorus: Est præterea, inquit, quod nomine mei Regis efflagitem. Eum aliquot Siculorum inimicitias esse infestum, ipse Rex nosti. Nunc ut tuto huc commeet, petit exercitum suum in Siciliam admitti. Nihilque milites nocituros, regia fide spondet. Exhorruit Meleander renovata utcunque injuriarum memoria: Simul vires in regnum accipere, incertum an sat amicas, eo gravius formidabat, quod armato Poliarcho quicquid strueret, quicquid optaret, nihil negari, nisi cædibus & discrimine poterat. Sed & pejora instare videbantur, si ipse ad bellum vix paratus, & de Argenidis fide jam dubitans, inficiaretur hanc veniam instructissimo Regi, & forsitan ita belli causam querenti. Ergo metum alte recodidit; & quo prolixior humanitas esset: De com meatu etiam, inquit, providebimus, Gelanore. Neq; me sine militibus putabo, quâdiu Regis amici exercitus in Sicilia erit. Quæsiit postea cur Archombrotus Rex Sardinia appellaretur; & an valeret Hyantisbe. Multa quoque Gelanorum

norum de victoria & vulneribus Poliarchi percunctatus est; verbis maxime humanitati & lætitiæ accommodatis. Argenidi, præter quædam vulgaria, nihil publice Gelanorus dicere debuit; nec privatim ad eam aditus fuit; quamquam anxia & salutis incerta, sæpissime in respicientem intuebatur. Tempore denique constituto, ut inde quarto die, si venti paterentur, Poliarchus & Archombrotus venirent, legati repetunt lembum, eumque remis in Paconiam concitant.

Perplexæ interim Meleandro omnia erant; & Argenidi nihil magis addebat animos, quam quod Poliarchus cum exercitus robore admitti petierat. At Rex nihil ærario, nihil com meatibus parcendū arbitrabatur, siue amicus veniebat Poliarchus, digna pompa culturus tantum Regem; siue suberat aliquod nefas, saltem magnifice periturus. Itaque omnis generis cibos, & præterea à mari venientibus solatia, convehi iussit. Quæ autem in suppellectili preciosissima erant, Regiam ornare; aureis & eburneis lectis, tapetumque coloribus, & egregiis ex ære vel argento simulachris. Populum qui ad eventum atque spectaculum Panormum confluit, anguste mœnia capiebant: Et cum regiam publice ornati aspicerent, hominum ingeniis ad lasciviam pronis, ignari quid gauderent, curve timere desissent, repente in

te in lætitiā effusi sunt. Quæ cuique divitiarū, ferebant templis sacra: Alii extis pleni, quibus opulentiores litaverant, per ludos & choreas Diis gratias agere se credebant. Nec averſatus eſt Meleander hos temere exultantium ludos; urique omina captans, compulſuſque in tanto tumultu ad læta aut triſtia, ex ſuperſtitionis arbitrio.

Quarta dies illuxerat, & procul antennarū viſebantur venientium Regum. Eurymedes, & Arſidas, à Meleandro cum navibus ad utrumque dimiſſi, auxerant claſſem. Littus Proceribus & populo plenum, tanquam Deos ea pompa adveheret. Sed non prætoriarū naves ad portum primæ appulſæ ſunt. Tunc portus viginti ſtadiis diſtabat ab oppido. In eum Gallici exercitus partem Gobryas tribus vix horis explicuit. Sex armatorum millia fuere. Mauros quoque ad duo millia Micipſa adduxerat. Stabāt per cohortes, & vexilla, tanquam in aciem irent, armis inſtructi, niſi quod galeis ut plurimum capita nudaverant. Tandem regia navis Poliarchum Siciliae dedit; quæ tacta, veluti genio terræ graviores affectus inſpirante, jam propiori ſpe metuque, pene ad oris mutationem exhorruit. Cæterum in ſumma arena exſpectavit Archombrotum; qui non integra hora ſerior in idem littus deſcendit. Aderant à Meleandro equi, in quos ambo
aſcen-

ascenderunt regio cultu eximii. Polian-
chus gentile sagulum multo colore varia-
tum, braccasque gestabat propemodum
sub gemmis latentes. Aureus torquis cer-
vicem lævumq; humerum cingens, ebur-
neam gladii vaginam fibulis gemmeis te-
nebat. Lacertos aliqua parte nudos cole-
bant armillæ recocto auro fulgentes. Ver-
ticem propexa & rutila cæsarie vel sine alio cultu placitum, insuper regia fascia
ex murice auroque revinxerat. Super hæc
eminebat oris decor, & amœnæ gratiæ
genius, cujus virtute omnes ipsius motus,
omnes nutus placebant. Ergo populus in
illum intueri, plaudere multi, & qui eum
in privato habitu vidisse meminerant, se-
ipsos accusare quod jam tum non depre-
hendissent indolem illam nisi Regibus à
Diis non tribui. Cum vero & ipse Archē-
brotus evasit in equum, vix forma dete-
rior, aut fortunā minori spiritu implens,
amictuque insignis quem Mauri regium
habebant, incerta ac prope divisa aliquan-
diu studia fuere; moxque votis meliori
præfatio confusus, utrique mirabili con-
sensu applausum est.

Ibant, ergo tanquam rixarum imme-
mores, suis & Siculis Proceribus mediis,
longa militum, longiorique populi turba,
viam præeunte atque claudente. Quicquid
à portu ad urbem itineris erat, intuenti-
um & comitantium series uno examine
obtexit.

obtexit. In urbe matronæ virginesque fenestras impleverant, mistis pueris, quibus ad spectaculi tanti memoriam, animos aut subito metu, aut lætitia pulsabant. Humanissimi Reges, memoresque qui eos sic colerent haud esse suos cives, non deerant salutando, non oculos atque manus ferendo ad populum; donec in regio vestibulo Meleander apparuit. Hunc ad se pedibus properantem ubi simul conspexere de equis desilierunt. Excusantem deinde quod non præsto ad portum fuisset; neque vero id se dedisse superbix, sed eorum legatis qui quo progredieretur præscripserant; ambo lenissima oratione vetant in juvenes, & jam olim hospites, superfluo cultu esse. Gratulatus deinde Poliarcho victoriam, & Archombroto Sardiniam, perplexe querebatur, quod olim passus esset tantæ Galliæ Rex privatæ se sortis in Sicilia haberi.

Iam ad aulam pervenerant; invitabatque hospites Meleandri ad solia, quibus excepti colloquerentur. Sed illi tunc rati advenisse gerendæ rei tempus, sustinere ambo gradum; porrigenisque Meleandro Archombrotus literas matris, postulavit ut eas extemplo perlegeret. Prius enim acquiescere se non posse. Idem & Poliarchus rogavit. Rex miratus quid hæc literæ haberent tam celeriter procurandum, gemmam solvit, & prolixas exorsus est. Neque

mora, Poliarchi & Archombroti anxios vultus, haud parvæ perturbationis notæ percurrere cœperūt. Quippe illos codicillos uterque tanquam propria fata spectabat. Si secius quam promiserat Hyaniſberes cessisset, si aut nulla fœdera aut ingrata offerrentur, jam comparabant se ad iurgium; jam arma, jam furorem animis præcipiebant. Arculam quoque (ita mater jussierat) Archombrotus Meleandro simul cum literis obtulerat, quam olim Poliarchus vindicaverat à peiratis. Neque multum ex epistola Meleander legerat, cum attoniti instar nunc seipsum cœpit affari, nunc in Archombrotum mittere oculos, repetere deinde epistolam, morarique in omnibus. Pusilla erat clavis inclusa literis; ea scilicet qua referari arculam oportebat: Eam Rex avide manu tenens perseverabat in lectione epistolæ. Nihil amplius Poliarchus vel Archombrotus dubitabant quin aliquid magni efficacissimæ literæ afferrent. Tandem ad mensam vicino parieti applicitam Meleander accedit, solusque curiose in aperta cistula recognoscit quid lateret. Aliquot epistolæ inerant; quas ille perlectas cum suspiriis & fletu osculabatur. Annalus quoque, & arcant rei pignora quædam ipsi notissima, fidem senis faciebant, vera scripsisse Hyaniſben.

Ergo victus magnitudine improvisti affectus,

fecit; simul à Poliarcho petit, ut excuset
 necessaria quædam arcana breviter exe-
 quentem, simul mirantem Archombro-
 tum rapit familiarius ad eandem illam
 mensam, & oculis litteras Hyanishes ob-
 jicit; quas ille dum legit, Meleander in ejus
 collum effunditur; moxque juvenis obje-
 ctus ad genua, confusione oris, alioque
 quam solebat venerationis genere, omni-
 um qui astant mentes permovet. Præci-
 pue Poliarchum scena illa turbabat. Vide-
 retne, æmulum suum ad amplexus & o-
 mnia intimæ charitatis indicia acciri? Sta-
 ret ipse interim neglectus Meleandro, re-
 lictusque scilicet qui colloqueretur Eury-
 medi? Is enim officii causa paulatim ad
 illius latus accesserat, dum Archombroto
 Meleander loquitur; ne indecenter in me-
 dia aula solus ille Rex esset. Hæc tumide
 agitanti ingens ad sævissimam indigna-
 tionem pondus accessit. Nam admonita
 Argenis à patre se vocari, intrat cœnacu-
 lum, cumque Rex aliqua venientem do-
 cuisset quæ percipi à remotis non pote-
 rant, sponte ipsa cervicem Archombroti
 petentis osculum utraque manu junxit.
 Miscuere deinde lachrymas, quas gaud'o
 esse expressas ex reliquo vultu scires; dex-
 tramque tanquam in fidissimæ amoris sa-
 cramentum, in cupientis Archombroti
 manum inseruit.

Iam vicerat furor Poliarchi patientiam,

D d d 2

erat.

eratque impetus hæc invisa sibi gaudia
 turbandi. Ignarus quos pejus devoveret,
 Hyaniſben, Meleandrum, Archombro-
 tum; adhuc aliquid amplius irascebatur,
 eminente rabie in Argenidem, quam ul-
 ciſci ſaltem illata ſibi morte decreverat.
 Et ut omni ſermone celerior eſt cogita-
 tio, præſertim irata, multa ille atque atro-
 cia breviffimo tempore animo ſuo com-
 plexus eſt. Hanc igitur mihi gratiam retu-
 lit Hyaniſbe per mea meorumque vulne-
 ra incolumis? Patebam incautus venenis;
 Ejus medicos adhibebam ægri tudini meæ:
 Sed noluit me perire, niſi ante contem-
 ptus, & coram violatus, non adjudicatam
 modo, ſed ſcſcinatam Argenidem in ſui
 filii collo adſpicerem. Miſiſti me ad iſtius
 mortis atrocitatem, venefica? Hæ ſunt lit-
 teræ, hæc promiſſa. hæc concepta in pena-
 rum Deorum auribus ſacramenta? Stoli-
 diorem me, qui fidem expectabam in A-
 frica. Sed non inulta feſelleris. Contra-
 ham tecum certamina, contraham her-
 cule ad internecionem tuæ gentis. Quid
 cogito amens; & longorum ſolatorum
 ſpem, tanquam victurus, ſelicito? Nonne
 vides quos perire illico, ſed tecum, opor-
 teat? Ibo, & carnifici illi adimã ſpiritum;
 qui per meam victoriam Sardinia regno
 potitus, etiam hymenæum occupare non
 dubitat, & inverecundæ Argenidi ſaltem
 ejus ſanguine ruborem faciam. Tum ma-
 lignum

lignum hunc senem, hanc larvam, hanc fabulam, obtruncabo, priusquam ad auxilium ulli procurrant. Simul ipsi Argenidi, Argenidi, inquam. (Hæsit miser in cogitatione decreti crudelis.) Sed quid attinet virgini amenti sanguinem mittere? Melius flagitii sui memoria, & meo vulnere, morietur. Aperiam meum pectus, & ubi cruore exundabit, injiciam me totum in furiarum omen trepidanti. Nam nisi mori sic vellē, possem excire meos milites, possem hæc tecta incolumis in hostium capita effundere. Sed vivere nolo, ne reconciliari possim Argenidī.

Hæc & similia furoris consilia agitandi spatium fuit, dum primæ amoris blanditiæ, Meleandrum, Archombrotum, atque Argenidem, per cæterarum rerum oblivia trahunt. Præcepsque, & obfirmata ad facinus mente, jam tangebatur capulum, cum numina tam fœde errare in fontem non tulerunt. In ipso igitur articulo, ignarus harum furiarum Meleander ad illum accedens, Ignosce, inquit, hospes, quod nos ab officio tui colendi paulisper insperata avertit læticia, quam non minus forte gaudebis, quam me modo & Argenidem vidisti. Veni mortalium charissime, fœlicitatis nostræ compar, & intellige quid hic dies de te ineruerit. Mutatus hoc sermone Poliarchus, & in tanta varietate affectuum nescius quid expectaret, sentiretve, non

repugnavit ducenti Meleandro. Vbi vero propter Archombrotum & Argenidem constitere, tum Meleander jam non adeo pressa voce, ut circumstantium proximi non audirent; O fœcundum, ait, hunc diem! ô mea senectuti propitium, quam antea in una filia acquiescentem, duobus & talibus liberis auxit! absit Cœlitum invidia. Quis re mortalium fortunatior; aut cui preciosius debeat esse id pauxillum vitæ quod superest? Ergo per tot ambages, per tot minarum tormenta, erumpens industria fatorum, hæc mihi præsidia, hæc decora familiæ parabat? Desine Archombroto irasci, ô hospes, ô Maxime Regum, & quod utroque præstantius nomen est, Poliarche. Diu est quod sensi odia vestra. Vterque amabatis Argenidem; utriusque erit Argenis. Huic enim quem genui, in sororem affectus durabit. Tibi autem, nisi aliter sentis, eam uxore despondeo. Nam quod à Sicilia hereditate excidit, agnito fratre, nihil minus, ut te novi, aut tu amabis. aut Regina hæc erit. Quippe Sardinia, & quicquid Radirobânis fuit, (quod deinde & passus es Archombroto esse) hanc in dotem sequetur. Ita mecum filius meus constituit. Tu Archombrote prior omnem inimicitiam ejura; & Regi Poliarcho sororem tuam trade.

Putasset hoc quisquam? Archombroto conciliatore, dextramque puellæ admovente,

vente, invitabatur ad Argenidis nuptias Poliarclus, qui in tali fortunæ ludo cunctabatur credere se esse fœlicem. Erubescibatque quoque Argenis; & modo dum obstabant votis bella, vel pater; tam viriliter audax, tam prope contumax in parētem, & sequutura Poliarclum quocunque juberet nunc, facilibus rebus, se virginem esse meminerat. Poliarclus simul virgini manum dare, simul gratias agere Meleandro; etiamque mirari qua ratione Archombrotus tam subito evasisset Argenidis fratet. Tum, ut sit in magnis & repentinis rebus, omnes sine ordine, simulque, loquebantur. Redibat juvenibus mutua inter se gratia, quam olim auspicati apud Timocleam fuerant. Senex cum virgine receperat spiritum; & Principum alacritas in se intuentes diffundebat. Stabant nunc Proceres silentio defixi, nunc confusius inter se vocibus aulā implebant. Plures quoque ad famam intraverunt. Nec ingrata Meleandro frequentia fuit, Nam tantas res, tamque publicas, ab omnibus sciri intererat. Itaque clara voce, quamque in senne impetus gaudii fortius pulsabat; Optimi cives, inquit, & hospites, quos hic dies in multiplicis fœderis sanctitatē coëgit; Agite omnes, gratamini Regibus vestris, & quod superest lucis, inter sacra impendite. Venire in crastinum universos jubeo ad aulæ vestibulum. Illic & populus præterea,

& milites implebunt concionem, ne quis Deorum consilia ignoret, qui nescio an aliis unquam verius quam nobis indulserint. Vos tamen & censeo æquum jam nunc compendio tantâ gaudia præcipere. Comperi Archombrotum ex me genitum esse. Hunc mihi uxor inscio peperit, Regi autem Poliarcho filia mea nubet. Ite læti, & omnium pulcherrimum diem, si lubet, pervigilio vocate. Ego interim cum genero & filio quæ in rem sunt constituam.

Sic dimissis Proceribus, Poliarchum in interiorem regis partem duxit, ea vespere inter charissimorum consortia exultaturus. Quæ tum vota singulorum, qui sensus fuere? Castissimæ Argenidi aderat fructus constantiæ, perviceratque tot malis, ne qua videretur optima sorte dignior esse. Poliarcho, jam æmulationis, jam ægritudinis, oblito, jucundissimum erat traduei soceri risu, quod osculis invidisset quæ Argenis Archombroto sororia charitate posuerat. Vtrumque præterea Meleander ridebat, nunc generum Archombrotum, nunc Poliarchum Theocrinem vocando. Et ab Argenide quærebat Archombrotus, quid se agnito lætata potissimum esset, an quod fratrem se haberet, an quod sponsum non esset habitura? Inter hos jocos, vix quicquam negociis permittebat hilaritas. Ipse Aneroestus supercilium posuerat, audebatque lætari; & quam

quamquam in subhorrida veste, Regis in modum à Meleandro & Argenide celebratur. Pauci erant ex secretiori cohorte amicorum tantæ remissionis conscii. Tamen Anerocstus, Ibburranes, Dunalbius, cum Regibus cœnaverunt. Gelanorus, Arfidas, Gobryasque intererant, Maurusque Micipsa, & cum Cleobulo Eurymedes. Nicopompus bis à Rege vocatus paulo serius venit. Nam condendo epithalamia secesserat. Vna porro ex Matronis Timoclea Argenidem comitabatur. Hi propemodum soli Regibus ad eam cœnam ministri fuere. Et omnibus quidem præcipuus de Poliarcho erat sermo, ut amasset, ut tantquam suæ fortis oblitus adiisset pericula, ignotus, prodigus sui, nec à fortuna nec ab hostibus tutus. Vnde is ardor, quæve initia ad tantæ constantiæ amoré fuissent? Ille vero avidissime audientibus referebat, se de Argenidis forma atq; virtutibus multa inaudisse in Gallia; hinc subjectos juvenili animo stimulos, quos tantæ indolis admiratio, aut verius ipsa fata sensim auxerunt; Ac cum sciret spem connubii Siculis legibus interciscam, quæ Gallicas damnant nuptias, hoc velut obice irritatam cupiditatem, acrius exarsisse; Et se quidem simulata pietate in Deos externos quasi eorum templa peteret, solum cum Gelanoro (qui quanquā ingenuus sponte liberti personam induerat) navigavisse in

Siciliam, eo consilio ut præsens agnosceret essetne par famæ Argenis, & eo bello digna quod ipse in Siculas leges meditabatur; si illa, ut aliquando fore sperabat, obsequiis suis demerita, eæ solæ morarentur fœlicitatem suam. Cum vero Siciliam intravit, ne usurpare quidem oculis virginē lieuisse, quam scilicet munimentis arcis inclusam nefas erat à viris tunc conspici. Hinc fœlicissimæ temeritatis consilium se sumpsisse, ut muliebri stola virginem simularet, ut Selenissæ imponeret, appellareturque Theocrine. Cætera narraturum adjuvit Meleander, inter risum stuporemque repetens memoria, quam ille omnia similis puellæ venisset; quam lachrimabili fabula eliciisset misericordiam suam, aditumque invenisset ad Argenidem; quadenique virtute, quo robore, domuisset fîcarios qui in arcem intraverant, & de Theocrine facta Pallas fuisset.

A Poliareho deinde ad Archombrotū sermone traducto, plurima quoque in eo mirabantur. Ergo ille debebatur Siciliæ Princeps, insciusque quem coleret Meleandrum amaverat! Ut diu Hyanisbe habuisset rem secretam! ut tempori retexisset! quam similem repertis ad aurium voluptatem commentis Dii hunc contextum rerum dedissent? Eos interim docebat Meleander suum in Africa coniugiū; & quantum fas erat per præsentem læticiam.

eiam ingemiscebat uxori defunctæ: Scipiusque & per partes cuncta narrando, ea ipsa digerebat quæ postridie in concione disliceret.

Multum noctis processerat, cum à cœna recessum est. Vbi prope ortum sol fuit, quotquot Panormi erant, impediti frondibus caput, confluxerunt ad regiam. Angusta multitudini atria erant. Hi in muros evasere, aut subitaria theatra impleverunt. Alii applicuerant scalas, quibus plus justo oneratis, haud paucæ defluerunt in subjectos. Ad ipsas palatii fores, exiguæ scenæ species pene ad altitudinem hominis attollebatur. Illic Regum suggestus eminebant; Duo quidem fronte æquali, quibus Poliarchus & Meleander sederunt; Totidem paulo interiorius ad latus recesserant, Archombroto Argenidique ornatî. Postquam Reges præbuere se populo, & præco plausum compescuit; non nihil moratus Meleander; Si quid ominosum, inquit, afferrem, (optimi hospites atque cives) arte aliqua esset opus, & veluti condimento, quo illud apud vestra mitigare ingenia. Nunc quid opus est anxia eloquentia commendare Deorum munera, quæ ipsi tantopere ornarunt? Afferro vobis læticiâ, Regibus gentibusq; pacem ac fœdera, hostibus nostri nominis pavore, tumultus, exitiû. Nec vos credo hæc ipsa ad quæ audienda convenistis ignorare. Aliquis Deus,

Deus, & ipsa si quod numen habet fama, haud dubie sparsit in vobis, celebrari hunc diem filiae meae nuptiis cum Rege Poliarcho, & veluti altero natali filii mei. (flexaque cervicem in astringentem Archombrotum respexit.) Quem cur tamdiu ignorarim, cur nunc demum agnoverim, operae premium erit (cives) & vos quoque cognoscere. Accipe Reginae Mauritaniae litteras, Praeco, & quantum voce vales publice recita.

Tum praeco traditam epistolam in hunc modum exortus est. Regina Hyanisbe Regi Meleandro salutem. Tua virtute an vitio dicam factum, ut ante hunc diem non censerem gaudium tibi dandum, quo nunc mirantem impertiar? Nam & vitio duco, quod cum Anna mea sorore nuptias me celatam voluisti, nec deinde ea extincta quaesivisti, an inde tibi aliquid superesset. Virtutem porro tuam sic colui, ut tradere tibi stirpem noluerim, nisi experimento prius capto, an te digna adolefceret. Nunc cum omnia generi consentiant, aperendum est quod tot annis apud me continui. Cum sororem meam Annam tibi occultis nuptam auspiciis apud nos reliquisses in tuam Siciliam iturus, effluxissentque menses quibus ipsa crescentem uterum varia arte celavit, tandem coepit acriter agrotare. Nos alium morbum ratae inutilia ferebamus remedia. Sed illa mor-

tis o-

tis omen concipiens, ita me solam affata
 est. Ignosce, mea soror, non aliam depre-
 canti quam silentii culpam. Meleandri Si-
 ciliæ Regis uxor sum. In partu jam labo-
 ro; nec incolumis, nisi dolores fallunt, e-
 nitar. Si quid ex me natum vivet, tuum
 arbitrium esto, soror, vel alere, vel patri
 transmittere. Mallem tamen secretum as-
 servari; ne me populus matrem prius quã
 nuptam intelligat. Ceterum supprimendi
 fœderis nostri causæ variæ fuerunt. tum
 quod Numidam Cyrthum, importunum
 mihi procum, & vi forte usurum, metue-
 bamus, tum quod Meleander regia pom-
 pa, quam ornaturus discessit, sibi me jungi
 concupiit, denique miseram me pudor te-
 nebat, quem heu timeo etiamnum & lo-
 quendo ne violem, En, soror, ad pulvinũ
 conjugii leges ipsius Meleandri manu scri-
 ptæ, quibus & ego meo nomine appposito
 addidi fidem. (simulque tabellas tradidit.)
 In ista autem pyxide sunt arcanorum no-
 strorum consciæ notæ, aliquot literæ an-
 nulique, & ex utriusq; crine armilla. Cum
 hæc ostendes, sciet me tibi omnem rem
 credidisse. In ipso sermone vocem amisit.
 Ego resectam solata, paucas fidissimarum
 matronarum advocavi, & sedulo quæ ne-
 cessaria erant curavimus. Sed vincebat ar-
 tem dolor. Peperit tamen filium, quem o-
 culis viventis admovimus. Petii deinde, an
 cogere vires posset ad brevissimam scri-
 ptionem,

tionem; nescio quo numine ad res quas hodie agimus jam tum meam curam instituente. Fecit illa, & in tabellis exaravit se mori, se filium tuum mihi relinquere. Agnosces manum illius(ó Rex) quamvis litteras male ductas morbi tremor confuderit. Nec multo post inter meos complexus extincta est. Quatuor omnino matronæ mecū erant. Ego cuidam Sophonemæ, cui apud me potissimum fides erat, infantem permitto; ageret ejus curam; nutricem inveniret ignaram quem aleret. Verita quoque ne quid ex tot consciis ulla effunderet, per eandem deinde Sophonemæ cæteros fallo, ut crederent infantē obiisse. Inter eosdem dies frater Iuba decedens reliquit mihi regnum; & vir Syphax, satis quodā agmine in nos ruentibus, vita functus est. Ego tot luctibus plena, non tui, Meleander, non sororis oblita sum. Prægnantem me fingo; deinde posthumum edere mentior; adjuvante eadem Sophoneme. Supponitunc mihi tuus non potuit. Nam non convenisset tot mensium infans puerperæ. Sed commodum fœtum Sophoneme cunis inseruit; quem deinde meo jussu alendum abvexit: Ego simulans fascini metum, vetui ne quis ultra nutrices, unamque Sophonemen, filium meum inspiceret. Ita biennio circumactō facile fuit Hyempsalem tuum (ita moriens mater adpellavit de nomine avi) tanquam ex me na-

me natum ostendere. Huic me deinceps,
huic & regnum servavi. Nullæ me impule-
re ad nuptias vicinorum Regum preces.
Postquam annorum viginti trium fuit, a-
pud illum commédavi virtutes tuas; hor-
tata sum, ut in rudimentum regnandi ad
te profectus, animum suum formaret ex
tuo. Et hæc facilius effecturū si omitteret
suæ fortunæ insignia, nec pro matre me
jactaret: Ne indulgentia tua, & cæterorū
adulatio, crudam illam veramque virtutē
auferret, quæ sæpe Principibus viris nega-
ta, privatorum discrimina & fortunam
nobilitat. Obsequens dicto ivit; & mirum
est adeo placuisse, ut magnus Rex filiam
novissimo conjugio susceptam, & in qua
liberorum summam credebas, ei velles
despondere. Cum id mihi nunciasset,
quamquam illius virtute & genio tuo læ-
ta, qui fecerat, ut adhuc ignotum filium
amares; tamen ad incestarum nuptiarum
omen expavi, ne frater sorori jungeretur.
Adhuc me alia pericula terrebant: Radi-
robane in Africæ perniciem cum exercitu
veniente. Igitur nostro Hyempsali, quem
Archombrotum appellatis, ita scripsi, ut
nuptias jam apud vos, ut audio, consti-
tutas differrem; & ipse ad auxilium meum
accitus cum classe veniret. Sera tamē fuis-
sent auxilia, nec invenisset quam juvaret,
ni Regem Poliarchum cum Gallorū suorū
exercitu nobis tempestas dedisset. Hujus
vir-

virtute, opima Radirobanis in Martis nostri templo sunt. Sed pene tristiora fuere apud nos pace quam bello discrimina: Poliarcho atque Hyempsale sævissima æmulatione ardentibus. Causa odii, tua Argenis; cujus nuptias uterque supra humanę cupiditatis morem ambit. Intellecto filii tui errore, ab iis impetravi, ne prius furiosa lis ad ferrum perveniret, quam tibi tradidissent has literas. Illico utrumque voti compotem fore. Quod ita demum erit, si tuum filium agnosces, & Poliarcho Regi, quo propior factis Deorum, & virtutibus, hodie nemo vivit, filiam tuam dabis uxorem. Dotem ex tuis vel meis rebus ei dicas permitto. Sicilia, Mauritania, recensque incrementum Sardinia, satis erunt, ut & filius opulentissime regnet, & gnata pro genere & sorte collocetur. Mitto in arcula quicquid arcani mihi soror moriens reliquit; inter cætera ultimas ad te literas, quibus se, superstiti filio, extinguere significat. Quæ omnia ipso hoc anno tantum non perierunt. Arculam, proh nefas! raperant peiratæ. Sed Rex Poliarchus cæsis latronibus mihi inviolatam restituit. Ita pro parte huic etiam filium tuum debes; debeo ego regnum, jamdiu tuo Hyempsale destinatum. Præter Argenidem nihil ad hæc opera mercedis est. Vale; & fœlicitate quam Dii faciunt senium tuum oblecta.

Longissimas literas raucus præco vix absolvit. Lectione confusæ in populo voces sequutæ sunt. Plerique audierant. alii quærendo rogandoq; veritos turbabant. Multis quoque literæ erant obscuræ; quod futurum haud dubius Meleander, cœpit has ipsas alia oratione exponere. Historiam suæ juventutis repetiit; ut patre jubente uxorem olim duxisset Brutiorum Principis filiam, quæ sexennio nupta ac sterilis, decesserat ex vulnere quod de equo intervenandum lapsa in stipite accepit. Tunc sex tricesimum quintum ætatis annum egisse, patre adhuc superstite. Eadem tempestate regnasse in Mauritania Iubam Siciliæ amicum, ad quem cum paucis comitibus profectus est, avertendi luctus causa, quem mors uxoris faciebat. Deinde memorabat, duas sorores Iubæ fuisse. Seniore, Hyannisben, Syphaci, potenti illic viro, collocatam, Annam juniore nomen fuisse, eamque habuisse ex Numidia procum, qui Cyrthus dicebatur, tantarum virium hominem, ut hunc Iuba, quamvis sibi non probatum, timeret offendere. Se interim Annæ amore correptum; virginiq; illum Numidam exoptare placuisse. Secretis ergo fœderibus consensisse utrumque in nuptias; eaque admonente contrahendas ex Sicilia vires priusquam huic Numidæ palam obstaret, se navigasse in patriam; Et illic, ne promisso

Ece

tempo-

tempore in Africam rediret, patris funere fuisse tardatum. Inter has moras de Annę interitu audivisse, & omisſa Mauritania amavisse Siculam virginem, patruo suo genitam; ex qua nata erat Argenis. Cætera ex Hyaniſbes epistola habetis, optimi cives, ut ipsa fratri lubæ in regnum succederet, ut hunc mihi filium Anna pepererit. Veri pignora in obſignata arcula miſit; mihi quidem maximo præteritarum rerum ſenſu recognita.

Tum in Poliarchum intuitus: Te vero, maxime Regum, inquit, quo nomine compellem; cujus munus est quod vivimus quodque regnamus. Tu me vinculis, tu Argenidem exemiſti, cum in gynæceo Lycogenis mancipia furerent. Tu in acie meis militibus præviſti ad victoriam iter; denique unus hostes fudiſti. Inde meo heu malo, & quicquid excuſes dedecore, exceſſiſti Sicilia. Nec contumeliæ noſtræ tuam bonitatem vicerunt. Laſus quoque amaviſti Argenidem. Quid dicam, te indicia, per quæ ego ad filii notitiam, ille ad patrem perveniret, invenisse Diis ducentibus apud piratas, & virtute ſervaviſſe? In Africa autem non triumphare Radirobanem quantę molis res fuerit, nondum toto ſanguine reparato, in tuo vultu pallor eſſendit. Utinam nomen amares quod me tibi ſub mitteret. Socerum dici mavis. Fœlicem Argenidem in tanta fœdera ituram.

Tu

Tu quidem tua virtute damnasti nimis formidolosam majorum nostrorum solertiam, qui ad Gallicam magnitudinem adeo expavere, ut Siculis principibus interdicerent conjugia vestra; quasi tanta affinitas servitutis instar esset. Meruisti ut consensu publico antiquemus omnes hanc legem. Sed & Dii fecerunt, ne opus sit ab ejusmodi sanctione recedere. Filium enim ad quem Sicilia perveniat, mihi restituerunt. Meam autem Argenidem fortuna non inferior, Sardinia cum Liguribus manet; quæ regna, nihil vetantibus legibus nostris, tuæ Galliæ adjunget. Hic Archobrotus uti convenerat, pacem patris petiit ad dicendum. Mox ita Poliarcho. Sardinie possessio, quam habeo, inquit, quid est aliud quam victoriæ tuæ fructus? Eam debellasti in Africa. Veni ego ad triumphum. Tu ergo, charissima soror, tu quam à me fuisse amatam vel ipse Poliarchus ignoscit, sume regium insigne, & pro spe Sicilia, in quam me natalium jura inseruere, terrarum omnium quæ sub Radirobane fuerunt, esto Regina. Feres ad virum, quod ipse victoriæ jure ferre potuerat. Simul diadema Sorori imposuit; flente quidem præ lætitiæ copia Meleandro; populo autem tantis acclamationibus rem probante, ut diutissime auribus usus abfuerit. Poliarchus ut eloquentia pollebat, ita cœpit beneficiorum suorum memoriâ elevare,

ut solerter augeret; reverentissimus Meleandri; Archombroto, Argenidi, populo blandus; ut dubium esset arma an pacem magis deceret.

Iamque omnibus ad templum processuris, filius Nicopompi vix decennium egressus, patre ducente se admovit Argenidi, blandeque epithalamium à patre conditum tradens, se illius authorem non inepta aut timida jocositate asseruit. Cūque cum Meleander vocasset, sibi & Poliarcho jussit ejusdem carminis exemplaria donari, quæ puer præparata manu tenebat; rogandoque cujus opus hoc esset, sæpius adegit ridentem mentiri. Pauci versus, ut ad Principes, & occupatos, erant; ideoque & plures à quibus legerentur habuere.

*Lapsus ab astrifero festa ad connubia
cælo*

*Phæbus adest, Vos, ô Superi, vos cernere
coram*

*Possumus Aonii Vates. En pādatur ather,
Et longo in nostras ascēdiris ordine terras.*

*Dumque faces accendit Hymen: dum Nu-
mine pompam*

*Exornat Regina Deum, parvusque Cu-
pido*

*Lenofacit vulnus, nulloque exerrat in
ictu;*

*Ecce coronata plectrum testudine ducens,
Sic pulcher roscio Latonius inclinat ore.*

Iungite

*Jungite concordēs mansura in fœdera
dextras,*

*Quæ non ullæ dies, quæ non fata impia rum-
pant.*

Jungite iô Reges. Blandus lux aurea surgit

*Auspiciis : Hymenæus adest : Data laurea
serta*

*Postibus , & quinos fax pronuba surgat in
ignes.*

*Gallica Trinacrios jungunt sibi numina di-
vos.*

*O socer ! ô sponsi ! sperataque turba nepo-
tum !*

*Aspice nunc fœlix promissa virginis
ora.*

Palladiis hæc forma genis . has alma nitentes

Fert Cytherea comas ; tali Saturnia regnat

*Lumine , vulnificos vel cum Latonia cin-
ctus*

*Exiit , eque suis magnum petit æthera syl-
vis.*

*Talis sponsa venit : Tu divum , hæc munera,
Princeps,*

*Cuncta vide . mentisque bonis tamen acrius
omne*

Figè animi lumen , mortalia cor la puella

Esse neges, sortesque tuas æquabis Olympo.

*Illæ etiam vultusque tuos , auroque ni-
tentem*

*Cæsariem , & castis vibrantia lumina flam-
mis,*

Cernere gaudet amans; & tunc te mente sub
alta.

Effingit, qualis sauis quater ardua bellis
Arma soles, nunc quantus eris, patris ag-
mina quando

Occurrent reduci, parilique in vecta tri-
umpho

Ipsa per effusas tecum spectabitur urbes.

Iamque timet, ne vana ferant hac gaudia
venti

Quae cernit, redeantque novis insomnia
curis.

At ne, Virgo, time: Non hac efficta
sopore

Leticia est, cupida ve errant ludibria men-
tis,

Certa vides. Adsunt genialia numina me-
cum.

Stat cunctis mens una Deis, vox omnibus
una;

Iungite concordēs mansura in fœdera dex-
tras;

Iungite iô dexteras, tu formosissima virgo,

Tuque vires inter qualis sub nocte serena

Purpureus socios exinguit Lucifer ignes.

At tu sancta veni, tandemque merentibus
adsis,

Exorata Quies. Satis exhausere pericli,

Sat pigrae perpeffa moras insignia Regum

Pectora; nunc votis expectatoque fruantur

Connubio. Sic & Tirynthius astra subire

Non nisi bisse ni potuit mercede laboris.

Iun-

*Iungite concordēs mœsura in fœdera
dextras,*

*Iungite iò dextras. Quid tandem nùbila re-
rum*

Et fœdi cessere dies? En lenius aura

*Ridet, & ingenti cumulant sua dona fa-
vora*

*Calicola. O nunquam tranquilla exordia
fatis*

*Heroum evinis, nec denique naufraga
virtus!*

Paratæ ad Iunonis Lucinæ delubrum vi-
ctimæ erant; Auguresque & Pontificum
ordo nuptiis omen facturi. Populus viam
hymenæo aut præne celebrabat: Et quia
Argenidi mater non erat, quæ facem nu-
benti filiæ luceret, is Timocleæ honos,
Poliarcho & Archombroti commenda-
tione, collatus est. Invocatis genialibus
Diis, tutelisque præcipue ignium qui vela-
tæ Argenidi præferebantur, cum jam in
victimas caderet ferrum, Poliarchus sa-
crorum ministros jubet subsistere, dieique
læticia augustior ita Archombroto loquu-
tus est. Si fas est mihi apud te fidem esse, ô
frater, doleo me marito adhuc matro-
nam te querere. Mihi soror est vultu &
indole quæ vel ignobilem commendaret;
annorû plus minus viginti. Si solida fœde-
ra inter nos placent, hanc tibi jure frater-
no despõdebo. Et quoniã ritu gentili nul-
la pars regni in eam cadere potest, dos erit

talenta sexcenta præsentia. Meleander sermonis erat arbiter, qui Archombrotum non tam cunctantem assentiri (nam placebat affinitas) quam jus patri facientem ut de nuru statueret, interrogavit an eam sibi his legibus pactam vellet. Argenidem quoque, quamquam inter verecunda tunc sacra silentium tenentem, monuerat Poliarchus, ut fratrem in mutua fœdera sollicitaret. Ille se conditionem accipere apertissimo vultu respondit: amplexusque Poliarchum: Præcepisti mea vota; fortissime Regum, Quis te Deus in mei animi secreta perduxit? Ergo hæc etiam sacra mihi absentem conjungant. Tu fidem, charissime, utrimque præstabis. Admoniti sacerdotes ut geminarent auspicia, sedulitate eximia circa templum omnia turbabant: Cumque res emanasset in populum, novo gratulantium clamore plenus aër præter volantes aliquot aves intercepto alarum officio exanimavit. Omnes plaudabant. Omnes erant bacchantium læticiæ proximi: Cœtuque confuso, nulla discrimina ordinum tanta gaudia meminerant.

Diis interim profecta dabantur: & cum hostiæ, quarum una vittati jecoris fuit, placuissent Haruspici; thure accenso Spōsi in fœdera nuptiarum ad aram tubiere. Perpetratis denique sacris, jam pompa vertebatur ad regiam, cum in templi vestibulo Ane-

lō Ane-

lo Aneroestus occurrit discessurus, pallido vultu, & divinandi stimulis pleno. Nam meritum pectus numina infederant. Igitur quasians emotum Deorum furoribus caput, Salvete, inquit, ó Reges, ó numinū cura, exerciti haftenus fatis, nunc eorum-
de clementia experturi nihil virtute jucū-
dius. Fœlicissime senum, ah ne Diis exprobra, Meleander, istos annos inter bella scelusque tuorum civium consumptos. Vivida ætas, annisque adhuc plurimis suffectura, nihil publice, nihii domi timebit. Nunc in Africa videbis Hyanisben, nunc in Sicilia illam excipies. Procul mala facti-
onum, pto cul insidiatotum atrocitas. Vestrum senium, juvenusque Archombroti, reverentia & terrore subiget omnes: Hunc triumphantem felix pater de proximis Brutiis, Lucanisque, & Epeiri littore aspicias, hujus pignora in vestris adolescent amplexibus, longam Principum seriem datura Siciliæ: Nec charior tibi gnata nūnc Galliæ destinata, quam quæ inde nurus adveniet. At vos sæculi gemmæ, tu Poliarche, tuque Argenis, ne hîc fidei, hîc virtutum præmia, quæ certa vos manent, expectetis audire. Multa ignoro, multa silenda sunt. Fata ipsa fœlicitatis partem in quam producti estis, Deos celant, ne illi vobis invideant. Pauca tamen de multis accipite. Qui vos amor hodie jungit, ad senium inviolatos deducet.

cet. Non enim jurgia, non fastidia, non ægrarum suspicionum cura libabit. Proferetis imperii fines. Hinc vos Rhenus; hinc Oceanus victores aspiciet. Timandræ inter nepotum cuneos exultantis imagines sæpe pro Cybele bonus posteritatis error accipiet. Gloriam vestram, fortitudinem, nutus, suspicient vicinæ late gentes: Non abnuent vinci, non regi. Si quo ibitis, ipsa vos salus feret. Quicquid optabitis, Dii voto prævenient. Ac ne fœlicitas mortem destituat; nox una fessos senio exolvat, plura mox astra exhibitura mortalibus. Nec de fama dubitare. Hanc præstabit æternam historiæ genius, quam in gentibus olim sparsam, nulla vis, nulla ætas extinguet.

F I N I S.

DISCURSUS

IN

I O. B A R C L A I I
A R G E N I D E M :

Ad faciorem nonnullorum, quæ inibi
narrantur, intellectum.



Emere affirmare de altero
periculosum est, propter
occultas hominum volun-
tates; in quorum animis
multas esse latebras, mul-
tos recessus, facile agnosci-
mus: sunt tamen, qui cum
nihil æque sibi cordi esse videri velint, quam
ut incogniti atque ex abdito fama sui per-
fruantur, noscitari nihilominus, atque in
lucem protrahi, quam maxime concupiscant.
Notatum id ab antiquis in Epicuro aliisque.
Meo quidem iudicio homines istiusmodi om-
nibus noscendos proponere si quis aggredia-
tur, vitio id ei verti aut esse fraudi neutiquam
potest: omnino, si præter præsumptam (ut loqui
amamus) voluntatem, boni quippiam ex ta-
li facto aut iucundi, aut in publicum
utile quod sit, speretur proventurum. Hæc,
ut in aliis multis se habere compertum est,
ita & in hoc opere viri nunquam satis
laudandi, Iohannis Barclaii, locum
quin

quin habeant, nullus dubito. Monent me cum
alia multa, tum illud præcipue scribends
genus, quod auctori præ cæteris placuisse
fere, quæ scripsit omnia cumulate testan-
tur. Liber adeoque hic ipse, nihil multis
aperti habere visus, quam præfixum fronti-
spicio Barclaii nomen, magno id quod dici-
mus auctoramento probat, ea cum primis
quæ ad potentissimum Galliarum regem li-
bro præfixa est auctoris epistola. Fidem utra-
que fecerint, ad indagandam curate Bar-
claii mentem, non tam opus esse Delio na-
ratore, quam eorum, quæ sub involucris
fabularum proferuntur, applicatione, quo
illa, quæ ad exactæ historie fidem cogi ne-
queunt, applicentur i quæ verisimiliter
adumbrare voluisse videri possit. Nec est
quod objiciat quispiam, huic ipsi auctori
scribendi apologetici necessitatem imposi-
tam, à quibusdam ausu nimium temera-
rio locos Euphormionis nonnullos, quos si-
milibus sub integumentis velari credide-
rant, enodare atque recludere aggressis;
nihil id omnino aut nostro, de quo agimus
instituto, aut ipsius Barclaii proposito, con-
sentaneum habet. Fines atque argumenta
utriusque libri vide. Satyrici scopus est
totum orbem insonti violentia (verba sunt
auctoris) accusare, plus in spem propriæ
laudis, quam ignominie aliorum. at
hunc librum quaquaversum regii spiritus
implent. nihil humile, nihil abjectum, præ-
clara

clara sunt omnia, summoque fastigio digna. Est ergo in Satyrico omnis generis rerum personarumque multiplex mixtura, in Argenide vero unicum ac semper idem sibi que constans occurrit, regni regisque non praeceptis quam exemplis efficacior institutio. In abdita Satyrici penetraturo nomina peraeque atque actiones eorum, quos auctor subinde operi suo argumentum esse voluit, perspecta esse decet, eas autem actiones, quas omnibus latere Barclaium voluisse manifestum constat, digito velut commonstrare, nonne Theonini dentis rabiem longe superet? At in hoc libro nihil tale, non hic anxia scrupulosaue opus est investigatione, applicationi duntaxat suus est locus. Ea autem ipsa cum ex annalibus, aut ex iis quae privato lucubro viri magni sibi compararunt, deque suis ac regni rebus ad posteros emanare passi sunt, petenda veniat, nulli, quod quidem ego videre possum, invidia subjacere aut malitiae merito suspecta esse potest. Sunt ergo quae hoc opere conti entur omnia trium generum. nempe quaedam certa omnino atque indubia: eaque talia ut authoris mentem planam faciant, atque adeorum, quae porro dicuntur, cognitiones penitus inspecturo viam sternant: quaedam etiam talia, ut qualiquali descriptione aut circumlocutione res aliquin notas, quibusque in exemplum uti amat, leviter tegant: quaedam
taliam

talia ut ex compositione nominū Græca aut
 Græcobarbara deprehendantur, sunt quædā
 ex adverso prorsus incerta, quædam deni-
 que inter utrumque media, quæ, si cum si-
 milibus nostri sæculi rebus casibusve compa-
 rentur, nec omnino incerta judicari va-
 leant, neque pro certis tamen, ob multi jugam
 istam rerum, personarum, locorum, cir-
 cumstantiarumque varietatem, vendi-
 tari. Certa atque indubia vel in transcurso
 designasse suffecerit. Incerta pro despera-
 tis habenda. Quæ mediis sint generis, com-
 plura sunt: ex his nobiliora quædam at-
 que à vero minus abhorrentia strictim sele-
 gisse non pigebit. Inter certa agmen ducat,
 propositam esse auctori institutionem regis
 ac regni, sed Gallici potissimum. Huc præ-
 cepta spectant, huc exempla atque ipse con-
 siliorum preceptorumque modus & ordo, in
 ea directus vitia, quibus speciatim præque
 ceteris obnoxius est regni Gallici status.
 Adde quod de facili id ipsum quoque evin-
 cant epistola ad regem dedicatoria, & quæ
 sub Nicopompi persona auctor de suo in-
 stituto evulgat. Sicilia nomine Gallie re-
 gnum designari, monstrant illa quæ de
 regione ab adverso littore diffusa ac sæpe
 Sicilia æmula libro tertio dicuntur: An-
 gliam denotat, fidem facit id, quod di-
 citur de arcibus omnibus, præter unam,
 eversis: Londinensis ea est, quæ & totius
 Brittanniæ armamentarium. Regio sub

uno formidanda quondam, nunc segnitie
vel patientia imperan ium adeo in varios
principes lapsa, ut dominio tota exciderit,
(de qua libro tertio,) Germania est, au-
ctori Mergania. Aquilium, Casarem ess,
Hippophilum, Hispaniorum regem, Vsi-
nulum, Calvinum, Hyperphanios, Cal-
vini affeclas, (Gallis Hugenots,) quaeque
cetera ejus sunt generis notius est quam ut
dici debeat aut moneri. Deresici nomine
Comes Palatinus venit: est inversio in lite-
ris, Deresicus, Fredericus: tum & fidem
fecerit illud in oratione Denalbi, quod pro
dapibus quas in Aquilii mensam ferre oport-
uit, pœne sustulit & penum & mensam,
sunt autem Palatini comites imperii Da-
piferi. Peranhylæū ex compositione nominis,
Transsylvania Principem Bethlehemū Ca-
berem denotare, constat ex πέρρα vel πέρρυ,
ultra, trans, & ὕλη, silva. quod & firmat id
quod inibi dicitur, quod alterum ex Aquilii
regnis ambierit. Sed infinitum sit, omnes,
qui ex notatione nominis agnosci possint, per-
censere: ea per se patent, aut quatenus lectore
fugiunt, eo quod non usquequaq; in hac Gra-
corum nominū compositione felix fuisse Bar-
claus deprehenditur, satius est omitti. Lydii
conjuges, Conchinum Conchini Marchionem
Anchoritanum cum uxore Eleonora Galli-
gae denotant. erant patria Thussi, hinc Lydii
dicuntur, à Thereno regis Lydi filio, qui pri-
mus in illas oras coloniā deduxit. Alterū par
conjugum

conjugum ex Thrygia, Sommerſſetum comitem uxoremque ipsius notat, ob beneficii crimen carceri mancipatos. est ea nostri temporis historia satis nota. Ibburranes, cardinalu est Barberinus, hac auctor dum scriberet, Avenionensi in urbe legatus Pontificius: ipse nunc Pontifex Romanus, Urbanus octavus dictus. argumento est id quod libro primo, ubi de Ibburrane sermo est, dicitur, non sine presagio majores sue stirpis symbolam apes fecisse, (Lugduni Gallorum inscriptio porta Aula Archiepiscopalis habet insignia Urbani VIII Papa & hos versus:

Sugite ne tæreo madidantia lilia rore,
Delicias pacis fugite pacis aves.

Sinite pacificis volucres in floribus:
Orbem

Nam condire suo lilia melle queunt.]
ex quibus pro merito ac temporibus nec aculeos nec suavitatem desideres, quo & alludentes quidam, eum rebus Gallicis plus a quo addictum fore suspicati, hoc in vulgus sparsere distichon.

Mella dabit Francis, Hispanis spicula
figet, (bit.

Spicula sed figens & vita & melle caret.
Sed quid multus hæc operose deduco? in-
versis literis Ibburranes, Barberinus est,
quod qui in Deresici & Ibburranus no-
mine videbi concurrere, sciet & in aliis
illud observandum, multa quoque antea
obscura

obscura forsitan sunt visa, eo modo explicari atque enodari posse considerabit. Per procerum primum in aula Hippophili post exhaustum immenso potentia cursum ad purpuratum sacerdotium confugientem tanquam ad aram, intelligit Franciscum Comenium Sanctivallem Lerma ducem. Is ex mercatore subito à rege inter magnates (Hispani non es d'Hispania) habitus, ad id fastigii se subuectum vidit, ut non nisi cadendo posset descendere; exinde Roderici Calderoni supposito quia capiti suo impenderet, edoctus, devexa in senium ætate, quo se imminenti pœn subduceret, aula relicta, Romam migravit: à Pontifice mox in Cardinalium adlectus ordinem. Per Cleobulum designari Villaregium, clare satis ex toto sermone inter Timonidem & Aleleandrum contextu (extat in libro quinto) perspicere est. quandoquidem vero mutatoriens utramque in hoc libro Cleobulus paginam facit, plura curatius nosse si quis desiderat, fiet, illa tam ex eis quæ de vita ac moribus Villaregii edidit Petrus Matthæus Historiographus Gallicus, quam ex ipsius Villaregi commentariis, peti posse, quæ singula examusim perquirere aut recensere, nec vacat, nec instituti est nostri. Atque hac de eis quæ certa sunt atque indubia, dicta sufficiant. Plura his ipsis attexere facile poterit quicumque auctorem nostrum persculturus legere instituerit. De incertis, quid primum, quid ultimo dicam? imo quia omnino? nisi hoc unum, esse ea longe plurima, quoniam & hoc addam, in tanto letorum tristiumque in-

tercursu nec aliter fieri potuisse. Videmus, ea
passim; ac fere nusquam non, admirabili artifi-
cio misceri. Et sane, cum id auctori propo-
situm fuisse satis appareat, ut suspensus nec un-
quam solido subsistens lectoris animus quam
suavissime falleretur; qui perpetua serie cæpta
narrationis filum decurrit; necesse fuit, ex im-
possibili multa illum trahere, quam tamen fieri
possit maxima possibilium veroque similium cum
huiusmodi conurbatione quo ne tenue mendacium
& ad primum obtutum pellucens fastidium le-
genti oggerat, & nauseam, vel ab ipso statim
initio la ergo omisitis partim, partim reserva-
tis, superat, ut videamus, quanam sint illa qua
generis mediæ esse diximus, in confinio veri ac
falsi, certi ac minus certi constituta. Iterato di-
ctum est propositum Barclæo fuisse hoc libello
ad mare regis regnique institutionem, exemplis
præceptisque nobilem. Præcepta dictum est ad
Gallici regni statum collimare, de exemplis
aspiciendum. Si præfixam libro epistolam, si,
cujus jam antefacta mentio, Nicopompi con-
siliū inspiciamus, evidens est, & exempla ma-
ximam partem ne dicam omnia, ex ipso potissi-
mum Gallie regno deprompta. Si & orationem
Cleobuli ad Melandrum, ubi de premensis re-
bellibus cit attendimus, facile quivis deprehen-
dat propositum auctori fuisse, exemplis uti re-
centibus. Sed penitus insipienti scrupulum
moveat, quod, cum præcepta regem ipsum
partim spectent, commonistratura scilicet ec-
quis firmande auctoritati regiæ modus sit
optimus, partim circa regni ipsius conservatio-
nem

nem versentur, cumque exempla principem maxime praeceptorum partem respiciant, ea autem pars potissimum ob oculos ponat quid Principum segnitie peccarit, quid audacia, scrupulum, inquam moveat, quanam illa sint exempla tam recentia & à turbis sub te (Meleandro nempe) & patre tuo (verba sunt Cleobuli dicto loco) petita. si ea quae sub regibus, Francisco secundo (Carolo nono Henrico tertio, praecipue stante sacro federe. (Gallis la sainte Ligne.) in Gallia accidere, cum iis componere instituerimus multa non desiteor inter se convenientissima inveniimus. sed nec pauciora quae discrepent Quid verbis opus? Ipse fatetur auctor, tam erraturum qui omnia, quam qui nihil ad hystoriam veritatem sit exadurus hanc narrationem. Exemplis res fiet clarior. Age, videamus, quis Meleander, Argenis Poliarchus, Archombrotus, Radiobanes, Hyanusbe Timandra, Britomandes, Aneroestus, totidem reges, reginae, regum liberi. Quae praecipuorum huius libri nominum circumfertur explicatio, Meleandri nomen Henrico tertio assignat, idque, quantum quidem multa fidem faciunt, non omnino male, sed cui tamen dissonum sit illud, quod dicitur, sub initio imperii Meleandro cuncta fuisse pacata, cum ex adverso tota Neustria, ager Delphinus, & Vivariensis, seu Velaunus, atque Gallia tractus, bello flagrant intestine, pax sequestra in Pictoribus agro coalesceret, mox ipsa acriori bello mutata quin & regem sub primum è Sarmatia in Galliam advenit in subactos suos bellum confiat de-

crevisse. Britomanda nulla haecenus, quod vidi, persona adsignatur, cuius tamen indolem, ac regni sub ipso rege fortunam descriptam quæ videt omnino eandem illam esse quæ Meleandri facile agnosceret. Quod me movet, ut credam, tam Meleandri quam Britomanda nomine regem proponi arduis regni negotiis imparem, nec tam faciendo quam tolerando injurias noxium, atque omnium consensu, nisi imperasset, imperii capacem. Sed nec abs re futurum est, ubi ad exemplorum applicationem erit deveniendum in Meleandro Henrici tertii nomen servasse. In Argenide regni Gallici statum adumbrari quidam putant sed nec hoc usquequaque processerit ut ex historia istorum temporum lectione satis apparet. Utique regnum Gallie à statu regni Gallici dividere atque separare nihil attinet. Tum quoque si Poliarchi nomine Henricus quartus Francie rex veniat si sub Archombræti nomine designetur idem ille Henricus, quæ quorundam est opinio, Bearnani etiamnum princeps. unde illi corrivales, & eandem Argenidem depereuntes? quam nec possidere simul & ab ea amari, nec ambire simul! ei que exosum esse, promtum non est uni eidemque homini. Satiùs videtur, si deficientem in Meleandro. Valesiorum stirpem Argenis notet: aut etiam alterum ab rege locum, eodem tempore à tribus amulis, Navarro, Alençonio, & Guisio callide petiit singulisque eorum, quæ à rege, quæ à regina, promissum, quæ tamen nemo ex illis potuit; unæ largæ inter illos odiorum enata seges,

ges, quam posteriorem coniecturam, non leviter Annalium fides corroborare mihi semper visa est. Poliarcho & Archombroto si ea, qua diximus, attribuenda sit persona, tot absurda, & contraria, & prorsus nihil ad rem pertinentia, se oggerent passim toto hoc libro. ut nec finem nec modum eorum reperire in proclivi sit. quale est illud, ut alia omittam omnia, quod in ipso limine libri de vocato à Tsmoclea in auxilium Poliarchi Archombroto dicitur, deque arcta illa animorum conjunctione, qua ex illorum colloquio mutuoque aspectu enata proponitur Existimem, in Poliarcho acrem strenuum, cordatumque regem exhiberi, gratà virtutum regiarum heroicarumque Henrici quarti recordatione qua & ipsa, quantisper ille regi Franciæ subditus fuit, quam spem facerent, quantumque enitescerent, in Archombroto describitur, quem nascendi sorte ad regalem purpuram subiectum voluntas animique motus Meleandro ad tempus subiecisse proponitur. Radirobanem esse Hispania regem voluit idne per omnia ejus persona conveniat ambigo. sed, cum non detur cuncta in hoc scripto ad historicam fidem cogere haud gravatim crediderim in animo fuisse auctori per Radirobanem Hispaniarum regem denotare. in quo pulchre quamplurima conspirare video. Quæ sunt auxilia Meleandro lata quo mihi illæ designari videntur literæ, quæ anno CIOIO LIX ad Franciscum Galliarum regem Philippus Hispaniarum rex dedit; quibus sororis sui res sibi perinde ac suas commendatas esse, ejusque regni

tutelam propenso animo suscipere, & adversus eos, qui regi parere detrectarent, opes arma, ac potentiam omnem expedire, paratum se testatur; ita ut se acerrimum regie maiestatis vindicem & severum temeritatis ac audacie illorum castigatorem sint experturi. Prodit Radirobani Argenis in Selenissa, quid aliud quam Regina matris Philippi nomine atque auctoritate suam communire volentis noxia nec ferenda Gallica genti consilia notat? Certe, Meleandri cum Radirobane inimicitia manifesto extant, quae turbando inque partes scindendo invadendoque Galliae regno per administratos suos Philippum, stante sacro fidee, cuius pars prior, imo spiritus prope vitalis erat, fecisse constat. Debellatus Radirobanes in Africa Hyannisbes regnum invadere cum vellet, notabilem stragem stupenda portentosaque Hispania classis denotat, qua dissipata perditaque nihil postmodum atrox aut magnum nec adversum Gallos Anglosve designare sustinuit, sed infractus viribus recolligere sese & ad pacem totus converti coepit, insuper habitu tot auri myriadibus quae ad committendos inter se Gallos in eum diem frustra profuderat. Ex his quoque videre est, per Hyannisben non reginam Margaridem, Henrici tertii sororem, uxorem Henrici quarti & ab eo repudiatam, intelligi, sed Elisabetham Angliae reginam quod & satis evincit pronus ille Hyannisbes in Poliarchum favor, aliaque multa quae latius in lectione huius libri occurrunt. Timandram siquidem Ianam Albretiam Henrici quarti matrem dixerit, forsitan non erraverit.

rit. Fidem facit quod Britomanda filio nupta
 dicitur, cui nomen & ipsi Britomandes. pater
 nempe Henrici quarti Antonius Borbonius idem
 quoque Antonii filius. E& niliter fidem facit,
 quod non in aula materna sed apud agraphes at-
 que in agris educatus fertur. Ut & illud Ti-
 mandra votum. ut crescat, avo quam patri fi-
 milior nempe avo materno Henrico Albretio,
 qui molliorem filia generoque in educendo filio
 exprobrans, cum in aspero ac confragoso Becrmani
 agri tractu duriter parcosque educavit, capite ac
 pedibus nudis per medias nives incedere famem
 sitimque, aestatem atque hiemem iuxta ferre à
 teneris edocuit, inde corpus illi vegetum dura-
 tumque & nullis laboribus edomabile contigit.
 Deo, ut videtur iam tunc hunc Principem sibi
 astringente immanibus periculis superandis im-
 mensisque exantlandis laboribus parem, imo su-
 periorem semper. Ea quae porro de raptu Astio-
 ristae, beneficio Commindoris is, aliisque id ge-
 nus narrantur, si& a credibile est esse, ei quem
 dixi, fini, nempe implendo vanis terroribus lo-
 citoris animo, quem noster auctor dum tre per
 extensum funem posse videtur, modo Thebis ni-
 serum, modo ponit Athonis. Nisi forsitan, quae
 de Astioriste raptu dicuntur, ea respiciant. quae
 mense Septembris anno CIO IO LVIII li-
 teris ad regem Bergeraco datis conquesta est Na-
 varra regina Cardinali Lotharingo propositum
 fuisse filium suum maternis & complexibus ab-
 ripere. Aut quod paulo ante, Navarrenae re-
 gina discessu detectum suiffonarratur Nemoio-
 si ducis consilium, ducem Aurelianensem in

Lotbaringiam obtinendi, qua quidem de causa
 Nemrosus fuga salutis sue conjunxisse, nec ante
 reversus fertur quum accensis undecumque ac
 flugrantibus civibus bellis. In quibus cum la-
 borare Annalsum fides videatur, aut potius si-
 lentio rem totam involvere velle neque nobis
 certi quippiam compertum esse potest. In Ane-
 roesto rege e usque historia, crediderim, per
 varias ambages adumbrari ut Henricus ab avi-
 ta paternaque religione primitus ad Romanam
 secesserit, utque sui exinde iuris factus ad refor-
 matam postliminio sit reversus, utque denique
 rejuncta religione e urata catholica se totum
 emanciparit, potius nimirum amplissimo Gal-
 liæ regno, quo facto, ab excommunicatione, cu-
 jus fulmen in caput ipsius iuxta ac Condat Prin-
 cipis Sixtus Quintus anno 1515 lxxxv
 vibraverat liberari, in gremium ecclesiæ recipi,
 Christianissimi nomine ac primi ecclesiæ filii de-
 corari, et benedictionem apostolicam à Cle-
 mente Octavo (qui fortean in hac scena Ane-
 roestu) accipere promeruit. Hæc sunt quæ circa
 regales personas certa incertaque videntur. De
 cæteris idem est iudicium, siue principes illi fue-
 rint siue principum affecla aut ministri. Et qui-
 dem primo Lycogenem quod attinet, non unam
 in hac orchestra personam videtur sustinere. Fa-
 reor, quod lib. 1. Lycogenes describitur priscis
 regibus, suæ gentis authoribus, ferox satis aper-
 te tangere ducem Guisæ, vel regnante Hen-
 rico secundo indignari ausum, à Capeto ereptum
 posteris Caroli magni Franciæ Regnum, à qui-
 bus stirpem suam ipse ducat, Sed tam varia
 tam-

tamque multiplicia occurrunt, qua manifeste
 evincant, ea, quae de Lycogene pradicantur, in
 solum Guisia ducem cadere non posse, ut vero
 similis fiat in Lycogene totam Lotharingi-
 cam familiam e usque molimina denotari, cum
 & tota illa gens Caroli Magni quo iure, mon-
 stratum saepius) posteros stirpis suae auctores ja-
 ctitet Cumque, utut suam quisque privatim
 in consilio fortunam adhibuerit, in eo omnes
 convenerint, ut, deficiente Valesiorum stirpe,
 Borbonia gente à regni successionem exclusa, au-
 thoritatem suam, ac nomen imperique ma-
 gnitudinem, non sariam modo testamque tueri,
 sed & in futurum stabilire firmareque, & de
 die in diem ulterius promovere possent; ac ver-
 bo ut absolvam, eo rem deducere, ut neque pa-
 rem propter se, neque superiorem supra se quem-
 piam agnoscere cogerentur, enixissime cupie-
 bant. Ergo quae passim occurrunt Menocriti,
 Eristheni, Oloodemi, Acegora, Anaximan-
 dri, ceterorumque nomina. Lotharingia ducem,
 Guisium, Vaudimontii comitem, Retii Mare-
 schallum, Mainum Chaligneci comitem, Elbo-
 vii ducem, Giville principem, ac Pontanum
 marchionem, designaverunt. In singulos ex iis
 quae dicta sint directaque, ubi ad examinandas
 discutiendasque factorum circumstantias per-
 ventum fuerit, erit fortasse dispiciendi locus.
 Commundorigem, Allobrogum ducem referre,
 quaedam faciunt ut credam, quaedam in diver-
 sum trahunt. Utut est, accessit ipse irophaei
 magni Henrici, quando pedibus Centauri calca-
 tum diadema regium

dignaque Gallico nomini iactatione pra se tu-
 lerat. Eundem ille Centaurum OPORTUNIVS
 sub Herculeae clava ingemuisse & vidit & in-
 doluit. Altumque suppresso luctu, multum vi-
 ctoris sese debere, profiteri coactus est: quod, sua
 contentus recuperare, nihil prater injuria licen-
 tiam victo debellatoque & tantum non perditis
 eripuisset. Cetera quae supersunt nomina, Ge-
 lanori, Arsida, Eurimedu, Gobrya, Fraxeta,
 Antenorii, Timonidu, aliorumque, Turenzii
 marchionem, exinde ducem Bullonium, Biro-
 nii Mareschallum, Harlawm Sanciaci, domum
 Albigniacam, aliosque, quos in utraque fortuna,
 maximeque quo tempore bello debitum sibi re-
 gnum asserere vindicareque cogebatur. Henricus
 magnus fidissimos expertus est, demonstrare pu-
 tem. quam in rem multa suppetunt argumenta,
 quae percensere operosum nimis fuerit ea tamen
 nosse sicuti libido est, passim tam in Albigniaci
 historia quam Villaregii commentariis inveniat.
 Atque haec quoque de personarum nominibus
 obiter monstrasse sufficiat. Superest ut & ea
 breviter inspiciamus, quae ex factis rerumque
 circumstantiis sunt nobiliora, & ad regni Gal-
 lici statum resque in isto regno gestas respicere, &
 ad illas applicari posse videntur. Monui aliquo-
 ties, authorem non sub historiae regione narra-
 tionem hanc instituisse, de qua tantum ipse
 praedicat tam erraturum qui omnia in hac scri-
 ptione quam qui nihil ad gestarum rerum veri-
 tatem sit exacturus. Indubium ergo esto, etiam
 in una eademque persona non unam neque ejus-
 dem temporis historiam multotiens occurrere;
 idque

idque propter nec statim pro male applicito haberi posse, simulatque quippiam oblatum fuerit diversi, & ab eo de quo narratur alieni, modo tamen maior meliorque pars non omnino male cohereat. Potissima eorum quae ad historiae veritatem instituta sint, ea esse existimemus quae de Melandro & Lycogene, de Poliarcho, Radrobane, & Archombroto narrantur. In Meleandro (cuius sub nomine Henricum tertium designari supra à me dictum est) inter cetera id notandum est, eam irdolem, quam Meleandro attribuit Barcloius, & ab omnibus historicis qui de rebus Gallicis scripsere, Henrico tertio attribui: Ut & ea quae de Lycogene praedicantur, pulchre & ex amussim omnia in Guisium quadrare, atque admodum quid ab eo diversi in annalium monumentis reperiri. Inter res ab utroque gestas, ad eas potissimum collimare auctorem, facile videre est. quae ab excessu Caroli noni evenere iis omissis aut leviter commonstratis quae ad Francisci Carolique tempora referri possent: ita uti nec ea tangat, quae ab Henrico tertio gesta sunt, cum Andii ducis aut regii fratris noscendus agnomine, fraternis sub auspiciis bellum goreret. Qua de remissione animi ac mollitie regis Meleandri dicuntur, geminae sunt, nempe, quibus ipse in voluptates profusus, plus a quo masculam sibi met ipsi virtutem, quam Iarnacensi Bassaceno & Montconturiano praelis testatam fecerat, expectoravit. simulque & hoc, (in quo piscatum largius,) quod nullas consilio frere sortitus amicitias, impetueas excoluerit & immodicis largitionibus: quod

quin

quoniam in ipsum insurgendi principem causam de-
 derit, vix est diu. Erat ea Espernonius,
 aliorumque quos exiliore rex complexus vi-
 deatur favore, animi impotentia fisti, sive,
 ut omnibus graties essent inuisque. Incerta
 primum voces querelaeque populi enata. Ac-
 cessere graviore alia, nec ultra tacita, viro-
 rum principum ac magnarum, qui de suo de-
 cedere, quod cum te novis istis homini-
 bus accederet, satis habebant perspectum. Ex
 querelis vox aversus à Rege animus: inde
 odium ac contemptus denique illius, quem alio-
 rum ludibris obnoxium, ac regi proinde
 quam regere aptiorem animadverterent, et in-
 vite defici posse, indies addiscerent, ortum du-
 xere. Ipse igitur, cum misere ararium exhaustum,
 pecuniasque publicas usui destinatas in nescio
 qua ludibria nullo deest profundit, non sive mo-
 do, suorumque in usu, sed et exteris, dissipari
 esse caput Helvetii (gens rudis, et sicut fi-
 cum, scapham scapham appellare solita) debita
 sibi stipendia annumerari cum postularent, at-
 que à quaestore regio nihil aliud referrent, quam
 exhaustum esse ararium, nec pecuniam ad ma-
 num suppetere, regesisse dicuntur, difficile ad fi-
 dem esse, regi, tam immensas opes in luxum et
 nocturnas choreas indies impendentes, pecuniam
 deesse unde ad regis tutelam conscripti
 milites iusta consequerentur stipendia. Ob hac
 atque his similia factum, ut Espernonius, cum
 suus animadversio communis omnium odio, scilicet
 ad animum revocare instituerit, quam non sit
 firma potentia non sua vi nixa. Transfreturas
 igitur

igitur ipse, arceisque, communiendi seſemuni-
 menta, à rege exambire; Rex contra nihil ne-
 gare us adeoque, quos à consiliis habebat. ni-
 mios in Eſernonium fauores ipsi ob oculos po-
 nentibus, regerere, stare si i ſententiam, ad id
 fastigii Eſernonium subuehere, ut, si vel ipse
 postmodum quam maxime uellet ita subuectum
 deprimere, magnitudinemque illius quor is mo-
 do accidere ne id quidem ipse poſſet. Tam per-
 tinax ille regis in novos homines fauor, genti
 Lotharingica noua moliendi, inque spes, quas
 jam tum ab accessu Francisci primi male con-
 ceptas uario eſſe inde ſucceſſu fou rant, aſſurgendi
 denuo occiſion in præbuit Franciscus ſecundus
 decimo & ſexto ætatis anno, Carolus nonus un-
 decimo regni Gallici ſcepſis fuerant admoti.
 hinc illu deſpecta in pueris regibus ætas, pri-
 mum ad eſſe extollendos incitamentum. Caroll
 exinde regnum plurimum exoſum; Alenconi
 ex animi in otentia ut nec inſigniter bene ma-
 leue deſignare poſſet quippiam; regine matris
 uecordia & effrenu ambitio; Prîncipum (quos
 ſanguinis uocant) inter ſe diſſidia in cauſa re-
 ligionis. quorum & ipſi minorennes quamptu-
 rimi nemo omnium ſatis firmis enixus ſtatu-
 minibus laturu aperuere campum, agre diu
 multumque preſſa conſilia in publicum promen-
 di eſſe quendique. Sed nihil adeo illorum cœ-
 pta promouit quam ſuſcitalis illa atque inſupera-
 bilis animi mollities regis Henrici. cui uſ nomi-
 ne Aleleandrum ſuum Barclaius inculpat. Il-
 lum ergo certatim Guiſſi eorumque aſſecta Sar-
 danapalium appellare, reuocata Chilperici obigna-
 uiam

naviam regno pulsi populo memoria. Eam ob
 segnitiam, animique vel infra sexum fami-
 neum depressi torporem, gravis ac tot negotiis
 molesti regis nominis mensuram implere non
 posse. Vel Carolum regem, ipso cum mortalita-
 litatem poneret momento, hoc quoque nomine
 gavisum, quod nulla relicta prole decederet: vi-
 rum requirere regnum Gallie tot moribus iam
 concussum, atque à strenuo homine excitandum.
 Hinc famosi libelli passim in vulgus sparsi, a-
 troces in regem, cuius nomini insignibusque pro-
 palam illudum; in tantum, ut, cum Henricus
 promissus, quo Gallico sceptro & Tolonia
 regnum accessisse indicaret, dualus uteretur co-
 ronæ cum hac epigraphe, MANET ALTE-
 RA COELO. male feriat homines pro
 COELO CLAVSTRO reposuerint. Ipsa
 adeoq. Amalia ducissa, Guisii soror eo recordia
 prolapsa est, ut, esse sibi novaculam radenda con-
 cinnant, æque in monachalem coronam regis ca-
 saret, esse manus isti operi non idoneas mul-
 tis inaudientibus, dice e non truhuerit. Evi-
 luerat apud omnes auctoritas regis, ex asse in
 Guisios domumque Lotharingicam translata.
 quod & ipsum facilitati regia impurandum erat.
 Guisius quippe, dum facunde regni fortunam
 apud populum miserantur & sperni sese prae-
 trisque conqueruntur, lenenda invidia, & ne
 omnia novis, quos, ut dixi, propiore benevo-
 lentia prosequeretur, hominibus elargiri videretur,
 rex multo maxima jam contulerat. Gui-
 sius n. agri Francia magistri dignitatem obibat,
 & Cathalaunico italici à rege præfectus erat:

hic-

Mercutius Armoricus, Maynius Narbonensis, Elbovius Pictonibus, omnes denique ex illa gente aut tota provincia, aut urbibus aliquot insignioribus, erant prepositi. Quin nec inter hos limites restricta conclusaque mansit regia in ipsos liberalitas Guisio nempe in exercitus omnes primum à rege imperium, suppresso Comitibus flabuli nomine ac titulo, cujus tamen in ipsum potestas auctoritasque tota, concesserat. Maynio exercitus datus, in Galloliguriam ac Narbonensem agrum deducendus; additis insuper promissis, secretis illis ac manu regia firmatis, neminem ad ullam omnino dignitatem functionemque in locis, quorum prefectura Maynio demandata erat, ab rege promotum iri, qui Maynio displiceret, quemque non adeo ipse Maynius spectatim regi commendasset. Nemorosio Gallia Lugdunensis obtigit prefectura. Pinaco Lugdunensium archiepiscopo purpurei galeri Romæ petuus honos, ac regni sigillorum oblata custodia. Unde apparet quàm vere à Barclaio Oloodemus, Menocritus, aliique, provinciarum dicantur rectores ut & hoc, quod Eristheni summam ararii Melandrum contuisse dicit. Certum est, bellis sub Carolo civilibus, & Guisus, exprobratum ab adversa parte, XL jam annos integros summam penes eos fuisse ararii, nec ullam unquam administrationis ab ipsis restitutam rationem. Sed nec minus certum, Guisios, splendore ducentis ad se cuncta pecunie illectos in ea retinenda admodum semper fuisse studiosos, nec alios unquam, quam ex illa gente homines, aut ab illa genteque depende-

rent, arario admotos. Simul etiam apparet, quam cordata neque minus vera sit illa Cleobuli de virtus regis regnique deque reformando regni statu ad Meleandrum oratio: & ex his, quæ dixi eorumque similibus facile videre est, quo spectet pars illa prior, quam auctori propositam esse monuimus; demonstrandi nempe, quid regum peccaverit indulgentia. Reliquum est, ut & de audacia nonnulla videamus; quandoquidem & illa non exiguum est hujus narrationis argumentum. Quibus artibus suppressa dicitur à Lycogene Melandri auctoritas, ea commodè, si non omnia, saltem complurima, ad Guisios gentemque Lotharingicam, eaque quæ in Henricum tertium designare ausi sunt, facile quisvis referet. Opera pretium erit nonnulla ex his attigisse. Duo potissimum sunt in Guisio, partibusque Guisianis, quas sub nomine Lycogenis adumbras diximus, consideranda. Nimirum, ea quæ à maiorum detrita & tanquam de manu in manum tradita habebat, simulque alia illa quæ ex seipso (quandoquidem & summis variisque virtutibus insignis fuisse dicitur) nec aliunde petenda, in omnes occasiones probe excolere atque exornare noverat summus simulandi & eggerentes sese occasiones cripienti artifex. Proponit Lycogenem Barclaius prisus ferocem regibus suæ gentis auctoribus, atque ex eo nunquam secundi gradus satis patientem. Iam & ante commonstratum, gentem Lotharingicam pro Caroli magni posteris haberi velle. Hoc ergo ipsis fundamentum maximum, quo subnixi, rebus jam an-

rea artifice iose turbatus, & ad mutationem spe-
 ctantibus, ad Papam sacrumque consistorium
 scribere instituerunt. Vides enim gentem, qua
 per Hugonis & apeti scelera regno adrepserit, iam-
 jam deficere eam ipsam non alios fere princi-
 pes, quam aut hebetes secordesque, aut haereticos
 eorum que fauores, orbi christiano dedisse Po-
 steros vero Caroli magni debito non modo si ep-
 no exidisse sed contemni pra reliquis ac viles
 haberi, cum tamen illi nec adtuendam maio-
 rum religionem zelo, quem omnibus modis vel
 praesentaneo vita fortunatumque periculo pro-
 bare parati sint, nec in patriam fide nulli mor-
 talium sint secundi. eaque propter sperare sese
 atque enixe petere ut, qua servanda, stabi-
 lienda, propagandaque majorum religionis cau-
 sa varaturi sint pro no favore Pontifex & sa-
 cer ordo proequantur. Hoc modo pertracto in
 partes suas pontifice ac rege Hispaniarum in-
 fuser id unice agente ne quietus rerum in Gal-
 lia status bellum in regna sibi subiecta deriva-
 ret commodum Cursus accitum quod, alienatis
 omnium a rege studiis, is, qui habentur catho-
 lici, injectum viderent consensu vinculum,
 vel per se ad ea qua moliantur telus eventu
 terminanda suffecturum. nihil enim prius ca-
 tholici fore quam adversum haereticos & avita
 religionis perturbatores arma expedientes sequi
 tutarique. Unum obstabat, quod ex ipse non
 haereticos modo cane per us & angu-oderat sed
 & ipse vel ad superstitionem esset religiosus.
 Scena ergo mutanda fuit, & qua directe in re-
 gem intendi machina non poterat, oblique di-
 rigenda.

rigenda. Petitur ergo per Toliarchi latus Meleander, peiora quam qua vel timeri poterant in hoc aspellendo experturus. Rex ipse religiosissimus cum esset danda erat opera, ut nequid ab ejus excessu maiorum religio derimenti caperet. Arcendus ergo à regni Gallici scepro erat rex Navarra, eique communi Ordinum regni decreto sufficiendus alter qui à Catholicorum staret partibus. Talem Borbonii nullum habebant præter unum Cardinalem Borbonium, iam capularem & ætate confectum, Hunc ipsum regi ætate vegeto nec despera a regina sacunditate successorum designare, omnibus merito ridiculum videbatur: diu tamen multumque Guisiorum id faderatorumque parti obtentui sumtum, ne specioso religionis prætextui usquam deessent. Eo vita functo, nullus extincta Valesiorum stirpe potior videri poterat, quam domus Lotharingica, Carolovignius per masculos idque linea recta descendentes innexa. Illud ipsum etsi piaculare erat, rege vivo ac vidente de successore consilia capere &, si vetera reverentiaque historiarum monumenta respicimus, nulli unquam impune cœptum: præclarus tamen ille religionis obtextus ex nefasto sceleratoque primum iustumque reddidit. Accessit armorum pro defensione religionis (si diu placet) sumendorum imposita necessitas. Sed cum primis illa Henrici regis animi demissio ac mollities. Sustinuit nimirum ille, quo furiose infruistiæque faderatorum luctu fieret satis. Passus est non modo successorem si designari sed & illum quæritas eundi sors regni quo leges ad imperium vocabant,

bant, excludi ipsumque ut haeticum relapsum excommunicatumque damnari & à successionem in regnum excludi. Aquitania praefectura spoliari, ac breuiter ad ulla omnino ob-eunda munia dignitatesque incapacem atque inidoneum declarari. Id communi ecclesiastici ordinis ita sanctum firmatumque decreto, Eburodinenfis, ac Vocatensis, Episcopi cum Abbate Citariensis ad deputatos nobilitum ac iertia, ut vocant, partis, retulere. Tria itaque hic videre est Guisiorum consilia, aut Regni, Valesis emritus, ad Caroli magni rosters, id est, ad gentem Lotharingicam. postliminio deducendi: aut per ignauiam regis se suosque firmandi. ut bellorum pacisque ac totius adeo regni moderat res & arbitri quas a nemine leges accipere velint, omnino praescribat, aut denique secluso ejusdemque Navarra rege, si totum regnum occupare sibi que si uare nequeant, partem quam possint maximam sibi afferendi. Postremi socimen insituti in Lugdunensi provincia Nomorosius edidit, irritum licet conatu in Armoricco Mercurius, Maynius in Pheris, (Gallic Belgica id oppidum) Hispano uxia ac Allobrogitentata Masilia, aliisque urbes qua tra-Elu Verbinensi postliminio ad regem regnum-que Francicum accessere. Vtm insidias cuniculos in Melcantum non uro in loco nec uno modo auctor noster explicat: utque crederint indices & ab ipsis sceleribus uires animosque desinserint docet, quoad nique Melcander alienis uitis ad sua uirtutes conuictus fuit. Eo ventum est, ut Guisii, cum tam n ipsis nihil

præter unam obsequii gloriam superaret, nullis principis sui ausibus, nullo iussu prævio, cum peregrinis exterisque sociare consilia, fœdera in caput regis inire, pacem publicis edictis sanctam auctoritate propria infringere, aliæque d genus infanda, nec ulli omnino, ne dicam regi Gallorum, toleranda, moliri ausi sunt cumque ad omnia perpetua oblivione abolenda paratum sese fore demonstrasset rex clementissimus, perrexere nihiloominus ipsi in damnato proposito, nec à male fœderis ceptibus remissere quippiam quoad usque disruptis alia nimium nimisque diuturnæ patientiæ retinaculis Henricus terius ultore ferro spes eorum improbas nimiumque se protollescentes vel sub ipso Ordinum regni aspectu interdidit evertitque Huc spectant illa quæ de extremo Oloodemi & Eristhenis supplicio auctor narrat Poliarchus, lætam e statis reus rex Navarra fuerit: id ex odio Guisianorum in Navarra regem, eque usque de Lycogene e usque afflicti memorantur, sa is ligundo proponitur, Illud memorabile est quod libro secundo narratur de litteris a Lycogene ad Poliarchum scriptis, quibus ipse Poliarchum summi beneficii sibi debitorem facere nititur; nempe servata vita à veneficiis Meleandri quibus armillam intinxisse, munerique ad Poliarchum destinasse auctor noster ait Quod si applicare voluerimus nihil aliud esse potest, quam quod ipse Guisius dux licet omnia sursum ac deorsum versaret, quo regem Navarra à regni successionem arceret, eo non obstante, secretis consiliis amicitiam regis appetere compertus sit, oblato

in va.

in vadimonium filio suo: promisso insuper, si regi ita videatur, sese comitatum septendecim ex sua gente Principibus viris, vel ad Ligens ripam ei obviam venire, paratum quo ipsum in urbem regiam atque regale solium deducat Poliarchi personam, non regem modo Navarra sed & Espernonii ducem designare, verisimile fuerit illorum temporum historiam legenti. Nempe in hunc unum maxime post Navarra Regem Guisianorum atque omnium quatuor sacro fœderi nomen dederant raties deservit. Fuere inter cetera Ducis Guisiani ac fœderatorum postulata ut Espernonio e usque fratri Valois regno Gallie interdiceretur damnato rerum ab ipsis gestarum memoria. Quae postulata non Guisii modo fœderatorumque fuere sed & eorum quos sibi amicos propitiosque rex habebat itaque hoc est quod innuit ille Poliarchi in legatos Lycogenis incurfus, in fœderatorum quærela quas & multi qui à partibus Meleandri starent acerbissimo questu impleverunt Illud scimus, Regis attenta ostulata responsum quo aequum se bonumque Principem profitebatur eumque sese demonstraturum asserere ut in Espernonio animadvertere possent, sibi publicam regni utilitatem privatis commodis ac rebus quibuslibet denique priorem esse non modo fœderatis suisque non placuisse, sed & acerrimum cœpti rebellionis & à rege defectionis incentivum fuisse Accessit, quod in tractu Aquitano cum Navarro, iussu regis, Espernonius consilia & sermones sociasse diceretur quod ipsum tanquam grande nefas vel regine Dux Maynius exprobrare ausus

fuit. Atque huc spectant illa quae de querelis Lycogenis in Meleandrum libro secundo statim ab initio habentur. Legatos Lycogenis ut ignavos imbellesque à militibus aerifos, eorumque non obscurum in Toliarchum faorem; hoc vellem putem, quod per fratrem suum adversus Navarra Regem Guisius in Aquitania bellum gerendum curaverat: ubi magnarum rerum nihil ab ipso gestum, quam quod gloriosius atque illustrius regis Navarra nomen reddiderit, non sine maxima nominis sui diminutione & infamia: quam velaturus, Matignonii Marschallum, regis in Aquitania legatum, sibi in gerendo bello forum proditum reum peragere conatus est, tamquidem id subdole, ut non modo communicata ab ipso consilia cum haeticis quereretur, sed & argentum persolvendis stipendiis, victum alendis militibus instrumenta bellica, aliaque necessaria, tam parce suppeditata ut omnes bene gerendarum rerum occasiones è manibus exciderint. Quo forsant spectent illa Meleandri libro 1. ita legatos fidem ipsius appellasse, ut pene criminarentur. Neque enim tacite Maynius coram multis praese tulerat, Hugenorat non alium unquam sibi amicitorem ipso Rege expertos Consilium illud Optimatum, victo in Gelois campis Lycogene inclamantium, fœderibus opus esse, & validam populi partem Lycogeni consensisse, atque occupandum esse tempus monentium, quo rex acie victor pacem civium suum facere possit beneficium, inter quas voces plus se timuisse quam inter signa Lycogenis Meleander dicit: illud pu-

tem


tem monstrare, consiliarios regis non regi magis quam sibi rimentes, nunquam cordati alicuius consilii autores, in contraria ac noxia consilia usque dum deflexisse. Qualia certe erant illa, quod regi persuasum enixe cupiebant, divisum esse in duas partes Gallia regnum, Catholicorum nempe, & eorum qui se pro reformatu haberi velint: si neutri partium ex asse dominaretur, fore ut duabus quod aiunt sellis sit sedurus: infirmiores esse reformatorum partes, quam ut ipsi se rex addicere debeat: amplectendas ergo serio esse faderatorum partes: quo facto quicquid autoritatis Guisii apud eos magnus impendiis summisque laboribus quaesierint, totum illud è vestigio in regem derivatum iri: Unde quin occasus ruinaque gentis Lotharingica enascatur, dubium non sit: quaeque cetera sunt ejus farina. Quae quibus incommodis damnisque regem totumque adeo regnum afflixerint consilia, res ipsa plus satis docuit. Tabula Meleandro exhibita, quibus Lycogenes maris & agri Syracasani praefecturam petit, utque Erbessum & Heracleam cum praesidiis habeat in fidei pignus: designat illa, quae faderati anno MDLXXXV, post firmatam pacem edicto mensis Iulii, sibi de pacisci ausi sunt, securitati suae, utque dictum est, in fidei pignus; Caballinum scilicet in Burgundia; Leucos, Verodunum, sanctique Desiderii fanum in Mediomatricibus; Durocortorum in Cathalaunis; Augustam Suespionum, arcem civitatemque

Bibraetensem, arcem item Divionensem, & nonnullas insuper in Armorico Gallo-belgicoque tractibus urbes; Guisio speciatim Aurelianensem urbem stipulante, quæ à federatis avellere rex secretis cum Entra-gio, qui eam urbem federatis servabat, consiliis conabatur peritum simul, ut militibus in federatorum auxilia conscriptis, rex de suo ducenta scutorum aurorum millia persolveret; centum insuper scutorum millia ipsis ad exadificandam Veroduni arcem largiretur; centum etiam & sex scutorum millia condonaret, quæ ex regis redditibus in usus suos converterant; satellites singulis & sclopetarios cataphractos ad corporis custodiam concederet, quæ omnia miser ille rex adimplere sustinuit, idque nec gravate in speciem; vel majora si petissent largiturus. Hac & his similia qui viderit, nullus mirabitur, quod Barclæus à sene dictum vult, crudelem istam ipsi regi humanitatem fuisse. nec obscura quoque hinc prudentiorum iudicia, Regem, quod injuria abs se extortum esset, alia injuria repetiturum. Quod coacto ad necessitatem federum Meleandro, Lycogenes paucissimis familiarium comitatus, iisque quo fiduciam simularet exermibus, non conscientia sua, sed regis ingenio & suorum studio superbe securus: illud denotare putem, quod Guisius non pluribus octo è suis comitatus Lutetiam ingressus


gressus regem adierit. qui, p̄spectis in Guisium civium studiis, sese servatos ipsius adventu acclamantium, & non ultra morandum, sed Dominum (Guisius is erat) Rhemos descendam, quo in regem Gallie inauguraretur, silentidem ingeminantium; & ipse supplicem matrem suam ad Guisium mittere, (quam superbe contemnitque & ille habuit,) cumque nihil proficeret, clanculum ex urbe regia proficere, quo se instanti ruina mortique, quam omni intentabant, subluceret, fuit coactus. Oratio Anaximandri, libros Boucherii, Bruti Hottomanni Francogalliam, aliosque similes tangit. at posterius illud Lycogenis, quo successionem electioni postponere nititur, libros speciatim, & quod mirumur, privilegio regis munitos, hac de re editos, quæque plura scripta sunt de iusto Lotharingica gentis ad habendum Gallie regnum titulo. Infinitum fuerit, percensere omnia & singula, quæ in Lycogenis & Meleandri historia conserta sunt istis, quæ in regno Gallie, stante sacro federe, Henrico Regi, non tertio minus quam quarto, sunt oblata; quæ ipsa cum ex Annalium lectione peti possent, omnibus patent ex aquo. Corjcturus locum ullum si relinquimus, & Phorbanti, Harsficora, Cornio, & cuius denique, seu persona assignari possit, sed fuerint ista supervacua, cum contrariis conjecturis, pro im-

340 CLAVIS IN ARGENIDEM.

mensa illi, quæ undequaque se offert, circumstantiarum varietate, nulla non conjectura de facili elidatur. Majorem de hoc ipso libro discursum instituere foret opus, si, quicquid dicendum occurrit, chartis illine-
re velimus. Satius ergo, manum de tabula tollere, ne, quod olim in urbem per exiguam, cujus amplissima essent porta, dictum fuit, Darent operam cives, ne tota per illas urbes effugeret; in hunc discursum, si majorem in modum excrescat, quadrare videatur.



TABV-



T A B V L A
NOMINVM FICTORVM
IN ARGENIDE.

- A** Cegoras. *Ginuilla Princeps.*
Anaximander. *Pontanus Marchio.*
Aneroestus. *Clemens VIII, Pontifex.*
Antenorius. *Querengus.*
Aquilus. *Imperator,*
Archombrotus. *Princeps regi Francia
subditus, virtutibus heroicis, summam
facientibus spem ornatus.*
Argenis. *Deficiens in Henrico III, Vale-
fiorum stirps. vel etiam alter ab rege lo-
cus, eodem tempore à tribus amulis, Na-
varra, Alenssonio, & Guisio, callide pe-
titus.*
Arsidas. *Dux Bullonius.*
Arx non everfa. *Londinensis arx.*
Auxilia Meleandrolata. *Litera, quas an-
no MDLIX ad Franciscum Galliarum
regem Philippus Hispaniarum rex dedit.*
Britomandas pater. *Antonius Borbonius
pater.*
Britomandes filias. *Antonius Borbonius
filius. Henrici IV, pater.*
Cleobulus. *Villaregius.*

Commindorix. *Allobrogum Dux.*
 Dereficus. *Feleriscus, Comes Palat.*
 Dunalbius. *Vbaltinus.*
 Erilthenes. *Mainius Calignaci Comes.*
 Eurymedes. *Bironii Mareſcallus.*
 Gelanorus. *Tarenii Marchio.*
 Gens rudis, & ficum ficum, ſcapham ſcap-
 pham appellare ſolita. *Helvetii.*
 Gobryas. *Harlaus Sanciaci.*
 Hiero-Leander. *Hieronymus Alexander.*
 Hippophilus. *Hiſpaniarum Rex.*
 Horti Regine Mauritanie. *Vigna di Ma-
 dama in Roma.*
 Hyaniſbe. *Elizabetha Anglia Regina.*
 Hyperephanii. *Hugeneſſa,*
 Ibburranes. *Barberinus, Urbanus VIII,
 Papa.*
 Liphippus. *Rex Hiſpaniarum.*
 Lycogenes. *Dux Guiſius.*
 Lydii conjuges. *Ancraus cum uxore, in
 Gallia.*
 Meleander. *Henricus III.*
 Menocritus. *Retii Mareſcallus.*
 Mergania. *Germania.*
 Nicopompus. *Barclius.*
 Oloodemus. *Elborii Dux.*
 Peranhylæus. *Bithlem Gabor.*
 Poliarchus. *Persona eorum, in quos Gui-
 ſianorum ac Liga ſacra rabies deſcendiit:
 quales, Henricus IV, Rex Navarra, &
 Eſparnonii Dux.*
 Praxetas. *Domus Albigniaca.*
 Procerum primus in aula Hippophili.
Fran-

Franciscus Gomezius Sanctivallis, Ler-
ma Dux.

Phryges conjuges. Comes Somerseti cura
uxore, in Angl.

Purpurati Sacerdotes. Cardinales, Ler-
ma & Cleselius,

Radiobanes. Hispaniarum Rex.

Regio ab adverso litore, Siciliae æmula.
Anglia.

Selenilla. Regina mater.

Sicilia. Galliae regnum.

Timandra. Iana Albretia, Henrici IV.
mater.

Timonides. Domus Albigniacæ.

Vlinulca. Calvinus.

INDEX



785836

22.5

INDEX

IN

BARCLAI II

ARGENIDEM.

A.

A Cegoras ad Meleandrum Regem pri-
mus transiit. 284

Aceto sua vulnera lavat Poliarchus. 8

Advocatorum censura. 443

Ætna tres rivos evomit. 292

Æquitas Deorum defensa. 545. 546

Alcea Selenissæ scribit. 362

Aldinæ catellæ epiraphium. 221. 222

Anaximander Monarchiæ male affectum
se prodit. 103. 104

Aneroestus Rex Allobrogum dono ha-
buit Poliarchum. 550. proclamatur
occisus. 554. postea sacerdos Iovis Cœ-
lestis salutatur. 740. 745. Nuptias Ar-
genidis & Poliarchi vaticinio fortu-
nat. 807

Angari, ignes nocturni. 18

Antenorius sacerdos Apollinis. 218

Anna soror Hyanissæ, mater Archom-
broti. 794

Annulus datus Poliarcho ab Hyanisse
Mauritanæ Regina. 216

Annu-

I N D E X.

- Annulus Radirobanis. 268.269
- Apes, symbolum Ibburranis familiæ. 80
Reges non habent. 103
- Apio mortui victores coronantur. 313
- Aquilius regnis duobus excidit. 116
- Archombrotus ex Africa oriundus. 9. A
rusticis pro Poliarcho accipitur. 83. Re-
gem Meleandrum eripit undis. 148.149
Oloodemi & Eristhenis fugam remo-
ratur. 183. Meleandrum Poliarcho
male affectum reddit. 263. Meleandri
insignia regia induit. 299. Radiroba-
nis insidias deprehendit. 461.462.
Hyempfal inter suos vocatur. 588. Me-
leandri filius esse dignoscitur. 784.785
- Argenis cur Palladis sacris præficitur. 12.
Quo animo Poliarchi necem excipit.
46.47. Mortem sibi conscire molitur.
48. in furorem versa canit. 136. Trium-
phali curru vehitur sola. 316. Morbum
simulat. 467. Poliarcho desponsa-
tur. 789
- Armilla Poliarcho oblata. 172.191.203.
- Arfidas in Poliarchi in speluncam conce-
dit.62.ab Argenide milis. 513. in Mau-
ritaniam venit. 687. intemperie gla-
ciei exhaustæ ægrotat. 693
- Astioristes, Timandræ filius, nuncupatur
Poliarchus. 532

I N D I X.

B.

- B**acchus à Pythio vate Medicus appellatur. 386
- Balearium in vibrandis fundis peritia. 280
- Barbæ asciticiæ latronis. 66
- Bellum in Lycogenem ratum. 154. actum, 240. 241
- Bocchus ferendis epistolis delectus. 728
desert. 768. 770
- Britomandes Poliarchi pater. 528

C.

- C**aninus catulus Marti Enylio immolatur. 282
- Cereris signum. 142
- Cerovifus Sicambres maritus. 533
- Chorea qua Saturni filiis mundus sorte obtingebat. 453
- Cicuta confecti Eristhenes & Oloodemus. 236. 237
- Cleobulus Meleandro bellum consulit. 152
- Clupea urbs Mauritanix. 214
- Commindorix Tyrannus occisus ab Astiorise. 567
- Cornus nepos Radirobanis. 649. 730
- Cresler Anerocfi familiaris. 744
- Cupiditatum immodicarum fræna. 753. 754
- Dema-

D.

- D**emades Selenissæ filius. 343
 Deum existere, Anerœstus dissertit. 752
 Dianæ hymnus. 207
 Diræ in insidiantes Regibus. 20. in fœ-
 difragos. 139
 Druidum carmina. 528
 Dunalbius uni familiæ regiâ potestatem
 ad licendam esse probat. 112. Aristam
 cum Nicopompo cœna excipit. 395

E.

- E**peiræte propugnaculam Siciliæ. 141, 142
 Epithalamium Argenis & Poliarchi. 672. 802
 Eristhenis in Meleandrum conjuratio. 177
 Eurymedes Poliarchum sibi ignotum ver-
 berat. 130
 Extæ victimarum in mare projecta. 757

F.

- F**ebris largo vini potu expulsa. 386
 Fecialium religio. 138. solennia ver-
 ba. 586. 587
 Fortitudinis simulachrum. 733
 Fortunæ Deæ habitus. 355. Templum. 514

I N D E X.

Fortuna falso temeritatis insimulata.

519.520

Fuga sponsi cum virgine frequens.

407

G.

GAlatea sui Acis anxia.

53.54

Gallica connubia Siculis principibus
interdicta.

581

Gelida admota ruborem ex nimio fletu
contractum temperat Argenis.

52

Gigantomachiae descriptio.

564

Glaciei poma inserta aestate.

691

Gobryas praefectus navium. 526 à Poliar-
cho 679. ad Argenidem.

680

H.

HArficora nepos Radirobanis.

649

Heraleon insanus Poliarchum simu-
lans.

96

Hospitali Iovi exta sacrata.

690

Hyanisbe Mauritaniae regina.

215

Hyperephanii quales.

163

I.

Isburrans Lydiis.

79

Icciobates Theocrinen veneno extin-
guere parat.

363.364.

Iovis Coelestis templum.

731

Infantiae nulli expertes.

99

uba

I N D E X.

Iuba Mauritaniae praefectus Arsidam per-	
cunctatur.	<u>688</u>
Iunonis caelestis templum.	<u>525</u>
Iusjurandum in Palladis sacrario.	60
Iusjurandi formula Hyantisbes.	<u>724.725</u>

L.

L egati venarum instar.	<u>669</u>
Legum condendarum jus Regibus.	<u>609</u>
Linguae errantis gratia.	<u>372</u>
Litterarum contemptus.	<u>78</u>
Lixa urbs Mauritaniae.	204
Lycogenes Argenidem rapere contendit,	
II. occiditur.	<u>304</u>

M.

M athematicorum ludibria.	<u>243</u>
Matrimonia Principum non ex affe-	
ctu amicitiae.	<u>435</u>
Medicorum iniquissima merces.	<u>8</u>
Meleander rex Siciliae plus justo venatui	
indulget, 10. largitur immodice. 10	
Meleandri casus in terram. <u>133.</u> Sua	
insignia tradit Archombroto.	299
Mergania regio a suis principibus defecit.	<u>327.</u>
Mola asperguntur devota animalia ab	
Argenide.	<u>125</u>
Monile Eriphiles.	340
H h h 2	Nata-

I N D E X.

N.

N atalis dies Hyanishes.	<u>611</u>
Navis merfa.	<u>118</u>
Navis Meleandri infcriptio.	271
Navis Natalis, qui & Argenidis.	440
Neptuno preces.	<u>623</u>
Neptuni ara.	<u>764.765</u>
Nilus incertus patriæ.	69
Nummus Meleandri noctua insignitus.	<u>12</u>

O.

O lea cur Poliarchus coronetur.	<u>12</u>
Orationes precesque diis non vanæ.	<u>521.522</u>
Orgia.	<u>612</u>

P.

P acis imago cujus dextræ Mars olivam inferit.	<u>318</u>
Pacis Deæ verba.	<u>771</u>
Palladis simulachrum. <u>124.</u> Palladi car- men nuncupatum. <u>125.</u> à Pallade se falso liberatum putat Meleander. <u>419.</u> <u>420.</u> Palladis sacris præficitur Arge- nis.	424.
Paupertatis laus.	<u>753.754</u>
Phorbas cum furto sacculi Arsidæ aufu- git.	694.
Phthintia oppidum Siciliæ.	<u>8</u>
	Pocu-

Poculum anancæum.	236.237
Poeseos genius exerrat extra verum.	397
Poliarchus prædones abigit. 3. Perduel-	
lionis infimulatur, 23.ejus epitaphium.	
45. Argenidem Sacrorum præsidem	
ignota veste alloquitur. 130. Peiratas	
occidit. 195. Ereptas à prædonibus	
gemmas Hyanisbæ Mauritaniæ reginæ	
restituit. 213. Mercatoris speciem ge-	
rit. 402. Theocrinen puellam setan-	
dem simulasse aperit. 414. Pueri natu-	
ra. 536. Scordanes vocatur. 549. Bri-	
tomandi patri à matre offertur. 557.	
In Mauritaniam inscius appulit. 582. 583	
Ejus cum Radirobane certamen. 638.	
639. Argenidem ducit uxorem. 801	
Prodigiorum descriptio.	158.159
Prudentiæ simulachrum.	733
Purpura Argenidi oblata.	680

R.

R Adirobanes Sardiniaæ Rex suppetias	
fert Meleandro. 268.269. Argeni-	
dis nuptias petit. 337. Hyanisbæ bel-	
lum indicit, 586. occisus à Poliarcho.	
	641
Reges à suavitare amandi arcentur. 32.	
Improbatur eorum potestas. 103.104	
An ex una stirpe melius quam ex comi-	
tiis populi asciscantur. 109.110. Pre-	
cario regnant. 141. Hyperephanii Re-	
gibus infensi. 160. à Regibus defectio-	
num	

I N D E X.

num causa. [282.](#) Regum cognata potentia cœlo. [20](#)

T.

- T**Abella Veneri devota. [5](#)
 Tempestas maris. [186.](#) &c. Tempestatibus Sardi devoventur. [489](#)
 Testamentum militare. [617.618](#)
 Teutracommilcondorus [363](#)
 Theocrisæ filia Alcææ. [363.](#) Latrones occidit, [376.](#) Pallas esse creditur à Meleandro. [419.](#) Se Poliarchum esse Argenidi ostendit. [414](#)
 Themison medicus Poliarchi solvendam venam esse censet. [647.648.](#)
 Timoclea de regum amicitia differens. [33](#)
 Timandra uxor Britomandis Astioristem filium Sicambræ dat alendum. [531.532](#)
 Timonides ad ferendam Poliarcho armillam electus, [176.](#) legatus à Meleandro ad Hyanisben. [670.719](#)
 Triumphus species. [313.314](#)
 Tussim commovet caute Argenis. [67.](#)

V.

- V**estigia ab egenis non exigenda. [441](#)
 ut Regi præstanda. [599](#)
 Veneris Cœlestis templum. [596](#)
 Vestium mutatio. [89.90](#)

F I N I S.

